NUEVO TESTAMENTO Mbia Chee





Mbia Cheẽ El Nuevo Testamento en Sirionó de Bolivia

Primera edición © 1977, Liga Bíblica Internacional

Segunda edición © 2009, Wycliffe Bible Translators

www.ScriptureEarth.org

Creative Commons



Atribución-No Comercial-No Derivadas 3.0 Unported

Eres libre de:

copiar, distribuir y comunicar públicamente la obra

Bajo las condiciones siguientes:

- Atribución Debes reconocer la autoría de la obra en los términos especificados por el propio autor o licenciante.
- No comercial No puedes utilizar esta obra para fines comerciales.
- No Derivadas No está permitido que alteres, transformes o generes una obra derivada a partir de esta obra.

Entendiendo que:

- Renuncia Alguna de estas condiciones puede no aplicarse si se obtiene el permiso del titular de los derechos de autor.
- Otros derechos Los derechos siguientes no quedan afectados por la licencia de ninguna manera:
 - Los derechos derivados de usos legítimosu otras limitaciones reconocidas por ley no se ven afectados por lo anterior;
 - · Los derechos morales del auto;
 - Derechos que pueden ostentar otras personas sobre la propia obra o su uso, como por ejemplo derechos de imagen o de privacidad.
- Aviso Al reutilizar o distribuir la obra, tiene que dejar bien claro los términos de la licencia de esta obra.

http://creativecommons.org/licenses/by-nc-nd/3.0

ÍNDICE

abreviatura pá	gina
San Mateo	.1
San Marcos	
San Lucas Lc	02
San Juan Jn	
Hechos de los Apóstoles Hch 2	15
Carta a los Romanos Ro	79
Primera Carta a los Corintios 1 Co 3	80
Segunda Carta a los Corintios 2 Co 3	
Carta a los Gálatas	51
Carta a los Efesios Ef	61
Carta a los Filipenses Fil 3	
Carta a los Colosenses	
Primera Carta a los Tesalonicenses 1 Ts 3	84
Segunda Carta a los Tesalonicenses 2 Ts 3	90
Primera Carta a Timoteo 1 Ti 3	
Segunda Carta a Timoteo 2 Ti 4	
Carta a Tito Tit 4	
Carta a Filemon Flm 4	12
Carta a los Hebreos Heb 4	
Carta a Santiago Stg 4	35
Primera Carta de San Pedro 1 Pe 4	
Segunda Carta de San Pedro 2 Pe 4	50
Primera Carta de San Juan 1 Jn 4	54
Segunda Carta de San Juan 2 Jn 4	61
Tercera Carta de San Juan 3 Jn 4	
Carta de Judas Jud 4	
Apocalipsis	68
Manas 4	.99



EL SANTO EVANGELIO SEGUN SAN MATEO

Jesucristo i ñiinda amei

1 Ã ndei Jesucristo i ñiinda ã. David rei ei tuchi. Abraham abe no.
²Abraham ndei Isaac ndu. Isaac ndei Jacob ndu no. Jacob ndei
Judá ru no. Judá nongue abe ru. ³Judá rei Fares ndu. Zara ru abe no.
(Tamar rei ũquĩsi.) Fares ndei Esrom ndu. Esrom ndei Aram ndu. ⁴Aram
ndei Aminadab ndu. Aminadab ndei Naasón ndu. Naasón ndei Salmón
ndu. ⁵Salmón ndei Booz ndu. (Rahab ndei esi.) Booz ndei Obed ndu. (Rut
rei esi.) Obed ndei Isaí ru. ⁶Isaí rei David ndu. David ndei ererecua. David
ndei Salomón ndu. (Urías ninisi rei esi.) ⁷Salomón ndei Roboam ndu.
Roboam ndei Abías ru. Abías rei Asa ru. ⁸Asa rei Josafat ndu. Josafat
ndei Joram ndu. Joram ndei Uzías ru. ⁹Uzías rei Jotam ndu. Jotam
ndei Acaz ru. Acaz rei Ezequías ru. ¹⁰Ezequías rei Manasés
rei Amón ndu. Amón ndei Josías ru. ¹¹Josías rei Jeconías ru. Jeconías
nongue abe ru. Ũquĩ ngue siqui abae judíos rerao mose Babilóniaa nda.

¹²Jeconías rei Salatiel ndu no. Salatiel ndei Zorobabel ndu. ¹³Zorobabel ndei Abiud ndu. Abiud ndei Eliaquim ndu. Eliaquim ndei Azor ndu.
¹⁴Azor ndei Sadoc ndu. Sadoc ndei Aquim ndu. Aquim ndei Eliud ndu.
¹⁵Eliud ndei Eleazar ndu. Eleazar ndei Matán ndu. Matán ndei Jacob ndu.
¹⁶Jacob ndei José ru. José quia María quereco nguiã. María rei Jesús si. Cristo, i equia ee.

¹⁷Nyebe cator ce generaciones jaaja. Sã Abraham nane siqui no. David siqui mose, catorce generaciones cote. Abae judíos rerao mose Babilóniaa, catorce que aque abe mose cote ra. Cristo nyaacuquia mose que catorce aque mose cot e no nda.

Jesucristo nyaacuquia mose

¹⁸Jesucristo chaacuquia tasenei na jeje. María rei esi. María que siquicho ndei quia José ninisira nda. Nyucuaaque ru ea ngue siqui rei ra.

Nguiirĩ ngue eteachõ nguíe ye ra. Siquíã ndaque José rese. Espíritu Turã ae que eriirĩ mondo erie ye ra. ¹⁹José turãte que eriqui rei ra. Eɨreɨte que eriqui mae María rio rese ra. —Seninisirã eã nda cote reae. Ahuɨ rei ra esɨ mbia mbiiranua ndeae, i rei que ndua ndua uchɨ angui re ra. María siqui reɨ nguia emo ndese ee reaẽ. ²⁰José que ndua ndua quia erese ra. Ndua ndua mose que ángel mo ndu eque re cuu ra. Angel que ñee ee ra. —David riirĩ ño nde re. María eisi turã ño neninisirã. iNdeireɨ ngũíã ño jẽ! Emo ngue siqui āte quia erese ra. Espíritu Turã ae que eriirĩ mondo erie ye ra. ²¹Nguiirĩ nda etea. "Jesús" ere chỗ eriirĩ je. Ae quia ra mbia sirỗ tuchɨ eɨcuã sɨ, i que ángel ñee José je cuu ra. ²²Eɨ nda Dios cheẽ io cote. Ae Dios cheẽ mbuchecuasa mbesa cose nae, ũquɨ nda io cote. Ã ndei embesa ji ã:

²³ iSã jẽ! Nyucuaaque ruã nda nguiirĩ tea.

Emanuel, i ra eriiri je.

Dios riqui nanderese co, i ñi Emanuel nde, i que embesa ji cose ra. ²⁴José que ñumumba cote ra. Angel cheẽ ndui si que María rerequia turã cote ra. ²⁵José que siqui eã mbei erese ra. Nguiirĩ ndea chee. Jesús i que José eriirĩ je ra.

Mbia aquiatu nyoi Jesús itaquiei ndea

2 ¹Jesús que nyaacuquia Belén nda. Judea, i que hue ibi je ra. Herodes rei hue jenda mbia rerecua Jesús nyaacuquia mose. Mbia aquiatu mo ngue ngaẽ huee ra. Tenda semba si que ecuaẽ Jerusalén nda. ²Ūquĩ ngue ñee ngaẽ judíos je ra. —¿Mangue judíos rerecua mangue re? Ae nyaacuquia ramo nae ¿mangue mangue re? Uremae ngue nyasitata embae rese ra. Ureico mose ure récuaa. Nyebe urechu nguiã erea co. Urecoi rã urenia ndese ñee ee. ¿Ma eriqui ma nde? i que mbia aquiatu ñee judíos je ra. ³Herodes que jirandu erese ra. "Judíos rerecua nyaacuquia" i mose, Herodes que pare pare i tuchi quia ra. Siqui turã eã cote. Jerusalén jenda abe que ndua ndua jate quia erese ra. ⁴Herodes que "jenyu" i sacerdote rerecua ja je ra. Embesasa ja je abe que "jenyu" i ra. —¿Mangue ra Cristo nyaacuquia mangue re? "Hue ra nyaacuquia" ¿i embesa ji re? i que Herodes ñee ee ra. ⁵Ūquĩ ngue ñee Herodes je ra. — Nyaacuquia ra Belén de Judea. I que embesa ji ra:

⁶ Sucha ñetẽ tuchi rei Belén.

Belén de Judea.

Mbia chiicua tuchi ra Belén cote.

Hue jenda mo nda mbia rerecuarã tuchi cote.

Ae ra serimba Israel jenda teaquiatu tuchi quia cote, i que Dios chee embesa ji ra, i que sacerdotes nee Herodes je ra.

⁷Nyebe Herodes "jenyu" i nguiã ũquĩ mbia aquiatu je. Ñee ngue ũquĩ ísaa ra. —¿Manosete nyasitata embae rese jemae nde? i que ñee ee ra.

⁸Herodes que ũquĩ mbia aquiatu mondochoi Belén cote ra. —Jẽso Belén. Nyaacuquia ramo je rese jẽirandu tuchi. Jẽ erea mose, sembiirandu se. Ĩ nda se abe aso mae erese. Ĩ nda acoi senia ndese se abe ñee ee, i rei que Herodes ñee ee ra. ⁹Mbia aquiatu que nyoi cote ra. Ae nyasitata rese eriqui mae nyii nae, aque nyasitata que oso bei quia mbia rẽta ra. Tiba que ee Belén arõ cote ra. ¹⁰Nyebe mbia aquiatu ia tuchi nguiã mae mose nyasitata tiba rese cote. ¹¹Mbia aquiatu que ique tuchúaa cote ra. Huee que ãquẽ itãquieĩ ndiqui ee cote ra. Usi rese. María, i equia ee. Ngoi que ngũíã ndese eitãquieĩ je cote ra. Ñee turã ngue ee ra. Mbae que esirõ mondo Jesús je cote ra. Oro. Mbae mbushimbusa abe no. Mirra abe no. ¹²Dios que ñee mbia aquiatu je cote ra. —Jẽsochĩ nda ñee Herodes mbiirandu jẽ, i que Dios ñee ee cuu ra. Nyebe echoi nguiã Herodes abi nguécuaa.

José nyoi uchã Egíptoo

¹³ Aquere que Dio s ángel mo mondo ñee José je ra. Ñee ngue ee cuu ra. —Herodes ra eităquiei sequia sequia. Iquia serite equia co. Jeso uchă. Âque jendao sunuña Egiptoo. Esi rese. Huee jeingocho. Achee jee ra ndeje huee, i que Dios ñee José je ra. ¹⁴ José que ñumumba jua cote ra. Âque ngue ecuruchoi isa usi rese ra. Nyoi que Egipto quiti ra. ¹⁵ Chi arete que Egiptoo ra. Ererecua Herodes que mano cote ra. Dios chee ngue ique cote ra. Ei ngue Dios chee embesa ji ra:

Seriirĩ ngue aru Egipto sɨ ra, i que embesa ji ra.

Herodes ãque itaquiei iquia ja

¹6 Herodes que paama i tuchi cote ra. —Mbia aquiatu sembiiri iri ñochi. Nyebia ñochi ecuae ñee seje, i que ra. Nyebe que soldados mondo mbia riiri nacue iquia ja cote ra. Aque itaquiei ngu e eiquia iquia ja quia Belén jenda ra. Hue rurubinda ja abe no. Ngata ramo je abe iquia ja. Nyasitata nyecua quia mbia je nae, aque mosenda aque itaquiei iquia ja. ¹¹ Herodes uqui iquia mose que Dios chee ique cote ra. Ae Jeremías mbesa quia:

18 Mbia Ramá jenda nyeseo tuchi.

Eya eã tuchi nguiirĩ ndese.

Emo embia aroneãte.

Eriirī nguia mano jate nguiã ee, i que embesa ji ra.

¹⁹ José chi mose Egipto que Herodes mano nyee ra. Nyebe Dios ángel mo mondo nguiã ñe e José je. ²⁰—José, echumumba rã. Jẽso Israel cote. Ãquẽ abe erao. Esi rese. Ae ãquẽ iquia serĩte quia nae, ũquĩ ngue mano cote ra, i que ángel ñee José je cuu ra. ²¹ José que ñumumba cote ra. Nyoi que nyebi Israel quiti cote ra. Ãquẽ ngue equerao esi rese ra. ²² Herodes

riirī ngue siqui Judea jenda rerecuarā cote ra. Arquelao, i que ee ra. José jirandu mose erese que esiquiche cote ra. Oso sereāte que huee cote ra. Dios que ñee ee cuu ra. Nyebe esi nguiã Galilea cote. ²³ Sucha tubiriã mo ngue chi Galiléaa ra. Nazaret, i que hue je ra. José que nyoi bei hue, hue jendarã cote ra. Nyebe Dios cheẽ mbesa ji ique nguiã cote. Ĩ ngue Dios cheẽ nda: Nazaret jenda ra Jesús, i que Dios cheẽ nda.

Juan el Bautista Dios che senei senei

1 Emo mose que Juan el Bautista Dios chee nenei nenei mbia je cote ra. Dios chee ngue esenei senei nguia mbia je turúquiaa ra.
 2—Jendua si jeicua ndese. Jendua si Dios rese. Dios ra tu mbia rerecuara tuchi cote, i beite que Juan nguia nee nda. 3 Sã Isaías embesa nyii no:

Emo ndiqui ñeemombo mombo turúquiaa huee.

"Sã emo ndiqui ñeenda mbuquiche no, eĩ jenye sɨ chỗ nguia jẽ abe icoquiatu nandererecua je", i equia turúquiaa hue,

i que Isaías embesa ra. Juan nii si que embesa ra. 4Quiicuã mbuaera chô ngue Juan irao ra. Mbae ire chô ngue enumbicuasa no nda. Tucu mbuae chô ngue eu quia no nda. Irao quiaa riinda abe. 5 Jerusalén jenda que ngaẽ ngaẽ tuchi quia echeẽ andu ra. Judea jenda abe no. Ama Jordán nimia nduinda abe no. 6 Mbia huiicuã nenei mese Dios je, ũquĩ mose que Juan ndiqui bautizar i ee ra. Ama Jordán ye.

7 Fariseos tubiriã abe que ngaẽ ngaẽ tuchi quia Juan ndea ra. Saduceos tubiriã abe no. Juan ngue ñee asite ũquĩ je ra. —Mbei rã ño jẽingo nguiã ã. Mbae icuã nda tu mbia je nae, ¿ũquĩ nii ño jenyu quia uchã serea co re? ⁸ Jẽ mbae icuã ndecha mose Dios je, mbae turã jẽsaã saã mbei quiatu quia ee cote. ⁹ "Abraham ndiirĩ nducucha chõ nande re. Nyebe ra Dios nandemingo bei" ijenyechĩ nda jẽ! Dios Abraham ndiirĩ nducucha chao arõte raque sita je. ¹⁰ Ira rã si chỗ mbia riqui nguiã ã. Sã ira mo ndiqui ia turã no. Sã emo ndiqui ia eã no. Aque quia ra mbia maña cote. Erei sacuã. Eĩ serĩ serĩ ño Dios nguiã mbia je co, mbia mbae turã naa eã mose.

¹¹I je chô aico nguiã bautizar i mbia je co. Jẽ ndua ndua si mose Dios rese. Co chi emo ndu quia serui co. Ae quia equiracua tuchi sesi re. Ae quia etura tuchi sesi re. Ae quia ra bautizar i mbia je Espíritu Tura je. Mbia chia mbitiro sacua. Sã tata riqui mbae mbitiro no. ¹²Ae ra mbia umbae mii icúe. Etura acho ño embae re. Ae embae ea nae, ũqui nda eséi cote. Ũqui ndeisa ra ua ea mbei tata. Sã mbia quiata a chiqui chiqui no. Sã ea mii icúe no. Sã echuruique mombo tátaa no, i que Juan ñee mbia je ra.

Juan bautizar i Jesús je

¹³Jesús que tu Galilea si cote ra. Tu que Juan ndea Ama Jordán nda. Juan bautizar i sacuã ee. ¹⁴Juan ngue teã teã ndei ee ra. —¿Mañi ae ra bautizar i ndeje re? Nde chỗ bautizar ere seje ae, i rei que Juan ñee Jesús je ra. ¹⁵ Jesús que ñee ee ra. —Bautizar ere rei seje. Dios cheẽ ndui si mbae nandesaã turã ja quia, i que Jesús ee ra. Juan ngue eno i chee ee ra. ¹⁶ Juan ngue bautizar i ee ra. Jesús que usẽ oso ama si cote ra. Ibei que nyiequia ee cote ra. Espíritu Turã ngue nguichi nyurushi rã nda. Nguichi que eu Jesús rese ra. ¹⁷ Ibei jenda que ñee nda. —Seriirĩ ño co re. Sechesecua chõ co re. Seyate erese, i que Dios ñee Jesús je ra.

Jesús tambiicuã, i raque Satanás

¹Turúquiaa que Espíritu Turã Jesús rerao ra. "Tã tae Jesús je", i sacuã diablo Jesús je. ²Huee que Jesús riqui arete ra. Cuarenta días. Mbae mo ngue eu eã mbei aque mose ra. Eriãcuãte que cote ra. ³Aque mose tuchi que diablo si ee ra. Embiicuã sacuã. —Nde Dios riirĩ mose, mbichae esaã ã sita je. Ĭ nda ereu, i rei que diablo ñee ee ra. ⁴Jesús que ñee ee ra. —Tei. Sã embesa ji ñee no: "Mbia chiu achõ nda mbia mingo eã. Dios cheẽ nguia ra mbia mingo nguiã", i que embesa ji ra, i que Jesús ee ra. ⁵Aquere que diablo ererao Jerusalén nda. Querao que suruchui ibate Dios chuchua arõ nda. ⁶Ñee ngue Jesús je ibate ereco mose ra. — Nde Dios riirĩ mose, eo oso íbii no. Dios ra ndereaquiatu. Sã embesa ji riqu i ñee no:

Dios ra ángeles mondo ndereaquiatu sacuã.

Oje ra ndeisi. Nembuquichi mingue rae.

Sita ra cua iã ndei je,

i que embesa ji ra, i rei que diablo ñee Jesús je ra. 7 Jesús que ñee diablo je ra. —Sã embesa ji ñee no: "'Ma Dios sereaquiatu. Tã tae ee no', jenyechĩ nda Dios je", i ñi Dios cheẽ nde, i que Jesús ñee diablo je ra. ⁸ Aquere que diablo ererao ibi ibate mo nda. Ibate tuchi ererao cote. Diablo que ibi teacuquia ja ee ra. Ishonda abe reacuquia ja ee. ⁹ Diablo que ñee ee ra. —Sembae ja chỗ ibi re. Ibi turã ja. Ndeico mose serese, tamondo ja ndeje. Serimbarã mose nde, tamondo ja ndeje, i rei que diablo ñee Jesús je ra. ¹⁰ Jesús que ñee ee ra. —Quiatúae sesi ae, Satanás. ¿Mañi nda se nderimbarã nde? "Dios ae rese chỗ jeingo", i que embesa ji ñee ndesẽ, i que Jesús ee ra. ¹¹ Diablo que oso erecha cote ra. Angeles que ngaẽ Jesús reaquiatu cote ra.

Jesús mbia mbaaquiatu quiatu ramo

12-13 Aque mose que mbia rerecua Juan tarõ cárcel nda. Jesús jirandu mose etarõ ndese que esi Galilea cote ra. Nazaret, i que sucha tubiriã je ra. Aquere que esi siri Capernaum cote ra. Ama ndisha ji. Zabulón abe ji. Neftalí abe ji. Huee que Jesús si siri ra. 14 Isaías chimbesa Dios cheẽ ngue ique cote ra. Jesús siqui mose huee. Eĩ ngue Isaías embesa cose ra: 15-16 Mbia hue jenda ja que siqui itondáruu nyii ra.

Zabulón jenda. Neftalí jenda.

Ama ndisha ji jenda.

Ama Jordán ndobeinda.

Ae judíos eã Galilea jenda nae, ũquĩ abe no.

Ũquĩ mbia que siqui ja rei itondáruu nyii ra.

Nyaashi ngue tu ee cote ra,

i que Isaías embesa ra. ¹⁷ Aque mose bei cho ngue Jesús riqui ñee mbia je cote ra. —Jendua si Dios rese. Mbia rerecuara tuchi ra Dios namo jiri, i que Jesús quia ñee mbei mbia je cote ra.

Jēingo serui, i Jesús uchimbaaquiaturā je

¹⁸ Emo mose que Jesús si quia ama nimia ndui ra. Ama Ndisha Galilea. Huee que mae Simón Pedro rese ra. Enongue rese abe que mae nda. Andrés, i equia ee. I que eu sira mbuasa mondo mondo ii ra. Sira resenda bei rei ũquĩ. ¹⁹ Jesús que ñee ee ra. —iSerui bei chỗ jẽingo jẽ! Taembaaquiatu quiatu. Mbia teendu endu bei quia seje cote, i que Jesús ee ra. ²⁰Nyoi ja que erui ra. Sira mbuasa si que echoi hui ra. ²¹ Pe jiri que mae Jacobo rese ra. Enongue rese abe. Juan, i equia ee. Eru abe que siqui erese ra. Zebedeo, i equia ee. Huee que echi ja canoa ye sira mbuasa mbitirỗ tirỗ nda. —Jẽingo serui, i que Jesús Jacobo je ra. Juan je abe. ²² Jesús cheẽ nduibe tuchi que echoi erui ra. Canoa ndecha. Ngu abe recha.

Jesús mbia tubiriã mbaaquiatu

²³ Jesús que ngata tuchi quia Galilea rī nda. Mbia que embaaquiatu quiatu quia mbia chumunua nuásaa ra. Dios cheẽ turã ngue esenei senei nguia ee ra. Mbia rasi chumumbara que embucherõ cherõ nguia ra. ²⁴ Mbia Siri a jenda que jirandu tuchite chee erese ra. Nyebe eriqui nguiã erasi rurucuaẽ cuaẽ jate ee. Erasi chumumbara. Mbia aba checuayã nyireco abe no. Mbia quiachã quiachã je abe no. Mbia umi sayã je abe no. Jesús que embucherõ cherõ ja quia ra. ²⁵ Mbia tubiriã tuchi que siqui Jesús rui cote ra. Galilea jenda. Decápolis jenda abe no. Jerusalén jenda abe no. Judea jenda abe no. Ama Jordán ndobeinda abe no. Uquĩ jenda siqui ja Jesús rui.

Jesús mbia mbaaquiatu quiatu ibi ibate

5 ¹Mbia tubiriã ngu e chi Jesús rese ra. Nyebe Jesús nyui nguiã ibi ibate mo ndese ra. Ngoi que huee ra. Echimbaaquiatu que esiichã ngaẽ nda. ²Jesús que embaaquiatu quiatu ra.

Ae eyate riqui

³Eĩ ngue ñee ee ra:

—Ae siqui mingue quia nae, eya chỗ ũquĩ nde. Ũquĩ nda siqui Dios rese.

- ⁴Ae nyeseo quia nae, eya chõ ũquĩ nde. Dios ra embia tuchi.
- ⁵Ae eseteãte riqui nae, eya chỗ ũquĩ nde. Ibi ja ra embae cote.
- $^6\mbox{Ae}$ siqui turã sete quia nae, eya chỗ ũ
quỹ nde. Dios ra embucuata turã nguia.
 - ⁷Ae eya eãte riqui mbia rese nae, eya chỗ ũquĩ nde. Dios ia eãte ra ũquĩ ndese.
 - 8 Ae echiã turãte riqui nae, eya chỗ ũquĩ nde. Ũquĩ nda mae Dios rese.
- ⁹Ae mbia mingo tură nguia nyiese nae, eya cho ũqui nde. "Seriiri" i ra Dios ũqui je.
- ¹⁰Mbia icuã icuã mose jetura je, jeya tuchi rae. Jenderecua tuchi cho Dios riqui nguiã co.
- ¹¹Mbia ñee icuã mose jēje serii, jēya tuchi rae. Mbia icuã icuã mose jēje serii. Mbia ñee ñooño mose jenii, jēya tuchi rae. ¹²Jeñimbia chô nguia ũqui mose. Dios quia ra mbae turã tuchi mondo jēje ibate. Mbia icuã icuande jēje nyii. Ei ngue mbia icuã icua nguia Dios rimba je nyii no nda.

Tata rendi rã ndei Dios quiato

¹³Embiquesa rã no jēingo nguiã mbia je ã. Sã embiquesa turãte no. Eise quiachamba mose, eicuã tuchi ra cote. Mbia ra emombo chô cote. Mbia ra irõ no erese. ¹⁴Tata rã no jēingo nguiã mbia Dios quiatoã je ã. Mbia sucha cuasu raã mose ibi ibátee, mbia ra mae ja erese. ¹⁵Sã nandeico lámpara mendi no. Sã nandeico eati eã no. Sã nandeico emii eã mbaequi re no. Erendi checua chô nda nandemii nguiã. Mbia resae ja sacuã. ¹⁶Ei jenye si chô nguia tata turã na. Mbae resae turã mbia je. Ei jenye mose ra mbia mae jēturã ndese. Ñee turã nda jendu ibatenda je cote.

Jesús mbia mbaaquiatu quiatu Moisés chimbesa rii

17 Dios cheẽ ique ja sacuã ño achu nguiã co. Moisés cheẽ mbutiã sacuã eã ño ngue achu nguiã. Dios cheẽ mbuchecuasa cheẽ mbutiã sacuã eã ño ngue achu nguiã. 18 Tacheẽ nyecua jẽje. Moisés cheẽ nda ique ja. Ibei ra ua. Ibi abe ra ua no. Moisés cheẽ nguia ra ua eã mbei. Ique ja chee rae. 19 Dios cheẽ tubiriãte raque mbia je, mbia echeẽ mumbayã sacuã. Emo echeẽ mii mumba mose, Dios biãte ra ũquĩ, Dios siqui mose ererecuarã tuchi cote. "Dios cheẽ mii emumba", i mose emo, Dios biãte ũquĩ. Ae echeẽ mumbayãte quia nae, Diosbi tuchi chố ũquĩ nde. Ae ñee nguia mbia je nae, "Dios cheẽ jemumbayã ja" i quia mbia je nae, Diosbi tuchi chố ũquĩ nde. 20 Tacheẽ nyecua jẽje. Fariseos uturã saã saã tuchi raque. Embesasa abe uturã saã saã tuchi raque. iJẽ nguia jẽingo turã tuchi ũquĩ si jẽ! Jẽ jẽingo turã eã mose ũquĩ si, jẽingo eã nda Dios rese, Dios siqui mose mbia rerecuarã.

Paama jenyechi nda emo je, i Jesús

²¹ Amei ñee ngue jeñandu rei ra. "Mbia mo nda ereiquiachi. Nde mbia mo iquia mose, nde abe ra mbia ndeiquia arõte", i rei que amei nda. ²² Se

quia tacheẽ nyecua jẽje. Jẽ paama i chooño mose jenongue je, mbia ra jeiquia arõte. "Ndeaquiatuã nde" jenye mose jenongue je, mbia ra jëiquia arõte. "Ndearacuayã nde" jenye mose jenongue je, jẽso arõte ra tata cuasu. ²³⁻²⁴Nembae ofrenda rerao mose Dios je, endua rã nyii, emondo nonde ee. Ndenongue mo paama i mose ndeje, ofrenda esecha rã oso ñee ndenongue je. Jeñimbuturã na nguia nyii. Aquere quiatu eso nyebi ofrenda mee Dios je cote. ²⁵Emo mbia rerecua mbuqueta queta mose nderiĩ, ndeturã ño ee. Echeẽ turã ño ee. Jẽ ae chỗ jeñimbuturã jenyue. Ĩ nda ndererao icuã eã. Ndererao mose ra ndetarõ mbei cárcel. ²⁶Huee ra ereico bei. Nembae mondo ja tuchi chee ee.

Emo mae mose cuña mo osei osei, adulterio i uqui je

²⁷ Amei ñee ngue jeñandu rei ra. "Emo ninisi rese ra jēingochī", i rei que ra. ²⁸ Se quia tacheẽ nyecua jēje. Emo mae icuã mose cuña mo ndese, "aque rese nda aico raã ña" i mose, ũquĩ abe eicuãte. Siqui raanguia erese chỗ ũquĩ nde. ²⁹Nderesa mae mose mbae icuã ndese, echoo mombo. Nderesa nemingo serĩ mose mbae icuã nde se, echoo mombo. Coche nderesa mii eremombo nguiã. Ĩ nda nderete osoã tata cuásuu. ³⁰Ndeo nemingo mose mbae icuã ndese, echisia mombo. Coche ndeo mombo nguiã. Ndequiato cutinda raque. Ĩ nda nderete osoã tata cuásuu.

Jeninisi ra jemombochi je, i Jesús

³¹ Amei ñee ngue jeñandu rei ra. "Emo ngũinisi mombose mose, sã emombo chõ. Papel mbesa ji emondo ee", i rei que amei nda. ³² Se quia tacheẽ nyecua jēje. iJeninisi ra jemombochĩ jẽ! Jeninisi siqui mose emo ndese, ũquĩ mose mii ño jeninisi jemombo arõte raque. Jẽ emombo chooño mose, jẽingo jeninisi mingo adulterio rese ũquĩ. Ae emombo ji quereco cote nae, ũquĩ abe eicuãte no. Adulterio, i chỗ ũquĩ je re.

Jurar jenye jirichi nda je

³³ Amei ñee ngue jeñandu rei ra. "Jurar jenye mose Dios je, jeñee nda jembuchebichĩ ee", i rei que amei nda. ³⁴ Se quia tacheẽ nyecua jẽje. iJurar jenye eã mbei tuchi jẽ! Ibei riĩ abe jurar jenye eã jẽ. Dios recua chỗ ibei re. ³⁵ Ibi riĩ abe jurar jenye eã jẽ. Dios ironguia chỗ ibi re. Jerusalén nii abe jurar jenye eã jẽ. Dios mbae tuchi chỗ Jerusalén nde. ³⁶ Jeãquĩ nii abe jurar jenye eã jẽ. Jẽa mii mo jembushĩ aroneate. Co mii jemondei aroneate no. ³⁷ iJurar jenye eã jẽ! "Ae" jenye chỗ. "Tei" jenye chỗ. Ūquĩ mii no jeñee. Jurar jenye mose, eicuấte ũquĩ.

Emo icuã mose jēje, jēturā ño ee

³⁸Amei ñee ngue jeñandu rei ra. "Emo nderesa mungue mose, nde abe aque resa emungue. Emo nderei siquio mose, nde abe erei esiquio",

i rei que amei nda. ³⁹Se quia tacheẽ nyecua jēje. Mbae icuã nda jēsaãchĩ mbia icuã je. Emo ucua mose nderitii rese, nderitii ribisho abe eteacuquia ee. ⁴⁰Emo demandar i mose ndeje, "nembae camisa emondo seje" i mose, emondo chõ ee. Ndeirao nongue abe emondo ee. ⁴¹"Sembae mbae usi erao jiri seje", i mose emo ndeje, peebe jiri erao ee. ⁴²Emo ache ache i mose ndeje, emondo ee. "Mbae mo prestar ere seje" i mose emo, emondo ee.

⁴³ Amei ñee ngue jeñandu rei ra. "Ae eturãte riqui ndeje nae, echesecua erese. Ae ndeucuãyã nguia nae, nde abe eucuãyã" i rei que amei nda. ⁴⁴ Se quia tacheĕ nyecua jēje. Echesecua chō ndeucuãyãsa rese. Mbae turã esaã ño nguia ee. Ae ñee icuã nguia nderiĩ nae, echeẽ turã ño nguia nde ee. Ae eicuãte riqui ndeje nae, ũquĩ nii eico ñee turã Dios je. ⁴⁵ Eĩ jenye mose ra Ibatenda riirĩ turã tuchi jē. Dios quiarei eturã mbia ja je. Mbia turã je. Mbia icuã je abe no. Dios quiarei tenda mbusẽ turã mbei mbia turã je. Eicuã je abe no. Dios quiarei ama mbuchaaqui turã mbei mbia turã je. Eicuã je abe. ⁴⁶ Ae eturãte riqui mbia jēje nae, ũquĩ achō je jēturã mose, eicuāte ũquĩ. Mbia icuã abe mbae turã saãte uquiato achō je. Eĩ jenyechĩ nda jẽ. ⁴⁷ Jēquiato achō je jeñee turã mose, aba biāte ũquĩ. Eĩ ño Dios quiatoã abe nguiã ñee turã uquiato je. ⁴⁸ Jē nguia jẽingo turã mbei mbia ja je. Sã jendu Ibatenda turã mbei riqui no.

Mbae tură jesaa nyecuaya no nguia

1"Sã mbia mae ja sechiao turã ndese", jenyechĩ nda mbae turã naa mose. Mbia résaa achō nda mbae turã jēsaã saãchĩ jē. Ũquĩ jēsaã saã mose ra jendu Ibatenda mbae turã mee eã jēje. ²Jēingo mose mbae mee mee mbaecha reã je, jemondo checuayã ño nguia ee. Mbia mbiirandu randu eã. Ae uturã saã saã nguia nae, ũquĩ na nda jēingochĩ. Dios ra mbae turã mee eã ũquĩ je. "Sã mbia mae ja sechiao turã ndese", jenyechĩ nda jẽ. ³Mbae turã jēsaã mose, jēsaã mingue chõ. ⁴Mbae turã jēsaã nyecuayã ño. Jēingo mose mbae turã naa naa nyecuayã, Dios ae ra mae jēturã ndese. Ae quia ra mbae turã mee nyecua jēje cote.

Eĩ jenye chỗ ñee Dios je, i Jesús

⁵ Jeñee mose Dios je, jeñee mingue cho nguia ee. Utura naa naasa ra nda jeingochi. Úqui ndiqui nyoi choi mbiásaa ñee sacua Dios je ũqui. "Sã mbia mae ja serese sechee mose Dios je", i equia ũqui. Mbia riqui mae jate raque erese. Dios quia ra mbae tura mee ea ee. 6Nde ñeese mose Dios je, nde ae cho echee nguia ee ndechuchúaa. "Sa mbia mae ja serese", erechi nda je. Nde a e cho echee nguia ee. Dios ae ra siqui nderese. Dios ae mbae icua ja nguia. Ae quia ra mbae tura mee ndeje cote.

⁷Nde ñee mose Dios je, hue rĩ beite ra ereicochĩ ñee ee. Eĩ ño Dios icuasa reã nguiã ñee ndaque Dios je. "Hue rĩ urecheẽ mbei mose ra Dios

ureandu", i rei nguiã. ⁸ Ũquĩ na nda jẽingochĩ. Ae mbae ãte riqui jẽje nae, ũquĩ Dios icuate quia co. Jeñee nonde ee. "Mbae embu ure je", jẽ i nonde ee. ⁹ Eĩ jenye chỗ nguia ñee Dios je:

Paba Ibatenda, sã mbia ñee turã mbei quia nderii.

10 Mbia rere cuarã ja sacuã echu jei íbii.

Sã mbia ibatenda riqui siqui beite ndebi rese no.

Sã mbia ibi jenda abe riqui ndebi rese.

11 Ae ra ureu namo, ũquĩ embu rã urechiurã.

¹² Ae uresaã icuã icuã ndeje nae, ũquĩ embutiã ná uresi. Sã ureico tesarei mbia icuã icuã mose ure je no.

13 "Mbae icuã jēsaã" iichī nda emo ure je jē!

Urereaquiatu bei quia mbae icuã si.

Nde mii ño mbia rerecuara nde.

Nde mii ño ndequiracua nde.

Nde mii je mbia ñee tură sacuă mbei. Amén.

Eĩ jenye chố nee Dios je. ¹⁴Mbia icuã icuã mose jẽje, jẽtesarei chố esi. Eĩ jenye mose ra Dios Ibatenda abe jeicuã mbutiã jẽsi. ¹⁵Jẽtesarei eã mose mbia icuã si, Dios abe ra jẽicuã mbutiã eã jẽsi.

"Sã mbia mae ja serese" jenyechĩ nda hui mose jenyiu si

¹⁶ Jenyiu si jēhui mose Dios je, "sā mbia mae jate seyayā ndese", jenyechī nda ñee. Jendesa ia eā techī nda aque mose jē. Eī ño uturā naa naasa nguiā. Mbia nda mae ja rei nguiā erese. Dios quia ra mbae turā mee eā ee. ¹⁷Ndehui mose ndechiu si Dios je, ndeya chō eico. ¹⁸Sā mbia jiranuā nderiācuā ndese. Sā Dios ae jirandu nderiācuā ndese. Dios quia mbae icua jate nguiā. Ae quia ra mbae mee ndeje cote.

Jembaerã ibatenda rese quia jeingo ndua ndua

¹⁹"Mbae turã tamunua nu a sembaerã aa íbii", jenyechĩ nda jẽ. Chicuaquiareĩ nda eu arõte. Emo embuquiachã arõte jẽsɨ. Eichoi arõ ndete no. ²⁰Ibate quia mbae jemunua nua jembaerã. Ibate quia ra chicuaquiareĩ eu eã. Ibate quia ra jembaerã ichoi eã mbei. Ibate quia ra emo embuquiachã eã jẽsɨ. ²¹Jembaerã chɨ mose ibate, Dios rese ra jẽingo ndua turã. Jembaerã chɨ mose íbii, ibi jenda mɨi ndese ra jẽingo ndua.

Nanderesa mbae resae nanderete je

²²Nanderesa quiarei mbae resae nanderete je. Nanderesa turã mose, nanderete abe ra oso turã. ²³Nanderesa icuã mose, nanderete abe ra oso icuã icuã no. Tat a rendi rã jẽingo bei. Ũquĩ mose ra jẽingo jiri jiriã itondáruu.

Mbae isiquia Dios quiato eã

²⁴Erimba mii mo siqui aronea ererecua nyeremo ndese. Ererecua nyeremo mose, huee ra erimba ererecua nongue ucuayã. Ererecua nongue

ra ebite. Eĩ si chỗ mbia re. Ae ndua beite quia mbae isiquia rese nae, ũquĩ siqui aroneate Dios rui. Ae siqui beite quia Dios rese nae, ũquĩ nguiarei ndua eã jiri mbae isiquia rese.

Dios uquiato teaquiatu bei

²⁵"¿Mbae ra nandeu re?" jenyechĩ nda quicoi coi jẽ. "¿Ma tiru ra nandemingue re?" jenyechi nda quicoi coi no je. Mbia chiu ae ra mbia mingo eã. Mbia irao abe ra mbia mingo eã no. ²⁶Sã nguirei no. Mbae tiquiayã ndaque. Mbae ishao eã ndaque no. Mbae ruacuã eãte raque embae no. Dios ae quiarei embuquiaru quiaru bei. Je nguiarei Dios queteamba tuchi nguirei si. Dios ae jembuquiaru nguia je no. 27 Mbi a ae ra tiaro ea. "Se ra atiarombe", i raque ndua ndua uchiangui re. Dios ae mbia mbutiaro nguiã. 28"¿Ma tiru ra nandemingue re?" jenyechi nda pare pare i je. Sa mbae uti no. Sa mbae uti turate riqui no. Mbae ao ao eã ndaque. Ninyu mburirã ndirã eã ndaque. 29 Dios ae chỗ mbae uti mbutură nguiă. Mbae uti quiarei etură jiri Salomón si. Salomón turăte raque. 30 Sã Dios quiata mbuturã no. Quiata mano jeite raque. ¿Mañi nda Dios jembiirao ea je nde no? ¿Mbaera jeingo Dios icuayate re? 31 "¿Mbae ra nandeu re?" jenyechi nda pare pare i je. "¿Mbae ra nandembei re?" jenyechi nda pare pare i je. "¿Ma tiru ra nandemingue re?" jenyechi nda eno jē. 32 Ei no Dios quiato anguia. Je nguia jendu Ibatenda tesareia mbeite nguiã jesi. 33 Je nguia jeingo tuchi Dios rese jenderecuara. Sa Dios turate no. Uqui na no jeingo. Uqui mose ra Dios mbae mee mee mbei jeje. Jenyiurã. Jeñimbeirã abe no. Jeiraorã abe no. 34"Mbae tiã ñochi nda seje isamami nde", jenyechi nda pare pare i je. Isamaminda rese ra jendua nduachi namo je. Namonda mii ndese jendua namo no. Isamami nguiatu jendua isamaminda rese.

"Eicuãte que co ra", jenyechi nda emo nii

7 1"Co que eicuāte ra", jenyechī nda emo nii. "Jēicuāte" iā nda Dios jēje chā. 2Mbia icuā mose, jeñeechī nda ee. Jēturā mose ee, Dios abe ra eturā jēje. Mbae jemee mee turā mbia je. Dios abe quia ra mbae mee tuchi jēje cote. Jē embisē mee mose emo je, Dios abe ra embisē mee jēje no. ³¿Mbaerā jēingo "eicuā" i emo je re? Jē jēicuā tuchi mose esi. "Mbae ñetē ndiqui nderésaa aque", jenyechī nda emo je, jē mbae cuasu rerequia mose jendésaa jē nguiatu. 4-5"Mbae turā ndese chō jēingo", jenyechī nda jē jēicuā mose jē. "Mbae ñetē tasirō nderesa si", jenyechī nda mbae cuasu siqui mose jendésaa jē. Jē nguia jēturā jēsaā saā ñote nguiā aque. Jē nane nguia jēturā ndiqui. Aquere quia jeñee emo mingo turā cote. 6Sā mbia mo ndiqui perro rā si no. Teasu socoi quía rā abe no. Ūquī nguiarei mbia icuā mbei Dios cheē andure. Dios cheē isi teā teā. Dios cheē jēsenei eā ūquī je cote. Emo je quia jēsenei cote.

Jeñee mose Dios je, mbae ra emondo jeje

⁷Jeñee mbei mose Dios je, mbae ra emondo jēje. Jē mbae mo ndequia mose, jētea rae. Jē eiquesa mbuu mbuu mose, ũquĩ mose ra embuquiata jēje no. ⁸Ae ñee mbeite quia Dios je nae, mbae ra Dios mondo ee. Ae mbae mo sequia beite quia nae, tea rae. Ae eiquesa mbuu mbuu quia no nae, equia ra ee no. ⁹Jendiirĩ "mbichae embu seje" i mose, ¿sita ra eru mee ee re? ¹⁰Jendiirĩ "sira embu seje" i mose, ¿mbei ra eru mondo ee re? ¹¹Mbia icuã nyee mbae turã mondo mondo quia nguiirĩ je ã. Jendu Ibatenda quia ra mbae turã tuchi mee jēje, jeñee mose ee. ¹²Sã jēyate riqui mbia siqui turã mose jēje no. Eĩ jenye si chỗ nguia siqui turã mbia je no. Moisés chimbesa tuchi chỗ ũquĩ nde. Dios quiato cose ndare chimbesa ja chỗ ũquĩ nde.

Eiquesa chumumbi

¹³Eiquesa chumumbi rĩ ño jẽso ique jẽ. Aque ñeenda oso quia tata cuasu nae, eicoi chố aque re. Ae eiquesa ngasẽ nguia tat a cuasu nae, eicoi chố aque no nde. Hue rĩ mbia tubiriã ndiqui nguiã ũquĩ. ¹⁴Ñeenda nongue rui quiatu ngasẽ nguiã Dios je. Aque ñeenda quiarei echumumbi. Echumumbi chố aque ñeenda iquesa re. Mbia mɨi mɨi ño siqui nguiã aque ñeenda rui. Ũquĩ nguia ra Dios mingo bei.

Sã ira ae ia ae ae no

¹⁵Ae Dios cheẽ senei ñooño nguia nae, aba mbɨirī ɨrīsa chö ũquĩ nde. Ũquĩ ndei Dios quiato raã ñooño. Mbia mbɨirī ɨrīsa Dios rɨï. ¹⁶Sã ira ae e a ae ae no. Uva a rã eã nda nyu a ia no. Ea ae eno nde. Higo a rã eã nda isio rashĩ a no. Ea ae eno nde. ¹⁷Eĩ sɨ chö mbia no nde. Mbia turã nda siqui mbae turã ndese. Mbia ɨcuã nda siqui mbae ɨcuã ndese no. ¹⁸Ira turã mose, ea abe ra eturã. Nyɨabi aronea. Ira ɨcuã mose, ea abe r a eɨcuã no. Ei rã sɨ ra ea. ¹⁹Ira mo ia turã eã mose, nyisia rae. Mendi rae. ²⁰Dios cheẽ nenei neneisa chö jēɨcua rã. Dios cheẽ nduɨ sɨ eriqui turã mose, Dios quiato chö ũquĩ nde. Dios cheẽ nduɨ eã mose, Dios quiato eã ño ũquĩ no nde.

Mbia ra ique ja eã

²¹ "Sererecua" i rei mbia tubiriã nguiã seje ã. Ũquĩ nguia nda ique ja eã nguiã serécuaa. Ae siqui Seru Ibatenda cheẽ ndui nae, ũquĩ mii ño nda ique serécuaa. ²² Aque mose ra mbia ñee tuchi seje. "Jesús, ndecheẽ ngue urembuchecua checua tuchi quia mbia je resẽ. Aba checuayã ngue urejea jea tuchi quia mbia si nderiĩ ndesẽ. Mbia mae sayã ngue uresaã saã tuchi quia nderiĩ ndesẽ", i tuch i rei ra mbia seje. ²³ Ũquĩ je ra acheẽ. "Co aico jẽicuayã mbeite co resẽ. Jẽso serecha. Mbae icuã aosa chỗ jẽ nde", ae ra ee.

Tuchua nyeremo

²⁴Ae siqui serese, ae secheẽ mumbayã nguia nae, ũquĩ nguiarei eturã tuchi. Tuchua ãtã aosa rã ño ũquĩ nde. Sã eaquiatu mo tuchua ao sita turã arõ no. ²⁵Ama nyaaqui mose, amandi cuasu raque. Quiririã abe ichu ichu raque tuchu a je. Tuchua mbuquiata aroneate. Sita turã arõ nguia ngue uchuchu a ao nguiã. Eĩ si chỗ secheẽ mumbasa rẽ a nde. Tuchu a ãtã aosa rã si. ²⁶Ae secheẽ mumba quia eandu mose nae, eaquiatuã na ño ũquĩ nde. Sã eaquiatuã mo uchuchuarã ao no. Aque quiarei ibi ribicoi tuchiã. Sita quiishĩ arõchi chỗ uchuchua ao nguiã. ²⁷Ama nyaaqui mose, amandi cuasu ee cote. Quiririã abe ichu ichu tuchua je. Aque quiarei iãcuã mbucoi asi mondo. Eĩ si chỗ secheẽ mumbasa re, i que Jesús ra.

²⁸Jesús que huɨ ucheẽ sɨ cote ra. Mbia que nyuruɨra tuchɨ echeẽ andu ra. ²⁹Ererecua rã ño ngue eriqui nguiã mbia mbaaquiatu quiatu.

Jesús mbia leproso mbucherõ

Plesús que nguichi ibi ibate si cote ra. Mbia cuaběte que siqui erui ra. ²Emo ndasi que tu ee ra. Leproso, i que aque erasi je ra. Tu que ngoi ngũíã ndese ñee Jesús je ra. —Sererecua, nde sembucherõse mose, sembucherõ se, i que ñee Jesús je ra. ³Jesús que oco erese cote ra. — Echerõ cote, i que ee ra. Echeẽ mosebe que nyerõ nda. ⁴Jesús que ñee ee ra. —iErecheẽchĩ nda mbia mo je jẽ! Eso nderasiã ndeacuquia sacerdote je cote. Moisés cheẽ ndui si chỗ mbae mo emondo Dios je. Eĩ nda mbi a jirandu nderasiã ndese cote, i que Jesús ñee ee ra.

Jesús soldado rerecua rimba mbucherõ

⁵Jesús que oso sucha tubiriã Capernaum cote ra. Soldado rerecu a mo ngue tu ñee ee ra. Capitán ngue ae ra. 6—Sererecua, serimba rasite riqui sechuchua huee. Erasi tuchi. Umi umi savã tuchi, i que capitán ñee Jesús je ra. ⁷—Taso embucherõ, i que Jesús echeẽ mose ra. ⁸Capitán ngue ñee Jesús je ra. —Seicuãte aico co, Jesús. Sechuchua ra ereiquechi. Echeeño. Ndechee acho no emondo serimba mbuchero sacua. 9Se abe sererecua riqui co. Echee amumba aroneate quia co. Se abe soldados rerecua aico nguiã co no. Sechee abe emumbavate quia co no. Eso, i mose, sechee mumbayate no. Echu, i mose, seche mumbayate no. Se ne mose serimba je, seche mumbayate no. Ndequiracua na eate raque se, i que capitán ñee Jesús je ra. ¹⁰Echee andu mose que Jesús nyuruirate ra. Ñee ngue nguesenda je ra. —Tachee nvecua jeje. Capitán ndiqui sejcua tuchite co. Seicua tuchite equia judíos mo si co. 11 Tachee nvecua jeje. Ae judíos eã emo jenda ja nae, ũquĩ tubiriã nda siqui Dios rese. Dios siqui mose mbi a rerecuarã. Ũquɨ tubɨrɨäte ra quiaru turã Abraham ndese. Isaac rese. Jacob rese no. Judíos eã ndaque ũquĩ. 12 Dios quia ra judíos mombo

itaicuee. Itondáruu. Huee ra nyeseo tuchi cote. Erasite ra huee cote, i que Jesús ñee judíos rii nda. ¹³Jesús que ñee capitán je cote ra. —Eso chô ndechuchúaa cote. Ereico seicuate co. Nyebe ndecheẽ amumba eã nguiã nderimba mbucherõ, i que Jesús ee ra. Jesús cheẽ mosebe que erimba nyerõ nda.

Jesús Pedro ninisi si mbucherõ

¹⁴Jesús que oso Pedro chuchua cote ra. I que Pedro chari rasi u nyaara ee ra. Eracu tuchi que ra. ¹⁵Jesús que oco ari o rese ra. Eracu que ti i cote ra. Ari que juã cote ra. Mbae que echao chao quia mbia chiurã cote ra.

Jesús mbia rasi chumumbara mbuchero

16 Itondaru ramo mose que mbia erasi rurucuaẽ cuaẽ tuchi Jesús je ra. Ae aba checuayã quereco qui a nae, ũquĩ ndurucuaẽ tuchi Jesús je. Aba checuayã ngue usẽ usẽ nguia mbia si Jesús cheẽ mose ra. Erasi chumumbara que embucherõ cherõ tuchi quia ra. 17 Ūquĩ mose que Isaías cheẽ io cote ra. Eĩ ño ngue Isaías embesa cose ra: "Dios rucucha que nandeicuã sirõ nandesi ra. Dios rucucha que nanderasi sirõ nandesi no nda", i que Isaías embesa ra. Ūquĩ ngue io cote ra.

Jesús rui taico, i raque emo

18 Mbia cuabēte que Jesús mamate ra. Nyebe Jesús ñee nguiã uchimbaaquiatu je. —Nyao rã sobei, i rei que ee ra. 19 Aque mosete que embesasa mo ñee ee ra. —Taico bei nderese. Ndeso mose manguiti, se abe ra aso bei quia nderese, i rei que ñee Jesús je ra. 20 Jesús que ñee ee ra. —¿Mbae rasi ra eresaã saã serese re? Eoita quia ecua jiri re. Nguireí nguia equisa jiri no nde. Se quia sequisayã mbei re, i que Jesús ee ra. 21 Echimbaaquiatu mo ngue ñee ee ra. —Sererecua, sã paba mano na. Aquere quia ra aico bei nderui cote, i rei que Jesús je ra. 22 Jesús que ñee ee ra. —Sã mbia ataque cho nderu chati. Eico cho serui nde, i que Jesús ñee ee ra.

Jesús quiririã icuã icuã mbutiba; ama ndebera abe

23 Jesús que ua canoa ye cote ra. Uchimbaaquiatu rese. 24 Ama ndiit e re mose que quiririã icuã icuã ndu ee ra. I rebera que ique ique tuchi quia canoa ye ra. Jesús que uque oso quia canoa ye ra. 25 Nyebe echimbaaquiatu Jesús mumba nguiã. —Urembaaquiatusa, echumumba. Ureraaro nã. Nandemanochi nda re, i que ñee Jesús je ra. 26 Jesús que ñee uchimbaaquiat u je ra. —¿Mbaerã jēsiquichete riqui re? ¿Seicuayāte equia ã nde? i que Jesús ñee ee ra. Nyuruã ngue ñee asite quiririã je cote ra. Ama je abe no. Quiririã ngue ti i echeẽ mose cote ra. Ama abe. 27 Echimbaaquiatu que nyuruira tuchi mae Jesús quirãcuã ndese ra. —

Quiriria echee mumbaya nochi. Ama abe echee mumbaya nochi, i que nee nee nyue cote ra.

Jesús aba checuayã icuã jea

²⁸Jesús que ngasẽ ama ndobei cote ra. Gadara, i que hue ibi je ra. Amei mo nyeremo ngue ngaẽ ngasẽ Jesús je ra. Mbia raaque tãsa si chỗ ngue ecuae ngase Jesús je ra. Aba checuaya icua no ngue siqui tuchi nguia ũquĩ ñiangui re ra. Aba checuayã ño ũquĩ mbiicuã tuchi nguiã. Nyebe mbia mo hue rurubiã mbei nguiã. ²⁹ Ũqui ngue ñee asite cuae Jesús je ra. —¿Mañi ere ra equia ure je re, Jesús? Dios rucucha chỗ nde re. ¿Urembasi jei sacuã no erechu aa re? i que nee tuchi Jesús je ra. 30 Chiasu socoi tubiriã ngue chi quiaru huee rurubi ra. 31 Nyebe aba checuayã icuã ñee jate nguiã Jesús je. —Nde urejea mose mbia si, chiasu chiangui re ureso rã, i que aba checuayã ñee Jesús je ra. 32—Eno, i que Jesús ee ra. Nyebe aba checuayã use ja nguiã amei ñia si cote. Chiasu chiangui re que echoi ja ra. Chiasu que uchã ja choi nyiichere ama nimia mbucu ri nda. Ama ndisha ye que echoi ja mano nda. 33 Chiasu raarõsa mundite que ra. Mae mose erese. Nyoi que mbia mbiirandu jate chiasu rese ra. —Jesús que amei mbuchero nda. Aba checuaya ngue ejea esi ra, i que maesa erese nee mbia ataque je ra. ³⁴Nyebe hue jenda nyoi ja nguiã ñee Jesús je. —Eso rã urerecha urerecua si, i jate que hue such a jenda ñee Jesús je ra.

Jesús emi sayã mo mbucherõ

Jesús que ua canoa ye cote ra. Nyoi que sobei ra. Ngasẽ ngue uchuchúaa cote ra. ²Mbia que erasi mo curucuaẽ quisa ye ee ra. Emi sayāte que ae ra. —Erurucuaẽsa riqui seicua ũquĩ, i que Jesús ñee uchiangui re ra. Nyebe ñee nguiã emi sayã je. —Echimbia chō, Echo. Ndechisaã mbae icuã ambutiã nguia ndesi a, i que Jesús ñee umi sayã je ra. ³Embesasa que ñee nyue ra. —Jesús riqui Dios ibatenda raã naa ñochĩ co, i que ñee nyue ra. ⁴Jesús que ũquĩ ndua ndua icuate quia ra. Nyebe ñee nguiã ee cote. —¿Mbaerã jẽingo ndua ndua icua nde? 5¿Ma mbaranguiatuã eã jiri jẽje re? ¿Mbia icuã mbutiã esi ere? ¿Mbia rasi mbucherō ere no? ¿Ma mbaranguiatuã eã jiri jēje re? 6Dios rucucha rei se. Mbia chiao icuã mbutiã aquiatu chō se re. Sequirãcuã tateacuquia jẽje, i que Jesús ñee ee ra. Ñee ngue erasi je cote ra. —Ehuã na. Ndechuchua eso cote. Ndequisa abe erao, i que Jesús emi sayã je ra. 7Emi sayã ngue juã asi oso ra. 8Mbia que nyuruira ja u mae emi sayã ngata rese ra. Mbia que ñee turã ja Dios quirãcuã nii cot e ra.

-Serui bei eico, i Jesús Mateo je

⁹Mateo, i que emo je ra. Ae que impuestos isi isi bei quia mbia rerecua mbaerã nda. Jesús que ngasẽ ee cote ra. Ngoi que hu i plata isi

isi impuestoră nda. —Serui bei eico, i que Jesús ñee ee ra. Ae Mateo juă oso nguiă erui. ¹⁰Emo mose que Jesús nyoi quiaru erese ra. Impuestos isi isiquia ata que chi quiaru erese huee ra. Echimbaaquiatu abe rese. Mbia icuă mo abe que chi quiaru erese no nda. ¹¹Fariseos que ñee icuăte Jesús chimbaaquiatu je ra. —¿Mbaeră Jesús riqui quiaru mbia icuăte rese re? i que ñee nda. ¹²Nyebe Jesús ñee nguiã ee. —Sã mbia rasiã ndiqui aba mbucherõsa requia eãte no. Sã erasi chō ndiqui erequia no. ¹³¿Ã embesa ji jēicuayāte re?

"Mbae mo jemee seje", ae eã nguiã jēje co.

"Jēya eã no mbia rese", ae cho nguiã jēje co, i que embesa ji ra. Ūqui embesa ji jēicua jiri ae. "Jenyu seje", aeã ngue u nguiã mbia turã je. Mbia icuã je cho ngue achu nguiã "jenyu seje" i, i que Jesús nee ee ra.

Jesús chimbaaquiatu hui ãte uchiu si

14 Juan ñimbaaquiatu que ngasẽ ñee Jesús je ra. —Ure quia ureico nguiã hui hui urechiu si ã. Fariseos chimbaaquiatu abe hui hui quia uchiu si no. ¿Mbaerã ndechimbaaquiatu riqui hui ãte uchiu si ã nde? i que ñee Jesús je ra. 15 Jesús que ñee ee ra. —Sã emo ndiqui ngũinisirã isi ramo no. Sã eresenda iate riqui quiaru erese no. Sã eriqui hui aroneate uchiu si aque mose no. Sã eru riqui mano emo mose no. Aque mose quiatu ra equiato hui uchiu si cote. 16 Sã emo ndiqui tiru yasu mii aroneate tiru ima sorei rese no. Eyasu ra nyaacua quiata eima si. Soro icoi tuchi ra cote. 17 Sã emo mbaeri rasi ramo nderecoquiatu eã eriru ima ye no. Mbae ire ima ye ererecoquiatu aronea ño ñene. Eri rasi ra ñimatã ño mbae ire ndoro. Eri ra uchẽ ja. Mbae ire abe mbiicuãte ra cote. Mbaeri yasu quia nda equerecoquiatu nguiã mbae ire yasu ye. Soroã sacuã, i que Jesús ñee ee ra.

Jesús Jairo riirí mbucherő; ari mo abe mbucherő

¹⁸ Jesús cheẽ mose que judío rerecua mo ngasẽ ee ra. Jesús jii que ngoi ñee ee ra. —Qui seriirĩ si mano namote qui. Nyao rã erea. Ndeoco mose erese, quera si rae, i que ñee Jesús je ra. ¹⁹ Jesús que juã oso erese ra. Echimbaaquiuiatu abe nyoi erese. ²⁰ Ari rasi mo abe que oso quia mbia ite rĩ nda. Eruqui nda uchẽ mbei quia ee ra. Doce años nyee. Eruqui nda tibayã mbei ee ra. Ari que tu Jesús quite quiti eriichã nda. Jesús irao ai rese que oco cote ra. ²¹—Seoco mose Jesús irao rese ra acherõ, i nda ra. ²² Jesús que uba ñee ari je ra. —Coche ñene, Echo. Seicuate que se ra. Nyebe arembucherõ nguiã, i que Jesús ñee ari je ra. Aque mose tuchi que eruqui tiba ee cote ra. ²³ Jesús que ngasẽ nyee judío rerecua chuchua ra. Mbia que nyeseo seo quia ãquẽ ndaaque rese ra. Mbia que irasei rasei eraaque tiquia nonde ra. ²⁴ Jesús que ñee ee ra. —iQui jē! Jēso ja itaicuee.

Eriirī mano eã ño nguiã. Uque chõ ñene, i que ñee mbia je ra. Mbia que iquia iquia echeẽ mose ra. ²⁵Jesús que mbia mondo ja chee itaicuee ra. Oso que i que eraaque rea cote ra. Eraaque o que eisi ra. Quera si que cote ra. Nyuruã ngue cote ra. ²⁶Mbia hue jenda que jirandu jate erese ra. Jesús eraaque mbuquera rese.

Jesús eresayã nyeremo mbucherõ

²⁷ Jesús que oso hue si cote ra. Mbia resayã nyeremo ngue nyoi erui ra. Ñee mombo mombo que Jesús je ra. —iJesús! iDavid rucucha! iNdeyayã ño urerese jē! i que ñee Jesús je ra. ²⁸ Jesús que oso ique tuchúaa cote ra. Ae eresayã nyoi nguiã erurubi. Jesús que ñee ee ra. —ċSequirãcuã jembucherõ arõte reĩ nguiã jēje re? i que Jesús ñee ee ra. —Ae, i que eresayã ñee ja ee ra. ²⁹ Ae Jesús oco nguiã eresa rese cote. —Seicua mose ra jaembucherõ, i que ra. ³⁰ Eresa que nyerõ ja ee cote ra. —Sã mbia jiranua serese, i tuchi rei que Jesús ñee ee ra. ³¹ Eresayã ngue Jesús cheẽ mumba tuchi ra. Nyoi que mbia mbiirandu tuchi Jesús rese hue rĩ ja ra.

Jesús echee nguía mbuchero

³² Jesús so mose que mbia echeẽ ngũíã mo curucuaẽ ee ra. Aba checuayã icuã ngue siqui aque chiangui re ra. ³³ Jesús que aba checuayã icuã jea esi ra. Echeẽ ngũíã ngue ñee turã cote ra. Nyebe mbia tubiriãte chi nguiã nyuruira mae erese. —Emo ngue ũquĩ saã eã mbeite quia aa Israel ra, i que nyuruira jate ra. ³⁴ Fariseos quiatu que ñee icuãte Jesús riĩ nda. —Satanás quirãcuã je chỗ Jesús riqui nguiã aba checuayã jea jea mbia si co, i rei que fariseos ñee nda.

Jesús ia eã tuchi mbia tubiriã ndese

³⁵ Jesús que nyoi sucha mbuchesea sea ja ra. Mbia mbaaquiatu quiatu ja ra. Mbia chumunua nuásaa jate. Dios cheẽ ngue esenei senei tuchi quia ee ra. Mbia rasi chumumbara que embucherõ cherõ nguia ra. ³⁶ Mbia rasi rasi tuchi que ee ra. Mbia ia eã tuchi que ee ra. Mbia quiachã je rã ngue ee ra. Sã oveja riqui quiachã jate eraarõ iriã no. Eǐ si chō mbia nguiã Jesús je. Nyebe Jesús ia eã tuchi riqui nguiã erese. ³⁷ Jesús que ñee uchimbaaquiatu je ra. —Secheẽ andusa reã ndei etubiriã jiri. Secheẽ nenei neneisa quia rei co mii jiri. ³⁸ Jeñee nguia Dios je. "Dios, ndecheẽ nenei neneisa mo emondo tuchi. Mbia mbiirandu randu sacuã", jenye chō nguia Dios je. Sã mbaecha mbia mo mondo mbae a ireĩ ishao shao equiche mose no, i que Jesús ñee ee ra.

Jesús mbia doce irabo uchimbaaquiaturã

10 ¹Jesús que "jenyu" i uchimbaaquiatu doce je ra. Uquirãcuã ngue emee uchimbaaquiatu je cote ra. Aba checuayã icuã jea jea sacuã

mbia si. Mbia rasi chumumbara mbucher \tilde{o} cher \tilde{o} sacu \tilde{a} abe no. $^2\tilde{A}$ \tilde{n} o echimbaaquiatu \tilde{a} nde:

Simón (Pedro, i abe que mbia quia ee ra.)

Andrés (Simón nongue rei Andrés.)

Jacobo (Zebedeo riirī ndei Jacobo.)

Juan (Jacobo nongue rei Juan.)

³ Felipe

Bartolomé

Tomás

Mateo (Impuestos isi isiquia rei Mateo.)

Jacobo (Alfeo riirí ndei Jacobo.)

Lebeo (Tadeo, i abe que ee ra.)

⁴ Simón el Cananista

Judas Iscariote (Aque que Jesús mondo mbia icuã je ra.) Ũqui ja que Jesús irabo ra.

Jesús uchimbaaquiatu doce mondo uchee nenei nenei sacua

⁵Jesús que ũquɨ mondo ja ucheẽ nenei nenei sacuã nda. Emondo nonde que ñee ee ra. —Judíos acho jembaaquiatu quiatu quia. Jesochi nda judíos eã je. Samaria jenda chuchua abe ra jesochi. 6 Israel jenda cho jembuchesea sea oso. Ovejas quiachã je rã ño Israel jenda re. ⁷Jēso mose, secheẽ jēsenei senei mbei quia ee. "Mbia rerecuarã tuchi ra Dios cote", jenye oso sechee nenei nenei judíos je. 8 Mbia ire rasi jembuchero chero nguia. Mbia rasi chumumbara jembuchero chero nguia. Mbia raaque abe jembuquera quera quia. Aba checuayã icuã abe jejea jea quia mbia si. Sequiracua ngue amee ñooño jēje. "Mbae mo jemee na seje eribishoro", ae ea tuchi se quia jēje co. Nyebe je abe mbae tura jesaa noono mbia je. "Mbae embu se", ja mbia je. 9Mbae mo nda jendaochi icua jeso mose. Mbae isiquia mo nda jendaochi icua. Mbae isiquia ñete mo nda jendaochi icua. 10 Mbae riru mo abe ra jendaochi no. Jeirao nongue abe ra jendaochi no. Jeirao nongue abe ra nae, sã ũquĩ ae riqui jembuquiaru quiaru turã mingo. 11 Jengasẽ mose sucha tubiriã mo, mbia turã mo jetea huee. Aque chuchua mii no jeingo uque. Tuchua ra jembuchesea seate chi jeingo mose huee. Ae ra jengue nyii nae, hue tuchua bei cho jeingo uque. 12 Jeique mose emo nyuchúaa, hue jenda je jeñee turã no. Saludar jenye turã ee no. 13 Hue jenda siqui turã mose, Dios quiracua jemee ee. Siqui tura ea mose, Dios quiracua jeisibe esi. 14 Hue jenda jẽisi sereã nea mose, jẽhui chỗ esi. Hue jenda jeñee andu sereã mose, jẽso chỗ hue sɨ. Jẽi tubi jembutomo tomo ee. ¹⁵Tacheễ nyecua jẽje. Ae ra jeñee isi sereã nae, ũquɨ nda Dios mbasi tuchɨ. Uquiatoã nda embasi ja aque mose. Sodoma jenda ra Dios mbasi raque. Gomorra jenda abe no. Ae jeñee isi sereã nae, ũquĩ nguia ra embasi tuchi Sodoma jenda si. Gomorra jenda abe si.

Mbia icuã icuã tuchi ra jēje, i Jesús

¹⁶ A aico jemondo secheẽ nenei nenei sacuã mbia je a. Sã nyacua icuãte riqui oveja je no. Ei si ra mbia icua icuate jeje. Oveja setea na no jeingo. iJēaracua chō nguia jē! Sā mbei aracuate riqui no. Mbae icuā mo nda jẽsaãchĩ jẽ. Sã nyurushi riqui mbae icuã naa eã mbeite no. 17 iSã jẽ! Mbia icuã icuãte ra jēje. Jembiirī irī ndae. Jemee mee icuã nda mbia rerecua je. Jēiruā nua nda mbia chumunuásaa. 18 Mbia icuā icuāte ra jēje seriī. Mbia rerecua je ra jenderao icuã. Ei jenye mbia rerecua mbiirandu randu serii. Judíos eã abe mbiirandu randu serii. 19 Jemee mose mbia rerecua je, pare pare jenyechi nda je. "¿Manyae ra ũqui ñee ndibishoro nde?" jenyechi nda pare pare i je. Dios ae cho nda jembuche tura nuia nguia mbia je aque mose. ²⁰ Jē ae ra jeñee eã. Espíritu Turã ae nda jembucheẽ nguiã mbia je. ²¹ Jenongue ra jemondo chee mbia icuã je. Jēiquia sacuã. Jendu abe ra jemondo chee mbia icuã je. Jendiirí abe ra jemondo chee mbia icuã je. Mbia icuã nda jemo iquia iquia chee. ²²Mbia ra jeucuayã jate serii. Ae ra siqui bei serese, ũquĩ nda Dios mingo bei. ²³Mbia icuã icuã mose jēje sucha moo, jeso cho sucha tubiria nonguee. Tachee nyecua jeje. Achu jeibe ra se. Sucha Israel jenda jembuchesea sea ja eã mose chô nda achu jei.

²⁴Jengasu ra jēsaā saāchī sesi jē. Se chō jembaaquiatusa re. Embaaquiatusa quia ecuasu jiri echimbaaquiatu si re. Ererecua quia ecuasu jiri erimba si re. ²⁵Coche jēingo nguiā se rā si. Sā mbia icuā icuāte riqui seje no. Eī si ra eicuā icuā jēje no. Sā mbia "Satanás" i ñee icuā seje no. Eī si ra ñee icuā icuā jēje no. Serimba je no.

Dios riqui jendeaquiatu bei co

26 Jēsiquiche quichechī nda ñee icuā icuā je si jē. Ae mbia saā nyecuayā cuayā nguia nae, ūquī nda nyecua ja cote. Ūquī nda mbia icua ja cote. ²⁷ Ae riī aico ñee nyecuayā cuayā jēje nae, ūquī jēsenei senei turā mbuchecua mbia je cote. Ae asenei senei nguia jēísaa nae, ūquī jēsenei senei turā mbuchecua mbia je cote. ²⁸ Ae "taiquia" i quia jenii nae, iūquī si ra jēsiquichechī jē! Ae aba mombo serīte quia tata cuasu nae, aque si quiatu jēsiquiche. Aque si quiatu jēsiquiche tuchi jē. ²⁹ Aba queteamba eā jiri raque nguireī. Mbae isiquia mumba eāte raque nguireī. Dios quia ra tesareiā nguireī mo si. Nguireī mo ngoi mose íbii, Dios riqui eicua jate ā. ³⁰ Dios riqui jē mii mii icua jate co. Jēa mii mii abe eicua jate quia co. ³¹ Jēsiquichechī nda jē. Dios quiatu queteā tuchi nguiā jendese nguireī mo si.

Jesús quiato cho se re, jenye checua cho nguia mbia je

³²"Jesucristo quiato chõ se re", ae i quia mbia je nae, ũquĩ nii nda acheẽ turã se abe. "Sequiato chỗ a nde", ae ra Paba Ibatenda je.

³³"Jesucristo quiato chõ se re", ae i ãte quia mbia je nae, ũquĩ nii nda acheẽ turã eã se abe. "Sequiato eã ño ũquĩ nde", ae ra Paba Ibatenda je.

Achu cho ngue mbia mbuchao chao nyesi rese, i Jesús

34¿Achu reĩ mbia mbuturã turã sacuã serimba je jēje re? Tei. Achu chố ngue mbia mbuchao chao nyesi resẽ. Mbia icuã icuã nda uchue seriĩ. Emo emo nda siqui serui. Emo emo nda siqui icuã icuãte ee. 35 Emo nda eicuãte ngu je seriĩ. Cuña mo nda eicuãte usi je no. Acuani mo nda eicuãte uchari je seriĩ no. 36 Tuchua jenda ra nyao nyao nyesi. Emo nda siqui serese serimbarã. Eataque ra nyao nyao esi. 37 Ae nyesecua tuchi quia ngu rese sesi nae, ũquĩ nda serimbarã eã. Ae nyesecua tuchi quia usi rese sesi nae, ũquĩ nda serimbarã eã no. Ae nyesecua tuchi quia nguiirĩ ndese sesi nae, ũquĩ abe ra serimbarã eã no. 38 Ae ra siquíã serui, ũquĩ nda serimbarã eã. Ãe mano sereãte seriĩ, ũquĩ nda serimbarã eã. 39 Sã mbia nduate quia serese. Ae nduate quia nyiese nae, ũquĩ nda nyoi eãte ibate. Ae ndua eãte quia nyiese nae, ũquĩ nguia ra nyoi ibate.

Dios ra mbae tură mondo mbia tură je

⁴⁰Ae ra etură ndiqui jēje nae, seje abe cho nda etură ndiqui. Ae etură ndiqui seje nae, semondosa je abe cho etură ndiqui nguiă. ⁴¹Ae etură ndiqui Dios chee mbuchecuasa je nae, Dios ra mbae tură mondo ee. Să mbae tură mee uchee mbuchecuasa je no. Ae etură ndiqui echiă mbuquishî ji je nae, uqui je abe ra Dios mbae tură mondo no. ⁴²Tachee nyecua jēje. Emo sechimbaaquiatu isei mbiu tură mose serii, mbae tură abe ra Dios mondo aque je no, i que Jesús nee uchimbaaquiatu je ra.

Juan el Bautista mbia mondo ñee Jesús je

11 ¹Jesús que hui ñee uchimbaaquiatu doce je cote ra. Aquere que esi Dios chee nenei nenei hue rurubinda je cote ra.

²Juan ngue chĩ cárcel nda. Hue eñi mose que jirandu Cristo chisaã ndese ra. Uchimbaaquiatu nyeremo ngue emondo Jesús rea ra. Ñee sacuã ee. ³—Jēso ñee Jesús je. "'Cristo ra tu', i beite equia ã nae, ¿ae nde re? ¿Cristo ra uresaarõ arõ mbei quia re?" jenye oso Jesús je, i que Juan uchimbaaquiatu mondo erea ra. ⁴Jesús que ñee Juan nimba je ra. —Ae rese jemae nae, ũquĩ jēsenei oso Juan je. Ae jeñandu nae, ũquĩ abe no. ⁵Eĩ jenye chỗ ñee Juan je: "Jesús que eresayã mbucherỗ nyerỗ nguia ra. Ecuatayã abe mbucuat a cuata. Eire rasi abe mbucherỗ nyerỗ. Eraaque abe mbuquera quera. Ucheễ turã ngue esenei senei tuchi quia mbaecha reã je ra", jenye oso Juan mbiirandu. ⁶Emo hui eã mbei mose sesi, aque ia tuchi ra siqui cote, i que Jesús ucheễ mondo Juan je ra.

⁷Juan ñɨmondo que nyebi nyoɨ Juan ndea cote ra. Jesús que ñee mbia ja je Juan nɨɨ cote ra. —¿Mbae rese mae jẽso turúquiaa re? ¿Quɨrɨrɨä idioi

ichu ichu rese chố jẽso mae nde? Quiririã ndese mae eã ngue jẽso resẽ. ⁸¿Emo irao turã ndese jẽso mae nde? Ũquĩ ndese eã ngue jẽso mae ndesẽ. Eirao turã siquíã nguiã turuquia ñi. Ae siqui quia mbia rerecua chuchua nae, ũquĩ nguia eirao turã ndiqui nguiã. ⁹Juan ndese mae ño ngue jẽso turúquiaa resẽ. Dios cheẽ nenei neneisa tuchi chỗ ae mbia mo si re. Ae chỗ mbia mingoquiatu quiatu nguiã se ñee sacuã mbia je. ¹⁰Sã embesa ji riqui ñee no:

Sechee nderaosa tamondo ndenonde.

Ae ra mbia mingoquiatu ndeje, nde ñee sacuã ee, i que embesa ji ñee nda. Juan nii ño embesa ji riqui nguiã ñee. Nyebe Juan ndu nguiã senonde. ¹¹ Tacheẽ nyecua jēje. Juan el Bautista quiarei i tuchi raque mbia ñiinda ja si. Ae ra siqui tuchi Dios rese erimbarã cote nae, ũquĩ nguia ra i tuchi Juan si cote. ¹² Juan Dios cheẽ nenei nenei namo mosenda bei chỗ mbia riqui nguiã ngaẽ ngaẽ Dios cheẽ andu ã. Mbia bite Dios siqui mose mbia rerecuarã. ¹³ Juan tu nonde chỗ embesa ji riqui nguiã ñee j a seriĩ. "Dios rucucha ra tu emo mose", i seriĩ. Sechu eã mose. Juan nane ngue "co eru quia co" i ñee nda. ¹⁴ Sã embesa ji riqui ñee nyii no. "Elías raanguia ra tu mbae mbuquiche ja Cristo tu nonde", sã i embesa ji no. Juan nii ño eriqui nguiã ñee. ¹⁵ Jēisa mose, isecheẽ jeñandu turã na!

16 Mbia namonda siqui tură eâte quia aba cheẽ ndui ã. Mbia riirī na ño eriqui nguiã ã. Sã mbia riirī ndiqui ñumbusarei sarei no. 17 Sã eriqui ñee ñee nyue no. "Flauta que ambucheẽ ñee ndei jēje ra. ¿Mbaerã jenyuruqui sereã nea nde?" sã i chō nyue no. "Mbae aba mbia eã ngue ambucheẽ ñee ndei jēje resē. ¿Mbaerã jēyate erese re?" sã i chō mbia riirī nyue no. Ūquī na si chō mbia riqui nguiã aba cheẽ mumba ã. 18 Juan el Bautista que tu rei mbia je ra. Mbia que eisi turã ẽ a nda. "Co eriqui quiaru sereãte nanderese co. Co eriqui mbae mbei sereãte nanderese co", i chō mbia quia ee ã. "Aba checuayã ndesenda", i chōchī equia ee ã. 19 Aquere que achu se abe ra. Aquiaru rei nguiã jendese co. Mbae abe ambei rei nguiã jendese co. Se abe que seisi turãyã nda. "Quiaru tuchi je", i chōchī seje. "Mbae mbeisa", i abe que seje no nda. "Mbia icuã quiato chō ñene", i chō ngue seje no nda. Ae earacuate nae, Dios aracua abe ra eicua.

Jesús ia eã mbia sucha tubiriã jenda rese

²⁰Ae mbia je Jesús uquirãcuã ndeacuquia cuquia tuchi nae, ũquĩ ngue Jesús isi eã mbei ra. Nyebe Jesús riqui nguiã ñee asi asi mbia hue jenda je. ²¹—Seya eãte jendese, Corazín jenda. Seya eãte jendese, Betsaida jenda. Jendasi tuchi rae. Mbia mae sayã ngue asaã saã jēje nae, ũquĩ naa mose Sidón jenda je, eĩ nda Sidón jenda huiicuã secha rei. Eĩ nda Tiro jenda abe huiicuã secha rei. Eĩ nda eya eãte rei huiicuã ndese. ²²Jē nguia jēicuã jēsecha sereãte rei. Nyebe ra Dios jembasi mbasi tuchi ũquĩ si

quiatu. Dios mbia icuã mbasi mbasi mose. ²³ Jēcuasu jēsaā saā tuchi techī nguia re, Capernaum jenda. Nyebe ra Dios jemondo tuchi tata cuasu. Mbia mae sayā ngue asaā saā jēje nae, ūquī naa mose Sodoma jenda je, eī nda Sodoma jenda huiicuā secha rei. Eī nda Dios hue sucha cuasu mbutiā eā ndei. ²⁴ Jē nguia jēicuā jēsecha sereāte rei. Nyebe ra Dios jembasi mbasi tuchi Sodoma jenda si. Dios mbia icuā mbasi mbasi mose, i que Jesús ñee nda.

Jesús aba quenea mbosei

²⁵ Jesús que ñee Dios je cote ra. —Seyate aico nderese co, Paba. Ibi jenda rerecua ja chỗ nde re. Ibei jenda abe rerecua ja chỗ nde no nde. Ndecheẽ ngue erembuchecu a eã mbia aquiatu je ra. Mbia riirĩ naanguia je chỗ ngue ndecheẽ erembuchecua nguiã. ²⁶ Ũquĩ ño ngue eturã ndeje ra, Paba, i que Jesús ra. ²⁷—Seru que mbae mondo ja seje ra. Paba mii ño seicua tuchi nguiã. Paba riirĩ mii tuchi chỗ se re. Se mii ño Paba aicua tuchi nguiã no. Ae je ra Paba ateacuquia nae, ũquĩ mii ño nda Paba icua tuchi nguiã serese. ²⁸ Jenguenea mose, jenyu chỗ seje. Jenguenea tamboseĩ na jẽsi. Taembia mingo. ²⁹ Seseteã ño aico nguiã se. Aico mingue chỗ nguiã se co. Jeñimbaaquiatu jiri seriĩ. Jeñimbucha chỗ serese. Eĩ jenye mose ra jeñia pare pare i eã cote. Jẽya bei ra jẽingo cote. ³⁰ Ae siqui serimbarã nae, ũquĩ iate riqui ã. Secheẽ mbaranguiatuã eãte aba je, i que Jesús ñee nda.

Jesús chimbaaquiatu mbae a ishao shao sábado mose

12 ¹Sábado mose que Jesús sɨ quia mbiaco ite ite rɨ̃ emo mose ra. Echɨmbaaquiatu riãcuãte que eriqui ra. Nyebe que quiata a ucua mii mii nyoi quia ecuã mose ra. Equiti quitire oo je que echoi quia eachãaña cote ra. ²Fariseos mo ngue ñee ee ra. —¿Mbaerã ndechimbaaquiatu riqui mbae ishao shao sábado mose re? Co mose chõ mbia riqui uquenea ucua rese, i que fariseos nee Jesús je ra. 3 Jesús que ñee ee ra. —¿Embesa ji rese jemae eã David rɨɨ nyii re? David riãcuãte que aque mose ra. Eresenda abe riacuate que eriqui aque mose no nda. ⁴David que ique Dios chuchúaa aque mose ra. Mbichae Dios chuchua jenda que eu ra. Mee mee ngue nguesenda abe je ra. Eriãcuate quiatu ngue re. Sacerdote acho mbaera ndaque mbichae. 5¿Moisés chimbesa rese jemae ate sacerdote rii nde? Sábado mose que quiei quiei rei Dios chuchua ra. "Dios chee mumbasa", i ate quia mbia nguia nee ee. ⁶Tacheẽ nyecua jẽje. Secheẽ nguia i tuchi jiri nguiã Dios chuchua si co. ⁷Co embesa ji jēicuayāte quia ã. "Sebite jēya eã jēingo mose mbia rese. Sebiate ofrenda jemee ñoono mose", i Dios quia co. Jeingo uqui icuayate ã. Eĩ nda jeñee icuã eãte rei mbia turã je. 8Sábado rerecua bei chỗ se re, i que Jesús ñee fariseos je ra.

Jesús emo o tomei mbuchero

⁹Jesús que oso mbia chumunuásaa cote ra. ¹⁰Huee que eo tomei mo ndiqui ee ra. Mbia que Jesús mbucheẽ icuã sete ra. Nyebe ñee nguiã ee. —¿Eicuãte erasi mbucherõ sábado mose re? ¿H ere? Echeẽ ure je jẽ, i que mbia ñee Jesús je ra. ¹¹Jesús que ñee ee ra. —Sã jenimba oveja mo ndiqui jaã no. Ngoi oso ibicua mo ye no. ¿Sábado mose ra jenosẽ ibicua si re? Ae. Jenosẽ jei rae. Sábado mose raque. ¹²Dios queteamba tuchi chỗ mbia riqui nguiã oveja si ã. Coche nandeico nguiã mbae turã naa naa sábado mose, i que Jesús ñee mbia je ra. ¹³Ñee ngue eo tomei je cote ra. —Ndeo emee secuti, i que ee ra. O que emee Jesús cheẽ mose ra. Aque mosechi que eo nyerõ cote ra. ¹⁴Nyebe fariseos paama i nguiã Jesús je. Mbia mbucherõ mose sábado mose. —¿Mañi nande ra Jesús je re? Nandeiquia rei ra reae, i tuchi que eu ñee nyue ra.

Isaías chimbesa ique Jesús rii

15 Jesús que jirandu ũquĩ ñee ndese ra. Nyebe esi nguiã hue si. Mbia tubiriã ngue nyoi erui ra. Jesús que mbia rasi mbucherõ cherõ ja quia ra.
16—iMbia ra jembiiranduchĩ serese jē! i que Jesús ñee ee ra. 17 Aque mose que Isaías chimbesa ique cote ra. Eĩ ngue Isaias embesa mii Jesús riĩ nda:

18 Serimba chõ co re. Co que airabo ra.

Sechesecua cho ae re. Seyate aico erese co.

Espíritu Turã tamondo tuchi ee.

Ae ra sechee tură senei senei ja mbia je.

¹⁹ Eicuã icuã eã nda emo je. Ñee icuã eã ndae. Ucuasu ra esaã saã eã mbia je.

²⁰ Siqui turãte ra equia equirãcuã nea je.

Siqui turãte ra equia eaquiatuã je no.

Mbia ra siqui tură nyee erui ererecuară.

 $^{21}\mbox{Mbia}$ ja ra ndua turã mbe
i erese cote, i que Isaías embesa cose ra. Ũqu
ĩ ngue ique cote ra.

Aba checuayã quirãcuã Jesús quereco co, i raque mbia

²²Mbia que eresayã mo curucuaẽ Jesús je ra. Echeẽ aquiatuãte abe que ra. Aba checuayã icuã nguiatu ngue siqui nguiã echiangui re. Jesús que embucherõ nda. Nyebe mae turã nguiã cote. Ñee turã abe cote no. ²³Mbia que nyuruira ja mae erese ra. —David rucucha chõ Jesús riqui re, i chõ ngue mbia quia ndua ndua ra. ²⁴Fariseos que echandu ja ra. Nyebe ñee icuã icuã nguiã Jesús je. —Ab a checuayã icuã nderecua tuchi chố Satanás nde. Satanás quirãcuã je chỗ Jesús riqui nguiã aba checuayã icuã jea jea mbia si co, i rei que fariseos ñee icuã Jesús je ra. ²⁵Jesús que ũquĩ ndua ndua icuate ra. Nyebe ñee nguiã ee. —Gobierno icuã icuã mose

nyue, ua rae. Tuchuamo jenda icuã icuã mose nyue, ua ra eno. 26 ¿Mañi nda Satanás aba checuayã jea mbia si re? Erimba cho nyerese. Satanás icuã icuã mose nyue, equirãcuã nda ua no. 27 "Satanás quirãcuã je chõ Jesús riqui nguiã aba checuayã jea jea mbia sɨ", jenye chochɨ nguia seje ã. ¿Aba uquiracua mee jenimba je je nde? Aba checuaya icua jea nonde re. ¿Satanás uquiracua mee jenimba je serese re? 28 Dios quiracua je quiatu aico nguiã aba checuayã jea jea mbia si co. "Dios quirãcuã ndese cho ureico nguiã mae", jenye eã nochi equia ã. 29 Satanás quiracua tuchite raque. Umbae rese ngueteate raque. "Sembae chi turate a", i raque. Dios quiarei equiracua tuchi Satanás si. Dios Satanás mbae siro ja arote quia esi co. Dios Satanás mbae mbutiã ja arõte quia co. 30 Ae siqui ate quia serese nae, eicuã no uqui ndiqui nguiã seje. Ae sechee senei senei eate quia mbia je nae, ũquĩ icuã no eriqui nguiã seje. 31 Tacheẽ nyecua jēje. Emo siqui icuã mose, Dios eicuã mbutiã arõte esi. Emo ñee icuã mose, Dios echee icua mbutia arote no. Emo nee icua mose Espíritu Tura nii, ũquĩ icuã nguiatu ra Dios mbutiã eã mbei esi. 32 Emo ñee icuã mose serii, Dios echee icua mbutia arote. Emo nee icua mose Espíritu Tura nii, uqui icuã nguia ra Dios mbutiã eã mbei. Mbae ua ja mose chee ra Dios ũquĩ ñee icuã mbutiã eã mbei.

24

Sã ira ae ea ae ae no

³³Ira turã mose, ea abe ra eturã no. Ira icuã mose, ea abe ra eicuã no. Mbia ira icua mose, ea abe ra eicua. Nyiabiã ndae. Sã ira ae ea ae ae no. ³⁴Mbei rã ño jẽingo nguiã. Jẽicuã ño jẽingo nguiã. Nyebe jeñee turã aquiatu ãte riqui ã. Ae rese mbia riqui ndua ndua uchiangui re nae, ũquĩ nii sí ra ñee. ³⁵Mbia turã nda ñee turã. Echiangui renda quia eturãte re. Nyebe eriqui nguiã ñee turã. Mbia icuã nguia ñee icuã nguiã. Echiangui renda quia eicuãte riqui nguiã. Nyebe eriqui nguiã ñee icuã. ³⁶Tacheẽ nyecua jēje. Emo ñee ñooño mose, Dios ra ñee asite aque je. Dios mbia icuã ndea rea mose. ³⁷Emo ñee turã mose, echiangui renda turã ño ñene. Nyebe ra Dios ñee asiã ee. Emo ñee ñooño mose, echiangui renda icuã no ñene. Nyebe ra Dios ñee asi ũquĩ je, i que Jesús ñee nda.

Mbia mae sayã esaã ure je, i bei mbia Jesús je

³⁸Fariseos mo ngue ngaẽ Jesús rea ra. Embesasa abe que ngaẽ erea ra. Ñee ngue ee ra. —Mbia mae sayã esaã na ure je, i rei que ñee Jesús je ra. ³⁹Jesús que ñee ee ra. —Jēicuāte riqui co mosenda jẽ ja ã. "Mbia mae sayã esaã ure je", jenye beite equia ã. Mbia mae sayã mii ño nda asaã jēje. Jonás na si. ⁴⁰Sã Jonás ndiqui raque tres días sira rie ye no nae. Jonás na sí ra asaã mbia je. Tres días ra aico ibicua rie. ⁴¹Nínive jenda quia eturã jiri co mosenda si re. Dios ra co mosenda mbasi tuchi Nínive jenda si. Sã Nínive jenda huiicuã ndecha Jonás ñee mose ee no. Aico

raque ñee jēje co mosenda je co. Jē secheē jemumbate chō chī nguia ã. Se quia raque ererecua tuchi Jonás si. Nyebe ra Dios jembasi tuchi mbia icuã ndea rea mose. ⁴²La reina de Seba quia eturã jiri mbia co mosenda si re. Dios ra co mosenda mbasi tuchi la reina de Seba si. Sã la reina de Seba tu isho si tuchi Salomón ñee andu no. Se quia acheē ndaque quia jēje. Searacua tuchi raque se quiatu Salomón si. Secheē jemumbate chōchī nguia ã. Nyebe ra Dios jembasi tuchi mbia icuã ndea rea mose.

Aba checuayã icuã nyebi u mbia chiangui re

⁴³Aba checuayã icuã usẽ mose emo ñia si, ngata bei chỗ nguiã. "¿Mangue ra sequenea aucua que re?" i chỗ nguiã. Uquenea ucua sacuã mo etea eãte. ⁴⁴"Tasobe rei nyebi. Ae si achu usẽ, aque chiã ye sí taso", i que aba checuayã nda. Nyebi si mose u, mbia chiã oreãte que ee ra. Echiã ndecoteã eãte que ee ra. Tuchua tii ji raãte que ee ra. ⁴⁵Aba checuayã icuã ngue nguesenda siete queru cote ra. Ique ja que echoi aque chiangui re cote ra. Ae chiangui re aba checuayã icuã siete riqui nae, aque icuã i i tuchi que eriqui cote ra. Aba checuayã mii ngue siqui eye nyii ra. Etubiriãte cote. Aque icuã tuchi cote nyii si, i que Jesús mbia je ra.

Jesús nongue ngae erea usi resẽ

⁴⁶ Jesús ñee mbei mose que esi ngaẽ ndei ee huee ra. Jesús nongue ja rese. Chichõ ja chõ ngue taicuee ra. Ñee serete que ee ra. ⁴⁷—Hue ndesi riqui nderequia taicuee huee. Ndenongue rese, i que emo Jesús mbiirandu ra. ⁴⁸ Jesús que ñee umbiirandusa je ra. —¿Aba je chõ aico "taĩ" i chã? ¿Aba je chỗ aico "senongue" i no ña? i que Jesús ñee nda. ⁴⁹ Jesús que o mee uchimbaaquiatu cuti ra. —Ã je chỗ aico nguiã "taĩ" i. Ã je chỗ aico nguiã "senongue" i no. ⁵⁰ Ae Paba Ibatenda cheẽ mumbayã nguia nae, ũquĩ je chỗ aico nguiã "senongue" i. Ũquĩ je chỗ aico nguiã "taĩ" i no, i que Jesús ñee ee ra.

Emo mbae ei mombiquia mbiquia

13 ¹Aque mose sí que Jesús si usẽ tuchua si ra. Tuchua si que esi ngoi ama ndish a nimíaa nda. ²Mbia que ngaẽ ngaẽ ja quia Jesús rea ra. Nyebe Jesús ua oso nguiã ngoi canoa ye. Mbia quiatu que chichõ ama nimíaa ndese ra. ³Jesús que embaaquiatu quiatu tuchi quia ra. Ejemplos que esaã saã tuchi ee ra. —Sã emo si rei mbae eĩ mombiquia mbiquia no. ⁴Sã emo ndiqui uqui uqui ñeenda rui no. Sã nguireĩ ndiqui ngaẽ eu no. ⁵Sã emo emo ndiqui uqui sita arõ no. Sita aronda suri jei raque. Ibi ererate quia ñene. ⁶Tenda ibate mose que eriqui ñimama mano nda. Erao eãte quia ñene. Nyebe mano jei nguiã. ⁵Sã emo ndiqui uqui uqui nyu réndaa no. Sã nyu abe riqui suri erese no. Nyu ruri que echati asi u eriquisã nda. ⁵Sã emo ndiqui uqui uqui ibi túraã no. Úquĩ nguiatu

que ia turã nda. Sã emo ia cien no. Sã emo ia sesenta no. Sã emo ia treinta no. ⁹Jēisa mose, isecheẽ jeñandu turã na!

Dios riqui uchee mbiasa jaaja jeje co, i uchimbaaquiatu je

¹⁰ Jesús chimbaaquiatu que ñee nyecuayã Jesús ísaa ra. —¿Mbaerã ejemplos achõ eresenei senei mbia je re? i que echimbaaquiatu ñee ee ra. ¹¹ Jesús que ñee ee ra. —Mbia rerecua tuchi quiarei Ibatenda. Ae riqui nguiã ucheẽ mbiasa asa ja jēje co. Mbia ataque quia siqui sereã erese co. Mbia ataque je quia eriqui nguiã ucheẽ mbiasa eã jiri. ¹² Emo umbae rerequia mose, Dios ra emo mondobe ee. Emo embae eã mose, Dios ra embae sirõ ja esi. ¹³ Nyebe aico nguiã ejemplos achõ nenei nenei mbia je co. Eanduchõ sacuã. Eicua turã ndocoĩ. ¹⁴ Mbia eanduchõ mose que Isaías chimbesa ique cote ra:

Mbia ra sechee ñandu raque.

łcuayã nguiatu rae.

¹⁵ Eãquĩ ãtấte riqui ã.

Sechee andu sereate equia a.

Mae sereãte equia sechiao rese ã.

Ndua eã mbei equia serese ã.

Nyebe ra ambitiro ea mbei,

i que Dios cheẽ Isaías chimbesa rese ra. ¹⁶Jẽ nguiatu Dios cheẽ jeñandu turãte nguiã ã. Jẽ nguiatu jemae serete nguiã Dios chiao rese ã. Nyebe jẽyate jẽingo nguiã ã. ¹⁷Tacheẽ nyecua jẽje. Ae jeñandu quia secheẽ ã nae, Dios cheẽ mbuchecuasa ñiinda ã ñandu serete raque. Mbia turã ñiinda abe ã andu serete raque. Ñandu eã mbeite equia ã. Jẽ ae chố jẽingo nguiã eandu ã cote. Jẽ ae je chỗ echecua riqui nguiã.

Jesús uchee mbiasa uchimbaaquiatu je mbae ei nii

¹⁸ Secheë tambiasa jëje cote. Mbae ei mombiquia mbiquia ji rii. ¹⁹ Ae uqui uqui neenda rui nae, Dios cheë andu choonosa ra no uqui nde. Icua eate quia nene. Nyebe diablo ru nguia Dios cheë ndiro echiangui si. ²⁰ Ae uqui uqui sita aro nae, mbia mo na no uqui no nde. Dios cheë andu mose, isi tura ndaque. Eyate raque erese. ²¹ Mbia icua icua mose ee Dios cheë nii, hui jei cho nguia esi. Mbae rao ea naanguia cho uqui nde. ²² Ae uqui uqui nyu réndaa nae, mbia mo na no uqui no nde. Dios cheë andu tura ndaque. Siqui bei ea no nguia erui. Umbaera acho ndese cho eriquichi nguia ndua. "Mbaecha tuchite ra se", i bei cho nguia ndua ndua. Nyebe hui cho nguia Dios cheë si. Nyebe Dios cheë ndiqui nguia ia ea mbeite ee. ²³ Ae uqui uqui ibi túraa nae, mbia mo na no uqui no nde. Uqui nguiatu Dios cheë nandu tura nguia. Icua icua tura no nguia. Nyebe eriqui bei nguia erese. Ia ia bei raanguia cote. Emo emo ia cien. Emo ia sesenta no. Emo ia treinta no, i que Jesús ucheë mbiasa nee nda.

Mbae icuã suri trigo turã ndese

24 Jesús que ejemplo nongue senei ee ra. —Sã emo trigo eĩ mombiquia mbiquia úcoo no. Ũquĩ na ño Dios rimba riqui nguiã ã. ²⁵ Sã trigo eĩ mombiquiasa uque cote no. Sã emo tu nyu eĩ mombiquia mbiquia trigo eĩ mumbara mbara no. ²⁶ Trigo eĩ ngue obo cote ra. Nyu abe que suri erese ra. ²⁷ Nyebe erimba ñee nguiã echa je. "Trigo eĩ achõ eremombiquia mbiquia reĩ nguiã seje. ¿Mbaerã nyu abe riqui suri suri erese re?" i que ererecua je ra. ²⁸ Ererecua que ñee ee ra. "Seucuãyãsa chỗ ũquĩ nde. Nyu eĩ mombiquia mbiquia chốchĩ trigo eĩ mumbara mbara", i que ererecua ñee nda. —¿Ureso ra eriqui riqui re? i rei que erimba ñee nguerecua je ra. ²⁹ Ererecua que ñee nda. "Tei. Nyu riqui riqui mose ra trigo abe riqui riquichĩ nde. ³⁰ Sã echichỗ ja. Eucua mose ja chee. Ea ireĩ mose quiatu ra acheẽ serimba je cote. Serimba ra nyu rane siqui siqui aque mose cote. Nyu ra esei cote. Aquere quia ra trigo a ishao shao erereco quiatu sacuã sechuchua cote", i que echa ñee nda, i que Jesús ñee nda.

Mbae ei na ño Dios rimba re

³¹ Jesús que ejemplo mo senei mbia je ra. —Mbae eĩ na ño Dios rimba re. Sã mbia mostaza eĩ tiquia no. ³² Eñetẽ tuchite raque mbae eĩ mo si. Suri oso quia cote. Ecuasu tuchite chee cote. Ira rã ño cote re. Nguireĩ nguichi quichi chee erãquiã ndese. Eĩ si chỗ Dios rimba re. Ũquĩ mii ndaque nyii. Ñimbeta tuchi cote. Mbae eĩ na, i que Jesús ñee nda.

Levadura rã ño Dios rimba re

³³ Jesús que ejemplo mo senei mbia je ra. —Levadura rã ño Dios rimba re. Sã mbia levadura ñetẽ mondo mbichae ao ramo mose no. Sã levadura riqui oso mbichae mbuchɨmatã ja no. Eɨ sɨ chō Dios rimba re, ɨ que Jesús ñee nda.

Jesús ejemplos senei tuchi mbia je

³⁴Eĩ ño ngue Jesús quia mbia tubɨrɨã mbaaquiatu quiatu ejemplos je ra. Ejemplos achõ ngue esenei senei mbia mbaaquiatu sacuã nda. ³⁵Nyebe Dios cheẽ mbuchecuasa chɨmbesa ɨque cote. Eĩ ño echɨmbesa re:

Ejemplos je mbia tambaaquiatu quiatu.

Ae mbia icuayã mbeite quia nae, ũquĩ tambuchecua mbia je, i que embesa ji ra, i que Jesús ñee nda.

Jesús ejemplo mbuchecua nyu ei nii

³⁶ Jesús que mbia mondo ja cote ra. Aquere que esi ique tuchu a mo nda. Echimbaaquiatu que ecurubite ñee ee ra. —Ae ejemplo eresenei mbia je nyu e î nii nae, <u>û</u>qu î embiasa jiri ure je, i que ñee ee ra. ³⁷ Jesús

que ñee ee ra. —Ae trigo eĩ mombiquia mbiquia nae, se rã ño ae re. ³⁸Ae íbii emombiquia mbiquia nae, mbia ja rã ño ũquĩ ibi re. Trigo eĩ turã na ño Dios quiato re. Nyu eĩ icuã na ño diablo quiato no nde. ³⁹Ae mbae eĩ icuã mombiquia mbiquia nae, aba checuayã nderecua rã ño ũquĩ nde. Mbae a ishao shao raanguia ra ibi ua mose cote. Mbae a ishao shaosa rã ño angeles re. ⁴⁰Sã mbia riqui nyu mombo mombo tátaa nae, eĩ si ra Dios uquiatoã mombo tátaa ibi ua ja mose no. ⁴¹Serimba ángeles ra amondo mbi a rea rea ja. Ae mbae icuã saã uquia quia mbia je nae, serimba ra ũquĩ sirõ ja. ⁴²Serimba ra ũquĩ mombo mondo tata cuásuu. Nyeseo seo tuchi ra tátaa. Huee ra ureĩ quiti quiti tuchi. ⁴³Ae Dios mbuturã nae, ũquĩ nininya tuchi ra tenda rã si cote. Eru ibatenda siqui mose mbia rerecuarã tuchi.

Tesoro rã ndei Dios cheẽ

⁴⁴Dios cheẽ nguiirĩ nɨɨ ndei eturã tuchɨ mbae ja sɨ. Eturã tuchɨ tesoro sɨ no. Sã amei mo tesoro ati ji rea íbii no. Tesoro turã tuchɨ que ee ra. Amei ia tuchɨ que erea mose ra. Sã amei vender ɨ ja umbae je no. Aque ibi isi sacuã. Tesoro mɨɨ ndese ndua.

Dios chee ndei perla tura na

⁴⁵Dios cheẽ nguiirĩ nɨi ndei eturã tuchɨ mbae ja sɨ. Sã comerciante mo perlas turã ndequia requia no. ⁴⁶Perla turã tuchɨte mo ndea mose, aque mɨi ndese chō eriqui nguiã ndua ndua cote. Sã vender ɨ ja umbae je aque perla rɨbɨshorō no.

Dios ra mbia icua quiriro

⁴⁷Sɨra mbua mbua ji rã ño Dios rimba re. Sã emo tarafa mondo ii no. Sɨra chumumbarate que embua ra. ⁴⁸Sã sɨra mbuasa mbisẽ tuchɨ riqui no. Sã echa econosẽ serao usẽ cote no. Echa que ngoi sɨra turã irabo rabo cote ra. Sɨra ɨcuã ndirirō ndirō emombo sacuã. ⁴⁹Eĩ sɨ ra Dios mbae ua ja mose. Dios ra ángeles mbu mbia ɨcuã mombo sacuã mbia turã sɨ. ⁵⁰Eɨcuã nda emombo tata cuásuu. Nyeseo seo tuchɨ ra tátaa. Huee ra ureĩ quiti quiti tuchɨ. ⁵¹ċSecheẽ jẽɨcuate rei quia ã nde? ɨ que Jesús ñee mbia je ra. —Ae, ɨ que ñee Jesús je ra. ⁵²Jesús que ñee ee ra. —Embesasa mo siqui mose serese, mbaecha rã ño aque re. Sã mbaecha riqui umbae ɨma ndirō mbia je emo mose no. Umbae yasu abe rirō emo mose no, ɨ que Jesús ñee mbia je ra.

Mbia Nazaret jenda Jesús isiteã

⁵³Jesús que ũquĩ ejemplos senei ja mbia je ra. Hue sɨ que esɨ cote ra. ⁵⁴Oso que ngasẽ nguecua Nazaret cote ra. Oso que mbia mbaaquiatu judíos chumunuásaa ra. Nyebe mbia nyuruɨra tuchɨ nguiã ñee nyue. —¿Mangue

eriqui ñimbaaquiatu tuchite re? Nandemae sayã esaã saã tuchichĩ nguia re. ⁵⁵Ira mbitirõ tirõsa riirĩ ño ndaque. María abe riirĩ ño ndaque no. Jacobo nongue chỗ ndaque. José abe no. Simón abe no. Judas abe no. ⁵⁶Ã echari abe riqui ja raque nanderese ã. ¿Mañi equia mbae i cua ja tuchite re? i que mbia Jesús recu a jenda ñee nyue ra. ⁵⁷Nyebe mbia hue jenda riqui Jesús isiteã nde. Jesús que ñee ee ra. —Dios cheẽ mbuchecuasa ishonda cheẽ nguia ra mbia isi turã mbei. Nguecua jenda cheẽ achỗ nguia ra eisi turã eã. Ngõngue cheẽ achỗ nguia ra eisi turã eã no, i que Jesús ñee nguecua jenda je ra. ⁵⁸Hue jenda mbia que Jesús icua eãte ra. Isiteã ño ngue ra. Nyebe Jesús mbia mae sayã naa eã jiri nguiã ee huee.

Mbia Juan el Bautista iquia

¹Mbia que jirandu ja Jesús rese cote ra. Herodes abe que jirandu erese ra. Ererecua que ae ra. ² Juan el Bautista Jesús riqui re e e reae. Ae que nee ngũimba je Jesús rɨɨ nda. —Sechɨɨquia quera sɨ chochɨ. Juan el Bautista quera si chochi. Nyebe eriqui nguia mbia mae saya naa naa co, i que Herodes ñee Jesús rii nda. 3-4Herodes que Juan isi icua nyii ra. Nyucua que mondo tarõ nda. Paama i nda Juan je ra. —iNde ndenongue ninisi erereco aroneate jel i quiatu que Juan nee ee nyii ra. Herodes siqui mose nongue ninisi rese. Herodías, i que enongue ninisi je ra. Felipe, i que enongue je ra. 5—Juan taiquia, i rei que Herodes ñee nda. Mbia ataque quiarei siqui tuchi Juan ndese. Dios chee mbuchecuasa, i cho mbia nguiã Juan je. Nyebe Herodes siquiche jiri nguiã Juan iquiayã aque mose. ⁶Herodes mbae cumpleaños mose, Herodías riirí ngue nyuruqui ruqui mbia ja je aque mose ra. Nyucuaaque que ae ra. Herodes ia tuchi que mae nyucuaaque nyuruqui rese ra. 7—¿Mbae ra amee ndeje re? Echee ño seje. "Sebite co" nde i mose, aque tamondo ndeje. Achee noono ea no nguia ndeje a, i que Herodes ñee nyucuaaque je ra. 8Esi quia ñee ñee nguia nyucuaaque je nyii reae. Nyebe nyucuaaque ñee nguiã Herodes je. —Juan el Bautista ãquĩ emee na seje mbia chiu riru ye, i que nyucuaaque ñee ererecua Herodes je ra. ⁹Ererecua chosoi que oso seri tuchi eche<u>e</u> andu mose ra. —Ache<u>e</u>chi se quia ee. A seresenda chi ja quiaru serese a resẽ. Ã seandu ja chốchĩ. Nyebe ra sechee ambuchebi ea ee, i que ererecua uchiangui re ra. —Juan aquí emee ee, i que nguimb a je cote ra. 10—Juan aquí jendoso oso cárcel. Jemondo nyucuaaque je, i que ra. 11—Juan ãquí ngue ecurucuae mbia chiu riru ye cote ra. Mee ngue nyucuaaque je cote ra. Nyucuaaque que emee usi je cote ra. 12 Juan ñimbaaquiatu que ngae Juan ndaaque rea ra. Nyati que suruchoi ra. Nyoi que Jesús mbiirandu erese cote ra.

Jesús mbichae tubiriã saã mbichae miije

¹³Jesús jirandu mose Juan ndese que esi turúquiaa ra. Ama ndui que esi canoa ye ra. Mbia que jirandu randu erese ra. Nyebe nyoi ja

nguiã erui ibi rĩ. Sucha ja ja jenda. 14 Jesús que usẽ canoa si cote ra. Mbia tubiria ndese que mae nda. Eya ea tuchite que erese ra. Erasi que embuchero chero nda. ¹⁵Tenda nyeseco mose que echimbaaquiatu ñee ndei ee ra. —Mbae ãte a turúquiaa. Tenda abe nyesecote. Mbia emondo rã sucha tubiriã nia. Sã echoi bei uchiurã isi, i rei que echimbaaquiatu ñee Jesús je ra. 16—Sã echoi eã. Jeño mbae jemondo ee echiurã, i que Jesús ñee ee ra. ¹⁷—Tei. Mbae quia ra aba mondo ee. Cinco cho ngue mbichae ra. Sira abe nyeremoñote nyerese, i que echimbaaquiatu ñee Jesús je ra. ¹⁸—Jembu rã seje, i que Jesús ra. ¹⁹Ñee ngue mbia tubiriã je cote ra. —Jengoi ja quiata tose, i que ra. Jesús que mbichae cinco siro cote ra. Sira nyeremo abe no. Mae ngue ibate ra. Gracias, i que ñee Dios je ra. Mbichae que esiquio quio cote ra. Mee ngue uchimbaaquiatu je ra. Echimbaaquiatu que emee mee mbia ja je cote ra. ²⁰Mbia que embuquiaru ja tuchi cote ra. Miãtã tuchi que ra. Mbia huisa tubiriã ngue cote ra. Sira rire. Mbichae rire abe no. Doce iru que mbia mombise esique sique je ra. ²¹ Ae mbichae u sira rese nae, etubiriã tuchite que ra. Cinco mil ndobei. Cuña abe etubiria. Mbia riiri abe etubiria no.

Jesús ngata i arõ

²² Aquere que Jesús uchimbaaquiatu mondo ja canoa ye ra. —Jē nane jēso sobei. Mbia tambui turā na mondo uchuchúaa se nyii, i que ra. ²³ Jesús que mbia tubiriā mbui turā mondo uchuchúaa cote ra. Ae ae que oso sita ibate rī cote ra. Ñee sacuā Dios je. Huee que ae ae riqui itondaru chee ra. ²⁴ Canoa yenda que chi bei quia ama ite rī nda. Quiririā ngue tu icuā icuā ee ra. I rebera que tu asi asi tuchi ee ra. ²⁵ Nguira cheē mose que Jesús ngasē ee ra. I arō ngue esi quia ngata ra. ²⁶ Echimbaaquiatu que mae erese ra. Echiā ngue cuaācuā i tuchi ra. Ngata mose i arō. —Aba checuayā no tu nguiā aque, i rei que tasē tasē nda. Siquiche tuchi que ra. ²⁷—Jēsiquichechī nguiā. Se chō nyeresē, i jeite que Jesús nee ee ra.

²⁸Pedro que ñee ee ra. —Nde mose, echeẽ seje. "Echu ngata i arõ", ere seje, i que Pedro ñee Jesús je ra. ²⁹—Quiatuchu, i que Jesús ñee ee ra. Ae Pedro nguichi nguiã canoa si i rese irõ. Oso nda ngata i arõ Jesús rea chã nde. ³⁰Pedro mae mose quiririã icuã ndese que esiquichete ra. I que oso quia ñiimi nda. —iSererecua! iSenonosẽ na se! i que ñee Jesús je ra. ³¹Ae Jesús o mondo nguiã eo isi. —Seicuayã ñochĩ. ¿Mbaerã ereico seicuayãte re? i que Jesús ñee ee ra. ³²Ua mose canoa ye que quiririã tiba cote ra. ³³Canoa yenda que ñee turãte Jesús je cote ra. —Dios rucucha tuchi chố nde riqui re. iAe bei jẽ! i que ee ra.

Jesús mbia Genesaret jenda mbucherő cherő

³⁴Ngasẽ nyee que sobei cote ra. Genesaret, i que hue ibi je ra. ³⁵Hue jenda que jirandu ja erese ra. Hue rurubinda abe que mbia mbiirandu

erese ra. Mbia que er asi curucuaẽ cuaẽ ja Jesús je cote ra. ³⁶—Sã mbia rasi oco oco rã ndeirao ai rese, i tuchi que mbia Jesús je ra. Ae oco erese nae, ũquĩ ngue nyerõ nyerõ ja ra.

Mbia chiangui renda ae cho embiicua nguia

15 ¹ Aquere que fariseos mo ngae nec sesus je ra. 2 un que ra. Jerusalén jenda chỗ ũquĩ ja re. ² Ūquĩ ngue ñee Jesús je ¹ Aquere que fariseos mo ngae nee Jesús je ra. Embesasa mo abe ra. —¿Mbaerã ndechimbaaquiatu riqui nanderamei ñee mumba mumba beite re? Echoi quiiriã mbei cho quiaru nguiã, i que nee asite Jesús je ra. ³Jesús que ñee ee ra. —¿Mbaerã jēingo Dios chee mumba mumba je nde? Jenamei ñee ndese chôte jẽingochĩ nguiã ã. Siqui rocoĩ Dios cheẽ ndese. 4Dios que ñee mbia je cose ra. "Jetura no jeingo jendu je. Jesi je abe no. Emo ñee icuã mose ngu rii, ũqui jeiquia. Emo ñee icuã mose usi abe rii no, ũqui abe jẽiquia no", i quia que Dios ñee mbia mbaaquiatu cose ra. 5-6 Dios chee jenyabi tuchi chochi nguia mbia mbaaquiatu quiatu ã. "Ae nda amee neĩ jẽje, ũquĩ ngue amee ja Dios je ra", i mose emo ñee ngu je, "coche ñene" jenye chốchĩ nguiã ee. Mbae mee eã mose ngu je. Usi abe je. Nyebe jeingo nguia mbia mbaaquiatu icua icua uqui. Jenamei ñee acho no jesenei senei nguia mbia je uqui. Dios chee nenei nenei ndocoi ee. 7 Jetura jesaa noono no nguia uqui. Jenii tuchi cho ngue Isaías embesa nguiã cose. Ei ngue Isaías embesa cose ra:

8 A mbia ñee tură ndaque quia seje ă. Uchiangui re quia eriquiăte nguiă serese ă.

⁹ Ñee turãte raque equia seje ã.

Amei ñee acho ño esenei seneichi nguiã mbia je.

Dios cheẽ mɨɨ nenei nenei ndocoɨ ee,

i que Isaías embesa jenii nda, i que Jesús ñee ucuasu raã naasa je ra.

10—Jenyu rã secheẽ andu, i que Jesús ñee mbia tubiriã je ra. —Secheẽ jẽicua rã jeñiangui re. 11 Mbia chiu embiicuã eã nguiã. Echiangui renda chỗ embiicuã nguiã. Echiangui renda chỗ usẽ nguiã echuru rĩ echeẽ mose. Ũquĩ ño embiicuã nguiã, i que Jesús mbia mbaaquiatu ra. 12 Echimbaaquiatu que ngaẽ ñee Jesús ísaa cote ra. —¿Ereicuayãte ere? Ndecheẽ ngue fariseos mbupaama ite ra, i que echimbaaquiatu ñee nyecuayã ee ra. 13 Jesús que ñee ee ra. —Ae ira Paba Ibatenda chutã eã nae, ũquĩ nda esiqui ja erao resebe. Ũquĩ ira rã ño fariseos riqui nguiã ã. 14 Eresayã na ño fariseos riqui nguiã. Sã eresayã mo "ñeenda tateacuquia jēje" i raque emo je no. Quiachã ja chỗ ndae, i que Jesús ñee ee ra. 15 Pedro que ñee ee cote ra. —Erecheẽ ngue namo, "ũquĩ nda mbia mbiicuã" ere que, ũquĩ embuchecua rã ndecheẽ ure je, i que Pedro ee ra. 16 Jesús que ñee ee ra. —¿Jē abe jēicuayãte quia re? 17 Ae mbia u quia nae, oso chỗ nguiã erie ye. Echiique rui chỗ eriqui nguiã oso oso. Usẽ nyee. 18 Mbia chiangui renda chỗ embiicuã nguiã usẽ mose echuru

rī. ¹⁹Aba chiangui renda quia aba mundua icuã icuãte nguiã. Nyebe mbia riqui nguiã emo iquia. Siqui siqui emo ninisi rese. Emo ndu rese abe no. Siqui siqui eruã ndese no. Mbae mbuquiachã quiachã no. Ñee ñooño abe no. Ñee icuã icuã no. ²⁰Mbia chiangui renda ja chỗ ũquĩ nde. Ũquĩ no mbia mbiicuã icuã nguiã ũquĩ ao ao mose. Uchoi quiiriã mose quiaru, ũquĩ nguia ra mbia mbiicuã eã, i que Jesús ñee nda.

Ari mo Jesús icua

²¹ Jesús que nyoi hue recha cote ra. Ngasẽ ngue Tiro jii cote ra. Sidón jii abe no. ²² Ari mo Canaán jenda que sigui huee ra. Ae que tu ñee Jesús je ra. —David nducucha cho nde re, Jesús. iNdevaya ño serese je! Aba checuavă icuă ndiqui seriiri mbasi mbasi co, i tuchi que ari nee Jesús je ra. ²³Jesús que ñee ãte ee ra. Echimbaaquiatu que ngae ñee Jesús je ra. —Ari emondo cho uchuchúaa. Eñi mbeichi ñee nande je a, i que echimbaaquiatu ñee Jesús je ra. ²⁴Jesús que ñee ee ra. —Sã ovejas mo quiachã no. Ũquɨ na ño judíos riqui nguiã ã. Judíos achõ je chỗ ngue Dios sembu nguiã, i que Jesús ee ra. ²⁵ Ari que tu ngoi ngũíã ndese ñee Jesús je ra. —Sererecua, seriirī embuchero na seje, i que ari ñee Jesús je ra. ²⁶ Jesús que ñee ee ra. —Judíos rese rane taico mbae raã naa. Ahui aronea judíos si, mbae raã naa mbiamo je, i que Jesús ee ra. 27 Ari que ñee ee ra. —Aicuate raque se, Sererecua. Mbiamo ndaque ure. Judíos eã ndaque ure. Ure abe je cho mbae esaa ae. Seriirī embuchero seje ae, i que ari ñee ee ra. ²⁸—Seicuate equia co, Ari. Nderiirī tambucherō ndeje, i que Jesús ñee ari je ra. Aque mosechi tuchi que eriirī nyerō nda.

Jesús mbia rasi chumumbara mbucherõ

²⁹ Jesús que oso hue recha cote ra. Oso que equia ama nimia ndui ra. Ama Ndisha Galilea nimia ndui. Hue si que esi sita ibate cote ra. Huee que ngoi huee ra. ³⁰ Mbia que ngaẽ ngaẽ tuchi quia ee huee ra. Erasi chumumbara rurucuaẽ cuaẽ tuchi ee. Ecuatayã. Eresayã. Echeẽ ngũíã. Eo icuã. Mbia que ũquĩ ndasi chono ja Jesús i jii ra. Jesús que ũquĩ mbucherõ ja ra. ³¹ Nyebe mbia riqui nguiã nyuruira tuchi mae erese. Echeẽ ngũíã ñee turã mose. Eo icuã mbuturã mose. Ecuatayã ngata turã mose. Eresayã mae turã mose. Nyebe mbia ñee turã ja nguiã Dios riĩ.

Jesús mbichae tubiriã saã mbichae mii je

³²Jesús que ñee uchimbaaquiatu ísaa cote ra. —Seyayãte aico ã mbia tubiriã ndese co. A echi arete serese tres días a. Embae mo eãte echiurã aa. Eriãcuã amondo sereãte echuchúaa. Eriãcuã nda eiquia ñeenda cúa, i que Jesús ra. ³³Echimbaaquiatu que ñee ee ra. —Turúquiaa chō nandeico a resẽ. ¿Mañi nda aba ã mbuquiaru ja re? Mbae eã tuchite a resẽ, i que echimbaaquiatu ñee Jesús je ra. ³⁴—¿Manya mbichae jembae re? i que Jesús

ee ra. —Siete mbichae. Sira ñetẽ mo ndese, i que ee ra. ³⁵ Jesús que mbia mbucoi ja íbii ra. ³⁶ Mbichae que eisi ja o je ra. Sira ñetẽ abe no. Gracias, i que Dios je ra. Mbichae que esiquio quio mbia je cote ra. Sir a rese. Mee ja que uchimbaaquiatu je cote ra. Ũquĩ ngue emee mee mbia ja je cote ra. ³⁷ Mbia que eu ja ñimbio chee ra. Mbichae sique sique que emunua nua ja ra. Sira sique rese. Siete iru que emombisẽ nyee ra. ³⁸ Mbichaecua rei mbia cuatro mil. Cuña abe abe. Mbia riirĩ abe abe no. ³⁹ Jesús que mbia mondochoi ja cote ra. Jesús que ua canoa ye cote ra. Oso que Magdala quiti cote ra.

Mbia mae sayã eteacuquia ure je, i fariseos

1—Tã nande rã Jesús je, i que fariseos ñee nyue ra. Saduceos rese. Nyebe ũquĩ ngaẽ nguiã ñee Jesús je. —Mbia mae sayã esaã na ure je. Ĩ nda "Dios chimbu" ure tuchi ndeje, i rei que ñee Jesús je ra. ²Jesús que ñee ee ra. —Ibei jēicuate raque ũquĩ. Ibei ireĩ ndese jemae mose eresaitõ, "ama nda nyaaquíã" jenye chỗ nguiã eicua. ³Ibei ireĩ ndese jemae mose eresaitõ ndabe, "nyaaqui rae", jenye chỗ nguiã eicua ũquĩ no. Ibei jēicuate raque quia ã. Ae Dios teacuquia jēje nae, ũquĩ jēicuayã mbei chỗchĩ nguia ã. Ae ra tu icuấte mbia je nae, ¿mbaerã jẽingo ũquĩ nguiatu icuayãte re? ¿Mbaerã jẽingo jẽaracua raã naa nde? ⁴Mbia icuã ja chỗ ã nde. Ae siqui ibi rĩ namo nae. Hui jate equia Dios si ã. "Mbia mae sayã esaã ure je", i chỗchĩ equia seje ã. Aque mii nda asaã jēje. Jonás na si ra asaã jēje, i que Jesús ñee nda. Oso que erecha cote ra.

Fariseos mbia mbaaquiatu icuã, i Jesús

⁵Jesús chimbaaquiatu que uchiurã curuchoi eã nda. Tesarei que esi nyoi mose sobei ra. 6 Jesús que ñee ee ra. —Mbichae mbuchimatãsa rã ndei fariseos chee. Saduceos chee abe no. Ũquɨ ñee ndese ra jeɨngochɨ je, i que Jesús ee ra. 7—Mbichae quiatu ngue nanderuã nguiã. Nyebe eriqui nguiã nee nande je ũquɨ, i rei que echimbaaquiatu nee nyue ra. 8 Jesús que echee nee icuate ra. Nyebe nee nguiã ee. —¿Mbaerã jeingo "mbichae nanderuachi" i re? ¿Mbaera jeingo seicuayate re? 9Ae rii aico nee jeje nae, ¿ũquĩ jẽicuayã mbeite quia re? Se mbichae mbeta mose ¿ũquĩ si jetesarei cho nde? Cinco mbichae mbeta mose mbia cinco mil je, ¿manya iru jemombisẽ mbichae sique sique je re? ¹⁰Siete mbichae mbeta mose mbia cuatro mil je ¿manya iru jemombisẽ mbichae sique sique je no? ¹¹Sechee mose jeje nyii, "mbichae mbuchimatasa ra ndei fariseos chee", i mose jeje, sechee jeicua ra. Mbichae rii aico nee ate jeje co. Fariseos cheẽ ndese jẽingo eã sacuã no aico nguiã nee jẽje. Saduceos cheẽ ndese abe jeingo ea sacua, i que Jesús ra. 12 Echimbaaquiatu que eicua chee ra. —Mbi chae mbuchimatăsa rii ea no eriqui nee nande je re. Ae fariseos senei senei icua nguia mbia mbaaquiatu nae, ũquĩ nii ño eriqui ñee nde. Saduceo ñee nii abe no, i que echimbaaquiatu eicua ramo cote ra.

Cristo cho nde rese, i Pedro Jesús je

13 Jesús que nyoi Cesarea de Filípoo cote ra. Huee que ñee uchimbaaquiatu je cote ra. —Mbiarã ngue achu íbii ra. ¿Aba aico rei se mbia je re? i que Jesús ñee ee ra. ¹⁴Echimbaaquiatu que ñee ee ra. —Juan el Bautista ereico rei nguiã mbia je co. Elías ereico rei nguiã emo je no. Jeremías ereico rei nguiã emo je no. Dios chee nenei neneisa mo ereico rei nguia emo je no, i que echimbaaquiatu nee Jesús je ra. 15—¿Aba aico rei jeje co re? i que Jesús ee ra. 16—Cristo cho nde rese. Dios riiri no nde rese, i que Pedro ee ra. 17-18 Jesús que nee Pedro je cote ra. —Ndevate ereico co, Simón. Mbia mo nembiirandu eãte quia serese co. Paba Ibatenda mii ño nembiirandu nguiã serese. Jonás ndiirī ndei nde. Tachee tuchi ndeje. "Pedro" i cho equia ndeje co. "Sita" i ñi Pedro je re. Aque sita arõ ño nda sembae iglesia achao. Satanás nda esiquisã eãte. Satanás quirãcuãte raque. Mbia iquiasa raque ae no. Ae ra sembae iglesia siquisã eã mbei. 19 Mbae tamee ndeje. Llave tamee ndeje. Aque je ra Dios recua iquesa erembuquiata quiata mbia je. Mbia ique sacuã. Ae je ra erembuqui ata, ũquĩ nda ique. Ae je ra erembuquiata eã, ũquĩ nda ique eã, i que Jesús ra. ²⁰ Jesús que ñee uchimbaaquiatu ja je cote ra. —"Jesús rei Dios chimondo" jenvechi nda emo mbiirandu je, i que ee ra.

Mbia ra seiquia, i Jesús

2¹ Aque mose bei que Jesús umano nonde senei senei uchimbaaquiatu je ra. —Paba ra sererao Jerusalén. Huee ra amei seiruã nu a tuchi. Sacerdotes rerecua abe ra sembasi mbasi tuchi no. Embesasa abe no. Seiquia rae. Tres días mose ra aquera si, i que Jesús ñee ee ra. ²²Pedro que Jesús querao pe jiri ñee sacuã ee ra. —Mbia ra jeĩ jeĩchĩ ndeje jẽ. Mbia ra ndeiquiachĩ jẽ, i rei que Pedro ñee asi ee ra. ²³Jesús que uba ñee Pedro je ra. —Ehui chỗ sesi, Satanás. ¿Mbaerã ereico seriquisã quisã nde? Mbia ndua rã ño ereico nguiã ndua. Dios ndua rã eã, i que ñee Pedro je ra.

²⁴Jesús que ñee uchimbaaquiatu je cote ra. —Emo siquise mose serui, sã hui ja mbae ubi si. Sã cruz umbaerã ndui se rã si. Sã eriqui serui bei cote. ²⁵Emo ndua bei mose ngueco rese, ereco ra ua esi. Emo hui mose ngueco si seje, ũquĩ nda siqui bei. ²⁶Emo ngueco mumba chooño mose, eya eã mbei rae. Mbaecha rete raque. Emo ngueco mumba chooño mose, mbae mo eãte ereco ribishorõ sacuã. ²⁷Dios ra sembu si íbii uquirãcuã je. Ibatenda rese ra achu ángeles. Ae mbae turã saã saã nguia nae, ũquĩ je ra mbae turã amondo se tu mose. Ae mbae icuã saã saã nguia nae, ũquĩ je ra mbae icuã amondo no. ²⁸Tacheẽ nyecua jēje. A jengu a nae, jemo nda jemae sechu rese. Achu ra mbia rerecuarã tuchi cote. Jemo jemano eã mose r a achu mbia rerecuarã tuchi cote, i que Jesús ra.

Jesús nyiicuabo uchimbaaquiatu résaa

¹Tenda seis uare que Jesús uchimbaaquiatu mo nderao sita 17 ibátee ra. Pedro. Jacobo. Juan abe no. Jacobo nongue rei Juan. Ũguɨ ngue equerao ja mbia tiãsaa ra. ²Jesús que nyɨicuabo erésaa ra. Eruba que ñimbiasu ra. Tenda nininya rã tuchi que eruba ra. Eirao abe nininya tuchi que ra. Eiraoshĩ nininya tuchi que ee ra. 3 Mbia nyeremo ngue nyecua u ibate si ra. Jesús nininya mose que echi ñee ñee erese ra. Moisés que enongue ra. Elías que enongue ra. 4Pedro que ñee Jesús je ra. —Sembaaquiatusa, nandecu turate a. Sucha nete uresaa saa na, ndebi mose. Enongue nembaerã. Enongue Moisés mbaerã no. Enongue Elías mbaerã no, i rei que Pedro ñee Jesús je ra. 5 Pedro chee mosete que ibeishī ndu eite ñi nda. Abamo ñee mo ngue echandu ibeishī qui re ra. — Co rei sebi tuchi seriirī co. Seya tuchite aico erese co. Echee jeñandu bei quia, i que Dios ñee ee ibeishî qui re ra. 6 Echimbaaquiatu que siquichete eandu mose ra. Echee mose que echoi nyaara nguíe quiti ra. 7 Jesús que esiichã oco oco erese ra. —Jēhuã na. Jēsiquichechī nda jē, i que ñee ee ra. ⁸Echimbaaquiatu soboiba mose que mae Jesús mii ndese cote ra.

9I ecuae nguia nguichi mose sita ibate si que Jesús ñee ee ra. —Ae rese jemae namo nae, ũquĩ nda jesenei seneichĩ emo je je. Seraaque quera si mose, aque mose ramo ño jesenei senei mbia je cote, i que Jesús ñee ee ra. ¹º Echimbaaquiatu que ñee ee cote ra. —¿Mbaerã "Elías rane nda tu Cristo si" i embesasa re? i que ñee Jesús je ra. ¹¹ Jesús que ñee ee ra. —Ae bei. Coche Elías rane tu nguiã mbae mbitirõ ja. ¹² Elías que tu ra. Mbia que eicuayate ra. Mbia icua icua jate que eriqui ee ra. Eĩ si ra mbia icua icua seje no, i que Jesús ee ra. ¹³ Echimbaaquiatu que Jesús chee icua ramo cote ra. —Juan el Bautista riĩ ño eriqui ñee nde, i que Jesús chee icua ramo cote ra.

Jesús aba checuayã jea mbia riirī mo si

14Ngasẽ ngue mbia ja je cote ra. Emo ngue ngoi ngũíã ndese ñee Jesús je ra. 15—Seriirĩ embucherõ na, Sererecua. Tẽ i beite que equia ra. Titi titi i beite que equia no nda. Erasi tuchite. Ngoi coi beite tátaa. Ama ye abe ngoi coi beite. 16"Seriirĩ embucherõ na", ae rei ngue nguiã ndechimbaaquiatu je. Mbia mbucherõ aquiatuã ño eriqui re, i que eru ñee Jesús je ra. 17 Jesús que ñee cote ra. —¿Mañi jenye quia seicuayāte re? ¿Secheẽ jemumba tuchi chỗ nguia re? ¿Ñimbirãcuã mbeite ra aba quia jēje re? i que Jesús ra. —Eriirĩ jendu rã seje, i que cote ra. 18 Jesús que ñee asite aba checuayã je cote ra. Aba checuayã ngue usẽ eriirĩ si cote ra. Aque mose tuchi que eriirĩ nyerõ cote ra. 19 Aquere que echimbaaquiatu ñee Jesús ísaa ra. —¿Mbaerã ureico aba checuayã jea aroneate mbia si re? i que ñee Jesús je ra. 20 Jesús que ñee ee ra. —Seicuayāte jiri quiatu

nguiã ã. Tacheẽ nyecua jēje. Sã mostaza eĩ ñetēte riqui raque no. Jẽ seicua ñetẽ mose, mbae ra asaã ja jēje. "Eso pe jiri", jenye mose co sita ibate je, siri ra oso pe jiri jeñee nguire. Jẽ seicua mose, mbae jẽ saã ja arondete. ²¹ Aba checuayã ngue ajea namo, ũquĩ nda jẽjea eã jeñee eã mose Dios je. Ũquĩ nda jẽjea eã, jẽhui eã mose jenyiu si, i que Jesús ñee ee ra.

Mbia ra seiquia, i si Jesús

²²Galilea rī ngue Jesús riqui ngata uchimbaaquiatu rese ra. Jesús que embaaquiatu quiatu quia ra. —Mbiarã ngue achu ra. Mbia ra semee mbia icuã je. ²³Mbia icuã nda seiquia. Tres nyaashī mose r a aquera si, i que Jesús ra. Echimbaaquiatu ia eã tuchi que echeẽ mose ra.

Jesús mbae isiquia mondo impuestos pagar i sacuã

24Ngasẽ ja que Capernaum cote ra. Ae impuestos isi isi quia Dios chuchua jenda nae, ũquĩ ngue nyoi ñee Pedro je ra. —¿Jenderecua impuestos mee eã nguia Dios chuchua jenda je re? i que ñee Pedro je ra. 25—Impuestos emee mee mbeite quia co, i que Pedro ee ra. Pedro que oso ique tuchúaa cote ra. Jesús rane ngue ñee ee ra. —I ere, Pedro. ¿Aba je mbia rerecua riqui "impuestos jemee na seje" i re? I eã nda nguiirî je. Mbiamo je chō nda ñee nguiã, i que Jesús ee ra. 26—Ae. Mbiamo si ra eisi, i que Pedro ñee ee ra. Jesús que ñee ee cote ra. —Eriirī nda impuestos mee eã ee resẽ. 27 Dios riirī ndaque se. Impuestos nandemee ndei Dios chuchua jenda je. Sã mbia ndua icuã eã nande rese. Quiatu ama ndíshaa. Sira mbabasa emondo ii. Ae rane nda sira erembua nae, aque churu ye ra mbae isiquia mo eretea. Aque emee serao impuestos isi isiquia je. Sembae impuestos sacuã. Nembae sacuã abe no, i que Jesús ñee Pedro je ra.

Ererecua tuchi ra se, i jaaja Jesús chimbaaquiatu nyue

18 ¹Aque mose que echimbaaquiatu ñee jate Jesús je ra. —¿Aba ra ererecua tuchi ure nderese re? i que ñee Jesús je ra. ²Jesús que ãquẽ mo mbucoi mii eite re ra. ³Ñee ngue mbia je cote ra. —Tacheẽ nyecua jēje. Dios quiti jemba eã mose ra jenderecua eã mbei Dios. Mbia riirĩ na jẽingoã mose ra jenderecua eã mbei Dios no. ⁴Ae siqui quia cocheete nae, ũquĩ nda mbia rerecuarã nyee Dios rese. Ae siqui quia mbia riirĩ na nae, ũquĩ nda mbia rerecuarã nyee Dios rese. ⁵Ae eturã ndiqui mbia riirĩ je seriĩ nae, seje abe chỗ eturã ndiqui nguiã.

Mbae icuã nda nandesaã uquiachii emo je

⁶Ae ra mbae icuã saã uquia seicuasa mo je nae, ũquĩ nda mbae rasi saã tuchi cote. Ũquĩ nda aba mombo chỗ ama ndisha ye nyii re chã. Sita resebe ecua ji mondo. Ĩ nda mbae icuã naa uquia eate rei seicuasa je.

7Mbae icuã nguiarei siqui bei tuchi mbia mbiicuã nonde. Ae ñee nguia mbia je nae, "mbae icuã esaã" i nae, eicuã tuchi chố ũquĩ nde. Ae "mbae icuã esaã" i nae, ũquĩ nda mbae rasi saã tuchi cote. 8Ndeo nemingo mose mbae icuã ndese, ndeo echisia mombo. Coche rei ra ereso ibate ndeo mii nderequia, siqui bei sacuã huee. Ndei nemingo mose mbae i cuã ndese, ndei echisia mombo no. Coche rei ra ereso ibate ndei mii nderequia, siqui bei sacuã huee. Oso rocoĩ tata cuásuu, ndeo nyeremo nderao. Ndei nyeremo nderao. Tata ra uqueã mbei huee no. 9Nderesa nemingo mose mbae icuã ndese, nderesa echoo. Coche rei ra ereso ibate nderesa mii nderequia. Nemombo rocoĩ tata cuásuu, nderesa nyeremo nderao.

Oveja quiachã je

¹⁰ Seriirī ñetē mo nda jēucuāyāchī jē. Angeles riqui eraarõte ã. Angeles riqui Paba rese ibate pe. ¹¹ Se que achu quiachã je rea ra. ¹² Sã emo nimba quiachã oveja no. Cien ndei ngue erimba re. Co mɨi ngue quiachã ee ra. Aque esi quia quiachã je requia aque. Eataque recha. Noventa y nueve recha. ¹³ Tacheē nyecua jēje. Echa quiachã je rea mose, eyate que erese ra. Eya tuchi que erese ovejas ataque si ra. Quiachã eã je si. ¹⁴ Sã jendu ibatenda abe no. —Sã aque mɨi quiachã eã seriirĩ ñetẽ mo, i chỗ Dios nguiã co.

Emo mbae icuã naa mbei mose ndeje, etesarei sarei bei chõ

¹⁵Nderesenda icuã mose ndeje, eso ñee ee. "Ã ngue eresaã mbae icuã nda", ere chô ñee eísaa. Ndecheẽ andu turã mose, nderesenda que erembitirõ turã nda. ¹⁶Ndecheẽ andu sereã mose, emo abe erao ñee sacuã ee. Aque mii nda reae. Nyeremo nda re no ae. Ũquĩ abe ñee sacuã ee. Jeñee ja mose ee hue rĩ ja, jẽandu turã arõte. ¹⁷ Ũquĩ andu sereã mose, jeñee mbia chumunuásaa cote. Sã mbia ñumunua je ñee ja ee. Ũquĩ ñee andu sereã mose, jemombo chỗ cote. Dios quiatoã naanguia jẽsaã ño ee cote. Mbia icuã naanguia jẽsaã ño nguia ee cote. ¹⁸Tacheẽ nyecua jẽje. Jẽ mbae mo ndiquisã mose, Dios abe ra esiquisã. Jẽ mbae mo ndiquisã eã mose, Dios abe ra esiquisã eã no. ¹⁹Tacheẽ nyecua jẽje. Jẽ nyeremo ndua turã mose hue rĩ sí, "co embu ure je" jenye turã ja mose Dios je, Paba Ibatenda ra emondo jẽje. ²⁰Jẽ nyeremo ñumunua mose seriĩ, aico chee nguiã jendese jẽite re huee, i que Jesús uchimbaaquiatu je ra.

²¹ Pedro que ñee Jesús je ra. —Seresenda icuã mbei mose seje ¿manya veces ra atesarei eicuã si re? ¿Siete veces ra re? i que Pedro ra. ²² Jesús que ñee ee ra. —Tei. Siete veces eã. Eata tuchi quia ñene. Setenta veces siete quia ñene, i que Jesús ee ra.

Jendesenda icuã si chô jetesarei

²³Sã ererecua mo ndiqui no. Dios rã si chỗ ererecua re. Sã ererecu a cuenta raã naa ja ngũimba je no. ²⁴Cuenta raã naa mose que erimba

mo ndurucuae ee ra. Aque que deber i tuchi quia ee ra. ²⁵Mbae ate que erimba mbae pagar i sacuã nda. Nyebe ererecua ñee nguiã. "Embae je vender nande ja rã. Eriirî abe je vender nande. Eninisi abe no. Ae abe je vender nande. Ĩ nda cuenta ua jiri", i rei que ererecua ñee nda. 26 Erimba ia eã tuchi que echee andu ra. Ngoi que ngũía ndese ñee nguerecua je ra. "Sererecua, eico tochi cho seje ae. Mbae tamondo ja chee ndeje", i que erimba ra. ²⁷ Ererecua ia eã tuchi que erese ra. "Mbae emondo eã ndei seje pagar i sacuã", i cho nyee que ee ra. Hui cho nyee que esi ra. ²⁸Erimba que use ndei oso quia ra. Aque mosechi que ngase nguesenda mo je ra. Deber i miite rei ee reae. "Pagar ere ra seje", i que echosoi isi ra. ²⁹Eresenda que ngoi ngũía ndese ñee ee ra. "Eico tochi chỗ seje ae. Mbae tamondo ja chee ndeje", i que eresenda ñee ee ra. 30 "Nya" i chõ ngue enongue echee mose ra. Cárcel cho ngue ererao chee mata nda. Mbae mondo ja chee sacuã ee. 31 Eresenda ataque ia eã tuchi que mae erese ra. Nyebe echoi nguiã ñee ererecua je. 32 Nyebe ererecua "echu" i nguiã ee. "Serimba icuãte cho ereicochi nde re. Ae deber ere seje, ũqui nii ngue achee eate ndeje. Seya eate que nderese nde nee mose seje nyii. 33 ¿Mbaerã ndeya eã eã ño ndenongue rese nde re? Sã ñi seya eãte nderese nyii no", i que ererecua ñee ee ra. 34 Ererecua que paama i tuchi ee ra. "Jēiruā nua tuchi, pagar i ja chee", i que ererecua ñee mbia je ra, i que Jesús mbia mbaaquiatu quiatu ra. 35—Ei sí ra Paba Ibatenda paama i iẽje, jẽtesareiã mose jendesenda icuã si, i que Jesús mbi a je ra.

Jesús ñee mbia ngũinisi mombo je ri

¹ Jesús chee uare que esi Galilea si cote ra. Ama Jordán ndobei que esi sobei cote ra. Judea bei cho hue ja ibi re. 2Mbia que nyoi ja tuchi quia erui ra. Huee que mbia rasi mbuchero chero tuchi ra. ³Fariseos mo ngue nyoi Jesús riichã nda. —Tã nande Jesús je no. Ma ñee Dios chee abi, i que nee nyue ra. —¿Coche mbia nguinisi jea ubia mose re? i que ñee Jesús je cote ra. 4 Jesús que ñee ee ra. —¿Embesa ji rese jeingo mae ate re? "Dios mbia ao mose, nyeremo ngue echao ra. Eracue ngue echao ra. Eninisirã abe que echao no nda. 5 Nyebe ra emo ndiqui ngũinisi rese bei. Ngu si isho. Usi si abe no. Ngũinisi rese siqui bei sacuã. Co mii na siqui sacuã nyiese", i ñi embesa ji re. 6 Nyeremo siqui rã eã ño cote re. Co mɨi siqui rã ño ũquɨ cote re. Ae Dios mbucha nyiese nae, sã ũquĩ huĩ eã mbei nyesi, i que Jesús ñee ee ra 7 Fariseos que ñee ee cote ra. —¿Mbaerã Moisés ñee ũquĩ nde? "Jeninisi jea nonde, papel mbesa je jemondo ee", i ee re, i que ra. 8 Jesús que ñee ee ra. —Jeaque atate quiatu ngue re. Nyebe Moisés embesa nguiã jēje ũquĩ. Ũquĩ i ãte que Dios mbia ao ramo mose nyii ra. 9Ae ngũinisi jea nae, eninisi siquíã ndaque emo ndese, eicuã tuchi chỗ ũquĩ nde. Ae ngũinisirã mo ndeabe mose, adulterio i que ũquĩ je ra, i que Jesús ñee ee ra.

¹⁰ Echimbaaquiatu que ñee ee ra. —Mbaeiae mose ngũinisi jea mose ¿mbaerã nguiatu ra ngũinisirã ndea re? i rei que echimbaaquiatu ñee nda. ¹¹ Jesús que ñee ee ra. —Mbia ja riqui ũquĩ icua eãte ã. Ae Dios mbaaquiatu quiatu nae, ũquĩ mii ño siqui nguiã eicua ã. ¹² Ae eninisi sereã mbeite nae, ũquĩ nda siqui turã, eninisiã ndaque rae. Emo nyia o ji mose, ũquĩ abe ra siqui turã, eninisiã ndaque rae. Emo ngũinisirã nderequia eã mose Dios riĩ, ũquĩ abe ra siqui turã, eninisiã ndaque ra eno. Ae ra "coche seninisiã aico nguiã co" i mose, sã eriqui bei eninisiã, i que Jesús ñee ee ra.

Jesús mbia riirī isi turā turā

13 Mbia que nguiirĩ ngurucuaẽ cuaẽ nguia Jesús je ra. Jesús o noono sacuã eãquĩ arõ. Jesús ñee sacuã Dios je erɨī. —¿Mbaerã jendiirĩ jendu quia co re? i rei que Jesús chimbaaquiatu ñee mbia je ra. ¹⁴Jesús que ñee nda. —Tei. Jēhui chō esi. Sã nguiirĩ ndurucuaẽ cuaẽ seje. Eĩ ño Dios rimba nguiã. Ucuasu raã naa eã. Mbia riirĩ na, i que Jesús ñee ee ra. ¹⁵Jesús que o chono ñono mbia riirĩ arō nda. Aquere que esi ngata cote ra.

Acuanindu mbaecha mo ñee Jesús je

16 Acuanindu mo ngue tu ñee Jesús je ra. —Mbia mbaaquiatusa turãte nde. ¿Mbae turã mo nda asaã Dios je semingo bei sacuã nde? i que ñee Jesús je ra. ¹⁷ Jesús que ñee ee ra. —¿Mbaerã ereico eturã i seje re? Dios mɨi ño eturã ndesẽ. Nde ndeico beise mose, Dios cheẽ emumbayã ja, i que Jesús ñee e e ra. 18—¿Mbae ra amumbayã Dios chee nde? i que acuanindu ee ra. Jesús que ñee ee ra. —"Mbia mo nda ereiquiachi. Emo ninisi rese ra ereicochi. Mbae mo nda erembuquiachachi. Erechee ñooñochi nda emo nii. 19 Ndetură no nderu je. Ndetură no ndesi abe je. Sã erechesecua ndechiese no nae, ei ere si cho nyesecua nde ji jenda rese". Dios chee ja cho ũquĩ nde. Mbia echee mumbaya sacua, i que Jesús ñee acuanindu je ra. ²⁰ Acuanindu que ñee ndei ee ra. — Ũquĩ ngue amumbayã ja bei quia ra. Señetẽ mosenda bei. ¿Mbae mo abe ra asaã nde? i que acuanindu ñee Jesús je ra. 21 Jesús que ñee ee ra. —"Taico turã tuchi", nde i mose, a abe esaa. Nembae emondo mondo ja mbia mbaecha reã je. Nde ũquĩ naa mose, mbae tubiriã nda nembae, ndeico mose ibate. Nembae mondo ja mose mbaecha reã je, serui eico cote, i que Jesús ee ra. ²² Acuanindu Jesús cheẽ andu mose que echosoi oso serīte cote ra. Eyayãte que oso ra. Mbaecha tuchite quiatu ngue ae re.

23 Jesús que ñee uchimbaaquiatu je cote ra. —Tacheẽ nyecua jẽje. Mbaranguiatu ãte mbaecha je ngasẽ sacuã ibate siqui bei sacuã huee. 24 Sã ticuasu mo ndiqui oso aroneate ique aguja sorei rĩ no nae. Eĩ si chỗ mbaecha no nde. Oso aronea ibate Dios rese, i que Jesús ra. 25 Echimbaaquiatu que nyuruira tuchi echeẽ andu ra. —¿Aba quia ra oso

Dios rea ibate re no? i que echimbaaquiatu Jesús je cote ra. ²⁶ Jesús que mae erese ñee ee ra. —Ae mbia saã aroneate quia nae, Dios mii ño nda esaã, i que Jesús ee ra. ²⁷ Pedro que ñee Jesús je ra. —Ure que urembae uresech a ja ra. Siqui sacuã nderui. ¿Mbae ra eremee ure je re? i que Pedro ñee nda. ²⁸ Jesús que ñee ee ra. —Tacheẽ nyecua jẽje. Dios mbae mbiasu ja mose ra ererecua tuchi rei se cote. Mbia ra mae ja serese aque mose. Aque mose ra jẽ abe ererecua. Jẽ doce. Trono jaaja ra jembaerã cote. Judíos rerecua ja ra jẽ. ²⁹ Emo umbae secha ja mose siqui sacuã serui, embae ra asibishorõ tuchi ee cote. Ae uchuchua secha. Ae ngoingue secha. Ae ngu secha. Ae usi secha. Ae nguiirī secha. Ae umbae ibi secha no. Ūquĩ mbae ja ra asibishorõ tuchi cien veces. Aquere ra siqui bei tuchi Dios rese ibate cote. ³⁰ Ae rane eriqui nyii nae, ũquĩ nda siqui mbia rui tuchi cote. Ae siqui quia mbia rui tuchi nyii nae, ũquĩ nane nda cote, i que Jesús ra.

Ae rane eriqui nyii nae, ũquĩ nda siqui mbia rui tuchi cote

¹Jesús que mbia mbaaquiatu quiatube no nda. —Dios rei mbia rerecua tuchi. Sã mbaecha mo ndiqui no. Sã mbaecha uva tubiriãte riqui embae no. Sã mbaecha mbia mo ndea rea umbae ishao shao sacuã no. Nyaashi namo mose. 2"Denario mii tamondo mondo ja jēje. Sembae ishao shao sacuā tenda mondo chee", i que emondochoi úcoo cote ra. ³Tenda chui mose que mae emo ndecoteã eã ndese ra. ⁴—Jẽ abe jeso sembae ishao shao. Mbae mo tamee jeje, i que ee ra. Nyoi que echee mose ra. ⁵Tenda nandeite re mose que echa emo mondo choi cote ra. Umbae ishao shao sacuã. Ei si que echa tenda chaara ramo mose no nda. 6Tenda irei mose abe que mae emo ndecotea ea ndese no nda. "¿Mbaera jēingo tenda mondochooño siqui rocoi mbae mo ndese a re?" i que echa ñee ee ra. 7"Emo ngue 'mbae mo esaã seje' i ãte ure je ra", i que ee ra. "Jēso jē abe sembae ishao shao. Mbae mo tamee jēje", i que echa ee ra. 8 Itondaru ramo mose que echa ñee mbia reaquiatusa je ra. "'Jenyu' ere sembae ishao shaosa je. Pagar ere rã ũquĩ ja je. Ae ique ramo eresaitõ nae, ũquĩ nane je pagar ere. Ae rane ique nyii nae, ũquĩ je pagar ere hui bei cote", i que echa ñee nda. 9Ae ique eresaito nae, uqui nane je que denario mii mee mee nda. 10 Ae rane ique nyii nae, ũquĩ ngue ñee ñee u nyue ra. "Eata jiri ra emee nande je reae. Nande rane ngue uva a nandeishao shao", i rei que eu ñee ñee nyue ra. Ũquĩ je abe que denario mii mee mee nda. 11 Pagar i mose ee que ñee asi asi echa je ra. 12 "Ae ique ramo eresaitõ nae, ũquĩ ngue mbae ishao shao eã jiri resẽ. Eresaitõte que ique. Ure quiatu que tenda uremumba rei uva a ishao shao ndeje. ¿Mbaerã mbae isiquia eremee ee ure rã si cho nde?" i que nee echa je ra. 13 Echa que nee ũquĩ mo je ra. "Mbae icuã mo asaã eãte ndeje resẽ. 'Denario mii', nande que ñee nyii resẽ. ¹⁴Quiatu nembae denario rerao cote. Ae ique ramo nae,

ũquĩ je abe denario tamee mee nde rã si. ¹⁵Sembae ae rese aico nguiã. Sembae amondose mose emo je, ¿amondo aroneate se re? Se sembae mee mose emo je, ¿ndebiãte ũquĩ nde?" i que echa ñee ee ra. ¹⁶Ae rane eriqui nyii nae, ũquĩ nda siqui mbia rui tuchi cote. Ae siqui quia mbia rui tuchi nyii nae, ũquĩ nane nda cote. "Jenyu serui" i tuchi Dios quia mbia ja je co. Mbia mii mii ño eisirõ sirõ nguiã co, i que Jesús ñee nda.

Mbia ra seiquia, i si Jesús

¹⁷ Jesús que ngata oso quia Jerusalén quiti ra. Uchimbaaquiatu que equerao mbia tiãsaa ñee sacuã ee ra. ¹⁸—Co nyao quia Jeursalén co. Huee ra mbia semee sacerdotes rerecua je. Embesasa abe je. "Jesús jẽiquia", i ra seriĩ. ¹⁹ Semee nda judíos eã je cote. Seiquia sacuã. Mbia ra secheẽ saã saã. Seiruã nua abe ra eno. Sembucha chee ra iquia ira rese. Tres nyaashĩ mose ra aquera si, i que Jesús ñee ee ra.

Ererecuarã ure, i raque Jacobo, Juan ndese

²⁰ Ari mo ngue oso Jesús riichã nda. Jacobo si. Juan si. Zebedeo riirĩ ngue ũquĩ nda. Ari que oso Jesús riichã nguiirĩ ndese ra. Ngoi que ngũíã ndese ñee Jesús je ra. —Mbae mo esaã na seje, i que ee ra. 21—¿Mbae ra aba saã ndeje re? i que Jesús ñee ari je ra. Ari que ñee ee ra. —Ndeico mose ererecua tuchi, să seriiri abe riqui ererecuară nderese. Să seriiri ngoi ja u ndejii. Enongue chi ngoi ndequito cuti. Enongue ndequiato cutiã no, i rei que ari ñee Jesús je ra. 22 Jesús que ñee ee ra. —Ae rii jeingo ñee seje nae, jeirandu tură eate uqui ndese. Ae rasi ra asaa tuchi nae, ¿ũquɨ ndasi ra jẽsaã jẽ abe re? i que Jesús ee ra. "Ae", i que ari riirĩ ñee ee ra. ²³ Jesús que ñee ee ra. —Ae bei. Ae rasi ra asaã tuchi nae, ũquĩ ndasi ra jēsaā tuchi raque jē abe. "Ererecuarā ure", jenye que seje, ūquī asaã aroneate se jēje. Paba ae quiatu ra ũquɨ saã. Ae ebite, ũquɨ nda emɨi ererecuarã, i que Jesús ra. ²⁴Echimbaaquiatu ataque que jirandu erese ra. Echimbaaquiatu diez. Paama i que Juan je ra. Jacobo je abe. 25 Jesús que "jenyu" i ñee uchimbaaquiatu ja je cote ra. —Mbia ataque rerecua riqui ucuasu raã naa tuchi ngũimba je ũquĩ. ²⁶ Ũquĩ nda jẽsaãchĩ jẽ. "Ererecua ra se", i mose jemo, sã aque riquicho uataque rimbarã. 27 Jemo "se rane jẽ" i mose, sã ũquĩ ndiqui bei mbae turã naa naa uataque je. 28 "Sã mbia mbae turã naa naa seje", ae eã ngue u ra. "Se quiatu mbae turã tasaã saã mbia je", ae u nguiã. Co achu quia mano mbia tubiriã ndiquicharõ sacuã co, i que Jesús ñee nda.

Jesús mbia nyeremo ndesayã mbucherõ

²⁹Jesús que ngata oso quia Jericó si ra. Uchimbaaquiatu rese. Mbia tubiriã ngue nyoi quia erui ra. ³⁰Eresayã nyeremo ngue chi ñeenda jie ee ra. Eresayã ngue jirandu Jesús ucua rese ra. Ñeemombo mombo que

Jesús je ra. —iSererecua! iDavid rucucha! iNdeya eã ño urerese jē! i que eresayã ñee Jesús je ra. ³¹—iJēquiriri chō jē! i tuchi rei que mbia ñee ee ra. —iSererecua! iDavid rucucha! iNdeya eã ño urerese jē! ibe que eresayã ñee Jesús je ra. ³²Jesús que tiba ñee ee cote ra. —Jenyu rã. ¿Mañi ae ra jēje re? i que Jesús ñee eresayã je ra. ³³—Ureresa embuturã na, Urererecua, i que eresayã ñee ee ra. ³⁴Jesús ia eã tuchi que erese ra. Oco ja que eresa rese ra. Aque mose tuchi que eresayã ndesa turã ja cote ra. Mae turã ngue cote ra. Jesús rui que echoi quia cote ra.

Jesús ngasẽ Jerusalén

21 ¹Jesús que Jerusalén curubite nyoɨ quia ra. Betfagé, i que hue sucha je ra. Ibi ibate mo abe que chɨ huee ra. Monte de los Olivos, i que hue je ra. Hue sɨ que Jesús uchɨmbaaquiatu nyeremo mondo ra. ²Ñee ngue ee ra. —Achɨ súchaa chö jēso rā. Burro cuasa ra chɨ nguiirī ndese jēje huee. Ūquɨ jenyura seru seje. ³Emo ñee mose jēje, "¿mbaerā nda jenyura re?" i mose jēje, jeñee ee. "Nandererecua que 'jendu' i ra. Mondo jeɨbe ra jēje", jenye ee, i que Jesús ñee ūquǐ nyeremo mondo ra. ⁴Embesa ji cheẽ io sacuã ño ngue ūquǐ nda. I embesa ji huǐ a:

⁵ Jeñee Jerusalén jenda je.

"iSã jẽ! Jenderecua ru quia jẽje burro ato co.

Ucuasu esaã saã eãte u quia co.

Burro riirí átoo eru quia co", jenye ee,

i que embesa ji huĩ nyii ra. ⁶ Ũquĩ nyeremo ngue Jesús mondo cote ra. Ae riĩ Jesús ñee ee nae, ũquĩ ngue nyecua ja ee cote ra. ⁷Burro que ecuruchoi Jesús je ra. Huiirao que echono ñono burro quite arõ nda. Burro riirĩ quite arõ abe. Jesús que nyui eato cote ra. ⁸Jesús que ngata rei oso quia burro átoo ra. Mbia tubiriã ngue huiirao mbiitee tee nyoi quia ibi rĩ enonde ra. Emo emo ngue sindo mbiitee tee ee no nda. Jesús oso sacuã hue rĩ. ⁹Mbia ia tuchi que tasẽ tasẽ nda. —Co nandererecua ru quia ngasẽte co. Co Dios chimbu ru quia ngasẽte nande je co. David rucucha ru quia co. Dios turã tuchi riqui nande je co, i tuchi que mbia quia ñee nda. Ae nyoi quia Jesús nonde nae, ũquĩ. Ae nyoi quia erui nae, ũquĩ abe no. ¹⁰Jesús que ngasẽ Jerusalén cote ra. Mbia hue jenda ia tuchi que o o ja erese ra. —¿Aba co re? i tuchi que equia Jesús riĩ nda. ¹¹Mbia ataque que echeẽ sibishorõ nda. —Dios chimondo chỗ co re. Jesús i equia ee. Nazaret de Galilea jenda chỗ ae re, i que ñee nda.

Jesús mbia mbuse Dios chuchua si

¹² Jesús que oso Dios chuchúaa ra. Huee que mbia riqui mbae isi isi bei ra. Mbae mondo mondo abe mbae isiquia ribishorõ. Ũqui ja que Jesús mombo hue si ra. Ae mbae isiquia sibishorõ shorõ nguia, ũqui mbae abe que embuchiichere chere ja mesa ra. Mesa aronda resebe. Ae nyurushi

cuasu mondo mondo mbia je mbae ribishoro nae, ũquĩ nenda abe que embuchiichere chere ra. ¹³Jesús que ñee ũquĩ ja je ra. —"Mbia cheesa Dios je', i ra mbia Dios chuchua je", i rei que embesa ji huĩ nda. Jẽ nguia jẽicuã tuchite Dios chuchu a je re. Mbae mbuquiachãsa chuchua jẽsaãte chĩ nguiã ee, i que Jesús ñee asite ũquĩ je ra.

14 Jesús siqui mose Dios chuchúaa, mbia resayã ngue nyoi nyoi erea huee ra. Mbia cuatayã abe no. Jesús que ũquĩ mbucherõ ja ra. ¹⁵ Ererecua cuabēte que chi mae icuã icuã erese ra. Sacerdote rerecua abe no. Embesasa abe no. Jesús chisaã turã ndese mae mose que paama ite ee no ra. —David rucucha turãte riqui co, i mose mbia riirĩ Jesús riĩ, ũquĩ mose que ererecua paama i ja Jesús je ra. ¹⁶—¿Mbia riirĩ ñee erechandu quia re? i que ũquĩ ñee Jesús je ra. Jesús que ñee ee cote ra. —Ae. ¿Embesa ji rese jemae eãte re? "Dios ra mbia riirĩ mbucheẽ turã uturã nii", i que embesa ji ra, i que Jesús ñee ererecua je ra. ¹⁷ Jesús que oso mbia rerecua recha ja cote ra. Sucha tubiriã abe recha. Oso que Betániaa nda. Huee que itõ nda.

Jesús ñee icuã higo i je

18 Isamamimbe que Jesús choi sí quia sucha tubiriã nda. Eriãcuãte abe que nyoi quia ra. ¹⁹Higo i mo ndese que mae ñeenda jie ra. Siichã ndei que oso ra. Ea eãte que ee ra. Ero achôte chô ngue ee ra. Nyebe Jesús ñee nguiã higo i je. —Ndea eã mbei r a cote, i que Jesús ñee ee ra. Aque mosebe tuchi que esi quia ñimama mano nda. ²⁰Echimbaaquiatu que nyuruira tuchi mae erese ra. —¿Mañi higo i quia ñimama asite mano nde? i que ñee Jesús je ra. ²¹Jesús que ñee ee ra. —Tacheẽ nyecua jẽje. Ae asaã higo i je nae, jẽ abe ra ũquĩ jẽsaã serã sí, jẽ Dios jẽicua tuchi mose. Jeñee nyee ra sita ibate mo je. "Esiri rã oso am a ndisha ye", jenye chee ra sita ibate mo je. Sita ibate ra jeñee mumbayã jẽ Dios jẽicua tuchi mose. ²²"Ã emondo seje", jenye mose Dios je, mondo r a jẽje. "Dios ra emondo seje", jenye mose jeñiangui re, Dios ra emondo jēje, i que Jesús ra.

¿Aba nembu re? i mbia ñee Jesús je

23 Jesús que oso Dios chuchúaa ra. Huee que eriqui mbia mbaaquiatu quiatu ra. Sacerdote rerecua que nyoɨ ñee ee amei ndese ra. —¿Mbaerã ereico mbia mbaaquiatu quiatu Dios chuchúaa re? ¿Aba "ũquĩ esaã saã" i ndeje re? i que ererecua ñee ja Jesús je ra. 24 Jesús que ñee ee ra. —Se rane tacheẽ jēje. Se rane preguntar tae jēje. Secheẽ jēsibishorõ turã mose, ũquĩ mose quiatu ra jeñee asibishorõ turã se abe. 25 ¿Aba ñee Juan je re? "Eso bautizar i mbia je" i ee re. ¿Dios eã ño ere? Jeñee seje, i que Jesús ee ra. Ererecua que ndua ndua ja u cote ra. Ñee ñee ngue u nyue ra. —¿Mañi nande ra echeẽ ndobeishĩ nde? "Dios que Juan mbu ra", nande aroneate ñee ee. Nyebe ra ñee nande je. "¿Mbaerã jēingo eãte erui re

no?" i quiarei ra nande je. ²⁶ "Dios eã ngue embu ra", nande aroneate ñee ee no. Mbia ataque ra paama i tuchi nande je. Juan quiato tuchi quiarei mbia, i que ererecua u ñee ñee nyue ra. ²⁷ Ererecua que ñee nyee Jesús je cote ra. —Ureicuayãte. Aba chố Juan mbu bautizar i sacuã mbia je, i que ererecua ñee ja Jesús je ra. Jesús abe que ñee ee cote ra. —Se abe tacheẽ eã ndei jēje no. Ae "ã esaã" i seje nae, aque riī nda acheẽ eã jēje no, i que Jesús ererecua je ra.

Acuanindu ndua ndua si

28 Jesús que ñeembe ee ra. —I ra ã jēje reae. Sã amei mo ndiirī nyeremo no. "Quiatu rã uvas ishao shao seje", i que amei nguiirī ndiquii je ra. ²⁹"Nya" i rei que eriirī ndiquii ñee ngu je ra. Aquere que ndua si chõ oso uvas ishao shao ra. ³⁰"Quiatu rã uvas ishao shao seje", i rei que amei ñee nguiirī nduinda je cote ra. "Se quiatu taso, Paba", i rei que ee ra. Osoã ño ngue ra. ³¹¿Ma ngu cheẽ mumbayã ũquĩ mo nde? i que Jesús ñee judíos rerecua je ra. —Eriquii chõ ngue ngu cheẽ mumbayã ndesẽ, i que ñee ee ra. Jesús que ñee ee ra. —Tacheẽ nyecua jēje. Cuñandu ata ata riqui Dios cheẽ andu turã jēsi ã. Impuestos isi isiquia abe riqui Dios cheẽ andu turã jēsi ã. Uquĩ nda siqui tuchi Dios rese jēsi. ³²"Eĩ jenye chỗ siqui turã Dios je", i rei que Juan el Bautista jembaaquiatu quiatu ra. Jẽ nguiatu que echeẽ jemumbate ra. Cuñandu ata ata quiatu que echeẽ isi turã nda. Impuestos isi isiqui a rese. Ūquĩ ndese mae mose abe que jēya eã eã jēicuã ndese no nda. Jẽ echeẽ isi turã sacuã.

Uva raarõsa icuã icuã nguerecua je

³³Ã abe jeñandu. Sã mbia ibicha mo ndiqui no. Sã eriqui uva i tiquia tiquia no. Sã etarõ no. Uva rique rirurã abe que echao ra. Sucha ibate mo abe que echao ra. Uco raarõ turã ja sacuã. "Sembae uvas jesaaro", i que emo je cote ra. Ae que oso isho itôte cote ra. ³⁴Uva quiche mose que ngũimba mo mondo rei umbaerã ndea ra. 35 Uva raarõsa que erimba mbucuase icua no nda. Irua nua no ngue ra. Echa que nguimba nongue mo abe mondo rei erea ra. Eraarõsa que aque iquia ra. Enongue que echei chei tuchi mbuqui sita je ra. ³⁶Ei ei mbei que eraarosa quia echa rimba ja je ra. ³⁷ Aquere que echa nguiirĩ mondo erea cote ra. "Ireĩ ireĩ jiri ra seriirî si", i rei que ra. 38 Uva raarõsa mae mose erese que ñee nyue ra. "iCo eriirī ndu quia co cote je! iNandeiquia rei je! f nda uvas nandembaera ae tuchi cote", i que ñee nyue ra. ³⁹Eraarõsa que eriirî isi icuã cote ra. Curuchoi que pe jiri iquia ra. Mano ngue cote ra. 40 ¿Mañi nda echa quia eraarõsa je cote re? i que Jesús ñee mbia je ra. 41 Mbia que ñee ee ra. —Echa ra eraarõsa icuã iquia ja cote. Uva i ra emondo emo je eraarõ sacuã cote. Ũquĩ nguia ra embaera mee tura tura ee equiche mose, i que mbia nee Jesús je ra.

 42 Jesús que ñee mbia je ra. — \dot{c} à embesa ji rese jemae ãte re?

Sã emo ndiqui tuchua ao sita je no.

Sita mo ngue equiriro mombo ra.

Eicuãte eriqui reĩ nguiã ee.

Aquere Dios emundua si erese. "Earonda sacuã turambi chỗ eriqui re", i ndua si uchimombo rese.

Uchimombo que esiro si cote ra.

Dios chiao cho uqui nde.

Dios chiao tură tuchi riqui nande je ã,

i ñi embesa ji re. 43 Tacheẽ nyecua jẽje. Jenderecua eã nyee ra Dios cote. Ae mbiamo nda Dios icua nae, ũquĩ nderecua quia ra Dios cote. 44 Ae ra ngoi aque sita arõ nae, ũquĩ nda huẽ. Aque sita ngoi mose emo arõ, ũquĩ nda mano no, i que Jesús ra. —Aque sita rã ndei se, i chỗ ngue re.

⁴⁵Sacerdote rerecua que Jesús cheẽ ñandu ja ejemplos ra. Fariseos abe echandu ja. —Urerɨɨ ño eriqui nguiã ñee co, i que ndua ndua ra. ⁴⁶Paama i tuchi que Jesús je ra. Jesús nda eisi icuã nguiã ña. Siquiche quiatu que mbia sɨ ra. —Dios cheẽ na sɨ tuchɨ chỗ Jesús riqui nguiã ñee co, i jate quiatu que mbia ataque quia ra.

Jenyu quiaru serese, i raque emo uquiato je

¹Jesús que ejemplo mo senei mbia je ra. ²—"Jenyu serea", i raque Dios quia emo emo je co. Sã ererecua mo ndiqui ñee mbia je no. "Jenyu quiaru serese", i rei que uquiato je ra. Eriirī ngũinisi rea ramo mose. 3 Mbae quiche ja mose que ngũimba mo mondo rei mbia mbiirandu ra. Mbia que ngae serea nea ja cho erea ra. 4Nguimba mo ngue emondobe rei erea ra. "Mbae quiche jate que ra. Ticuasu quira tuchi que equishi nda. Eriiri nguinisira isi ramo ndese jeso mae. Jeso quiaru erese", i rei que erimba mbia je ra. 5 Ae je "jenyu" i nae, ũquĩ ngue echee mumba ja cho nda. "Co aso quia seco co", i que emo nda. "Co aso quia mbae mo naa naa se co no", i que emo no nda. 6Mbia que teã teã ja ra. Ererecua rimba iruã nua ño ngue ra. Eiquia chee. 7 Ũqui mose que ererecua paama i tuchi ra. Soldados que emondo ngũimba iquiasa iquia iquia ra. Echuchua abe rei rei. ⁸Ererecua que ñee ngũimba je cote ra. "Mbae quiche chi ja raque a. Ae je 'jenyu' ae rei nyii nae, sã ũquĩ ngaẽ eã. Eicuate quia nene. 9 Jeso nee mbia ja je. Ishonda ja je. 'Jenyu ja ererecua riirī ngūinisi rerequia ramo ndese mae', jenye oso quia mbia mbuchesea sea", i que ererecua ñee nda. 10 Erimba que nyoi mbia mbiirandu randu ja ra. Mbia turã mbiirandu. Mbia icuã abe mbiirandu randu no. Mbia que ngaẽ tuchi cote ra. Tuchua itãyã nyee que ra.

¹¹ Ererecua que ique mbia tubiriã ndese mae cote ra. Emo irao icuãte que chĩ ee huee ra. Tiru ererecua chimondo emingue eã ñochĩ nguia reaẽ. ¹² Ererecua que ñee ee ra. "Seriirĩ ndiqui ngũinisirã isi a resẽ. ¿Mbaerã ndeirao turã eremingue eã nde?" i que ererecua ñee ee ra. Ñee

eãte que ererecua cheẽ mose ra. ¹³Ererecua que ñee ngũimba je cote ra. "Co jẽisi jẽ. Eo jenyucua. Ei abe jenyucua. Jenosẽ serao mombo itaicuee itondaruqui re. Huee ra nyeseo tuchɨ. Huee ra ureĩ quiti quiti tuchɨ", i que ererecua ñee nda. ¹⁴"Jenyu seruɨ" i tuchɨ Dios quia mbia ja je co. Mbia mɨɨ mɨɨ ño eisirõ sirõ nguiã co, i que Jesús ñee nda.

¿Impuestos ra uremee ererecua je re? i mbia ñee Jesús je

15—Jesús nandembuchee icua na. I nda mbia paama i ee, i que fariseos ñee ñee nyue ra. 16 Nyebe fariseos uchimbaaquiatu mo mondochoi nguiã Jesús rea. Herodes chimbaaquiatu rese. Jesús mbuchee icua sacua no ũquĩ nde. Uturã ngue esaã ñooño Jesús je ra. —Jesús, co ereico mbia mbaaquiatu quiatu turate co. Ndeturate ereico mbia ja je co. Co ereico turat e mbia mbuchiabia co. Mbia erembaaquiatu quiatu turate quia Dios icha rii co. 17 Nyebe urechu nguiã nee ndeje a. ¿Coche mbia mbae isiqui a mee mee Romano nderecua je re? ¿Uremee nda ee re? ¿Uremee eã nda ee re no? i que ñee Jesús je ra. 18 Jesús que ũquĩ icua icuate ra. Nyebe ñee nguiã ee. —¿Mbaerã jēingo "ĩ nda Jesús ucheẽ nyabi", i seriĩ nde? 19Mbae isiquia mo jeteacuquia imbu seje, i que ee ra. Mbia que eteacuquia ee ra. ²⁰—¿Aba mbae nombre ñi mbae isiqui a rese a re? ¿Aba ãquĩ aingue abe ñi a re? i que Jesús ee ra. 21—Romano nderecua, i que ñee Jesús je ra. Jesús que ñee ee cote ra. —Romano nderecua mbaerã jemee ño ee. Dios mbaera jemee no ee no, i que Jesús ee ra. 22 Mbia que nyuruira jate u Jesús chee andu ra. Nyoi ja que erecha cote ra.

Mbia raaque ra quera si, i Jesús

²³—Mbia raaque ra quera eã mbei, i que mbiamo nguia ñee nda. Saduceos i que ũquĩ je ra. Ũquĩ mo ngue nyoi ñee Jesús je ra. 24— Sererecua, a ngue Moisés mbesa nande je ra: "Emo mano mose eriiria, sã enongue mano je ninisi rerequia erendaque re. Sã tiirĩ ngõngue raaque rii", i que Moisés embesa nande je ra. ²⁵ Eriquii mo ngue siqui urerese ra. Seis que eribi ra. Eriquii que ngũinisirã quereco rei ra. Mano ño ngue tiirī ndocoi nguinisi recha ra. Enongue que nguiquii checha quereco rei cote ra. ²⁶Ae abe que mano ño tiirĩ ndocot no nda. Uqut seis que ngongue cheecha quereco ja rei ra. Mano ja cho ngue tiiri ndocoi no nda. ²⁷ Eninisi eru cheecha que mano nvee cho cote no nda. ²⁸ Siete rei que eru nyii ra. Mbia raaque quera si ja mose, ¿abate ra equereco cote re? i que saduceos ñee Jesús je ra. —Ma Jesús ñee icuã, i chỗ ngue re. ²⁹Jesús que ñee ee ra. —¿Mbaerã jeingo Dios chee icua eate a nde? Jēingo Dios chee abi tuchi a. Jēingo Dios quiracua icua eate a. 30 Ae raaque ra Dios mbuquera si nae, ũquĩ nda ngũinisi quereco eã mbei huee cote. Ũquĩ nda ngu quereco eã mbei huee cote no. Angeles rã mbei ra mbia riqui huee ibate cote. 31 Mbia raaque quera si rii no ngue

Dios jembiirandu rei ra. ¿Embesa ji rese jemae ãte re? ³²Ã ño Dios cheẽ embesa ji re:

Abraham nderecua cho aico nguiã se co.

Isaac nderecua abe.

Jacob rerecua abe no,

i que embesa ji ra. Ã ngue mano ndei nyii ra. Ereco siqui bei chõ nguiã namo ã. Mbia raaque rerecua eã ño Dios re. Mbia reco rerecua chõ ae re, i que Jesús ñee mbia je ra. ³³Mbia tubiriã ngue chi nyuruira tuchi eandu ra. Jesús mbae icua ja mose.

Echesecua tuchi quia Dios rese

34 Jesús cheẽ aquiatu tuchi que ra. Nyebe saduceos cheẽ mbutiba nguiã. Fariseos jirandu mose erese que ñumunua ñee nyue ra. 35—Se chỗ tacheẽ Jesús je. Ma Jesús ñee icuã, i rei que fariseo mo nda. Embesasa que ae ra. 36—Jesús, Dios cheẽ tubiriāte riqui ã ndesẽ. Mbia echeẽ mumbayã sacuã. ¿Ma Dios cheẽ ndiita tuchi ma nde? i que fariseo ñee Jesús je ra. 37 Jesús que ñee ee ra. —Ã ño Dios cheẽ ndiita ã nde: "Echesecua tuchi quia Dios rese. Ndechiã je. Neaĩ je abe. Nendua ndua je abe". 38 Ũquĩ ño Dios cheẽ ndiita ũquĩ nde. Ũquĩ no Dios cheẽ ñiinda ũquĩ nde. 39 Ã abe rei ũquĩ nduinda ã no: "Sã ereico nyesecua ndechiese no. Eĩ ere si chỗ nyesecua mbia rese". 40 Moisés chimbesa tuchi chỗ ũquĩ nde. Dios quiato cose ndare chimbesa ja chỗ ũquĩ nde, i que Jesús ra.

¿Aba rucucha Cristo re?

⁴¹ Fariseos chichõ mose ñumunua ngue Jesús ñee ee ra. ⁴²—¿Aba rucucha Cristo re? ¿Aba jenye equia ee re? i que Jesús ñee ee ra. —David nducucha chõ ñene, i que fariseos ñee nda. ⁴³ Jesús que ñee ee cote ra. —¿Mbaerã David "sererecua" i ee re no? Espíritu turã embucheẽ mose. ⁴⁴Ã ngue David ñee nda:

Dios que ñee Cristo sererecua je ra:

"Ecoi sejii. Nde abe ra ererecua serese.

Ae ndeucuayate quia nae, ũqui je ra ndequiracua ateacuquia tuchi.

Ndequirăcuă tuchi chee ra ũquĩ si", i que Dios ñee sererecua je ra, i que David ra. ⁴⁵David si chõ "sererecua" i nguiã Cristo je. Cristo David rucucha mose, ¿mbaerã David "sererecua" i ee re? i que Jesús fariseos je ra. ⁴⁶Ũquĩ ngue ñee aquiatuãte Jesús cheẽ ndibishorõ nda. Aque mose bei que mbia preguntar i eã mbei Jesús je cote ra.

Jesús ñee asi fariseos je

¹Jesús que ñee uchimbaaquiatu je ra. Mbia tubiriã je abe no.

²—Fariseos rã nda jẽingochĩ jẽ. Embesasa rã abe ra jẽingochĩ jẽ.

"Ure quia Moisés chimbesa ureicuate nguiã ure ã", i chỗ nguiã. ³Coche

jēingo nguiã echeē mumbayã ndaque. Erã sí quia nda jēingoã nguiã. Echee tură turăte raque. Siqui tură eate quiatu nguiă. 4Dios chee embeta mbeta tuchichi nguia mbia je ã. Mbia echee mumbaya aroneate chee quia ã. Eya eã eãte eriqui mbia rese ã. 5Mbae turã naa mose, mbia mae sacuã erese cho uqui nde. Tiru huiirao ibi quitinda ai mbiicoi tuchi equia a. Dios chee mbesa ji echucua bei quia uchiba cúa rese a. Mbia mae sacua erese cho eriqui nguiã uqui naa naa ã. 6 Aba mbia eã tuchi fariseos. "Serendară tură nguiatu se je", i tuchi equia mbia chumunua nua mose ã. 7"Sã mbia ererecua i nande je", i beite equia ã. Ebi tuchi "mbia mbaaquiatusa" i mose ee. 8"Mbia mbaaquiatusa rei se", jenyechī nda jē. Se mii no jembaaquiatusa re. Nyiesenda cho je nde. 9"Paba" jenyechi nda mbia mo je je. Jendu mii no siqui nguia ibate pe. 10 "Ererecuara se", jenyechi nda eno. Se mii ño jenderecua re. 11 Jemo siqui mingue mose, mbae raã naa mose uataque je, aque quia ra ererecuarã. 12 Ae ucuasu raã naa nguia nae, mbia ñete nda Dios saa ño ũqui je. Ae siqui mingue quia nae, mbia rerecuară no nda Dios saă uqui je.

¹³ Aba mbia eã tuchite jẽ, Embesasa. Aba mbia eã tuchite jẽ abe no, Fariseos. Jẽcuasu jẽsaã saãte quia ã. Jẽingo sereãte quia Dios rese ã. Mbia siquise mose Dios rese, jẽingo emingo eãte erese ã no. ¹⁴ Aba mbia eã tuchite jẽ. Eru cheecha mbae jembutiã tiã ñochĩ nguia ã. Ũquinde jẽingo chốchĩ ñee oco oco Dios je ã no. "Ĩ nda mbia mae nanderese" jenye chốchĩ equia ã. Nyebe ra Dios jembasi tuchi cote. ¹⁵ Aba mbia eã tuchite jẽ, Embesasa. Aba mbia eã tuchite jẽ abe no, Fariseos. Jẽcuasu jẽsaã saãte quia ã. "Jẽingo ure rui" jenye bei chốchĩ equia mbia je ã. Ũquĩ mo siqui mose jendui, eicuã tuchi chỗ ũquĩ abe cote re.

16 Aba mbia eã tuchite jẽ. Sã eresayã mo ndiqui emo ndesayã mbuti echiba rese no. Ũquĩ na ño jẽ nde. Jẽaquiatuã ño mbia mbaaquiatu quiatuchĩ nguiã. "Jurar jenye mose Dios chuchua riĩ, coche jeñee jembuchebi nguiã", jenye chốchĩ nguia mbia je ã. "Jurar jenye mose oro Dios chuchua jenda riĩ, ũquĩ mose quiatu jeñee jembuchebi aroneate nguiã", jenye chốchĩ nguia mbia je ã. ¹7 ¿Oro quiatu i tuchi jiri Dios chuchua si re? ¿Mbaerã jẽaquiatuãte riqui re? ¹8 "Jurar jenye mose altar riĩ, coche jeñee jembuchebi nguiã", jenye chốchĩ nguia mbia je ã. "Jurar jenye mose ofrenda altar jenda riĩ, ũquĩ mose quiatu jeñee jembuchebi aroneate nguiã", jenye chốchĩ nguia mbia je ã. ¹9 Eresayã na tuchi chố jẽingochĩ nguiã. ¿Mbaerã jẽaquiatuāte riqui re? ¿Ofrenda quiatu i tuchi jiri altar si re? ²0 Jurar jenye mose altar riĩ, earonda abe riĩ ño jẽingo nguiã jurar i ofrenda. ²¹ Jurar jenye mose Dios chuchua riĩ, Dios abe riĩ ño jẽingo nguiã jurar i. Dios abe quia siqui nguiã uchuchua huee. ²² Jurar jenye mose ibei riĩ, Dios renda abe riĩ ño jẽingo nguiã jurar i. Dios sé riĩ abe no.

²³ Aba mbia eã tuchite jẽ, Embesasa. Aba mbia eã tuchite jẽ abe no, Fariseos. Jẽcuasu jẽsaã saãte quia ã. Décimo jemee mee ndaque quia Dios

je mbae ñetē nii. Comino. Menta. Anís. Dios cheē ndiita quiatu jemumba mumbate nguiā. Dios jēicua rā nyii. Jēingo turā na nyii. Jēya eā na mbia rese nyii. Aquere quiatu mbae ñetē jēsaā cote. ²⁴Sā eresayā mo ndiqui emo ndesayā mbuti echiba rese no. Ūquī na ño jē nde. Mbae ñetē jēsaā turā turāte raque quia ā. Dios cheē ndiita quiatu jemumba mumbate nguiā. ²⁵Aba mbia eā tuchite jē, Embesasa. Aba mbia eā tuchite jē abe no, Fariseos. Jēcuasu jēsaā saāte quia ā. Sā emo ndiqui i riru irei irei earonda no. Eimi nguiatu eirei quiiriāte re. Eī ño jē no nde. Jēturā aba reā ño jēaronda no nde. Jeñiangui renda quiatu eicuā icuāte re. Mbae quia jembuquiachā quiachāte nguiā. Mbae abe quia jenyosei icuā icuāte nguiā. ²⁶Eresayā na tuchi chō jēingochī jē nde, Fariseos. Jeñiangui renda rane nguiatu jēirei. Jēaronda abe ra equishī cote.

²⁷Aba mbia eã tuchite jẽ, Embesasa. Aba mbia eã tuchite jẽ abe no, Fariseos. Jẽcuasu jẽsaã saãte quia ã. Mbia raaque tãsa rã ño jẽingo nguiã. Eati ji turãte raque. Eimi ye quiatu mbia raaque quiangue chi nguiã hue. Eroo cuí abe no. ²⁸Eĩ si chỗ jẽ nde. Jẽaronda turãte aba reã ndiqui raque mbia je. Jeñiangui rend a quiatu eicuãte re.

²⁹ Aba mbia eã tuchite jẽ, Embesasa. Aba mbia eã tuchite jẽ abe no, Fariseos. Jẽcuasu jẽsaã saãte quia ã. Ae mbia turã mano cose nae, ũquĩ tãsa jembiitã turã mbeite raque quia ã. Dios cheẽ mbuchecuasa tãsa abe no. ³⁰ "Cose ureico mose, ĩ nda ureicuã eãte rei Dios quiato je. Ureramei na eã", jenye raque equia ã. ³¹ "Mbia iquia iquiasa riirĩ ño ure re", jenyete equia ũquĩ. Jendu rã si tuchi jẽ. Mbia i quiasa. ³² Jenamei icuã na si chố jẽingo no. ³³ Mbei tásie rã tuchi chố jẽ nde. Eĩ jenye bei oso quia aque ngasẽ nyee tata cuasu. ³⁴ Nyebe ra Dios cheẽ mbuchecuasa amondo mondo quia jẽje. Mbia mbaaquiatusa ra amondo jẽje. Mbia aracua abe no. Jẽ nda sechimondo emo emo jẽiquia. Emo emo nda jẽiruã nua mbia chumunuásaa no. Jẽico ico ra equia erese eiquia chee. ³⁵ Ae Dios quiato iquia iquia quia cose nae, ũquĩ nii nda Dios jembasi cote. Sã mbia Abel iquia cose no. Sã mbia Zacarías abe iquia Dios chuchua jii no. Berequías riirĩ ndei aque. Sã mbia Dios quiato iquia iquia bei cose no. ³⁶ Ũquĩ ja riĩ nda Dios jembasi cote. Acheẽ nyecua quia jēje a.

Jesús ia eã tuchi Jerusalén jenda rese

³⁷Tacheẽ na jẽje, Jerusalén jenda. Seya eãte aɨcochĩ jendese co. Hue jẽingo mbia iquia iquia beite hue. Dios cheẽ mbuchecuasa iquia iquia. Dios chɨmondo abe iquia iquia no. Sã nguira riqui nguiire reaquiatu mondo ujeoqui re no. "Eĩ tae jendeaquiatu", ae beite rei nguiã jẽje co. Secheẽ jẽisi sereã mbei chốchĩ nguia ã. ³⁸ iAico jendecha a cote jẽ! ³⁹ Jemae mae eã nda serese cote. Sechube mose ibate sɨ, aque ramo mose ra jemae serese cote. "iCo chɨ Dios rucucha ru quia co cote jẽ!" i ra mbia seisi turã aque mose cote, i que Jesús ñee nda.

Mbia ra Dios chuchua mbucoi ja, i Jesús

24 ¹Jesús que oso usẽ Dios chuchua si cote ra. Ecuata mose que echimbaaquiatu ñee ee ra. —Sã Dios chuchua turã tuchite jẽ, i que ñee ee ra. ²Jesús que ñee ee ra. —Tacheẽ nyecua rã jẽje. Ae rese jẽingo mae ã nae, ũquĩ nda mbia mbucoi ja cote. Sita mo nda chi eã nyichuarõ Dios chuchua cote. Mbia ra Dios chuchua mbucoi ja tuchi cote, i que Jesús ñee nda.

Mbae ua ja nonde chõ ã nde

³Jesús que chĩ ngoi huee ibi ibátee mo nda. Monte de los Olivos i que hue je ra. Echimbaaquiatu que ngasẽ ñee eísaa ra. —¿Manosete ra ũquĩ nde? ¿Mbae ra urembiirandu nderese ndechu serĩ mose re? ¿Mbae ra urembiirandu mbae ua ja serĩ mose re no? i que echimbaaquiatu ñee Jesús je ra. ⁴Jesús que ñee ee ra. —Jētesa jiri quia jē. Mbia mo nda jembiirĩ irĩchĩ ñee jēje jē. ⁵"Cristo chỗ se re", i ra mbia ñee ata atate jēje. Ũquĩ ñee nda jeñanduchĩ jẽ. Ũquĩ nda mbia mbiirĩ irĩ jate. Ñee ñooño je chỗ ũquĩ nde. ⁶Mbia ra guerras saã saã tuchi. Mbia ra ñee ñee tuchi quia nyiiquia iquia je riĩ. Ũquĩ mose ra jēsiquichechĩ jẽ. Ũquĩ ja rane nda nyecua raque. Aque mose ra mbae ja ua eã ná. ⁶Mbia ra guerras saã tuchi chee. Nyiiquia iquia tuchi rae. Mbia riãcuã tuchi ra aque mose no. Emo ñooñoa tuchi ra mbia rasi. Mangue chooñoa tuchi ra ibi nyere nyere. ጾJembasi ramo mose chỗ nda ũquĩ nde. Aquere ra jembasi tuchi cote.

9Mbia icuã icuã tuchi r a jēje serii. Nguerecua je ra mbia jenderao rao tuchi. Jēiquia chee rae. Mbia mangue chooñoa jenda ra jēucuayā tuchi serii. ¹⁰Ae siqui quia serui nae, ūqui tubiriā nda hui sesi ūqui mose cote. Ūqui nda nyiucuayā. Ūqui nda nguerecua mbuqueta queta tuchi ngöngue rii. ¹¹"Dios cheē mbuchecuasa cho se re", i ra mbia ñee ata atate jēje. Ūqui nda mbia mbiiri irī tuchi. ¹²Mbia icuā icuā tuchi ra cote. Aba cheē mumba mumba beite ra cote. Mbia ra nyesecua eā tuchi nyiese cote. ¹³Ae ra siqui bei serese, ūqui nda Dios mingo bei. ¹⁴Sequiato r a Dios cheē turā senei senei ná mbia ja je nyii. Mangue chooñoā jenda ja je. Aquere ra mbae ua ja cote.

¹⁵Dios cheẽ mbuchecuasa rei Daniel. Ae que embesa Mbae Mbutiãsa Icuã nɨɨ nda. "Dios rendaque re taɨco se quiatu", ɨ ra equia huee. (Ae ra mae nguia sechɨmbesa rese nae, sã ũquĩ eɨcua.) ¹⁶Jemae mose Mbae Mbutiãsa Icuã ndese, jeña esɨ. Ae siqui quia Judéaa, sã ũquĩ uchã jeɨ choɨ ibi ibátee mo. ¹⁷Ae ra siqui tuchua quite rese, sã ũquĩ ɨqueã nyoɨ uchuchua uquichi mose. Sã echoɨ chō uchã hue sɨ beɨ, umbae rirõ ndocoĩ. ¹⁸Ae ra siqui úcoo, sã ũquĩ nyebiã ngaẽ huɨɨrao rea. Sã hue sɨ beɨ chō echoɨ uchã. ¹⁹Aba mbia eã tuchɨ ra emo ãquẽ ndiru rerequia mose aque mose. Nguiirĩ mbuquiambu je abe no. ²⁰"Nyiiseĩ mose eã urechã" jenye

Dios je. "Sábado mose eã abe urechã", jenye abe Dios je no. 21 Mbia ra mbae rasi saã tuchi aque mose. Mbae rasi que mbia saã eã jiri nyii ra. Aque ramo mose ra mbae rasi raã tuchi cote. Mbae ua bei sacuã ño ũquĩ nde. ²² Ae rasi ra mbia saã tuchi nae, ũquĩ nda Dios mbujua jiri uquiato rii. i nda emo nimbiracua ea tuchi rei uqui ndasi je. 23 "A Cristo riqui a je" i mose emo jeje, "nyia" jenyechi nda uqui nee mose je. "Hue Cristo riqui hue je" i mose emo jeje, "nyia" jenyechi nda eno je. 24"Cristo cho se re", ichôiño nda mbia ñee ata atate jēje. "Dios chee mbuchecuasa chô se re", ichôiño nda mbia ñee ata atate jēje no. Mbia mae sayā nda esaã saã tuchi mbia mbiiri iri sacua. Ũqui Dios quiato abe chee mbiiri iri arote. ²⁵ Ũquɨ nonde chō aico nguiã jembiirandu randu co. ²⁶ "Hue Cristo riqui turuquia hue", ichõiño nda mbia jēje serii. "A Cristo riqui tuchua a", ichõiño nda emo jēje serii no. Ũqui mose ra "nyia" jenyechi jē. 27 Sā ama ndiqui piriră i ibei resae ja no, ei nda sechu mose. Mbia ra mae ja serese. ²⁸Sã urubu riqui mae ja mbae raaque rese no. Eĩ si ra seicuasa mae ja sechu rese no.

Dios riirī nda tube ibate sī

²⁹Mbia ũquĩ ndasi raã ja mose r a tenda checuayã mbei cote. Nyasi abe no. Nyasitata ra ngoi ngoi. Ibei jenda abe ra quiata quiata chee cote no. ³⁰Aque mose ra achu ibei rese. Senininya tuchi ra sechu mose. Sequirãcuã tuchi ra sechu mose no. Mbia ra mae ja tuchi sechu rese mangue chooñoa jenda ja. Mbia ia eã tuchi ra nyeseo mae mose serese. ³¹Angeles serimba ra amondo corneta mbucheẽ sacuã. Ũquĩ nda mbia sechiisirõ munua nua ja seje cote. Ishonda ja. Mangue chooñoa jenda ja.

³²Sã higuera riqui no. Sã ira mo ndiqui no. Ero quira usẽ j a mose, "iraro itõ ndacu ra cote", i chõ mbia nguiã aque mose. ³³Eĩ sí ra mbae ua ja nonde. Ae riĩ aico ñee jẽje nae, ũquĩ ndese jemae mose, "mbae ra ua ja cote" jenye ra cote. ³⁴Tacheẽ nyecua jẽje. Ã mbia riqui ngata ibi ã nae, ũquĩ emo emo nda manoã mbae ua ja nonde. ³⁵Ibei ra ua. Ibi abe ra ua no. Secheẽ nguia ra ua eã mbei.

³⁶Manosete chỗ nda mbae ua ja. Aico eicuayãte co. Mbia mo abe eicuayãte quia ã no. Angeles abe eicuayãte quia ã no. Paba mii ño eicua nguiã co. ³⁷Sã Noé mosenda mbia siqui sereãte Dios rese cose no. Eĩ si ra mbia siqui sereã Dios rese sechu nonde no. ³⁸Sã Noé mosenda mbia quiaru chooño no. Ndua rocoĩ Dios rese. Ngũinisirã ngue equereco chooño ndua rocoĩ Dios rese no nda. Noé que ique chee arca ye ra. Amandi cuasu nonde. ³⁹Ama ngue uchi u quia mbia iquia ja nonde cote ra. Mbia mbua tuchi que ra. Eĩ ae ra u mbia mbua tuchi sechu mose. ⁴⁰Sechu mose ra mbia nyeremo siqui úcoo. Co mii nda arao. Enongue ra siquichõ. ⁴¹Cuña nyeremo nd a chi raque mbua tocho no. Co mii nda arao. Enongue ra siquichõ. ⁴²Jētesa bei quiatu quia serese. Ae mose ra

achu, aque tenda rese jẽiranuate riqui ã. ⁴³Mbaecha mo jirandu mose mbae mbuquiachãsa rese, "co isa ra eru" i mose, ũquĩ mose nda uqueã nde chaẽ. Ť nda mbae mbuquiachãsa mbae sirõ eã ndei. ⁴⁴Jẽingoquiatu bei quiatu quia seraarõ arõ. Jendua eã mose serese ra achu jembuate.

Erimba echeẽ mumbayã mose, eya tuchi rae

⁴⁵Dios rimba aba cheẽ mumbayã je aico ñee a. Dios rimba aquiatu je aico ñee a. Sã ererecua mo ñee ngũimba turã je no. "Sembae esaarō turã ja quia secutiã. Serimba ataque embuquiaru quiaru turã secutiã", i que ererecua ee ra. ⁴⁶Erimba echeẽ mumbayã mose, ererecua ia tuchi ra eru mose. Erimba abe ra eya tuchi no. ⁴⁷Ererecua ra ngũimba mii umbae raarō mbei sacuã cote. ⁴⁸Sã erimba ndua ndua uchiangui re no. "Sererecua ra tu jei ãte" i ndua ndua. ⁴⁹Hue ñee icuã icuã uataque je hue cote. Iruã nua cote. Quiaru chooño cote. Mbae mbei chooño abe cote. Quiacua quiacua mbia icuã ndese cote. ⁵⁰Sã ererecua ruchĩ nguia ngũimba mbuate aque mose cote jẽ. ⁵¹Ererecua ra eiruã nua tuchi. Mombo rae. Mbae rasi ra esaã tuchi. Ae ucuasu saã saã nguia nae, ũquĩ ndese ra mbae rasi raã tuchi cote. Nyeseo seo tuchi ra equia. Ureĩ nda equiti quiti tuchi.

Nyucuaaque icoquiatu je

25 ¹Nyucuaaque icoquiatu je rã si rei Dios rimba. Sã nyucuaaque diez nyoi quia emo ngũinisi nderequia ramo ndese maenno. Lamparina nendi que ecuruchoi ja quia ra. ²Cinco que icoquiatu je ra. Cinco que icoquiatua je no nda. 3 Ae icoquiatua nae, uqui ngue mbae quira curuchoi eã umbae lamparina mombise sacua nda. ⁴Ae icoquiatu nae, ũquĩ ngue mbae quira curuchoi botella ye ra. Lamparina ye abe. 5Ae ra ngũinisi isi rei nguia ee, aque que itôte ee ra. Nyucuaaque reesi esi chee que ra. Uque uque ja chee que ra. 6 Itondiite mose que to i andu cote ra. "Co erură ndu quia co cote je. Jeso mae erese cote", i que mbia tase tase ee ra. 7 Nyucuaaque que nyurua ja cote ra. "Nandembae lamparina nandemombise mbise ja", i rei que ra. 8 Ae icoquiatua nae, uqui ngue nee ndei icoquiatu je ra. "Urembae uque uquete. Mbae quira ñete jemee mee na ure je", i rei que uataque je ra. 9"Atee. Nande ja chayate ra rese. Emo jẽisi chỗ oso icua", i que icoquiatu je ñee ee ra. 10 Nyoi rei que equia eisi cote ra. Ecutiã ngue erurã ndu cote ra. Nyucuaaque icoquiatu je que nyoi ique erese ra. Ngũinisirã isi ramo ndese mae. Quiaru abe que echoi erese ra. Eiquesa que ematã cote ra. ¹¹Icoquiatuã je abe que ngae nyee ra. I que eiquesa mată ji mi ee ra. "Embuquiata ră ure je", i rei que ñee eru je ra. ¹²Eru que ñee ee ra. "Tei. Jaeicuayã tuchite se", i que eru ñee ee ra, i que Jesús ñee mbia je ra. ¹³—Jēingoquiatu bei quia jē. Ae mose ra achu, ũquĩ jēicuayāte quia ã.

Ererecu a mbae isiquia mbuchao chao ngũimba je

¹⁴Sã ererecua mo mbae isiquia mee mee ngũimba je no. Eĩ si chỗ Dios nguiã mbae mee mee ngũimba je. Ererecua oso seri mose que umbae mbae isiquia mee mee ngũimba je ra. Embaata ata sacuã ño ngue emee nguiã ee. ¹⁵Cinco mil que emee emo je ra. Dos mil enongue je no. Un mil que enongue je no nda. "Jenya cho tamee mee jeje je", i que nee ee ra. Secha que oso isho cote ra. 16 Ae je ererecua cinco mil mondo nae, aque que negocio saã saã mbae isiquia je ra. Mbae isiquia que embaata tuchi ra. ¹⁷ Ae je ererecua dos mil mondo nae, aque abe que negocio saã saã mbae isiquia je ra. Mbae isiquia que embaata tuchi no nda. 18 Ae je ererecua un mil mondo nae, aque que ibi sibicoi mbae isiquia rerecoquiatu sacuã nda. ¹⁹Emo mose tuchi que ererecua ru cote ra. Ñee ngue ngũimba je cote ra. "Jenyu sembiirandu sembae mbae isiquia rese cote", i que ñee ee ra. 20 Ae je cinco mil mondo nae, aque rane ngue tu ñee nguerecua je ra. "Cinco mil que eremee ndei seje nae, ũquĩ ngue ambaata ra. Cinco mil que aisibe ra", i que emee ja nguerecua je ra. ²¹Ererecua que ñee ee ra. "Coche ñene. Nde quiarei serimba tură tuchi. Mbae nete ngue eresaa turate nde ra. Nyebe ra mbae tubiriã ereteaquiatu seje cote. Ndeya bei tuchi ra ereico serese cote", i que ererecua ñee ee ra. 22 Ae je ererecua dos mil mondo nae, aque que tu ñee nguerecua je cote ra. "Dos mil que eremee ndei seje nae, ũquɨ ngue ambaata ra. Dos mil que aisibe ra", i que emee ja nguerecua je ra. ²³Ererecua que ñee ee ra. "Coche ñene. Nde quiarei serimba turã tuchi. Mbae ñetê ngue eresaã turâte nde ra. Nyebe ra mbae tubiriã ereteaquiatu seje cote. Ndeya bei tuchi ra ereico serese cote", i que ererecua ñee ee ra. ²⁴ Ae je ererecua un mil mondo nae, aque que tu rei ñee nguerecua je cote ra. "Nde que ere queteate quiatu nguia mbae rese. Ndechitiquia ea abe ereishao shaote quia co. ²⁵Nyebe asiquiche tuchi nguiã mbae isiquia mee mose seje. Nyebe achati nguiã ibi je. Co é co rese", i que ñee nguerecua je ra. ²⁶Ererecua que ñee ee ra. "Aba rimba biã tuchi quiarei nde. Ndetomei tuchi cho eriqui re. Sequetea mose mbae rese ndeje, ¿mbaera sechee eremumba re? ²⁷Sembae mbae isiquia eremonoã ñochi banco. Î nda eata jiri sechu mose cote re chã", i que ererecua ñee asite ee ra. 28 Ererecua que ñee mbi a hue jenda je cote ra. "Mbae isiquia jesiro na esi un mil. Ae diez mil quereco nae, aque je jemondo. ²⁹Ae embae tubiriãte nae, aque je mbae tamondobe. Ae embae ãte nae, embae ñetẽ tasirõ ja esi. 30 Co que serimba icuã tuchi ra. Jemombo itondaruqui re. Mbae rasi ra esaã tuchi huee. Huee ra nyeseo tuchi. Urei nda equiti quiti tuchi", i que ererecua ñee nda.

Jesús ra mbia emo emo mingo icúe umbaerã

³¹Sechu mose íbii mbia rerecuarã, ángeles sembae ra semama tuchi aque mose. Serenda nininya tuchi ra aque mose. ³²Mbia mangue chooñoa

jenda ja ra chi ñumunua huee aque mose. Mbia emo emo nda achono icúe sembaerã aque mose. Sã oveja raarõsa riqui ovejas no icúe chivos si no. ³³Uquiato cuti ra ovejas no. Uquiato cutiã nda chivos no no. ³⁴E₁ ae ra se mbia rerecua tuchi mose. Achee nda mbia sequiato cutinda je. "Jenyu serese. Jenderecua tură tuchi ra aico jeje. Paba turăte riqui jeje co. Paba que jeirabo nyii mbae ao nonde ra. Jeingo sacua serese. 35 Seriacua mose que mbae jemee seje ra. Seisei mose que sembiu ra. Sechuchua eã mose que seisi tură no nda. ³⁶Seirao eã mose que tiru jemee seje ra. Serasi mose que jeso mae serese ra. Seico mose cárcel que jeso mae serese no nda", ae ra ñee seguiato cutinda je. ³⁷ Seguiato cutinda ra ñee seje cote. "¿Manose mbae uremee ndeje nderiacua mose re? ¿Manose ureso nembiu ndeisei mose re? 38 ¿Manose ure ndeisi turã ndechuchua eã mose re? ¿Manose tiru uremee ndeje ndeirao eã mose re? 39 ¿Manose ureso mae nderese nderasi mose re? ¿Manose ureso mae nderese ndeico mose cárcel re?" i tuchi ra ñee seje. ⁴⁰ Aque mose ra achee ee. "Tachee nyecua jeje. Senongue mo mbaech a rea ndaque. Ae tură jesa senongue mo je nae, seje era a naanguia cho uqui nde", ae ra ñee ee. 41 Achee nda sequiato cutia quitinda je cote. "Jeso sesi. Mbae turã nda jēisiã seo jenda. Jēso tata cuásuu. Ae Dios chiao tata, diablo mbasi sacuã. Diablo rimb a abe mbasi sacuã. Ũquĩ tata ra uqueã mbei. ⁴²Seriãcuã mose que mbae mo jemee eãte seje ra. Seisei mose que sembiu eãte no nda. 43 Sechuchua eã mose que seisi turã eã nda. Seirao eã mose que tiru jemee eate seje ra. Serasi mose que jeso eate mae serese ra. Seico mose cárcel que jeso eate mae serese no nda", ae ra sequiato cutia quitinda je. 44 Seguiato cutiã guitinda ra ñee seje cote. "¿Manose mbae mo uremee eã ndeje nderiãcuã mose re? Ndeisei mose abe no. Ndechuchua eã mose abe no. Ndeirao eã mose abe no. ¿Manose uresoã nderea nderasi mose re? ¿Manose uresoã nderea ndereco mose cárcel nde no?" i ra seguiato cutiã quitinda ñee seje. 45 Achee nda ee. "Mbae tură jesaa ea mose emo je, seje eraã eã naanguia chỗ ũquɨ nde", ae ra sequiato cutiã quitinda je. 46 Ũquɨ nda nvoi ja tata cuasu cote. Huee ra mbae rasi raã mbei tuchi cote. Seguiato cutinda quia ra sigui turã mbei ibate cote, i que Jesús ñee nda.

Jesú nandeisi tarõ, i ja ererecua nyue

1 Aquere que Jesús ñee uchimbaaquiatu je cote ra. 2—Dos días mose ra fiesta de la pascua cote. Aque mose ra mbia icuã semee ererecua je seiquia sacuã, i que Jesús ñee nda. 3 Sacerdote rerecua que ñumunua ja cote ra. Amei ja rese. Embesasa rese abe no. Ũquĩ ngue ñumunua ja u Caifás itaicuee ra. Caifás rei sacerdote rerecua tuchi. 4 Caifás itaicuee que ũquĩ nyi ñee ñee Jesús riĩ nda. —Jesús nandembiirĩ irĩ jẽ. Eisi sacuã. Etarõ sacuã. Eiquia sacuã cote, i que u ñee ñee nyue ra. 5—Fiesta mose eã ño nandeisi jẽ. Mbia ra paama i tuchi nande je, i que u ñee ñee nyue ra.

Cuña mo aba mbusimbusa turã ichuse Jesús aquí ndese

6 Jesús que siqui Simón Leproso chuchúaa ra. Betania, i que hue je ra. 7 Cuña mo ngue tu erea hue ra. Aba mbusimbusa mo ngue equeru Jesús je ra. Embisë tuchi que equeru ra. Mbae isiquia mumbasa tuchi que üqui nda. Ichusë ja que Jesús aqui ndese equiaru mose ra. 8 Echimbaaquiatu que chi ja mae erese ra. Paama i que cuña je ra. 9—¿Mbaerã eichuse ñooño nde? Mbae isiquia ribishoro ño nda aba emondo re. Mbaecha rea je emee mee sacua, i que echimbaaquiatu nee nyue ra. 10 Jesús que echee nandu ra. Nee ngue ee ra. —¿Mbaerā jēingo nee uqui nde? Sa cuña ae riqui ae. Ae esaa seje nae, eturate seje uqui. 11 Mbaecha rea nguia ra chi arete íbii a. Se quia nda aico bei ea nguia jendese aa. 12 Seati nonde cho ngue cuña aba mbusimbusa ichuse nguia serese. 13 Tachee nyecua jēje. Mbia Dios chee tura nenei nenei mose mangue chooñoa jenda ja je, cuña nyisaa abe ra esenei senei. Mbia ndua tura ja sacua echisaa abe rese, i que Jesús nee uchimbaaquiatu je ra.

Jesús tamee jēje, i Judas mbia icuā je

¹⁴ Judas Iscariote, i rei que Jesús chimbaaquiatu mo je ra. Aque que oso ñee sacerdote rerecua je ra. ¹⁵—Jesús tamee jēje. ¿Mbae ra jemee seje eribishorõ nde? i que Judas ñee sacerdote rerecua je ra. Sacerdote rerecua que mbae isiquia ata mee ee ra. Treinta que ra. ¹⁶—Mbia eãsa quiatu Jesús tamee jēje, i que Judas ñee ee ra.

Jesús quiaru uchimbaaquiatu rese

¹⁷Fiesta que tu cote ra. Aque fiesta mose bei que mbia riqui oveja iquia iquia querabe ra. Mbichae mbuchimată iriă ngue eu eu quia aque mose querabe no nda. Fiesta nonde que echimbaaquiatu ñee Jesús je ra. —¿Mangue ra oveja urembuchi mangue ndechiură nde? i que ñee Jesús je ra. ¹⁸Jesús que ñee ee ra. —Jēso sucha cuasu. Jeñee aque je. "Jesús que urembu ñee ndeje ra. 'Ndechuchua oveja tau sequiato rese semano nonde', i que Jesús ucheẽ mbu ndeje ra", jenye aque je, i que Jesús ñee nda. ¹⁹Echimbaaquiatu que nyoi erea Jesús cheẽ nguire ra. Oveja que embuchi huee cote ra.

²⁰Itondaru ramo mose que Jesús chi quiaru uchimbaaquiatu rese huee cote ra. ²¹Quiaru mose que Jesús ñee ee cote ra. —Tacheẽ nyecua jẽje. Jemo nda semondo mbia icuã je, i que ñee uchimbaaquiatu je ra. ²²Echimbaaquiatu ia eã tuchi que echeẽ mose ra. —¿Se ra aremondo ee re? i ja jate que ñee Jesús je ra. ²³Jesús que ñee ee ra. —Ae chi quiaru serese aque plato ye sí a nae, aque tuchi ra semondo mbia icuã je. ²⁴Dios cheẽ ndui sí tuchi ra amano ndaque. Ae ra semee mbia icuã je, aque ra mbae rasi saã tuchi quia. Aba mbia eã tuchi ra aque. "Taĩ sembuchecua

jirichĩ nguia curi", i chee ra aque, i que Jesús ra. ²⁵—¿Se ra aremondo mbia icuã je re? i que Judas ñee Jesús je ra. Jesús riĩ ñeende mbia icuã je nyii. "Ae" i que Jesús echeẽ mose ra.

²⁶ Quiaru que u ra. Jesús que mbichae sirõ nda. Gracias i que Dios je ra. Siquio que mbuchao chao ee cote ra. —Ã mbichae jẽu. Serete chỗ ã nde, i que Jesús ñee ee ra. ²⁷ Vino mbeisa que esirõ cote no nda. Gracias i que Dios je ra. Mondo que uchimbaa quiatu oo cote ra. —Jembei mbei ja. ²⁸ Seruqui chỗ ã nde. Mbia icuã mbutiã sacuã ño seruqui re. Dios cheẽ yasu rui si chỗ seruqui riqui nguiã mbia icuã mbutiã co. ²⁹ Tacheễ nyecua tuchi jēje. Vino mo nda ambei eã mbei cote. Paba mbia rerecua tuchi mose, aque mose ramo nguia nda ambei nguiã jendese cote, i que Jesús ñee nda.

Jesús aicuayate rese, ichoino nda Pedro serii, i Jesús

30 Frasei rasei que cote ra. Nyoi que Monte de los Olivos ra. 31 Jesús que ñee uchimbaaquiatu je ra. —Jēireī ireīte ra seriī co isa. Jeñimboseī mboseī nda oso serecha co isa. Sā embesa ji riqui ñee no: "Dios ra oveja raarõsa iquia. Oveja ra ñimboseī nyoi cote", sã embesa ji riqui i no. 32 Seraaque quera sire ra aso se rane jendaarõ Galilea, i que Jesús ra. 33 Pedro que ñee ee ra. —Seataque ra ireī ireīte raque ndesi. Se quia ra aireī ireiā mbei ndesi, i rei que Pedro ñee ee ra. 34 Jesús que ñee ee ra. —Tacheē nyecua ndeje, Pedro. Nguira cheē nonde ra erecheē ñooño tres veces seriī namo, Pedro. "Jesús aicuayāte resē", ere chooño ño nda seriī, i que Jesús ñee ee ra. 35 Pedro que ñee ee ra. —Mbia seiquia arõte raque nderiī, acheē ñooño eā nda nderiī, i rei que Pedro ra. Eī ja que ñee nda.

Jesús ñee ngu je

36 Jesús que oso Getsemaní cote ra. Uchimbaaquiatu rese. —Jengoi rã u aa. Taso rã ñee Paba je pe jiri se, i que Jesús ee ra. ³⁷Pe quiti jiri que Pedro rerao ra. Zebedeo riirĩ nyeremo ndese. Eya eã ndasi tuchi que tu ee aque mose ra. ³⁸Ñee ngue ũquĩ je ra. —Seya eã ndasi tuchi aico co. Seya eã ndasi ra seiquia chee. Jenguchõ na jẽ aa. Jētesa tesa bei u aa, i que Jesús ñee ee ra. ³⁹Jesús que oso pe quiti jiri cot e ra. Nyibi que u ngũíã ndese ñee Dios je ra. —Paba, ũquĩ ndasi asaã sereãte raque quia co. Ae sebite riqui nae, ũquĩ ndese semingo eã. Ae ndebite riqui nae, ũquĩ ndese quiatu semingo, i que Jesús ñee Dios je ra. ⁴⁰Nyebi que u uchimbaaquiatu je cote ra. I que eu uque ja ee cote ra. Ñee ngue Pedro je ra. —Jēingo areã ñochĩ tesa serese se ñee mose Dios je. ⁴¹Jētesa tesa u. Jengue eã u ñee Dios je. Mbae icuã tã i eã sacuã jēje. Jēingo serete raque serese. Mbae icuã nguiatu jembuti mbutite nguiã, i que Jesús ee ra. ⁴²Osobe que ñee Dios je pe jiri cote ra. —Paba, nde ñee mose seje, "mbae rasi ra eresaã" nde i mose seje, asaã nda se, i que ñee Dios je ra. ⁴³Nyebi

que u uchimbaaquiatu je cote ra. I sí que u uque ee no nda. Eresa quiatu ngue eshiu shiute nguiã. 44 Jesús que osobe erecha ñee Dios je ra. Tres veces que aque cote ra. Hue rĩ si que ñee Dios je ra. 45 Uchimbaaquiatu jii que esi ñee ee cote ra. —Jengue cote. Jenguenea jẽucua cote. Semondo ra mbia icuã je cote. Seiquia sacuã. 46 Jẽhuã cote. Nyao cote. Ae ra semee mbia icuã je, co eru quia semee sacuã co cote, i que Jesús uchimbaaquiatu je ra.

Mbia icua Jesús isi suruchoi

⁴⁷ Jesús chee mosebe tuchi que Judas ru erea ra. Jesús chimbaaquiatu rei que ae ra. Aque rese que mbia cuae tuchi quia ra. Tiquise abe que ecurucuae nguia ra. Ira jua abe no. Sacerdote rerecua cho uqui mbucuae nguia reae. Amei abe. 48 Judas ñee nyecuaya nguiatu quia uqui je nyii reae. —Ae ritii ra asiite, aque cho nene. Aque jeisi serao, i quia equia ee nyii reae. 49 Jesús riicha ngue esi saludar i ee cote ra. Jesús ritii que esiite ee cote ra. 50—¿Mbaerã erechu serea re? i que Jesús ee ra. Mbia que ngaẽ Jesús isi ecua cote ra. 51 Ũquɨ mose que Jesús rimba mo uchuuru sirõ tiquise ra. Sacerdote rerecua rimba rese que tiquise uru ra. Eisa que echisia ra. 52 Jesús que ñee ee ra. —Ndechuuru emingue cho eriru ye. Nde emo nyiisha mose tiquise je, nde abe ra emo ndeisha. 53 ¿Ndeiranuate ángeles rese re? Se ñee mose Paba je, ángeles tubiriã tuchi nda embu seje re chae. Sereaquiatu sacua. 54"Angeles embu ra sereaquiatu", ae ea nda Paba je. Ũqui mose ra embesa ji ique ea cote. Sa embesa ji riqui ñee no: "Mbae rasi ra esaã tuchi" i no, i que Jesús ñee Pedro je ra. 55 Jesús que ñee mbia ja je cote ra. —¿Mbaerã jenyu quia tiquise rurucuaẽ serea co re? Ira jua abe no. Mbae mbuquiachãsa rea rocoi jenyuchi nguia serea co. Tenda que amumba mumba beite rei quia jendese Dios chuchua resẽ. Mbia que ambaaquiatu quiatu bei rei quia huee resē. ¿Mbaerā seisiā nyucua aque mose re? 56 Embesa ji ique sacuā no jeicua icua ndiqui nguia seje a, i que Jesús ra. Echimbaaquiatu que nvoi ja chee uchã Jesús recha ra.

Jesús mbia curuchoi mbia rerecua je

57 Ae Jesús isi nae, ũquĩ ngue ecuruchoi sacerdote rerecua je ra. Huee que embesasa chi ja ñumunua nda. Amei ererecua ja abe. 58 Pedro que embuchurucha rucha oso quia erui ra. Ngasẽ nyee que sacerdote rerecua itaicuee ra. Huee que ngoi sacerdote rimba mo ndese ra. —Mañi nda mbia Jesús je reae, i que huĩ ngoi eraarõ arõ nda. 59 Sacerdote rerecua que chi ja huee ra. Amei mbia rerecua ja abe no. Mbia rerecua ja tuchi. —Jesús nandeiquia, i rei que ñee ñee nyue ra. —¿Mbae i ra aba mbia je Jesús riicharã nde? i rei que u ñee ñee nyue ra. 60 Emo emo ngue ngaẽ ndei ñee icuã icuã Jesús riī nda. Ũquinde que mbia nyeremo ngaẽ ñee ñooño Jesús

rii nda. 61—Jesús que ñee ñooño Dios chuchua rii nda. "Dios chuchua ra ambucoi. Tres días mose ra achaobe", i que urechandu Jesús chee nda, i que ũquĩ ñee ñooño Jesús rɨĩ nda. 62 Sacerdote rerecua que juã ñee Jesús je ra. —¿Echee nda eresibishoro ea mbei re? ¿Mbae i equia nderii nde? i que Jesús je ra. 63 Jesús que ñee eã mbei echee mose ra. Sacerdote rerecua que ñeembe ee ra. —¿Dios rucucha nde re? ¿Cristo nde re? Diósaa echee ure je, i que sacerdote rerecua ñee ee ra. 64 Jesús que ñee ee ra. —Ae. Dios rucucha chõ se re. Tacheẽ nyecua jēje. Jemae nda serese se coi mose Dios quirãcuã jii. Sechu mose abe ibeishĩ ndese, i que Jesús ee ra. 65 Sacerdote rerecua que paama i tuchi Jesús chee mose ra. Huiirao que endoro ndoro chee ra. Ñee ngue ererecua ataque je ra. —Jesús riqui Dios rucucha raã naa co. Jeñandu jate equia ã. Sã mbia mo nandembiirandube eã cote. Nandemae ndei ngue erese re. 66 ¿I jēje re? ¿Mañi nande ra equia re? i que sacerdote rerecua ñee ererecua ataque je ra. —Eicuã tuchi que ra jē. Sã mbia eiquia, i jate que ererecua ñee Jesús rii nda. 67 Mbia que ñinimbu nimbu Jesús ruba rese cote ra. Ucua ucua abe que erese ra. Emo emo ngue eritii mbeete ete o je ra. 68 Nee ngue ee ra. —"Cristo cho se re", ere ni equia. Aba cho ucua nderese chã. Ma eicua no, i que mbia ñee icuã icuã ee ra.

Jesús aicuayate resee, ichoino Pedro

69 Pedro que chĩ mbeite ngoi itaicuee ra. Nyucuaaque mo ngue tu ñee ee mbia rimba mo nda. —Jesús resenda que nde abe ra. Galilea jenda, i que nyucuaaque ñee ee ra. ⁷⁰ Pedro que ñee ee ra. —Tei. Ndecheë aicuayăte, ichõiño ngue Pedro mbia résaa ñee ee ra. ⁷¹ Pedro que oso quia eiquesa cuti cote ra. Nyucuaaque nongue que ñee mbia je eriï nda. —Co abe que Jesús resenda ra. Nazaret jenda, i que ñee mbia je ra. ⁷²—Tei. Jesús aicuayăte, ibe que Pedro ñee icuã ee ra. ⁷³ Ae chi huee nae, ũquĩ mo ngue ñee Pedro je cote ra. —Jesús resenda chố nde abe resẽ. Ndecheẽ aba chiicuate resẽ, i que ñee ee ra. ⁷⁴ Pedro que jurar i tuchi ñee ee ra. —Aicuayã tuchite se resẽ, i que ñee ñooño nda. Aque mose tuchi que nguira ñee cote ra. ⁷⁵ Pedro que ndua Jesús cheẽ ndese cote ra. Sã Jesús ñee ee nyii no. —Nguira cheẽ nonde ra erecheẽ ñooño tres veces seriĩ, sã Jesús i ee nyii no. Ũquĩ ndese que Pedro ndua cote ra. Nyebe esi nguiã usẽ nyeseo tuchi.

Mbia Jesús curuchoi Pilato je

¹Nyaashĩ namo mose que sacerdote rerecua ndua hue rĩ ja ra. Amei mbia rerecua ja abe no. Hue rĩ ja ndua Jesús iquia sacuã. ²Jesús que echucua suruchoi Pilato je ra. Pilato rei mbia rerecua, hue jenda ja rerecua.

Judas uchosoi mumbi nyiiquia

³Mbia ra Jesús iquia, i mose Judas je, eya eã tuchi que ũquĩ mose ra.

—Jesús amee jirichĩ nguiã mbia je, i que ra. Nyebe mbae isiquia mondobe

nguiã sacerdote rerecua je. Amei ererecua je abe no. 4—Mbae icuã tuchi asaãchĩ. Jesús seteã tuchi ameechĩ jēje. Eiquia sacuã, i que Judas ñee nda. —Nde quia rei. Ure eã ñene, i ja que ererecua ñee ee ra. ⁵ Judas que mbae isiquia mbaba asi mombo mondo íbii ra. Dios chuchúaa. Oso que uchosoi mumbi nyiiquia cote ra. ⁶ Sacerdote rerecua que mbae isiquia sirõ ibi si cote ra. —Mbia ribishoronda chõ ã mbae isiquia re. Nyebe nandemondo eã ofrendarã, i que ñee ñee nyue ra. ⁷ Aquere que sacerdotes ibi mo isi aque mbae isiquia je ra. Ibi mo ngue eisi mbiamo tiquia tiquia sacuã nda. Ñionga, i que hue ibi je ra. ⁸ Nyebe eriqui nguiã "mbia ruqui rua" i bei hue je. Namo nyee. ⁹ Aque mose que Jeremías ñimbesa ique cote ra. Ã ndei Jeremías ñimbesa ã:

Ũquɨ mbae isiquia treinta que eisi cote ra.

Ũquɨ ndei mbia rɨbɨshoronda ũquɨ.

10 Ũquĩ mbae isiquia que emondo hue ñionga ribishoro cote ra.

Dios ñee nguia erii seje nyii nae, ũqui ndui si, i que Jeremías embesa cose ra.

Pilato ñee Jesús je

¹¹Mbia que Jesús curuchoi Pilato je cote ra. Pilato que ñee ee ra. —¿Judíos rerecua cho nde re? i que ee ra. —Ae. Judíos rerecua cho se re, i que Jesús ee ra. ¹²Sacerdote rerecua que ñee icuã ja Jesús je ra. Amei ererecua abe no. Jesús que ñee ate echee mose ra. ¹³—¿Erechanuate equia ñee mose nderii nde? i que Pilato ñee Jesús je ra. ¹⁴Jesús que ñee ate echee mose ra. Nyebe Pilato nyuruira tuchi nguiã echee ea mose.

Jesús jeiquia mbucha ira rese, i ererecua

¹⁵Pilato que mbia tarõ ji mo mbusẽ mbei quia pascua mose ra. Co mii ngue embusẽ mbusẽ mbei quia pascua mose ra. Ae je mbia riqui ñee, "aque embuse mondo" i nae, aque cho ngue embuse mbei quia ee ra. ¹⁶Barrabás, i que etarõ ji mo je ra. Mbia chiicua tuchi que ae ra. ¹⁷Mbia ñumunua ja mose que Pilato ñee ee ra. —¿Aba ra ambusẽ mondo jẽje re? ¿Barrabás ra re? ¿Jesús ra re? i que Pilato ñee ee ra. 18—Sacerdote rerecua riqui paama i chooñote Jesús je ã, i quiatu que Pilato ndua ndua uchiangui re ra. 19 Pilato que chi ngoi ndua ndua nguenda tose ra. Eninisi que uchee mondo nee ee ra. -Ehui cho Jesús si je. Mbae icua ngue esaa eãte resẽ. Atea que seque re isa ra jẽ. Seque re icuã tuchi que aa ra jẽ, i que Pilato ninisi ñee ngu je ra. ²⁰Sacerdote rerecua que ñee mbia ja je ra. Amei ndese. —Sã Pilato Barrabás mbusẽ mondo. Sã Jesús quiatu iquia, i que ererecua ñee ja mbia je ra. Nyebe mbia "eno" i chee ee. 21 Pilato que ñee si mbia je ra. —¿Aba ra ambusẽ mondo jeje re? ¿Jesús ra re? ¿Barrabás ra re? i que Pilato ra. —Barrabás embuse mondo i que mbia ee ra. 22—¿Mañi ae quia ra Jesucristo je re no? i que Pilato ra. —Embucha

ira rese, i ja que mbia ñee ee ra. ²³—¿Mbae icuã esaã nde? i que Pilato ee ra. —Embucha ira rese jē, ibe que mbia tasẽ tasẽ ee ra.

24—Mbia riqui "Jesús eiquia" i i tuchichĩ, i que Pilato ndua ndua ra.

—I mo embu seje, i que mbia je cote ra. Nyoi que mbia résaa cote ra. —A aico nyoi a. Se ra Jesús aiquiayã. Eseteãte quiatu ngue re. Jẽ nguiatu jẽingo erese, i rei que Pilato ñee mbia je ra. ²⁵Mbia que ñee ja Pilato je ra. —iEiquia jẽ! Eicuãte que eriqui ra jẽ. Dios ra paama i eã eiquia mose. Dios paama i mose, sã ure je quiatu paama i. Ureriirĩ je abe no, i jate que mbia Pilato je ra. ²⁶Pilato que Barrabás mbusẽ mondo cote ra. Jesús cuasa quiatu que chiño nda. Pilato que Jesús iruã nua cote ra. — Jembucha iquia ira rese, i que ñee soldados je cote ra.

²⁷Soldados que Jesús cuasa curuchoi ererecua chuchúaa ra. Huee que soldados ataque abe ngaẽ ja Jesús mama nda. ²⁸Jesús irao que embui esi ra. Tiru ireĩ nguiatu ngue emingue nguiã ee cote. ²⁹Nyu ritiméi uma ji que emii eãquĩ ndese corona nda. Ira ñetẽ mo abe que emondo éoo ra. Ngoi ja que u ngũíã ndese Jesús nonde ra. Ñee icuã icuã ngue u eriĩ nda. —Judíos rerecua tuchi chỗ nde re, ichỗiño ngue soldados Jesús je ra. ³⁰Ñinimbu nimbu abe que erese ra. Ira abe que euru uru eãquĩ ndese no nda. ³¹Jesús rimba que esaã saã ee no nda. Iquia iquia que ee no nda. Aquere que tiru ireĩ mbui esi cote ra. Eiraote que emingue ee cote ra. Curuchoi que embucha nonde ira rese cote ra.

Mbia Jesús mbucha ira rese

³²I rei que echoi quia ra. Mbia mo ngue esobeishĩ nda. Simón, i equia ee. Cirene jenda que ae ra. —Cruz echa rã Jesús mbucha sacuã pe, i que soldados ee ra. Nguerao que ee cote ra. ³³Ngasẽ ngue pee cote ra. Gólgota, i que hue je ra. Eresa cuare, i chõ nguiã hue je. ³⁴Huee que vino ñimocondo tuchi mo mondo Jesús je ra. Ubi rei que erese ra. Aquere que embei eã cote ra. ³⁵Soldados que Jesús mbucha ira rese ra. Aquere que sita ñetẽ mbaba mbaba o je cote ra. —Aba ra Jesús irao querao ñi ja, i que nyue ra. Aque mose que embesa ji cheẽ ique cote ra.

Seirao que embuchao chao nyue ra.

Sita ñetê mbaba mbabare o je,

i que embesa ji ra. ³⁶ Aquere que soldados chi ngoi Jesús raarõ cote ra. ³⁷ Mbia que letrero mii Jesús ãquĩ nguiti ibate ra. JESUS REI JUDIOS RERECUA, i que embesa mii nda. Ũquĩ nii ño eriqui nguiã eiquia hue. ³⁸ Mbia nyeremo abe que embucha ira rese Jesús chabe ra. Jesús rereco chobei que emii ira rese ra. Mbae mbuquiachãsa tuchi que ũquĩ nda. ³⁹ Mbia que iquia iquia chỗ nguia echeễ naa naa ecuã nda. Ñee icuã icuã ee. ⁴⁰—"Dios chuchua ra ambucoi. Tres días mose ra ambuchuruambe" ere que equia. Ndequirãcuã tuchi mose, equichi u hue si. Nde Dios rucucha mose, equichi u cruz si, i tuchi que mbia quia iquia iquia ee ecuã mose ra. ⁴¹ Sacerdote rerecua abe que iquia iquia iquia chỗ

nguia ee ra. Embesasa abe no. Amei ererecua abe no. Ũquĩ ngue ñee icuã icuã ja quia eriĩ nda. ⁴²—Mbia que embuquera quera rei nyii ra. Ae si quia quera aroneate nguiã aque. Judío rerecua mose ae, sã ae ae nguichi ira si. Ĩ nda ureicu a cote, i ja que ererecua ñee icuã icuã e eriĩ nda. ⁴³—"Dios aicuate", i que equia, sã Dios ae embuquichi eya mose erese. "Dios rucucha rei se" i que equia, i ja que ererecua ñee icuã icuã eriĩ nda. ⁴⁴Ae mbuchai chi ira rese mbae mbuquiachãsa nae, ũquĩ abe que ñee icuã icuã nyee ee ra.

Jesús mano cote

⁴⁵Tenda nandeite re mose que itondaru ru ra. Itondaru bei que mbia ja je tres horas ra. ⁴⁶Tenda cheseco mose que Jesús ñeemombo cote ra. — Elí, Elí, ¿lam a sabactani? i que ñeemombo ra. —Dios sererecua, ¿mbaerã ereico hui sesi re? i chō ngue ñee nguiã. ⁴⁷—Elías je eriqui "quiatuchu" i reae, i rei que echeẽ andusa mo nda. ⁴⁸Aque mose tuchi que emo esponja monde vinagre ye ra. Ira ai rese que embia ji mondo rei Jesús chúruu cote ra. ⁴⁹—Esecha rei. iSã Elías ruãte quia erea! i que eataque ñee ee ra. ⁵⁰Jesús que tasẽ mano mbei cote ra.

5¹ Aque mosechi tuchi que cortina nyisia Dios chuchua jenda ra. Ibate si que eru nyisia íbii ra. Ibi que nyere nyere cote ra. Sita abe que nyisia sia nyibite bite rĩ nda. 5² Mbia tãsa mo abe que nyeequia equia ra. Dios quiato raaque mo ngue quera quera ra. 5³ Jesús quera si mose que ũquĩ ndaaque usẽ nyoi cote ra. Nyoi que Jerusalén cote ra. Mbia tubiriã ngue mae u erese ra. 5⁴ Soldados rerecua que chĩ mae Jesús rese ra. Soldados abe no. Ũquĩ ngue siquichete Jesús mano mose ra. Ibi chere mose. Mae mose mbae ja rese. — Dios riirĩ ño eriqui re, i jate que soldados ñee eriĩ cote ra.

55-56 Cuña ngue chi jate mae Jesús rese isho ra. María Magdalena abe que chi huee ra. María abe no. María rei Jacobo si. José abe si. Zebedeo riirī si abe que chi erese huee ra. Ũqui ngue siqui bei quia Jesús rui ra. Echiurā ngue emii mii mbei quia ee ra. Galiléaa eico mose bei.

Mbia Jesús raaque chati cote

⁵⁷ José, i que mbaecha mo je ra. Arimatea jenda rei ae. Jesús quiato que ae ra. Tenda ireï mose que esi ñee Pilato je ra. ⁵⁸—Jesús raaque emee na seje, i que oso ñee Pilato je ra. Pilato que "eno" i ee ra. ⁵⁹ José que eraaque curuchoi cote ra. Ñuma ngue tirushĩ mo je ra. ⁶⁰ Jesús raaque que eiti suruchoi sita ribicoi ji imi ye ra. José chisaã ye. Nyati rei que sita cuasu mo je cote ra. Nyoi que erecha cote ra. ⁶¹ María Magdalena ngue chi ngoi mae Jesús atisa rese ra. María rese.

Soldados Jesús raaque atiquia saarõ u

62 Isamami ngue sacerdote rerecua choi ñee Pilato je ra. Fariseos abe no. Sábado isamami ngue ra. 63 Ũquĩ ngue nyoi ñee Pilato je Jesús riĩ nda.

—Urendua nduachĩ nguiã ñeeñooño je rese. "Tres días mose ra aquera si", i que equia mano nonde ra. 64Soldados emondo rã eatiquia raarõ. Sã echi bei tres días eraarõ huee. Ĩ nda echimbaaquiatu eraaque siroã suruchoi. "Quera si que ra" iichĩ nda ñee ñooño mbia je jẽ! Ũquĩ mose ra mbia mbiirĩ irĩ tuchi cote, i que ñee Pilato je ra. 65Pilato que ñee ee ra. —Soldados jendao rã. Eraaque raarõ tuchi sacuã, i que ee ra. 66Soldados que ecuruchoi Jesús atíquiaa cote ra. Eiquesa aronda que ematã tuchi cote ra. —Jēsaarõ tuchi jē, i rei que soldados je cote ra.

Jesús raaque quera si

28 ¹Jesús raaque ati ji que chibe sábado mose ra. I nyaashĩ oso quia domingo mose, aque mose que cuña mo nyoi mae eatisa rese ra. María Magdaalena, i que emo je ra. María, i que enongue je ra. ²Aque mose tuchi que ibi nyere nyere ee ra. Angel ibatenda mo nguia tu quia eatisa mbuquiata reae. Sita eatiquia que ecuruba ra. Ngoi que etose ra. ³Enininya tuchi que chi ngoi ra. Ama pirira pirira i ra tuchi que ra. Eiraoshî tuchi que chi nda. 4Soldados que titi titi i tuchi cho mae ũqui ndese ra. Emundi tuchi que ra. ⁵ Angel que ñee cuña je ra. —Jēsiquiche quichechi nguia. Jeingo raque Jesús raaque requia a. 6 Emoate aa rese. Eraaque que quera si no. Uchee ndui si que quera rese. Jenyu rei mae eatisa rese ae. 7 Jēso asi rā echimbaaquiatu mbiirandu equera si rese. "Jenonde ra esi Galilea. Jemae nda erese huee", jenye embiirandu. Ũquɨ ae chỗ ngue u nguiã jēje, i que ángel cuña je ra. 8 Cuña ngue siquichete echee andu ra. Evate abe que ra. Ucha ndei que echoi quia Jesús chimbaaquiatu mbiirandu ra. ⁹Ñeenda cúa chõ ngue Jesús nyecua saludar i ee ra. Cuña ngue nyoi oo erese ra. Jesús i que equiaama ama nda. 10 Jesús que ñee ee ra. —Jēsiquichechī nguiā sesi. Jēso ñee seresenda je. "Jeso ra Galilea. Hue ra jemae Jesús rese", jenye oso ee, i que Jesús ñee cuña je ra.

Soldados ñee ñooño Jesús raaque rii

¹¹ Soldados eraaque raarõsa que nyoi sacerdotes rerecua mbiirandu Jesús quera rese ra. Ae rese mae nae, ũquĩ ngue esenei ja ee ra. ¹² Sacerdotes rerecua que nyoi ja ñee amei ererecua je cote ra. —¿Mañi nande ra equia mbia jiranuã sacuã Jesús quera rese re? i que ererecua ndua ndua hue rī ja ra. Nyebe mbae isiquia mee nguiã soldados je, ñee ñooño sacuã mbia je. ¹³—Jeñee ñooño mbia je jẽ. "Ureque mose Jesús resenda eraaque suruchoi rei sirõ", jenye chooño mbia je jẽ. ¹⁴ Pilato jirandu mose jendese, urecheẽ nda ee. Paama iã nda jẽje chã, i que ererecua ñee ja soldados je ra. ¹⁵ Soldados que mbae isiquia isi cote ra. Ñee ñooño tuchi que mbia je cote ra. Nyebe judíos riqui nguiã ñee mbei ã cote. —Jesús chimbaaquiatu que eraaque sirõ cose ra, nyebe eriqui nguiã i bei ã cote.

Jesús uchimbaaquiatu mondo mbia mbiirandu

16 Jesús chimbaaquiatu once que nyoi ja Galilea ra. Ibi ibate mo ngue echoi Jesús cheë nguire ra. 17 Jesús que nyecu a ee huee ra. Jesús rese mae mose que ngoi ngũíā ndese ñee ee ra. —Jesús eã ño co reae, i rei que emo emo ñee uchiangui re ra. 18 Aquere que Jesús si eriichã ñee ee cote ra. —Sequiracua tuchi cho se re. Se rei ibi jenda rerecua ja. Ibatenda abe rerecua ja. 19 Jeso mbia mbaaquiatu quiatu ja serii. Mbia mangue chooñoa jenda ja. Bautizar jenye ee Paba rii. Serii abe. Espíritu Tura nii abe no. 20 Jembaaquiatu quiatu tuchi sechee nii. Ae asenei senei nguia jeje nae, ũqui jesenei senei ja ee. Sechee mumbaya sacua. Aico bei ra se quia jendese. Mbae ua j a chee, i que Jesús ñee ee ra. Amén.

EL SANTO EVANGELIO SEGUN SAN MARCOS

Juan el Bautista Dios chee senei senei

1 Ã tasenei na jēje. Dios cheẽ turã Jesucristo rɨɨ. Jesucristo rei Dios riirĩ. 2Sã Isaías Dios cheẽ mbesa cose no:
Secheẽ nderaosa amondo quia nderēta aque.

Ae ra ñeenda mbuquiche nembaerã, i que Dios ra.

³ Emo ndiqui ñeemombo mombo turúquiaa hue.

"Sã emo ndiqui ñeenda mbuquiche no, eĩ jenye si chỗ nguia jẽ abe ico quiatu nandererecua raarõ arõ", i equia turúquiaa hue, i que Isaías embesa ra. ⁴Juan el Bautista que tu ũquĩ ñee nguire cote ra. Dios cheẽ ngue esenei senei nguia turúquiaa cote ra. —Jendua si Dios rese. Jẽhui chỗ jẽicuã si. Dios jẽicuã mbutiã sacuã. Ũquĩ mose nda bautizar ae jẽje chã, i beite que Juan nguia ñee nda. ⁵Jerusalén jenda que ngaẽ ngaẽ tuchi quia echeẽ andu ra. Judea jenda abe no. Mbia huiicuã nenei nenei mose Dios je, ũquĩ mose que Juan ndiqui bautizar i ee ra. Ama Jordán ye. ⁶Quiicuã mbuaera chỗ ngue Juan irao ra. Camello. Mbae ire chỗ ngue enumbicuasa no nda. Tucu mbuae chỗ ngue eu eu quia ra. Irao quiaa riinda abe. ⁷⁻⁸Dios cheẽ ngue esenei senei nguia ra: —I achỗ je chỗ aico nguiã bautizar i mbia je co. Co chi emo ndu quia serui co. Dios riirĩ tuchi chỗ ae re. Ae quia equirãcuã tuchi sesi re. Ae quia eturã tuchi sesi no nde. Ae quia tura bautizar i mbia je Espíritu Turã je. Mbia chiã mbitirỗ sacuã, i beite que Juan nguia ra.

Juan bautizar i Jesús je

⁹Aque mose que Jesús ru sucha tubiriã Nazaret si ra. Galilea jenda rei Nazaret. Juan ngue bautizar i Jesús je ra. Ama Jordán ye. ¹⁰Jesús que usẽ oso ama si cote ra. Ibei que nyeequia ee cote ra. Espíritu Turã ngue nguichi u erese cote ra. Nyurushi rã ngue eru nguichi erese ra. ¹¹Ibei jenda que ñee ee ra. —Seriirĩ ño nde re. Sechesecua chỗ nde re. Seyate nderese, i que Dios ñee ee ra.

Jesús tambii cuã, i raque Satanás

¹²Espíritu Turã ngue Jesús querao turúquiaa cote ra. ¹³Huee que Jesús riqui arete ra. Cuarenta días. Nyacua risha ite re. Mbia riichare ja ite re. Satanás que tu rei tã i ee cote ra. Angeles que ngaẽ nguia ereaquiatu ra.

Jesús mbia mbaaquiatu quiatu ramo

¹⁴Mbia rerecua que Juan tarõ cárcel cote ra. Aquere que Jesús sɨ Galiléaa ra. Dios cheẽ turã ngue esenei senei nguia huee ra. ¹⁵—Achɨte Dios ñɨ tu mbia rerecuarã a. Jendua sɨ Dios rese. Jẽhuɨ chỗ jẽɨcuã sɨ. Dios cheẽ turã jẽɨcua. ff nda Dios jemingo beɨ, ɨ que Jesús quia ñee mbia je ra.

Jēingo serui, i Jesús uchimbaaquiaturā je

16 Jesús que ngata oso quia ama nimia ndui ra. Galilea, i que aque ama ndisha je ra. Huee que mae Simón ndese ra. Enongue abe rese mae. Andrés, i equia ee. I que u sira mbua mbuasa mondo mondo ii ra. Sira resenda bei rei ũquĩ. 17 Jesús que ñee ee ra. —Serui bei chỗ jẽingo jẽ. Taembaaquiatu quiatu. Mbia teendu endu bei quia seje cote, i que ee ra. 18 Nyoi ja que erui ra. Sira mbuasa si que echoi hui ra. 19 Pe jiri que mae Jacobo rese ra. Enongue rese abe. Juan, i equia ee. Zebedeo riirî ja rei ũquĩ. Huee que echi ja canoa ye sira mbuasa mbitirõ tirõ nda. 20 — Jẽingo serui, i que Jesús ñee ee ra. Echeẽ nduibe tuchi que echoi erui ra. Ngu que esecha choi ra. Eru que siquichõ canoa ye ngũimba rese ra.

Jesús aba checuayã icuã jea mbia mo si

2¹ Nyoɨ que sucha tubɨrɨä Capernaum nda. Sábado mose que Jesús si judíos chumunua nuásaa ra. Mbia mbaaquiatu quiatu sacuã. ²² Mbia rerecua rã ño ngue eriqui mbia mbaaquiatu quiatu ra. Embesasa rã eã. Nyebe mbia riqui nguiã nyuruɨra tuchɨ echeẽ andu. ²³ Huee que ameɨ mo ndiqui mbia chumunuásaa ra. Aba checuayã icuã nyireco rei ae. Ñee asite que Jesús je ra. ²⁴—¿Mbaerã erechu urerea co re, Jesús? Quiatúae urerecha ae. ¿Ureriɨcharã ño erechu quia co re? Dios rucucha chỗ nde re. Areicuate se, i rei que aba checuayã ñee asite ee ra. ²⁵ Jesús que ñee asi ee cote ra. —¡Equɨrɨrɨ chỗ jẽ! Esẽ oso ameɨ ñiangui sɨ, i que ee ra. ²⁶ Jesús cheẽ mose que aba checuayã ameɨ mburirite cote ra. Tasẽ ngue oso usẽ ameɨ sɨ cote ra. ²⁷ Mbia que nyuruɨra tuchɨ mae Jesús rese ra. Ñee ñee ja que nyue cote ra. —Jesús riquichɨ mbia mbaaquiatu quiatu ucheẽ namonda je co. Equirãcuã ae ñee nguiã. Mbia rerecua rã ño eriqui nguiã ñee aba checuayã icuã je co. Sã aba checuayã echeẽ mumbayãte jẽ, i que mbia ra. ²³ Mbia que jirandu jeɨ Jesús rese Galilea jenda ja cote ra.

Jesús Simón ninisi si mbucherõ

²⁹Jesús que usẽ nyoɨ mbia chumunuasa sɨ cote ra. Nyoɨ que Simón nyuchua ra. Andrés abe que siqui rei huee tuchua ra. Jesús que ɨque

nyoi huee ra. Jacobo rese. Juan ndese abe no. ³⁰I que Pedro chari rasi u nyaara ee ra. Eracu tuchi que ra. ³¹Jesús que eo isi embuchuruã nda. Aque mosebe que eracu ti i esi cote ra. Mbae que echao chao quia mbia chiurã cote ra.

Jesús mbia rasi chumumbara mbuchero

³²Itondaru ramo mose que mbia erasi rurucuae cuae tuchi Jesús je ra. Ae aba checuaya quereco quia nae, ũqui abe que ecurucuae cuae tuchi quia ee ra. ³³Sucha tubiria jenda ja que chi ñumunua eiquesaa ra. ³⁴Mbia rasi chumumbara que embuchero chero ja ra. Aba checuaya icua tubiria ngue ejea jea quia mbia si ra. Aba checuaya ngue Jesús icuate rei ra. Nyebe Jesús riqui nguia echee ndiquisa quisate.

Jesús mbia Galilea jenda mbuchesea sea

³⁵I nyaashĩ oso quia, aque mose que Jesús juã oso mbia tiãsaa ra. Ñee sacuã Dios je itondaru bei mose. ³⁶Simón ngue oso erui emuña nda. Nguesenda rese. ³⁷Ngasẽ ngue ee ra. —Pe mbia chi nderequia jate pe, i que ee ra. ³⁸Jesús que ñee ee ra. —Nyao sucha tubiriã mbuchesea sea achi jenda. Dios cheẽ nda asenei senei ee chã. Nyebe achu nguiã, i que ee ra. ³⁹Galilea jenda que embuchesea sea ja cote ra. Dios cheẽ nenei nenei judíos chumunua nuásaa. Aba checuayã abe jea jea mbia si.

Jesús mbia leproso mbucherõ

⁴⁰Emo ndasi que ngasẽ Jesús je ra. Leproso, i que ũquĩ erasi je ra. Tu que ngoi ngũíã ndese ñee Jesús je ra. —Nde sembucherõse mose, sembucherõ se, i tuchi que ñee ee ra. ⁴¹Jesús ia eã tuchi que erese ra. Ñomee ngue oco erese cote ra. —Eno. Tarembucherõ, i que ee ra. ⁴²Echeẽ nduibe tuchi que nyerõ cote ra. ⁴³-⁴⁴Jesús que ñee ee ra. —Sã jẽ. Erecheẽchĩ nda emo je jẽ. Eso nderasiã ndeacuquia sacerdote je cote. Moisés cheẽ ndui si chõ mbae mo emondo Dios je. Eĩ nda mbia jirandu nderasiã ndese cote, i rei que Jesús ñee emondo ra. ⁴⁵Mbia que embiirandu ja tuchi chõ oso ra. Nyebe Jesús nyecua aroneate nguiã sucha tubiriã mo. Siquiibi ibi chõ ngue eriqui cote ra. Icuenda ja que ngaẽ ngaẽ nguia erea ra.

Jesús emi sayã mo mbucherõ

¹Emo mose jiri que Jesús nyebi Capernaum nda. Echuchua ereco mose que mbia jirandu erese ra. ²Mbia tubiriã ngue ñumunua ee ra. Mbia chayã tuchi que ra. Ei quesa abe itãyã tuchi que ra. Dios cheẽ ngue esenei senei tuchi quia ee ra. ³Mbia cuatro que erasi mo curucuaẽ ee ra. Emi sayã. ⁴Mbia tubiriã ngue tuchua mbiitãyãte eriquisã nda. Nyebe erasi ruruchoi nguiã sui tei quite arõ. Tei que endoro cote ra. Erasi que

embuquichi imbu quisa ye Jesús je cote ra. 5—Erurucuaẽsa riqui seicuate ũquĩ, i que Jesús ñee uchiangui re ra. Nyebe ñee nguiã emi sayã je. — Echo, ndechisaã mbae icuã ambutiã nguia ndesi a, i que ee ra. 6Embesasa mo abe que chi echee andu ra. Mae icua icuate que equia Jesús res e ra. 7—¿Mbaerã Jesús riqui ñee ũquɨ nde? Ñee ¡cuã ¡cuã nochɨ equia Dios rii co. Dios ibatenda ae mbi a chiao icua mbutia tia nguia esi rese, i rei que ñee icuã icuã Jesús rii nda. 8 Jesús que ũqui ndua ndua icuate quia ra. Nyebe ñee nguiã ee cote. —¿Mbaerã jēingo ndua ndua icuã nde? 9¿Ma mbaranguiatuã eã jiri jēje re? ¿Mbia ¡cuã mbutiã esi ere? Mbia rasi mbuchero ere no ae. ¿Ma mbaranquiatua ea jiri jeje re? ¹⁰Dios rucucha rei se. Mbia chiao icua mbutia aquiatu cho se re. Seguiracua tateacuquia jēje, i que Jesús ñee ee ra. Ñee ngue erasi je cote ra. 11—Ehuã na. Ndechuchua eso cote. Ndequisa abe erao, i que Jesús emi sayã je ra. ¹²Emi sayã ngue juã asi Jesús cheẽ nduibe cote ra. Ngua que esirõ asite serao cote ra. Mbia resa rae ja. —Ã ndese que ureico mae eã tuchi emo mose ra, i tuchi que mbia u mae nyuruira erese ra. Mbia que ñee turã jate Dios quirãcuã nii cote ra.

Serui bei eico, i Jesús Leví je

¹³ Jesús que oso si ama ndisha rimíaa nda. Mbia que ngaẽ ngaẽ jate erea ra. Jesús que embaaquiatu quiatu ra. ¹⁴I que Jesús oso quia ra. Mae ngue Leví rese ra. Alfeo riirĩ ngue Leví ra. Ngoi que huĩ plata isi isi impuestorã nda. —Serui bei eico, i que Jesús ñee ee ra. Ae Leví juã oso nguiã erui.

15 Jesús que nyoi quiaru erese ra. Impuestos isi isiquia ata que chi quiaru erese huee ra. Echimbaaquiatu abe rese. Mbia icuã mo abe que chi quiaru erese no nda. Ũquĩ tubiriãte que siqui erui ra. 16 Fariseos que ñee icuãte Jesús chimbaaquiatu je ra. Embesasa abe que ñee icuãte ee ra. —¿Mbaerã Jesús riqui quiaru mbia icuãte rese re? i que ñee nda. 17 Nyebe Jesús ñee nguiã ee. —Sã mbia rasiã ndiqui aba mbucherõsa requia eãte no. Sã erasi chỗ ndiqui erequia no. "Jenyu seje" ae eã ngue u nguiã mbia turã je. Mbia icuã je chỗ ngue achu nguiã "jenyu seje" i, i que Jesús ra.

Jesús chimbaaquiatu hui ãte uchiu si

18 Juan ñimbaaquiatu que hui uchiu si aque mose ra. Fariseos chimbaaquiatu abe no. Nyebe mbia ngaẽ nguiã ñee Jesús je. —¿Mbaerã ndechimbaaquiatu abe riqui hui ãte uchiu si re? i que ñee Jesús je ra. ¹9 Jesús que ñee ee ra. —Sã emo ndiqui ngũinisirã isi ramo no. Sã eresenda iate riqui quiaru erese no. Sã eriqui hui aroneate uchiu si aque mose no. ²⁰ Sã eru riqui mano emo mose no. Aque mose ramo nguiatu ra equiato hui uchiu si cote. ²¹ Sã emo ndiqui tiru yasu mii aroneate tiru ima sorei rese no. Eyasu ra nyaacua quiata eima si. Soro icoi tuchi chỗ nda

cote. ²²Sã emo mbaeri rasi ramo nderecoquiatu eã eriru ima ye no. Mbae ire ima ye ererecoquiatu aronea ño ñene. Eri rasi ra ñimatã ño mbae ire ndoro. Eri ra uchẽ ja. Mbae ire abe mbiicuãte ra cote. Mbaeri yasu quia nda equerecoquiatu nguiã mbae ire yasu ye. Soroã sacuã, i que Jesús ñee ee ra.

Jesús chimbaaquiatu mbae a ishao shao sábado mose

23 Sábado mose que Jesús si quia mbiaco ite ite rī emo mose ra. Echimbaaquiatu que quiata a nyiqui nyiqui choi quia erui ra. ²⁴Fariseos mo ngue ñee ee ra. —¿Mbaerã ndechimbaaquiatu riqui mbae ishao shao sábado mose re? Co mose cho mbia riqui uquenea ucua resẽ, i que fariseos ñee Jesús je ra. ²⁵Jesús que ñee ee ra. —¿Embesa ji rese jemae eã David riī nyii re? David riācuāte que aque mose ra. Eresenda abe riācuāte que eriqui aque mose no nda. ²⁶David que ique Dios chuchua aque mose ra. Abiatar que sacerdote rere cua aque mose ra. Mbichae Dios chuchua jenda que David u ra. Mee mee ngue nguesenda abe je ra. Eriācuāte quiatu ngue re. Sacerdote mbaerã ja cho ndaque mbichae, i que Jesús fariseos je ra. ²⁷—Sábado que Dios chao mbia mbaerã nda. Sábado mbaerã eã no Dios mbia ao nguiã. ²⁸Sábado rerecua bei cho se re, i que Jesús ñee fariseos je ra.

Jesús emo o tomei mo mbucherõ

Jesús que oso mbia chumunuásaa cote ra. Huee que eo tomei mo ndiqui ee ra. ²Mbia que mae nguiatute quia Jesús rese ra. — Ma Jesús eo tomei mbucherõ. Sábado mose raque co. Sã embucherõ. Nandecheẽ icuã icuã nda ee chã, i que eu mae nguiatute Jesús rese ra. ³Jesús que ñee eo tomei je cote ra. —Ehuã na u aa mbia ite re, i que ee ra. ⁴Jesús que ñee mbia je ra. —¿Mbae eturâte jēje co tenda sábado mose re? ¿Coche nandeico mbae turã naa naa sábado mose re? ¿Coche nandeico mbae icuã naa naa co mose re no? ¿Coche mbia mbucherõ co mose re no? ¿Coche mbia iquia co mose re no? i que Jesús ñee mbia ja je ra. Mbia que ñee ãte echeẽ mose ra. ⁵Jesús que paama i mae mbia rese ra. Eya eâte que eriqui mbia chiã ãtã ndese ra. Ñee ngue eo tomei je cote ra. —Ndeo emee secuti, i que ee ra. O que emee Jesús cheẽ mose ra. Aque mosechi que eo nyerõ cote ra. ⁶Nyebe fariseos paama i nguiã Jesús je. Mbia mbucherõ mose sábado mose. Ndua ndua ja que Jesús i quia nonde ra. —Jesús nandeiquia rei, i tuchi que equia Herodes resenda ja je ra.

Mbia tubiriã nyoi Jesús rui

⁷Jesús que oso ama ndisha quiti ra. Uchimbaaquiatu rese. Mbia tubiriã Galilea jenda que nyoi quia erui ra. ⁸Mbia que jirandu ja tuchi Jesús chisaã turã ndese ra. Nyebe eriqui nguiã ngaẽ ngaẽ erea. Judea

jenda. Jerusalén jenda. Idumea jenda. Ama Jordán ndobeinda abe. Tiro rurubinda abe no. Sidón ndurubinda abe no. Ũquĩ ja que ngaẽ ngaẽ nguia erea ra. 9Nyebe Jesús ñee nguiã uchimbaaquiatu je. —Canoa mo jendu rã ino mbuquiche co rĩ, i que ee ra. Mbia quiatu ngue emumbite nguiã. ¹⁰Mbia que embucherõ cherõ tuchi quia nyii ra. Nyebe erasi ataque riqui nguiã "taoco erese" i raque. Nyebe eriqui nguiã ñimaña maña tuchi. "Nandeoco Jesús rese" i. ¹¹Aba checuayã icuã mae mose Jesús rese que ngoi ngoi quia ngũíã ndese ñee ee ra. —Dios riirĩ ndei nde, i que equia ñeemombo mombo ee ra. ¹²Jesús que ñee asite ee ra. —"Co rei Dios riirĩ co" jenyechĩ nda jẽ, i que ee ra.

Jesús mbia doce irabo uchimbaaquiaturã

¹³ Jesús que nyui oso sita ibate mo ndese ra. "Jenyu" i que uchiirabobi je ra. Nyoi que erea ra. ¹⁴ Ũquĩ doce que eirabo nguesendacuã nda. Embuchao chao sacuã mondo Dios cheẽ nenei nenei. ¹⁵ Uquirãcuã ngue emondo ee ra. Aba checuayã jea jea sacuã mbia si. Mbia rasi chumumbara mbucherõ cherõ sacuã. ¹⁶ Ã ndei mbia echiirabo ã:

Simón (Pedro, i abe que ee ra.)

¹⁷ Jacobo (Zebedeo riirĩ ndei Jacobo.)

Juan (Jacobo nongue rei Juan. Boanerges, i que ũquĩ ja je ra. "Ama sieu je riirî" i chỗ nguiã ee.)

18 Andrés

Felipe

Bartolomé

Mateo

Tomás

Jacobo (Jacobo rei Alfeo riirī.)

Tadeo

Simón el Cananista

 19 Judas Iscariote (Aque que Jesús mondo mbia icuã je ra.) $\tilde{\rm U}$ qu $_{\rm I}$ ja que Jesús irabo ra.

Aba checuayã quirãcuã Jesús quereco co, i raque mbia

Nyoɨ que ique tuchúaa cote ra. Uchɨmbaaquiatu rese. ²⁰Mbia que ngaẽ ngaẽ tuchɨ quia erea no nda. Equiaru mose rocoĩ. Echɨmbaaquiatu abe quiaru mose rocoĩ. ²¹Jesús nongue jirandu mose que echoɨ erea ra. Equiachã eriqui reĩ nguiã ee. Nyebe eriqui rei nguiã "nanderao" ɨ raque. ²²Embesasa ngaẽ nguia Jerusalén sɨ nae, ũquĩ ngue ñee ñee mbia je ra. Mbia mbuqueta queta Jesús rɨñ. —Satanás quirãcuã je chỗ Jesús riqui nguiã aba checuayã icuã jea jea mbia sɨ co, ɨ rei que ñee icuã Jesús je ra. ²³—Jenyu rã tacheẽ jēje, ɨ que Jesús ee ra. —ċMañɨ nda Satanás aba checuayã icuã jea mbia sɨ re? Erimba chỗ nyeresẽ. ²⁴Gobierno icuã icuã

mose nyue, ua rae. ²⁵Tuchuamo jenda icuã icuã mose nyue, ua ra eno. ²⁶Satanás icuã icuã mose nyue, equiracua nda ua no. ²⁷Satanás quiracua tuchite raque. Umbae rese ngueteate raque. "Sembae chi turate a", i raque. Dios quiarei equiracua tuchi Satanás si. Dios Satanás mbae siro ja arot e quia esi co. Dios Satanás quiracua mbutia ja arote quia co.

²⁸Tacheẽ nyecua jēje. Emo siqui icuã mose, Dios eicuã mbutiã arõte esi. Emo ñee icuã mose, Dios echeẽ icuã mbutiã arõte no. ²⁹Emo ñee icuã mose Espíritu Turã nii, ũquĩ icuã nguiatu ra Dios mbutiã eã mbei esi, i que Jesús ee ra. ³⁰—Jesús chiangui re aba checuayã icuã ndiqui co, i quiatu ngue mbia nguiã. Nyebe Jesús ñee nguiã ũquĩ.

Jesús nongue ngae erea usi rese

³¹ Jesús nongue que ngaẽ ndei erea ra. Usi rese. Chichõ ja chỗ ngue itaicuee ra. —"Quiatuchu" ere Jesús je, i que emo mondo ra. ³² Mbia que chi jate ngoi Jesús jii ra. Ũquĩ ngue ñee ee ra. —Hue ndesi riqui nderequia itaicuee hue. Ndenongue rese, i que ee ra. ³³—¿Aba je chỗ aico "taĩ" i chã? ¿Aba je chỗ aico "senongue" i no ña? i que Jesús mbia je ra. ³⁴ Jesús que mae ucheẽ andusa rese ra. —Ã je chỗ aico nguiã "taĩ" i. Ã je chỗ aico nguiã "senongue" i no. ³⁵ Ae Dios cheẽ mumbayã nguia nae, ũquĩ je chỗ aico nguiã "senongue" i. Ũquĩ je chỗ aico nguiã "taĩ" i no, i que Jesús ñee ee ra.

Emo mbae eĩ mombiquia mbiquia

4 ¹Jesús que mbia mbaaquiatu quiatu si ama nimia ndese ra. Mbia que ñumunua tuchi u erese huee ra. Nyebe Jesús si nguiã ua canoa mo ye. Ngoi que huĩ huee mbia mbaaquiatu quiatu ra. Mbia que chi jate ama nimia ndese ra. ²Jesús que mbia mbaaquiatu quiatu tuchi quia ra. Ejemplos que esaã saã tuchi ee ra. ³—Jenyisaquia rã serese. Sã emo si rei mbae eĩ mombiquia mbiquia no. ⁴Sã emo ndiqui uqui uqui ñeenda rui no. Sã nguireĩ ndiqui ngaẽ eu no. ⁵Sã emo emo ndiqui uqui sita arõ no. Sita aronda suri jei raque. Ibi ererate quia ñene. ⁶Tenda ibate mose que eriqui ñimama mano nda. Erao eãte quia ñene. Nyebe mano jei nguiã. ⁵Sã emo ndiqui uqui uqui uqui nyu réndaa no. Sã nyu abe riqui suri erese no. Nyu ruri que echati asi cuaẽ eriquisã nda. Nyebe ia eã ño nguiã. ⁵Sã emo ndiqui uqui uqui ibi turã no. Ūquĩ nguiatu que suri turã nda. I a turã ngue ra. Sã emo ia treinta no. Sã emo ia sesenta no. Sã emo ia cien no. ⁵Jēisa mose, secheẽ jeñandu turã na, i que Jesús ra.

Jesús uchee mbiasa uchimbaaquiatu je mbae ei nii

¹⁰Mbia ataque nyoi mose que Jesús ji jenda ñee ee ra. Echimbaaquiatu doce rese. —Ndecheẽ embiasa tuchi rã ure je mbae eĩ nii, i que ñee Jesús je ra. ¹¹Jesús que ñee ee ra. —Mbia rerecua tuchi quiarei Ibatenda. Ae

chỗ asenei senei nguiã jēje ã. Secheễ ambiasa asa bei tuchi quia jēje co. Mbia ataque quia siqui sereã erese co. Mbia ataque je aico ejemplos achõ naa naa mbei co. ¹²Eanduchõ sacuã eicua turã nonde rocoĩ. Sã eriqui uba eãte Dios icha rui no. Dios eicuã mbutiã eã sacuã esi, i que Jesús ñee nda. 13 Jesús que ñee ee ra. —¿Sechee jeicuayate mbae ei nii ñee mose jēje re? ¿Mañi jenye quiatu ra ejemplos ataque icua re no? 14 Ae mbae eĩ mombiquia mbiquia nae, Dios cheẽ nenei neneisa rã ño aque re. 15 Ae uqui uqui neenda rui nae, mbia Dios chee andu choonosa ra no uqui nde. Ae Dios chee andu choonote quia nae, ũquĩ niangui si cho Satanás ndiqui nguiã Dios cheẽ ndirõ. 16 Ae ugui ugui sɨta arõ nae, mbia mo na ño ũguɨ no nde. Dios chee andu mose, isi tura ndaque. Eyate raque erese nyii. 17 Mbia icuã icuã mose ee Dios chee nii, hui jei cho nguiã esi. Mbae rao eã naanguia chỗ ũquĩ nde. 18 Ae uqui uqui nyu réndaa nae, mbia mo na ño ũquĩ no nde. Dios cheẽ andu turã ndaque. Siqui bei eã ño nguiã erui. ¹⁹Umbaerã achõ ndese chõ eriquich i nguiã ndua. "Mbaecha tuch ite ra se", i bei cho nguiã ndua ndua. Nyebe hui cho nguiã Dios chee si. Nyebe Dios chee ndiqui nguiã ia eã mbeite ee. 20 Ae uqui uqui ibi túraã nae, mbia mo na no uqui no nde. Uqui nguiatu Dios chee nandu tura nguia. Nyebe eriqui nguiã siqui beite erese. I a ia bei raanguia cote. Emo emo ia treinta. Emo emo ia sesenta no. Emo emo ia cien no, i que Jesús ra.

Tata rendi mbia resae ja

²¹ Jesús que ñeembe ee ra. —Sã nandeico lamparina ati eã no. Sã nandeico emii eã mbaequi re no. Erendi checua chô nda nandemii. Mbia resae ja sacuã. ²² Mbae checuayã nda nyecua ja emo mose. Mbia chiangui renda checuayã nda nyecua emo mose no. ²³ Jēisa mose secheē jeñandu turã na. ²⁴ Secheē nda jeñandu chooñochī jē. Jē secheē mumbayã mose, taembaaquiatu i i tuchi. ²⁵ Emo umbae rerequia mose, Dios ra embaerã mo mondobe ee. Emo embae eã mose, Dios ra embae sirõ ja esi.

Dios rimba ñimbeta cho nguia mbae ei na

²⁶Dios rimba ñimbeta cho nguiã mbae eĩ na. Sã emo mbae eĩ tiquia tiquia no. ²⁷Suri ra itō mocoinde cote. Eruri cuasu tuchi ra cote. Echa embusuriã ndaque. ²⁸Dios ae cho embusuri nguiã. Eracói rane. Ia chee. Ea ñetẽ nane. Ea cuasute cote. Ea ireĩ cote. ²⁹Ea ireĩ tuchi mose ra eishao shao cote.

Mbae ei na ño Dios rimba re

30 Mbae rã ño Dios rimba chã. Ejemplo mo tasenei jēje. 31 Mbae eã na ño Dios rimba re. Sã mbia mo mostaza eã tiquia no. Eñetê tuchi raque mbae eã mo si. 32 Suri oso quia cote. Ecuasu tuchi chee. Ira rã ño cote re. Nguireã nguichi quichi chee erãquiã ndese. Eã si chô Dios rimba re. Ũquã

mɨɨ ndaque nyii. Ñɨmbeta tuchɨ cote. Mbae eɨ na, ɨ que Jesús ñee mbia mbaaquiatu ra.

Jesús ejemplos senei senei tuchi mbia je

³³Eĩ ño ngue Jesús quia mbia tubɨrɨã mbaaquiatu quiatu ejemplos je ra. Mbia quenea tuchɨ chee que ra. ³⁴Ejemplos achō ngue esenei senei mbia mbaaquiatu sacuā nda. Uchɨmbaaquiatu je quiatu que embiasa turã turã nda.

Jesús quiririã icuã icuã mbutiba; ama ndebera abe

35 Itondaru ramo mose que ñee uchimbaaquiatu je ra. —Nyao ama ndisha robei, i que ee ra. 36 Ae canoa ye Jesús ñi mbia mbaaquiatu quiatu nae, aque ye sí que echimbaaquiatu Jesús rerao ra. Mbia tubiriã ndecha. Canoa mo abe que nyoi quia erese ra. 37 Ama ndiite re mose que quiririã icuã icuã ndu ee ra. I rebera que ique ique tuchi quia canoa ye ra. Nyebe canoa ndiqui nguiã ñiimi serî tuchi ee. 38 Jesús que uque rei oso quia canoa ndiita quiti ra. Uãquĩ ndua arõ ngue esi rei quia ra. Echimbaaquiatu que emumba ra. —Urembaaquiatusa, echumumba. Nandemanochĩ nda re, i que Jesús je ra. 39 Jesús que nyuruã ñee asite quiririã je ra. —Ti ere cote, ama, i que ama ndebera je no nda. Quiririã ngue tiba echeẽ mose cote ra. Ama ndebera abe que tiba ra. 40 Ñee ngue uchimbaaquiatu je cote ra. —¿Mbaerā jēsiquichete riqui re? ¿Seicuayãte equia ã nde? i que Jesús ñee ee ra. 41 Siquiche bei que equia ra. Nyuruira tuchi que mae Jesús quirãcuã ndese ra. —Quiririã Jesús cheẽ mumbayã ñochĩ. Ama abe echeẽ mumbayã ñochĩ no, i que ñee nyue ra.

Jesús aba checuayã icuã jea

1 Ngasẽ ngue ama ndobei cote ra. Gadara, i que hue ib je ra.
2 Canoa si Jesús nguichi mose que hue jenda mo tu erea ra. Aba checuayã icuã ngue siqui echiangui re ra. Mbia raaque tãsa si chỗ ngue eru ngasẽ Jesús je ra. 3 Mbia raaque tãsa bei que eriqui ra. Emo ngue echucua aroneate quia ra. Cadenas je abe que emo ndiqui ecua aroneate ra. 4 Nyucua mocoîte rei nda cadenas je raẽ. Ei nda echucua rei raẽ. Eo abe. Ucuasa nda endoso ndoso bei quia ra. Emo nda embutiba aronea tuchi quia ra. 5 Ngata bei nda equia itondaru ra. Nyaashĩ mose abe. Tasẽ tasẽ mbei nda equia mbia raaque tãsa ra. Sita ibátee abe no. Sita je nda eriqui ñimbasi mbasite ra. 6 Isho que mae Jesús rese ra. Uchã asi que eu ngoi ngũíã ndese enonde ra. 7-8 Jesús que ñee ee ra. —Esẽ u aque chiã si, aba checuayã, i que Jesús ñee ee ra. Aba checuayã ngue tasẽ tuchi ñee Jesús je ra. —¿Mañi ere ra equia seje re, Jesús? Dios riirĩ ño nde re. iSembasichĩ nda se jẽ! i tuchi que ee ra. 9—¿Mañi ndeje re? i que Jesús ee ra. —Etubiriã, i chỗ nguiã seje. Ure cuabēte quia ñene, i que ñee Jesús

je ra. ¹⁰—Isho ra uremondochĩ, i tuchi que aba checuayã ñee Jesús je ra. ¹¹Chiasu socoi tubiriã ngue chi quiaru huee ibi ibátee ra. ¹²Nyebe aba checuayã icuã ñee ja nguiã Jesús je. —Uremondo ja rã chiasu socoi chiangui re, i tuchi que equia Jesús je ra. ¹³Eno, i que Jesús ee ra. Nyebe aba checuayã usẽ ja nguiã amei ñia si cote. Chiasu chiangui re que echoi ja cote ra. Dos mil rei chiasu. Chiasu que uchã ja choi nyiichere ama nimia mbucu rĩ nda. Ama ndisha ye que echoi ja mano nda.

¹⁴Chiasu raarõsa mundite que ra. Uchã ngue echoi mbia mbiirandu randu ja ra. Sucha tubiriã jenda mbiirandu. Ishonda abe mbiirandu no. Mbia que ngaẽ ngaẽ nguia jirandu turã cote ra. ¹⁵Ngasẽ ngue ecuaẽ Jesús ie ra. Ae aba checuayã icuã nguereco uchiangui re nyii nae, aque abe que siqui huee ee ra. Huiirao resebe que eñi ngoi ra. Earacuate que ee cote ra. Nyebe mbia riqui nguiã siquichete. 16 Ae mae erese nae, ũquĩ ngue ñee ñee mbia je ra. Mbia mbiirandu chiasu socoi rese. Ae aba checuayã quereco quia nyii nae, aque rese abe no. 17—Eso rã urerecha urerecua si, i jate que hue jenda ñee Jesús je ra. 18 Ae aba checuayã quereco quia nyii nae, aque que ñee Jesús je ra. Jesús ua mose canoa ye. —Nderese bei chõ taso se je, i rei que nee Jesús je ra. 19 Jesús que nee ee ra. —Tei. Quiatu rei ndechuchúaa. Quiatu ñee nderesenda je. "Dios cho sembuchero nguiã. Eya eã tuchite que eriqui serese ra", ere oso nderesenda mbiirandu, i que Jesús ee ra. 20 Amei ngue oso sucha mbuchesea sea cote ra. Mbia Decápolis jenda mbiirandu randu ja. —Jesús cho sembuchero nguiã, i ja jate que equia mbia je ra. Mbia que nyuruirate quia mae erese ra.

Jesús Jairo riirí mbucherő; ari mo abe mbucherő

²¹ Jesús que tu si iasa sobei si canoa ye ra. Mbia tubiriã ngue ngaẽ ngaẽ nguia erea ra. Ama nimíaa eriquibe mose. 22 Judíos rerecua mo ngue tu erea ra. Jairo, i que ee ra. Judíos munua nuasa que ae ra. Jesús nonde que eru ngoi ngũíã ndese ñee ee ra. ²³—Qui seriirĩ si quia mano qui. Nyao rã ndeo terechono earõ. Embucherõ sacuã, i tuchi que equia Jesús je ra. ²⁴Jesús que oso erese cote ra. Mbia tubiriã abe que nyoi quia ñimajaã tuchi erui ra. ²⁵ Ari rasi mo abe que oso quia erui ra. Eruqui nda uchẽ mbei quia ee ra. Doce años nyee. 26 Ngasi nda esaã tuchi quia ra. Erasi rea reasa nda etea tea jate rei quia rae. Umbae nda emondo mondo ja chee ngasi rea reasa je ra. Nyerõ jiri jiriã tuchi que ra. Erasi i i tuchi chõ ngue ra. ²⁷ Jirandu chee que Jesús rese ra. Equite quiti que esi mbia joõ nda. Oco que oso eirao rese ra. ²⁸—Eirao achõ ndese se oco mose, acherõ nda se, i nda ra. ²⁹ Aque mose tuchi que eruqui ti i ee cote ra. Ngasiã ngue eicua uchiangui re cote ra. 30—Sequiracua ngue mbia mo mbuchero nda, i que Jesús uchiangui re ra. —¿Aba oco seirao rese re? i que mae uquite quiti ra. 31 Echimbaaquiatu que ñee ee ra. —Mbia tubiriãte nyeresē. Ñɨmajaãte nyeresē. ¿Mbaerã ereɨco "¿aba oco serese re?" ɨ re? ɨ

que ee ra. ³²Jesús que nyuruba ruba mae nda. —¿Aba oco serese re? i. ³³Ari que jirandu tuchi ucherõ ndese ra. Eireite que titi titi i hui ee ra. Ngoi que ngüía ndese Jesús resa quiti ra. Mbae que esenei ja ee cote ra. ³⁴Jesús que ñee ee ra. —Seicuate que se ra. Nyebe arembucherõ nguia. Ndeya chõ eso cote. Nderasi ra tu si ea ndeje, i que Jesús ñee ee ra.

³⁵Echee mose chite que emo ngae Jairo chuchua si ra. —Nderiir ngue mano cote ra. ¿Mbaerã nda Jesús ererao ndechuchua cote re? i que ñee ee ra. ³⁶ Jesús que echeẽ ñandu ra. Ñee ngue Jairo je cote ra. —Ndeya eã techã nda jẽ. Seicua chỗ se jẽ, i que Jesús ee ra. ³⁷ Jesús que oso eraaque rea cot e ra. Uchimbaaquiatu tres que equerao ra. Pedro. Jacobo abe. Juan abe no. Jacobo nongue que Juan nda. Ũquĩ mii ño ngue equerao erea ra. 38 Ngasẽ ngue Jairo chuchua cote ra. Mbia que chi ja nyeseo aque ndaaque rese ee ra. Nyiibu tuchi que eu ra. ³⁹Ique que oso ñee mbia je ra. —¿Mbaerã jeingo nyiibute re? ¿Mbaerā jēingo nyeseo re? Āquē manoāte resē. Uque chō u co resẽ, i que Jesús ñee mbia je ra. 40 Mbia que iquia iquia chỗ ee ra. Jesús que mbia mondo ja chee itaicuee ra. Eru rese que esi ique eriiri ndaaque rea ra. Esi abe rese. Nguesenda abe rese. ⁴¹ Eraaque o que eisi ñee ee ra. — Echuruã, Ãquẽ, ɨ que ee ra. 42 Echeẽ mose tuchɨ que ãquẽ juã ngata cote ra. Etiarõte que ra. Doce años que ra. Mbia que nyuruira tuchi mae erese ra. ⁴³—"Jesús que co raaque mbuquera ra", jenyechĩ nda emo je jẽ, i que Jesús mbia je ra. —Nderiirī embuquiaru cote, i que ee cote ra.

Mbia Nazaret jenda Jesús isiteã

1 Hue si que esi nguécuaa ra. Echimbaaquiatu abe que nyoi erese ra. 2 Sábado mose que mbia mbaaquiatu quiatu judíos chumunuásaa ra. Mbia que nyuruira ja tuchi u echeẽ andu ra. Ñee ñee ngue u nyue ra. —¿Mangue eriqui ñimbaaquiatu tuchite re? ¿Mañi equia mbae icua ja tuchite re? Nandemae sayã naa naa tuchichĩ. ³Ira mbitirõ tirõsa chỗ ndaque. María riirĩ ño ndaque. Jacobo nongue chỗ ndaque. José abe no. Judas abe no. Simón abe no. Ã echari enongue riqui ja raque nanderese ã, i que mbia ra. Nyebe mbia Jesús cheẽ andu sereã nea nguiã. ⁴Jesús que ñee ee ra. —Dios cheẽ mbuchecuasa ishonda cheẽ nguia ra mbia isi turã mbei. Nguecua jenda cheẽ achỗ nguia ra eisi turã eã. Ngõngue cheẽ achỗ nguia ra eisi turã eã no, i que Jesús ñee nguecua jenda je ra. ⁵Jesús que mbia mae sayã saã saã aroneate quia huee ra. O que echono mbia rasi mii mii arõ embucherõ nda. ⁶Hue jenda mbia que chi Jesús icua eãte ra. Nyebe Jesús nyuruira tuchi nguiã mae erese. Sucha tubiriã mbuchesea sea que equia mbia mbaaquiatu quiatu ra.

Jesús uchimbaaquiatu doce mondo uchee nenei nenei sacua

7"Jenyu" i que uchimbaaquiatu doce je ra. Nyeremo nemo ngue embuchao chao mondo ra. Uquiracua ngue emee mee ee ra. Aba

checuayã icuã jea jea sacuã mbia chiangui si. 8-9—Mbae mo nda jendaochi icua. Mbae riru mo abe ra jendaochi. Jenyiura mo abe ra jendaochi no. Mbae isiquia abe ra jendaochi. Jeiyao nongue mo nda jendaochi. Jeirao nongue mo abe ra jendaochi no. Jenyitochoquia mii ño jendao. ¹⁰ Jengasẽ mose sucha tubiriã mo, aque tuchua mii ño jẽingo uque. Tuchua ra jembuchesea seate chi jeingo mose huee. Ae ra jengue nyii nae, hue tuchua bei cho jeingo uque. 11 Sucha tubiria jenda mo jeisi sereã nea mose, jẽhui chỗ esi. Hue jenda jeñee andu sereã mose, jẽso chõ hue si. Jēi tubi jembutomo tomo ee. Hue jenda huiicuã icua sacuã. Tachee nyecua jeje. Ae ra jenee isi serea nae, ũquɨ nda Dios mbasi tuchɨ. Uquiatoã nda embasi ja aque mose. Sodoma jenda ra Dios mbasi raque. Gomorra jenda abe no. Ae jeñee isi sereã nae, ũquĩ nguia ra embasi tuchi Sodoma jenda si. Gomorra jenda abe si, i que Jesús ñee uchimondobi je ra. ¹²Nyoɨ nyoɨ ja que equia Dios cheẽ nenei nenei mbia je ra. —Jendua sɨ Dios rese, i ite que equia mbia ja je ra. ¹³Aba checuayã icuã ngue ejea jea tuchi quia mbia chiangui si ra. Mbae ei quira que equiti quiti quia mbia rasi rese ra. Mbuchero ja que ra.

Mbia Juan el Bautista iquia

¹⁴Mbia que jirandu ja Jesús rese cote ra. Herodes abe que jirandu erese ra. Ererecua que ae ra. Juan el Bautista Jesús riqui rei Herodes je reae. — Juan ndaaque que quera si ra. Nyebe eriqui nguiã mbae raã jate, i rei que Herodes ra. ¹⁵Elías Jesús riqui re emo je reae. Dios che mbuchecuasa ñiinda Jesús riqui rei emo je re no ae. ¹⁶Herodes que jirandu Jesús rese ra. Juan el Bautista eriqui rei nguiã ee. —Juan ño eriqui re. Ae aqui achisia. Quera si chochi ere, i rei que Herodes ra. 17-18 Herodes Juan mondo quiatu quia carcel nyii reae. Nyucua nda cadena je ra. Paama i nda Juan je ra. —iNde ndenongue ninisi erereco aroneate je! i quiatu que Juan ñee ee nyii ra. Herodes sigui mose nõngue ninisi rese. Herodías, i que enongue ninisi je ra. Felipe, i que enongue je ra. 19 Herodías que Juan ucuayate quia ra. —Taiquia, i rei que equia ra. 20 Herodes bite rei que Juan ñee andu ra. Icuayã jiri rei que ra. —Juan turãte que ra je, i que equia Juan nii nda. Nyebe eriqui nguiã irei ireite esi. Nyebe Herodías Juan iquia aroneate nguiã. 21—Co mose chỗ jẽ, i que Herodías Herodes mbae cumpleaños mose cote ra. —Jenyu quiaru serese, i que Herodes mbia rerecua ja je ra. Ererecua Galilea jenda ja je. ²² Aque mose que Herodías riirī nyuruqui ruqui mbia je ra. Nyucuaaque que ae ra. Herodes ia tuchi que mae nyucuaaque nyuruqui rese ra. Ñee ngue nyucuaaque je ra. —¿Mbae ra amee ndeje re? Echee no seje. 23 "Sebite co" nde i mose, aque tamondo ndeje. Sembae ataque tamondo ja ndeje ndebi mose. Achee noonoa no nguia ndeje a, i que Herodes nee nyucuaaque je ra. ²⁴Nyucuaaque que oso ñee usi je ra. —¿Mbae "embu seje" ae ra ee re?

i que ñee usi je ra. —"Juan el Bautista ãquĩ ño embu seje", ere chô ee, i que esi ra. ²⁵Nyebe que esi ñee Herodes je cote ra. —Juan el Bautista ãquĩ emee na seje plato ye, i que ñee ee ra. ²⁶Herodes chosoi que oso serĩ tuchi echeẽ andu mose ra. —Acheẽchĩ se quia ee. A seresenda chi ja quiaru serese a resẽ. Ã seandu ja chôchĩ. Nyebe ra secheẽ ambuchebi eã ee, i que Herodes uchiangui re ra. ²⁷Soldado mo ngue emondo cote ra. —Quiatu Juan iquia. Eãquĩ eru seje, i que ñee soldado je ra. ²⁸Cárcel que esi Juan ãquĩ sia cote ra. Eãquĩ ngue equeru plato ye nyucuaaque je cote ra. Nyucuaaque que emee usi je cote ra. ²⁹Juan ñimbaaquiatu jirandu mose que echoi eraaque rea cote ra. Ñono ngue sita ndoro ji ye ra.

Jesús mbichae tubiriã saã mbichae mii je

³⁰ Ae Jesús mondo quia uchimbaaquiatu, ũquĩ ngue ngaẽ si ee cote ra. Uchisaã ngue esenei senei cuae ee ra. —Ei ure que mbia mbaaquiatu quiatu ra, i que ecuaẽ Jesús mbiirandu ra. 31 Mbia tubiriãte que ngaẽ nguia ñindecua ndecua erea ra. Equiaru mose rocoi abe. Nyebe ñee nguia uchimbaaquiatu je. —Nyao rã mbia eãsaa, jenguenea ucua mbirí, i que ra. 32 Ae ae que nyoi canoa ye mbia eãsaa ra. ³³Mbia tubiriã tuchi ngue mae ñochi nguiã echoi rese. Jesús icua chỗ ngue ra. Mbia que nyoi uchã ibi rĩ nda. Sucha jenda ja. Ũquĩ nane ngue nyoi ngasẽ Jesús raarõ ama nimia nda. 34 Jesús que usẽ canoa si cote ra. Mbia tubiriã ndese que mae nda. Eya eã tuchite que erese ra. Oveja raarõ iriã na nguiatu que mbia chi ee ra. Mbia que embaaquiatu quiatu tuchi cote ra. 35 Tenda oso mose que echimbaaquiatu ñee ndei ee ra. —Tenda osote resẽ. Mbia chuchua mo ãte a resẽ. ³⁶Mbia chiurã eã abete a resẽ. Mbia embui mondo uchiurã ndequia requia sacuã sucha achi jenda rea rea, i que ñee Jesús je ra. 37—Jeño mbae jemondo ee echiură, i cho ngue Jesús ñee ee ra. —Tei. Mbae quia ra aba mondo ee. Mbia tubiriã tuchite quia ñene. Mbae isiquia tubiriã tuchi je quia nda aba mbae isi rei nguiã ña. Mbia chayate cho eno nde, i que ñee Jesús je ra. 38—¿Manya mbichae jendeco ũquɨ nde? Jeso mae erese no, i que Jesús ee ra. Emo ngue oso mae erese eicua ra. —Cinco mbichae riqu i co. Sira nyeremo abe, i que echimbaaquiatu mo ñee ee ra. ³⁹—Sã mbia ngoi ngoi ja quiata tose. Echesea sea, i que Jesús ra. ⁴⁰Mbia que ngoi ngoi ja nyesea sea cote ra. Cincuenta jaaja. Cien abe no. ⁴¹Jesús que mbichae cinco siro cote ra. Sira nyeremo abe no. Ibei rese que mae gracias i Dios je ra. Mbichae que esiquio quio cote ra. Mee mee ngue uchimbaaquiatu je ra. —Jemee mee mbia je, i que uchimbaaquiatu je ra. Sira nyeremo abe que esiquio quio mbia ja je ra. ⁴²Mbia ja que eu tuchi ra. Ñimbio chee que ra. ⁴³Mbia chiu sique tubiria tuchi que ra. Mbichae rire. Sira rire abe no. Doce iru que mbia mombise esique sique je ra. 44 Cinco mil hombres que mbia mbichaecua ra.

Jesús ngata i arõ

⁴⁵Aquere que Jesús uchimbaaquiatu mondo ja canoa ye ra. —Jẽ nane jẽso Betsaida sobei. Mbia tambui turã na mondo uchuchúaa se nyii, i

que ra. ⁴⁶Jesús que mbia mbui turã mondo cote ra. Ae ae que oso sita ibátee cote ra. Ñee sacuã Dios je. ⁴⁷Huee que ae ae riqui itondaru chee ra. Canoa yenda que chi bei ama ndiite rī nda. ⁴⁸Echimbaaquiatu que pare pare i canoa ibu ra. Quiririã ngue eichu ichute eruba quiti ra. Jesús que mae erese ishote ra. Nguira ñee mose que esi eriichã nda. I arõ ngue esi quia ngata ra. Nyucuaño nda eña nde. ⁴⁹Mbia aingue eriqui reĩ nguiã echimbaaquiatu je. Ngata mose i arõ. Nyebe tasẽ tasẽ nguiã. ⁵⁰Echimbaaquiatu chiã ngue cuãacuã i tuchi mae erese ra. —Jēsiquichechĩ nguiã. Jẽya chŏ ae. Se chŏ nyeresẽ, i que Jesús ñee ee ra. ⁵¹Ua que canoa ye embirõ cote ra. Quiririã ngue tiba cote ra. Echimbaaquiatu que nyuruira tuchi u mae erese ra. ⁵²Jesús mbichae mbeta quia nae, ũquĩ ngue echimbaaquiatu icuayãte uchiangui re ra. — Dios riirí ño eriqui reaẽ, i ãte que eicuayã nda. Eãquĩ ãtāte chŏ ngue ra.

Jesús mbia Genesaret jenda mbucherő cherő

53 Ngasẽ nyee que sobei cote ra. Genesaret, i que hue ibi je ra. 54 Jesús usẽ mose canoa si que mbia eicua jei ra. 55 Mbia que nyoi ja uchã tuchua mbuchesea sea ra. Erasi rurucuaẽ cuaẽ sacuã Jesús je, erua resebe. 56 Jesús cuatásaa que mbia riqui erasi rurucuaẽ cuaẽ ee ra. Sucha tubiriã jenda jaaja. Sucha mii mii jenda jaaja abe no. Turuquia jenda abe no. Ūquĩ ja que erasi curucuaẽ cuaẽ nguia ñono Jesús jii ra. —Sã erasi oco oco ja rã ndeirao ai rese, i jaaja que ñee Jesús je ra. Ae oco erese nae, ũquĩ ngue nyerõ ja ra.

Mbia chiangui renda ae cho embiicua nguia

7 ¹Aquere que fariseos mo ngaẽ ñee Jesús je ra. Embesasa mo abe, ae ngaẽ Jerusalén si. ²Jesús chimbaaquiatu mo ngue quiaru quiaru echoi quiiriã ee ra. —¿Mbaerã jẽingo quiaru jenyoi quiiriã nde? Nanderamei ñee ndui si eã ño jẽingochĩ nde, i que ñee asite ee ra. ³Fariseos quiarei nyoi bei quiaru nonde. Judíos ja abe no. —Nandechoi eã mose ra nandechiã mondeite, i rei equia ã. Ngãmei ñee nguire eriqui ũquĩ naa naa mbei ã. ⁴Echoi quiiriã mose eriqui quiaruã ã. Ngãe mose plaza si eriqui nyoi nyoi tuchi quiaru nonde ã. Ngãmei ñee nguire chō eriqui nguiã mbae raã ja ã. Sã eriqui uyuquia irei irei no. Ñio abe no. Irachaẽ abe no. Uquisa abe no. ⁵Nyebe fariseos ñee nguiã Jesús je. —¿Mbaerã ndechimbaaquiatu riqui eĩ eã nanderamei ñee nguire re? ¿Mbaerã eriqui quiaru uchoi quiiriã nde? i que fariseos ñee Jesús je ra. Embesasa abe no. ⁶Jesús que ñee ee ra. —Isaías que embesa jenii cose ra. Eĩ ngue embesa ra:

à mbia riqui ñee turãte raque seje ã.

Uchiangui re quia eriquiate nguia serese a.

7 Ñee turate raque equia seje a. Amei ñee acho ño esenei seneichi nguia mbia je.

Dios cheẽ mɨi nenei nenei ndocoĩ ee, i que Isaías embesa jenɨi nda. ⁸Jenamei ñee achõ ño jesenei seneichĩ nguiã mbia je ũquĩ. Dios cheẽ nenei nenei ndocoĩ ee.

⁹Dios chee jemumba mumba cho chi nguia a. Nanderamei nee ndese chỗ jẽingochĩ oote ã. ¹⁰ Moisés cheẽ ndui turã eã no jẽingochĩ ã. Sã Moisés ñee mbia je no: "Jetura no nguia jendu je je. Jesi je abe no. Emo ñee icuã mose ngu je, ũquĩ jẽiquia chõ. Emo ñee icuã mose usi abe je, ũquĩ abe jẽiquia no", sã i Moisés no. 11 Jẽ nguia jẽingo nguiã Moisés cheẽ abi abite ã. Sã jēingo ñee no. "Ae nda amee nei jēje, ũquĩ ngue amondo ja Dios je ra", i mose emo ñee ngu je, "coche ñene" jenye chôchĩ nguiã ee. Mbae mee eã mose ngu je. Usi abe je. Nyebe jëingo nguiã mbia mbaaquiatu icuã icuã uqui. 12 ¿Mbaerã jeingo mbia riquisã quisate mbae meese mose usi je re? Ngu je abe no. ¹³Nanderamei ñee achôte jesenei seneichi nguiă jendiiri je a. Nyebe jeingo nguia Dios chee mbuquiachate jendiirī sɨ ã. Mbae ɨcuã atate jēsaã saã nguia ã, ɨ que Jesús fariseos je ra. Embesasa abe je. ¹⁴—Jenyu sechee andu, i que Jesús mbia ja je ra. — Sechee jeicua ra. 15 Mbia chiu embiicua ea nguia. Echiangui renda cho embiicua nguia. Echiangui renda cho use nguia echuru ri echee mose. Ũquĩ ño embiicuã nguiã. 16 Jeisa mose, sechee jeñandu turã na, i que Jesús ra. ¹⁷ Jesús que mbia secha oso ique tuchúaa ra. Echimbaaquiatu que nee ee cote ra. - Erechee ngue namo, "uqui nda mbia mbiicua" ere que, ũquɨ embuchecua rã ndecheẽ ure je, i que ñee Jesús je ra. 18 Jesús que nee ee ra. —¿Je abe jeicuayate quia re? Ae mbia u quia nae, ũqui mbia mbiicuã eã nguiã. 19 Iqueã nda oso echiangui re. Erie ve chỗ eriqui nguiã oso. Echiique rui cho eriqui nguiã oso. Use nyee, i que Jesús ñee uchimbaaquiatu je ra. —Mbia chiu tură ja, i cho nguiã. 20—Mbia chiangui renda cho embiicua nguia use mose echuru ri. 21 Aba chiangui renda quia aba mundua icuã icuate nguia. Nyebe eriqui nguia siqui emo ninisi rese. Emo ndu rese abe no. Sigui sigui eruã ndese abe no. Mbia abe iquia iquia. ²²Mbae abe mbuquiachã quiachã no. "Aque raã nda sembaerã ña", i emo mbae je no. Mbae icuã ñumumbara raã naa ja. Mbia abe mbiiri irī no. Mbae icuā osei osei bei. "Se quiatu ae", i mbae je. Nee icuā icuā no. Ucuasu abe raã naa no. Mbae icuã naa ja chooño. ²³Mbia chiangui renda icuã ja chỗ ũquĩ nde. Ũquĩ no mbia mbiicuã icuã nguiã ũquĩ ao ao mose, i que Jesús ra.

Ari mo Jesús icua

²⁴ Jesús que nyoɨ hue recha cote ra. Ngasẽ ngue Tiro jii cote ra. Sidón jii abe no. Ique que oso tuchua mo nda. —Sã mbia jiranua serese, ɨ rei que ra. Mbia qu e jirandu chỗ erese ra. ²⁵ Ari mo abe que jirandu erese ra. Eriirĩ ngue aba checuayã nguereco uchɨangui re ra. Ari que tu Jesús rea ra. Ngũíã ndese que ngoi ejii ra. ²⁶ Sirofenisia jenda que ae ra. Judío

eã tuchi que ae ra. Griego cheẽ ño ngue echeẽ nde. —Aba checuayã icuã ejea rã seriirĩ si, i tuchi que Jesús je ra. ²⁷ Jesús que ñee ee ra. — Judíos rese rane taico mbae raã naa. Ahui aronea judíos si, mbae raã naa mbiamo je, i que Jesús ee ra. ²⁸ Ari que ñee ee ra. —Aicuate raque se, Sererecua. Mbiamo ndaque ure. Judíos eã ndaque ure. Ure je abe chõ mbae esaã ae. Seriirĩ embucherõ seje ae, i que ari ñee ee ra. ²⁹ Jesús que ñee ee ra. —Erecheẽ turãte. Quiatu rei. Nderiirĩ ngue nyerõ no, i que ee ra. ³⁰ Ari que oso uchuchúaa cote ra. I que eriirĩ u ngua ye ee cote ra. Aba checuayã icuã usẽ ño ngui a esi reaẽ.

Jesús eisayã mbucherõ

3¹ Jesús que nyebi Tiro rurubi si ra. Sidón ngue etasamo nda. Ama ndisha Galiléaa que esi ra. Decápolis rĩ ngue esi ra. ³²Eisayã mo ngue mbia curucuaẽ ee ra. Echeẽ aquiatuãte abe que ra. —Ndeo echono earõ embucherõ, i tuchi que mbia Jesús je ra. ³³Jesús que eisayã nguerao pe jiri mbia recha ra. O que emingue mondo eisacua rereco chobei ra. O que embia ngũendi je ra. Mondo que echuru rĩ cote ra. ³⁴Soboiba que ibate cote ra. Jiabute que ñee ee ra. —Esoro, eisacua, i que ee ra. ³⁵Eisacua que soro cote ra. Echuru abe que nyerõ cote ra. Ñee ngue cote ra. ³6—Emo nda jembiiranduchĩ jẽ, i rei que Jesús ñee mbia je ra. Mbia que ñimbiirandu i i tuchi ra. ³ħbia que ñee ñee nyue Jesús riĩ nda. — Mbae raã turã turã ja tuchichĩ equi a co. Eisayã abe isa ndoro chee no. Echeẽ ngũíã abe mbucheẽ nyee no, i ja tuchi que mbia quia nyuruira mae erese ra.

Jesús mbichae tubiriã saã mbichae mii je

¹Mbia que ñumunua tuchi Jesús je aque mose ra. Ñee ngue uchimbaaquiatu je ra. ²—Seya eãte aico ã mbia tubiriã ndese co. A echi arete serese tres días a. Echiurã mo eãte mbae mo aa. 3 Eriãcuã amondo sereãte echuchúaa. Ngasẽ ãte chỗ ndae. Ishote si ecuaẽ aa resẽ. Nandembuquiaru cho aa, i que Jesús ra. 4Echimbaaquiatu que ñee ee ra. —Turuquia re cho nandeico a rese. ¿Mañi nda aba a mbuquiaru ja re? i que nee Jesús je ra. 5—¿Manya mbichae jendeco re? i que Jesús ee ra. —Siete, i que ee ra. 6 Jesús que mbia mbucoi ja íbii ra. Mbichae siete que eisi ja o je cote ra. Gracias i que Dios je cote ra. Mbichae qu e esiquio quio mee uchimbaaquiatu je cote ra. Ũquĩ ngue embuchao chao mbia tubiriã je cote ra. 7 Sira ñete mii abe que equereco ra. Gracias i que Jesús Dios je cote ra. —Sira abe jembuchao chao mbia je, i abe que ee ra. 8 Mbia que eu ja ñimbio chee ra. Echiu sique que emunua nua ja ra. Siete iru que emombise nyee ra. 9Mbichaecua rei mbia cuatro mil. Jesús que embui turã mondo cote ra. 10 Canoa ye que Jesús ua uchimbaaquiatu rese cote ra. Nyoi que Dalmanútaa ra.

Mbia mae sayã eteacuquia ure je, i fariseos

11—Tã nande rã Jesús je, i que fariseos cuaẽ ñee ñee ee ra. —Mbia mae sayã esaã na ure je. i nda "Dios chimbu" ure tuchi ndeje, i rei que ñee Jesús je ra. 12 Jesús que iabu tuchi ñee nda. —¿Mbaerã mbia riqui "mbia mae sayã esaã ure je" i tuchi re? Tacheẽ nyecua jēje. Mbia mae sayã mo nda ateacuquia eã tuchi jēje, i que Jesús ñee ee ra. 13 Oso que mbia recha cote ra. Iasa que echoi sobei cote ra.

Fariseos mbia mbaaquiatu icuã, i Jesús

14 Jesús chimbaaquiatu que uchiură curuchoi eă nda. Tesarei que esi ra. Mbichae mii tuchi que equeru huee ra. 15 Jesús que ñee ee ra. —Mbichae mbuchimatăsa ră ndei fariseos cheẽ. Herodes chimbaaquiatu cheẽ abe no. Ûquĩ ñee ndese ra jẽingochĩ jẽ, i que Jesús ee ra. 16—Mbichae quiatu ngue nanderuã nguiã. Nyebe eriqui nguiã ñee nande je ũquĩ, i rei que echimbaaquiatu ñee nyue ra. 17 Jesús que echeẽ ñee icuate ra. Nyebe ñee nguiã ee. —¿Mbaerã jẽingo "mbichae nanderuāchĩ" i re? ¿Ae riĩ aico ñee jẽje nae, ũquĩ jẽicuayã mbeite quia re? ¿Jeñia ãtã mbeite eriqui re? 18 Jẽisate raque. ¿Secheẽ jeñanua mbeite quia re? Jendesate raque. ¿Sechisaã jẽicuayã mbeite quia re? 19 Se mbichae cinco mbeta mose mbia cinco mil je, ¿manya iru jemombisẽ mbichae sique sique je re? i que Jesús ee ra. Doce, i que ee ra. 20—Mbichae siete mbeta mose mbia cuatro mil je, ¿manya iru jemombisẽ esique sique je re no? i que Jesús ee ra. Siete, i que ee ra. 21—¿Jẽingo secheẽ icuayã i ite ã nde? i que Jesús ee ra.

Jesús eresayã mo mbucherõ

2²Nyoɨ que Betsaida cote ra. Mbia que ameɨ ndesayã mo ngurucuaẽ Jesús je ra. Oco sacuã erese embucherõ. ²³Jesús que eo isi serao pe jiri sucha si cote ra. Ngũendi que equiti eresa rese ra. O que echono earõ nda. —¿Eremaete mbae rese cote re? i que ee ra. ²⁴Eresayã ngue mae cote ra. —Mbia rese amaete cote. Ecuata rese amaete. Ira raãte mbia seje, i que eresayã nda. ²⁵Jesús que o chonombe eresa rese ra. Mae turã ngue cote ra. Nyerõ tuchi que cote ra. ²⁶Jesús que embui mondo uchuchúaa ra. —Eresochĩ nda sucha ite rĩ jẽ, i que ee ra.

Cristo cho nde rese, i Pedro Jesús je

²⁷ Jesús que nyoi Cesarea de Filípoo cote ra. Huee que ñee uchimbaaquiatu je cote ra. —¿Aba aico reĩ mbia je re? i que ee ra. ²⁸ Echimbaaquiatu que ñee ee ra. —Juan el Bautista ereico reĩ nguiã mbia je co. Elías ereico reĩ nguiã emo je no. Dios cheẽ nenei neneisa mo ereico reĩ nguiã emo je no, i que echimbaaquiatu ñee Jesús je ra. ²⁹—¿Aba aico reĩ jēje co re? i que Jesús ee ra. —Cristo chỗ nde resẽ, i que Pedro ñee ee ra. ³⁰—Jeñeechĩ nda mbia mo je ũquĩ jẽ, i que Jesús ee ra.

Mbia ra seiquia, i Jesús

³¹ Jesús que umano nonde senei senei uchimbaaquiatu je ra. —Mbae rasi ra asaã tuchi. Judíos ramei icuã icuã tuchi ra seje. Sacerdotes rerecua abe no. Embesasa abe no. Seiquia rae. Tres días mose ra aquera si, i que ñee uchimbaaquiatu je ra. ³² Jesús que ñee nyecua tuchi ee ra. Nyebe Pedro Jesús rerao nguiã suruicha. —¿Mbaerã erecheẽ ũquĩ nde? Mbia ra ndeiquiayã, i rei que Pedro ñee asite Jesús je ra. ³³ Jesús que uba mae uchimbaaquiatu rese ra. Ñee ngue Pedro je ra. —Ehui chỗ sesi, Satanás. Mbia ndua ndua rã ño ereico nguiã ndua. Dios ndua ndua rã eã, i que ñee Pedro je ra.

³⁴ Jesús que ñee uchimbaaquiatu ja je cote ra. Mbia abe je. —Emo siquise mose serui, sã hui ja mbae ubi si. Sã cruz rui umbaerã se rã si. Sã eriqui serui bei cote. ³⁵ Emo ndua bei mose ngueco rese, ereco ra ua esi. Emo hui mose ngueco si seje, ũquĩ nda siqui bei. ³⁶ Emo ngueco mumba chooño mose, eya eã mbei rae. Mbaecha rete raque. ³⁷ Emo ngueco mumba chooño mose, mbae mo eãte ereco ribishoro sacuã. ³⁸ Emo irei irei mose sesi mbia icuã ndésaa, se abe ra airei irei esi. Emo irei irei mose seche si, se abe ra airei irei esi, sechu mose mbia rerecuarã. Dios ra sembu si íbii uquirăcuã je aque mose. Ibatenda rese ra achu ángeles, i que Jesús ee ra.

9 ¹—Tacheẽ nyecua jẽje. A jengu a nae, jemo nda jemae sechu rese. Achu ra mbia rerecuarã tuchi cote. Jemo jemano eã mose ra achu mbia rerecuarã tuchi cote, i que Jesús ee ra.

Jesús nyiicuabo uchimbaaquiatu résaa

²Tenda seis uare que Jesús uchimbaaquiatu mo nderao sita ibátee ra. Pedro. Jacobo. Juan abe no. Ũquĩ ngue equerao ja mbia tiãsaa ra. Jesús que nyiɨcuabo erésaa huee ra. Enininya tuchɨ que ee ra. ³Eirao abe nininya tuchɨ que ra. Eɨraoshĩ nininya tuchɨ que ee ra. ⁴Mbia nyeremo ngue ngaẽ ibate sɨ ra. Ñee ñee ngue ecuaẽ Jesús nininya rese ra. Moisés que ũquĩ nda. Elías rese. ⁵Pedro que ñee Jesús je ra. —Sererecua, nandecu turãte a. Sucha ñetẽ uresaã saã na. Enongue nembaerã. Enongue Moisés mbaerã. Enongue Elías mbaerã no, i rei que Pedro ñee Jesús je ra. ⁶Echimbaaquiatu siquichete quiatu ngue re. Nyebe Pedro riqui nguiã "mañi nda aba re" ite. ⁷Ibeishĩ ngue tu nguichi eite re cote ra. Moisés mbuchecuayã ee. Elías abe no. Echeẽ mo ngue echandu ibeishĩ qui re ra. —Co rei sebi tuchɨ seriirĩ co. Echeẽ jeñandu beɨ quia, i que Dios ñee ee ibeishĩ qui re ra. ⁸Echimbaaquiatu mae mose que Jesús mɨɨ ndiqui ee cote ra. Moisés que nyecuayã asi ee ra. Elías abe.

⁹Ecuaẽ mose nguichi sita ibate si que Jesús ñee ee ra. —Ae rese jemae namo nae, ũquĩ je jenyecuachō jẽ. Sequera si mose quiatu teñee ñee mbia

je cote. Semano nonde eã, i que Jesús ñee uchimbaaquiatu je ra. ¹⁰Nyebe ñee eã nguiã emo je. —¿Mbaerã eriqui "se quera si mose" i re? i que ndua ndua ñee nyue ra. ¹¹Ñee ngue Jesús je cote ra. —¿Mbaerã embesasa ñee nde? "Elías rane nda tu Cristo si" i re, i que ñee Jesús je ra. ¹²Jesús que ñee ee ra. —Ae bei. Coche Elías rane tu nguiã mbae mbitirõ ja. ¿Mbae i chõ embesa ji quia Cristo rii ña? "Mbae rasi ra esaã tuchi", i chõ nguiã. "Mbia ra eucuayã tuchi", i chỗ nguiã no. ¹³Elías que tu no. Mbia icuã icuã tuchi que ee ra. Sã embesa ji ñee nyii no. Ei si tuchi que ra, i que Jesús ñee ee ra.

Jesús aba checuayã jea mbia riirī mo si

¹⁴Ngasẽ ngue echoi echimbaaquiatu ataque je cote ra. Mbia tubiriã tuchi que chi echimbaaquiatu mama huee ra. I que embesasa u ñee icuã icuã echimbaaquiatu je huee ra. 15 Jesús ngasẽ mose que mbia nyuruira tuchi mae erese ra. Oo tuchi que erese ra. 16—¿Mbae rii jeingo ñee icuã icuãte jenyue re? i que Jesús ñee mbia je ra. 17 Emo ngue ñee Jesús je ra. —Sererecua, seriirī aru quia ndeje co. Nde embucherō sacuā. Aba checuayã icuã equereco uchiangui re co. Nyebe eriqui nguiã ñee eãte co. 18 Aba checuayã icuã ndiqui seriirī isi isi beite co. Mbucoi coi beite equia íbii co. Echuru abe mbichoite. Urei abe quiti quitite. Nyebe equiracua neate riqui nguia co. "Aba checuaya jejea seriiri si", ae rei que ndechimbaaquiatu je ra. Eaquiatuãte chỗ ngue ra, i que eru ñee Jesús j e ra. ¹⁹ Jesús que ñee cote ra. —¿Mañi jenye quia seicuayate re? ¿Ñimbiracua mbeite ra aba quia jeje re? i que Jesús ra. —Eriiri jendu ra seje, i que cote ra. ²⁰ Eriiri ngue ecurucuae ee cote ra. Aba checuava ngue eriirī mburirite Jesús rese mae mose ra. Mbucoi que íbii ra. Mbuchiishao shao tuchi que ra. Echuru mbichoi tuchi que ra. 21—¿Manosete aba checuayã ndiqui ererequia re? i que Jesús eru je ra. —Eñetê mosebe bei, i que eru ra. ²²—Tátaa eriqui emondo mondo beite co. Ama ve abe. Eriichara. Nde ejea aquiatu mose, ejea ra esi ure je, i que eru nee Jesús je ra. ²³Jesús que ñee ee ra. —¿Mbaerã ereico "ndeaquiatu mose" i seje re? Ae seicua quia nae, ũquĩ je aico mbae raã aquiatu jate co resẽ, i que Jesús ee ra. ²⁴Eru que ñee ee ra. —Areicuate se resẽ. Semingo uquiabe jiri nderese ae, i que eru uchee mumbebote nee Jesús je ra. 25 I que mbia cuae nguia numunua nua tuchi huee ra. Nyebe Jesús nee asi nguiã aba checuayã icuã je. —Aba cheuayã, mbia isa erembiitaote quia hue. Erembuchee ngũiate abe equia hue. Ese oso esi. Ereique sichi nda oso echiangui re je, i que Jesús ee ra. ²⁶ Aba checuaya ngue tasete eriiri mburiri cote ra. Use oso cote. Eraaque ra ngue eriiri nyi cote ra. Mano nei nguiã mbia je. ²⁷ Jesús que emua eo rese ra. Juã turã ngue cote ra. 28 Jesús que oso ique tuchúaa cote ra. Echimbaaquiatu que ñee ee mbia tiámbaa cote ra. —¿Mbaerã aba checuayã useã oso urechee mose ure re?

i que ñee ee ra. ²⁹Jesús que ñee ee ra. —Jeñee eã mose Dios je, ã jējea aroneate. Jēhui eã mose jenyiu si, ã jējea aroneate no, i que Jesús ee ra.

Mbia ra seiquia, i si Jesús

³⁰Galilea rī ngue echoi hue si ra. —Sã mbia jiranua nanderese, nandeso mose hue rī, i que Jesús ñee uchimbaaquiatu je ra. ³¹Uchimbaaquiatu ae que embaaquiatu quiatu oso quia ñeenda rui ra. —Emo nda semee mbia icuã je seiquia sacuã. Seiquia ji ra aquera si tres días mose, i que equia embaaquiatu quiatu ñeenda rui ra. ³²Echimbaaquiatu que echeē icuayāte quia ra. —Ndecheē embiasa asa tuchi rã ure je, i āte que equia ee ra. Ireī ireīte quiatu que equia esi ra.

Ererecua tuchi ra se, i jaaja Jesús chimbaaquiatu nyue

33 Ngasẽ ngue Capernaum nda. Tuchúaa ique mose que ñee uchimbaaquiatu je ra. —¿Mbae rii jenyu quia ñee icuã icuãte jenyue ñeenda rui re? i que ee ra. 34 Quiriri ja chõ ngue u ñee ndocoi ee ra. — Ererecuarã nda se cote, i jaaja chō equia nyue ñeenda rui reaē. Nyebe eriqui irei ireite Jesús si re. 35 Jesús que ngoi cote ra. —Jenyu ja rã. Tacheē jē ja je, i que uchimbaaquiatu doce je ra. —"Ererecuarã se" i mose emo, sã uataque rimbarã ño eriqui, i que Jesús ee ra. 36 Ãquē mo ngue emii eite re cote ra. Sui que ñee uchimbaaquiatu je ra. 37 —Ae siqui turã nguia mbi a riirī je serii nae, seje abe chō eriqui nguiã siqui turã. Ae eturã ndiqui seje nae, semondosa abe je chō eturã ndiqui nguiã, i que Jesús ee ra.

Emo icuã eã mose nande je, nanderesenda chỗ ũquĩ nde

³⁸ Juan ngue ñee Jesús je ra. —Pe emo nyɨ aba checuayã ndirõ ndirõ mbia sɨ nderɨɨ pe. Uremae ngue erese ra. Aque eriqui āte nanderese aque. Nyebe uresiquisã nguiã, ɨ que Juan Jesús je ra. ³⁹ Jesús que ñee ee ra. — Tei. iJēsiquisã quisāchɨ nda jē! Emo mbia mae sayã naa mose serɨɨ, ñee icuã eã nda seje aquere. ⁴⁰ Emo icuã eã mose nande je, nanderesenda chỗ ũquɨ nde. ⁴¹ Emo sechimbaaquiatu isei mbiu turã mose serɨɨ, Dios abe ra mbae turã mondo aque je.

Mbae icuã nda nandesaã uquiachi emo je

⁴²Ae ra mbae icuã saã uquia seicuasa mo je nae, ũquĩ nda mbae rasi saã tuchi cote. Ũquĩ nda aba mombo chô ama ndisha ye nyii re chã. Sita resebe ecua ji mondo. Ĩ nda mbae icuã naa uquia eãte rei seicuasa je.
⁴³Ndeo nemingo mose mbae icuã ndese, ndeo echisia mombo. Coche rei ra ereso ibate ndeo mii Nderequia, siqui bei sacuã huee. Oso rocoĩ tata cuásuu, ndeo nyeremo nderao. Tata mungue aronea tuchi chô hue jenda re. ⁴⁴Mbae rosei ra manoa mbei huee. Tata ra uqueã mbei huee no.

⁴⁵Ndei nemingo mose mbae icuã ndese, ndei echisia mombo. Coche rei ra ereso ibate ndei mii nderequia, siqui bei sacuã huee. Nemombo rocoĩ tata cuásuu, ndei nyeremo nderao. Tata mungue aronea tuchi chỗ hue jenda re. ⁴⁶Mbae rosei ra manoa mbei huee. Tata ra uqueã mbei huee no. ⁴⁷Nderesa nemingo mose mbae icuã ndese, nderesa echoo. Coche rei ra ereso Dios recua nderesa mii nderequia. Nemombo rocoĩ tata cuásuu, nderesa nyeremo nderao. ⁴⁸Mbae rosei ra manoa mbei huee. Tata ra uqueã mbei huee no. ⁴⁹Tata ra mbia sei bei huee. ⁵⁰Embiquesa rã ño jẽingo nguiã mbia je ã. Sã embiquesa turãte no. Eise quiachamba mose, eicuã tuchi ra cote. Embiquesa rã tuchi chỗ jẽingo mbia je. Jẽingo turã ño nguia jenyiese, i que Jesús ee ra.

Jesús ñee mbia ngũinisi mombo je rĩi

10 ¹Jesús que ngata si oso cote ra. Judéaa que esi ra. Ama Jordán ndobei que esi sobei cote ra. Mbia que ñumunua nua tuchi quia ee ra. Mbaaquiatu quiatu que equia ra. Sã eriqui mbia mbaaquiatu quiatu beite no. ²Fariseos mo abe que ngaẽ erea ra. —Tã nande Jesús je no. Ma ñee Dios cheẽ abi, i que ñee nyue ra. —¿Coche mbia ngũinisi jea ubiã mose re? i que ñee Jesús je cote ra. ³—¿Mbae i Moisés embesa re? i que Jesús ee ra. ⁴Fariseos que ñee ee ra. —"Jeninisi jea nonde, papel mbesa ji jemondo ee", i que Moisés ra, i que ra. ⁵Jesús que ñee ee ra. —Jeãquĩ ãtāte quiatu ngue re. Nyebe Moisés ũquĩ mbesa nguiã jēje. ⁶Ũquĩ i ãte que Dios quia mbia ao ramo mose nyii ra. Dios mbia ao mose, nyeremo ngue echao ra. Erãcuẽ ngue echao ra. Eninisirã abe que echao no nda. ¬Nyebe ra emo ndiqui ngũinisi rese bei. Ngu si isho. Usi si abe no. Ngũinisi mii ndese siqui bei sacuã. 8Co mii na siqui sacuã nyiese cote. Nyeremo siqui rã eã ño cote re. Co mii siqui rã ño ũquĩ cote re. 9Ae Dios mbucha nyiese nae, sã ũquĩ hui eã mbei nyesi, i que Jesús ñee fariseos je ra.

¹º Ngasẽ mose tuchúaa que echɨmbaaquiatu ñeembe ee ra. —Ndecheë embiasa turã na ure je, i que ee ra. ¹¹ Jesús que ñee ee ra. —Ae ngũinisi jea nae, emo ndese siqui sacuã nae, eicuã tuchi chỗ ũquĩ nde. Adulterio i que ũquĩ je ra. ¹² Cuña mo ngu jea mose siqui sacuã emo ndese, eicuã tuchi chỗ ũquĩ no nde, i que Jesús ee ra.

Jesús mbia riirī isi turā turā

13 Mbia que nguiirĩ ngurucuaẽ cuaẽ nguia Jesús je ra. Jesús oco oco sacuã erese. —¿Mbaerã jendiirĩ jendu quia co re? i rei que echimbaaquiatu ñee mbia je ra. ¹⁴ Jesús que paama i ñee uchimbaaquiatu je ra. —Jeñeechĩ nguiã ee. Sã ae ae riqui nguiirĩ ndurucuaẽ cuaẽ seje. Eĩ ño Dios rimba nguiã. Ucuasu raã naa eã. Mbia riirĩ na. ¹⁵ Mbia riirĩ na ño jẽingo Dios isi turã. Ĩ mose ra Dios rimba tuchi jẽ cote, i que Jesús ra. ¹⁶ Mbia riirĩ ngue esui sui ra. O que echono ñono earõ nda. Ñee turã ngue Dios je eriĩ nda.

Acuanindu mbaecha mo ñee Jesús je

17 Acuanindu mo ngue tu Jesús je ra. —Mbia mbaaquiatusa turāte nde. ¿Mbae turā mo nda asaā Dios je semingo bei sacuā nde? i que ñee Jesús je ra. 18 Jesús que ñee ee ra. —¿Mbaerā ereico "eturā" i seje re? Dios mii ño eturā ndesē. 19 Dios cheē emumbayā. Echeē ereicuate quia co resē: "Emo ninisi rese ra ereicochī. Mbia ra ereiquiachī. Mbae ra erembuquiachāchī. Erecheē ñooñochī nda emo nii. Emo nda erembiirī irīchī. Ndeturā ño nderu je. Ndesi abe je", i que Dios cheē nda, i que Jesús ñee ee ra. 20 Acuanindu que ñee ndei ee ra. —Ũquī ngue amumbayā ja bei quia ra. Señetē mosenda bei, i rei que ñee Jesús je ra. 21 Jesús que nyesecua tuchi mae mose erese ra. —Ã mii mo abe eresaã eāte. Nembae emondo mondo ja mbia mbaecha reā je. Nde ūquī naa mose, mbae tubiriā nda nembae ndeico mose ibate. Nembae mondo ja mose mbaecha reā je, serui eico cote, i que Jesús ee ra. 22 Acuanindu Jesús cheē andu mose que echiã ndoso tuchi cote ra. Eya eā tuchi que oso Jesús recha ra. Mbaecha tuchite quiatu ngue ae re.

²³Jesús que mae mbia rese ra. —Mbaranguiatu ãte mbaecha je ngasẽ sacuã ibate, siqui bei sacuã huee, i que ñee uchimbaaquiatu je ra. ²⁴Echimbaaquiatu que nyuruira tuchi eandu ra. Jesús que ñeembe ee ra. —Ae ndua ndua beite quia umbae tubiriã ndese, mbaranguiatu ãte ũqui je oso sacuã ibate Dios rese. ²⁵Sã ticuasu mo ndiqui oso aroneate ique aguja sorei rɨ no. Eɨ sɨ chō mbaecha no nde. Oso aronea ibate Dios rese, ɨ que Jesús ee ra. ²⁶ Echimbaaquiatu que nyuruira tuchibe u eandu no nda. —¿Aba quiatu ra oso Dios rea ibate re no? i que ñee nyue ra. ²⁷ Jesús que mae erese ñee ee ra. —Ae mbia saã aroneate quia nae, Dios mii ño nda esaã, i que Jesús ee ra. ²⁸Pedro que ñee Jesús je ra. —Ure que urembae uresecha ja ra. Siqui sacuã nderui, i que Pedro ñee nda. 29 Jesús que ñee ee ra. —Tachee nyecua jeje. Emo umbae secha ja mose siqui sacua serui, embae ra asibishoro tuchi ee cote. Ae uchuchua secha. Ae ngongue secha. Ae ngu secha. Ae usi secha. Ae nguiirī secha. Ae umbae ibi secha no. ³⁰ Ũquɨ mbae ja ra asɨbɨshorö tuchɨ cien veces ereco mose íbii. Echuchua ata. Enongue ata. Esi ata. Eriirī ata. Ibi ata abe no. Ũquĩ ja ra asibishorõ tuchi ee. Mbia icuã icuã tuchi ra ee serii. Aquere ra siqui bei tuchi Dios rese ibate cote. ³¹ Ae ererecua saã saã nguia namo nae, ererecua eã tuchi ra ũquĩ m o cote. Ae ererecua eã namo nae, ũquĩ mo nda ererecua cote, i que Jesús ra.

Mbia ra seiquia, i si Jesús

³²Jerusalén ngue echoi quia ra. Jesús que oso quia enonde ra. Echimbaaquiatu que siquichete nyoi quia ra. Nyebe Jesús ererao nguiã mbia tiãsaa ñee sacuã ee. ³³—Co nyao quia Jerusalén co. Huee ra mbia

semee sacerdotes rerecua je. Embesasa abe je. "Jesús jēiquia", i ra seriī. Semee nda judíos eã je cote. Seiquia sacuã. ³⁴Mbia ra secheē saã saã. Seiruã nua abe ra eno. Sembucha chee ra iquia ira rese. Tres nyaashī mose ra aquera si, i que Jesús ñee ee ra.

Ererecuarã se, i raque Jacobo, Juan ndese

35 Jacobo que oso Jesús riichã ngõngue rese ra. Juan, i equia ee. Zebedeo riirī ndei ūquī. — Urechu ñee ndeje aa, Urembaaquiatusa. Ae rii nda urechee ndeje nae, ũqui je "eno" ere ra ure je, i rei que ee ra. ³⁶—¿Mbae ra aba saã jēje re? i que Jesús ee ra. ³⁷—Ndeico mose ererecua tuchi, să ure abe ureico ererecuară nderese. Să urecoi ja u ndejii. Co mii chi ndequiato cuti. Enonge chi ndequiato cutia no, i rei que nee Jesús je ra. 38 Jesús que nee ee ra. —Ae rii jeingo nee seje nae, jẽirandu turã eãte ũquĩ ndese. Ae rasi ra asaã tuchi nae, ¿ũquĩ ndasi ra jesaa je abe re? Bautizar i ra seje, ¿ei nda bautizar i je abe je re? i que Jesús ee ra. ³⁹ "Ae" i que ñee ee ra. Jesús que ñee ee cote ra. —Ae bei. Ae rasi ra asaã tuchi nae, ũquĩ ndasi ra jesaã tuchi rei je abe. Bautizar i ra seje, ei si rei ra bautizar i jeje no. 40 "Ererecuara ure", jenye rei que seje, ũquɨ asaã aroneate se jēje. Paba ae quiatu ra ũquɨ saã. A e ebite, ũquɨ nda emii ererecuară, i que Jesús ra. 41 Echimbaaquiatu ataque que jirandu erese ra. Echimbaaquiatu diez. Paama i que Jacobo je ra. Juan je abe. ⁴²Jesús que "jenyu" i ñee uchimbaaquiatu ja je cote ra. —Mbia ataque rerecua riqui ucuasu raã naa tuchi ngũimba je ũquĩ. 43 Ũquĩ nda jẽsaã eã jē. "Ererecua ra se", i mose jemo, sã ũqui siquicho uataque rimbarã. ⁴⁴Jemo "se rane je" i mose, sa ũquĩ ndiqui bei mbae tura naa naa uataque je no. 45"Sã mbia mbae turã naa naa seje", ae eã ngue u ra. "Se quiatu mbae turã tasaã saã oso mbia je", ae u nguiã. Co achu quia mano mbia tubiria ndiquicharo sacua co, i que Jesús nee nda.

Jesús Bartimeo ndesayã mbucherõ

46 Jesús que ngasẽ Jericoo ra. Uchimbaaquiatu rese. Jesús ngata mose hue si, mbia tubiriãte que nyoi quia erui ra. Eresayã mo ngue chĩ ñeenda jie huee ra. Ache ache i que huĩ nda. Bartimeo, i equia ee. Timeo ndiirĩ ngue ae ra. 47 Jirandu mose Jesús rese que ñeemombo mombo ee ra. —iJesús! iDavid nducucha! iNdeya eã ño serese jē! i que ee ra. 48—iEquiriri chỗ jē! i tuchi rei que mbia ñee ee ra. —iSererecua! iDavid nducucha! iNdeya eã ño serese jē! ibe que eresayã ñee Jesús je ra. 49 Jesús que tiba ra. —Eresayã jendu rã, i que ra. Mbia que ñee eresayã je ra. — Ndeya chỗ jẽ. Ehuã. Jesús riqui ñee ndeje a, i que ee ra. 50 Juã asi que oso oo Jesús rese ra. Uchiatiquia recha. 51—¿Mañi ae ra ndeje re? i que Jesús ñee ee ra. —Seresa embuturã na, Sererecua, i que ra. 52 Jesús que ñee ee ra. —Eso cote. Seicuate que se ra. Nyebe nderesa nyerỗ nguiã cote, i que

ee ra. Aque mose tuchi que eresayã ndesa turã ja cote ra. Jesús rui que esi quia cote ra.

Jesús ngase Jerusalén

¹Jesús que Jerusalén curubite nyoi quia ra. Betfagé, i que hue sucha je ra. Ibi ibate mo abe que chi huee ra. Monte de los Olivos, i que ee ra. Hue si que Jesús uchimbaaquiatu nyeremo mo mondo ra. ²Ñee ngue ee ra. —Achi sucha chō jeso ra. Jengase namo mose ra burro riirī cuasa mo ñi jēje huee. Emo ngue nyui eate eatoo ra. Jenyura seru seje. ³Emo ñee mose jēje, "¿mbaerā nda jenyura re?" i mose jēje, jeñee ee. "Nandererecua que 'jendu' i ra. Mondo jeibe ra jēje", jenye ee, i que Jesús ñee ũquĩ nyeremo mondo ra. 4Nyoi que erea cote ra. Burro riirî ngue etea Jesús chee nguire cote ra. Ecuasa que chi taicuee eiquesa jii ra. Nyura que cote ra. 5Ae mbia chi huee nae, ũquĩ mo ngue ñee ee ra. —¿Mbae rese jeingo hue re? ¿Mbaera jeingo era era re? i que ee ra. 6 Jesús chee ndui si que uqui nee ee ra. "Eno" i que mbia ee cote ra. ⁷Burro riirĩ ngue ecuruchoi Jesús je cote ra. Huiirao que echono ñono earo nda. Jesús que nyui eátoo cote ra. 8 Jesús que ngata oso quia burro átoo cote ra. Mbia tubiriã ngue huiirao mbiitee tee nyoi quia ibi ri enonde ra. Emo ngue sindo mbiitee tee choi quia enonde no nda. Jesús oso sacuã hue rĩ. 9Mbia ia tuchi que tasẽ tasẽ nyoi quia enonde ra. Erui abe no. —Co nandererecua ru quia ngasete co. Co Dios chimbu ru quia ngasete nande je co. ¹⁰David nducucha ru quia co. Nandererecua turã sacuã. Dios tură tuchi riqui nande je co, i tuchi que mbia quia ñee nda. 11 Jesús que ngasẽ Jerusalén cote ra. I que que oso Dios chuchua cote ra. Mae ja mose mbae rese que esi Betania uchimbaaquiatu rese cote ra. Tenda quiatu ngue osote nguiã ee.

Jesús ñee icuã higo i je

¹²I que Jesús choi quia Betania si isamami nda. Eriãcuãte que oso quia ra. ¹³Isho que mae higo i mo ndese ra. Ero rerecua que ra. —Ea mo tau, i rei que oso erea ra. Ero achõte chõ ngue ee ra. Aque mose que eriqui ia eã nda. ¹⁴Jesús que ñee higo i je cote ra. —Mbia ra ndea u eã mbei cote, i que ee ra. Echimbaaquiatu abe que echeẽ ñandu ra.

Jesús mbia mbuse Dios chuchua si

¹⁵Ngasẽ ngue Jerusalén cote ra. Jesús que oso Dios chuchúaa ra. Huee que mbia riqui mbae isi isi bei ra. Mbae mondo mondo abe mbae isiquia ribishorõ. Ũquĩ ja que Jesús mbusẽ mondo ra. Ae mbae isiquia sibishorõ shorõ nguia, ũquĩ mbae abe que embuchiichere chere ja mesa ra. Mbae ja resebe. Ae nyurushi cuasu mondo mondo mbia je mbae ribishorõ nae, ũquĩ nenda abe que embuchiichere chere ja ra. ¹⁶Jesús que ñee ũquĩ je ra. —Dios chuchua ite rī jēingochī nguiā mbae rerao rao. 17 "Mbia cheēsa Dios je', i ra mbia Dios chuchua je", i rei que embesa ji huī nda. Jē nguia jēicuā tuchite Dios chuchua je re. Mbae mbuquiachāsa chuchua jēsaāte chī nguiā ee, i que Jesús ñee asite ũquī je ra. 18 Sacerdote rerecua que chi Jesús cheē andu ra. Embesasa abe no. —¿Mañi nda aba Jesús iquia re? i que eu ndua ndua ra. Mbia quiatu que oote Jesús cheē ndese ee ra. Nyebe eriqui nguiā Jesús ucuayāte. 19 Hue sucha qu e Jesús secha oso eresaitō cote ra.

Higo i mano cote

²⁰ł que Jesús nyoɨ quia isamamɨ nda. Higo i cutite que echoɨ quia ra. Higo i ñimama ño nguia reaẽ. Erao abe mano ño nguia re no aẽ. ²¹ Pedro que ndua ñee Jesús je ra. i—Sã Sererecua! Higo i je que erecheẽ asi nae, mano ño equia cote reaẽ, i que ñee Jesús je ra. ²² Jesús que ñee ee ra. —Dios jẽicua tuchɨ. ²³ Tacheẽ nyecua jẽje. Jemo ñee mose sita ibate mo je, "esiri rã oso ama ndisha ye" i mose sita ibate mo je, sã Dios icua tuchɨ rã nyii. "Dios ra secheẽ mumbayã" i tuchɨ mose uchɨangui re, Dios ra echeẽ mumbayã. Sita ra siri ee. ²⁴ "A emondo seje", jenye mose Dios je, mondo ra jẽje. "Dios ra emondo seje", jenye mose jeñiangui re, mondo ra jẽje. ²⁵ Emo mbae icuã naa mose jēje, ũquĩ ñee chĩ mose jendese, jẽtesareɨ chỗ ũquĩ si. Jẽtesareɨ chỗ esi ñee nonde Dios je. Ũquĩ mose ra jendu ibatenda abe jẽicuã mbutiã no. ²⁶ Jẽtesareiã mose emo ɨcuã si, Dios abe ra jẽicuã mbutiã eã mbei jẽsɨ, i que Jesús ee ra.

¿Aba nembu re? i mbia ñee Jesús je

27 Nyebibe que echoi Jerusalén nda. Dios chuchuaqui rī ngue Jesús riqui ngata ra. Sacerdote rerecua que nyoi ñee ee ra. Embesasa rese. Amei ndese. 28—¿Mbaerā ereico mbia mbaaquiatu quiatu Dios chuchúaa re? ¿Aba "ũquĩ esaã saã" i quia ndeje re? i que ũquĩ ererecua ñee ja Jesús je ra. 29 Jesús que ñee ee ra. —Se rane tacheẽ jẽje. Se rane preguntar tae jẽje. Secheẽ jẽsibishorõ na nyii. Aquere quiatu ra jeñee asibishorõ cote. 30 ¿Aba ñee Juan je re? "Eso bautizar i mbia je" i ee re. ¿Dios eã ño ere? Jeñee seje, i que Jesús ee ra. 31 Ererecua que ndua ndua ja u cote ra. Ñee ñee ngue u nyue ra. —¿Mañi nande ra echeẽ ndibishorõ nde? "Dios que Juan mbu ra", nande aroneate ee. Nyebe ra ñee nande je. "¿Mbaerã jẽingo eãte erui re no?" i quiarei ra nande je. 32"Dios que embu eã nda", nande aroneate ee no. Mbia ataque ra paama i tuchi nande je. Juan quiatote quia mbia re, i que ererecua ñee ñee nyue ra. 33 Ñee nyee que Jesús je cote ra. —Ureicuayãte. Aba chõ Juan mbu bautizar i sacuã mbia je, i que ee ra. Nyebe Jesús ñee nguiã ee. —Se abe quiatu tacheẽ eã jēje no. Ae "ã esaã" i seje nae, erii nda acheẽ eã jēje no, i que Jesús ũquĩ ererecua je ra.

Uva raarõsa icuã icuã nguerecua je

12 ¹Jesús que ejemplos saã saã mbia je ra. —Sã mbia ibicha mo ndiqui no. Sã eriqui uva i tiquia tiquia no. Sã etarõ no. Uva

rique rirurã abe que echao ra. Sucha ibate mo abe que echao no nda. Uco raarõ turã ja sacuã. Ibicha que "sembae uvas jesaaro" i emo je cote ra. Al partido. Ae que oso isho itôte cote ra. ²Uva quiche mose que ngũimba mo mondo rei umbaerã ndea ra. ³Uva raarõsa que erimba mbucuasẽ icuã ño nda. Iruã nua ño ngue ra. Eochi cho ngue emondo mbuchebi ra. 4Echa que ngũimba mo mondobe rei ereabe no nda. Aque abe que embucuasẽ icuã no nda. Sita que emombo mombo erese no nda. Eãquí nduqui tuchi que ra. 5 Ngũimba mo ngue emondobe aquere no nda. Aque quiatu que eiquia tuchi cot e ra. Ei ei mbei que eraarosa quia echa rimba je ra. Emo emo ngue eiruã nua nda. Emo emo ngue eiquia no nda. 6 Aque mii tuchi que siguicho echa rese cote ra. Eriiri tuchi cho ngue aque re. Nyesecua tuchi que equia aque rese ra. Aque que emondo chee uva rea cote ra. "Irei irei jiri ra seriiri si", i rei que ra. 7 Eriiri ngase mose que uva raarosa nee nyue ra. —iCo eriirî ndu quia co cote je! iNandeiquia rei je! f nda uvas nandembaeră ae tuchi cote, i que nee nyue ra. ⁸ Eraarosa que eriiri isi icuã cote ra. Curuchoi que iquia pe jiri ra. Mano ngue cote ra. 9¿Mañi nda echa quia eraarõsa je cote re? Echa ra eraarõsa icuã iquia ja cote. Uva i ra emondo ja emo je eraarõ sacuã cote. 10 ¿Ã mbesa ji rese jemae ãte re?

Sã emo ndiqui tuchua ao sita je no.

Sita mo ngue equiriro mombo ra.

Eicuãte eriqui rei nguiã ee.

Aquere ndua si erese.

"Earonda sacuã turambi chỗ eriqui re", i ndua si uchimombo rese.

Uchimombo que esirõ si cote ra.

¹¹ Dios chɨao chố ũquɨ nde.

Dios chiao turã tuchi riqui nande je ã,

i ñi embesa ji re, i que Jesús ee ra.

12—Nanderii no eriqui ngui nee, i que uqui ererecua ra. —Nandeisi rei serao je, i rei que nyue ra. Jesús isi aronea tuchi que mbia résaa ra. Eireite quiatu ngue mbia tubiria si re.

¿Impuestos ra uremee ererecua je re? i mbia ñee Jesús je

13 Ũquĩ ererecua que fariseos mo mondochoi ñee Jesús je ra. Herodes chimbaaquiatu abe mondochoi erea. —Jesús nandembucheẽ icuã na. Ĭ nda mbia paama i ee, i rei que ra. 14 Uturã ngue esaã ñooño Jesús je ra. — Jesús, co ereico mbia mbaaquiatu turãte co. Mbia jaje ndeturãte riqui co. Co ereico turãte mbia mbuchiabiã co. Mbia erembaaquiatu quiatu turãte quia Dios icha riĩ co. Nyebe urechu nguiã ñee ndeje a. ¿Coche mbia mbae isiquia mee mee Romanos nderecua je re? Impuestos. 15 ¿Uremee mee nda ee re? ¿Uremee eã nda ee re no? i que ñee Jesús je ra. Jesús que ũquĩ icuã icuate ra. Nyebe ñee nguiã ee. —¿Mbaerã jẽingo "ĩ nda Jesús ucheẽ

nyabi", i serii nde? Mbae isiquia jeteacuquia imbu seje. Tamae erese, i que ee ra. ¹⁶Mbia que eteacuquia ee ra. —¿Aba mbae nombre ñi mbae isiquia rese a re? ¿Aba ãqui aingue abe ñi a re? i que Jesús ee ra. Romanos nderecua, i que mbia ee ra. ¹⁷Jesús que ñee ee cote ra. —Romano s nderecua mbaera jemondo cho ee. Dios mbaera jemondo cho ee no, i que Jesús ee ra. Mbia que nyuruira jate u Jesús chee andu ra.

Mbia raaque ra quera si, i Jesús

18—Mbia raaque ra quera eã mbei, i que mbiamo nguia ñee nda. Saduceos i que ũquĩ mbia je ra. Ũquĩ mo ngue nyoi ñee Jesús je ra. Tã i sacuã ee. 19—Sererecua, ã ngue Moisés mbesa nande je ra: "Emo ndiiriã mano mose, sã enongue mano je ninisi rerequia erendaque re. Sã tiirĩ ngõngue raaque riĩ", i que Moisés embesa nande je ra. 20 Eriquii mo ngue siqui urerese ra. Seis que eribi ra. Eriquii que ngũinisirã quereco rei ra. Mano ño ngue tiirĩ ndocoĩ ngũinisi recha ra. 21 Enongue que nguiquii checha quereco rei cote ra. Ae abe que mano ño tiirĩ ndocoĩ no nda. Enongue que equereco no nda. 22 Ũquĩ seis que ngõngue cheecha quereco ja rei ra. Mano ja chỗ ngue erecha tiirĩ ndocoĩ no nda. Eninisi eru cheecha que mano nyee chỗ cote no nda. 23 Siete rei que eru nyii ra. Mbia raaque quera si ja mose, ¿abate ra equereco cote re? i que saduceos ñee Jesús je ra. —Ma Jesús ñee icuã, i chỗ ngue re.

²⁴Jesús que ñee ee ra. —Jēingo Dios cheē icuayāte ã. Jēingo Dios cheē abi tuchi ã. Jēingo Dios quirācuā icuayāte ã. ²⁵Ae raaque ra Dios mbuquera si nae, ũquĩ nda ngũinisi quereco eã mbei huee cote. Ũquĩ nda ngu quereco eã mbei huee cote no. Angeles rã mbei ra mbia riqui huee ibate cote. ²⁶¿Moisés chimbesa rese jemae ãte re? Mbia raaque quera si riĩ ño ngue embesa nguiã. Ira ruri sendi quia, aque mose que Dios Moisés mbiirandu ũquĩ ndese ra. "Abraham nderecua chō aico nguiã se co. Isaac nderecua abe. Jacob nderecua abe no", i que Dios Moisés je aque mose ra. ²⁷Ã ngue mano ndei nyii ra. Ereco siqui bei chō nguiã namo ã. Mbia raaque rerecua eã ño Dios re. Mbia reco rerecua chō ae re. ¿Ũquĩ jēicua eãte quia ã nde? i que Jesús ñee mbia je ra.

Echesecua tuchi quia Dios rese

²⁸Embesasa mo ngue chĩ echeẽ andu ra. —Jesús ñee turã tuchichĩ saduceos je, i que uchiangui re ra. Nyebe esi nguiã ñee ee. —Jesús, Dios cheẽ tubiriãte riqui ã ndesẽ. Mbia echeẽ mumbayã sacuã. ¿Ma Dios cheẽ ndiita tuchi ma nde? i que embesasa ñee Jesús je ra. ²⁹Jesús que ñee ee ra. —Ã ño Dios cheẽ ndiita ã nde: "Secheẽ jeñandu rã, Israelitas. Dios mii tuchi chõ nandererecua re. ³⁰Echesecua tuchi quia Dios rese. Ndechiã je. Neaĩ je. Nendua ndua abe je. Ndequirãcuã abe je", i chỗ Dios cheẽ ndiita nguiã. ³¹Ã abe rei ũquĩ nduinda ã no: "Sã ereico nyesecua ndechiese

no. Eĩ ere si chỗ nyesecua mbia rese", i. Ũquĩ nyeremo ndei Dios cheẽ i tuchi ũquĩ, i que Jesús ee ra. ³²Embesasa que ñee Jesús je cote ra. —Ae bei, Sererecua. Dios mii tuchi chỗ nandererecua re. Emo abe mo eãte. ³³Nandechesecua tuchi mose Dios rese, ũquĩ eturãte ee. Nandechesecua tuchi mose nandechiã je. Nandendua ndua je. Nandeaĩ je. Nandequirãcuã je abe no. Nandechesecua tuchi mose mbia rese, ũquĩ eturãte Dios je mbae mo si. Sacrificio mo si. Ofrenda mo si, i que embesasa ñee Jesús je ra. ³⁴—Ñee aquiatute equia seje co, i que Jesús uchiangui re ra. —Dio s rimbarã tuchi chee ra nde, i que ee cote ra.

¿Aba rucucha Cristo re?

³⁵ Jesús que mbia mbaaquiatu quiatu quia Dios chuchúaa ra. —¿Mbaerã embesasa riqui ñee nde? "David rucucha chỗ Cristo re" i re. ³⁶ David abe que "sererecua" i Jesús je ra. Sã embesa ji ñee no:

Dios que ñee Cristo sererecua je ra:

"Ecoi sejii. Nde abe ra ererecua serese.

Ae ndeucuayate quia nae, uqui je ra ndequiracua ateacuquia tuchi. Ndequiracua tuchi chee ra uqui si", i que Dios nee sererecua je ra, i que Espíritu Tura David mbuchee nda. 37 David sí cho "sererecua" i nguia Cristo je. Cristo David rucucha mose, ¿mbaera David "sererecua" i ee re? i que Jesús embesasa je ra. Mbia tubiria ngue Jesús chee chandu tura jate ra.

Jesús ñee asi embesasa je

³⁸ Jesús que uchimbaaquiatu mbaaquiatu quiatu ra. —Embesasa rã nda jẽingochĩ jẽ. Ũquĩ ucuasu saã saã mbeite quia ã. Huiirao turã equereco beite quia ã. "Sã mbia ererecua i nande je", i beite equia ã. ³⁹ Mbia renda turã abe eirabo rabo beite quia mbia si ã. "Fiestacha jii quia taĩ jẽ", i abe beite equia ã no. ⁴⁰ Ari eru cheecha mbae abe embutiã tiãte quia ã no. Ucheẽ oco abe esaã saã mbeite quia Dios je ã no. "Ĩ nda mbia mae nanderese", i chỗ nguiã. Ũquĩ nda Dios mbasi tuchi cote, i que Jesús mbia je ra.

Eru cheecha mbaecha reã mo mbae mee Dios je

⁴¹Emo mose que Jesús ñi Dios chuchúaa ra. Ofrenda riru nonde que eñi ngoi ra. Mae ngue mii mbia mbae isiquia mondo mondo mose eriru ye rese ra. Mbaecha atate que mbae isiquia tubiriã mondo mondo quia eriru ye ra. ⁴²Eru cheecha mo ngue ngasẽ u cote ra. Nyeremoño tuchi que ae mbae isiquia mondo ra. Centavo mii mbuchecha tuchi que ra. ⁴³Jesús que ñee uchimbaaquiatu je ra. —Jenyu. Tacheẽ nyecua jēje. Eru cheecha mbaecha reã ngue mbae isiquia mondo tuchi mbia ataque si ra. ⁴⁴Mbaecha quiatu que umbae rire ñetẽ mondo mondo ra. Eru cheecha quiatu que umbae mii mondo ja ra, i que Jesús ra.

Mbia ra Dios chuchua mbucoi ja, i Jesús

13 ¹Jesús que oso usẽ Dios chuchua si cote ra. Echimbaaquiatu mo ngue ñee ee ra. —Sã Dios chuchua turã tuchite jẽ. Eao ji turã tuchi sita je, i que echimbaaquiatu mo ñee ee ra. ²Jesús que ñee ee ra. —Ã ndese jẽingo mae ã nae, ũquĩ nda mbia mbucoi ja cote. Sita mo nda chi eã nyuchuarõ Dios chuchua cote. Mbia ra Dios chuchua mbucoi ja tuchi cote, i que Jesús ñee nda.

Mbae ua ja nonde chõ ã nde

³Jesús que chĩ ngoi huee ibi ibate mo nda. Monte de los Olivos, i que hue je ra. Dios chuchua checuate que ee hue si ra. Echimbaaquiatu que ngasẽ ñee ee ra. Pedro. Jacobo. Juan. Andrés. Ũquĩ ja que ñee eísaa ra. 4—¿Manosete ra ũquĩ nde? ¿Mañi ure ra equia jirandu mbae ua nonde re? i que ñee Jesús je ra. ⁵Jesús que ñee ee ra. —Jētesa jiri quia jē. Mbia mo nda jembiirī irīchĩ ñee jēje jē. 6"Cristo chố se re" i ra mbia ñee ata atate jēje. Ũquĩ nda jeñanduchĩ jē. Ũquĩ nda mbia mbiirĩ irĩ jate. Ñee ñooño je chố ũquĩ nde. 7Mbia ra guerras saã saã tuchi. Mbia ra ñee ñee tuchi quia nyiiquia iquia je riĩ. Ũquĩ mose ra jēsiquichechĩ jē. Ũquĩ ja rane nda nyecua raque. Aque mose r a mbae ja ua eã ná. 8Mbia ra guerras saã tuchi chee. Nyiiquia iquia tuchi rae. Mbia riācuã tuchi ra aque mose no. Emo ñooñoa tuchi ra mbia rasi. Mangue chooñoa tuchi ra ibi nyere nyere. Jembasi ramo mose chỗ nda ũquĩ nde. Aquere ra jembasi tuchi cote.

⁹ iSã jẽ! Mbia icuã icuãte ra jēje. Jembiirĩ irĩ ndae. Jemee mee icuã nda mbia rerecua je. Jēiruã nua nda mbia chumunuásaa. Nguerecua je ra mbia jenderao rao tuchi. Ererecua abe je chee ra secheẽ jēsenei senei. ¹⁰ Sequiato ra Dios cheẽ turã senei senei ná mbia ja je nyii. Mangue chooñoa jenda ja je. Aquere ra mbae ua ja cote. ¹¹ Jemee mose mbia rerecua je, pare pare jenyechĩ nda jẽ. "¿Manyae ra ũquĩ ñee ndibishorõ nde?" jenyechĩ nda pare pare i jẽ. Espíritu Turã ae chỗ nda jembucheẽ turã nguiã mbia je aque mose. Jẽ ae ra jeñee eã. Espíritu Turã ae chỗ nda jembucheẽ nguiã. ¹² Jenongue ra jemondo chee mbia icuã je. Jēiquia sacuã. Jendu abe ra jemondo chee mbia icuã je. Jendiirĩ abe ra jemondo chee mbia icuã je. Mbia icuã nda jemo iquia iquia chee. ¹³ Mbia mangue chooñoa jenda ra jẽucuayã tuchi seriĩ. Ae ra siqui bei serese, ũquĩ nda Dios mingo bei.

¹⁴Daniel que embesa Mbae Mbutiãsa Icuã nii nda. Mbae Mbutiãsa Icuã nda siqui nguecuáyaã. "Dios rendaque re taico se quiatu", i ra equia huee. (Ae ra mae nguia sechimbesa rese nae, sã ũquĩ eicua.) Jemae mose Mbae Mbutiãsa Icuã ndese, jeña esi. Ae siqui quia Judéaa, sã ũquĩ uchã jei choi ibi ibátee mo. ¹⁵Ae ra siqui tuchua quite rese, sã ũquĩ iqueã nyoi

uchuchua uquichi mose. Sã echoi chỗ uchã hue si bei, umbae rirỗ ndocoĩ.

¹6 Ae ra siqui úcoo, sã ũquĩ nyebiã ngaẽ huiirao rea. Sã hue si bei chỗ echoi uchã.

¹7 Aba mbia eã tuchi ra emo ãquẽ ndiru rerequia mose aque mose. Nguiirĩ mbuquiambu je abe no.

¹8 "Nyiiseĩ mose eã urechã" jenye Dios je.

¹9 Mbia ra mbae rasi saã tuchi aque mose. Mbae rasi que mbia saã eã jiri nyii ra. Aque ramo mose ra mbae rasi raã tuchi cote. Mbae ua bei sacuã ño ũquĩ nde.

²0 Ae rasi ra mbia saã tuchi nae, ũquĩ nda Dios mbujua jiri uquiato riĩ.

Ĩ nda emo ñimbirãcuã eã tuchi rei ũquĩ ndasi je.

²¹ "A Cristo riqui a jẽ" i mose emo jẽje, "nyia" jenyechĩ nda ũquĩ ñee mose jẽ. "Hue Cristo riqui hue jẽ" i mose emo jẽje, "nyia" jenyechĩ nda eno jẽ.

²² "Cristo chỗ se re" ichỗiño nda mbia ñee ata atate jẽje. "Dios cheẽ mbuchecuasa chỗ se re" ichỗiño nda mbia ñee ata atate jẽje no. Mbia mae sayã nda esaã saã tuchi mbia mbiɨrī irī sacuã.

Ũquĩ Dios quiato abe chee mbiɨrī irī arỗte.

²³ Ūquĩ nonde chỗ aico nguiã jembiirandu randu co.

Dios riirī nda tube ibate si

²⁴Mbia ũquĩ ndasi raã ja mose ra tenda checuayã mbei cote. Nyasi abe no. ²⁵Nyasitata ra ngoi ngoi. Ibei jenda abe ra quiata quiata chee cote no. ²⁶Aque mose ra achu ibei rese. Senininya tuchi ra sechu mose. Sequirãcuã tuchi ra sechu mose no. ²⁷Angeles serimba ra amondo mbia sechiisirõ munua nua sacuã. Ishonda ja. Mangue chooñoa jenda ja. Mbia sechiisirõ nda emunua nua ja seje cote.

²⁸Sã higuera riqui no. Sã ira mo ndiqui no. Ero quira usẽ ja mose, "iraro itõ ndacu ra cote", i chỗ mbia nguiã aque mose. ²⁹Eĩ sí ra mbae ua ja nonde. Ae riữ aico ñee jẽje nae, ũquữ ndese jemae mose, "mbae ra ua ja cote" jenye ra cote. ³⁰Tacheẽ nyecua jẽje. Ã mbia riqui ngata ibi ã nae, ũquữ emo emo nda manoa mbae ua ja nonde. ³¹Ibei ra ua. Ibi abe ra ua no. Secheẽ nguia ra ua eã mbei.

³²Manosete chõ nda mbae ua ja. Aico eicuayãte co. Mbia mo abe eicuayãte quia ã no. Angeles abe eicuayãte quia ã no. Paba mii ño eicua nguiã co.
³³Nyebe jẽingo quiatu quia eraarõ arõ mbei. Jẽtesa tesa bei quia. Ma nyaashi ño nda equeru. Jẽicuayãte equia ã. ³⁴Sã ererecua mo oso isho itõte no. Sã ñee ngũimba je oso nonde no. —Sembae jẽsaarõ ja. Ã ndese jẽingo. Co rese eico nde. Qui rese eico nde no, i que ñee ngũimba mii mii je ra. —Etesa tesa bei quia, i que eiquesa raarõsa je ra. ³⁵Manosete chõ nda tuchuacha ru. Jẽicuayãte equia ã. Itondaru ramo mose eru arondete. Itondii mose eru arondete. Nguira cheẽ mose eru arondete no. Eresaitõ ndabe mose eru arondete no. Nyebe jẽtesa tesa bei quiatu quia. ³⁶Jengue mose ra eruchī jembuate jẽ. ³⁷"Jẽtesa tesa bei quia" ae chỗ nguiã mbia ja je co. Jẽ mii je eã, i que Jesús ra.

Jesús nandeisi tarõ, i ja ererecua nyue

14 ¹Sacerdote rerecua que ñee ja nyue ra. Embesasa abe no.
—¿Mañi nande ra equia Jesús isi nonde re? Eiquia sacuã. ¿Mañi

nande ra embɨirɨ irɨ nde? i que equia ñee ñee nyue ra. Achite que fiesta de la pascua ñi tu ee cote ra. Dos días. ²—Fiesta mose eã nandeisi jẽ. Mbia ra paama ichɨ nande je jẽ, i que u ñee ñee nyue ra.

Cuña mo aba mbusimbusa turã ichuse Jesús aquí ndese

³Jesús que siqui Simón Leproso chuchúaa ra. Betania, i que hue je ra. Cuña mo ngue tu erea huee ra. Aba mbusimbusa mo ngue equeru ee ra. Sita ao ji ye que ereru ra. Embisẽ tuchi que equeru ra. Mbae isiquia mumbasa tuchi que ũquĩ nda. Eriru churui que esiquio eichusẽ nonde Jesús ãquĩ ndese equiaru mose ra. ⁴Mbia que chi ja mae erese ra. Paama i que cuña je ra. —¿Mbaerã eichusẽ ñooño nde? ⁵Mbae isiquia ribishorõ ño nda aba emondo re. Mbaecha reã je emee mee sacuã, i que ñee icuã icuã cuña je ra. ⁶Jesús que ñee cote ra. —¿Mbaerã jẽingo ñee ũquĩ nde? Sã cuña ae riqui ae. Ae esaã seje nae, eturãte seje ũquĩ. ⁶Mbaecha reã nguia ra chi arete íbii a. Jẽ mbae raãse mose ee, mbae jẽsaã turã mbei ee ae. Se quia nda aico bei eã nguiã jendese aa. ⁵Seati nonde chỗ ngue cuña aba mbusimbusa ichusẽ ja nguiã serese. ९Tacheẽ nyecua jẽje. Mbia Dios cheẽ turã nenei nenei mose mbia ja je, cuña nyisaã abe ra esenei senei mangue chooñoa jenda ja je. Mbia ndua turã ja sacuã echisaã abe rese, i que Jesús ñee mbia je ra.

Jesús tamee jēje, i Judas mbia icuā je

¹⁰ Judas Iscariote, i rei que Jesús chimbaaquiatu mo je ra. Aque que oso ñee sacerdote rerecua je ra. Jesús mee nonde ee. ¹¹ Sacerdote rerecua ia ja que ũquĩ andu ra. —Mbae isiquia uremee tuchi ndeje jẽ, i que ee ra. Nyebe Judas riqui nguiã ndua ndua. —Mbia eãsa quiatu Jesús tamee ee, i.

Jesús quiaru uchimbaaquiatu rese

¹²Fiesta que tu cote ra. Aque fiesta mose bei que mbia riqui oveja iquia iquia querabe ra. Mbichae mbuchimată iríă ngue eu eu quia aque mose querabe no nda. —¿Mangue ra oveja urembuchi mangue ndechiură nde? i que echimbaaquiatu ñee Jesús je ra. ¹³Ñee ngue uchimbaaquiatu nyeremo je ra. —Jēso sucha cuasu. Huee ra jemae emo i rerao rese. I ra equerao quia irasa mo ye. Aque rui jēso. ¹⁴Eique mose, aque tuchuacha je jeñee. "Jesús que urembu ñee sacuā ndeje ra. '¿Ma cuarto ra urecu quiaru oveja u que re? Sechimbaaquiatu rese', i que Jesús ñee ndeje ra", jenye tuchuacha je. ¹⁵Tuchuacha ra cuarto cuasu mee jēje. Mbia quesa ibatenda ra emee jēje. Embuquiche ji. Huee chō oveja jembuchi nandequiaru sacuā, i que Jesús ñee ee ra. ¹⁶Nyebe echimbaaquiatu nyoi nguiã sucha cuasu. Jesús cheẽ ndui si tuchi que mbae chi ja ee huee ra. Huee que oveja mbuchi huee cote ra.

¹⁷Itondaru ramo mose que Jesús ru uchimbaa quiatu ataque rese ra. ¹⁸Quiaru mose que Jesús ñee ee cote ra. —Tacheẽ nyecua jẽje. A jẽingo quiaru serese a nae, jemo nda semondo mbia icuã je, i que ñee uchimbaaquiatu je ra. ¹⁹Echimbaaquiatu ia eã tuchi que echeẽ mose ra. —¿Se ra aremondo ee re? i ja jate que ñee Jesús je ra. ²⁰Jesús que ñee ee ra. —Doce jẽingo quiaru serese a nae, jemo ño ñene. Ae chĩ quiaru serese aque plato ye sí a nae, aque chỗ ñene. ²¹Dios cheẽ ndui sí tuchi ra amano ndaque. Ae ra semee mbia icuã je, aque ra mbae rasi saã tuchi quia. Aba mbia eã tuchi ra aque. "Taĩ sembuchecua jirichĩ nguia curi", i chee ra aque, i que Jesús ra.

²² Quiaru que u ra. Jesús que mbichae sirõ nda. Gracias i que Dios je ra. Siquio que mbuchao chao ee cote ra. —Ã mbichae jẽu. Serete chỗ ã nde, i que Jesús ñee ee ra. ²³ Vino mbeisa que esirõ cote no nda. Gracias i que Dios je ra. Mondo que uchimbaaquiatu oo cote ra. Mbei mbei ja que cote ra. ²⁴ Jesús que ñee ee ra. —Seruqui chỗ ã nde. Mbia icuã mbutiã sacuã ño seruqui re. Dios cheẽ yasu rui si chỗ seruqui riqui nguiã mbia icuã mbutiã ã. ²⁵ Tacheẽ nyecua jēje. Vino mo nda ambei eã mbei cote. Paba mbia rerecua tuchi mose, aque mose ramo nguia nda ambei nguiã cote, i que Jesús ñee nda.

Jesús aicuayate rese, ichoino nda Pedro serii, i Jesús

26 Irasei rasei que cote ra. Nyoi que ibi ibate mo cote ra. Monte de los Olivos, i que hue ibi je ra. 27 Jesús que ñee uchimbaaquiatu je huee ra. — Jēireīte ra eriqui seriī. Jeñimboseī mboseī nda oso serecha. Sā embesa ji riqui ñee no: "Mbia ra oveja raarõsa iquia. Ovejas ra ñimboseī nyoi cote", sā embesa ji riqui i no. 28 Seraaque quera sire ra aso se rane jendaarõ Galilea, i que Jesús ee ra. 29 Pedro que ñee ee ra. —Seataque ra ireī ireīte raque ndesi. Se quia ra aireī ireiā mbei ndesi, i rei que Pedro ñee ee ra. 30 Jesús que ñee ee ra. —Tacheē nyecua ndeje. Nguira cheē nyeremo nonde ra erecheē ñooño tres veces seriī namo, Pedro. "Jesús aicuayāte resē", ere chooño ño nda seriī, i que Jesús ñee ee ra. 31 Pedro que ñee ee ra. —Mbia ra seiquia arõte raque nderiī, acheē ñooño eā nda se nderiī, i rei que Pedro ra. Eī ja que ñee nda.

Jesús ñee ngu je

³²Jesús que oso Getsemaní cote ra. Uchi mbaaquiatu rese. —Jengoi rã u aa. Tacheẽ na oso Paba je pe jiri se, i que Jesús ee ra. ³³Pe quiti jiri que Pedro rerao ra. Jacobo rese. Juan abe no. Eya eã ndasi tuchi que tu ee aque mose ra. ³⁴Ñee ngue ũquĩ je ra. —Seya eã ndasi tuchi aico co. Seya eã ndasi ra seiquia chee. Jenguchõ na jẽ aa. Jẽtesa tesa bei u aa, i que Jesús ñee ee ra. ³⁵Jesús que oso pe quiti jiri cote ra. Nyibi que u ngoi ngũíã ndese ñee Dios je ra. —Mbae rasi asaã sereãte, i rei que ñee Dios je ra. ³⁶—Paba, mbae eresaã ja arõte nde. Ũquĩ ndasi asaã sereãte raque quia co. Ae sebi riqui nae, ũquĩ ndese semingo eã. Ae ndebite riqui

nae, ũquĩ ndese quiatu semingo, i que Jesús ñee Dios je ra. ³⁷Nyebi que u uchimbaaquiatu je cote ra. I que eu uque ja ee cote ra. Ñee ngue Pedro je ra. —Simón, ¿ereque huĩ a re? Ereico areã ñochĩ tesa tesa s e ñee mose Dios je. ³⁸Jẽtesa tesa u. Jengue eã u ñee Dios je. Mbae icuã tã i eã sacuã jēje. Jẽingo serete raque serese. Mbae icuã nguiatu jembuti mbutite nguiã, i que Jesús ee ra. ³⁹Nyebi si que oso ñee Dios je ra. Hue rĩ si que ñee ee ra. ⁴⁰Nyebi que u uchimbaaquiatu je cote ra. I sí que u uque ee no nda. Eresa quiatu ngue eshiu shiute nguiã. —¿Mañi nda aba ñee nde? i ja tuchi que echimbaaquiatu ra. ⁴¹Osobe que ñee Dios je pe jiri cote ra. Tres veces que aque cote ra. Uba rei que u ñee uchimbaaquiatu je ra. —Jengue tuchi cote. Jenguenea jẽucua cote. Semondo ra mbia icuã je cote. Seiquia sacuã. ⁴²Jẽhuã cote. Nyao cote. Ae ra semee mbia icuã je, co eru quia semee sacuã co cote, i que Jesús uchimbaaquiatu je ra.

Mbia icuã Jesús isi suruchoi

⁴³ Jesús chee mosebe tuchi que Judas ru erea ra. Jesús chimbaaquiatu rei que ae ra. Aque rese que mbia cuaẽ tuchi quia ra. Tiquise abe que ecurucuae nguia ra. Ira jua abe no. Sacerdote rerecua cho uqui mbucuae nguia reae. Embesasa abe. Amei abe. 44 Judas ñee nyecuaya nguiatu quia ũquɨ je nyii reae. —Ae ritii ra asiite nae, aque cho ñene. Aque jeisi quiatu tuchi serao, i quia equia ee nyii reae. 45 Jesús riicha ngue esi saludar i ee cote ra. Jesús ritii que esiite ee cote ra. 46 Mbia que Jesús isi cuaẽ ecua cote ra. 47 Ũquɨ̃ mose que Jesús rimba mo uchuuru sirõ tiquise ra. Sacerdote rerecua rimba rese que tiquise uru ra. Eisa que echisia ra. ⁴⁸Jesús que ñee mbia ja je cote ra. —¿Mbaerã jenyu quia tiquise rurucuaẽ serea co re? Ira jua abe no. Mbae mbuquiachasa rea rocoĩ jenyuchi nguia serea co. 49 Tenda que amumba mumba beite rei quia jendese Dios chuchua resẽ. Mbia que ambaaquiatu quiatu bei rei quia huee rese. ¿Mbaera seisia nyucua aque mose re? Embesa ji ique sacua no iẽicuã icuã ndiqui nguiã seje ã, i que Jesús ñee ee ra. 50 Echimbaaquiatu que nyoi ja chee uchã Jesús recha ra. 51 Acuanindu mii mo ngue oso erui ra. Tiru mii ngue equereco nyiati ra. Mbia que acuanindu abe isi rei ra. ⁵²Huiirao que esecha oso uchã nda. Eirao eã tuchi que oso uchã nda.

Jesús mbia curuchoi mbia rerecua je

53 Mbia que Jesús curuchoi sacerdote rerecua je cote ra. Huee que sacerdote rerecua ja chi ñumunua nda. Embesasa abe. Amei ererecua ja abe no. 54 Pedro que embuchurucha rucha oso quia erui ra. Ngasẽ nyee que sacerdote rerecua itaicuee ra. Hue que ngoi sacerdote rimba mo ndese ra. Nyee que huĩ huee ra. 55 Sacerdote rerecua que chi ja huee ra. Amei mbia rerecua ja abe no. Mbia rerecua ja tuchi. —Jesús nandeiquia, i rei que ñee ñee nyue ra. —¿Mbae i ra aba mbia je Jesús riicharã nde? i rei que u

ñee ñee nyue ra. 56 Emo emo ngue ñee icuã icuã ndei Jesús rii nda. Uchee ngue etasa tasa tuchi cho nda. 57 Mbia mo abe que juã nee noono erii nda. 58—Jesús cheẽ ngue urechandu ra. Ñee icuãte que Dios chuchua rii nda. "Dios chuchua tambocoi mbia chiao. Tres días mose ra Dios chuchuarã asaã no. Mbia chiao eã nda ũquĩ cote", i que urechandu Jesús chee nda, i que ũquĩ ñee ñooño Jesús riĩ nda. 59 Ucheẽ ngue etasa tasa bei chỗ nda. 60 Sacerdote rerecua que juã ñee Jesús je ra. —¿Echee nda eresibishoro eã mbei re? ¿Mbae i equia nderii nde? i que nee Jesús je ra. 61 Jesús que nee eã mbei echee mose ra. Sacerdote rerecua que ñeembe ee ra. —¿Dios rucucha nde re? ¿Cristo nde re? i que ñee Jesús je ra. 62 Jesús que ñee ee ra. —Ae. Dios rucucha cho se re. Jemae nda serese s e coi mose Dios quiracua jii. Sechu mose abe ibeishī ndese, i que Jesús ee ra. 63-64 Sacerdote rerecua que paama i tuchi Jesús chee mose ra. Huiirao que endoro ndoro chee ra. Ñee ngue ererecua ataque je ra. —Jesús riqui Dios rucucha raã naa co. Jeñandu jate equia ã. Sã mbia mo nandembiirandube eã cote. Nandemae ndei ngue erese re. ¿I jeje re? ¿Mañi nande ra equia re? i que sacerdote rerecua ñee mbia rerecua ataque je ra. —Eicuã tuchi que ra je. Sã mbia eiquia, i jate que ererecua ñee Jesús rɨɨ nda. 65 Mbia que ñinimbu nimbu Jesús ruba rese cote ra. Eresa que echati mbae mo je ra. Ucua ucua tuchi que erese cote ra. —¿Aba ucua ucua u nderese a re? Eicua no, i que equia eresa ati ji je ra. Soldados abe que ucua ucua tuchi eresa rese ra.

Jesús aicuayate rese, ichoino Pedro

66 Pedro que chímbeite ngoi itaicuee ra. Nyucuaaque mo ngue tu huee sacerdote rerecua rimba ra. 67 Pedro que chí nyee tata jii ee huee ra. —Jesús resenda que nde abe ra, i que nyucuaaque ñee mae mose Pedro rese ra. 68—Tei. Ndecheẽ aicuayãte, ichõiño ngue Pedro ñee ee ra. Hue si que esi eiquesa quiti cote ra. Usẽ mose que nguira ñee cote ra. 69 Nyucuaaque que maembe erese ra. —Co abe que Jesús resenda ra, i que mbia ataque je ra. 70—Tei. Aicuayãte se, ichõiño ngue Pedro ee no nda. Ae chi huee nae, ũquí mo ngue ñee ee cote ra. —Jesús resenda chô nde abe resẽ. Galilea jenda chô nde resẽ, i que ñee Pedro je ra. 71 Pedro que jurar i tuchi ñee ee ra. —Aicuayã tuchite se resẽ, i que ñee ñooño si no nda. 72 Aque mose tuchi que nguira ñee sí cote ra. Pedro que ndua Jesús cheẽ ndese cote ra. Sã Jesús ñee ee nyii no. — Nguira cheẽ nyeremo nonde ra erecheẽ ñooño tres veces seriĩ, sã Jesús i ee nyii no. Ũquí ndese que Pedro ndua cote ra. Nyebe nyeseo tuchi nguiã cote.

Mbia Jesús curuchoi Pilato je

15 ¹Nyaashĩ namo mose que sacerdote rerecua ñumunua ja ra. Amei ererecua abe no. Embesasa abe no. Mbia rerecua jate que ñumunua nda. Jesús que echucua suruchoi Pilato je ra. Pilato rei mbia rerecua hue jenda ja. ²—¿Judíos rerecua chō nde re? i que Pilato ñee ee

ra. —Ae. Judios rerecua cho se re, i que Jesús ee ra. ³Sacerdote rerecua que ñee ñooño tuchi Jesús rii nda. Ñee icuã tuchi que erii nda. ⁴—Sã ñee icuã icuãte nderii jē. ¿Echee nda eresibishoro eã nde? i que Pilato ñee Jesús je ra. ⁵Jesús que ñee ãte echee mose ra. Nyebe Pilato nyuruira tuchi nguiã echee eã mose.

Jesús jēiquia mbucha ira rese, i ererecua

⁶Pilato que mbia tarõ ji mo mbusẽ mbei quia pascua mose ra. Co mii ngue embusẽ mbusẽ mbei quia pascua mose ra. Ae je mbia riqui ñee, "aque embuse mondo" i nae, aque cho ngue embuse mbei quia ee ra. ⁷Barrabás, i que etarõ ji mo je ra. Emo abe que chi huee erese ra. Mbia iquiasa que ũquĩ nda. 8Mbia que ñee ngaẽ Pilato je ra. —Mbia mii tarõ ji que erembuse mbeite quia, einyere si emo mbuse namo, i ja que mbia ñee Pilato je ra. 9—¿Judío rerecua ra ambuse mondo jeje Jesús re? i rei que Pilato ra. 10—Sacerdote rerecua riqui paama i chooñote Jesús je ã, i quiatu que Pilato ndua ndua uchiangui re ra. 11—Sã Pilato Barrabás mbuse mondo Jesús rendaque re, i tuchi que sacerdotes ñee ja mbia je ra. Nyebe que mbia "Barrabás embuse mondo" i chee Pilato je ra. 12—¿Mañi ae quia ra Jesucristo je re no? i que Pilato ñee ee ra. 13—Embucha ira rese, i ja que mbia ñee ee ra. 14—¿Mbae icuã esaã nde? i que Pilato ñee ee ra. —iEmbucha ira rese je! i bei bei que mbia ra. 15—Mbia tură jiri nda seje chã, i chee que Pilato ra. Nyebe Barrabás mbusẽ mondo nguiã. Jesús quiatu que eiruã nua cote ra. —Jembucha iquia ira rese, i que mbia je cote ra.

¹6 Soldados que Jesús cuasa curuchoi ererecua chuchúaa ra. Huee que soldados ataque abe ngaẽ ja Jesús mama no nda. ¹¹ Tiru ireĩ ngue emingue ee cote ra. —Ererecua chô nde re, ichôiño iquia iquia ee. Nyu ritimei uma ji que emii eãquí ndese corona nda. ¹² —Judío rerecua tuchi chô nde re, ichôiño ngue iquia iquia ee ra. ¹¹ Ira que euru uru eãquí ndese ra. Ñinimbu nimbu abe que erese no nda. Ngoi ngoi que ngũíã ndese erimba raã naa ee ra. ²¹ quia iquia tuchi que eu ee ra. Aquere que tiru ireĩ mbui esi cote ra. Eiraote que emingue ee cote ra. Curuchoi que embucha nonde ira rese cote ra.

Mbia Jesús mbucha ira rese

²¹H rei que emo u quia uco si ra. Simón, i que ee ra. Cirene jenda mo ngue ae ra. Alejandro ru que ra. Rufo ru abe no. Aque que soldados isi ira mbuchicuandasa ji rerao sacuã ee ra. Cruz, i equia ee. Nguerao que cote ra. ²²Ngasẽ ngue pee cote ra. Gólgota, i que hue je ra. Eresa cuare, i chỗ nguiã hue je. ²³Huee que vino mondo rei Jesús je ra. Mirra je emumbarai. Mbei eã ngue ra. ²⁴Soldados que Jesús mbucha ira rese ra. Aquere que sita ñetẽ mbaba mbaba o je cote ra. —Aba ra Jesús irao querao ñi ja, i

que nyue ra. ²⁵Tenda chui ite ramo mose que embucha ira rese ra. ²⁶Mbia que letrero mii Jesús aqui nguiti ibate ra. JESUS REI JUDIO RERECUA i que embesa mii nda. Ũquĩ nii ño eriqui nguiã eiquia hue. 27 Mbia nyeremo abe que embucha ira rese Jesús chabe ra. Jesús rereco chobei que emii ira rese ra. Mbae mbuquiachãsa tuchi que ũqui nda. ²⁸Embesa ji chee nguire que Jesús iquia mbia icua ndese cote ra. Sa embesa ji riqui ñee no: "Mbia icuã ndese ra eiquia, sã embesa ji i ñee nyii no. 29 Mbia que iquia iquia quia Jesús chee naa naa ecua mose ra. Ñee icua icua ee. —"Dios chuchua ra ambucoi. Tres días mose ra ambuchuruambe" ere que equia. ³⁰ Equiche u nde ae hue si no, i tuchi que mbia quia iquia iquia ee ecuã mose ra. 31 Sacerdote rerecua abe que iquia iquia cho nguia ee ra. Embesasa abe no. Ũquĩ ngue ñee icuã icuã ja quia eriĩ nda. —Mbia que embuquera quera rei nyii ra. Ae sí quera aroneate nguiã aque. 32 Judío rerecua mose ae, sã ae ae nguichi ira si. Cristo mose ae, sã ae ae nguichi no. Î nda uremae erese. Î nda ureicua cote, i ja que ererecua nee icua icua erii nda.

Jesús mano mose cote

33 Tenda nandeite re mose que itondaru tu ra. Itondaru bei que mbia ja je tres horas ra. 34 Tenda cheseco mose que Jesús ñeemombo cote ra. —Eloi, Eloi, ¿lama sabactani? i que ñee mombo ra. —Dios sererecua, ¿mbaerã ereico hui sesi re? i chō ngue ñee nguiã. 35 —Elías je eriqui "quiatuchu" i reae, i rei que echeẽ andusa mo nda. 36 Emo ngue esponja monde vinagre ye ra. Ira ai rese que embia ji mondo rei Jesús chúruu cote ra. —Esecha rei. Sã Elías ruãt e quia erea, i que emo ñee ee ra. 37 Jesús que tasẽ mano mbei cote ra. 38 Aque mosechi tuchi que cortina nyisia Dios chuchua jenda ra. Ibate si que eru nyisia íbii ra. 39 Soldado rerecua que chĩ Jesús nonde mae erese ra. Emano ndese que eñi mae nda. —Dios riirĩ ño eriqui re, i que cote ra.

⁴⁰Cuña ngue chi jate ma e Jesús rese isho ra. María Magdalena abe que chi huee ra. Salomé abe no. María abe no. María rei José si. Jacobo Ñetẽ si abe no. ⁴¹ Ũqui ngu e siqui bei quia Jesús rui ra. Echiurã ngue emii mii mbei quia ee ra. Galiléaa eico mose bei. Cuña tubiriāte abe que chi mae Jesús mbuchai rese huee ra. Ae nyoi Jesús rese Jerusalén, ũquĩ.

Mbia Jesús raaque chati cote

⁴²Tenda que oso cote ra. Sábado nonde. Aque mose bei que mbia riqui mbae mbuquiche ja sábado sacuã nda. ⁴³Aque eresaitõ mose que José si ñee Pilato je ra. Judío turã ngue ae ra. Arimatea jenda que ae ra. Judío rerecua que ae no nda. —Dios ra ererecua, i beite que equia eraarõ arõ nda. Aque que ireĩ ireĩ ãte oso ñee Pilato je ra. —Jesús raaque emee na seje, i que oso ñee ee ra. ⁴⁴—¿Mano jei tuchi ere? i tuchi que

Pilato uchiangui re ra. —Quiatuchu rã sembiirandu. ¿Jesús mano cote re? i que Pilato ñee soldado rerecua je ra. ⁴⁵—Mano ngue cote ra, i que soldado rerecua ñee ee ra. Nyebe Pilato eraaque mondonguiã José je cote. ⁴⁶ José que Jesús raaque mbuquichi cote ra. Tirushĩ turã mo ngue eisi ra. Eraaque que echuma aque je cote ra. Iti que echoi sita ribicoi ji imi ye ra. Nyati que sita cuasu mo je cote ra. ⁴⁷ María Magdalena ngu e mae mi eati rese ra. María rese. José si que ae ra.

Jesús raaque quera si

15 domingo mose, aque mose que cuña mo nyoi mae eatisa rese ra. María Magdalena. Salomé abe no. María abe no. Jacobo si rei ae. Úquĩ ja que aba mbushimbusa isi rei eichusẽ chusẽ sacuã Jesús raaque rese ra. Tenda nyui ramo mose que echoi eatísaa ra. —¿Aba ra sita curuba nande je eatiquia re? i rei que echoi quia ñee ñee nyue ra. 4I que sita rurubai u ee cote ra. Sita cuasute quiatu ngue re. 5Ique rei que echoi sita imi ye ra. Acuanindu mo ngue chĩ ngoi huee equiatocuti quiti ra. Huiraoshĩ oco tuchi que ecunui huee ra. Cuña ngue siquiche tuchi ra. Acuanindu que ñee ee ra. —¿Mbaerã jẽingo siquiche re? Jesús raaque jẽsequia raque quia ã. Emoate a resẽ. Eraaque que quera si no. Jemae eatisa rese ae. 7 Jēso asi rã echimbaaquiatu mbiirandu erese. Pedro abe jembiirandu. "Jenonde ra esi Galilea. Jemae nda erese huee. Sã ñee jēje nyii no", jenye embiirandu, i que acuanindu ee ra. 8 Cuña ngue siquichete echeẽ andu ra. Uchã ngue echoi eatisa si ra. Ñee eã tuchi que mbia mo je ra. Esiquichete quiatu ngue re.

Jesús nyecua María Magdalena je

⁹Jesús que quera si nyaashĩ namo mose domingo mose ra. María Magdalena nane je que nyecua ra. Aque si chỗ eriqui siete aba checuayã icuã jea nyii reaẽ. ¹⁰Ae que oso Jesús quiato mbiirandu ja cote ra. Ngasẽ mose ee que echi nyeseo jate eya eã ee ra. ¹¹—Jesús que quera si ra. Amae ngue erese ra, i rei que embiirandu ra. Quera aroneate que ũquĩ je ra.

Jesús nyecua uquiato nyeremo je

¹²Aquere que nyecua uquiato nyeremo je ra. Ishote que sucha tubiriã si ra. Emo na tuchi que ee ra. ¹³—Jesús que quera si nyecua ure je ra, i rei que echoi uataque mbiirandu ra. Quera aroneate que ee no nda.

Jesús uchimbaaquiatu mondo mbia mbiirandu

¹⁴Aquere que Jesús nyecua uchimbaaquiatu ja je no nda. Once je. Ũqui quiaru mose que nyecua ee ra. Ñee asi asi que ee ra. —¿Mbaerã jeñia ãtâte riqui re? ¿Mbaerã "nyia" jenye eã jembiirandu mose sequera rese re? i que ñee ee ra. ¹⁵—Jēso secheẽ nenei nenei mbia ja je. Mbia mangue chooñoa jenda ja je. ¹⁶Mbia mo nda seicua icua. Ũquĩ je bautizar jenye. Ũquĩ nda siqui bei cote. Ae ra seicuayã, ũquĩ nda mbae rasi saã mbei. ¹⁷Seicuasa ra mbia mae sayã saã saã tuchi. Aba checuayã icuã nda ejea jea mbia si seriĩ. Mbia cheemo nda esaã. ¹⁸Mbei ra eisi isi o je. Aba iquiasa mbei mose ra erasiã. O ra echono ñono erasi arõ embucherõ sacuã, i que Jesús uchimbaaquiatu mondo ra.

Jesús nyui oso ibate

¹⁹ Jesús ñee ja mose que Dios equerao ibate cote ra. Siqui bei sacuã Dios jii cote. ²⁰ Echimbaaquiatu que nyoi Dios chee nenei nenei mbia ja je ra. Mangue chooñoa jenda ja je. Dios que siqui tuchi quia erese ra. Mbia mae sayã tuchi que esaã saã nguia ra. Mbia Dios chee icua sacuã. Amén.

EL SANTO EVANGELIO SEGUN SAN LUCAS

Lucas uchee mbesa Teófilo je

1 Jesucristo que mbae saã saã tuchi quia huiico mose íbii ra. Mbia atate que echisaã mbesa mbesa rei ra. 2Mae ndei equia erese nyii. Dios cheë esenei senei mbei rei quia nyii. Jesucristo chisaã ndese que urembiirandu cote ra. 3Se abe que airandu tuchi cote ra. Ae esaã saã nguia nyii nae, aque mosenda bei rese que airandu cote ra. Se abe ũqui tambesa ja ndeje, Teófilo. Tasenei turã ja embuchiabiã ndeje. 4Ae rese ereirandu randu nae, ũqui ereicua tuchi sacuã ño aico nguiã embesa mbesa ndeje. Eĩ nda "ae bei" ere chỗ nguia Jesucristo chisaã saã je.

"Juan el Bautista ra nyecua u mbia je", i que ángel mo nda

⁵Zacarías, i que emo je ra. Sacerdote que ae ra. Herodes que siqui Judea mbia rerecuarã aque mose ra. Abías resenda rei Zacarías. Aarón ndiirĩ nducucha rei Zacarías. Eninisi abe rei Aarón ndiirĩ nducucha no. Elisabet, i que eninisi je ra. ⁶Zacarías turãte que eriqui Dios je ra. Ngũinisi rese. Ũquĩ ngue Dios cheẽ mumbayã mbei quia ra. Eicuãte, i aroneãte que mbia mo nguia eriĩ nda. ⁷Eriiriã mbei que eriqui ra. Tiiriã je rei Elisabet. Ari chee. Zacarías abe que ameite chee ra.

8-9 Sacerdotes que nyuuru uru beite quia querabe mbae raã naa Dios chuchúaa ra. Nyebe que Zacarías abe riqui mbae raã naa Dios chuchúaa emo mose ra. Zacarías que oso ique tuchi Dios chuchua ra. Mbae mo ndei sacuã embushimbu. 10 Zacarías que mbae shimbu sei cote ra. Mbia cuabe ngue chi ja taicuee ñee ñee Dios je ra. 11 Angel ibatenda mo ngue tu nyecua Zacarías je cote ra. Chĩ ngue juã mbae shimbu reisa ji ee ra. 12 Zacarías mae mose ángel rese, siquiche tuchi que ra. 13 Angel que ñee Zacarías je cote ra. —¿Mbaerã ereico siquiche re? Dios que ndecheẽ ñandu ra. Elisabet nda tiirĩ ndeje cote. Juan, ere nderiirĩ je nyaacuquia mose. 14 Ndeyate ra cote. Nderiirĩ nyaacuquia mose ra mbia ia tuchi cote.

¹⁵Nderiirĩ nda mbae turã saã saã tuchi quia Dios je. Mbaeri rasi mo nda embei eã tuchi. Espíritu Turã nda siqui tuchi erese. Esi rie ye ereco mose bei. ¹⁶Nderiirī nda mbia Israel jenda mbuchebi ja Dios je. Dios ra ũquĩ nderecuarã. 17 Nderiirí nda mbae mbuquiche ja Cristo tu nonde. Sã Dios Elías mbuquiracua no, ei si ra Dios uquiracua mee nderiiri je. Nderiiri nda mbia mbutură tură nyiese. Eru mbutură tură nguiiri ndese. Eriiri mbutură tură ngu rese no. Nderiiri nda aba chee mumbasa mbaaquiatu quiatu. Aba chee mumbaya sacua cote. Nderiiri nda mbia mbuquiche ja Cristo tu nonde, i que ibatenda ñee Zacarías je ra. 18 Zacarías que ñee ángel je ra. —¿Mañi nda ũqui nde? ¿Ndechee nda ique seje re? ¿Manyae ra eicua re? Ameite se. Seninisi abe arite, i que Zacarías ee ra. 19 Angel que ñee Zacarías je ra. —Se rei Gabriel. Dios rimba cho aico co. Dios quia semondo rei nguiã ñee turã sacuã ndeje. 20 "Nyia" ere eã ñoch i seche e je. Nyebe ra ndeisayã. Ndecheẽ ngũíã nda eno. Nderiirĩ nda nyaacuquia chee. Nderiiri nyaacuquia mose ra erechee nyecua cote. Sechee nda io ja ndeje cote, i que ángel Zacarías je ra. ²¹Mbia que chi bei taicuee huee ra. Zacarías raarõ arõ. —¿Mbaerã Zacarías riqui itõ tuchite Dios chuchúaa re? i que mbia ñee jate ra. 22 Zacarías que use nyee ra. Echee nguía. O que emumbate mbate cho nguia mbia je ra. —Zacarías mbae mo tea cuu Dios chuchua reae, i que mbia ñee ñee nyue ra. ²³Zacarías que umbae tarea saã ja Dios chuchúaa ra. Tenda nongue mose. Emo ngue tu euru cote ra. Zacarías que oso uchuchua cote ra.

²⁴Aquere qu Eya uchi que cote ra. Eninisi que useã mbei tuchua si cinco meses ra. ²⁵—Dios seriirina meeñi seje cote. Mbia ra iquia iquia eã seje cote, i que Elisabet ra.

"Dios riirī nda nyecua u mbia je", i que ángel mo nda

²⁶Nyasi nongue mose que Dios ibatenda mondo mbia mo je ra. Gabriel, i que aque ángel je ra. Aque que emondo sucha Nazaret ra. Galilea, i que aque ibi je ra. ²⁷—Eso rã ñee nyucuaaque María je, i que Dios ángel mondo ra. Emo ngue siquíã tuchi María rese ra. Eruã mbei. José ninisibi rei María. José siquíã ndaque erese. David riirĩ nducucha rei José. ²⁸Angel que ique María ch María chuchua cote ra. —Acheẽ ngue u ndeje ra. Dios turã tuchi riqui ndeje co. Ndua bei nderese. Dios ia tuchite nderese acuani mo si, i que ángel María je ra. ²⁹María mae mose ibatenda rese que ñee uchiangui re ra. —¿Mbaerã eru quia serea co re? ¿Mbaerã eru quia ñee seje co re? i que María uchiangui re ra. ³⁰Angel que ñeembe ee ra. —María, siquichechĩ nda sesi re. Dios turã tuchi riqui ndeje co. ³¹Dios cheẽ turã ngue asenei u ndeje ra. Nanimbae ra nde cote. Nderiirina nda eretea cote. Jesús, ere nderiirĩ je. ³²Nderiirĩ quirãcuã tuchi rae. Dios quirãcuã ndiirĩ nda erereco. Mbia rerecua tuchi ra ae. Sã David riqui mbia rerecua nyii no, eĩ nda nderiirĩ mbia rerecua tuchi cote.

³³Nderiirī nda judíos rerecua bei cote. Ua eã mbei rae, i que ángel ñee María je ra.

³⁴María que ñee ángel je ra. —¿Mañi nda serío re? Seru eãte nyeresẽ, i que María ee ra. ³⁵Angel que ñee María je ra. —Espíritu Turã ae ra Dios riirĩ mondo nderie ye. Espíritu Turã nda ndereaquiatu bei quia. Dios quirãcuã nda siqui bei nderese. Nyebe ra Dios mbaerã tuchi nderiirĩ. Dios rucucha, i ra nderiirĩ je. ³⁶Ndesi nongue ndiirĩ abe ra tiirĩ cote. Elisabet, i equia ee nae, aque abe ra tiirĩ. Arite raque. Erie cuasu cote. Tiirĩ mbae, i mbia quia ee nyii nae, aque ra tiirĩ cote. ³७ Dios quiarei mbae ao ja, i que ángel ñee María je ra. ³⁶María que ñee ee ra. —Dios rimba chō aico nguiã co. Sã ndecheẽ ique quia seje, i que María ra. Angel que oso erecha cote ra.

María oso Elisabet ndea

³⁹María que oso Elisabet ndea cote ra. Ñeenda ishote que ee ra. Sita ibate bate rī ngue esi quia ra. Judea, i hue ibi je. ⁴⁰María que ngasẽ Elisabet ndu chuchúaa ra. Zacarías, i equia eru je. Ique que ñee Elisabet je ra. ⁴¹Elisabet María cheẽ andu mose, erie yenda que umi nda. Espíritu Turã ngue ique tuchi Elisabet chiangui re cote ra. ⁴²Elisabet que ñee nyecua tuchi María je ra. —Nde rese chō Dios ia tuchi acuani mo si re. Dios ia tuchi nderie yenda rese abe no. ⁴³¿Mbaerã Cristo si ru serea se re? Mbia rerecua eã ño se resẽ. ⁴⁴Se ndecheẽ andu mose que serie yenda ia tuchi umi nda. ⁴⁵Dios cheẽ ngue ereisi turã nda. Nyebe Dios iate riqui nderese co. Nyebe ra Dios cheẽ ique tuchi ndeje cote, i que Elisabet ñee María je ra. ⁴⁶María que ñee cote ra.

Achee tură mbei quia Dios rii co.

⁴⁷ Seya bei riqui Dios rese co.

Ae que serirõ mbae icuã si ra.

⁴⁸ Dios que nduate quia serese ra.

Seaquiatuã ndaque.

Nyebe ra mbia ia jate serese cote. ⁴⁹Dios quiracua ngue mbae tura saa tuchi seje ra.

Ae mɨi ño eturã tuchɨ emo sɨ re.

50 Ae ndua tură nguia Dios rese nae, ũquĩ ndese cho Dios ia eã tuchi riqui nguiã.

Eĩ mbei chỗ Dios nguiã mbia je co.

⁵¹ Dios quirãcuã ngue mbae saã ja ra.

Ucuasu raã naasa chõ Dios mbosei nguiã.

52 Siqui mingue je chô Dios mɨi mɨi nguiã mbia rerecuarã. Ae ererecua uaquiatu saã saã nguia nae, ũquɨ no Dios sirô nguiã. Ererecua eã no ũquɨ cote re.

53 Dios que mbae mee mee nguia mbaecha reã je ra.

Mbaecha quia emboochi nguiã.

54 Dios que siqui tuchi judíos rese ra.

Tesareiã mbei esi.

Eyayã mbei erese no. ⁵⁵Sã Dios ñee Abraham je no, ũquĩ ngue embuchebiã mbei ra.

Ae ucheë mondo judíos jaje nae, ũquĩ ngue embuchebiã mbei no nda,

i que María ñee turã Dios rii nda. 56 María que siqui arete Elisabet rese ra. Tres meses. Aquere que eru nyebi uchuchúaa cote ra.

Juan el Bautista nyaacuquia

⁵⁷ Elisabet rasi rasite que cote ra. Nyaa cuquia que cote ra. ⁵⁸ Mbia que nyoi ja Elisabet ndea cote ra. Ejii jenda. Eresenda ja. —Dios turã tuchi riqui ndeje co. Ãquẽ mondo ndeje, i ja que ee ra. Eya ja tuchi que erese ra. ⁵⁹Ocho días mose que circuncisión naa eriirí je ra. Zacarías, i nda mbia eriirī je chā nde. Eru rā si. 60 Esi quia que ñee nda. —Tei. Juan nande cho ee, i que esi ra. 61 Mbia que ñee esi je ra. —¿Mbaerã nda "Juan" ere nderiirî je re? Juan mo eã nderesenda mo aa resẽ, i rei que mbia esi je ra. 62 Mbia que o mbaaba aba Zacarías je ra. —¿Mañi nda nderiiri je re? i ee. 63 Zacarías que ñomee mbia je ra. Nyebe mbia embesa sacuã mee nguiã ee. —Juan, i cho seriiri je, i que Zacarías embesa ra. Mbia que nyuruira ja u mae erese ra. 64 Aque ruibe que Zacarías ñee aquiatu cote ra. Ñee turã tuchi que equia Dios rii cote ra. 65 Zacarías chee andure que mbia nyuruira jate ndua ndua hue jenda ra. Nyebe mbia ñimbiirandu ja nguiã sita ibate bate jenda. Judea, i que hue ibi je ra. 66 Ae jirandu quia erese, ũquĩ ngue ndua tuchi quia erese ra. —Mañi nda Zacarías riirī nguia reae. Nandemae nguia erese no, i que mbia quia ndua ndua ra. Dios que siqui tuchi Zacarías ndiirí ndese ra.

Zacarías ia tuchi ñee Dios je

⁶⁷Espíritu Turã ngue siqui tuchi Zacarías rese ra. Nyebe Zacarías Dios cheẽ nenei nguiã.

68 Sã mbia ñee turã Dios rii judíos rerecua rii.

Uturã ngue eteacuquia nande je ra.

Nanderirõ ngue mbae icuã si ra.

69 Nanderirõ sacuã nandeicuã si que Dios mondo nande je ra. David riirĩ nducucha que nanderirõ sacuã nda.

⁷⁰ Sã Dios ñee cose no.

"Mbia rirõ sacuã nda ambu íbii", i cose no.

Uchee nenei neneisa que embuchecua mbia je cote ra.

⁷¹ "Jẽucuãyãsa sɨ ra jendirõsa jendeaquiatu beɨ", ɨ que Dios nande je ra. ⁷²⁻⁷³ Dios turãte que eriqui nandei ñiinda je ra.

Abraham je abe que eturãte riqui ra.

Ae Dios ñee Abraham je nyii nae, echeẽ ngue io cote ra.

⁷⁴ Dios que ñee Abraham je nanderi nyii ra.

"Taendeaquiatu jẽucuãyãsa sɨ, jẽsiquicheã sacuã ico mose serese", i que Dios nanderiĩ cose ra.

⁷⁵ Nyebe ra nandeico turã mbei Dios je.

Ae ra nandemingo bei icúe umbaerã.

76 Nde ra Ibatenda cheë esenei senei nguia mbia je, Ãquẽ. Dios riirĩ ndetã nda Dios cheë eresenei senei nguia mbia je, Ãquẽ. Mbia icoquiatu sacuã Dios riirĩ je. 77 Eĩ mose ra Dios mbia rirõ eicuã si.

Eĩ mose ra Dios mbia icuã mbutiã esi.

⁷⁸ Dios turãte quia eriqui nguiã nande je.

Eriirī nda tu ibate si mbae mbuchecua nande je.

⁷⁹ Nandeaquiatuã mbaaquiatu sacuã ño eru nguiã aque.

Nandemingo sacuã nyaashī naanguia chō eru nguiā aque, i que Zacarías ñee ãquē je ra. 80 Ãquē ngue tiarō i i oso quia cote ra. Dios rese que eriqui i i cote ra. Siqui bei que equia turúquiaa ra. Dios cheē ngue esenei senei nyee mbia je cote ra.

Jesús nyaacuquia

2 ¹Aque mose que ererecua ñee nda. Augusto, i que ee ra. --Censo nandesaã na mbia ja je, i que ra. Mbia mbae nombre mbesa mbesa ja mose, "censo" i que ũquĩ je ra. ²Censo raã namo mose rei ũquĩ. Cirenio ngue Siria jenda rerecua aque mose ra. ³--Jenyusua sua jẽso ja pueblo. Nombre mbesa mbesa ja sacuã jembae, i que ererecua mbia ja je ra. ⁴Nyebe José choi nguiã Judea. Belén, i que sucha je ra. Belén ño David chusua re. José i chỗ David re. Nyebe José choi nguiã Belén. Umbae ibi recha. Nazaret recha. Galilea abe recha no. ⁵ José que nyoi Belén umbae nombre mii sacuã nda. María rese. María que eninisibi ra. María riote que ra. ⁶ Siqui mose Belén ngue ãquẽ ndasi rasite María je ra. ⁷ Aque ramo ngue María nguiirĩ mbua ra. Ñuma ngue tiru je ra. Ticuasu quiarusa ye que eno nda. Mbia chuchua quiatu que eitãyãte ee ra.

Oveja raarõsa ngae mae Jesús itaquei ndese

⁸Hue jii que oveja raarõsa mo nyi isa ra. Ovejas que esaarõ arõ nguia turuquia rī nda. ⁹Angel ibatenda mo ngue tu embua tuchi ra. Dios nininya tuchi que tu overja raarõsa resae ra. Nyebe siquiche tuchi nguiã esi. ¹⁰Angel que ñee ee ra. --ċMbaerã jēsiquichete riqui re? Mbae turã nii ño achu nguiã ñee jēje co. Ae ra asenei jēje, mbia mbia sacuã tuchi chố ũquĩ nde. ¹¹Dios riirĩ ngue nyaacuquia namo Belén nda. Cristo, i equia ee. Mbia rirõsa mbae icuã si chỗ ae re. ¹²Aque echi ticuasu quiarusa ye

aque. Ema ji tiru je. Jemae nda erese huee. Jemae mose sechienei ndese, "Cristo chõ eriqui re", jenye ra cote, i que ángel ñee oveja raarõsa je ra. ¹³ Angeles tubiriāte que nyecua oveja raarõsa je cote ra. Angel ñiinda ndese. Ñee turã ja que Dios rii nda. ¹⁴ Sã mbia ñee turã ja Dios ibatenda rii.

Sã Dios uquiato mbia ja ibi jenda, i que ángeles ñee nyecha ee ra.

15 Angeles que nyoibe ibate cote ra. Oveja raarõsa que ñee ñee nyue cote ra. --Nyaso rã Belén. Ae Dios senei senei nguia nande je nae, nyaso rã mae erese. Ae nyaacuquia namo nae, nyaso rã mae erese, i que oveja raarõsa ñee nyue ra. 16 Nyoi asi tuchi que mae erese ra. Ngasẽ ngue María je ra. José abe je. Ãquẽ abe je. I que ãquẽ u ticuasu quiarusa ye ee ra. 17 Oveja raarõsa que mbia mbiirandu ja erese ra. Ae ángel senei senei nguia ee María riirĩ nii, ũquĩ ngue oveja raarõsa senei senei tuchi mbia je cote ra.

18 Eandusa que nyuruira ja tuchi eandu ra. 19 María que ndua ndua tuchi quia ũquĩ ja rese uchiangui re ra. 20 Oveja raarõsa ia tuchi que nyoi nyebi ovejas je ra. Ñee turã turã tuchi que echoi quia Dios riĩ nda. --Angel que ñee nande je, echeẽ ndui si tuchi chõchĩ mbae eĩ ja, i que ñee ñee nyue ra.

Jesús ruruchoi Dios chuchúaa

²¹Ocho días mose que circuncisión naa ãque je cote ra. Jesús, i que ăque je cote ra. Angel chee ndui si tuchi cho "Jesús" ichi aque je. Ae ángel ñee María je erio nonde nae, echee ndui si tuchi cho "Jesús" ichi María riirī je. ²² Aquere que María ñimbitirõ Moisés chee ndui si cote ra. Aquere que aque nduruchoi Jerusalén cote ra. Aque mee sacua Dios je. ²³Embesa ji cheẽ nduɨ sɨ que ãquẽ mee Dios je ra. --Ae eriirĩ i erãcuẽ nae, ũquɨ jemondo tuchɨ Dios je, i quiatu ngue embesa ji rese re. 24 Jerusalén José riqui mose que sacrificio mee Dios je ra. Embesa ji chee ndui si. Sã embesa ji riqui ñee no: --Nyurusi nyeremo jemee Dios je. Ũqui ea mose, nyurusi ñetế jemee ee no ae, i que embesa ji cheế nda. ²⁵ Amei mo ngue siqui hue Jerusalén nda. Simeón, i que ee ra. Ae que eturã tuchi ra. Ñee mbei que equia Dios je ra. Ae que Dios riirī saaro aro tuchi quia ra. Judíos mbui sacuã mbae icuã si. Espíritu Turã abe que siqui Simeón ndese ra. ²⁶Espíritu Turã nguia ñee ndei Simeón je nyii. --Eremae nda Dios riirĩ ndese. Ndemano nonde ra eretea. Dios ra embu íbii, i que Espíritu Turã ñee Simeón je nyii ra. ²⁷ Espíritu Turã ngue Simeón querao Dios chuchúaa ra. Embesa ji chee ndui si que José aque nduruchoi Dios chuchúaa aque mose si ra. María reses. ²⁸ Simeón ngue ãquẽ sui ra. Eya tuchi que erese ra. --iCo chỗ jẽ! i que Simeón ñee turã Dios je ra.

²⁹ Dios, ndeche

ñe ngue io seje cote ra. Seyate aico co cote Sererao se cote.

- 30 Nderiirĩ ndese que amae cote ra.
- 31 Ae erembu mbia rirõ sacuã mbae icuã si nae, aque rese aico mae co cote.
- 32 Mbia resae sacuã tuchi chỗ nderiirĩ ndiqui re.

Judíos eã abe ra etesae tuchi.

Judíos abe je ra eturã tuchi no,

i que Simeón ñee Dios je ra. 33 Simeón ñee mose María riirĩ nii, José que nyuruira tuchi echee andu ra. María rese. 34 Simeón ngue ñee tura María je ra. --Nderiirī nda judíos tubiriā mingo turā. Ae siqui sereāte quia erese, ũquĩ nguia ra emingo icuã. Mbia ra ñee icuã icuã nguia nderiirĩ turã je. Eicuă je rocoi. 35 Ae ndua turăte quia nderiiri nii nae, uqui ndua ndua tură nda nyecua mbia je cote. Ae ndua ndua icuă nguia, ũguĩ ndua ndua abe ra nyecua mbia je cote no. Mbia icua nda nemundite nderiiri ndese, i que Simeón María je ra. ³⁶Huee que arite mo ndiqui ra. Dios chee nenei neneisa que ae ra. Ana, i equia ee. Fanuel, i que eru eiruã siasa je ra. Aser, i que ei ñiinda je ra. Ana yasu mose que ngurã ndea nyii ra. Siete años que eriqui ngu rese nyii ra. ³⁷Eru eã ngue cote ra. Eru cheecha que siqui beite ra. Ochenta y cuatro años. Dios chuchúaa que eriqui beite ra. Ñee ñee mbei Dios je. Quiaru rocoi. Isa abe. 38 Ana ngue mae ãque Jesús rese Dios chuchua cote ra. --iCo cho jel i tuchi que Dios je ra. Nee tura tuchi que aque nii mbia jaje cote ra. Ae Dios riiri saaro aro nguia nae, ũquĩ jaje que Ana ñee turã turã aque nii nda.

José nyebi Jesús rerao Nazaret

³⁹ José que mbae saã ja embesa ji cheẽ nguire ra. Aquere que echoɨ nyebi Galiléaa ra. Nazaret, ɨ equia echuchua je. ⁴⁰ María riirĩ ngue tiarõ cote ra. Ñɨmbaaquiatu quiatu que equia cote ra. Ñɨmbirācuã nacuãte que equia cote ra. Dios turã ngue siqui tuchɨ quia erese ra.

Jesús ñimbaaquiatu quiatu Dios chuchúaa

⁴¹ Aque tenda bei que José riqui nyoi choi Jerusalén nda. Fiesta de la pascua mose bei. María rese. ⁴² Jesús tiaro namo mose, doce años mose que echoi si fiesta de la pascua mose no nda. Jerusalén. ⁴³ Fiesta ua mose que ecuae ndei quia nyebi ra. Jesús que siquicho Jerusalén nda. Jesús abe oso rei nguiã usi je. Ngu abe je. ⁴⁴ Jerusalén ño eriquicho neae. Mbia ataque rese eru rei nguiã esi je. Mbia que ngae ngae bei quia tenda mumba chee ra. --Ma Jesús ñi, i rei que nguesenda je ra. ⁴⁵ Tea eã mbei que ra. Erea eã mose que eru si chee nyebi Jerusalén nda. María rese. Erequia sacuã huee cote. ⁴⁶ Tres días mose que erea huee cote ra. Dios chuchúaa que eriqui ee ra. Ñimbaaquiatu quiatu. Mbia mbaaquiatusa chee andu andu que Jesús riqui ngoi huee ra. --¿Mañi equia re? Tachandu tuchi rã, i i que equia ee ra. ⁴⁷ Jesús chee aracua tuchi que eriqui mbia

je ra. Nyebe mbia nyuruira nguiã echeẽ aracua andu. ⁴⁸Eru erea mose huee, ae abe que nyuruira ra. Esi abe nyuruira no. Esi que ñee ee ra. --¿Mbaerã eresoã urerese re, Echo? Ureya eã tuchi que eriqui nderequia asi asi ra, i que María nguiirĩ je ra. ⁴⁹Jesús que ñee ee ra. --¿Mbaerã serequia mámbii re? Paba chuchua chỗ ngue aico resẽ, i que Jesús usi je ra. ⁵⁰María que Jesús cheẽ icuayãte ra. José abe echeẽ icuayã no. ⁵¹Jesús que oso uchuchua erese cote ra. Nazaret, i equia sucha je. Usi cheẽ ngue emumbayã mbei quia ra. Ngu cheẽ ngue emumbayã mbei quia no nda. Esi que ndua ndua bei quia ũquĩ Jesús chisaã ndese ra. ⁵²Jesús rete que siri siri oso quia cote ra. Ñimbaaracua racua que equia no nda. Dios iate que eriqui erese ra. Mbia abe iate que eriqui erese no nda.

Juan Dios chee senei senei mbia je

3 1,2 Aquere que Dios ñee Juan je ra. Zacarías riirĩ je. Tiberio siqui bei mose mbia ja rerecuarã. Quince años ereco mose mbia rerecuarã. Poncio Pilato que Judea jenda rerecua aque mose ra. Herodes que Galilea jenda rerecua ra. Felipe que Herodes nongue ra. Felipe que Iturea jenda rerecua ra. Traconite jenda rerecua abe que Felipe no nda. Lisanias que Abilinia jenda rerecua ra. Anás que sacerdote rerecua ra. Caifás abe que sacerdote rerecua ra. Úqui ererecua sique mose que Dios ñee Juan je turuquia re ra. Nyebe que Juan Dios chee senei senei nguia mbia je ra. Ama Jordán ndurubinda jaje. Ei ño ngue Juan nguia ñee mbia je ra. -Jēhui chō jēicuā si. Dios jēicuā mbutiā sacuā. Úqui mose nda bautizar ae jēje chā, i que Juan nguia ñee mbia ja je ra. 4Isaías chimbesa io sacuā ño ngue Juan Dios chee nenei nenei nguiā. Isaías chimbesa chō a nde:

Emo nda ñeemombo mombo quia mbia je turúquiaa.

"Ñeenda nandererecua mbaerã jembuquiche.

Jēingo quiatu nandererecua tu nonde.

⁵ Ñeenda jembuturã turã nandererecua mbaerã.

Ibi cuaacua jembato mbato.

Ibi ati ati jẽsimiambo ambo.

Ñeenda chaa jeñeengo.

Ibi rashī ndashī jēiti iti.

6 'Mbia mingo beisa', i ja ra mbia ñee Dios je cote", i ra emo nguia turúquiaa,

i que Isaías embesa cose ra. 7 Mbia que nyoi nyoi ja quia Juan ndea ra. Juan bautizar i sacuã ee. Juan ngue ñee ee ra. --Mbei rã ño jẽingo nguiã. Mbae icuã nda jeĩ jeĩ mbia je, ¿ũquĩ si jenyu quia seje co re? 8 Jẽ mbae icuã ndecha mose Dios je, mbae turã jẽsaã saã mbei quia ee cote. "Abraham ndiirĩ nducucha chỗ nande re. Nyebe ra Dios nandemingo bei" ijenyechĩ nda jẽ! Dios Abraham ndiirĩ nducucha chao arondete raque sita je. 9 Ira rã si chỗ mbia re. Sã ira mo ia eã no. Sã ea eã maña ño no. Sã

eréi chỗ no. Eĩ serĩ serĩ no Dios mbia je, mbia mbae turã naa eã mose, i que Juan ñee mbia je ra. 10--¿Mbae rese ra ureico Dios je re? i que mbia Juan je ra. 11 Juan ngue ñee ee ra. --Ndeirao nyeremo mose, enongue emondo eirao eã je. Ndechiurã mose, emo emondo mbaecha reã je, i que Juan mbia mbaaquiatu quiatu ra. 12 Impuestos isi isiquia mo abe que nyoi Juan je ra. Juan bautizar i sacuã ee. --¿Mbae rese ra ureico ure re? i que ñee Juan je ra. 13--iMbae ra jembatachi je! iCobrar jenye tura ño je! Jēicua quiatu chō, i que Juan ee ra. 14 Soldados mo abe que ñee Juan je ra. --¿Mbae rese ra ureico ure re no? i que soldados ñee Juan je ra. Juan ngue ñee ee ra. --iMbia mbae ra jeisi chooñochi je! "Co que mbae icua saã nda" ijenye chooñochi nda emo je je! Jembae ae cho jendeco, i que Juan ñee soldados je ra. ¹⁵Mbia que mae quiatu quiatu quia Juan ndese ra. --Cristo cho co reae, i raque mae quiatu quiatu erese. 16 Juan ngue ñee mbia jaje ra. --I acho je cho aico nguiã bautizar i mbia je co. Co chi emo ndu quia serui co. Ae quia equiracua tuchi sesi re. Ae quia etura tuchi sesi re. Ae quia ra bautizar i mbia je Espíritu Turã je. Mbia chiã mbitirõ sacuã. Sã tata riqui mbae mbitirõ no. 17 Ae ra mbia umbae mii icúe. Eturã acho no embae re. Ae embae ea nae, ũqui nda esei cote. Ũqui ndeisa ra ua eã mbei tata. Sã mbia quiata a chiqui chiqui no. Sã ea mii icúe no. Sã echuruique mombo tátaa no, i que Juan ñee mbia je ra. 18 Eĩ ngue Juan nguia Dios chee tură nenei nenei mbia je ra. Mbia mbaaquiatu tuchi. ¹⁹Ererecua Herodes je que Juan ñee nyee ra. Felipe ninisi rese siqui mose. --¿Mbaerã ereico ndenongue ninisi rese re? i que Juan ererecua je ra. --Mbae icuã eresaã saã ja techi nguia re, i tuchi que Juan ee ra. ²⁰Ererecua que Juan ñee mumba bei cho nda. Ererecua que Juan taro nyee cárcel nda.

Juan bautizar i Jesús je

²¹ Juan bautizar i mose mbia jaje, Jesús je abe que bautizar i ra. Jesús que ñee ñee nguia ngu je ra. Ibei que obo ee ra. ²² Espíritu Turã ngue nguichi Jesús rese ra. Nyurusi rã ño nguichi checua erese. Ibatenda que ñee ee ra. --Seriirĩ ño nde re. Sechesecua chō nde re. Seyate nderese, i que Ibatenda Jesús je ra.

Mbia ñiinda Jesús i

²³ Jesús treinta años mose que mbia mbaaquiatu quiatu ramo nda. --José riirĩ, i ja que mbia Jesús je ra. Elí riirĩ nguia José re. ²⁴ Elí rei Matat ndiirĩ. Matat ndei Leví riirĩ. Leví rei Melqui riirĩ. Melqui rei Jana ndiirĩ. Jana ndei José riirĩ. ²⁵ José rei Matatías riirĩ. Matatías rei Amós ndiirĩ. Amós ndei Nahum ndiirĩ. Nahum ndei Esli riirĩ. Esli rei Nagai riirĩ. ²⁶ Nagai rei Maat ndiirĩ. Maat ndei Matatías riirĩ. Matatías rei Semei ndiirĩ. Semei ndei José riirĩ. José rei Judá riirĩ. ²⁷ Judá rei Joana ndiirĩ.

Joana ndei Resa riirī. Resa rei Zorobabel riirī. Zorobabel rei Salatiel riirī. Salatiel rei Neri riirī. ²⁸Neri rei Melqui riirī. Melqui rei Adi riirī. Adi rei Cosam ndiirĩ. Cosam ndei Elmodam ndiirĩ. Elmodam ndei Er riirĩ. ²⁹Er rei Josué riiri. Josué rei Eliezer riiri. Eliezer rei Jorim ndiiri. Jorim ndei Matat riirĩ, ³⁰Matat rei Leví riirĩ, Leví rei Simeón ndiirĩ, Simeón ndei Judá riirĩ. Judá rei José riirĩ. José rei Jonán ndiirĩ. Jonán ndei Eliaquim ndiirī. ³¹ Eliaquim ndei Melea riirī. Melea rei Mainán ndiirī. Mainán ndei Matata riirī, Matata rei Natán ndiirī, 32 Natán ndei David riirī, David rei Isaí riirĩ. Isaí rei Obed riirĩ. Obed rei Booz riirĩ. Booz rei Salmón ndiirĩ. Salmón ndei Naasón ndiirĩ. 33 Naasón ndei Aminadab riirĩ. Aminadab rei Aram ndiirī. Aram ndei Esrom ndiirī. Esrom ndei Fares riirī. Fares rei Judá riirī. 34 Judá rei Jacob riirī. Jacob rei Isaac riirī. Isaac rei Abraham ndiirĩ. Abraham ndei Taré riirĩ. Taré rei Nacor riirĩ. 35 Nacor rei Serug riirī. Serug rei Ragau riirī. Ragau rei Peleg riirī. Peleg rei Heber riirī. Heber rei Sala riirī. 36 Sala rei Cainán ndiirī. Cainán ndei Arfaxad riirī. Arfaxad rei Sem ndiirī. Sem ndei Noé riirī. Noé rei Lamec ndiirī. 37 Lamec ndei Matusalén ndiirĩ. Matusalén ndei Enoc ndiirĩ. Enoc ndei Jared riirĩ. Jared rei Mahalaleel riirĩ. Mahalaleel rei Cainán ndiirĩ. 38 Cainán ndei Enós ndiirí. Enós ndei Set riirí. Set rei Adán ndiirí. Adán ndei Dios riirí.

Satanás tã i Jesús je

¹Jesús que nyebi Ama Jordán si ra. Espíritu Turã ngue siqui tuchi quia erese ra. Turúquiaa que Espíritu Turã Jesús rerao ra. ²Huee que eriqui arete ra. Cuarenta días. Mbae mo ngue eu eã mbei aque mose ra. Eriãcuate que cote ra. —Tã tae rã Jesús je. Ma Jesús mbae icua naa, i rei que diablo Jesús rii nda. 3—Nde Dios riiri mose, mbichae esaã co sita je no, i rei que diablo Jesús je ra. 4 Jesús que ñee ee ra. —Tei. Eĩ ngue embesa ji ñee nda: "Mbia chiu acho nda mbia mingo ea. Dios chee nguia ra mbia mingo nguiã", i que embesa ji ra, i que Jesús diablo je ra. ⁵Aquere que diablo Jesús rerao ibi ibate mo nda. Ibate tuchi. Diablo que ibi teacuquia ja Jesús je ra. Ishonda abe reacuquia ja ee. Aque mose bei que ereacuquia ja ee ra. 6-7 Diablo que ñee Jesús je ra. —Sembae ja chõ ibi re. Se emondose mose emo je, amondo ra ee. Tamondo tuchi ndeje. Mbia ja rerecuarã nda aremii. Ndeico mose serese, tamondo ja ndeje. Serimbarã mose nde, tamondo ja ndeje no, i rei que diablo ñee Jesús je ra. 8 Jesús que ñee diablo je ra. —Quiatúae sesi ae, Satanás. ¿Mañi nda nderimba se re? "Dios ae rese cho jeingo", i que embesa ji nee ndese, i que Jesús diablo je ra. 9 Aquere que diablo Jesús rerao Jerusalén nda. Ouerao que suruchui ibate Dios chuchua aro nda. Ibate tuchi echuchua. —Nde Dios riirí mose, eo oso íbii. Dios ra ndereaquiatu. Eremanoã nda oso ngoi. 10 Sã embesa ji riqui ñee no:

Dios ra ángeles mondo ndereaquiatu sacuã.

¹¹ Oje ra ndeisi.

Nembuquichi mingue rae.

Sita ra cua iã ndei je,

i que embesa ji ra, i rei que diablo Jesús je ra. ¹²Jesús que ñee diablo je ra. —Sã embesa ji ñee no: "Ma Dios sereaquiatu. Tã tae ee no', jenyechĩ nda Dios je", i ñi Dios cheẽ nde, i que Jesús ñee diablo je ra. ¹³Diablo Jesús mbiicuã aronea mose, secha chee que oso ra. —Emo mose jiri ra tã aebe ndeje jẽ, i rei que uchiangui re ra.

Jesús mbia mbaaquiatu quiatu ramo

¹⁴Jesús que oso nyebi Galiléaa cote ra. Espíritu Turã quirãcuã ngue siqui tuchi quia erese ra. Mbia hue jenda ja que jirandu ja tuchi quia erese ra. ¹⁵Judíos chumunuásaa que Jesús riqui mbia mbaaquiatu quiatu ra. Mbia que ñee turã ja quia erii nda.

Nazaret jenda Jesús isiteã

¹6 Jesús que ngasẽ Nazaret cote ra. Hue rei etiarõsa hue. Sábado mose que esi judíos chumunuásaa ra. Sábado mose bei que eriqui oso oso huee ra. Juã ngue embesa ji renei nonde mbia je ra. ¹7 Mbia que Isaías chimbesa mondo Jesús oo ra. Isaías chimbesa que eequia cote ra. Ã embesa ji que esaã saã mbia je ra:

18 Espíritu Turã ndiqui tuchi serese co.

Dios que sererecúe ra.

Echee tură nenei nenei sacuă mbaecha reă je.

Etarõi mbusẽ sacuã ño ngue Dios sererecúe ra.

Eresayã ndesa ira sacuã ño ngue sererecúe no nda.

Ae je ererecua icuate riqui nae, uqui mbuse sacua no ngue Dios sererecue nguia no.

19 Mbia je ñee ñee sacuã ngue Dios sererecúe no nda.

"Namo ño Dios turã ndiqui nguiã", i sacuã mbia je, i que Jesús embesa ji mbuchecua mbia je ra. ²⁰Jesús que embesa ji mumbi cote ra. Mondo que emo oo cote ra. Ngoi que cote ra. Mbia que mae mbei quia erese ra. ²¹Jesús que ñee mbia je ra. —Embesa ji que ambuchecua jēje namo, aque io quia jēje a cote, i que Jesús mbia je ra. ²²Mbia que ñee turã ja quia Jesús rii nda. —Jesús cheẽ turã tuchi quia eriqui re, i ja tuchi que mbia nyuruira ra. —¿José riirī ño co re? i que mbia quia ee ra. ²³Jesús que ñee mbia je ra. —"Mbia mae sayã ngue eresaã saã Capernaum nae, ũqui mo esaã aa ndechuchúaa no", jenye arõte seje sechuchúaa. ²⁴Tacheẽ nyecua rã jēje. Dios cheẽ mbuchecuasa ishonda cheẽ nguia ra mbia isi turã mbei quia. Nguecua jenda cheẽ nguia ra eisi turã eã. ²⁵Tacheẽ nyecua rã jēje. Elías reco mose íbii, ama ngue nyaaquíã mbei ra. Tres años ndobei. Mbia riãcuã ja que aque mose ra. Eru

cheecha tubiriãte que chi rei hue Israel jenda ra. ²⁶"Ũquĩ eru cheecha mo je mbae echao turã", i ãte que Dios quia Elías je ra. "Sarepta jenda je quia mbae echao eru cheecha je", i quiatu que Dios ee ra. Judío eã je quiatu que Dios Elías mondo ra. ²⁷Eliseo reco mose íbii, leprosos tubiriãte que chi rei hue Israel jenda ra. Eliseo que hue jenda mo mbucheroã no nda. Ishonda mo nguiatu que embuchero Siria jenda ra. Naamán, i que ee ra, i que Jesús ñee mbia je ra. ²⁸Judíos chumunuasa que Jesús riqui ñee mbia je ra. Mbia Jesús cheẽ andu mose que paama i ee ra. ²⁹Mbia paama i je que Jesús mombo sucha tubiriã si ra. Sita ibate que sucha tubiriãte ra. Sita rimia mbucu que mbia Jesús rerao rei ra. Hue si nda emombo nguiã ña. ³⁰Jesús que oso chee mbia tubiriã ite re si ra.

Jesús aba checuayã icuã jea amei mo si

3¹ Jesús que oso Capernaum cote ra. Sucha tubiriã mo. Galilea jenda. Sábado mose que mbia mbaaquiatu quiatu ra. ³² Ererecua rã ño ngue Jesús riqui mbia mbaaquiatu quiatu ra. Nyebe mbia riqui nguiã nyuruira tuchi echeẽ andu. ³³ Huee que amei mo ndiqui mbia chumunuásaa ra. Aba checuayã icuã nyireco rei ae. Aque que ñee asite Jesús je ra. ³⁴—¿Mbaerã erechu quia urerea co re, Jesús? Quiatúae urerecha ae. ¿Ureriicharã ño erechu quia co re? Dios rucucha chō nde re. Areicuate se, i rei que aba checuayã icuã Jesús je ra. ³⁵ Jesús que ñee ee ra. — Equiriri chō jē. Esẽ oso amei ñiangui si, i que Jesús ee ra. Jesús cheẽ mose que aba checuayã amei mombo íbii ra. Mbia tubiriãsaa. Usẽ ngue u amei mbasiã cote ra. ³⁶ Mbia tuririã ngue nyuruira ja u erea ra. —Jesús quirãcuã ae ñee nguiã. Mbia rerecua rã ño eriqui nguiã ñee aba checuayã icuã je. iSã aba checuayã echeẽ mumbayã jē! i tuchi que mbia nyuruira erea ra. ³७ Mbia que ñimbiirandu randu ja Jesús rese ra. Erurubinda jenda abe jirandu ja erese.

Jesús Simón ninisi si mbucherõ

38 Jesús que use mbia chumunuasa si cote ra. Oso que ique Simón nyuchua cote ra. I que Simón nyari rasi u ee ra. Eracu tuchi que ee ra. —Embuchero na, i tuchi que mbia Jesús je ra. 39 Jesús que oso nyibi earo nda. Ñee ngue eracu je ra. —Etiba, i que ee ra. Eracu que hui esi Jesús chee nguire ra. Ari que jua cote ra. Mbae que echao chao mbia chiura cote ra.

Jesús mbia rasi chumumbara mbucherõ

⁴⁰Tenda ireĩ mose que mbia nguesenda rasi rurucuaẽ cuaẽ ja Jesús je ra. Erasi chumumbara tuchi que ra. Jesús que o chono ñono ja erasi arõ embucherõ cherõ ja ra. ⁴¹Aba checuayã icuã ngue usẽ usẽ nguia mbia si Jesús cheẽ mose cote ra. —Nde rei Cristo Dios riirĩ, i que usẽ usẽ mbia si

ra. —iJēñee eã ño jē! i tuchi que Jesús quia aba checuayã icuã je ra. Ũquī ngue Cristo icua chỗ nda.

Jesús mbia Galilea jenda mbuchesea sea

⁴²Nyaashĩ namo mose que Jesús si turuquia a. ra. —Se ae taico mbɨrĩ na, i rei que ra. Mbia que nyoi erui erea chee ra. —iEresochĩ nda urerecha jẽ! Ure rese bei chỗ eico, i rei que mbia ñee Jesús je ra. ⁴³Jesús que ñee ee ra. —Dios cheẽ tasenei senei pe quitinda je abe. Nyebe sembu nguiã, i que Jesús ra. ⁴⁴Jesús que mbia mbuchesea sea quia Galilea jenda ra. Dios cheẽ nenei nenei judíos chumunuásaa.

Jesús sira tubiriã mbua uquia mbia je

¹Emo mose que Jesús riqui ama ndisha rimia ndese ra. Genesaret, i **Q** que ama ndisha aque je ra. Mbia cuabé ngue ngaé ee huee ra. Dios chee anduse rete que ra. Nyebe mbia tubiria Jesús mumbi i i tuchi nguia. ²Canoa nyeremo abe que chi hue erimia ndese ra. Eoreã ja que ra. Echa que chi sira mbuasa irei irei ra. 3 Jesús que ua canoa nongue ye ra. Simón mbae que aque canoa nda. —Ama nimia ndecha jiri sererao mingo, i que Jesús Simón je ra. Canoa ye que Jesús ñi erimia ndesenda mbaaquiatu quiatu ra. 4Mbia mbaaquiatu jare que ñee Simón je ra. —Eriquiraasa rī canoa jendao. Huee tarafa jemondo ii. Sira mbuasa jemondo ii, i que Jesús ee ra. ⁵Simón ngue ñee ee ra. —Nyaashi nyee que ureico rei embuasa rerequia isa ra. Emo ngue uresiroã mbei ra, Sererecua. Ma ndecheende tasaambe no, i que Simón Jesús je ra. 6 Mbia que tarafa mondo ii cote ra. Sira tubiria mbua nonde. Tarafa soro seri sira usi je. ⁷Nyueru eru que canoa nongue yenda je ra. —Sira usite ure je. Jenyu rã. Nandembua ja rã canoa ye, i que canoa nongue yenda je ñee nda. Canoa nyeremo puk i ja sira je. Aete ñiimi sira usi je. 8Sira tubiriāchī sira eande nyii. Nyebe Simón Pedro nyuruira tuchi nguiã mae Jesús chimondo rese. Ngoi que ngũíã ndese ñee ee ra. —Seicuãte aico co, Sererecua. Serecha rei se ae, i rei que Simón Pedro ñee Jesús je ra. 9Echiã nguia cuaãcuã i tare nguiã. Eresenda abe chiã cuaãcuã i ja. Sira tubiriã ndea. Sira mbua eande nyii. ¹⁰ Zebedeo riirî abe que chi ja Simón ndese huee ra. Jacobo, i que enongue je ra. Juan, i que enongue je no nda. Ũqui chiã abe que cuaãcuã i ra. Jesús que ñee Simón je ra. —iEresiquichechi nda je! Sira rese ra ereicoã cote. Mbia ra ereru reru bei quia seje cote, i que Jesús ee ra. 11 Canoa yenda ngasẽ mose ama nimíaa, umbae que esecha ja nyoi bei nonde Jesús rese cote ra.

Jesús mbia leproso mbucherõ

¹² Jesús que siqui tuchua mo nda. Hee que emo ndasi riqui ee ra. Leproso. Jesús rese mae mose que ngoi ngũíã ndese ee ra. Nyibi que ñee Jesús je ra. —Sererecua, nde sembucherõse mose, sembucherõ se, i que leproso ñee Jesús je ra. ¹³Jesús que oco erese ra. —Echerõ cote, i que ee ra. Echee mosebe que nyerõ nda. ¹⁴Jesús que ñee ee ra. —iErecheechi nda mbia mo je je! Eso nderasiã ndeacuquia sacerdote je cote. Moisés chee ndui si mbae mo emondo Dios je. Ei nda mbia jirandu nderasiã ndese cote, i que Jesús ñee ee ra. ¹⁵Mbia que ñimbiirandu i i tuchi quia Jesús rese ra. Ngae ngae ja que equia echee andu ra. Umbucherõ cherõ sacuã abe que eriqui ngae ngae erea ra. ¹⁶Jesús que oso oso quia mbia tiámbaa ra. Ñee ñee Dios je.

Jesús emi sayã mo mbucherõ

¹⁷Emo mose que Jesús riqui mbia mbaaquiatu quiatu ra. Huee que fariseos mo nyi echee andu andu ra. Embesasa abe que chi ra. Galilea jenda cho ũquĩ nde. Judea jenda abe no. Jerusalén jenda abe no. Huee que echi ja Jesús chee andu ra. Dios quiracua ngue siqui tuchi Jesús rese ra. Erasi mbuchero chero sacua. 18 Mbia que erasi mo curucuae quisa ye ra. Emi sayã ngue ae ra. —Nandemingue serao Jesús je, i rei que ra. ¹⁹Tuchua mbaranguiatuate que ee ra. Mbia tubiria ngue tuchua mbiitaya ee ra. Nyebe erasi ruruchoi nguiã sui tuchua arõ. Tei que endoro ra. Erasi que embuquichi imbu quisa ye Jesús rimbe ra. Mbia ite ri. 20— Ererucuaesa riqui seicua uqui, i que Jesús nee uchiangui re ra. Nyebe nee nguiã emi sayã je. —Ndechisaã mbae icuã ambutiã nguiã ndesi co, i que Jesús ee ra. ²¹ Fariseos que ñee ñee nyue ra. Embesasa rese. —Jesús ñee icuã nochi nguiã Dios rii co. Dios ibatenda ae mbia chiao icuã mbutiã nguiã esi. Jesús aquiatuã ño ñene, i rei que eu ñee ñee nda. 22 Jesús que ũquĩ ndua icuã icuate ra. Nyebe ñee nguiã ee cote. —¿Mbaerã jẽingo ndua icua nde? 23 ¿Ma mbaranguiatua ea jiri jeje re? ¿Mbia icua mbutia ere? ¿Mbia rasi mbuchero ere no? ¿Ma mbaranguiatua ea jiri uqui jeje re? ²⁴Dios riirī ndei se. Mbia chiao icuã mbutiã aquiatu chō se re. Sequirãcuã tateacuquia jeje, i que Jesús nee ee ra. Nee ngue erasi je cote ra. —Ehuã na. Ndechuchua eso cote. Ndequisa abe erao, i que Jesús emi sayã je ra. ²⁵ Jesús cheẽ ndurucha reã ngue emɨ sayã juã nda. Mbia que mae ja tuchɨ u erese ra. Uquisa abe que equerao ra. Eya tuchi que oso uchuchúaa ra. Ñee ñee turã ngue equia Dios rii nda. 26 Mbia que nyuruira ja u mae emi sayã ngata rese ra. —Emi sayãte rei nyii. Ngata chốchĩ cote, i ja que mbia u mae nguiatu erese ra. Mbia ñee turã ja Dios rii cote.

Serui bei eico, i Jesús Leví je

²⁷Leví, i que emo je ra. Ae que impuestos isi isi bei quia ererecua mbaerã nda. Jesús que ngasẽ ee emo mose ra. Huee que eñi ngoi plata isi isi ra. —Serui bei eico, i que Jesús ñee ee ra. ²⁸Ae Leví juã oso nguiã Jesús rui. Mbae recha ja umbae. ²⁹Leví que fiesta saã tuchi Jesús je

ra. Embuquiaru tură sacuă uchuchua. Impuestos isi isiquia ata que chi quiaru erese huee ra. Mbiamo abe que chi no nda. ³⁰Fariseos que ñee icuăte Jesús chimbaaquiatu je ra. Embesasa rese ñee icuă ee. —¿Mbaeră jẽingo quiaru impuestos isi isiquia rese re? Mbia icuă ndese abe jẽingochĩ nguiã quiaru, i que ñee nda. ³¹Jesús que ñee ee ra. —Sã mbia rasiã ndiqui aba mbucherõsa requia eãte no. Sã erasi chō ndiqui erequia no. ³²"Jenyu seje", aeã ngue u nguiã mbia turã je. Mbia icuã je chō ngue achu nguiã "jenyu seje" i. "Jēicuã si jẽhui", ae chō ngue u nguiã eicuã je, i que Jesús ee ra.

Jesús chimbaaquiatu hui ãte uchiu si

33 Mbia que ñee Jesús je ra. —Juanñimbaaquiatu hui hui uchiu si. Ñee nonde Dios je. Fariseos chimbaaquiatu abe hui hui uchiu si no. ¿Mbaerã ndechimbaaquiatu riqui hui ãte uchiu si re? i que mbia Jesús je ra. 34 Jesús que ñee ee ra. —Sã emo ngũinisirã isi ramo mose no. Sã eresenda iate riqui quiaru erese no. Sã hui aroneate uchiu si aque mose no. 35 Sã eru riqui mano emo mose no. Aque mose quia ra equiato hui uchiu si cote, i que Jesús ñee ee ra. 36 Jesús que ejemplo saã mbia je ra. —Sã emo ndiqui tiru yasu mii aroneate tiru ima sorei rese no. Ũquĩ mose eicuãte cote. Eyasu ra quiata chõ esi. 37 Sã emo eri rasi ramo nderecoquiatu eã eriru ima ye no. Mbae ire ima ye erecoquiatu aronea. Eri rasi ra ñimatã ño mbae ire ndoro. Eri ra uchẽ ja. Mbae ire abe mbiicuãte ra cote. 38 Eri yasu quia nda equerecoquiatu nguiã mbae ire yasu ye. Soroã sacuã. 39 Emo eri ima mbei mose, eyasu ra embei sereã cote. "Eima ño eturã nde", i chõ nguiã cote. Nyebe mbia riqui nguiã secheẽ yasu isi sereãte, i que Jesús ñee mbia je ra.

Jesús chimbaaquiatu mbae a ishao shao sábado mose

1 Sábado mo mose que Jesús si quia mbiaco ite rī nda.

Uchimbaaquiatu rese. Echimbaaquiatu que quiata a ucua mii mii nyoi quia ecuã mose ra. Equiti quitire oo je que echoi quia eachãaña cote ra. Fariseos mo ngue ñee ee ra. —¿Mbaerã jēingo mbae ishao shao sábado mose re? Co mose cho mbia uquenea ucua rese, i que fariseos ee ra. Jesús que ñee ee ra. —¿Embesa ji rese jemae eã David rii nde? David riacuãe que aque mose ra. Eresenda abe riacuã ngue aque mose ra. David que ique Dios chuchúaa ra. Mbichae Dios chuchua jenda que eu ra. Mee mee ngue nguesenda je ra. Eriacuate quia ñene. Sacerdote acho mbaerã ndaque mbichae. Sábado rerecua bei cho se re, i que Jesús ñee fariseos je ra.

Jesús eo tomei mo mbucherõ

⁶Sábado nongue mose que Jesús si judíos chumunuasa ra. Mbia que embaaquiatu quiatu huee ra. Huee que eo tomei mo ndiqui ee ra. Equiato

cutinda tomei ngue ra. 7 Fariseos que mae nguiatu quia Jesús rese ra. Embesasa abe que mae nguiatu quia erese ra. —Mañi nda Jesús quia eo tomei je reae. Co sábado mose reae. Sã embucherõ jẽ. Nandecheẽ icuã nda ee chã jẽ, i que eu mae nguiatu Jesús rese ra. 8 Ũquĩ ndua icuã ngue Jesús icua ra. Ñee ngue eo tomei je cote ra. —Ehuã na u mbia ite rĩ, i que Jesús ee ra. Eo tomei ngue juã uã cote ra. 9 Jesús que ñee mbia je ra. —¿Mbae eturāte jēje co tenda mose re? Sábado mose bei. ¿Coche mbae turã naa naa sábado mose re? ¿Coche mbae icuã naa naa co mose re no? ¿Coche mbia mbucherõ co mose re no? ¿Coche mbia iquia co mose re no? i que Jesús ñee mbia ja je ra. 10 Jesús que mae mbia ja rese cote ra. —Echomee secuti, i que eo tomei je cote ra. Eo tomei ngue ñomee Jesús cheẽ mose ra. Aque mosechi que eo nyerõ cote ra. 11 Nyebe fariseos paama i tuchi nguiã Jesús je. Sábado mose mbia mbucherõ mose. —¿Mañi nande ra Jesús je re? Nandeiquia chõ nda reae, i tuchi que eu ñee nyue ra.

Jesús mbia doce irabo uchimbaaquiaturã

¹² Jesús que oso mbia tiámbaa ra. Sita ibátee. Huee que eñi ñee mbei Dios je nyaashi nyee ra. ¹³ Nyaashi mose que uchimbaaquiatu munua ja cote ra. Ûqui doce mo ngue eirabo ra. —Sechimondo sacua jē. Jaemondo ra seche nenei nenei sacua mbia je, i que ũqui doce je ra. ¹⁴ A mbia que eirabo ra:

Simón (Pedro, i abe que ee ra.)

Andrés (Simón nongue rei ae.)

Jacobo

Juan

Felipe

Bartolomé

15 Mateo

Tomás

Jacobo (Alfeo riirī ndei ae.)

Simón el Cananista

16 Judas (Jacobo nongue rei ae.)

Judas Iscariote (Aque que Jesús mondo mbia icuã je ra.) Ũquĩ ja que Jesús irabo ra.

i ja que sesus irabo ia.

Jesús mbia tubiriã mbaaquiatu

¹⁷ Jesús que nguichi u sita si cote ra. Uchimbaaquiatu rese. Ibi túraã ngue ecuaẽ ngasẽ cote ra. Mbia tubiriāte abe que chi huee ra. Judea jenda. Jerusalén jenda abe no. Tiro jenda abe no. Sidón jenda abe no. Ama nimia jenda rei ũquĩ. Ũquĩ ngue ngaẽ nyiisaquia Jesús cheẽ ndese ra. Jesús embucherõ abe sacuã ngue ecuaẽ nda. ¹⁸ Ae rese aba checuayã

icuã ndiqui nae, ũquĩ abe que Jesús mbucherõ nda. ¹⁹Jesús quirãcuã ngue mbia mbucherõ ja quia ra. Nyebe mbia riqui nguiã ocose ja Jesús rese.

Ae eyate riqui

²⁰ Jesús que mae uchimbaaquiatu rese ñee nonde ee ra. —Jeyate riqui ã. Jẽ mbaecha reã ndaque. Dios quiatu ra jenderecuarã tuchi cote.
²¹ Jẽyate riqui ã. Jeniãcuã ndaque. Jendio rete ra cote. Jẽyate riqui ã. Jenyeseo seo raque. Jẽiquia iquia ra emo mose cote. ²² Mbia jemo ucuãyã mose, jemo mombo mose, ñee icuã mose jẽje seriĩ, jẽyate jẽingo ũquĩ.
²³ Jeñimbia tuchi cho aque mose. Mbia icuã mose jẽje. Dios quia ra mbae turã mondo jẽje ibate. Mbia icuande jẽje nyii. Eĩ si que mbia icuã nguia Dios rimba ñiinda je no nda.

Ae aba mbia eãte quia

²⁴Aba mbia eã tuchichĩ jẽ, Mbaecha. Mbae icuã nda tu jẽje. Jẽyare nyii. ²⁵Aba mbia eã tuchichĩ jẽ, quiaru tuchi je. Jeniãcuã tuchi ra cote. Aba mbia eã tuchichĩ jẽ, iquia iquia je. Jenyeseo ra cote. ²⁶Aba mbia eã tuchichĩ jẽ mbia ñee turã mbei mose jenii. Eĩ si rei que equia ñee turã turã dios abareã nimba je cose ra.

Jēingo turā no nguia jeucuayasa je

²⁷ Aico ñee jēje a. Ae eicuāte riqui jēje, ūquī ndese jenyesecua chō. Jēingo turā ño nguia jēucuāyāsa je. ²⁸ Emo ñee icuā mose jeje, jeñee turā ño ee. Jeñee turā ño Dios je eriī. ²⁹ Emo ucua mose jenditii rese, "tasaā se abe", jenyechī ndae. Jenditii ribisho abe jēteacuquia ee. Emo jēirao rirō mose jēsi, jēirao nongue abe rese jengueteā eā ño ee. ³⁰ Emo ache ache i mose jēje, jemondo chō ee. Emo jembae reraochō mose, "emondobe seje", jenyechī nda ee. ³¹ Sā jēyate riqui mbia siqui turā mose jēje no. Eī jenye si chō nguia siqui turā mbia je no.

³²Ae eicuãte riqui jēje nae, ũquĩ ndese jenyesecua chõ. Ae nyesecua quia jendese nae, ũquĩ mɨi ndese jenyesecua mose, eɨcuãte ũquĩ. Mbia ja rese quiatu jenyesecua. ³³Jẽingo turã nguiatu quia mbia ja rese. Ae eturã ndiqui jẽje, ũquĩ mɨi ndese jẽingo turã mose, eɨcuãte ũquĩ. Jesús quiatoã abe chee siqui turã uquiato je. ³⁴Emo prestar i mose jembae je, jemondo chỗ ee. Ae mbae mondo aroneate eribishorỗ nae, jemondo bei chỗ ee. "Cobrar tae ee", jenyechĩ ndae. Jesús quiatoã abe chee mbae mondo eribishorỗsa je. "Mbae mo nda emondobe seje", i. ³⁵Eĩ jenyechĩ nda jẽ abe. "Mbae mo nda emondobe seje chấ" ijenyechĩ nda jẽ abe jẽ! Jemondochỗ no ee. Ae eicuấte riqui jẽje, ũquĩ ndese jenyesecua chỗ. Ủquĩ mose ra Dios mbae mee tuchɨ jẽje. Dios rã tuchɨ ra jẽ cote. Dios ia eãte quia eriqui nguiã eɨcuã ndese. Dios turãte quia eɨcuã je re. Eɨcuã ñee turã eã ndaque ee. ³⁶Jẽyayã no mbia rese. Sã Dios abe eya eãte nanderese no.

"Eicuate que co ra", jenyechi nda emo niii

37"Co que eicuāte ra", jenyechī nda emo nii. "Jēicuāte", iā nda Dios jēje chā. iCondenar jenyechī nda emo je jē! Dios nda condenar iā jēje chā. Emo icuā mose jēje, jētesarei chō eicuā si. Dios nda tesarei jēicuā si no ña. ³⁸Mbae jemee mee ño mbia je. Dios quia ra mbae mee tuchi jēje cote. Mee turā nda jēje. Eñetē nda emee eā jēje. Embisē ño nda emee jēje. Jē embisē mee mose emo je, Dios ra embisē mee jēje no, i que Jesús mbia mbaaquiatu quiatu ra. ³⁹Jesús que ejemplo saā mbia je ra. —Sā eresayā ja nyiruchoi aronea no. Ngoi ja chō nda echoi ibicua rie. ⁴⁰Embaaquiatusa quiarei earacua tuchi uchimbaaquiatu si. Embaaquiatu ja ji mose, earacua tuchi cote. Umbaaquiatusa rā si cote. ⁴¹ ¿Mbaerā nda "eicuā" jenye emo je re? Jē jēicuā tuchi mose esi. "Mbae ñetē ndiqui nderésaa aque", jenyechī nda emo je. Mbae cuasu siqui mose jendésaa jē quiatu. ⁴²"Mbae turā ndese chō jēingo", jenyechī nda jēingo icuā mose jē. Jēturā nda jēsaā ñooñochī jē. "Mbae ñetē tasirō nderesa si", jenyechī nda mbae cuasu siqui mose jendésaa jē. Jē nane nguia jēturā ndiqui. Aquere quiatu jeñee emo mingo turā cote.

Sã ira ae ia ae ae no

⁴³Ira turã mose, ea abe turã ndae. Ira icuã mose, ea abe icuã ño nda eno. ⁴⁴Sã ira ae ea ae ae no. Higo a rã eã nda nyu a no. Ea ae eno nde. Uva a rã eã nda isio rashĩ a no. Ea ae eno nde. ⁴⁵Eĩ si chỗ mbia no nde. Mbia turã nda ñee turã. Echiangui renda quia eturãte re. Nyebe eriqui nguiã ñee turã. Mbia icuã nda ñee icuã no. Echiangui renda quia eicuãte riqui nguiã. Nyebe eriqui nguiã ñee icuã. Nandechuru achỗ ñee eã nguiã. Nandechiangui renda quia ñee nguiã.

Tuchua nyeremo

46"Sererecua" jenye chốchĩ seje secheẽ mumba mumbare. 47 Ae siqui serese secheẽ mumbayã nae, eturã tuchỉ chố ũquĩ nde. 48 Sã emo uchuchuarã ao no. Sã ibi ribicoi tuchỉ no. Sita je ngasẽ nyee. Sita arố tuchua ao cote. Nyebe echuchua ãtāte riqui nguiã. Ama ndicuasu mose, iãcuã irātã ndaque echuchua ite rĩ. Tuchua mbuquiata aroneate iãcuã irātāte raque. Sita arõ nguia ngue uchuchua ao nguiã. Eĩ si chỗ secheẽ mumbasa reã nde. Tuchua ãtã aosa rã si. 49 Sã emo uchuchuarã ao no. Aque quiarei ibi ribicoi tuchiã. Ibi arõchi chỗ uchuchua ao nguiã. Iãcuã ngasẽ mose aque chuchua, mbucoi asi que mondo ra. Eĩ si chỗ secheẽ mumbasa re. Ae uchuchua saã ibi arõchi nae, aque rã si chỗ ñene, i que Jesús ra.

Jesús soldados rerecua rimba mbuchero

Jesús chee ngue tiba mbia je cote ra. Oso que Capernaum cote ra. 2Soldados rerecua mo ngue siqui hue ra. Capitán ngue ae ra.

Roma jenda que ae ra. Aque rimba rasi que chi hue erese ra. Ebite que erimba ra. Erimba rasi tuchi. Mano serite que equia ee ra. 3 Capitán ngue jirandu Jesús rese cote ra. Ñee ngue judíos ramei je ra. —"Echu serimba mbuchero, i que capitán nee ndeje ra, jenye oso Jesús je, i que capitán nda. ⁴Judíos ramei ngue ngasẽ Jesús je ra. —Capitán nimba embucherõ na oso ee. Capitán turãte quiatu ngue eriqui nguiã ure je. 5 Nandequiato tură tuchi que aque ra. Judíos quiato ja. Urechumunua nua sacuă ngue ae chao tuchua ra, i que amei ñee Jesús je ra. 6 Jesús que oso amei ndese ra. Capitán nyuchua rurubi mose que capitán uquiato mo mondo Jesús robeishi nda. —Seicuate se, Jesús. Sechuchua ra ereiquechi. 7 Nyebe se asoã nguiã nderea. Ndecheẽ achỗ je chỗ nda serimba erembucherỗ. 8Se abe sererecua no nde. Se echee amumba aroneate. Soldados rerecua se no nde. Sechee abe emumbaya nguia no. Eso, i mose, sechee mumbaya no. Echu, i mose, seche mumbaya no. Se nee mose serimba je, seche e mumbayate no. Ndequiracua na eate raque se, i que capitán uchee mondo Jesús je ra. ⁹Echee andu mose que Jesús nyuruirate ra. Uba que ñee nguesenda je ra. —Tachee nyecua jeje. Capitán seicua tuchite quia co. Israel jenda mo embuchecha aroneate quia co, i que Jesús ra. 10 Capitán nyimondo que nyebi nyoi uchuchúaa cote ra. Erimba mbucherõ ji que ee cote ra.

Jesús eru cheecha riirí ndaaque mbuquera

¹¹Isamami ngue Jesús choi quia Naín cote ra. Echimbaaquiatu abe que nyoi quia erese ra. Mbia tubiriãte que nyoi quia erese ra. ¹²Sucha ata rurubi mose que ngasẽ mbia tubiriã je ra. I que eraaque ruruchoi quia etã sacuã nda. Aque mii tuchi rei ngue cuña ndiirĩ mo nde. Eru cheecha riirĩ. Aque que mano ño ee ra. Hue jenda mbia que nyoi jate quia esi rese ra. Eraaque rui. ¹³Jesús que mae esi nyeseo rese ra. Jesús ia eãte que erese ra. —iEcheseo eã ño jē! i que ee ra. ¹⁴Jesús que oco eraaque rese ra. Eruruchoisa que tiba ee cote ra. —Echuruã, Acuanindu, i que ñee eraaque je ra. ¹⁵Eraaque que nyuruã ñee cote ra. Jesús que embuquera ji mondo esi je cote ra. ¹⁶Mbia que nyuruira ja erea ra. Ñee turã ja Dios riã. —Dios chimondo chỗ co re, i que mbia quia ñee Jesús riã nda. —Dios riqui tesareiã nande si co, i que mbia quia nyue ra. ¹⁷Jesús chumbucherỗ ndese que mbia riqui ñimbiirandu jate ra. Judea jenda jirandu ja erese. Erobeinda ja abe que jirandu erese ra.

Juan el Bautista mbia mondo ñee Jesús je

18 Juan abe que jirandu Jesús chiao rese ra. Erimba quiatu ngue embiirandu nguiã erese.
19 Nyebe Juan ñee nguiã ngũimba nyeremo je.
—Nyeremo jēso ñee Jesús je. "Cristo ra tu', i bei equia nae, ¿ae cho nde re?" jenye oso ee. "¿Cristo ra uresaaro aro si quia re?" jenye oso Jesús je,

i que Juan ngũimba mondochoi ra. ²⁰ Juan ñimondo que nyoi ngasẽ Jesús je ra. —Juan el Bautista que urembu ñee ndeje ra. ¿Cristo chō nde re? ¿Cristo ra uresaarō arō si quia re no? ¿Ae chō nde re? i que Juan nimba ñee Jesús je ra. ²¹ Juan nimba ngasẽte mose que Jesús riqui mbia rasi mbucherō cherō nda. Erasi chumumbara. Erasi cuabē. Aba checuayã icuã abe que embusẽ mbusẽ nguia mbia si ra. Eresayã abe que embu cherō nyerō nguia ra. Juan nimba que mae ja quia ũquĩ mbucherō ndese ra. ²² Jesús que ñee Juan nimba je ra. —Ae rese jemae nae, ũquĩ jēsenei oso Juan je. Ae jeñandu nae, ũquĩabe no. "Jesús que eresayã mbucherō nyerō nguia ra. Ecuatayã abe mbucuata cuata. Eire ndasi abe mbucherō nyerō. Eisayã abe mbucherō nyerō. Eraaque abe mbuquera. Ucheẽ turã esenei senei tuchi mbaecha reã je", jenye oso Juan mbiirandu. ²³ Emo hui jei eã mose sesi, aque iate ra siqui cote, i que Jesús ucheẽ mondo Juan je ra.

²⁴Juan ñimondo que nyoi nyebi ee cote ra. Jesús que ñee mbia ja je Juan nii cote ra. —¿Mbae rese mae jeso turúquiaa re? ¿Quiriria idioi ichu ichu rese jeso mae nde? ²⁵¿Mbae rese mae jeso re? ¿Emo irao tura ndese jeso mae nde? Tei. Eirao tura siquía nguia turuquia ñi. Ae siqui quia mbia rerecua chuchua nae, ũquĩ ño eirao tura ndiqui nguia. ²⁶Juan ndese mae ño ngue jeso turúquiaa rese. Dios chee nenei neneisa tuchi cho ae emo si re. Ae cho mbia mingoquiatu quiatu nguia se ñee sacua ee aque. ²⁷Sã embesa ji riqui ñee no:

Sechee nderaosa tamondo ndereta.

Ae ra mbia mingoquiatu ndeje,

i que embesa ji ñee nda. Juan nii ño embesa ji ñee nguiã. ²⁸ Juan el Bautista quiarei i tuchi raque mbia ñiinda ja si. Dios cheẽ nenei neneisa ataque si. Ae ra siqui tuchi Dios rese erimbarã cote nae, ũquĩ nguia ra i tuchi Juan si cote, i que Jesús ñee nda. ²⁹ Mbia que Jesús cheẽ ñandu turã ja ra. Impuestos isi isiquia abe chee que echeẽ ñandu turã nda. —Dios turã tuchi, i ja que mbia ra. Juan ngue bautizar i ja ee nyii ra. ³⁰ Fariseos achõ ño ngue Jesús cheẽ isi sereã nda. Embesasa rese. Ũquĩ ngue siqui sereãte Dios cheẽ ndese ra. Nyebe Juan bautizar i eã nguiã ee.

³¹ Jesús que ñeembe ee ra. —Mbia namonda siqui turã eate quia aba chee ndui a. Mbia riirî na ño eriqui nguia. ³² Sā mbia riirî ndiqui ñumbusarei sarei no. Sā eriqui ñee ñee nyue no. "Flauta que asaã saã ndei jēje ra. ¿Mbaerā jenyuruqui sereā nea nde?" sã i chō nyue no. "Mbae aba mbia eā ngue asaã ndei jēje resē. ¿Mbaerā jēyate erese re?" sã i chō mbia riirî nyue no. Ūqui na si chō jēingo nguiā aba cheē mumba ā. ³³ Juan el Bautista que tu rei jēje ra. Jēisi turã eā ngue ra. "Co eriqui quiaru sereāte nanderese co. Co eriqui mbae mbei sereāte nanderese co", jenye chōchī ee. "Aba checuayā ndesenda", jenye chō ngue ee ra. ³⁴ Se abe que achu rei jēje ra. Aquiaru rei quia jendese co. Mbae abe ambei rei quia jendese co. Se abe que jē seisi turãyā nda. "Quiaru tuchi je", jenye chōchī seje. "Mbae

mbeisa", jenye cho ngue seje no nda. "Mbia icua quiato cho ñene", jenye que seje rese. ³⁵ Ae earacuate nae, Dios aracua abe ra eicua, i que Jesús mbia je ra.

Jesús quiaru fariseo chuchua

³⁶—Nandequiaru sechuchua, i que fariseo mo ñee Jesús je ra. Jesús que oso erese ra. Ngoi que quiaru nonde ra. ³⁷ Cuña icuã mo ngue siqui hue jenda huee ra. Jirandu que Jesús rese ra. Oso que erea cote ra. Aba mbushimbusa que equerao erea ra. (Sita ao ji rei aba mbushimbusa riru.) ³⁸Jesús quite quiti que eñi nyeseo ra. Nguesari je que Jesús i irei irei ra. Ua je que embiiru iru cote ra. Uchuru que embucha Jesús i rese eriite ra. Aba mbushimbusa que eichere ei rese cote ra. 39 Jesús mbuquiarusa que nee nguia uchiangui re ra. —¿Mbaera Jesús nee asia cuna icua je re? Jesús Dios riirĩ mose, ĩ nda ñee asi rei ee, i que fariseo uchiangui re ra. ⁴⁰Jesús que ñee fariseo je ra. —Tacheẽ ndeje, Simón, i que ee ra. —Eno. Echee seje no, Sererecua, i que fariseo ee ra. 41 Jesús que ñee ee ra. —Sã mbia nyeremo deber i ererecua mo je no. Sã enongue deber i ee quinientos no. Sã enongue deber i ee cincuenta no. 42 Ũquĩ ja que pagar i aronea ja. Nyebe ererecua ñee nguiã ee. "Mbae jemondo eã ño seje", sã i chỗ ererecua ee no. ¿Aba eva tuchi nguerecua rese re? i que Jesús ñee Simón je ra. 43 Simón ngue ñee ee ra. —Ae deber i tuchi ee nae, aque eya tuchi erese cote reae, i que Simón ee ra. —Ae bei, i que Jesús ñee ee ra. ⁴⁴Jesús que mae cuña ndese ñee Simón je ra. —Ndechuchúaa seique mose que sei ereirei ea nda. Co cuña nguiatu que sei irei nguesari je ra. Ua je que sei mbiiru ra. 45 Nde quiatu que seritii eresiite eã ndesẽ. Cuña nguiatu que sei siite nguiã. 46 Nde que aba mbushimbusa ereichereã sea rese rese. Cuña nguiatu ngue aba mbushimbusa ichere nguia sei rese. 47 Tachee nyecua ndeje, Simón. Cuña icua tuchi raque. Eicua ngue ambutiã ee namo nda. Nyebe eriqui nguiã nyesecua tuchi serese a. Ae "seicuã eã jiri se", i quia nae, ũquĩ nguia ra nyesecua eã jiri serese. Se eicuã ambutiã ndaque, i que Jesús Simón je ra. 48—Ndeicuã ngue ambutiã ndesi ra, i que Jesús ñee cuña je cote ra. 49 Ae que chi quiaru erese nae, ũquĩ ngue ñee nyecuayã cuayã u nyue ra. —¿Mañi nda Jesús mbia icuã mbutiã esi re? i que eu ñee ñee nyue ra. 50 Jesús que ñee cuña je ra. —Seicuasa cho nde re. Nyebe areriro nguia ndeicua si. Ereico bei ra cote. Ndeya eso cote, i que Jesús cuña je ra.

Cuña mo nyoi ngata Jesús rui mbae raã naa ee

3 Jesús que sucha tubiriã mbuchesea sea quia ra. Dios cheẽ turã ngue esenei senei nguia mbia je ra. Echimbaaquiatu doce abe que ngata quia erese ra. ²Cuña echimbucherõ mo abe que ngata quia erese ra. Ae si aba checuayã icuã ndirõ nyii, ũquĩ mo abe que ngata quia erese ra.

María Magdalena que ngata quia erese ra. Ae si aba checuayã siete rirõ nyii nae. ³Juana abe que ngata quia erese ra. Chuza ninisi que aque ra. Herodes resenda rei Chuza. Susana abe que ngata quia erese ra. Cuña ata que ngata quia erese ra. Ũquĩ ngue umbae mee mee mbei quia Jesús je ra.

Emo mbae ei mombiquia mbiqui

⁴Mbia que ngaẽ ngaẽ ja quia Jesús rea ra. Suchamo jenda abe. Mbia ñumunua ja mose que Jesús ejemplo raã ee ra. ⁵—Sã emo sɨ mbae eff mombiquia mbiquia no. Emombiquia mbiquia mose sã emo uqui uqui ñeenda rui no. Sã mbia riqui irõ irõ erese no. Sã nguireff abe eu chee no. ⁶Sã emo uqui uqui sita arõ no. Sita aronda suri raque. Ibi irute quia ee re. Nyebe ñimama nguiã mano. ⁷Sã emo ndiqui uqui uqui nyu réndaa no. Sã nyu abe suri erese no. Nyu ruri que echati asi u eriquisã nda. ⁸Sã emo uqui uqui ibi túraã no. Ûquff nguiatu que ia turã nda, i que Jesús mbia je ra. Aquere que ñee asite mbia je ra. —Jēisa mose isecheẽ jeñandu turã na! i que Jesús mbia je ra.

9—Eresenei ngue mbae ei nii, ũqui embiasa tura na ure je, i que echimbaaquiatu ñee ee ra. ¹⁰Jesús que ñee ee ra. —Mbia rerecua tuchi quiarei Dios. Ae riqui nguia uchee mbiasa asa ja jeje co. Mbia ataque quia siqui serea erese co. Mbia ataque je quia eriqui nguia uchee mbiasa ea jiri. Ejemplos acho esenei senei nguia ee co. Eanducho sacua. Eicua tura ndocoi.

Jesús uchee mbiasa uchimbaaquiatu je mbae ei nii

¹¹Secheẽ tambiasa jẽje cote. Dios cheẽ na si chỗ mbae eĩ nde. ¹²Ae uqui uqui ñeenda rui nae, ũquĩ ndei mbia Dios cheẽ andu chooñosa rã ũquĩ. Ae Dios cheẽ andu chooño nae, ũquĩ ñiangui si chỗ diablo riqui nguiã Dios cheẽ ndirõ. Nyebe eriqui nguiã Dios icuayã mbei. Nyebe Dios riqui nguiã emingo bei eã. ¹³Ae uqui uqui sita arõ nae, mbia mo na ño ũquĩ no nde. Dios cheẽ andu mose, isi turã ndaque. Eyate raque erese. Mbae mo embiayã mose, hui jei chỗ esi cote. Mbae rao eã naanguia chỗ ũquĩ nde. ¹⁴Ae uqui uqui nyu réndaa nae, mbia mo na ño ũquĩ no nde. Dios cheẽ andu turã ndaque. Siqui bei eã ño nguiã erese. Umbaerã achỗ ndese chỗ eriquichĩ nguiã ndua. Ñimbusarei sarei bei chỗchĩ nguiã. Nyebe hui chỗ nguiã Dios cheẽ si. Nyebe Dios cheẽ ndiqui nguiã ia eã mbei ee. ¹⁵Ae uqui uqui ibi túraã nae, mbia mo na ño ũquĩ no nde. Echiã quishĩ ño ũquĩ nde. Dios cheẽ andu mose, siqui bei erese. Ia ia bei raanguia cote.

Tata rendi mbia resae ja

¹6Sã nandeico lamparina mendi no. Sã nandeico eati eã no. Sã nandeico emii eã mbaequi re no. Erendi checua chō nda nandemii nguiã. Mbia resae ja sacuã. ¹7Mbae checuayã nda nyecua ja emo mose. Ñeminde

ra nyecua ja. ¹⁸Secheẽ jeñandu tuchɨ. Aba mo umbae rerequia mose, Dios ra emo mondobe ee. Emo embae eã mose, Dios ra embae sirõ ja esɨ.

Jesús nongue ngae erea usi rese

¹⁹ Jesusi que ngaẽ ndei ee ra. Jesús nongue ja rese. Mbia tubiriāte que esiquisāte esi ra. ²⁰—Hue ndesi riqui nderequia taicuee hue. Ndenongue rese, i que mbia Jesús mbiirandu ra. ²¹ Jesús que ñee mbia je ra. —Ae Dios cheẽ andu turã nae, ae Dios cheẽ mumbayã nguia nae, ũquĩ je chỗ aico nguiã "senongue" i. Ũquĩ je chỗ aico nguiã "taĩ" i no, i que Jesús ñee nda.

Jesús quiririã icuã icuã mbutiba; ama ndebera abe

22 Emo mose que Jesús ua canoa ye ra. Uchimbaaquiatu ja rese. — Nyao ama ndisha robei, i que Jesús ee ra. Nyoi que cote ra. 23 Ama ndisha rasa mose que Jesús si quia uque ra. Ama ndiite re mose que quiririã icuã icuã ndu ee ra. I rebera que ique ique tuchi quia canoa ye ra. Nyebe canoa ñiimi serî tuchi nguiã ee. 24 Nyebe mbia Jesús mumba nguiã. —Urembaaquiatusa, echumumba. Nandemanochî nda re, i que ñee Jesús je ra. Jesús que nyuruã cote ra. Ñee quiririã je. Ama mbutiba. Quiririã ngue ti i ee cote ra. Ama abe que ti i no nda. 25—¿Mbaerã jẽingo siquichete re? ¿Seicuayãte equia re? i que Jesús uchimbaaquiatu je ra. Siquiche bei que equia ra. Nyuruira tuchi Jesús quirãcuã ndese mae. —Quiririã Jesús cheẽ mumbayã ñochĩ, i que ñee ñee nyue cote ra.

Jesús aba checuayã icuã jea Gadara jenda mo si

²⁶Ngasẽ nyee que sobei ra. Gadara, i que hue ibi je ra. Galilea mbuchecha tuchi que huee ra. Ama ndisha rasa. ²⁷Canoa si Jesús nguichi mose, hue jenda amei mo ngue tu ee ra. Aba checuavã icuã ngue siqui quia echiangui re ra. Cosete ngue eriqui rei nguiã echiangui re. Eirao eã mbei que eriqui ra. Tuchuaqui re que eriqui uqueã nda. Mbia raaque tãsa bei chỗ eriqui nguiã. 28 Tu que ngoi ngũíã ndese Jesús resa quiti ra. Ñee asite que eu ee ra. —¿Mañi ere ra seje re, Jesús? Dios ibatenda riirĩ no nde re. iSembasichi nda se je! i que nee tuchi Jesús je ra. 29—Ese esi, i chõ Jesús aba checuayã icuã je reae. Aba checuayã ño aque amei isi isi bei quia embiicuã icuã neae. Mbia eo cuaacua raque quia cadenas je. Ei abe cuaacua raque no. Ucuasa ndoso ndosochõ mbei que equia ra. Aba checuayã no equerao rao quia turuquia ni neae. 30—¿Mani ndeje re? i que Jesús ñee ee ra. —Etubiriã, i que seje ra. Ure cuabete quia ure re, i que aba checuayã ñee Jesús je ra. 31—Uremondochi nda tata cuasu, i que aba checuayã ñee tuchi Jesús je ra. 32 Chiasu socoi tubiriã ngue chi quiaru huee ra. Sita ibate rese. Nyebe aba checuayã ñee Jesús je.

—Chiasu chiangui re ureso rã, i tuchi que equia ñee Jesús je ra. —Eno, i que Jesús ee ra. ³³Aba checuayã icuã ngue usẽ ja amei ñia si cote ra. Chiasu chiangui re que echoi ra. Chiasu que uchã ja choi nyiichere ama nimia mbucu rĩ nda. Ama ndisha ye que echoi ja mano nda.

³⁴Chiasu raarõsa que chi mae erese ra. Emundite que ra. Nyoi que uchã mbia mbiirandu ja chiasu rese ra. Sucha tubiriã jenda mbiirandu. Mbia ataque abe mbiirandu no. 35 Mbia que ngae ja mae erese ra. Huee que Jesús riqui beite ra. Ae rese aba checuayã ndiqui nyii amei nae, aque abe que chi ngoi Jesús i jii ra. Huiirao resebe cote. Earacuate que mbia je cote ra. Nyebe mbia nyuruira tuchi nguiã erea. ³⁶—Jesús que amei mbuchero aba checuaya ndiro esi ra, i que maesa erese nee mbia ataque je ra. Maesa erese que esenei ja mbia je ra. ³⁷Mbia hue jenda que siquiche ja Jesús si cote ra. —Eso rã urerecha urerecua si, i ja que hue jenda ñee Jesús je ra. Nyebe Jesús ua nguiã canoa ye. Oso que nyebi sobei cote ra. Gadara recha. 38 Ae rese aba checuayã ndiqui nyii nae, aque que ñee Jesús je ra. —Nderese taso bei, Jesús, i rei que ee ra. Jesús que ñee ee ra. 39—Eso cho ndechuchúaa. Mbae esenei ja nderesenda je. "Dios que sembuchero nda", ere oso mbae renei nenei ja nderesenda je, i que Jesús ee ra. Umbucherõsa renei nenei ngue oso mbia ja je cote ra. Jesús renei nenei ja sucha jenda ja je.

Jesús Jairo riiri mbucherő; ari mo abe mbucherő

⁴⁰Jesús chebi si mose sobei si, mbia que chi eraarõ arõ nda. Ũquĩ nguiatu que eisi turate ra. 41 Emo ngue tu nee Jesús je ra. Jairo, i que ee ra. Judio munua nuasa que ae ra. Jesús i jii que ngoi ñee ee ra. — Nyao rã sechuchúaa. ⁴²Seriirī nguasu jiri sɨ quia mano serīte seje quɨ. Seriirî mii tuchi se, i tuchi que Jesús je ra. Jesús que oso erese ra. Mbia cuabe ngue nyoi ja erui ra. Jesús mbiitayate que echoi quia ra. 43 Ari mo abe que oso quia mbia ite ri nda. Eruqui nda uche une mbei quia ee ra. Doce años nyee nda eruqui tibayã mbei ee ra. Aba mbucherõsa abe nda embuchero aroneate quia ee ra. Ari umbae mondo mondo ja raque quia ee. 44 Ari que tu Jesús quite quiti eriichã nda. Eirao ai rese que oco ra. Aque mose tuchi que eruqui tiba ee cote ra. 45—¿Aba oco serese re? i que Jesús mbi je cote ra. —Tei. Aba ãte, i ja rei que mbia ee ra. Pedro que ñee ee ra. —Mbia tubiriate nyerese. Mbia cuae nguia ñimaña maña jate co resē. ¿Mbaerã ereico "¿aba oco serese re?" i re? i que echimbaaquiatu ñee ja ee ra. 46 Jesús que ñee ee ra. —Tei. Emo ngue oco serese ra. Sequiracua ngue emo mbuchero nda i que Jesús ra. ⁴⁷—Jesús jiranduchĩ serese, i que ari uchiangui re cote ra. Nyebe ngoi nguiã ngũíã ndese Jesús resa quiti. Titi titi i ete que ra. Ñee nyecua que ee ra. —Sembucherõ sacuã ño aoco nguiã nderese. Aque mose tuchi cho acherochi, i que ari erenei ja Jesús je ra. Mbia que echandu ja u ra.

⁴⁸ Jesús que ñee ee cote ra. —Seicuasa chõ nde re. Nyebe arembucherõ nguiã. Ndeya tuchi eso cote, i que Jesús ee ra.

⁴⁹ Jesús cheẽ mosete que emo ndu Jairo chuchua si ra. —Nderiirĩ ngue mano cote ra. ¿Mbaerã nda Jesús ererao ndechuchua cote re? i que ñee Jairo je ra. ⁵⁰ Jesús que echandu ra. Ñee ngue Jairo je ra. —iNdeya eã techĩ nda jẽ! Seicua chỗ se. Nderiirĩ nda quera si, i que eru je ra. ⁵¹ Ngasẽ ngue echuchúaa cote ra. Jesús que ique eraaque rea cote ra. Pedro rese. Jacobo abe rese. Juan abe rese. Eraaque ru abe rese no. Esi abe rese. Ŭquĩ achỗ ngue emingue ra. ⁵² Mbia que chi ja nyeseo ãquẽ ndese ra. —Jenyeseochĩ nguiã. Mano eã ño ñene. Uque chỗ ñene, i que Jesús ñee mbia je ra. ⁵³ Mbia que iquia Jesús cheẽ mose ra. —Eraaquete nyeresẽ. ¿Mañi nda nyuruã nde? i que mbia ra. ⁵⁴ Jesús que eraaque o isi ra. — Echuruã na, Echo, i que ñee asite ee ra. ⁵⁵ Quera si que nyuruã cote ra. —Nderiirĩ embuquiaru cote, i que Jesús ee ra. ⁵⁶ Eru que nyuruira tuchi mae erese ra. Esi abe nyuruira tuchi. —iEmo nda jembiiranduchĩ jẽ! i que Jesús ee ra.

Jesús uchimbaaquiatu doce mondo uchee nenei nenei sacua

9 ¹—Jenyu, i que Jesús uchimbaaquiatu doce je ra. Uquiracua ngue emee mee ee ra. Aba checuaya icua jea jea sacua mbia si. Mbia rasi mbuchero chero sacua. ²—Jeso Dios chee nenei nenei mbia je. Jeso mbia rasi abe mbuchero chero. "Mbia rerecuara tuchi ra Dios cote", jenye oso sechee nenei nenei mbia je. ³Mbae mo nda jendaochi icua. Jenyitochoquia ra jendaochi. Mbae riru mo abe ra jendaochi no. Jenyiura mo nda jendaochi no. Mbae isiquia mo abe ra jendaochi no. Jeirao nongue abe ra jendaochi no. ⁴Emo nyuchúaa jengue mose, hueecho ño jeingo uque. Jemba jembatechi nda uque tuchua raamba amba. Hue si cho jeso sucha tubiria mo sechee nenei nenei cote. ⁵Sucha tubiria mo jenda jeisi serea mose, jesecha cho. Jei tubi jembutomo tomo ee. Hue jenda huicua icua sacua, i que Jesús uchimbaaquiatu je ra. ⁶Echimbaaquiatu que nyoi choi bei quia sucha tubiria mbuchesea sea ra. Dios chee tura nenei nenei mbia ja je. Mbia rasi mbuchero chero no.

Mbia Juan el Bautista iquia

7Herodes abe que jirandu Jesús chiao rese ra. Embusiquichete que ra. Emo ngue ñee ndei ee ra. —Ae ereiquia nae, Juan i equia ee nae, aque que quera si ra, i rei que emo ñee Herodes je ra. Juan Jesús riqui rei nguiã mbia je. 8Elías Jesús riqui rei nguiã emo je no. —Dios chee nenei neneisa ima quera si je cho ñene, i rei que emo emo Jesús rii no nda. 9Herodes que ñee nda. —Juan ãqui ngue achisiamo tuchi. ¿Mañi nda quera si re? ¿Aba Jesús re? Ae rese aico jirandu tuchite. Tamae erese no, i que ndua ndua uchiangui re ra.

Jesús mbichae mbeta tuchi mbia je

¹⁰ Jesús chimondo uchee nenei neneisa que nyebi ngae ee ra. —Â ngue uresaã saã nda, i que mbae renei ja Jesús je ra. Mbia tiámbaa que Jesús ũquĩ nderao ja rei ra. Betsaida rurubi jiri. 11 Mbia ataque jirandu mose que nyoi erui ra. Jesús que eisi turã Dios chee nenei nenei ee ra. Erasi abe mbuchero chero ee. 12 Tenda oso mose que echimbaaquiatu nee ndei ee ra. —Mbia emondo rã sucha tubiriã nia. Sã echoi bei quiaru huee. Uque bei abe huee no. Mbae ãte nandecu a, i rei que echimbaaquiatu Jesús je ra. ¹³—Jeño mbae jemondo ee echiurã, i que Jesús ee ra. — Tei. Mbae quia ra aba mondo ee. Cinco cho ngue mbichae ra. Sira abe nyeremoñote nyeresẽ, i que echimbaaquiatu Jesús je ra. 14 Mbia tubiriã tuchi que chi ra. Cinco mil ndobei. —Mbia jembucoi ja ino íbii. Eata jaaja jeñono mbucoi. Sã echi ngoi icúe cúe cincuenta jaaja, i que Jesús uchimbaaquiatu je ra. ¹⁵ Jesús chee nguire que ngoi ja cote ra. ¹⁶ Jesús que mbichae siro cote ra. Sira abe riro. Mae ngue ibate ra. —Gracias, i que ñee Dios je ra. Mbichae que esiquio quio ra. Sira abe no. Mondo mondo ja que uchimbaaquiatu je cote ra. —Jembuchao chao mbia tubiriã je cote, i que Jesús ra. ¹⁷Mbia que embuquiaru ja tuchi ra. Miãtã tuchi que ra. Mbia huisa tubiriã ngue cote ra. Sira rire. Mbichae rire abe no. Doce iru que mbia mombise esique sique je ra.

Cristo cho nde rese, i Pedro Jesús je

18 Emo mose que Jesús ae riqui ñee ñee Dios je ra. Echimbaaquiatu abe que chi huee ra. —¿Aba aico rei mbia je re? i que Jesús ee ra.
19 Echimbaaquiatu que ñee ee ra. —Juan el Bautista ereico rei nguiã emo je co. Elías ereico rei nguiã emo je no. Dios chee nenei neneisa quera si je ereico rei nguiã emo je no, i que echimbaaquiatu ee ra. 20—¿Aba aico rei jēje co re? i que Jesús ee ra. —Cristo cho nde rese. Dios riiri ño nde rese, i que Pedro Jesús je ra.

Mbia ra seiquia, i Jesús uchimbaaquiatu je

- 21—Ûquĩ nda jeñeechĩ emo je jẽ, i tuchi que Jesús ee ra. 22 Jesús que uchimbaaquiatu mbaaquiatu quiatu ra. —Mbiarã ngue Dios sembu ra. Mbia ra sembasi mbasi tuchi. Amei nda hui ja sesi. Sacerdotes rerecua abe ra hui ja sesi. Embesasa abe ra hui ja sesi. Mbia ra seiquia chee. Tres tenda mose ra aquera si, i que Jesús mbia eiquia nonde ra.
- ²³—Emo siquise mose serui, sã hui ja mbae ubi si. Sã cruz umbaerã ndui bei se rã si. Sã eriqui serui cote. ²⁴Emo ndua bei mose ngueco rese, ereco ra ua esi. Emo hui mose ngueco si seje, ũquĩ nda siqui bei. ²⁵Emo ngueco mumba chooño mose, eya eã mbei rae. Mbaecha rete raque. ²⁶Emo ireĩ ireĩ mose sesi, se abe chỗ nda aireĩ ireĩ esi. Emo ireĩ ireĩ mose

secheẽ sɨ, se abe chỗ nda aɨreɨ ɨreɨ esɨ, sechu mose mbia rerecuarã. Dios quirãcuã nda sembu. Angeles rese ra achu aque mose. ²⁷Tacheẽ nyecua jẽje. Ã jẽɨngo serese ã nae, jemo nda jemae Dios quirãcuã ndese jemano nonde. Mbia rerecua tuchɨ ra Dios, jemo mano nonde, ɨ que Jesús ee ra.

Jesús nyiicabo uchimbaaquiatu je

²⁸Ocho tendare que Jesús choi sita ibátee ra. Ñee sacuã Dios je huee. Pedro que oso erese ra. Jacobo abe. Juan abe. ²⁹ Jesús ñee mose Dios je que eruba ñimbiasu ra. Eirao abe que enininya ra. Eiraoshĩ nininya tuchi que ra. 30 Mbia nyeremo ngue nyecua u ibate si ra. Jesús nininya mose que eriqui ñee ñee nyue erese ra. Moisés que enongue ra. Elías que enongue no nda. 31 Ũquĩ ja que enininya Jesús rese ra. —Mbia ra Jesús iquia mbucha ira rese Jerusalén, i que equia ñee nyue ra. ³²Pedro reesite raque. Eresenda abe reesi esite raque. Uqueã mbei quera. Jesús nininyate quiatu ngue ee re. Moisés abe nininyate quiatu ngue ee re. Elías abe nininya no. 33 Ibatenda que nyoi quia Jesús recha cote ra. —¿Manyae ra ñee Jesús je re? i que Pedro ra. Nyebe ñee iru chô nguiã ee. —Nandecu turãte aa, Sembaaquiatusa. Sucha ñetẽ uresaã saã na. Enongue nembaerã. Enongue Moisés mbaerã no. Enongue Elías mbaerã no, i rei que Pedro ñee Jesús je ra. 34 Pedro chee mosete que ibeishī ndu eite ñi nda. Ibeishī ngue Moisés mbuchecuayã ee ra. Elías abe mbuchecuayã ee. Nyebe esiquiche nguiã. 35 Echee mo ngue echandu ibeishi qui re ra. —Co rei sebi tuchi seriiri co. Echeë jeñandu bei quia, i que Dios ee ibeishî qui re ra. ³⁶ Aquere que Jesús mii ndiqui uchimbaaquiatu rese ra. Umaesa que esenei eã ja emo je ra. Ñee ãte que emo je ra.

Jesús aba checuayã jea mbia riiri mo si

37 Isamamimbe que ecuae nguichi sita ibate si ra. Mbia tubiria ngue ngae Jesús rea ra. 38 Ũqui mo ngue nee Jesús je ra. —Seriirī ndese emae, Urembaaquiatusa. Seriirī miite que se co ra. 39 Aba checuayā icuā ndiqui eisi isi co. Embaase ase mbei. Emburiri riri. Echuru mbichoi. Erete munumbi numbi. Aba checuayā hui sereā mbei seriirī si. 40 "Aba checuayā embuse seriirī si", ae rei ngue ndechimbaaquiatu je re. Embuse aroneate esi, i que eru nee Jesús je ra. 41 —¿Mañi jenye quia seicuayāte re? ¿Sechee jemumba tuchi cho nguia re? ¿Ñimbirācuā mbeite ra aba quia jēje re? i que Jesús nee ee ra. —Nderiirī eru rā seje, i que eru je cote ra. 42 Jesús rurubite mose que aba checuayā eriirī mbucoi mondo ra. Mburiri tuchi que ra. Jesús que nee asite aba checuayā icuā je ra. Eriirī ngue embuchero nda. Embuchero ji que emondo eru je cote ra. 43 Dios quirācuā ndese mae ngue mbia nyuruira tuchi ra.

Mbia ra seiquia, i si Jesús

Jesús chiao rese mae ngue mbia nyuruira tuchi ra. Mbia nyuruira mose que Jesús ñee uchimbaaquiatu je cote ra. 44—Mbiarã ngue achu ra. Mbia

ra semee mbia icuã je. Seriicharã. Ũquĩ si ra jētesareichĩ, i rei que Jesús uchimbaaquiatu je ra. ⁴⁵Echimbaaquiatu que Jesús cheẽ icuayãte ra. Echecuayãte que ee ra. —Ndecheẽ embiasa ure je, iã ngue ñee ee ra. Ireĩ ireĩ ño ngue ñee ee ra.

Ererecua tuchi ra se, i jaaja Jesús chimbaaquiatu nyue

46—Se quia ra ererecuară tuchi jesi, i jaaja que echimbaaquiatu ñee nyue ra. Ñee icuă icuă nyee nyue. 47 Jesús que uqui ndua ndua icuate ra. Nyebe aque mo mbucoi mii nguia ujii. 48 Jesús que nee ee ra. —Să aque mo ndiqui siqui mingue no je. Ae etură ndiqui mbia riiri je serii nae, seje abe cho etură ndiqui nguia. Ae etură ndiqui seje nae, semondosa je abe cho etură ndiqui nguia. Ae ererecua sereate riqui jemo nae, uqui nguia sebi re. ¿Mbaera jeingo "ererecuară se" i nyue re? i que Jesús ee ra.

Emo icuã eã mose nande je, nanderesenda chỗ ũquĩ nde

⁴⁹ Juan ngue ñee Jesús je ra. —Pe emo nyɨ aba checuayã ndirõ ndirõ mbia sɨ nderɨ̃ pe. Uremae ngue erese ra. Aque eriqui ãte nanderese aque. Nyebe uresiquisã nguiã, ɨ que Juan Jesús je ra. ⁵⁰ Jesús que ñee ee ra. — Tei. iJēsiquisã quisãchĩ nda jẽ! Emo icuã eã mose nande je, nanderesenda chỗ ũquĩ nde, ɨ que Jesús ñee ee ra.

Jesús ñee asi Jacobo je; Juan abe je

51—Namo jiri ra aso ibate cote, i que Jesús ndua ndua cote ra. —Taso Jerusalén, i tuchi que equia ra. 52 Jesús que mbia mo mondo unonde ra. Ûquĩ ngue ngasẽ sucha tubiriã mo nda. Samaria jenda rei sucha. —Jesús ra uque aa jendese, i rei que hue jenda je ra. 53 Hue jenda que Jesús isi turã sereãte ra. —Jerusalén Jesús si quia qui reae. Nyebe ureico nguiã eisi sereã aa, i que hue jenda ñee icuã Jesús chimondo je ra. 54 Jacobo jirandu mose que paama i hue jenda je ra. Juan abe que paama i hue jenda je ra. Űquĩ ngue ñee Jesús je ra. —Sã Elías tata mbu ibate si mbia icuã je cose no. ¿Eĩ ure si ra tata mbu ã iquia sacuã nde? i que echimbaaquiatu ñee Jesús je ra. 55 Jesús que uba ñee asite ee ra. — Jēsecha chõ. Aba mingosa riirĩ ño jẽingo ã ndesẽ. ¿Jētesarei chỗ nguia ũquĩ si re? 56 Mbia iquia sacuã ngue achuã ndesẽ. Mbia mingo bei sacuã no ngue achu nguiã, i que Jesús ra. Sucha tubiriã mo ngue echoi cote ra.

Jesús rui taico, i raque emo

⁵⁷ Jesús ngata mose que mbia mo ñee ee ra. —Taico bei nderese. Ndeso mose manguiti, se abe ra aso bei quia nderese, i que ñee Jesús je ra. ⁵⁸ Jesús que ñee ee ra. —¿Mbae rasi ra eresaã saã serese re? Eoita quia ecua jiri re. Nguireĩ nguia equisa jiri no nde. Se quia sequisayã mbei re, i que Jesús ee ra. ⁵⁹—Serui eico bei, i que Jesús emo je ra. —Sã seru mano

na. Aquere quia ra aico bei nderui, i rei que aque ñee Jesús je ra. 60 Jesús que ñee ee ra. —Sã mbia ataque chô nderu chati. Nde quia eso Dios cheẽ nenei nenei mbia je, i que Jesús ee ra. 61 Emo ngue ñee Jesús je ra. —Aico jee ra nderui. "Co acua quia co", tae rã oso sechuchua jenda je, i que ñee Jesús je ra. 62 Jesús que ñee ee ra. —"Achu jirichĩ nguia Jesús rui", i mose sequiato mo, aque ra ngaseã Dios je, i que ra.

Jesús mbia setenta mondo uchee nenei nenei sacua

¹ Aquere que Jesús mbia setenta irabo no nda. —Sereta cho jeso jeso quia sucha mbuchesea sea, i que ee ra. Nyeremo nemo ngue embuchao chao quia mondo ra. 2—Sechee andusa rea ndei etubiria. Sechee nenei neneisa rei co mii jiri. "Dios, ndechee nenei neneisa mo emondo tuchi. Mbia mbiirandu randu sacuã", jenye chỗ nguia Dios je. Sã echa mbae a ishao shaosa mondo ea ireí mose no. 3 Jeso cote. Sã nyacua icuã ndiqui oveja je no. Ei si ra mbia icuã icuã jeje. Nyacua rã si. ⁴Jẽochɨ chỗ jẽso. Mbae riru ra jendaochɨ. Mbae isiquia abe ra jendaochɨ no. Jēiyao abe ra jendaochī. Jēito itochī nda neenda cúa nee sacuā mbia je. ⁵Jēique mose emo nyuchúaa, jeñee turã huee tuchua jenda je. "Dios nda jembia bei quia chã", jenye hue jenda je. 6Hue jenda ia mose Dios rese, Dios ra siqui tuchi erese. Eva eã mose Dios rese, emo je quia jeñee. ⁷Jemba jembatechi nda uque tuchua raamba amba. Jengue mocoi jiri quia huee. Ae hue jenda u u quia nae, je abe jeu quia erese. Jeingo mose seche e nenei nenei mbia je, sa mbia mbae mondo mondo jeje. 8 Sucha tubiriã jenda jeisi tura mose, jequiaru quiaru erese. 9Hue jenda ndasi jembuchero nyero ee. Hue jenda je sechee jesenei senei. "Namo jiri ra jenderecuară Dios cote", jenye cho hue jenda je. 10 Sucha tubiria jenda mo jeisi serea nea mose, jenee asi ee etaicúee. 11 "Urei tubi urembutomo nguia jendique jie a. Jētesareiā sacuā urecheē si. Jenderecuase rete raque Dios. Jēisiā ñochī", jenye chō hue jenda mbiirandu. 12 Se mbia icuā mbasi mbasi mose, hue jenda ra ambasi mbasi tuchi Sodoma jenda si.

Jesús ia eã mbia sucha tubiriã jenda rese

¹³Seya eãte jendese, Corazín jenda. Seya eãte jendese, Betsaida jenda. Jendasi tuchɨ chố ndae. Mbia mae sayã ngue asaã saã jēje nae, ũquĩ naa mose Sidón jenda je, eĩ nda hue jenda huɨicuã ndecha rei. Eĩ nda Tiro jenda abe huɨicuã ndecha rei. Eĩ nda eya eãte rei huɨicuã ndese. ¹⁴Jẽ nguia jēɨcuã jēsecha sereãte rei. Nyebe ra Dios jembasi mbasi tuchɨ ũquĩ sɨ quiatu. Dios mbia ɨcuã mbasi mbasi mose. ¹⁵Jēcuasu jēsaã saã tuchɨ techĩ nguia re, Capernaum jenda. Nyebe ra Dios jemondo tuchɨ tata cuasu. ¹⁶Secheẽ nenei neneisa chố jẽ nde. Ae ra jeñee ñandu quia nae, secheẽ abe ra echandu. Ae ra jēucuãyãte quia nae, se abe ucuãyã ndae. Ae ra seucuãyãte quia nae, sembusa abe ucuãyã nda eno, i que Jesús ñee uchɨmondo setenta je ra.

Jesús chimondo mbia setenta nyebi ngaẽ ee

17 Ũquĩ setenta nyebi si mose que eyate ra. —Aba checuayã icuã urecheẽ mumbayã ñochĩ nderiĩ, Urererecua, i que ñee Jesús je ra. 18 Jesús que ñee ee ra. —Satanás que ngoi tuchi u ibei si ra. Sã ama piriã i asi no, eĩ si que eu ngoi ra. Amae tuchi que ecoi rese ra. 19 Sequirãcuã ngue amee tuchi jẽje ra. Jendeaquiatu sacuã. Jẽirõ sacuã mbei tásie rese. Quiraẽ ndese. Seucuãyãsa riquisã sacuã. Sequirãcuã nda jendea quiatu mingo. 20 Ũquĩ ndesechĩ nda jẽya. Serese quia jẽya. Aba checuayã jeñee mumbayã mose iũquĩ ndesechĩ nda jẽya no jẽ! Paba que nombre jembae mbesa mbesa mii ibate ra. Ũquĩ ndese quia jẽya, i que Jesús ee ra.

Jesús ia tuchi

²¹ Aque mosete que Espíritu Turã Jesús mbia tuchi ra. Ñee ngue ngu je ra. —Seyate aico nderese co, Paba. Ibi jenda rerecua ja chỗ nde re. Ibei jenda abe rerecua ja chỗ nde no nde. Ndecheẽ ngue erembuchecuayã mbia aquiatu tuchi je ra. Mbia riirĩ naanguia je chỗ ngue erembuchecua nguiã. Ũquĩ ño ngue eturã ndeje ra, Paba, i que Jesús ra. ²²—Seru que mbae mondo ja seje ra. Paba mii ño seicua tuchi nguiã. Paba riirĩ mii ño se re. Se mii ño Paba aicua tuchi nguiã no. Ae je ra Paba ateacuquia nae, ũquĩ mii ño nda Paba icua tuchi nguiã serese, i que Jesús ñee nda. ²³ Jesús que uba mae uchimbaaquiatu rese ra. Eísaa que ñee nda. —Coche jemae nguiã ã sechiao rese. ²⁴Mbia rerecua ñiinda mae ja bite raque ã sechiao rese. Dios cheẽ nenei neneisa abe mae ja bite raque ã ndese. Mae eã mbei que equia sechiao rese ra. Secheẽ andu bite raque. Secheẽ ngue echanuate ra, i que Jesús ra.

Samaria jenda mo turã erasi je

25—Ma Jesús ucheẽ nyabi, i que embesasa mo ñee oso Jesús rea ra.

—¿Mbae rese ra aico siqui bei nonde re? i que ñee Jesús je ra. ²6—¿Mañi ño Voisés chimbesa re? i que Jesús ee ra. ²7Embesasa que ñee ee ra. — Eĩ ño ngue Moisés embesa ra: "Echesecua tuchiquia Dios rese. Ndechiã ja je chō eico nyesecua erese. Neaĩ abe je. Ndequirãcuã abe je. Nendua ndua abe je. Sã erechesecua ndechiese no, eĩ ere si chō nyesecua nde ji jenda rese", i que embesa ji ñee ndesẽ, i que embesasa ñee Jesús je ra. ²8Jesús que ñee ke ra. —Erecheẽ turãte. Ndkico mose ũquĩ ndese, Paba ra nemingo bei, i que Jesús ee ra.

²⁹Embesasa que uturã saã saã Jesús je ra. —¿Aba se ji jenda re? ¿Aba rese ra achesecua re? ¡ que ñee Jesús je ra. ³⁰Jesús que ñee ee ra. —Sã emo oso quia Jericó quiti no. Jerusaén si. Sã mbia ¡cuã nyarõ erese ñeenda cúa no. Ucua ucua tuchɨ que erese ra. Embae que embuquiachã ja ra. Eɨrao abe rirõ ja esi no. Ecura curái que esecha ¡no ñeenda cúa

rã nda. 31 Aque ñeenca aui que sacerdote mo si ra. Maeño ngue ecura curái rese ra. Nyucuaño ngue oso ra. 32 Levita mo abe que oso rei hue ri no nda. Aque abe que maeño si erese no nda. Ñeenda ibi cho esi nguiia kcuaño no. 33 Aquere que Samaria jenda mo oso hue ri nda. Aque mae mose ecura curái rese, eva eã tuchi que aque quiatu ra. Aque quia echucuaño eã nguiã cote. 34 Aque que tiba erese ra. Mbae quira que equiti quiti eiruã nua ji rese ra. Vino abe quiti erese. Esia ji que echucua chucua ee ra. Caballo umbae rese que erasi mbuchui cote ra. Tuchua mo ngue ererao ra. Huee que eriqui eraarõ isa ra. 35 Isamami ngue ñee tuchuacha je ra. —Taso cote. Ecura curái embuchero nguia aa. Co mbae isiquia nyeremo tamondo ndeje. Embuchero sacua eisi co je. Co nyeremo chayã mose, mbae isiquia mo nda amondobe ndeje sechube mose, i que Samaria jenda ñee tuchuacha je ra. 36 ¿Aba nyesecua ecura curái rese re? ¿Sacerdote ere? ¿Levita ere? ¿Samaria jenda ere? i que Jesús embesasa je ra. ³⁷ Embesasa que ñee ee ra. —Samaria jenda cho ngue nyesecua erese resẽ, i que embesasa ñee Jesús je ra. Jesús que ñee ee ra. —Ae rã si chõ eico nyesecua, i que ee ra.

Jesús oso Marta rea; María abe rea

38 Jesús que ngasẽ sucha tubɨrɨä mo nda. Cuña mo ngue eisi turã uchuchúaa ra. Marta, ɨ equia ee. ³⁹María, ɨ que Marta nongue je ra. Jesús i ji beɨ que María riqui ngoi ra. Jesús cheẽ ndese nyiisaquia beɨ. ⁴⁰Marta que mbae chao chao ja tuchɨ quia ra. Erecoteã tuchɨ que eriqui ra. Oso que ñee Jesús je ra. —Mbae mo ndese senongue riquíã ño co resẽ. Echeẽ na ee. Siqui sacuã mbae mo ndese seje, ɨ rei que Marta Jesús je ra. ⁴¹Jesús que ñee Marta je ra. —¿Mbaerã ereico siqui jate mbae rese re, Marta? ⁴²Aque mɨi ndese chō eico ndenongue rã sɨ ae, Marta. María riqui secheẽ andu andu a resẽ. Emo nda embuɨ eã secheẽ sɨ, ɨ que Jesús Marta je ra.

Jesús mbia mbaaquiatu quiatu ñee tura sacua Dios je

11 ¹Emo mose que Jesús chi ñee ngu je ra. Hui mose que echimbaaquiatu ñee ee cote ra. —Urererecua, urembaaquiatu rã ñee Dios je. Sã Juan uchimbaaquiatu mbaaquiatu no, i que Jesús chimbaaquiatu ñee ee ra. ²Jesús que ñee ee ra. —Eĩ jenye chỗ nguia Dios je ñee mose:

Paba ibatenda, sã mbia ñee turã ja bei quia nderii.

Mbia rerecuară ja sacuă echu jei íbii.

Sã mbia ibatenda siqui beite ndebi rese no.

Sã mbia ibi jenda abe riqui ndebi rese.

³ Ae ra ureu namo, ũquĩ embu rã urechiurã.

⁴ Ae uresaã icuã icuã ndeje nae, ũquĩ embutiã ná uresi.

Sã ureico tesarei mbia icuã icuã mose ure je no. "Mbae icuã jēsaã" iichī nda emo ure je jē! Urereaquiatu mbae icuã si.

Eĭ jenye cho ñee mose Dios je, i que Jesús embaaquiatu ra. 5 Jesús que ñeembe ee ra. —"Mbae embu seje", je i mose jequiato je, ¿mee nda jeje re? Sã jeingo oso jequiato rea itondiite rete mose no. "Mbichae prestar ere rã seje. 6Sequiato mo ngue tu serea ra. ¿Mbae ra amee ee re?" jenye cho ee. 7 Ae je jeingo nee nae, ¿mee ea nda jeje re? Sa nee jeje no. "Jēso rei. Seiquesa ãtãte. Co achu seriirī ndese quisa ye co. Sehuã sereate. Mbae mo amondo aronea tuchite ndeje", ¿i ra jeje re? 8Mondo eã aroneate jeje jeñee mbei bei mose ee. Nyuruã sereate raque uquiato je. Ñee mbei mose ee, nyuruã nda mbae mondo turã ee. 9Ei si cho Dios no nde. Jeñee i i mose Dios je, mbae ra emondo jeje no. Je mbae mo ndequia i i mose, jetea rae. Je eiquesa mbu i i mose, mbuquiata ra jeje cote. ¹⁰ Ae ñee i ite quia Dios je nae, mbae ra Dios mondo ee. Ae mbae mo seguia i ite quia nae, tea rae. Ae eiquesa mbu i ite quia nae, equia ra ee. ¹¹ Jendiirī "mbichae embu seje" i mose, ¿sita ra eru mee ee re? Jendiirī "sira embu seje" i mose ¿mbei ra eru mondo ee re? 12 Jendiirī "nguira chia embu seje" i mose, ¿quirae nda eru mondo ee re? 13 Mbia icuã nyee mbae turã mondo mondo quia nguiirí je ã. Jendu Ibatenda quia ra mbae tură tuchi mee jeje. Jendu ra Espíritu Tură mee jeje, jeñee mose ee, i que Jesús ee ra.

Aba checuayã quirãcuã Jesús quereco co, i raque mbia

¹⁴Emo mose que Jesús aba checuayã icuã mbusẽ emo ñia si ra. Aque aba checuavă nguia echee mbaaquiatuate nguia. Jesús embuse mose que nee cote ra. Nee mose que mbia nyuruira tuchi mae erese ra. 15 Emo emo ngue ñee nda. —Aba checuayã icuã nderecua tuchi chỗ Satanás nde. Satanás quirãcuã je chỗ Jesús riqui nguiã aba checuayã icuã mbusẽ mbusẽ mbia si co, i rei que emo emo nda. 16—Ma Jesús aquiatute, i que mbia ñee nyue ra. —Jesús, mbia mae sayã mo esaã na ure je, i que mbia ñee Jesús je ra. 17 Jesús que ũquĩ ndua ndua icuate ra. Nyebe ñee nguiã ee. —Gobierno icuã icuã mose nyue, ua rae. Tuchuamo jenda icuã icuã mose nyue, ua ra eno. 18 Satanás icuã icuã mose nyue, Satanás quirãcuã nda ua no. Jeñee ñooño ño nguiã seje ã. "Satanás quirãcuã je chỗ Jesús riqui nguiã aba checuayã mbusẽ mbusẽ mbia si", jenye chốchĩ nguiã seje ã. 19 ¿Aba jeñimbaaquiatu mbiracua je nde? Aba checuaya icua mbuse nonde re. ¿Satanás jeñimbaaquiatu mbirãcuã serese re? ²⁰Dios quirãcuã je quiatu aico aba checuayã mbuse mbuse mbia si ã. "Dios quiracua ndese cho ureico nguiã mae", jenye eã nochi nguiã a. 21 Satanás quiracuã tuchite raque. Umbae raarõ tuchite raque. "Sembae chi turãte a", i raque. ²²Dios quiarei equiracua tuchi Satanas si. Dios Satanas mbae siro ja

arõte quia esi co. Dios Satanás mbae mbutiã ja arõte quia co. ²³Ae siqui ate quia serese nae, ũquĩ icuã no eriqui nguia seje. Ae mbae a ishao shao raanguia eate quia seje nae, ũquĩ icuã no eriqui nguia seje.

Aba checuayã icuã nyebi u mbia chiangui re

²⁴Aba checuayã icuã usẽ mose emo ñia si, ngata bei chỗ nguiã. "¿Mangue ra sequenea aucua que re?" i chỗ nguiã. Uquenea ucua sacuã ngue etea eãte ra. "Tasobe rei nyebi. Ae si achu usẽ, aque chiã ye si taso", i que aba checuayã nda. ²⁵Aba checuayã nyebi si mose u, mbia chiã ndecoteã eãte que ee ra. Tuchua tii ji raãte que ee ra. ²⁶Aba checuayã icuã ngue nguesenda siete queru cote ra. Ique ja que echoi aque chiangui re cote ra. Ae chiangui re aba checuayã icuã siete riqui nae, aque icuã i i tuchi que cote ra. Ñiinda si. Aba checuayã mii ngue siqui eye nyii ra. Etubiriãte cote, i que Jesús ee ra.

Dios chee andusa je quiatu mbae roonde

²⁷ Jesús cheẽ mose que cuña mo tasẽ tuchɨ ñee mombo ra. —Mbae roonde tuchɨñɨ ndesi je nye. Ae nembuquiambu quia, ɨ que cuña mo ñee mombo Jesús je ra. ²⁸ Jesús que ñee ee ra. —Dios cheẽ andusa je quiatu mbae roonde riqui nguiã. Dios cheẽ mumbasa reã je quiatu mbae roonde riqui nguiã, ɨ que Jesús ra.

Mbia mae sayã esaã ure je, i bei mbia Jesús je

²⁹Mbia que ngaẽ tuchi Jesús riichã nda. Jesús que ñee mbia je ra. —Co mosenda mbia icuãte riqui ã. "Mbia mae sayã esaã ure je", i beite equia seje ã. Mbia mae sayã mii ño nda asaã ee. Jonás na si. ³⁰Sã Jonás ndiqui raque sira rie ye tres días nae, sã mbia Nínive jenda echeẽ andu cote nae. Jonás na si ra asaã mbia je. Mbia co mosenda je mae sayã tasaã. ³¹La reina de Seba quia eturã jiri mbia co mosenda si re. Dios ra co mosenda mbasi tuchi la reina de Seba si. Sã la reina de Seba tu isho tuchi si Salomón ñee andu no. Se quia acheẽ ndaque quia jēje. Searacua tuchi raque se quiatu Salomón si. Secheẽ jemumbate chôchĩ NGUIA Ã: Nyebe ra Dios jembasi tuchi mbia icuã ndea rea mose. ³²Nínive jenda quia eturã jiri co mosenda si re. Dios ra co mosenda mbasi tuchi Nínive jenda si. Sã Nínive jenda huiicuã ndecha Jonás ñee mose ee no. Aico raque ñee jẽje, co mosenda je. Jẽ secheẽ jemumbate chôchĩ nguia ã. Se quia raque ererecua tuchi Jonás si. Nyebe ra Dios jembasi tuchi mbia icuã ndea rea mose.

Nanderesa quiarei mbae resae nanderete je

³³Nande lámpara mendi mose, nandemɨɨ aroneate mbaequi re. Nandemɨɨ aroneate mbae mo ye. Nandemingo quia ibate erenda rese. Mbia resae ja sacuã. ³⁴Nanderesa quiarei mbae resae nanderete je. Nanderesa turã mose, nanderete abe ra oso turã. Naneeresa icuã mose, nanderete abe ra oso icuã icuã no. ³⁵Tata rendi rã jēingo bei. ³⁶Tata rendi rã jēingo bei mose, jemae turã nda mbae ja rese cote. Sã tata rendi riqui nanderesae no, i que Jesús mbia mbaaquiatu ra.

Jesús ñee asi fariseos je

³⁷ Jesús ñee jare que fariseo mo ñee ee cote ra. —Nyao rã sechuchúaa. Terequiaru serese, i que ñee Jesús je ra. Jesús que oso erese ra. Ngoi que quiaru cote ra. ³⁸Fariseo que ñee uchiangui re ra. —Jesús choi quiiriã ño quiaruchi, i que uchiangui re ra. 39 Jesús que ñee asi ee cote ra. —Jeo acho no jeirei ireichi nguia. Jeniangui renda quia eicuate re. Jeniangui renda quia jĕirei ate nguia. Abei chiate cho jĕingochi jeniangui re. ⁴⁰Nandeo acho ea no ngue Dios saa nguia. Nandechiangui renda abe chỗ ngue Dios saã ndesẽ. 41 Abei chiấte chỗ jẽingochĩ jeñiangui re ã. Jeñiangui renda tură mose, ei nda jetură ja rei. 42 Aba mbia ea tuchichi jẽ, Fariseos. Mbae a jemondo mondo tuchi raque Dios je. Jenyesecua eate quia erese jeniangui re re. Jeingo tura eate quia mbia rese no nde. Ũquĩ jẽsaã jiri ae. Mbae a abe jemondo Dios je. 43 Aba mbia eã tuchichĩ jē, Fariseos. "iSerendarā turā nguiatu se jē!" jenyete chī nguiā mbia ñumunua mose. "Sã mbia sererecua i nande je", jenyete chi nguiã no. 44 Aba mbia eã tuchichi je, Fariseos. Embesasa abe no. Jenguasu jesaã saã techi nguiã mbia je. Mbia raaque tãsa rã ño jeñiangui renda re. Jeñiangui renda soo ño nguiã. Erondeite. Sã eraaque tãsa venda soo no. Mbia jirandu eã ndaque jeñiangui renda soo ndese, i que Jesús ñee fariseos je ra. Embesasa je abe no. 45 Embesasa mo ngue ñee Jesús je cote ra. —¿Mbaerã ereico ñee ure abe je re? i que ra. 46 Jesús que ñee ũquĩ abe je ra. —Aba mbia eã tuchichĩ jẽ abe. Jeñee tuchite quia mbia je ã. Dios chee jembeta mbeta tuchichi nguia mbia je ã. Mbia echee mumbayã aroneate chee quia ã. Jẽ si chỗ jeñee jemumba mumba nguiã ã. 47-48 Cose ndare rã si jẽingo nguiã ã. Jenamei na si. Sã ñi jenamei icuã icuã ndiqui Dios cheẽ mbuchecuasa je cose no. Ei jenye si chỗ nguiã ã no. ⁴⁹Dios quiarei earacua tuchi. Ae que ñee jeje ra. "Sechee mbuchecuasa emo emo nda amondo mbia je. Mbia icuã icuãte ra sechee mbuchecuasa je. Secheẽ mbuchecuasa mo iquia chee, i que Dios ñee nda. 50-51 Ae Dios quiato iquia iquia quia cose nae, ũquĩ nii nda Dios jembasi cote. Sã mbia Abel iquia cose no. Sã mbia Zacarías abe iquia altar jii no. Sã mbia Dios quiato iquia iquia bei cose no. Ũqui ja rii nda Dios jembasi cote. 52 Aba mbia eã tuchichi je. "Ure mii no Dios chee ureicua nguiã a", jenye choono ño nguiã ã. Dios cheẽ jẽisi turã eãte quia ã. Mbia siquise mose Dios rese, jẽingo emingo eãte erese ã no. Jẽ abe chee jẽingo eãte erese ã no, i que Jesús ñee embesasa je ra.

53-54 Jesús ñee jare que fariseos paama i tuchi ee ra. Embesasa abe paama i nguiã ee no. Ûquĩ ngue ñee ñee tuchi Jesús je ra. —Sã Jesús ucheẽ tasa tasa nande je no. Ûquĩ mose nandeisi serao policíaa, i tuchi que ra. Nyebe eriqui nguiã Jesús rea chemi ñemi.

Jěturá nda jěsaá ňooňochí je

12 ¹Mbia tubɨrɨä ngue ngaẽ nguia Jesús rea cote ra. Cuaacua i tuchɨ que equia nyuera. Mbia tubɨrɨä tuchɨ. Jesús que ñee uchɨmbaaquiatu je cote ra. —iFariseos rã nda jĕingochɨ jĕ! Uturã naa ñooño mbei. ²Ae mbia saã nyecuayã cuayã nguia nae, ũquĩ nda nyecua ja cote. Ũquĩ nda mbia icua ja cote. ³Ae jeñee nguia itondaru jĕingo mose, ũquĩ nda nyecua ja mbia je cote. Jeñee equia nyiisa isa nae, ũquĩ abe ra nyecua ja mbia je no.

Dios riqui jendeaquiatu bei co

⁴Tacheẽ nyecua jẽje, Sequiato. Ae "taiquia" i quia jenii nae, iũquĩ si ra jẽsiquichechĩ jẽ! ⁵Ae aba mombo serĩte quia tata cuasu nae, aque si quiatu jẽsiquiche. iAque si quiatu jẽsiquiche tuchi jẽ! ⁶Nguireĩ ndei aba queteamba eã jiri. Mbae isiquia mumba eã jiri raque. Dios quia nguireĩ icua jate nguiã. Dios ra tesareiã nguireĩ mo si. ⁷Dios riqui jẽ mii mii icua ja co. Dios riqui ngueteã jiri jendese nguireĩ si co. Nyebe jẽsiquicheã mbae mo si.

Jesús quiato cho se re, jenye checua cho nguia mbia je

8"Jesucristo quiato cho se re", ae i quia mbia je nae, ũquĩ nii nda acheë tura se abe. "Sequiato cho a nde", ae ra se. Angeles ra ambiirandu ja ũquĩ ndese. 9"Jesucristo quiato cho se re", ae ia nguia mbia je nae, ũquĩ nii nda acheë tura ea. "Sequiato ea no ũquĩ nde", ae ra se. Angeles nda ambiirandu ja sequiato ea ndese. ¹º Emo ñee icua mose seriĩ, Dios ra echeë icua mbutia arote. Emo ñee icua mose Espíritu Tura nii, ũquĩ icua nguia ra Dios mbutia ea mbei. ¹¹ Mbia icua icua nda jēje seriĩ. Jenderao mose mbia rerecua je, ijēquicoi coichĩ nda jē! "¿Mañi nande ra ñee ee re?" ijenyechĩ nda jē! ¹² Huee quia ra Espíritu Tura ñee nguia jēje jembuchee sacua, i que Jesús ñee uchimbaaquiatu je ra.

Mbaecha aracuayã

¹³Emo ngue ñee Jesús je ra. —Sererecua, senongue icuã icuãte seje. Echeẽ na senongueje. Ae ureru secha ure je nae, senongue embuchecha turã eãte seje, i que mbia mo ñee Jesús je ra. ¹⁴Jesús que ñee ee ra. —¿Mbaerã nda re? "Mbia mbae embuchecha turã turã ee", iã ngue Dios seje ra, i que Jesús ee ra. ¹⁵—iEmo mbae rese ra jemae maechĩ eosei sacuã jẽ! "Sembae tubiriã mose ra seyate cote", ijenyechĩ nda jẽ! i que Jesús ee ra. ¹⁶Jesús que ñee ee

ra. —Sã mbaecha mo ndiqui no. Ibicha. Sã embae ia tuchite no. 17"¿Mañi ae ra se re? ¿Mangue ra aba ererecoquiatu re?" i tuchi que mbaecha uchiangui re ra. 18 "Sembae ruacuã tambucuasu tuchi. Quiata a ruacuã. Ť nda sembae ique ja tuchi huee. Ae arecoquiatu quia ã nae, ũquĩ nda tenda ata jiri tea seje chã. ¹⁹ Aquiei quiei eã mbei ra se quia cote. Aquiaru quiaru chỗ nda se quia cote. Mbae ra ambei mbei chỗ nguia cote. Achimbia mbia chỗ nda se quia cote", i raque mbaecha ñee uchiangui re. ²⁰ Dios que ñee ee ra. "Ndearacuayãte ereico co. Co isa chỗ nda eremano. Ae ererecoquiatute quia nae, aba je chio nda ũquĩ cote", i que Dios ñee mbaecha je ra. ²¹ Ae mbae munua nua mbei quia nae, ererecoquiatu sacuã nae, earacuayã tuchi chỗ ũquĩ nde. Dios quiato eã ño ũquĩ nde, i que Jesús mbia mbaaquiatu quiatu ra.

Dios uquiato reaquiatu bei

²²Jesús que ñee uchɨmbaaquiatu je ra. —"¿Mbae ra nandeu re?" ijenyechɨ nda quɨcoɨ coɨ jẽ! "¿Ma tiru ra nandemingue re?" ijenyechĩ nda quɨcoɨ coɨ jẽ! ²³Mbia chiu ae ra mbia mingo eã. Mbia irao abe ra mbia mingo eã no. ²⁴Sã nguirei no. Mbae tiquiaya ndaque. Mbae ishao ea ndaque no. Mbae ruacua eate raque embae. Dios quiarei embuquiaru quiaru. Je nguiarei Dios queteamba tuchi nguirei și. Nguirei ja și. Je abe Dios ae jembuquiaru nguiă je no. 25 Mbia ae ra tiaro ea. "Se ra atiarombe", i raque ndua ndua uchiangui re. Dios ae mbia mbutiarõ arõ nguiã. ²⁶ Jē mbae ñetē naa aquiatuã mose, ¿mbaerã jēingo "mbae cuasu tasaã" i re? Dios quia ra mbae saã ja jēje. 27 Sã mbae uti turãte riqui no. Mbae ao ao eã ndaque. Ñinyu mburirã eã ndaque. Mbae uti quiarei etură jiri Salomón si. Salomón turăte raque. ²⁸Sã Dios quiata mbutură no. Quiata mano jeite raque. ¿Mañi nda Dios jembiirao eã je nde no? ¿Mbaerã jēingo Dios icuayate re? 29"¿Mbae ra nandeu re?" ijenyechi nda pare pare i jē! "¿Mbae ra nandembei re?" jenyechĩ nda quicoi coi no jẽ. 30 Eĩ ño Dios quiatoã nguiã. Jẽ nguia jendu tesareiã mbeite nguiã jesi. 31 Jẽ nguia jeingo tuchi Dios rese jenderecuară. Ûqui mose ra Dios mbae mee mbei jeje. Jenviură. Jeñimbeirã abe no.

Jembae jemondo ja Dios je

³²Jēsiquichechɨ nda mbae mo si, Seriiri. Jendu ra umbae mondo ja jēje. Dios iate ra umbae mondo mose jēje. ³³Jembae jemondochö ño mbaecha reã je. ɨ nda jembae tubiriä jēingo mose ibate cote. Mbae riru ra soro soroã mbei jembae ibate cote. Mbae ra ua eã mbei huee. Mbia ra mbae mbuquiachãyã huee. Chicuaquiarei eãte ra huee no. ³⁴Jē jembae mondo mondo mose ibate, jendua ra ibatenda rese cote. Jē jembae monoã mose emo je, ibatenda rese ra jendua eãte.

Jēingoquiatu bei cho nguia

³⁵ ¡Jēɨngoquiatu beɨ quia jẽ! Itondaru abe jẽɨngoquiatu quia. ³⁶Sã ererecua mo no. Oso ngũinisirã nderequia no. Huee erimba mo ndiqui echuchua raarõ

huee. Aque ererecua ru quia eiquesa mbuu mbuu aque cote. Erimba eequia asi ee cote. ³⁷ Erimba uqueã mose nguerecua tu mose, ererecua ia tuchi ra erese. Ererecua ra embuquiaru turã. Ae sí chô echara chara nguiã ngũimba je hue no. ³⁸ Ererecua ra tu arõte itondáruu. Itondiite mose abe no. Erimba uqueã mose nguerecua tu mose, ererecua ia tuchi ra erese. ³⁹ Sã emo ñee ndeje no. "Co mose ra mbae mbuquiachãsa ru nembae rirõ", i ndeje no. Ũquĩ mose ra erequeã. Nembae ra eresaarõ mbei esi. ⁴⁰ Eĩ jenye jẽ abe icoquiatu. Eĩ ae ra u ibate si. "Tu eãte rei rae", i mose quia ra achu, i que Jesús ra.

Erimba echee mumbaya mose, eya tuchi rae

⁴¹Pedro que ñee Jesús je ra. —¿Aba je ereico ñee ũquĩ nde? ¿Ure mii je ere? ¿Mbia ja je ere? ¡ que Pedro ee ra. 42 Jesús que ñee ee ra. —Dios rimba aba chee mumbaya nii aico nee co. Dios rimba aracua riiaico nee co. Sa ererecua ñee ngũimba turã je no. "¡Sembae esaarõ ja jẽ!" i ee. "Serimba ataque embuquiaru quiaru ja quia no", i ee. 43 Erimba echee mumbaya mose, ererecua ia tuchi ra tu mose. Erimba abe ra eva no. ⁴⁴Ererecua ra ngũimba mii mbei cote, umbae raarõ sacuã. 45 Sã erimba ndua uchiangui re no. "Sererecua ra tu jei ate", i ndua ndua. Hue nee icua icua uataque je huee cote. Iruã nua cote. Quiaru chooño cote. Mbae mbei chooño abe cote. Ouiacua quiacua cote. ⁴⁶Sã ererecua ru quia ngũimba mbuate aque cote no. Ñee ee. "Mbae ra eresaaroã mbei seje cote", i ngũimba je cote. Ngũimba iruã nua tuchi cote. Ae aba chee mumbate quia, ũqui ndese ra mbae rasi raã naa cote. 47 Ae nguerecua chee icuate quia nae, ũqui nda ererecua mbasi mbasi bei uchee mumba mose. 48 Ae nguerecua chee icua eate quia nae, ũqui nguia ra ererecua mbasi mbasiã jiri ucheẽ mumba mose. Ae Dios cheẽ icua tuchi quia nae, ũquɨ je ra Dios "mbae esaã tuchɨ seje", i. Ae je Dios mbae mondo tuchi nae, ũquĩ je ra Dios "mbae esaã tuchi seje", i.

Achu cho ngue mbia mbuchao chao nyesi rese, i Jesús

⁴⁹Ibate si que achu íbii ra. Mbia mae sacuã sequirăcuã ndese. Mbia sequirăcuã icua eã ñochĩ namo nyee. ⁵⁰Mbia ra sembasi tuchi cote. Pare pare aete se quia ndua erese co. ⁵¹¿Achu reĩ mbia mbuturã turã sacuã serimba je jēje re? Tei. Achu chỗ ngue mbia mbuchao chao nyesi resẽ. ⁵²Mbia chuchua jenda ra ñimbuchao chao nyesi. Nyeremo nda siqui serese serimbarã. Eataque ra ñimbuchao esi. ⁵³Emo nda eicuãte ngu je seriĩ. Emo nda eicuãte nguiirĩ je seriĩ no. Emo nda eicuãte usi je seriĩ no. Acuani abe ra eicuãte uchari je no. Ari mo abe ra eicuãte nguiirĩ ninisi je no. Eĩ si ra mbia icuã icuã uchue seriĩ no, i que Jesús ra.

Ae ibatenda ra tu icuate mbia je nae, aque jeicua eate chochi

⁵⁴Jesús que ñeembe mbia je ra. —"Ama nda nyaaqui", jenye bei quia pã i mose ã. Ibei jēicuate raque quia ã. ⁵⁵"Tenda rasite ra cote", jenye

bei quia quiririă ichu ichu mose a no. 56 Ibei jeicuate raque quia a. Tenda abe jeicuate raque quia a no. Ama abe no. Dios rucucha ra tu mbia je, ¿mbaera jeingo uqui icuayate quiatu re? ¿Mbaera jeingo jearacua raa naa nde?

Ae eicuate riqui jeje nae, "nandeico tura no nguia", jenye cho nguia ee

57 ¿Mbaerã jẽingo mae sereãte mbae turã ndese re? 58 Emo ñee icuã mose jenii mbia rerecua je, jẽturã ño ee. Jeñee turã ño ee. Jẽ ae chỗ jeñimbuturã nguia erese. Ť nda jenderao icuã eã. Jenderao mose ra jẽtarỗ mbei cárcel. 59 Huee ra jẽingo bei. Jembae mondo ja tuchi chee ee, i que Jesús ra.

Jẽhui chố jẽicuã si

13 ¹Aque mose que mbia Jesús mbiirandu Pilato rɨɨ nda. Pilato nda mbia Galilea jenda mo iquia iquia ra. Mbia ticuasu iquia iquia mose Dios mbaerã. ²Jesús que ñee mbia je ra. —Ae Pilato iquia iquia quia nae, ¿ũquɨ icuāte riqui reɨ mbia ataque si re? Tei. Jēicuã ja chō jēingo nguiã a no. ³Jēhui eã mose jēicuã si, jemano ja chō nda jē abe. Ũquɨ na si. ⁴Sã torre de Siloé ngoi mbia ati no. Dieciocho iquia. ¿Ũquɨ eicuāte riqui reɨ mbia ataque si re? Tei. ⁵Eɨ ja chō ñene. Jēhui eã mose jēicuã si, jemano ja chō nda jē abe. Ũquɨ na si, i que Jesús ra.

Ira ia ea mbei

⁶Jesús que ñee mbia je ra. —Sã amei mo ira tiquia rei no. Ia eã mbei chô ee no. "Ma taso erea no. Ia cote reae", i rei que amei nda. Ei oreate que ee ra. ⁷Nyebe amei ñee nguiã ngũimba je cote. "Ira a rea ngue aso rei nguiã. Ia eã mbei chôchī seje tres años. iEchisia chô oso jē! Ibi riquisã ñooño uã aque", i que amei ngũimba je ra. ⁸Sã erimba ñee amei je no. "Co tenda mose nandechisia eã na. Equi tambuturã. Mbae ruusi tachono ñono erao rese. ⁹Ma ia eate co tenda. Ia eã mose, nandechisia chô cote", i que erimba amei je ra, i que Jesús mbia mbaaquiatu ra.

Jesús ari rasi mbuchero

¹⁰ Sábado mose que Jesús chi mbia mbaaquiatu quiatu ra. Judíos chumunuásaa. ¹¹ Cuña ndasi mo ngue siqui hue ra. Nyiituquia bei dieciocho años nyee. Aba checuayã icuã nguia embasi nguiã. Ari que nguete isoã mbei quia ra. ¹² Jesús que mae ari rasi rese ra. —Echu rã aa, i que ee ra. —Cuña, nderasi ãte cote, i que Jesús ee ra. ¹³ Jesús que o chono erese ra. Aque mose tuchi que ari nguete iso turã cote ra. Ari que ñee turã turã Dios je cote ra. ¹⁴ Ererecua judíos munuasa que paama i tuchi Jesús je ra. Ari mbucherõ mose sábado. —Sábado eã mose chõ nandeico mbae rese ae. Sábado eã mose chõ nandeico erasi mbucherõ ae. Sábado

mose cho Dios mbae resẽ. Erasi mbuchero aroneate co mose resẽ, i rei que ererecua mbia je ra. ¹⁵Jesús que ñee ee ra. —¿Mbaera ereico ndetura naa ñooño nde? ¿Sábado mose jẽingo ticuasu mbui eã mbei embiu sacua nde? ¹6 ¿Mañi nande ra cuña ndasi mbucheroa co sábado mose re? Judía sí cho nyeresẽ. Jẽ na si. Satanás que embasi cosete ra. Dieciocho años chee. ¿Mañi ae ra erasi mbui eã esi sábado mose re? i que Jesús ñee nda. ¹7Mbia ataque iate que Jesús cheẽ mose ra. Jesús chiao rese abe eyate no. Ae Jesús ucuāyāte quia, ũquĩ ngue eireĭ tuchi Jesús cheẽ mose ra.

Mbae ei na ño Dios rimba re

18-19 Jesús que ñeembe mbia je cote ra. —¿Mbae rã ño Dios rimba chã? Mbae eã na ño Dios rimba re. Sã mbia mostaza eã tiquia no. Ieã ñetête raque etiquia ramo mose. Suri oso quia cote. Ecuasu tuchi chee cote. Nguireã uquisa saã nyee erãquiã ndese. Eã si chô Dios rimba re. Ũquã mia ndaque nyii. Ñimbeta tuchi cote. Mbae eã na.

Levadura rã ño Dios rimba re

20-21 ¿Mbae rã ño Dios rimba chã? Levadura rã ño Dios rimba re. Sã mbia levadura ñetẽ mondo mbichae ao ramo mose no. Levadura oso quia mbichae mbuchimatã ja no. Eã si chõ Dios rimba re, i que Jesús ra.

Eiquesa chumumbi

²²Jesús que oso quia Jerusalén nda. Tiba tiba que oso quia mbia chuchua mbuchesea sea ra. Mbia mbaaquiatu quiatu. ²³Emo ngue ñee Jesús je ra. —Sererecua, ¿mbia mɨi mɨi ño nda sigui ibate nderese re? i que emo ñee Jesús je ra. ²⁴ Jesús que ñee ee ra. —iEiquesa chumumbi ri no jeso ique je! "Hue ri nda aso se abe ique", i ja jate raque rae. Tei. Ique ja eã nguia nda re. ²⁵Emo mose ra eiquesa amatã mbei cote. Emo nda iqueã mbei cote. Eiquesa ra jembuu mbuu raque cote. "Sererecua, eiquesa embuquiata rã ure je", jenye raque ra seje cote. Achee nda jeje. "¿Mangue jenda je nde? Jaeicuayate se", ae ra jeje cote. Eiquesa ra ambuquiataya mbei jeje cote. ²⁶ Jeñee tuchi raque ra seje cote. "Urequiaru que equia nderese. Nde que urembaaquiatu quia. ¿Mañi ere ra urerecha re?" jenye raque ra seje cote. ²⁷ Achee nda jeje cote. "Jaeicuavate se. Jeso serecha." Mbae icuã ngue jesaã saate quia rese", ae ra se hue cote. 28 Hue ra jenyeseo seo seje huee cote. Jeñee nda seje. "Abraham ño siquichi nderese hue. isaac abe no. Jacob abe no. Dios chee mbuchecuasa ja abe no. Ure chỗ urecuchĩ taicuee a", jenye ra nyeseo seo seje huee. 29 Mangue jenda chooñoa nda ngae ngae Dios riicha aque mose. Quiaru quiaru ra equia Dios rese. 30 Ae eaquiatute riqui raque namo nae, ũquɨ mo nda eñetẽ na pee cote. Ae eaquiatuate riqui raque namo nae, ũqui mo nguia ra siqui ecuasură tuchi pee cote, i que Jesús ñee nda.

Jesús ia eã tuchi Jerusalén jenda rese

³¹ Aque nyaashĩ mose que fariseos ngaẽ ñee Jesús je ra. —iEso a si jẽ! Herodes ndeiquia serĩte quia co, i que Jesús mbiirandu ra. ³² Jesús que ñee ee ra. —Eoita rã ño Herodes re. Jẽso ñee ee. "Jesús que ñee ndeje ra. 'Taico mbirimbe rã aba checuayã icuã jea jea mbia si. Taico mbirimbe rã mbia rasi mbucherõ cherõ. Namo. Isamami abe. Isamami nongue ra ahui erecha cote', i que Jesús ndeje ra", jenye oso Herodes je. ³³ Taicobe jiri namo. Isamami. Isamami nongue abe no. Jerusalén nguia nda seiquia nguiã. Sã Dios cheẽ mbuchecuasa mano ja Jerusalén no. ³⁴ Tacheẽ na jēje, Jerusalén jenda. Seya eãte aicochĩ jendese co. Hue jẽingo mbia iquia iquia beite hue. Dios cheẽ mbuchecuasa iquia iquia. Dios chimondo abe iquia iquia no. Sã nguira riqui nguiire reaquiatu mondo ujeoqui re no. "Eĩ tae jendeaquiatu", ae beite rei nguiã jẽje co. Secheẽ jẽisi sereã mbei chõchĩ nguia ã. ³⁵ iAico jendecha a cote jẽ! Jemae mae eã nda serese cote. "iCo chi Dios rucucha ru quia co cote jẽ!" jenye mose, hue ramo nguia ra jemae serese cote.

Jesús mbia rete ruru mbucherõ

14 ¹Jesús que oso rei quiaru fariseo rerecua mo nyuchúaa ra. Sábado mose. Fariseos mo ngue chi erea chemi ñemi nda. ²Huee que emo ndasi riqui Jesús je ra. Erete ruru ja que ra. ³Jesús que ñee fariseos je ra. Embesasa je abe. —¿Eicuãte se erasi mbucherõ mose sábado mose re? I ere. Jeñee seje, i rei que Jesús ee ra. ⁴Jesús cheẽ mose que mbia mo ñee eãte ee ra. Jesús que erasi mbucherõ mondo cote ra. ⁵Jesús que ñee fariseos je ra. —Sã jenimba ticuasu riqui jaã no, ngoi oso ibicua rie. ¿Sábado mose ra jēsiquíã nde? i que Jesús ee ra. ⁶Fariseos que ñee sereãte echeẽ mose ra.

Jēcuasu ra jēsaā saāchī, i Jesús mbia je

7Mbia que erenda tură isirõ sirõ nguia ra. Ngoi sacuă ererecua ji. Ucuasu raă naa sacuă. Nyebe Jesús ñee nguiă ee. 8—Jēingo mose fiesta, ierenda tură mo nda jēisirõchī jē! Mbia chiicuate mo nda tu arõ ndeje cote. 9Fiestacha ra ñee arõte ndeje. "Ehuă na nde. Erenda tură tamondo sequiato je", i arõte ra ndeje. Ndeireīte ra huee cote. Pe quiti jiri ra nembucoi cote. ¹º Jēingo mose fiesta, pe quiti jiri chõ jengoi. Erenda tură isirõ nocoī. Î nda fiestacha ñee ndeje. "Quiatuchu a jiri, Sequiato. Erenda tură tose", i sacuă ndeje. Î nda mbia mae ja nderese. ¹¹ Ae ererecua saă saă nguia nae, ũquī nda siqui eñetē na cote. Ae siqui minguete quia nae, ũquī nda siqui ererecuară cote, i que Jesús mbia je ra.

¹²Fiestacha abe je que ñee cote ra. —Nde fiesta raã mose, "jenyu quiaru serese", ierechĩ nda mbaecha jiri je jẽ! Erechĩ nda ndenongue je.

Erechĩ nda ndequiato tuchi je. Ũquĩ mose ra embuchebi ndeje. Dios quia ra embuchebiã ndeje cote. ¹³Nde fiesta raã mose, "jenyu quiaru serese", ere chỗ mbaecha reã je. Ere chỗ mbia rasi rasi je. Mbia cuatayã je. Mbia resayã je. ¹⁴Nde fiesta raã naa mose ũquĩ je, ũquĩ nda embuchebiã ndeje. Dios quia ra embuchebi ndeje, Dios quiato quera si mose. Ũquĩ mose ra ndeya tuchi, i que Jesús fiestacha je ra.

Ererecua quiaru mbaecha reã ndese

¹⁵Ũquɨ̃ andu mose que emo ñee Jesús je ra. —Ababi tuchɨ siqui Dios rese ae ererecua tuchi mose, i que emo ñee Jesús je ra. 16 Jesús que ñee ee ra. —Sã emo fiesta raã no. "Jenyu quiaru serese", i sacuã mbia tubiriã je. Mbia chiură ngue esaă tuchi ra. ¹⁷ Echiură quiche ja mose que ngüimba mo mondo cote ra. "Ae je achee, sa ecuae quiaru cote", i que nguimba je ra. 18"Atee. Aso ea nda se. Serecoteate chochi", i ja ja que ra. "Ibi mo ngue aisi ramote ra. Taso rã erea", i que emo uchee mondo fiestacha je ra. ¹⁹ "Ticuasu mo ngue aisi ramote ra. Cinco yuntas. Taso rã erea", i que emo ucheẽ mondo no nda. ²⁰ "Seninisirã mo areco ramote co. Nyebe ra asoã quiaru nderese huee", i que emo ee no nda. 21 Erimba que tu nyebi ñee nguerecua je ra. "Erecoteã ja jate que ra. Quiaru eã nda nderese", i que erimba embiirandu ja ra. Ererecua que paama i ra. Ngae ea mose erea. Ae ñeembe nguiã ngũimba je. "Eso ñee ũquĩ je quiatu no. Mbaecha reă je. Mbia rasi rasi je. Mbia cuatayă je. Mbia resayă je. Ũquɨ ja je echee. Sã ecuae quiaru serese", i que ererecua ra. 22 Emo mose jiri que erimba ru ñee nyebi ee ra. "Achee ñee ja que ee ra. Co ecuae ndaque nguia co. Mbia miite que ra", i que erimba ñee fiestacha je ra. ²³ Ererecua que ñeembe ee ra. "Esobe ñee ñee emo je no. Eru ja sechuchua. Quiaru sacuã serese. Ĩ nda sechuchua mbiitãyã jiri. 24 Ae je acheẽ nyii, ũquĩ nda quiaruã tuchi serese cote", i que ererecua ñee asi ra, i que Jesús ñee nda.

Jesús rui aba siqui jei aronea

²⁵Mbia tubiriã ngue siqui quia Jesús rui ra. Jesús que uba ñee ee ra. ²⁶—Ae nyesecua tuchi quia ngu rese sesi, ũquĩ nda serimba eã. Ae nyesecua tuchi quia usi rese sesi, ũquĩ nda serimba eã no. Ak nyesecua tuchi quia ngũinisi rese sesi, ũquĩ nda serimba eã no. Ae nyesecua tuchi quia nguiirĩ ndese sesi, ũquĩ nda serimba eã no. Ae nyesecua tuchi quia ngongue ndese sesi, ũquĩ nda serimba eã no. Ae nyesecua tuchi quia ngueco rese sesi, ũquĩ nda serimba eã no. Âe nyesecua tuchi quia ngueco rese sesi, ũquĩ nda serimba eã no. Ûquĩ ja ra serimba eã. ²⁷Ae mano sereãte seriĩ, ũquĩ nda serimba eã no. Ae siqui sereãte quia serui, ũquĩ nda serimba eã no. ²⁸Sã emo ñee no. "Sechuchua tasaã na", i. "¿Manya mbae isiquia ra amumba sechuchua raã sacuã nde?" i nyii eao nonde. ²⁹Sã uchuchua raã naa ndaque no. Huaẽ tiquia tiquia raque. Hui bei chỗ esi cote. Hue mbia iquia iquia ee cote. ³⁰"Co uchuchua saã

saã ndei cose. Saã ja eã mbei chốchĩ nae", i ra mbia iquia iquia ee. ³¹ Sã soldados rerecua icuã icuã emo je no. Guerra raã serĩ ee. Guerra raã nonde ra ndua ndua. "Ae quiatu que soldados tubiriãte embae sesi ra", i uchiangui re cote. ³²Nyebe guerra raã eã nguiã ee. Nyebe ucheẽ turã mondo nguiã ee. Isho mose. "iNandeico turã ño nyiese jẽ!" i ee. ³³ iEĩ jenye si chỗ nguia jẽ! Jendua rã nguia nyii. Jẽ jembae recha ja eã mose, serimbarã eã nda jẽ.

Embiquesa ise quiachamba mose

³⁴Embiquesa turãte raque. Embiquesa ise quiachamba mose, eicuã tuchi cote. ³⁵Ñio ye echã aronea cote. Eicuãte cote. Emombo bei chỗ cote. Ae eisate riqui, secheẽ jeñandu, i que Jesús ra.

Oveja quiachã je

15 ¹Mbia icuã ngue Jesús siichã nguia ra. Ae impuestos isi isi quia, ŭquĩ abe que Jesús siichã nguia ra. Echeẽ andu sacuã. ²Nyebe fariseos ñee icuã icuã nguiã Jesús riĩ. Embesasa abe ñee icuã icuã nguiã eriĩ no. —¿Mbaerã Jesús riqui mbia icuã isi turã turã nde? ¿Mbaerã eriqui quiaru erese re? i que equia ñee Jesús mbutereã tuchi ra. ³Nyebe Jesús ñee nguiã ee. Embaaquiatu sacuã.

4—Sã emo nimba quiachã oveja no. Cien ndei erimba. Co mɨi ngue quiachã ee ra. Aque esi quia quiachã je requia aque. Eataque recha. Noventa y nueve recha. ⁵Quiachã je rea mose, sui cote. Equiaama cote. Eya tuchi erese cote. ⁶Tu uchuchua cote. "Quiatuchu rã", i uquiato je cote. Nguesenda je abe no. "Quiachã je que atea cote ra. iSã jẽ! Jẽya tuchi serese cote", i que uquiato je ra. ⁷Tacheẽ nyecua jẽje. Quiachã je mo nyebi mose, Dios iate riqui co. Mbia icuã tu mose ee, Dios iate riqui erese co. Ae uturã saã saã nguia nae, ae huicuã secha sereãte quia nae, ũquĩ ndese quia Dios ia eãte re.

Mbae isiquia quiachã je

⁸Sã cuña mo mbae isiquia diez quereco no. Sã aque mɨɨ quiachã ndaque ee no. Lamparina ngue emendi eresae sacuã nda. Sã uchuchua tii no. Mbae isiquia rea chee. ⁹Ereare que ñee uquiato ja je ra. "Quiachã je que atea cote ra. iSã jẽ! Jẽya tuchɨ serese cote, ɨ que uquiato je ra. ¹⁰Aɨco ñee nyecua jẽje a. Mbia mo huɨ mose huɨɨcuã sɨ, ángeles ibatenda ia tuchɨ erese, ɨ que Jesús ra.

Ae ngu secha

¹¹ Jesús que ñeembe ee ra. —Sã amei mo eriirĩ nyeremo no. ¹² Eriirĩ ndiquii que ñee ngu je ra. "Paba, mbae isiquia ataque embu rã se sembaerã. Ndemano nonde", i que ñee ngu je ra. Ae eru mbae isiquia mbuchecha

nguiã ee. Mondo eo cote. ¹³Isamami nongue que eriirī nduinda umbae rerecoquiatu ra. Ae oso nguiã isho cote. Ngu recha. Huee que mbae isiquia umbae mumba chooño ja ra. Mbae icua ndibishoro. 14 Hue jenda mbia chiu que uate cote ra. Amei ndiirí abe riacua nyee que ra. Umbae mumba chooño jare. ¹⁵ "Taquiei quiei rã oso ererecua mo je", i chee. "Teasu socoi esaarõ na serimba", i chee ererecua mo ee. 16"Teasu chiu au chō mbichi ira a. Seriacua tuchichi", i chee amei ndiiri. Emo ngue embuquiarua mbei ra. 17 "Paba rimba chɨchɨ quiaru turãte sechuchua huee, seriãcuã mose aa. ¹⁸Tasobe rei Paba rea. Tachee ndei oso ee. 'Seicua tuchite que ndeje curi ra, Paba. Paba ibatenda je abe no. 19 Seriiri ere ea seje cote. Nderimbara taico cote', tae rã oso Paba je", i que ndua ndua uchiangui re cote ra. 20 Ngu rea que esi cote ra. Isho ereco mose que eru mae erese ra. Amei ia eã tuchi que eriqui erese ra. Amei ngue oso uchă nguiiri ndese oo ra. Equiaama. Eritii riite no. ²¹Ngu je que eriirī ñee ndei cote ra. "Seicuã tuchite que ndeje curi ra, Paba. Paba ibatenda je abe no. Seriirī ere eā seje cote", i rei que ngu je ra. ²²Eru que ñee ngũimba je cote ra. "Eirao turã mo emondo seriirî je. Eiyaorã abe mo emingue ee. Anillo mo abe emingue eo rese. 23 Ticuasu quira mo jequishi echo je. Nandequiaru tuchi erese. Fiesta nandesaa ee. ²⁴Seriirĩ ngue mano naanguia oso curi resẽ. A eru quera si raanguia seje a. Quiachã tuchi que oso serecha ra. A erube seje a cote", i que amei ngũimba je ñee nda. Eya tuchi cote. Nyebe fiesta raã nguiã nguiirī je.

²⁵ Amei ndiirī nongue que siqui úcoo ra. Ngasẽ ndaque u quia uchuchúaa cote. Tooto i que echandu ra. Mbia chei cururi abe andu. 26 Nee ngue erimba mo je ra. "¿Mbaerã eriqui tooto i re? ¿Mbaerã mbia riqui nyuruqui re?" i que amei ndiirī ndiquii ra. 27 Erimba que ñee ee ra. "Ndenongue que tu ngasẽ nderu je ra. Nyebe ticuasu iquia nguiã ee", i que erimba ñee ee ra. ²⁸ Ae enongue paama i nguiã ngu je. Ique sereã nea ngu chuchúaa. Ae eru tu nguiã use nee ee taicuee. "Eique ra mae ndenongue rese", i rei que eru ee ra. ²⁹Eriirĩ ngue ñee ngu je ra. "Cosete que aico rei quiei quiei ndeje. Ndechee ngue amumba mumba eate quia emo mose. Mbae mo ngue ereiquia eã mbeite seje. Sembae fiesta raã sacuã sequiato rese. 30 Ae tu ramo nderiirī, ¿mbaerā ticuasu mo ereiquia ee re? Umbae que emumba chooño oso curi rese. Siqui siqui cuña icua ndese. ¿Mbaera ereico fiesta raa ee re?" i que eriirí ngu je ra. 31 Eru que ñee echee mose ra. "A ereico beite serese a resẽ, Echo. Sembae ja chỗ nembaerã ndesẽ. ³²Ndenongue quiatu que quiachã nandesi resẽ. Mano naanguia oso nandesi. A eru si quera raanguia nande je a. Nyebe fiesta nandesaã ee. Nandeya tuchi rã erese", i que eru nguiirí nongue je ra, i que Jesús mbia je ra.

Ererecua rimba mo icoquiatu

16 ¹Jesús que ñee uchɨmbaaquiatu je ra. —Sã ererecua mo mbaechate riqui no. Erimba mo ngue embae saarõ ja quia ra.

"Nderimba que nembae mbuquiachã quiachã nguia ra", i que mbia mo ererecua mbiirandu cote ra. ²Ererecua que ñee ee ra. "¿Mbaerã mbia riqui ñee nderii seje re? iCuentas esaã saã mbia mbae ja je! Sembae raarõsa eã nda nde cote", i que ererecua ngũimba je ra. ³Erimba que ndua ndua uchiangui re cote ra. "¿Mañi ae ra seguia sererecua se mombo mose re? Seguirăcuă neate quiei guiei sacuă ndese. Seireite ache ache i mbia je. ⁴Ũquɨ̃ ño nda asaã ee nda. f̄ nda mbia seisi turã uchuchúaa sembae eã mose", i que erimba uchiangui re ra. 5 Ae deber i quia ererecua je, ũquĩ je que erimba ñee nda. Co mii mii je. "¿Manya deber ere sererecua je re?" i que erimba emo je ra. 6"Cien latas de aceite que deber ae ee ra", i que erimba je ra. Erimba que ñee ee ra. "Nembae cuenta nandemombo chõ. Emo nandesaã asi. Cien eã nda cote. Cincuenta acho ño nda cote", i que erimba ee ra. ⁷Ae deber i quia ererecua je, ũquĩ mo je que erimba ñee no nda. "¿Manya deber ere sererecua je re?" i ee. "Cien bolsas de trigo que deber ae ee ra", i que erimba je ra. Erimba que ñee ee ra. "Nembae cuenta nandemombo chõ. Emo nandesaã asi. Cien eã nda cote. Ochenta acho no nda cote", i que erimba nee ee ra. 8 Ererecua que jirandu erese cote ra. "Serimba aracua cho eriquichi nde no", i que ererecua ra. Mbia ibi jenda aracua tuchi chochi Dios quiato si. 9Achee tuchi quia jeje co. iMbae isiquia jemondo mondo quia ibatenda je je! Ei nda jequiato jiri. Ei nda Dios jẽisi quiatu turã ibate jembae ua mose. Huee ra jẽingo bei cote.

¹⁰ Ae mbae ñetẽ saarõ turãte quia, mbae tubɨrɨä abe ra esaarõ turã nguia. Ae mbae ñetẽ saarõ turã eãte quia, mbae tubɨrɨä abe ra esaarõ turãyã nguia no. ¹¹ Jē jembae mondo turã eã mose Dios je, Dios ra mbae turã mondo eã jēje ibate. ¹² Jē Dios mbae raarõ turã eã mose, ¿aba quia ra mbae mondo jēje jembaerã tuchɨ cote re? ¹³ Co mɨɨ erimba siqui aronea ererecua nyeremo ndese. Ererecua nyeremo mose, huee ra erimba nguerecua nongue ucuãyã. Ererecua nongue ra ebite. Ae ndua beɨte quia mbae isiquia rese nae, ũquĩ siqui aroneate Dios rese. Ae siqui beɨte quia Dios rese nae, ũquĩ ndei ndua eã jiri mbae isiquia rese, ɨ que Jesús ra.

¹⁴Fariseos que chɨ Jesús cheẽ andu ja ra. Mbae isiquia quiato tuchɨ que ũquĩ nda. Nyebe ñee ɨcuã nguiã Jesús cheẽ mose. ¹⁵Nyebe Jesús ñee asite nguiã ũquĩ je. —Jẽ nguiarei jẽturã jembuchecua tuchɨ mbia résaa. Dios quiarei jeñiangui renda ɨcua tuchɨ quia co. Ae eturã abareãte riqui mbia je nae, ũquĩ Dios ucuãyãte quia co.

Dios chee nda io ja

¹⁶Moisés chɨmbesa que mbia mbaaquiatu quiatu nyii ra. Dios cheẽ mbuchecuasa chɨmbesa abe que mbia mbaaquiatu quiatu nyii ra. Juan tu nonde. Juan ngue Dios cheẽ turã senei senei cote ra. "Mbia rerecuarã tuchɨ ra Dios cote", ɨ beɨ que Juan nguia ee cote ra. Nyebe mbia riqui nguiã ñee. "Dios rimba ra se", ɨ tuchɨ mbia quia ã cote. ¹⁷Ibei ua arõte

quia co. Ibi abe ua arõte quia co no. Embesa ji Dios chee nguia ra uayã mbei. Io ja rae.

Eicuãte ngũinisi mombo mose

¹⁸Mbia ngũinisi mombo mose, ngũinisirã mo nderequia mose, eicuã tuchi ũquĩ. Adulterio, i que ũquĩ je ra. Ae eru mombo, emo aque rerequia mose, eicuãte ũquĩ abe no.

Mbaecha mo oso tata cuasu

¹⁹Sã mbaecha tuchi mo ndiqui no. Huiirao turã mingue mingue bei. Huiirao nininya mingue mingue bei. Fiesta que esaã saã mbei quia ra. Umbae mbae isiquia mumba chooño mbae rese. ²⁰Sã mbaecha reã mo abe riqui no. Lázaro, i que ee ra. Erete reechu echu que ra. Huee que Lázaro riqui chi mbei ngoi ra. Mbaecha chuchua taronda jii. 21 Lázaro riãcuã ngue ñee mbei quia ra. "Mbaecha chiu rire nda au rã ña", i tuchi que equia uchiangui re ra. Ñooñoo ngue ngaẽ nguia erete reechu rere rere ra. ²²Lázaro mbaecha reã ngue mano cote ra. Angeles que equerao mbae turãsa Abraham ndea ra. Mbaecha abe que mano nda. Mbia que echati ra. ²³Mbaecha que oso tata cuasu cote ra. Isho que mae Abraham ndese ra. Lázaro abe. ²⁴Sã ñeemombo mombo Abraham je no. "Paba Abraham, ndeya eã jiri serese ae. Serasite aico tata réndii a. Lázaro embu rã. Sã o mbia rã i je sechuru mbia sacuã", i rei que mbaecha ñeemombo Abraham je ra. ²⁵ Abraham ngue ñee ee cote ra. "Mbae tubiriãte que nembae nyii resẽ. Lázaro quiatu que mbae rasi saã tuchi quia nyii ra. A eriqui turate a cote, nde nderasi rasi mose cote. ²⁶ A jenda mo oso aroneate erasa ndeje hue. Hue jenda abe tu aroneate erasa ure je aa no", i que Abraham mbaecha je ra. ²⁷Mbaecha que ñeemombobe Abraham je ra. "Lázaro cho emondo Paba chuchúaa no, Abraham. 28 Hue senongue cinco chi hue. Să Lázaro și nee ee. Embiirandu, i nda ecuae ea mbae rași raã a", i rei que mbaecha ñee Abraham je ra. 29 Abraham ngue ñee ee ra. "Ndenongue Moisés chimbesa rerequia hue. Dios chee mbuchecuasa chee abe rerequia hue no. Sã ũquɨ mumbayã", i que Abraham ee ra. 30 Mbaecha que ñeembe Abraham je ra. "Embesa ji rerequia raque. Mano je oso mose ñee ee, aque chee nguia ra emumbaya cote. Huiicua nda esecha cote", i rei que mbaecha ñee Abraham je ra. 31 Abraham ngue ñee ee ra. "Ndenongue Moisés chimbesa mumba mumba mose, mano je cheẽ abe ra emumba no. Eraaque mo quera si je ñee mose ee, aque chee abe ra emumba no", i que Abraham ñee mbaecha je ra, i que Jesús ra.

Mbae icuã nda nandesaã uquiachi emo je

17 ¹Jesús que ñee uchimbaaquiatu je ra. —Mbae icuã nguiarei siqui bei tuchi mbia mbiicuã nonde. Ae ñee nguia mbia je nae, "mbae

icuã esaã" i nae, eicuã tuchi chỗ ũquĩ nde. Ae "mbae icuã esaã" i nae, ũquĩ nda mbae rasi saã tuchi cote. ²Ae ra mbae icuã saã uquia seicuasa mo je nae, ũquĩ nda mbae rasi saã tuchi cote. Ũquĩ nda aba mombo chỗ ama ndisa ye nyii re chã. Sita resebe ecua ji mondo. Ĩ nda mbae icuã naa uquia eate rei seicuasa je. ³iJēingo chooñoa ño nguia jē! Nderesenda icuã mose ndeje, echeẽ ño ee. "Nandeico turã ño", ere ee. Hui mose huiicuã si, eicuã si etesarei chỗ nde. ⁴Sã nderesenda mbae icuã naa naa siete veces ndeje no. Sã ñee ndaque siete veces ndeje no. "Mbae icuã nda asaã eã ndeje cote", sã i raque ndeje no. Eicuã si etesarei chỗ, eicuã mbei bei raque, i que Jesús ñee ee ra.

Jẽ Dios ĩcua jiri mose, eĩ nda mbae mo jeñee mumba eãte rei

⁵ Jesús chimbaaquiatu que ñee ee ra. —Dios eicua tuchi rã ure je, i que ñee Jesús je ra. ⁶ Jesús que ñee ee ra. —Jẽ Dios icua jiri mose, ĩ nda mbae mo jeñee mumbayãte rei. Ĩ nda jeñee ndei ira je. "Nde ae echisiqui. Nde ae si echitiquia ama ndisha ite re", i ira je. Ĩ nda ira jeñee mumbayãte rei, jẽ Dios icua jiri mose.

Dios rimbacho no nande re, jenye cho nguia

7Sã emo nimba mo ndiqui bei turuquia rī ticuasu raarõ arõ no. Ecuasẽ mose tuchúaa, ¿mañi nda ererecua ñee jei ee re? "Equiaru rã", i jei ee re. ⁸Tei. I jei eã nda ee. "Sechiurã esaã naa seje. Sequiaru eteaquiatu rã nyii. Aquere quia terequiaru nde", i chỗ nda ererecua ee. ⁹Ererecua ra gracias i eã ngũimba je. Erimbachỗ ño ñene. ¹⁰Eĩ si chỗ jẽ no nde. Dios rimbachỗ ño jẽ no nde. Ae riĩ Dios riqui ñee jēje, ũquĩ naa ja mose, ijẽingo mingue chỗ nguia ee jẽ! "Ae riĩ Dios ñee nande je nae, ũquĩ mii ño ngue nandesaã nda. Erimbachỗ ño nande re", jenye chỗ nguia ico mingue, i que Jesús ra.

Jesús mbia leproso ata mbucherõ

11 Jesús que ngata si Jerusalén icha rui ra. Galilea rĩ ngue écoi quia ra. Samaria rĩ abe que écoi quia ra. 12 Jesús que ngasẽ sucha tubiriã moo nda. Hue que mbia rasi mo chi ee ra. Diez que ra. Eire rasi ja que ra. Lepra, i que ũquĩ mbia rasi je ra. Erasi que chi icúe isho jiri Jesús si ra. 13 Ũquĩ mbia rasi que ñeemombo mombo Jesús je ra. —iJesús! iMbia mbaaquiatusa! Urembucherõ na ae, i que ñeemombo mombo ee ra. 14 Jesús que mae erese cote ra. Ñee ngue ee ra. —Eno. Jēso jendete reacuquia sacerdotes je, i que Jesús ee ra. Ecuata mose chõ ngue nyerõ ja ra. 15 Ucherõ ndese mae mose que co mii ndu nyebi ñee Jesús je ra. Eya tuchi que ñeemombo mombo Dios riĩ nda. 16 Ngoi que ngũíã ndese Jesús resa quiti ra. Nyibi que u ñee ee ra. Gracias i tuchi que Jesús je cote ra. Samaria jenda que ae ra. Judío eã ngue ra. 17 Jesús que ñee nda. —Eatate que ambucherõ. ¿Ma eataque ma nde? ¿Ma nueve ma nde? Nyebiã ñochi

ecuaẽ gracias i seje. ¹⁸Co mii tuchi chõ tuchĩ nyebi gracias i Dios je co. Judío eã ndaque, i que Jesús ra. ¹⁹Jesús que ñee erasi je cote ra. —Ehuã. Eso cote. Nde que seicua ra. Nyebe arembucherõ nguiã, i que Jesús ee ra.

Mbia chiangui re quiatu Dios riqui nguiã mbia rerecuarã

²⁰—¿Manosete ra Dios ru íbii mbia rerecuarã tuchi re? i que fariseos ñee Jesús je ra. Jesús que ñee ee ra. —Mbia ra mae eã erese. ²¹"¡Aa chō Dios riqui mbia rerecuarã jẽ!" iã ndae. "¡Pee chō Dios riqui mbia rerecuarã jẽ!" iã nda eno. Mbia chiangui re quiatu Dios riqui nguiã mbia rerecuarã, i que Jesús ra.

²²Jesús que ñee uchimbaaquiatu je cote ra. —Namo jiri ra jẽ seosei osei setiã mose cote. "Jesús nda siqui mbiri na nanderese chã", jenye rei nda re. ²³ "Hue Cristo riqui hue", ichõiño nda mbia jēje serii. "Pe eriqui pe", ichoiño nda jeje no. "Nyia" jenyechi nda ee je. Ñeeñooño ndae. ²⁴Sechecuayã nguia ra achuã. Mbia ra mae ja quiatu senininya rese seru mose. Sã mbia riqui mae jate ama pirirã i rese no. Eĩ ae quia ra u mbia mumae ja. ²⁵Sechube nonde ra mbia icuã tuchi seje. Mbae rasi ra asaã tuchi rã. Ae siqui namo ã mbia, ũquĩ nda seririrõ tuchi rã. 26 Sã Noé mosenda mbia siqui sereã tuchi Dios rese no. Ei si ra mbia siqui sereã Dios rese sechu nonde no. ²⁷Sã Noé mosenda mbia quiaru chooño no. Ndua rocoi Dios rese. Sã ngũinisirã nderequia chooño no. Sã mbae raã ñooño ndua rocoi Dios rese no. Sa Noé ique chee arca ye no. Sa ama ndicuasu tu cote no. Sã mbia mano ja no. 28 Sã Lot mosenda abe mbia no. Sã quiaru chooño no. Sã mbae isi isi chooño no. Sã mbae ei tiquia chooño no. Sã uchuchuarã naa ñooño no. Sã mbae raã ñooño no. Ndua rocoî Dios rese no. ²⁹Sã Lot usẽ nyee hue sɨ cote no. Sã Dios tata mbu ibate sɨ cote no. Sã Sodoma jenda oquei ja aque mose no. 30 Ei si ra mbia mbae raã ñooño. Seru mose chee. Ndua rocoi serese. 31 Emo siqui mose taicuee se tu mose, ique eã nda uchuchua umbae rerecoguiatu. Ae sigui úcoo, nyebiã nda u uchuchua no. 32 iLot ninisi rã nda jẽingochĩ jẽ! 33 Ae ngueteãte quia ngueco rese nae, ereco ra quiachã esi. Ae ngueteã eãte quia ngueco rese nae, aque reco quia ra quiachãyã esi. 34 Sechu mose, aque isa ra nyeremo chi uque quisa ye. Co mii nda arao. Enongue ra siquichõ. 35 Cuña nyeremo nda chi mbua tocho no. Co mii nda arao. Enongue ra siquicho no. 36 Mbia nyeremo nda chi úcoo no. Co mii nda arao. Enongue ra siquicho no, i que Jesús ra. ³⁷—¿Mangue ra ũquĩ mangue re, Jesús? i que echimbaaquiatu ra. Jesús que ñeembe ee ra. —Ae ri mbae raaque riqui chi nae, huee ra urubu choi ja tuchi, i que Jesús ra.

Eru cheecha ñee chiibe ibe ererecua mo je

18 ¹Jesús que ñee uchɨmbaaquiatu je ra. —Sã mbia riqui ñee mbeɨ Dios je. Sã tesareiã mbeɨ ñee Dios je. ²-³Sã eru cheecha mo

ndiqui no. Oso chiibe ibe ñee ererecua je no. "Ae sembae quereco nae, sã aque sembae meembe seje", i chiibei ibei ererecua je. Dios quiatoã ndaque ererecua. Mbia quiato biãte raque aque ererecua. ⁴⁻⁵ Ererecua que eru cheecha cheẽ ñanduchõ nyii ra. Eru cheecha que ñee i i tuchi ee ra. Ererecua que ndua chee uchiangui re ra. "Ari riqui ñee chiibei ibei tuchichî seje co. Echeẽ tamumbayã na", i chee que ererecua ra, i que Jesús ñee uchimbaaquiatu je ra. ⁶ Ñeembe que ee ra. —Sã ererecua ari cheẽ mumbayã nyee no. Ererecua icuate raque. ⁷ Eĩ nda Dios uquiato cheẽ mumbayã no. Dios quiato riqui ñee ñee mbei Dios je co. Arõ mose. Isa abe. Dios riqui uquiato ucuãyãsa riisu isu raque co. ⁸ Dios ra uquiato cheẽ mumbayã nyee cote. Se tube mose íbii manya sequiato ra chi bei ñee Dios je reae, i que Jesús ra.

Mbia nyeremo ñee Dios je

⁹Ucuasu raã naasa mo ngue chi Jesús je ra. Mbia ataque ririrõte que equia ra. Mbia ataque isi teã teã mbei. Nyebe Jesũs ñee nguiã ũquɨ je. 10—Sã mbia nyeremo nyoi ique Dios chuchua no. Ñee Dios je no. Co mii ngue fariseo ra. Enongue que impuestos isi isi quia ererecua mbaerã nda. Mbia mbiiri irisa que ae ra. ¹¹ Fariseo que ñee ndei Dios je ra. "Dios, seturãte se. Mbia icuã na eã no se re. Co mbia mbiiri irisa rã eã no se re. Mbae mbuquiachasa eã no se no nde. Achee noono ea no se re. Emo ninisi rese aicoate se. Mbia ambiiri irī ate quia co. 12 Aquiarua mocoite quia ndua bei nderese co. Diezmos amee mee mbeite quia ndeje co", i rei que fariseo ñee Dios je ra. 13 Aba mbiirī irīsa que chi isho ra. Uaqui ngue embucheseco ibi quiti ra. Uchia ngue eisi nee Dios je ra. "Ndeyayã ño serese, Dios. Mbae icuã asaã saã mbei chôchĩ nguia co. Seyayã tuchichi seicuã ndese", i que ñee Dios je ra. 14 Tachee nyecua rã jēje. Dios que aba mbiirī irīsa cheē isi turā nda. Ico minguete quiatu nguiã ñee ñee Dios je. Fariseo quiatu ngue uturã saã saã mbeite nguiã ñee Dios je. Nyebe Dios echee ñanuate nguiã. Ae ucuasu saã saã nguia nae, ũquɨ nda Dios isiãte. Ae ico tochei quia Dios je, ũquĩ nguiatu ra Dios isi, i que Jesús ra.

Jesús mbia riirī isi turā turā

¹⁵Mbia que nguiirĩ ngurucuaẽ cuaẽ nguia Jesús je ra. Jesús oco oco sacuã erese. —¿Mbaerã jendiirĩ jendu quia co re? i rei que Jesús chimbaaquiatu ñee mbia je ra. ¹6 Jesús quiatu que ñee nda. —Tei. Jēsecha. Sã nguiirĩ ndurucuaẽ seje. Eĩ ño Dios rimba re. Mbia riirĩ na. Ucuasu raã naa eã. ¹7 Mbia riirĩ na ño jēingo Dios isi turã. Eĩ jenye mose, Dios rimba tuchi ra jẽ cote, i que Jesús ra.

Acuanindu mbaecha mo ñee Jesús je

¹⁸Ererecua mo ngue ñee Jesús je ra. —Mbia mbaaquiatusa turãte nde. ¿Mañɨ ae ra se siqui beɨ nonde ibate re? ɨ que ererecua ñee Jesús je ra.

¹⁹Jesús que ñee ee ra. —¿Mbaerã ereico eturã i seje re? Dios mii ño eturã ndesẽ. ²⁰Dios cheẽ ereicuate resẽ: "Emo ninisi rese ra ereicochĩ. Mbia mo nda ereiquiachi no. Mbae ra erembuquiachichi. Erechee ñoonochi nda emo nii. Ndetură no nderu je. Ndetură no ndesi abe je", i que Dios chee nda, i que Jesús nee ererecua je ra. 21 Ererecua que nee ndei Jesús je ra. — Ũquɨ ngue amumbayã ja bei quia ra. Señetẽ mosenda bei, i rei que ererecua ra. ²²Jesús eandu mose que ñee ee ra. —Mbae mii mo abe eresaã eãte. Ã abe esaã. Nembae emondo mondo ja mbia mbaecha reã je. Nde ũquĩ naa mose, mbae tubiriã nda nde, ndeico mose ibate. Nembae mondo ja mose mbaecha reã je, serui eico cote, i que Jesús ee ra. ²³Ererecua Jesús chee andu mose que echosoi oso serite cote ra. Mbaecha tuchite quiatu ngue ae re. ²⁴ Jesús que mae mbaecha ia eã ndese ra. Ñee ngue mbia je cote ra. —Mbaranguiatu ãte mbaecha je ngasẽ sacuã ibate Dios rese. ²⁵Sã ticuasu mo ndiqui oso aroneate aguja sorei rɨ no nae. Eɨ sɨ chỗ mbaecha no nde. Oso aronea ibate Dios rese, i que Jesús ra. ²⁶—¿Aba quia ra oso Dios rea re no? i que mbia Jesús je cote ra. 27 Jesús que ñee ee ra. —Ae mbia saã aroneãte quia nae, Dios mii ño nda esaã, i que Jesús ee ra. ²⁸Pedro que ñee Jesús je ra. —Ure que urembae uresecha ja ra. Siqui sacuã nderui, i que Pedro ee ra. 29 Jesús que ñee ee ra. —Emo umbae recha ja mose Dios rii, Dios ra esibishoro tuchi ee. Ae uchuchua secha. Ae ngu secha. Ae usi secha. Ae ngõngue secha. Ae ngũinisi secha. Ae nguiirĩ secha. 30 Ũquĩ mbae ja ra Dios sibishorõ tuchi. Ibii mbia reco bei mose. Aquere ra Dios emingo bei ibate cote, i que Jesús ra.

Mbia ra seiquia, i si Jesús

3¹ Jesús que ñee icúee uchimbaaquiatu doce je ra. —Co nandeso quia Jerusalén co. Ae Dios cheẽ mbuchecuasa mbesa mbesa quia serii nyii nae, ũqui nda io ja cote. ³²Mbia ra semee judíos eã je cote. Mbia ra secheẽ naa naa. Ñee icuã tuchi ra seje. Ñinimbu nimbu ra serese. ³³Seiruã nua ndae. Seiquia ra cote. Tres nyaashi mose ra aquera si, i que ñee ee ra. ³⁴Echimbaaquiatu que echeẽ icuayate ra. —¿Mbae rii eriqui ñee nande je re? i que nyue ra.

Jesús eresayã mo mbuchero Jericoo

35 Jesús Jericó rurubi mose que eresayã mo ndiqui ee ra. Ñeenda jie que eñi ache ache i mbia je ra. 36 Eresayã ngue mbia tubiriã quicoi chandu ra. —¿Mbae ere? i que eresayã emo je ra. 37—Co Jesús coi quia co. Nazaret jenda coi quia co, i que emo eresayã je ra. 38 Eresayã ngue ñee mombo ra. —¡Jesús! ¡David rucucha! ¡Ndeya eã ño serese jē! i que eresayã ñee Jesús je ra. 39 Ae rane nyoi quia, ũquĩ ngue ñee ndei eresayã je ra. —¡Equiriri chō jē! i rei que ee ra. —Jesús, ¡ndeya eã ño serese jē! i bei bei que Jesús je ra. 40 Jesús que tiba cote ra. —Eresayã jendu rã, i que mbia je ra.

Eresayã ngue oso Jesús riichã cote ra. 41—¿Mañi ae ra ndeje re? i que Jesús ñee ee ra. —Seresa embuturã na, Sererecua, i que eresayã nda. 42 Jesús que ñee ee ra. —Nderesa que cote ra. Seicuate quiatu ngue se re. Nyebe arembucherõ nguiã, i que Jesús ee ra. 43 Aque mose tuchi que eresayã ndesa turã cote ra. Mae turã ngue cote ra. Jesús rui que esi quia cote ra. Ñee turã tuchi que equia Dios rii cote ra. Ae mae erese nae, ũqui abe que ñee turã ja quia Dios je cote ra.

Taico nderese, i Zaqueo Jesús je

¹Jesús que ngasẽ Jericoo cote ra. Sucha tubiriã ite rĩ ngue esi quia ra. ²Mbia mbaecha mo ngue siqui ee huee ra. Zaqueo, i que ee ra. Aba mbiiri irisa que ae ra. Impuestos isi isiquia rerecua que ae ra. 3—Jesús rese tamae. Jesús taicua rã, i rei que Zaqueo ra. Mbia tubiriã ngue Jesús chatite esi ra. Zaqueo jua tuchi que ra. Nyebe mae aroneate nguiã Jesús rese. 4Zaqueo que oso uchã Jesús nonde ra. Nyui que oso ira mo ñi nda. Jesús ucua rese mae sacuã. 5 Jesús que ngasẽ Zaqueoqui re cote ra. Soboiba que mae erese ra. —Equichi, Zaqueo. Taso ndechuchua nderese, i que Jesús ee ra. 6Zaqueo que nguichi asi u cote ra. Eyate que Jesús rerao uchuchúaa ra. 7 Mbia que ñee ñee tuchi Jesús rii cote ra. —¿Mbaerã Jesús si quia mbia icuã nyuchúaa aque re? i tuchi que mbia ñee nda. 8 Zaqueo que juã ñee Jesús je ra. —Sererecua, tachee ndeje. Sembae tachisia nyibite rɨ mondo sacuā mbia mbaecha reā je. Ae asirõ ñooño mbia si nae, ũquĩ tambuchebibe ee. Eata tambuchebibe ee, cuatro veces, i que Zaqueo Jesús je ra. 9 Jesús que ñee ee cote ra. — Areriro ngue mbae icuã si namo nda. Judiote quiatu nde re. 10 Quiachã je requia chõ achu nguiã ibate si co. Quiachã je mingo bei sacuã abe chỗ achu nguiã ibate si co no, i que Jesús ra.

Mbae isiquia jembaata, i ererecua ngũimba je

11 Mbia que Jesús cheẽ ñandu turã nguia ra. Jerusalén ndurubite que echoɨ quia ra. —Mbia rerecuarã ja ra Jesús cote reae, i rei que mbia quia ndua ndua ra. Nyebe Jesús ñee nguiã ee. 12—Sã mbia mo ndiqui oso ibimo isho tuchi no. "Mbia rerecuarã eico nde cote", i nonde mbia pe jenda ee. Aquere ra eru mbia rerecuarã cote. 13 Sã ñee ja ngũimba je oso nonde no. Diez rei erimba. Mbae isiquia atate que embuchao chao ngũimba je ra. "Ã mbae isiquia jembaata ata oso quia. Sechu mose chee", i que ngũimba je ra. 14 Sã hue jenda mbia aque ucuãyāte no. Comisión ngue emondo ra. "Aque urebiāte urererecuarã", i rei que comisión mondo ra. 15 Gobierno ngue emii mbei chõ ererecuarã nda. Nyebe uba bei u nguiã uchuchua cote. Ngũimba je que ñee cote ra. Ũquĩ diez. Ae je eriqui mbae isiquia mondo nae, ũquĩ. "¿Sechimee mbae isiquia jembaata ata rei re?" i jaaja que ngũimba je ra. 16 Erimba mo ngue ñee ee ra. "Ae. Aque mii

ngue eremee ndei seje nyii, ambaatate que se cote ra. Diez que cote ra", i que nguerecua je ra. ¹⁷Ererecua que ñee ee ra. "Coche ñene. Serimba turate nde. Mbae nete ngue eresaa turate quia sechee nguire ra. Nyebe mbae cuasu tamondo ndeje cote. Diez pueblos rerecuarã nda nde cote", i que ererecua ngũimba ñiinda je ra. ¹⁸Erimba nongue que tu ñee ee cote ra. "Aque mii ngue eremee ndei seje nvii, ambaatate que se cote ra. Cinco que cote ra", i que nguerecua je cote ra. ¹⁹Ererecua que ñee ae abe je no nda. "Eno. Cinco pueblos rerecuarã nda nde cote", i que aque ngũimba je ra. ²⁰Erimba nongue que tu ñee ee cote ra. "Co nembae mbae isiquia co. Tiru ye que areco bei ra. ²¹ Sesiquichete quiatu ngue ndesi re. Erequeteãte quiatu nguiã mbae rese. Ndechitiquia eã abe ereishao shaote quia co. Nyebe nembae mbae isiquia areco quiatucho no nguia ndeje", i que aque nguerecua je ra. ²²Ererecua que paama i tuchi ñee ee ra. "Serimba icuã tuchichi nde re. Nde si cho erechee nguia sembiirandu. 'Nembae que ambaata eãte ra', ere chôchĩ. 'Areco quiatuchô no nguiã', ere chôchĩ. Se ngueteã mose mbae rese ndeje ¿mbaerã secheẽ eremumba re? 23 ¿Mbaerã sembae mbae isiquia eremondo ea banco re? f nda ñimbaata jiri rei seje", i que ererecua ñee asi aque ngũimba je ra. ²⁴Ae chi huee, ũquĩ je que ererecua ñee nda. "Ae sembae quereco chooño nguia nae, jesiro na esi. Ae diez quereco quia nae, aque je jemondo", i que ererecua ra. ²⁵Mbia que nee ererecua je ra. "¿Mbaera nda re? Eatate ae rese. Diez que ae resẽ. ¿Mbaerã nda emo abe eremondo ee re?" i que mbia ñee ererecua je ra. ²⁶Ererecua que ñee ee ra. "Ae embaete nae, mbae tamondobe ee. Ae mbae quereco ate quia nae, embae tasiro ja esi. 27 Seucuavasa jendu ja rã. Ae nee nguia serii. 'Aque urebiate urererecuara', ae i quia serii. Úqui jendu ja. Ũquɨ jēɨquia ja sésaa", ɨ que ererecua ra, ɨ que Jesús ñee mbia mbaaquiatu ra.

Jesús ngasẽ Jerusalén

28 Jesús cheẽ jare que ngata si Jerusalén icha rui ra. 29 Jerusalén ndurubite que echoi ngasẽ nda. Betfagé, i que hue sucha je ra. Betania, i que hue sucha erurubinda je no nda. Ibi ibate abe que chĩ huee ra. Monte de los Olivos, i que ee ra. Hue si que uchimbaaquiatu nyeremo mondo cote ra. 30—Aichi súchaa chỗ jẽso rã. Burro riirĩ cuasa ra chĩ jẽje hue. Ae ato emo nyui ãte. Jenyura seru seje. 31 "¿Mbaerã nda jenyura re?" i mose emo jẽje, jeñee ee. "Nandererecua que jendu i ra", jenye ee, i que Jesús ũquĩ nyeremo mondo ra. 32 Nyoi que súchaa ra. Ae riĩ Jesús ñee ee nae, ũquĩ ngue nyecua ja ee cote ra. 33 Burro riirĩ ngue etea ra. Era mose que echa ñee ee ra. —¿Mbaerã jẽingo era era re? i que ee ra. 34 Jesús chimbaaquiatu que ñee ee ra. —Nandererecua que jendu i ra, i que echa je ra. 35 Burro riirĩ ngue ecuruchoi Jesús je cote ra. Echimbaaquiatu que huiirao chono ñono burro arõ nda. Mbia que Jesús mbuchui burro ato

cote ra. ³⁶ Jesús ngata mose burro ato, mbia que huiirao mbiitee ee ibi rī nda. Jesús nonde. Jesús oso sacuã hue rī. ³⁷ Jesús quiato tubiriã tuchi que nyoi quia erese ra. Monte de los Olivos icha re ngasẽ mose, Jesús quiato que tasẽ tasẽ tuchi ra. Eya tuchi que ra. Ñee mombo mombo turã ngue Dios je cote ra. —Jesús riqui mbia mae sayã naa naa tuchi mbia je co, i que ñee mombo mombo turã Dios je ra. ³⁸ Mbia ia tuchi que tasẽ tasẽ nda. —Co nandererecua ru quia ngasẽte co. Co Dios chimbu ru quia ngasẽte nande je co. Dios turã tuchite nande je, i que mbia ia tuchi ra. ³⁹ Fariseos mo abe que chi huee ra. Ūquī ngue ñee ndei Jesús je ra. — Ndechimbaaquiatu embaasẽ asẽ eã jiri ae, i rei que Jesús je ra. ⁴⁰ Jesús que ñee ee ra. —Sequiato ñeemombo mombo eã mose seriī, eĩ ndei ra sita ñeemombo mombo seriī cote, i que ñee nda.

⁴¹ Jesús que ngasẽ serĩte oso quia Jerusalén cote ra. Sucha checuate que esi quia ee cote ra. Jesús ia eã tuchi que Jerusalén ndese ra. Nyeseo que erese cote ra. ⁴² Jesús que ñee sucha tubiriã je cote ra. Jerusalén je. —Seyayã tuchi aico nderese co, Jerusalén. Mbia mbiasa ereicuayã mbei chõchĩ nguia co. Echecuayã mbei chỗ eriquichĩ ndeje co. ⁴³ Mbae rasi ra eresaã tuchi cote. Ndeucuãyãsa ra nderiquisã tuchi cote. Nemama nda ecuaẽ. ⁴⁴ Sucha ra embucoi ja ndeyenda. Sita ra embucoi ja tuchi mbia chuchua si. Mbia ra mano ja ndeyenda cote. Dios quiatu ngue ereisiã mbeite nguiã. Dios sembu mose nderea, aque mose abe que seisiãte no nda, i que Jesús ñee Jerusalén je ra.

Jesús mbia mbuse Dios chuchua si

45 Jesús que oso Dios chuchúaa ra. Huee que mbia riqui mbae isi isi querabe ra. Mbae mondo mondo abe mbae isiquia ribishorõ. Jesús que ũquĩ mombo ja Dios chuchua si ra. 46 Jesús que ñee mbia je ra. —"Mbia cheẽsa Dios je', i ra mbia Dios chuchua je", i que embesa ji ra. Jẽ nguia jẽicuã tuchite Dios chuchua je re. Mbae mbuquiachãsa chuchuarã ño jẽsaãte chĩ nguiã Dios chuchua je, i que Jesús ũquĩ je ra. 47 Jesús que mbia mbaaquiatu quiatu bei quia Dios chuchúaa ra. Ererecua cuabēte que mae icuã icuã nguia erese ra. Sacerdote rerecua. Embesasa abe no. Mbia rerecua ja. Ūquĩ ererecua ja que ñee nguia nyue ra. —¿Mañi nande ra equia Jesús iquia sacuã nde? i que ererecua quia ñee nee nyue ra. 48 Ererecua que Jesús iquia aroneate ra. Mbia tubiriãte quiatu que Jesús chandu quia ra.

¿Aba nembu re? i mbia ñee Jesús je

1Emo mose que Jesús riqui mbia mbaaquiatu quiatu Dios chuchúaa ra. Ererecua que ngaẽ ja ñee ee ra. Sacerdote rerecua. Embesasa abe no. Amei abe no. 2 Ũquĩ ngue ñee ja Jesús je ra. —¿Mbaerã ereico mbia mbaaquiatu quiatu re? ¿Aba "mbia embaaquiatu quiatu" i ndeje re? i que ererecua ja Jesús

je ra. ³Jesús que ñee ee ra. —Se rane tacheẽ jēje. Se rane preguntar tae jēje. ⁴¿Aba ñee Juan je re? "Eso bautizar ɨ mbia je" ɨ ee re. ¿Dios eã ño ere no? Jeñee seje, ɨ que Jesús ee ra. ⁵Ererecua que ndua ndua ja u ra. Ñee ñee ngue u nyue ra. —¿Mañi nande ra echeẽ ndobeishĩ nde? "Dios que Juan mbu ra", nande aroneate. Eĩ nda ñee nande je. "¿Mbaerã jēingoãte erui re no?" ɨ quiarei ra nande je. 6"Dios eã ngue embu ra", nande aroneate no. Mbia ataque ra paama ɨ tuchɨ nande je. Nandeɨ eɨ ra sɨta je. Juan quiato tuchɨ que mbia, ɨ que ererecua ñee ñee nyue ra. ⁵Ererecua que ñee nyee Jesús je ra. —Ureicuayāte. Aba chō Juan mbu. Bautizar ɨ sacuã, ɨ que ererecua ñee ja ee ra. ⁵Jesús abe que ñee ee cote ra. —Se abe ra acheẽ eã jēje no. Aba chō "ã esaã" ɨ seje. Acheẽ eã nda jēje no, ɨ que ererecua je ra.

Uva raarõsa icuã icuã nguerecua je

9 Jesús que mbia mbaaquiatu quiatu cote ra. —Sã mbia mo ndiqui no. Sã ibicha mo ndiqui no. Sã ibicha riqui uva i tiquia tiquia no. Sã ibicha riqui "sembae uvas jẽsaaro", i emo je no. Sã eriqui oso itote no. 10 Uva quiche mose que echa ngũimba mo mondo rei umbaerã ndea ra. Ae uva saarõ nguia nae, ũquã ngue eisi icuã tuchi ra. Ucua ucua que erese ra. Eochi que emondo mbuchebi ra. 11 Echa que ngũimba mo mondo rei ereabe no nda. Aque abe que eraarõsa isi icuã no nda. Ucua ucua que aque abe rese no nda. Eochi que emondo mbuchebi ra. ¹²Echa que emo abe mondo rei ra. Aque abe que eiruã nua mondo mbuchebi no nda. ¹³Echa ia eãte que ra. "¿Mañi ae ra se re? Seriirī quiatu tamondo erea cote. Ũquĩ nda ireĩ ireĩ jiri esi cote reae", i rei que echa ra. 14 Uva raarõsa mae mose erese que ñee nyue ra. "¡Co eriirī ndu quia co cote ¡ē! ¡Nandeɨquia rei ¡ē! Ṭ nda uvas nandembaerã ae cote", i que ñee nyue ra. 15 Eraarõsa que eriirí querao pe jiri eiquia ra. Eriirī ngue mano cote ra. ¿Mañi nda echa quia eraarõsa je cote re? ¹⁶Echa ra oso eraarõsa iquia ja cote. Ibi ra emondo emo je cote. Eraarõ sacuã, i que Jesús mbia je ra. —iŨquĩ nda iquechĩ jẽ! i que mbia ra. 17 Jesús que mae erese ñee ee cote ra. —¿Ã embesa ji rese jemae ãte re?

Sã emo ndiqui tuchua ao sita je no.

Sã sita mo ndiriro mombo no.

Eicuãte eriqui reī nguiã ee.

Aquere Dios emundua si erese.

"Earonda sacuã turambi chõ eriqui re", i ndua si uchimombo rese.

Sã uchimombo rirõ si cote no,

i que embesa ji ra. ¹⁸Ae ra nyoi ngoi aque sita arõ nae, ũquĩ nda huẽ. Aque sita ngoi mose emo arõ, ũquĩ nda mano, i que Jesús ra. —Aque sita rã ndei se, i chỗ ngue re.

¿Impuestos ra uremee ererecua je re? i mbia ñee Jesús je

19—Nanderii no Jesús riqui nguiã nee a. Nandeisi rei serao je, i rei que sacerdotes rerecua nee nyue ra. Embesasa abe no. Ũqui ngue paama

i ja Jesús je ra. Jesús isi aronea tuchite que mbia résaa ra. Eireíte quiatu ngue mbia tubiriã si re. 20 Ererecua que mbia icuã mondo mondo quia Jesús cheẽ andu andu ra. —iJēturã jēsaã saã oso Jesús je jē! iEcheẽ ndese jenyiisaquia quiatu ure je je! Mbae mo nii ñee icua mose, inandeisi rei jẽ! Ererecua tuchi je nandemondo cote, i ja que ererecua ñee nda. 21 Ae chi utură naa naate Jesús je nae, ũquĩ ngue ñee ee ra. —Jesús, co ereico mbia mbaaquiatu quiatu turate co. Mbia jaje ndeturate riqui co. Mbia erembaaquiatu quiatu turãte quia Dios icha rií co. 22 Nyebe ureico nguiã ñee ndeje a. ¿Coche mbia mbae isiquia mee mee mose Romano nderecua je re? ¿Uremee nda ee re? ¿Uremee ea nda ee re no? ¡ que nee Jesús je ra. ²³Jesús que ũquɨ icua icuate ra. Nyebe ñee nguiã ee. —¿Mbaera jeingo "ĩ nda Jesús ucheẽ nyabi", i seje re? ²⁴Mbae isiquia mo jẽteacuquia imbu seje. ¿Aba mbae nombre ñi mbae isiquia rese a re? ¿Aba aqui aingue abe ñi a re? i que Jesús ee ra. —Romano nderecua, i que ñee Jesús je ra. ²⁵ Jesús que ñee ee cote ra. —Romano nderecua mbaerã jemee ño ee. Dios mbaerã jemee ño ee, i que Jesús ee ra. ²⁶ Jesús que ucheẽ nyabi aroneate ee ra. Ũquɨ ngue nyuruɨra jate u Jesús cheẽ andu ra. Nyebe eriqui ñee eã ee cote.

Mbia raaque ra quera si, i Jesús

27—Mbia raaque ra quera eã mbei, i que mbiamo nguia ñee nda. Saduceos i que ũquĩ je ra. Ũquĩ mo ngue nyoi ñee Jesús je ra. ²⁸—Ã ngue Moisés mbesa nande je ra: "Emo eriiriã mano mose, ngũinisi recha mose, sã enongue mano je ninisi rerequia. Sã tiirĩ ngõngue raaque riĩ", i que Moisés embesa nande je ra. ²⁹Sã eriquii mo ndiqui no. Eribi que seis ra. Eriquii que ngũinisirã quereco rei ra. Mano ño ngue tiirĩ ndocoĩ ngũinisi recha ra. ³⁰Enongue que nguiquii cheecha quereco rei cote ra. Ae abe que mano ño tiirĩ ndocoĩ no nda. ³¹Enongue abe que equereco rei cote no nda. Ae abe que mano ño tiirĩ ndocoĩ no nda. Ũquĩ seis ja que ngõngue cheecha quereco ja rei ra. Mano ja tuchi chỗ ngue tiirĩ ndocoĩ no nda. ³²Eninisi eru cheecha abe que mano ño nyee cote ra. ³³Siete que eru nyii resẽ. Mbia raaque quera sɨ mose, ¿abate ra equereco cote re? i que saduceos ñee Jesús je ra. —Ma Jesús ñee icuã no, i chỗ ngue re.

³⁴Jesús que ñee ee ra. —Aa chõ mbia riqui nguiã ngũinisi rerequia querabe. Siqui mose íbii. ³⁵Ae raaque ra Dios mbuquera si nae, ae ra Dios mingo bei nyiese nae, ũquĩ nda ngũinisi quereco eã mbei huee cote. Ũquĩ nda ngu quereco eã mbei huee cote no. ³⁶Huee quiatu ra mbia manoã mbei. Angeles rã mbei ra mbia riqui huee cote. Dios riirĩ tuchi ra eriqui huee mose cote. Embuquerái quiatu ra cote. ³⁷Moisés abe que mbia mbiirandu ra. "Mbia raaque quera quera bei quia co", i que Moisés ra. "Se rei Dios. Abraham nderecua chõ aico nguiã co. Isaac nderecua abe. Jacob nderecua abe no', i que Dios ra", i que Moisés embesa ra. Ira

ruri rendi mose que Dios Moisés mbiirandu ũquĩ ndese ra. ³⁸ Ũquĩ mano ndaque nyii. Ũquĩ ndeco siqui bei chỗ nguiã ũquĩ. Mbia raaque rerecua eã ño Dios re. Mbia reco rerecua chỗ ñene. Mbia reco ja chỗ siqui nguiã Dios je ã, i que Jesús ee ra. ³⁹—Ndecheẽ turãte, i que embesasa mo ñee Jesús je ra. ⁴⁰Ae "Jesús nandembiicuã" i rei quia, ũquĩ ngue ñee eã Jesús je cote ra.

¿Aba rucucha Cristo re?

⁴¹ Jesús que ñee mbia je ra. —Se abe tacheẽ jẽje cote. ¿Mbaerã mbia riqui ñee nde? "David rucucha chỗ Cristo re" ɨ re. ⁴² David sɨ que "sererecua" ɨ Cristo je ra. Sã David chɨmbesa Salmos no:

Dios que ñee Cristo sererecua je ra.

"Ecoi sejii.

Nde abe ra ererecua serese.

43 Ae ndeucuãyāte quia nae, ũquĩ je ra ndequirācuã ateacuquia tuchi. Ndequirācuã tuchi chee ra ũquĩ si", i que Dios sererecua je ra, i que David embesa ra. 44David si chõ "sererecua" i nguiã Cristo je. ¿Mañi nda David rucucha Cristo re? Jeñee ño seje, i que Jesús ũquĩ je ra.

Jesús ñee asi embesasa je

⁴⁵Mbia ja résaa que Jesús ñee uchimbaaquiatu je cote ra.
⁴⁶—iEmbesasa rã ño nda jẽingochĩ je! Ũquĩ ucuasu saã saã mbeite quia ã. Huiirao turã equereco beite quia ã. "Sã mbia ererecua i nande je", i beite equia ã. Mbia renda turã abe eirabo rabo beite quia mbia si ã. "Fiestacha jii quia taĩ jẽ", i abe bei equia ã no. ⁴⁷Ari eru cheecha mbae abe embutiã tiã nguia ã no. Ucheẽ oco abe esaã saã mbeite quia Dios je ã no. "Ĩ nda mbia mae nanderese", i chỗ nguiã. Ũquĩ nda Dios mbasi tuchi cote, i que Jesús uchimbaaquiatu je ra.

Eru cheecha mbaecha reã mo mbae mo mee Dios je

21 ¹Jesús que nyoɨ nyoɨ quia Dios chuchúaa ra. Hue que mbia mbaecha riqui ofrenda mondo mondo ofrenda riru ye ra. ²Eru cheecha abe que siqui ra. Ae que centavos nyeremoño mondo ofrendarã nda. Mbaecha reãte quiatu ngue ae re. ³Jesús que ñee nda. —Tacheẽ tuchɨ jēje. Eru cheecha mbaecha reã ngue mbae mondo tuchɨ mbia ataque sɨ ra. ⁴Mbaecha quiatu que umbae rire ñetẽ mondo mondo ra. Eru cheecha quiatu nbbbbknnnkknnnnnn gue umbae mɨɨ mondo ja nguiã, ɨ que Jesús ra.

Mbia ra Dios chuchua mbucoi ja, i Jesús

⁵Mbia que ñee ñee Dios chuchua turã nɨɨ nda. Tuchua mbarõ ji sɨta turã nɨɨ. Mbae aba queteamba rɨɨ abe no, Dios chuchua jenda. Jesús que ñee

mbia je cote ra. 6—Ae rese jēingo mae nae, ũquĩ nda mbiamo mbutiã ja cote. Sita mo nda chi eã nyuchuarõ cote. Mbia ra tuchua mbucoi ja tuchi. Dios chuchua ra chĩ eã juã cote, i que Jesús ra.

Mbae ua ja nonde

7—¿Manose ra ũquĩ nde? ¿Mañi ure ra equia irandu mbae ua nonde re? i que Jesús chimbaaquiatu ee ra. 8 Jesús que ñee ee ra. —Jētesa jiri quia jē. Mbia ra jembiirī irīchī jē. "Cristo cho se re", i ra mbia ñee ata atate jēje. "Co rei é co cote", i ra mbia ñee ata atate jēje no. Ūquī nda jeñanduchī. Ñeeñooño je cho ũquī nde. 9 Mbia ra ñee ñee tuchi nyiiquia iquia je riī. Guerra riī abe no. Ūquī mose ra jēsiquichechī jē. Ūquī ja rane nda nyecua raque. Aque mose ra mbae ja ua eā ná, i que Jesús mbia mbaaquiatu ra.

10—Mbia ra guerra saã tuchi chee. Nyiiquia iquia tuchi rae. ¹¹Ibi ra nyere nyere tuchi. Mbia mo abe riãcuã tuchi ra aque mose. Emo ñooñoa tuchi ra mbia rasi. Mbia mae sayã nda nyecua tuchi ibei rī cote. ¹² Ūquĩ nonde ra mbia icuã icuã tuchi jẽ je seriĩ. Nguerecua je ra mbia jenderao rao tuchi. Ererecua abe icuã icuã tuchi ra jẽje. Jẽtarô tarô tuchi ra seriĩ. ¹³ Ūquĩ mose nda secheẽ jẽsenei senei tuchi mbia je chã. ¹⁴ ¿Manyae ra ũquĩ ñee ndibishorô nde? jenyechĩ nda ñee ũquĩ nonde jẽ. ¹⁵Se chô nda jaembucheẽ turã nguiã aque mose. Nyebe ra jẽucuayãsa jeñee ndibishorô aroneate aque mose. ¹⁶Jendu ra jemondo chee mbia icuã je. Jenongue abe ra jemondo chee mbia icuã je no. Jēquiato abe no. Ūquĩ nda jemo iquia chee no. ¹⁷Mbia ra jẽucuãyã tuchi seriĩ. ¹⁸Jẽsiquichechĩ nda esi. Jaendeaquiatu tuchi ra aque mose. ¹⁹Jeñimbirãcuã mose ra Dios jemingo turã mbei.

Jerusalén tiã tuchi rae, i Jesús

²⁰Soldados Jerusalén mama mose, aque mose ra Jerusalén mbutiã cote.
²¹Sã Judea jenda choi uchã ibi ibate riichã aque mose. Sã Jerusalén jenda abe choi uchã hue si. Ae chi isho Jerusalén si nae, sã ũquĩ nyebibe eã Jerusalén ndiichã aque mose.
²²Aque mose ra mbia mbae icuã ja irara tuchi huiicuã nii. Embesa ji cheẽ nda ique ja aque mose.
²³Aba mbia eã tuchi ra emo ãquẽ ndiru rerequia mose aque mose. Nguiirĩ mbuquiambu je abe no. Mbia ra mbae rasi saã tuchi aque mose. Mbae icuã nda irara tuchi huiicuã nii.
²⁴Aque mose ra mbia guerra raã tuchi. Mbia ra nyiiquia iquia aque mose. Jerusalén jenda ra sasẽ tuchi aque mose. Mbia ra ecuruchoi choi tuchi tarõ isho. Judíos eã nda chi tuchi Jerusalén aque mose. Dios ra emondochoi chee hue si cote.

Dios riiri nda tube ibate si

²⁵Mbia mae sayã ndese ra mbia mae tuchɨ ibei rɨ̃ cote. Tenda rese. Nyasi rese abe no. Nyasi tata rese abe no. Ama ndɨsha ra sieu tuchɨ quia aque mose cote. Mbia ra titi titi i tuchi aque mose. Quiachã tuchi rae. ²⁶Mbia chiã nda cuaãcuã i tuchi aque mose. "Mbae rasi ra nandesaã tuchichĩ nde", i tuchi ra titi titi i. Ibei jenda abe chee ra quiata quiata cote. ²⁷Aque mose tuchi ra achube íbii cote. Ibeishĩ ndese ra achu. Senininya tuchi ra achu. Sequirãcuã tuchi ra achu. ²⁸Ūquĩ ndese jemae mose, jẽo jẽo tuchi aque mose jẽ. Dios ra jendirõ jei mbae icuã si aque mose cote, i que Jesús ra. ²⁹Jesús que ñeembe ee ra. —Sã higuera riqui no. Sã ira mo ndiqui no. ³⁰Ero quira usẽ ja mose, "iraro itõ ndacu ra cote", i chõ mbia nguiã aque mose cote. ³¹Eĩ si chõ nda mbia mae mbae ja rese cote. Ūquĩ ndese mae mose, "achite Jesús ñi tu a cote", jenye rae. "Mbia rerecua tuchi ra Dios cote", jenye ra aque mose. ³²Ae siqui quia mbia aque mose nae, ũquĩ nda manoã mbae ua ja mose chee. ³³Ibei ra ua. Ibi abe ra ua. Secheẽ nguia ra uayã mbei.

34-35 Mbia ndua eã mose serese ra achu cote. Ibi jenda ja ra ambua tuchi u. Jē nguia seraarõ arõ mbei quia. Mbae icuã ndese siqui rocoi. Quiacua siqui rocoi. Mbae rese ndua ata ata rocoi. Ŭqui icuã ndese jēingo mose, jaembuate ra u. 36 Jētesa bei quiatu quia serese. Jeñee mbei quiatu quia Dios je. Ã mbae icuã jei eã sacuã jēje. Jēingo turã sacuã serese sechu mose, i que Jesús ra.

³⁷Nyaashĩ mose que Jesús riqui mbia mbaaquiatu quiatu Dios chuchua ra. Isa que eriqui oso oso bei Monte de los Olivos ra. ³⁸Isamamɨmbe que mbia riqui ngaẽ ngaẽ ja beɨ echeẽ andu ra. Dios chuchúaa.

Jesús nandeisi tarõ, i ja mbia rerecua ñee nyue

1 Achite que fiesta de la pascua cote ra. Mbichae mbuchimată iríã ngue mbia u u quia aque fiesta mose querabe ra. 2 Sacerdotes rerecua que ñee ja nyue ra. Embesasa abe no. —Jesús nandeiquia. ¿Mañi nande ra equia eiquia nonde re? i que equia ñee ñee nyue ra. Eireîte que eriqui mbia tubiriã si ra. 3 Judas Iscariote, i que Jesús chimbaaquiatu mo je ra. Satanás que ique aque chiangui re cote ra. 4 Nyebe aque si nguiã ñee sacerdotes rerecua je. Dios chuchua raarõsa je abe no. —Jesús tamondo jēje. ¿Mañi nande ra equia ee re? i que Judas ñee ee ra. 5 Ūquī iate que Judas ñee mose ee ra. —Mbae isiquia ra uremee ndeje, i que Judas je cote ra. 6 Judas que eno i mbia ñee mose ee ra. —Jesús tamondo rã jēje mbia tiãsaa, i que ñee nda.

Jesús quiaru uchimbaaquiatu rese

7Fiesta que tu cote ra. Aque fiesta mose bei que mbia riqui oveja iquia iquia querabe ra. Mbichae mbuchimată iríă ngue eu eu quia no nda. 8Jesús que ñee Pedro je ra. Juan abe je. —Jēso oveja mbuchi nande je, i que Jesús ee ra. 9Ūquĩ ngue ñee echeẽ mose ra. —¿Mangue ra aba embuchi mangue re? i que Jesús cheẽ mose ra. 10Jesús que ñee ee ra. —Jengasẽ mose sucha cuasu, emo i rerao

rese ra jemae. I ra equerao quia irasa mo ye. Aque rui jeso bei quia ique chee echuchua. ¹¹Tuchuacha je jenee. "Jesús que urembu nee ndeje ra. '¿Ma cuarto ra urecu quiaru oveja u que re? Sechimbaaquiatu rese', i que Jesús nee ndeje ra", jenye tuchuacha je. ¹²Tuchuacha ra cuarto cuasu mee jeje. Mbia quesa ibatenda ra emee jeje. Embuquiche ji. Huee cho oveja jembuchi nandequiaru sacua, i que Jesús nee er ra. ¹³Pedro que nyoi cote ra. Juan abe. Jesús chee ndui si tuchi que mbae ei ja cote ra. Huee que oveja mbuchi cote ra.

¹⁴Mbae quiche ja mose que Jesús ngoi uchimbaaquiatu rese quiaru sacuã cote ra. ¹⁵ Jesús que ñee ee ra. —Co oveja que ause tuchi quia jendese semano nonde ra. Co mose pascua mose. ¹⁶Pascua mo nda au eã mbei jendese cote. Dios mbia rerecua tuchi mose chee, i que Jesús ee ra. 17 Jesús que vino mbeisa isi cote ra. Gracias i que Dios je ra. Ñee ngue uchimbaaquiatu je cote ra. —Co jeisi. Jembei jaaja je. 18 Vino mo nda ambei ea mbei cote. Dios mbia rerecua tuchi mose chee, i que Jesús ra. 19 Jesús que mbichae isi cote ra. Gracias i que Dios je ra. Siguio que mbuchao chao ee cote ra. Ñee ngue ee cote ra. —Ã ndei serete rã ã. Serete ra mano jēje cote. Jendua serete riquio ji rese ã mbichae u mose, i que Jesús ñee ee ra. ²⁰Eĩ si que Jesús vino mbeisa isi no nda. Quiaru jare. —Ã ndei seruqui rã ã. Mbia icuã mbutiã sacuã tuchi chỗ seruqui re. Dios cheẽ yasu rui si chỗ seruqui riqui nguiã mbia icuã mbutiã co. 21 Ae ra semee mbia icuã je nae, aque abe riqui quiaru serese a. ²²Co acua raque quia mano nonde co. Dios cheẽ ndui si co. Ae semee nguia mbia icuã je a nae, aque ra mbae rasi saã tuchi. Aba mbia eã tuchi rae, i que Jesús ee ra. ²³Echimbaaquiatu que mae jaaja nyiese ra. —Aba tuchi ra emee mbia icuã je reae, i ja jate que nyue ra.

Jesús chimbaaquiatu mbia rerecua saã saã tuchi nyue

²⁴ Aquere que Jesús chimbaaquiatu ñee icuã icuã tuchi nyue ra. —Se quia ererecua tuchi ndesi re, i jaaja que nyue ra. ²⁵ Jesús que ñee ee ra. —Mbia ataque rerecua riqui ucuasu raã naa tuchi ngũimba je ũquĩ. ²⁶ Eĩ jenyechĩ nda jẽ jẽ. "Ererecuarã se", jenyechĩ nda jẽ. Ae eaquiatu jiri jemo nae, sã ũquĩ ndiqui uñetẽ naa naa ño. Sã ũquĩ ndiqui tochei chố nguia. Ae ererecua jemo nae, sã ũquĩ ndiqui ererecua rimba rã tuchi chố. ²⁷ Ererecua ngoi chố nguiã. Erimba mbae mee mee ño nguiã ee. Eĩ eã ño se re. Se quia mbae amee mee nguiã jẽje co.

²⁸ Jẽ nguiatu ngue jẽingo beite nguiã serese. Se mbae icuã irara tuchi mose. ²⁹Nyebe ra jaemii tuchi mbia rerecuarã. Sã seru semii tuchi mbia rerecuarã no. ³⁰ Jẽingo tuchi ra serese, se ererecua tuchi mose. Jẽquiaru ra serese. Mbae mo abe ra jembei serese no. Israel ndiirĩ nderecua ja ra jẽ. Judíos rerecua ja ra jẽ, i que Jesús ee ra.

Jesús aicuayate rese, i ra Pedro serii, i Jesús

³¹ Jesús que ñee Pedro je cote ra. —Simón, Satanás que ñee jenii nda. "Ndechimbaaquiatu emee na seje. Tã tae rã ee. Ma siqui beite Dios rese",

i rei ngue Satanás jenii nde. ³² Acheë tuchite que Dios je nderii nda. Nde Dios icua tuchi sacua. Nde ubabe mose serese, nderesenda abe je echeë emingo sacua serese, i que Jesús Pedro je ra. ³³ Pedro que ñee ee ra. — Sererecua cho nde re. Aico bei ra se quia nderese. Mbia nda semata ndei nguia. Mbia nda seiquia rei nguia nderese, i que Pedro ra. ³⁴ Jesús que ñee ee ra. — Tacheë nyecua ndeje, Pedro. Nguira cheë nonde ra erecheë nooño tres veces serii namo, Pedro. "Jesús aicuayate rese", ere chooño nonda serii, i que Jesús Pedro je ra.

Embesa ji chee nda ique ja serii cote, i Jesús

35 Jesús que ñee uchimbaaquiatu je ra. —Jaemondo que mbia mbaaquiatu quiatu sacuã nyii, jẽochi que jaemondo. Mbae isiquia mo ngue jendao eã tuchi icua. Mbae rirurã mo abe que jendao eãte. Jẽiyao eã abe no. ¿Aque mose mbae eãte jẽje re? i que Jesús ee ra. —Tei. Urembae tubiriãte que ra, i que echimbaaquiatu ñee Jesús je ra. ³6 Jesús que ñee ee ra. —Ae jemo embae rirurã mo nae, jendao cote ae. Ae mbae isiquia mo nae, jendao cote ae. Ae echuuru eãte tiquise mo nae, sã emo isi huiirao ribishorõ ae. ³7 Sã embesa ji riqui ñee seriĩ no. "Mbia icuã ndese ra Dios riirĩ mingo chee", i. Ūquĩ nda ique cote. Embesa ji cheẽ nda ique ja tuchi seriĩ cote, i que Jesús ñee nda. ³8—Co tiquise nyeremo ñi co resẽ, i que echimbaaquiatu echeẽ mose ra. —Coche ñene, i que Jesús ee ra.

Jesús ñee ngu je

39 Jesús que oso usẽ taicuee cote ra. Oso que Monte de los Olivos cote ra. Eĩ mbei que ae quia oso oso huee ra. Echimbaaquiatu que nyoi erese ra. 40 Ngasẽ mose que ñee uchimbaaquiatu je ra. —Jeñee tuchi Dios je. Satanás tã i eã sacuã jēje, i que Jesús ñee ee ra. 41 Jesús que oso pe quiti jiri esi ra. Ngoi que ngũíã ndese ñee Dios je ra. 42—Paba, ndebi mose sereaquiatu se, mbae rasi raã eã sacuã. Ae sebite nae, ũquĩ esaã eã seje. Ae ndebite nae, ũquĩ nguiatu esaã, i que Jesús Dios je ra. 43 Aque mose que ángel mo tu ibate si ee ra. Embirâcuã sacuã. 44 Jesús ia eã tuchite que ra. —Mbae rasi ra asaã tuchichĩ nde, i tuchi que ndua ndua ra. Ñee tuchi que Dios je ra. Eiriei ruqui que tiqui tiqui tuchi quia íbii ra. 45 Jesús ñee jare Dios je que juã cote ra. Uchimbaaquiatu rea que esi ra. I que u uque ee ra. Eya eãte quiatu ngue re. 46 Ñee ngue ee ra. —¿Mbaerã jēingo uque a re? Jenyuruã eae. Jeñee na Dios je. Satanás tã i eã sacuã jēje, i que Jesús ee ra.

Mbia Jesús nyucua serao

⁴⁷ Jesús chee ua ea mose que mbia ngae jate ee ra. Judas que tu quia mbia nonde ra. Jesús chimbaaquiatu raque que ae ra. Ae que Jesús siicha u eritii riite sacua nda. ⁴⁸ Jesús que ñee Judas je ra. —¿Ereico seritii riite

mbia icuã je sereacuquia sacuã a re? i que Jesús ee ra. ⁴⁹Jesús resenda que mae u erese ra. Ñee ngue Jesús je ra. —Urererecua, ¿tiquise ra ureuru uru mbia rese re? i que ñee Jesús je ra. ⁵⁰Jesús resenda mo ngue tiquise uru sacerdote rerecua rimba rese ra. Eisa sia. Eisa equiatocuti quitinda. ⁵¹—Jêhui esi ae. Coche ñene, i que Jesús ee ra. Oco que eisa rese embucherõ nda. ⁵²Jesús rerao sacuã ño mbia ngaẽ nguia reaẽ. Sacerdotes rerecua. Policía abe no. Judíos rerecua abe no. Nyebe Jesús ñee nguiã ee. —¿Mbaerã jenyu quia tiquise reru serea co re? Ira jua abe no. Mbae mbuquiachãsa isi rã ño jenyuchĩ nguia serea co. ⁵³Tenda que amumba mumba beite rei quia jendese resẽ. Mbia mbaaquiatu quiatu Dios chuchúaa resẽ. ¿Mbaerã jẽingo seisiã secua aque mose re? Isa chō jenyuchĩ serea co, mbia mae eã sacuã jendese. Itondaru riinda chō jẽ nde, i que Jesús ee ra.

Jesús aicuayate rese, ichoiño Pedro

54 Mbia que Jesús isi nyucua cote ra. Sacerdotes rerecua chuchua que eruruchoi cote ra. Pedro que oso quia ishote erui ra. 55 Itaicuee que mbia tata mbucha ra. Huee que echi ngoi tata jii ra. Pedro abe que ngoi embirõ nda. 56 Nyucuaaque mo ngue chi mae nguiatu tuchi Pedro rese ra. Tata rendi que etesaete ee ra. —Aque abe que Jesús resenda, i que mae Pedro rese ra. ⁵⁷Pedro que ñee ee ra. —Tei. Jesús aicuayate rese, ichoiño ngue Pedro nyucuaaque je ra. 58 Emo jiri mose que mbia mo mae Pedro rese ra. —Nde abe que Jesús resenda ra, i que Pedro je ra. —Tei. Eresenda eã ño se rese, ichoiño ngue Pedro ee ra. ⁵⁹Emo mose jiri que emo ñee ee no nda. —Jesús resenda cho nde rese. Galilea jenda cho nde abe rese, i tuchi que Pedro je ra. 60 Pedro que ñee ee ra. —Tei. Ndechee aicuayate rese, ichôiño ngue Pedro ee ra. Pedro chee mose tuchi que nguira ñee cote ra. 61 Jesús que uba mae Pedro rese nguira chee mose cote ra. Pedro que ndua Jesús chee ndese cote ra. —Nguira chee nonde ra echee ñooño tres veces serii, sa Jesús i Pedro je nyii no. 62 Pedro ndua mose ũqui ndese que esi nyeseo pe jiri ra.

Mbia iquia chooño Jesús je

63 Ae Jesús isi mɨi nae, ũquĩ ngue ɨquia ɨquia tuchɨ u Jesús je ra. Ucua ucua tuchɨ que u erese ra. 64 Jesús resa abe que echati ra. Eruba rese que ucua ucua tuchɨ ra. —¿Aba ucua ucua quia nderuba rese a re? ɨ abe que equia Jesús resa ati ji je ra. 65 Ũquĩ mɨi eã ngue eriqui ñee ee ra. Mbae ja rɨï ngue embuqueta ra.

Mbia Jesús ruruchoi ererecua chumunua mose

66I que nyaashi u quia ra. Aque mose que ererecua numunua ja ra. Judíos rerecua. Sacerdotes rerecua abe no. Embesasa abe no. Úqui

numunua mose que Jesús ruruchoi ee cote ra. Ererecua que ñee ja Jesús je cote ra. 67—¿Cristo nde re? Echee tuchi ure je no, i que ererecua ñee Jesús je ra. —"Cristo cho se re", ae raque ra jēje, "nyia", jenye ate ra sechee mose. 68 Se abe preguntar i mose jēje mbae mo nii, jeñee ate cho nda sechee ndibishoro. Jēhui ea abe ra sesi no. 69 Namo jiri ra acoi Dios quiatocuti cote. Hue bei ra a cote. Dios quiracua na si ra aico mbia rerecua cote, i que Jesús ñee ererecua chumunua mose ra. 70 Nee ja que Jesús je cote ra. —¿Dios rucucha cho nde re? i ja que ñee Jesús je ra. — Ae. Dios rucucha rei se, i que Jesús ee ra. 71 Ererecua que ñee ja nyue ra. —¿Mbaera nda mbia Jesús icua nenei i ite nande je re? Jesús chee icua ngue nandechandu rei nande abe rese. Sa mbia eiquia, i que ererecua ñee ja nyue ra.

Mbia Jesús ruruchoi Pilato je

23 ¹Judíos rerecua que juã ja cote ra. Jesús que ecuruchoɨ Pilato je cote ra. ²Ũquĩ ngue ñee icuãte Pilato je Jesús riĩ nda. —Jesús que mbia mbaaquiatu icuã icuãte quia ra jẽ. "Impuestos ra jemee meechĩ mbia rerecua je", i chỗ ngue equia mbia je ra jẽ. "Se chỗ Cristo re. Mbia rerecuarã nda se", i que equia ra, i que judíos rerecua ñee icuã Jesús riĩ nda. ³—¿Judíos rerecua nde re? i que Pilato ñee Jesús je ra. —Ae. Judíos rerecua chỗ se re, i que Jesús ee ra. ⁴Pilato que ñee mbia je cote ra. Sacerdotes rerecua je abe no. —"Mbae icuã mo ngue Jesús saã nda", ae aroneate eriĩ, i que Pilato ra. ⁵Judíos que ñee asite ee ra. —Jesús riqui mbia mbaaquiatu icuã icuã icuã tuchi co. Mbia mbesa chooño. Judíos mbaaquiatu icuã icuã ja. Galilea jenda rane. A jenda abe chee cote, i que ñee asite Pilato je ra.

Mbia Jesús ruruchoi Herodes je

6Galilea jenda, i mose que Pilato ñee ee ra. —¿Galilea jenda chō Jesús re? i que mbia je ra. 7—Ae. Galilea jenda chō Jesús re, i que mbia Pilato je ra. Nyebe Pilato Jesús mondo nguiã Herodes je. Galilea jenda rerecua quiatu ngue Herodes re. Herodes que siqui Jerusalén aque mose ra. ⁸Herodes que maese beite quia Jesús rese ra. Jesús rese que eriqui jirandu beite ra. —Jesús nda mbia mae sayã mo saã na serésaa chã, i beite que equia ra. Nyebe eya tuchi nguiã mae mose Jesús rese cote. ⁹Herodes que ñee atate rei Jesús je ra. Jesús que ñeeã mbeite echeã ndibishorõ nda. ¹⁰Sacerdotes rerecua abe que chi ra. Embesasa abe no. Ũquĩ ngue ñee icuã icuãte quia Jesús riĩ nda. ¹¹Herodes que iquia iquia chỗ nguia Jesús riĩ nda. Erimba soldados abe no. Jesús ririrõ tuchi que equia ra. Tiru nininya tuchi que emingue Jesús je ra. Ererecua raã naa tuchi Jesús je. Aquere que Herodes embuchebi mondo Pilato je cote ra. ¹²Aque mose ramo ngue Herodes quiato Pilato cote ra. Eicuã icuã mbeite que eriqui nyue nyii ra.

Jesús jēiquia mbucha ira rese, i ererecua

13 Pilato que mbia rerecua munua ja ra. Sacerdote rerecua. Judíos rerecua abe no. Mbia ja abe no. 14 Ñee ngue mbia je cote ra. —Jẽ ngue Jesús jendu rei seje ra. "Mbia mbɨɨrɨ ɨrɨsa chō Jesús re", jenye rei que seje ra. Acheẽ ocote rei que ee jẽsaa ra. Ae jeñee ndei seje nae, ũquɨ ɨcuã mo eãte seje Jesús rɨɨ. 15 Herodes je abe mbae ɨcuã mo eãte Jesús rɨɨ. Herodes que Jesús mbube chō nande je ra. ¿Mbaerã nda nandeɨquia re? Mbae ɨcuã mo ngue esaã eãte resẽ. ¹6 Tairuã nua ño. Aquere tambuɨ mondo, ɨ rei que Pilato ñee mbia je ra. ¹7 Pascua mose beɨ que Pilato riqui mbia matã ji mɨɨ mbuɨ beɨ ra.

18 Mbia que tasẽ tasẽte ñeemombo mombo Pilato je ra. —Jesús eiquia. Barrabás quia embui ure je, i tuchi que mbia quia Pilato je ra. ¹9 Barrabás tarõ ji que chĩ nda. Mbia iquiasa tuchi que ae ra. Romanos nderecua je abe que eicuã icuã tuchi riqui ra. ²0—Jesús quia tambui, i rei que Pilato ñeembe mbia je ra. ²¹—Jesús embucha ira rese, i tuchi que mbia quia tasẽ i i ra. ²² Pilato que ñee si ee ra. Tres veces cote. —¿Mbaerã nda Jesús aiquia re? ¿Mbae icuã esaã nde? Mbae icuã esaã eāte umano sacuã. Tairuã nua ño. Aquere tambui mondo, i rei que Pilato ra. ²³ Mbia que ñee mombo mombo tuchite ee ra. —iEiquia jē! iIra rese embucha jē! i tuchi que mbia quia tasẽ tasẽ ee ra. Sacerdotes rerecua abe que tasẽ i ite ra. Eno i chee que Pilato cote ra. ²⁴ Pilato que mbia cheẽ mumbayã nyee ra. ²⁵ Pilato que Barrabás mbui mondo cote ra. Mbia iquia iquiasate raque ae. Ñee icuã icuãsate raque ererecua je. Pilato que Jesús mee mbia je cote ra. Eiquia sacuã.

Mbia Jesús mbucheseco ira rese

²⁶Soldados que Jesús curuchoi eiquia sacuã cote ra. I rei que emo u quia uco si ra. Simón, i que ee ra. Cirene jenda mo ngue ae ra. Aque que soldados isi ra. Ira mbuchicuandasa ji rerao sacuã Jesús rui. Cruz, i equia ee. ²⁷Mbia tubiriã ngue nyoi quia erui ra. Cuña abe tubiriã. Ũquĩ ngue nyoi quia tasẽ tasẽ tuchi nyeseo erese ra. ²⁸Jesús que uba mae ñee ee ra. —Cuña, jenyeseochĩ nguiã serese. Jenyiese quia jenyeseo. Jendiirĩ abe rese quia jenyeseo, Jerusalén jenda. ²⁹Mbae icuã nda tuutu tuchi jẽje cote. Ae eriirĩ nderecua nae, ũquĩ nda mbae rasi saã tuchi aque mose cote. Aque mose quiatu bichĩ mbia riirĩ eã ja mbite re. Mbae icuã tuchite quia nda aque mose cote re. ³⁰"Amano ño mbichĩ se", i tuchi ra mbia aque mose cote. "Sita ibate tu chỗ mbichĩ seati", i tuchi ra mbia aque mose cote. ³¹Se chee mbia riquichĩ sembasi mbasi a. Seicuã eã ndaque se. Mbia quiatu ra mbae rasi saã tuchi huiicuã nii cote, i que Jesús ñee nda.

³²Soldados que mbia icuã nyeremo curuchoi Jesús rese eiquia sacuã nda. ³³Ngasẽ ngue ibi ibate mo cote ra. Eresa cuare, i que hue je ra. Huee

que Jesús mbucha ira rese cote ra. Ũquĩ mbia icuã abe que embucha ira rese ra. Enongue que emii Jesús quiatocuti ra. Equiatocutiã ngue enongue mii no nda. ³⁴Mbia Jesús mbucha mose ira rese que Jesús ñee Dios je ra. —Paba, ã icuã embutiã esi. Ñimbaaquiatuãte equia seiquia ã, i que Jesús Dios je ra. Soldados que sita ñetê mbaaba aba o je ra. —Aba ra ja. Aba mbaerã nda Jesús irao reae, i que nyue ra. ³⁵Mbia que chi ja tuchi mae erese ra. Ererecua abe chee que chi iquia iquia Jesús je ra. —Ma ndequiracuate. Mbia que erembuchero chero tuchi quia. ¿Mbaerã ereico ei ate ndechue nde abe re? Dios riiri nde reae, i que ererecua u iquia iquia Jesús je ra. ³⁶Soldados abe que iquia iquia cho nguia ee ra. Vinagre chiquino ngue emee ndei ee echimbei sacua nda. ³⁷—¿Mbaerã ereico nguichi ate ira si nde ae re? Judíos rerecua rei nde reae, i que soldados iquia iquia Jesús je ra. ³⁸Mbia que embesa ji mii Jesús aquí quiti ibate ra. JUDIOS RERECUA CHO CO RE, i que embesa ji hui nda. Griego chee. Latín ñee abe no. Hebreo chee abe no.

39 Ae mbia icuã mbucheseco ji chi Jesús rese nae, ũquĩ mo ngue ñee icuã Jesús je ra. —¿Mbaerã ereico nguichiã nde ae re? ¿Mbaerã ereico urembuquichiãte ure abe re? Dios riirĩ nde reae, i que ũquĩ mo ñeemombo Jesús je ra. 40 Enongue que ñee ee ra. —¿Mbaerã ereico ñee ũquĩ Jesús je re? ¿Ndesiquiche ãte eriqui Dios si re? Ereico mano Jesús rã si a rese. 41 Nandeico mano nandeicuã nii a rese. Jesús quiatu que mbae icuã saã eate rei rese, i que enongue ñee ee ra. 42 Aque sí que ñee Jesús je cote ra. —Jesús, endua serese nde ererecuarã mose, i que ñee Jesús je ra. 43 Jesús que ñee ee ra. —Tachee nyecua ndeje. Ereico ra serese namo Dios rese seico mose, i que Jesús ee ra.

Jesús mano cote

⁴⁴Tenda chĩ mose nandeite re que itondaru ru cote ra. Ibi ja que itondaru ra. Itondaru beite que ra. Tenda nyeseco chee. Tres horas que ra. ⁴⁵Tenda cuute que aque mose ra. Tiru mbucheseco ji Dios chuchua jenda que nyisia turã nda. ⁴⁶Jesús que ñee mombo ngu je ra. —Paba, aso quia nderea aque, i que ra. Mano ngue cote ra. ⁴⁷Soldado rerecua que mae tuchi huĩ erese ra. Ae que ñee turã Dios riĩ cote ra. —Mbae icuã naasa eã tuchi chỗ Jesús riqui re, i que maende erese ra. ⁴⁸Mbia tubiriã chi quia mae ja erese nae, ũquĩ ia eã tuchi que nyoi quia uchiã isi cote ra. ⁴⁹Mbia Jesús chiicua ja que chi isho mae erese ra. Ae cuña nyoi beite quia erese Galilea si nae, ũquĩ abe que chi isho mae erese ra.

Mbia Jesús raaque chati cote

⁵⁰I que mbia turã mo nguia huee ra. José, i que ee ra. Judío mo ngue ae ra. Arimatea jenda que ae ra. Judíos rerecua mo ngue ae ra. ⁵¹José ia eãte que ererecua ataque rese Jesús iquia mose ra. Ae que Dios quiatote

ra. —Dios ra ererecua, i beite que equia eraarõ arõ nda. 52—Jesús raaque emee na seje, i que José oso ñee Pilato je ra. 53 José que Jesús raaque mbuquichi cote ra. Tiru je que ema nda. Sita ribicoi ji imi ye que emondo ra. Mbia raaque mo ngue emondo eãte huee nyii ra. 54 Viernes que aque mose ra. Mbia que icoquiatu ja quia sábado nonde ra. 55 Ae cuña nyoi beite quia Jesús rese Galilea si nae, űquĩ ngue nyoi sita imi ndese mae nda. Jesús raaque iti ji rese que mae tuchi ra. 56 Nyebi que echoi uchuchua ra. Aba mbushimbusa que esaã nyoi ra. Sábado mose que ũquĩ uquenea ucua cote ra. Dios cheẽ si.

Jesús raaque quera si

¹Isamamimbe tuchi que cuña nyoi domingo mose sita imi ndese mae nda. Aba mbushimbusa que ecuruchoi rei eichuse chuse sacuã Jesús raaque rese ra. Cuña mo abe que nyoi quia erese ra. 2I que sita eraaque atiquia ruruba ji u ee ra. 3 Cuña ngue ique rei nyoi sita imi ye ra. Jesús raaque oreãte que ee ra. 4Tiri i tuchi que ra. —¿Mañi nda aba re? i tuchi que ra. Aque mose que mbia nyeremo chi juã ee ra. Eirao nininya tuchi que chi ee ra. 5Cuña ngue titi titi i tuchi u ra. Nyebe echi nguiã nyibi beite. Angeles que ñee ee ra. —¿Mbaerã jēingo Jesús raaque requia requia a re? Quera si que rese. 6Emoate a rese. Quera si que resẽ. Sã ñee jēje siqui mose Galilea no. 7"Mbia icuã nda seisi iquia. Sembucha ra ira rese. Tres días mose ra aquera si", i que jēje nyii resē, i que ángeles ñee cuña je ra. 8 Ũquĩ ndese que cuña ndua cote ra. 9 Cuña ngue nyebi cuae mbia mbiirandu ja cote ra. Jesús chimbaaquiatu once abe mbiirandu. ¹⁰ María Magdalena i que mbia mbiirandusa je ra. Juana i que emo je ra. María i que enongue je ra. Jacobo si que María ra. Cuña mo abe abe que ra. 11 Nyia iã ñochi Jesús chimbaaquiatu cuña ñee mose ee. Cuña ñee ñooño nei nguiã ee. 12 Pedro que oso uchã sita imi ndese mae nda. Nyurucua que mae erese ra. Jesús umanda acho ngue chi ee ra. Pedro que nyebi oso quia ndua ndua Jesús oreã ndese ra.

Jesús ngata querare uquiato rese

13I que Jesús quiato nyeremo nyoi quia aque mose ra. Emaús quiti que echoi quia ra. Dos leguas que Jerusalén si ra. 14 Ũquĩ ngue nyoi quia ñee ñee nyue ra. Jesús mano nii. Jesús raaque oreã nii abe no. 15 Ũquĩ ñee ñee ndiichã ngue Jesús si ra. Erese que Jesús si quia ngata cote ra. 16 Ũquĩ ngue mae ndei Jesús rese ra. Icua eãte chỗ ngue ra. Mbiamo nda eriqui reĩ ee raẽ. 17 Jesús que ñee nyee ee ra. —¿Mbae riĩ jẽingo ñee nyue ã nde? ¿Mbaerã jẽya eãte riqui re? i que Jesús ñee ee ra. 18 Ũquĩ mo ngue ñee Jesús je cote ra. Cleofas, i equia ee. —¿Ereiranuate erese re? ¿Nde mii ño ereiranua erese ndeico mose Jerusalén nde? i que Cleofas ñee ee ra. 19—¿Mbae rese? i que Jesús ee ra. Ũquĩ ngue ñeembe ee ra. —Jesús rese.

Nazaret jenda rese. Dios chee nenei neneisa tuchi rei que ae ra. Equiracua tuchi rei que ae ra. Mbia que mae ja tuchi rei equiracua ndese ra. 20 Mbia rerecua que Jesús iquia cote ra. Sacerdotes rerecua abe cho ngue Jesús iquia nguiã. Nyebe soldados eiquia nguiã mbucha ira rese cote. ²¹ Israel jenda rerecua rei nda ure je. Tres días chee namo cote emano mosenda bei. ²²Ureresenda cuña mo ngue ñee uremundi tuchi ra. Ũgui ngue nyoi rei eatísaa nyaashi namo mose ra. 23 Jesús raaque oreate nda ee ra. Nyebe ecuae nguia urembiirandu cote. Angeles mo nda chi ee eatísaa ra. "Jesús que quera si ra", i nda ángeles ñee ee ra. 24 Aquere que ureresenda mo abe nyoi eatísaa ra. Cuña ñee ndui si que Jesús raaque oreate ee ra. Jesús rese quiatu que mae eã nda, i que Cleofas ñee Jesús sí je ra. Jesús eã nda eriqui rei ee rae. ²⁵Jesús que ñee ee cote ra. —¿Mbaera jeaquiatuate riqui re? ¿Mbaerã jeingo Dios chee icuayate re? ¿Mbaera jeingo Dios chee nenei neneisa chimbesa icuayate re? 26 Sa embesa ji nee no. "Cristo ra mbae rasi saã ja oso nonde ibate", i que embesa ji no, i que Jesús ee ra. ²⁷ Jesús que Dios chee mbuchecua ja ee cote ra. Ngasi rii. Umano nii abe no. Uquera rii abe no. Moisés chimbesa que embuchecua ee ra. Aquere que Dios chee nenei neneisa chimbesa abe mbuchecua ja ee ra.

²⁸Ngasẽ ngue ũquĩ nyuchúaa cote ra. Jesús que ngata i abareã oso ra. ²⁹ Jesús ngata i abareã mose que ũqui eriquisã nda. —Eitő urerese aa ae. Tenda osote resẽ. Itondarute ra ndeje resẽ, i que ñee ee ra. Nyebe Jesús ique nguiã echuchúaa erese. 30 Ngoi ja que quiaru nonde cote ra. Jesús abe que ngoi erese ra. Mbichae que esiro o je cote ra. Gracias i que Dios ibatenda je mbichae rii nda. Mbichae que esiquio mondo ee cote ra. ³¹ Ũquɨ mose tuchɨ que Dios mbia mumae turã tuchɨ Jesús ɨcua sacuã cote ra. Jesús icua ramo sacuã cote. Jesús que quiachã asi esi cote ra. ³² Ũquɨ ngue ñee ñee nyue cote ra. —Jesús chō eriqui reaē. Nyebe nandeya tuchite riqui nguiã Dios chee mbuchecua checua mose nande je ñeenda cúa, i que equia ñee ñee nyue ra. 33 Nyebe echoi jei nguiã nyebi si Jerusalén. Huee que Jesús chimbaaquiatu chi ñumunua ee ra. Eresenda mo abe rese. 34 Ũquĩ ñumunua je que ñee ee ra. —Jesús que quera si ra. Ae bei. Simón ngue mae erese ra, i que ñumunua je ee ra. 35 Aquere que ũquɨ nyeremo ñee mbia chumunua je cote ra. —Jesús rese que uremae ñeenda cúa ra. Urembaaquiatu quiatu que umano nii nda. Uquera rii abe no. Mbichae riquio mose ure je, aque mose ramo ngue Jesús ureicua ra, i que mbia mbiirandu ja ra.

Jesús nyecua uchimbaaquiatu je

³⁶ Ũquĩ ñee ua eã mose que Jesús nyecua ee ra. Mbia ite re. —Jẽya chỗ serese, i que ñee ee ra. ³⁷Mbia que titi titi i tuchi u mae erese ra. Aba checuayã nda Jesús riqui reĩ ee raẽ. ³⁸Jesús que ñee ee ra. —¿Mbaerã jẽsiquichete riqui re? ¿Mbaerã "Jesús chỗ eriqui re" jenye eã seje re? ³⁹iSã

jẽ! Jemae seo rese. Jemae sei abe rese ae. Jẽoco serese ae. iSã se si chỗ jẽ! Aba checuayã nguia eroo eã nde. Equiangue eã abe no. Se rã eã, i que Jesús ee ra. ⁴⁰O que eteacuquia ee cote ra. Hui abe que eteacuquia ee ra. ⁴¹—Jesús chỗ eriqui re, i eã ngue ra. Ndua ndua chỗ erese. Eyate raque erese. Jesús que ñeembe ee ra. —¿Mbae mo ndei eu sacuã aa re? i que ee ra. ⁴²Sira resi ji que emee ee ra. Irao abe que emee ee eretã ndesebe ra. ⁴³Jesús que eisi eu bei ũquĩ ndésaa cote ra.

⁴⁴Jesús que ñee ee cote ra. —Sã acheẽ jẽje seico mose jendese nyii no. "Ae Moisés mbesa seriĩ nae, ũquĩ nda ique ja seriĩ cote. Dios cheẽ nenei neneisa chimbesa abe ra ique ja cote. Salmos ndesenda cheẽ abe ra ique ja seriĩ cote", ae que se quia jẽje nyii. Ũquĩ ngue ique ja semano mose cote ra. Sequera mose abe no, i que Jesús ñee ee ra. ⁴⁵Dios cheẽ ngue embuchecua checua ee cote ra. ⁴⁶Jesús que ñeembe ee ra. —Sã embesa ji riqui ñee no: "Cristo ra mbae rasi saã tuchi mano nonde. Tres días mose ra quera si. ⁴⁷Mbia ra echeẽ senei senei tuchi cote. Jerusalén jenda je rane nda erenei nenei. Mbia ja je ra erenei nenei cote. 'Jẽicuã si jẽhui rã. Cristo jẽicuã mbutiã sacuã', i tuchi ra mbia ja je Cristo riĩ cote", i que embesa ji quia nae. ⁴⁸Ũquĩ ique quia ã cote. Jemae nguia erese ã cote. ⁴⁹Ae je Paba ñee jẽje nae, "Espíritu Turã tamondo jẽje", i equia jẽje nae, aque tamee jēje cote. A jenguchõ na Jerusalén. Paba ibatenda uquirãcuã mee nyee jẽje, i que Jesús ñee uchimbaaquiatu je ra.

Jesús nyui oso ibate

50 Jesús que equerao ja pe jiri Jerusalén si cote ra. Betania i que hue sucha je ra. Jesús que o mumbate ñee uchimbaaquiatu je cote ra. —Sã Dios jendeaquiatu turã, i ee. ⁵¹ Aque mose tuchi que Jesús si nyui ibate erecha cote ra. ⁵² Ũquĩ ngue ñee turãte Jesús riĩ nda. Eya tuchi que nyebi nyoi Jerusalén nda. ⁵³ Dios chuchua que eriqui bei nyoi ñee turã Dios riĩ nda. Amén.

EL SANTO EVANGELIO SEGUN SAN JUAN

Jesucristo rane ngue siqui nyii ra

¹Dios chee nane tuchi que nyii ra. Mbae ja si. Dios chee ndei Jesús. Ae que sigui bei Dios rese ra. Dios si rei Jesús. ²Ae cho ngue sigui bei Dios rese nyii ra. ³Dios que mbae chao eã ae ae ra. Jesús rese ae mbae ao ja nguiã. ⁴Jesús chỗ mbia mɨngo nguiã ã. Nandemɨngosa chỗ nanderesae nguiã ã. 5 Nandemingosa chỗ mbae tesae tuchi nguiã itondaru. Itondaru quia ra emungue aroneãte. 6Dios que emo mbu cote ra. Juan, i que ee ra. ⁷Juan ngue tu aba resaesa renei nenei mbia je ra. Mbia mbiirandu randu ja. Ť nda mbia aba resaesa icua ja, Juan ñee nguire. 8 Aba resaesa eã ño Juan nde. Emo nii ño Juan ndiqui nguiã ñee. —Ae cho nanderesae nguiã co, i que Juan nda. 9 Aba resaesa que tu ibi cote ra. Aba resaesa chooñoã tuchi que ra. Ae cho aba resae ja nguiã a. ¹⁰ Aba resaesa que siqui íbii cote ra. Mbia que eicua eãte cho nda. Mbae aosa ja raque ae. 11 Aba resaesa que tu rei nguesenda mbiro nda. Eresenda que eisitea ñochi nguia. 12 Mbia mii mii ño ngue eisi tură tură nguiã. Mbia mii mii ño ngue eicua icua nguiã. Ũquɨ je quia Dios riqui nguiã "seriirĩ" i. 13 Mbia riirĩ na eã ño Dios riirī ndiqui nguiã nyaacuquia cuquia ã. Âque nyaacuquia rã eã ño Dios riirī ndiqui nguiā nyaacuquia cuquia ã cote. Sã emo ndiqui nguinisi rese embiirī nae, ūquī na eã no Dios riirī ndiqui nguiã nyaacuquia cuquia ã. Dios ae cho "seriiri" i nguiã ee Dios icua mose. 14 Jesús rei Dios chee. Jesús que tu mbiarã cote ra. Mbia tuchi que ae cote ra. Siqui que equia urerese cote ra. Echisaã turã ndese que ureico mae cote ra. Eturã tuchi chỗ ae re. Ngu rã si chỗ ae re. Ichỗiñosa reã tuchi chỗ ae re. 15 Juan ngue Jesús senei senei nguia mbia je ra. —Co rɨi ngue achee jeje rese. "Ae ra tu serui, aque quiarei ererecua tuchi sesi. Ae rane nguia siqui rei seã mose nyii", ae rei que jēje resē. Ae siqui co cote, i que Juan mbia je ra. 16 Jesús turā tuchi que ra. Nyebe eriqui nguiã mbae turã mee mee mbei nande je. 17 Dios cheẽ mumbayã sacuã ngue Moisés ñee ndei nguiã nande je. Jesús quiatu ngue

169 SAN JUAN 1

tu nguiã cote. Dios turã nenei nenei nande je. Jesús quiatu ngue Dios cheẽ ñooñoa senei senei nguiã nande je no. ¹⁸Emo maeãte Dios rese. Eriirĩ ae que nandembiirandu randu quia Dios rese ra. Eriirĩ nguiarei ngu rã sɨ.

Juan el Bautista ñee turã Jesús rii

¹⁹ Judíos Jerusalén jenda que mbia mondochoi ñee Juan je ra. Sacerdotes mondo erea. Levitas mo ndese. —¿Aba nde re? i sacuã Juan je. ²⁰ Juan ngue ñee nyecua tuchi ee ra. —Christo eã ño se re, i que ee ra. 21—¿Abate nde re? ¿Elías cho nde re? i que judíos chimondo ñeembe Juan je ra. —Tei. Elías eã ño se re, i que Juan ee ra. —Dios cheẽ mbuchecuasa ra tu, i equia nae, ¿ae cho nde re? i que mbia ñee Juan je ra. —Tei, i que Juan ee ra. ²² Judíos chimondo que ñeembe Juan je ra. — Ndechee embuchecua ure je. ¿Abate nde re? f nda ndechee uresenei ũquf je, ae urembu. ¿Mañi ure ra nderií nde? i que Juan je ra. 23 Juan ngue ñee ee ra. —Tachee jeje cote. Aba cho se cha. Mbia amingo quiatu quiatu quia co. Ae ñee mombo mombote quia mbia je turuquia ite re nae, ae chõ se re. —"Ñeenda jembuquiche nandererecua mbaerã", ae i quia, aque chõ se re, i que Juan nda. (Isaías chimbesa rui si cho Juan ñee nguiã.) 24 Ae ñee ñee nguia Juan je nae, ũquĩ ndei fariseos chimondo ũquĩ. 25 Fariseos chimondo que ñee ee ra. -¿Mbaerã ereico bautizar i re? Cristo eã ño nde resẽ. Elías eã ño nde resẽ. Dios cheẽ mbuchecuasa eã ño nde resẽ, i que Juan je ra. ²⁶ Juan ngue ñee ee ra. —I je chõ aico nguiã bautizar i. Emo nguia siqui raque quia jeite re. Aque quia jeicuayate nguia co. 27 Enonde aico co. Aque ra tu serui. Ae quia ererecua tuchi sesi re. Erã si eã ño se re, i que Juan fariseos chimondo je ra.

Jesús rei oveja rã

28 Betábara, i que hue sucha je ra. Huee quia fariseos chimondo ñee nguiã Juan je. Ama Jordán ndobei. Ae Juan ndiqui bautizar i, huee.

29 Isamami nongue que Juan mae Jesús rese ra. Jesús que tu quia Juan ndiichã nda. —Co mbia icuã ndiquicharõ sacuã ndu quia co. Oveja riirĩ na eriqui Dios je. Ae ra nandeicuã mbutiã nandesi. 30 Erĩ ngue aico ñee jēje. "Ae ra tu serui, aque quiarei ererecua tuchi sesi. Ae rane nguia siqui rei seã mose nyii", ae que se quia jēje. Co chi eru quia co cote. 31 Se sí que aicuayãte nyii ra. I je que bautizar ae quia mbia je cote ra. Ť nda Israel jenda Cristo icua, i que Juan nda. 32 Juan ngue ñee mbei quia ra. — Espíritu Turã ndese que amae nda. Nguichi que u Jesús arõ nda. Nyurusi rã ngue eru nguichi earõ nda. Ibate si. 33 "¿Aba ra Cristo re?" ae beite que se quia ra. Dios que ñee seje ra. "iI je eico bautizar i mbia je jē! Ae arõ nda Espíritu Turã ndu nguichi bei nae, ae quiatu bautizar i sacuã mbia je Espíritu Turã je", i que Dios seje ra. 34 Atea que se cote ra. Ae rei Dios riirĩ. Aicuate se cote, i que Juan nda.

Jesús mbia irabo uchimbaaquiaturã

35 Isamami nongue que Juan ndiqui hue sí no nda. Nguesenda nyeremo ndese que eriqui ra. ³⁶ I que Jesús ucua quia ra. —Qui mbia icuã ndiquicharõ sacuã coi quia qui. Oveja riirĩ na eriqui Dios je, i que Juan Jesús rii nda. ³⁷ Juan ndesenda nyeremo ngue Juan ñee ñandu ra. Nyoi que Jesús rui cote ra. ³⁸ Jesús que mae nguique quiti ra. —¿Mbae jēsequia quia re? i que mae erese ra. Ūqui ngue ñee Jesús je ra. —Mbia mbaaquiatusa, ¿ma ndechuchua ma nde? i que ee ra. ³⁹—Jenyu mae erese, i que Jesús ee ra. Nyoi que mae echuchua rese ra. Tenda nyesecote mose que echoi erese ra. Tenda oso cheete que echi erese cote ra. ⁴⁰ Ūqui nyeremo ngue Juan ñee ñandu ra. Siqui que Jesús rui cote ra. Andrés, i que ũqui mo je ra. Simón Pedro nongue que ae ra. ⁴¹ Andrés que oso asite ngõngue requia ra. Simón ndequia. —Dios chimondo que uretea ra. Cristo que uretea ra, i que Andrés ngõngue je ra. ⁴² Andrés que ngõngue querao Jesús rea cote ra. Jesús que mae erese ra. Ñee ngue ee ra. —Simón ño nde re. Jonás ndiirĩ ño nde re. Cefas, i ra ndeje cote. Cefas, i chõ Pedro re, i que Jesús ee ra.

Jesús Felipe irabo; Natanael abe

⁴³Isamami nongue que Jesús ñee nda. —Taso Galilea, i que ra. Ngasẽ ngue Felipe je ra. —Serui eico, i que ee ra. ⁴⁴Betsaida jenda que Felipe ra. Hue jenda si cho Andrés re. Pedro rese. 45 Felipe que oso Natanael ndequia cote ra. —Ae rii Moisés riqui embesa mbesa cose, aque que uretea ra. Ae rii Dios chee mbuchecuasa riqui embesa mbesa cose, aque que uretea cote ra. Jesús chỗ eriqui re. Nazaret jenda chỗ eriqui re. José riirĩ ño eriqui re. i que Felipe Natanael je ra. 46 Natanael que ñee Felipe je ra. —¿Mbae turã mo nda tu Nazaret jenda re? i que ra. —Echu erea ae, i que Felipe ee ra. ⁴⁷Natanael que tu Jesús riichã nda. Jesús que mae erese ra. —Co israelita turã tuchi mo ndu quia co. Aba mbiiri irisa rea tuchi mo ndu quia co, i que Jesús Natanael nii nda. 48—¿Mañi ere quia seicuate re? i que Natanael Jesús je ra. —Amae ngue nderese ra. Felipe 'quiatuchu' i nonde ndeje. Iraqui re que amae nderese ra. Higo iqui re, i que Jesús ee ra. ⁴⁹Natanael que ñeembe ee ra. —Mbia mbaaquiatusa, Dios ndiirī ño nde riqui re. Israel jenda rerecua tuchi cho nde riqui re, i que Natanael Jesús je ra. ⁵⁰Jesús que ñee ee ra. —¿Seicuate se re? "Iraqui re que amae nderese ra", ae que ndeje, ¿aque bei bei seicua quia co re? Mbae turã tuchi rese ra eremae cote, aque si, i que Jesús Natanael je ra. 51 Jesús que ñee si ee ra. —Tachee nyecua jeje. Ibei ra obo jeje. Angeles nda nguichi quichi quia seje. Nyoi nyoi si ra equia ibate. Angeles ibatenda. Dios rimba. Jemae nda erese, i que Jesús ee ra.

Emo ngũinisirã nguereco

Tres días mose que emo ngũinisirã isi ra. Galilea. Caná, i que hue sucha tubiriã je ra. Mbia que ñumunua nua fiesta raã ngũinisirã isi

mose ra. Jesús si abe que siqui huee ra. ²Jesús abe que siqui huee no nda. Uchimbaaquiatu rese. 3 Mbia que uva rique mbei u huee ra. Ua jei que mbia je ra. Jesús si que ñee nda. —Uva rique que ua jeite ra, i que ñee Jesús je ra. ⁴Jesús que ñee ee ra. —¿Mbaerã ereico ñee seje ũquĩ nde, Taĩ? Achecua jei eã nda mbia je, i que Jesús usi je ra. ⁵Esi que ñee mbia rimba je ra. —iJesús cheẽ ndui si chỗ jẽingo jẽ! i que ee ra. 6Cántaro atate que chi ra. Seis que cántaro ra. Sita ao ji. Ũquĩ jie que judíos riqui nyoi nyoi querabe ra. Ũquĩ cántaro jie que cien litros jaaja ra. 7 Jesús que ñee mbia rimba je ra. —Cántaro jemombisẽ mbisẽ ja i je, i que Jesús ee ra. Nyebe emombise ja nguiã. 8 Jesús que ñeembe ee ra. —Embisengue jenyarabe jiri mondo fiesta raã naasa je, i que ee ra. Erimba que echara serao ee cote ra. ⁹Uva rique rã si chõ ngue i fiesta raã naasa je cote ra. Fiesta raã naasa que ubi erese ra. Eiranuã ngue ubi erese ra. Erimba achõ ño ngue jirandu ja nguiã. Ae ngũinisirã isi quia nae, aque je que fiesta raã naasa ñee nda. 10—Mbia ja quiarei uva rique turã nane mee mee nguia mbia je querabe. Eturã mbei ja mose, ereã jiri mbei ruquia ruquia mbia je cote. Nde quia etură tuchi ererecoquiatu nguiă. Hui bei sacuă cote, i que ra. Jesús chisaã nii ño eriqui nguiã ñee. 11 Ũquĩ nane ngue Jesús saã mbia mae sayã nyii ra. Uva rique rã si tuchi que i raã nda. Ūqui ngue esaã Galiléaa eriqui mose ra. Caná, i que hue sucha tubiriã je ra. Hue rane ngue Jesús uquirãcuã ndeacuquia mbia je ra. Echimbaaquiatu que Jesús icua tuchi cote ra. ¹²Huesi que Jesús choi Capernaum nda. Usi rese. Ngõngue rese. Uchimbaaquiatu abe rese. Hue que echi itõ mocoîte ra.

Jesús oso Dios chuchúaa

¹³Fiesta rurubite mose que Jesús si Jerusalén nda. Pascua, i que judíos aque fiesta je ra. ¹⁴Jesús que oso Dios chuchúaa ra. Huee que mbia chi ticuasu mee mee nyue mbae isiquia ribishorõ nda. Ovejas abe no. Nyurusi cuasu abe no. Emo ngue chi ngoi ra. Mbae isiquia que esibishoro shoro u ra. ¹⁵Mbia iruã nuãsa que Jesús saã nda. Esã nderecua. Aque je que Jesús mbia mbuse ja mondochoi Dios chuchua si ra. Ticuasu abe. Ovejas abe. Ae mbae isiquia sibishoro shoro nguia, ũquĩ mbae abe que embuchiichere chere ja mesa ra. Mbae isiquia mombo mombo íbii. 16 Ae nyurusi cuasu mee mee nguia mbia je nae, ũquĩ je que Jesús ñee asite ra. —Ã nyurusi cuasu jendao Dios chuchua si. Mbae isi isisa jesaa saa nochi u Paba chuchúaa a, i que Jesús ñee ee ra. 17 Jesús chimbaaquiatu que ndua ndua quia embesa ji rese ra. —Sebi tuchi ndechuchua, i que embesa ji hui nda. Ũguɨ ndese que echɨmbaaquiatu ndua ndua ra. Jesús mbia ɨcuã mbusẽ mondochoi mose Dios chuchua si. ¹⁸ Judíos que ñee Jesús je ra. — ¿Ma mbia mae sayã nda eresaã ure je re? Ure ndeicua sacuã. "Ererecua chõ eriqui re", ure nda ndeje chã, i que judíos ñee Jesús je ra. 19 Jesús que ñee ee ra. —Jē Dios chuchua mbutiã mose, asiquicharõ nda se. Tres días

mose ra asiquicharõ, i que Jesús ra. ²⁰ Judíos que ñeembe Jesús je ra. — Tenda atate que nanderu riqui itõte Dios chuchua ao ao resẽ. Cuarenta y seis años. ¿Mañi ere ra tres días eao ja nde re? i que judíos Jesús je ra. ²¹ Nguete riĩ ngue Jesús riqui ñee nda. Mbia chumunuasa riĩ eã ño ngue ñee nguiã. ²² Jesús quera si mose ramo ngue echimbaaquiatu ndua aque echeẽ ndese cote ra. Embesa ji rese ndua. —Ĩ nguia equia re, i que echimbaaquiatu ndua ndua cote ra. Jesús quera si mose.

Jesús mbia chiã icuate

²³Mbia tubɨrɨä ngue Jesús ɨcuate aque mose ra. Fiesta de la pascua mose. Siqui mose Jerusalén. Mbia mae sayã naa naa mose que mbia eɨcuate cote ra. ²⁴Jesús que mbia ndua ndua ɨcuate quia ra. Nyebe ñee tuchɨ eã nguiã mbia je. ²⁵—Ēɨ ño mbia nguiã ã, ɨ aronea mbia mo Jesús mbiirandu. Jesús quiatu que mbia chɨä ɨcuate quia ra.

Nicodemo oso ñee Jesús je

¹Mbia mo ngue siqui ra. Nicodemo, i que ee ra. Fariseo que ae ra. Judíos rerecua que ae ra. ²Itondaru mo ngue esi Jesús rea ra. — Mbia mbaaquiatusa cho nde re. Dios chimbu cho nde re. Ureicuate que ra. Mbia mae sayã nda mbia mo saã eã, Dios siquíã mose erese, i que Nicodemo Jesús je ra. ³Jesús que ñee ee ra. —Tachee nyecua ndeje. Ae nyaacuquia si eã, ũquĩ nda siquíã Dios rese, i que Jesús ee ra. 4Nicodemo que ñee Jesús je ra. —¿Mañi nda mbia cuasu nyaacuquia si re? ¿Usi riequi ri nda esi si re? ¿Nyaacuquia si nonde re? i que Nicodemo Jesús je ra. ⁵ Jesús que ñee ee ra. —Tachee nyecua ndeje. Ae nyaacuquia i acho je nae, ũquɨ nda siquíã Dios rese. Ae nyaacuquia Espíritu Turã abe je nae, ũquĩ nguia ra siqui Dios rese cote. 6Mbia nyaacuquia mose, mbia sí cho eriirí nde. Emo nyaacuquia mose Dios riirina, Dios rã si cho eno nde. 7"Nducuã", erechĩ nda secheẽ mose jẽ. "iJenyaacuquia si ja chỗ jẽ!" se i mose. 8¿Mbaranguiti si quiririã ndiqui ichu re? ¿Mbaranguiti ra esi re? Ereicuayate. Quiriria erechandu raque. Eremae ate erese. Ei si cho Dios riiri nde. Ae nyaacuquia Dios je nae, i que Jesús ee ra. 9—¿Mañi ũquɨ nde? i que Nicodemo Jesús je ra. ¹¹ Jesús que ñee ee ra. —¿Secheĕ ereicuavate quia re? Mbia mbaaquiatusa raque nde. Judíos mbaaquiatusa raque nde. 11 Tachee nyecua ndeje. Ae ureicua, ũquĩ ño uresenei senei ndei nguiã jēje. Ae rese uremae, ũquĩ no uresenei senei ndei nguiã jēje. "Ichōiño nguiā", jenye chochī nguiā urecheē mose. 12 "Ichōiño nguiã", jenye chốchĩ nguiã secheẽ mose. Ibi jenda renei nenei mose jẽje. Sechee nda jemumba tuchi cote, ibatenda nenei nenei mose jeje. ¹³Emo nguichiate ibei si. Se mii no ngue achu nguia nguichi ibei si. Mbiara no ngue achu nguiã. Asobe ra ibei. Ibei jenda chỗ se re. 14 Sã Moisés mbei raanguia mbuchecua mbia je turuquia re cose no. Ei si ra mbia sembucha

173 SAN JUAN 3

ira rese. $^{15}\tilde{\text{f}}$ nda seicuasa quiachã eã mbei sesi. $\tilde{\text{f}}$ nda seicuasa siqui bei ibate serese.

Dios nyesecua ja mbia rese

16 Dios que nyesecua tuchite mbia ja rese ra. Nyebe nguiirī mii mbu nguiā mbia je. Eriirī icua sa ra manoa. Siqui bei rae. 17 Mbia mbasi sacuā eā ngue Dios nguiirī mbu íbii ra. Mbia rirō sacuā mbae icuā si quia ñi ngue Dios nguiirī mbu nguiā. 18 "Eso tata cuasu", i eā nda Dios nguiirī icuasa je. "Eso tata cuasu", i Dios quia nguiirī icuasa reā je ā. Jesús icua eāte quia ñene. 19 "Eso tata cuasu", i Dios quia nguiirī icuasa reā je. Ebite quia ñi itondaru nyaashī si re. Nyaashī tu mose íbii, isiteā ngue ra. Mbae icuā ndese quia eriqui beite nguiā. 20 Ae siqui beite quia mbae icuā ndese, ũquī nguia siquichete nguiā nyaashī si. Nyaashī ndiichā sereāte quia ñene. "Ē nda mbia mae eā nandechisaā ndese mbae icuā ndese", i ñene. 21 Ae mbae turā saā mbeite quia nae, ũquī nguiatu nyaashī siichā sete nguiā. Ē nda echisaā saā nyecua mbia je. Ē nda mbia ñee, "Dios quirācuā nguia siquite nguiā erese", i ra mbia ñee, i que Jesús ra.

Juan el Bautista ñee turã Jesús rii

²² Jesús que nyoi Judéaa cote ra. Uchimbaaquiatu rese. Huee que eriqui mocoîte ũquĩ ndese ra. Huee que eriqui bautizar i mbia je ra. ²³ Juan abe que bautiza r i quia mbia je ra. Enón, i que sucha tubiriã je ra. Salim ndurubi que ra. Hue quiatu ngue i tubiriãte re. Mbia que ngaẽ ngaẽ nguia erea ra. Juan ngue bautizar i quia ee ra. ²⁴Mbia Juan tarõ nonde mii ngue eriqui bautizar i huee nyii ra.

²⁵ Judío mo ngue ñee icuã icuã Juan ñimbaaquiatu je ra. Bautizar i riĩ. —¿Aba quia ra bautizar i mbia mbitirõ sacuã nde? i que ñee icuã icuã nyue ra. ²⁶Nyebe Juan ñimbaaquiatu nyoi nguiã ñee Juan je. —Ae rese ereico Ama Jordán ndobei, ae abe riqui bautizar i mbia je huee. Ae eresenei senei turã nguia ure je, aque. Mbia riqui tuchite erui ã, i que Juan ñimbaaquiatu ñee ee ra. ²⁷Juan ngue ñee ee ra. —Coche ñene. Dios ibatenda quiarei. Emo siqui aroneate mbia rerecuarã, Dios emingo sereã mose. ²⁸Cristo tu nonde que Dios sembu resẽ. Mbae mbuquiche ja sacuã Cristo tu nonde. "Cristo eã ño se resẽ", ae checua rei que jēje resẽ. ²⁹Jesús rui ra mbia siqui ja. Sã emo ngũinisirã nguereco no nae. Sã eninisi riqui ngu rese no. Sã eru quiato abe eya erese no. Eru quiato rã ño seya riqui Jesús rese co, mbia siqui mose erui. ³⁰Jesús quia ererecua tuchi riqui nguiã sesi co. Ererecua eã ño aico nguiã se co, i que Juan nda.

Jesús rei ibatenda

³¹ Jesús rei ibatenda. Nyebe eaquiatu riqui nguiã mbia si co. Ibi jenda chỗ nande re. Ibi jenda rese achỗ no nandeaquiatu nande re. Ae quiarei

ibatenda. ³²Ibatenda umaesa senei senei nguia mbia je co. Ae echandu ibate nae, ũquĩ abe esenei senei nguia mbia je co. Mbia mɨi jiri riqui echeẽ andu andu ã. ³³Ũquĩ mɨi mɨi ño Jesús cheẽ isi turã nguiã ã. Ũquĩ mɨi "Dios ichõiñosa reã", i tuchɨ nguiã ã. ³⁴Dios quiatu que Jesús mbu ra. Nyebe Jesús riqui Dios cheẽ nenei nenei co. Dios que Espíritu Turã mondo tuchɨte Jesús je ra. ³⁵Jesús rese Paba riqui nyesecua tuchɨte co. Erucucha quia ae re. Nyebe Paba uquirãcuã mee tuchɨ nguiã ee. ff nda Jesús riqui mbae rerecuarã ja. ³⁶Ae Dios rucucha ɨcua nae, ũquĩ nda siqui beɨ Dios rese. Ae Dios rucucha ɨcuayã nae, ũquĩ nda siquíã tuchɨ erese. Nyoɨ eã mbeɨ ra ibate. Dios ra ũquĩ mondo tata cuásuu.

Jesús ñee acuani mo je

4 1-2Mbia que siqui tuchite Jesús rui cote ra. Bautizar i sacuã mbia je. Jesús sí que bautizar i eã nda. Echimbaaquiatu quia ngue bautizar i nguiã ee. —Fariseos riqui ndeucuãyāte ã. Mbia siqui tuchi mose nderui, i que mbia mo Jesús mbiirandu ra. ³Jesús jirandu mose que esi Judea recha cote ra. —Tasobe Galilea, i que ra. ⁴Samaria ni ngue esi ra. ⁵Ngasẽ ngue Samaria ra. Sucha tubiriã mo ngue ngasẽ nda. Sicar, i que hue je ra. Jacob chimee ibi ndurubite que huee ra. Ae emee nguiirĩ José je. ⁶Jacob chibicoi ibi que chĩ huee ra. Noria. Jesús que ngoi huĩ uquenea ucua huee ra. Noria ji. Tenda nandeite re mose. Ñeenda ishote que ee ra.

7-8 Jesús ae que tiba huee ra. Echimbaaquiatu que nyoi sucha tubiriã nda. Mbae mo isi uchiura. Acuani mo ngue tu ngase i rea huee ra. Samaria jenda que ae ra. —I embu rã. Tayu, i que Jesús ñee ee ra. 9 Judíos que ñee eã mbei quia mbia Samaria jenda je querabe ra. Isho bei que eriqui nyesi ra. Nyebe acuani ñee nguiã Jesús je. —Judiote nde resẽ. ¿Mbaerã ereico ñee seje re? ¿Mbaerã ereico "i embu" i seje re? Samaria jenda chô se resẽ, i que acuani Jesús chee ndibishoro nda. 10 Jesús que ñee ee cote ra. —Dios chimee ereicuavăte quia co. Co ereico seicuavăte co. Ei nda "i raanguia embu seje" ere rei seje. Sejcua mose. Ej nda i mbia mingo bejsa amee ndeje, i que Jesús acuani je ra. 11 Acuani ngue ñee si Jesús je ra. —Noria cuate nyeresẽ. I arasa ereru eãte quia a resẽ. Ma je quia ra i raanguia erechara seje. ¹²Nanderu ñiinda abe nda íu íu quia a yenda ye resẽ. Jacob. Nguiirĩ ndese. Erimba abe nda íu íu guia a venda ve resẽ. ¿Ndeaguiatute ae sɨ nde re? i que acuani Jesús je ra. ¹³ Jesús que ñee acuani je ra. —Mbia íu mose a venda jie, eisei jei cho nda eno. 14 Ae i raanguia mbei quia nae, ũquĩ nda eisei chia mbei cote. I raanguia sechimee nguia ra siqui bei echiangui re. Uchi uchi bei ra equia echiangui re. Emingo bei sacua, i que Jesús acuani je ra. ¹⁵ Acuani ngue ñeembe Jesús je ra. —I raanguia embu nembae seje no. Eĭ nda seisei chiã mbei. Eĭ nda achu achu eã a jenda ara, i que acuani ee ra.

¹⁶—Eso nderu rea. Eru seje a, i que Jesús ee ra. ¹⁷—Seru eãte nyeresẽ, i que acuani nda. Jesús que ñee ee ra. —Ae beite. Nderu eãte que ereico

namo co ra. ¹⁸Nderurã ngue eretea mocoîte rei resẽ. Cinco. Ae erereco co nae, nderu tuchi eã ño aque re. Erecheẽ ñooño ãte rei nguiã seje a, i que Jesús acuani je ra. 19 Jesús chee mose que acuani ñeembe ee no nda. —Mbae mbuchecuasa nde reae. Dios resenda nde reae. ²⁰Ureramei nda ngaẽ ngaẽ nguia a ibi ato ra. Ñee ñee sacuã Dios je. "Jerusalén quiatu mbia cheesa Dios je re" jenye chochi nguia judíos, i que acuani Jesús je ra. 21 Jesús que ñee acuani je ra. —Tachee nyecua ndeje. Mangue chooño ãte ra mbia ñee Dios je cote. Namo jiri. Jerusalén mɨi eã. A ibi ato mɨi eã no. ²² Jeñee mbeite raque equia Dios je ã. Dios icuare rocoĩ. Ure quia ureico nguiã Dios icuate ã. Judíos cho ure re. Judío rei mbia rirosa mbae icuã si. ²³Namo jiri ra Dios quiatote ñee turã turã Dios rii uchiangui re. Mangue chooñoa cote. Dios quiatote ra ñee turã bei quia Dios rii cote. Echee nguire. ²⁴Dios rei espíritu. Mae aronea erese. Nandechiangui re chỗ nandeico Dios andu ã. Nandechiangui re nandecheễ turã turã Dios rii. Dios chee nguire, i que Jesús ra. ²⁵ Acuani ngue ñee Jesús je ra. — Mesías ra tu ibate si. "Cristo", i equia ee nae, aque ra tu íbii cote. Tu mose ra mbae mbuchecua ja mbia je. Ũquɨ aɨcuate quia co, ɨ que acuanɨ nda. ²⁶—Cristo chõ se re. Ae je ereico ñee, i que Jesús acuani je ra.

²⁷ Aque mose que Jesús chimbaaquiatu ngaẽ ngasẽ cote ra. —Jesús riquichĩ ñee acuani je a re, i que eu nyuruirate mae erese ra. —ċMbae jenye quia ñee nde? i eã ngue emo nda. Ireĩ ireĩte quiatu ngue ñee Jesús je re. ²⁸—Se rei Cristo, i mose que acuani ía tuchi ra. Ñio ngue esecha oso ra. Mbia mbiirandu randu sucha tubiriã jenda. ²⁹—A emo ndiqui a. Semumbusẽ ja que ra. Cristo chõ ae reae. Nyao rã mae erese, i que acuani mbia je ra. ³⁰Nyebe mbia nyoi ja nguiã ícuaa. Jirandu mae Jesús rese. Acuani ñee nguire.

31—Mbae mo eu, i chiibe ibe que echimbaaquiatu Jesús je ra. Acuani oso mose sucha tubiriã. 32—Tei. Sechiu jẽicuayãte jẽ, i que Jesús ee ra. 33—Emo mbae mo queru echiura ndeae, i que echimbaaquiatu nee nee nyue ra. ³⁴ Jesús que ñee ee ra. —Ae rii Paba ñee seje nae, ũqui tasaã mbei quia ee. Paba chee mumbaya mose, ũqui no sechiu riqui nguia. 35 "Pete mbae ishao shao ñi pe", jenye chôchĩ nguiã ã. Mbiaco yenda ea irei ishao iria na no mbia riqui nguia a. Sa mbia riqui nyoi mbae a ishao shao no. Eĩ jenye si chỗ nguia nyoi mbia reru reru seje. Serese siqui sacuã. 36-38 Sã emo ndiqui mbae a ishao shao no. Sã mbae acha riqui mbae mondo mondo ee eishao shao ribishoro no. Sa emo ndiqui mbae ei tiquia tiquia no. Sã emo ndiqui eishao shao equiche mose no. Ei si cho sechee no nde. Sã emo ndiqui seche enenei nenei nvii no. Aquere emo mbia reru reru seje no. Ae sechee nenei nenei quia nyii nae, ae mbia queru queru quia seje cote nae, ũquĩ ia jate nyiese cote. Ae emo ndiqui secheẽ nenei nenei nyii, huee jaemondo quia aque. Mbia reru reru sacuã seje. Se mbia mingo bei sacuã. Emo nane serenei nenei nguiã ee nyii. Je jeingo ereru

reru seje ã cote. Jēya jate riqui jenyiese ã cote. Ae seche nenei nenei quia nyii, ũquĩ ndese jēya jate, i que Jesús ra.

³⁹—Jesús que semumbusẽ ja ra, i que acuani ñee sucha tubiriã jenda je ra. Nyebe mbia tubiriã siqui nguiã Jesús rui hue jenda cote. ⁴⁰Samaria jenda que nyoi Jesús rea cote ra. —Eico are jiri ure rese, i que mbia Jesús je ra. Nyebe Jesús itô nguiã nyeremo huee. ⁴¹Jesús sí que mbia mbaaquiatu quiatu cote ra. Nyebe mbia tubiriã siqui tuchi nguiã erui cote. ⁴²Mbia que ñee acuani je cote ra. —Nde chô ngue urembiirandu rei nyii ra. Uremae ngue erese cote ra. Echeẽ ngue urechandu cote ra. Nyebe ureico nguiã eicua tuchi ã cote. Erecheẽ ñooñoa ngue ra. Cristo tuchi chô ae re. Mbia rirôsa mbae icuã si chô ae re, i que mbia ñee acuani je ra.

Jesús ererecua mo ndiirí mbuchero

⁴³Huee que Jesús itõ nyeremo nda. Samáriaa. Hue si que esi si nyuruã Galilea quiti ra. ⁴⁴—Mbia ra Dios cheẽ nenei neneisa quereco turã eã hue jenda sí mose, i que Jesús nyii ra. Nyebe esi nguiã Galiléaa. ⁴⁵Jesús que ngasẽ Galiléaa cote ra. Mbia hue jenda que embucuasẽ turã nda. Mae nguiatu equia erese Jerusalén neaẽ. Pascua mose. Mbia mae sayã nguiatu ngue Jesús saã saã nguiã ee nyii. Nyebe eyate nguiã Jesús cuasẽ mose cote.

⁴⁶Jesús que oso si Caná de Galilea no nda. Ae eriqui i mbuchiicabo uva rique rã mbia je nyii nae, huee que esi si ra. Hue rurubi que ererecua mo ndiirī ndasi riqui ra. Capernaum, i que hue je ra. 47—Jesús ru Judea si a cote, i que mbia ererecua mbiirandu ra. Nyebe ererecua si nguiã Jesús rea cote. —Seriirī chī mano serīte qui. Nyao terembucherō seje, i que ererecua ñee ee ra. 48—Mbia mae sayã naa eã mose ra je seicuayã ñochi nde, i que Jesús ee ra. 49—Nyao jei rã. Seriirī nda mano nyee re, i que ererecua Jesús je ra. 50—Esobe nyebi ndechuchúaa. Nderiirĩ ngue nyero nda, i que Jesús ee ra. —Jesús ñee ñooño aroneate, i que ererecua oso nyebi ra. 51 Echuchua rurubi que erimba ngae erobeishi nee nda. — Nderiirī ngue nyerõte ra, i que ñee embiirandu ra. 52—¿Ma tenda seriirī ngasi ucua re? i que ererecua ra. —Tenda nyiichere ramo mose que nderiirī ngacu ucua curi ra, i que mbia ñee ee ra. 53—Hue tenda tuchi que Jesús ñee seje curi ra. "Nderiirī ngue nyerõ nda", i seje curi, i que ererecua ra. Nyebe eriqui nguiã Jesús icua tuchi cote. Echuchua jenda abe que Jesús icua ja cote ra. 54 Judea si que Jesús ru Galiléaa ra. Mbia mae sayã nyeremo ngue Jesús saã Galilea jenda je ra. I que esaã uva riquerã nyii ra. Ererecua riirí ngue embuchero namo no nda.

Jesús Amei mbucherõ

¹ Aquere que judíos mbae fiesta ra. Jesús que oso Jerusalén fiesta mose ra. ² Oveja iquesa que chi huee ra. Mbia icua abe que chi huee

ra. Cinco tei que chi hue eicua mama nda. Betesda, i que judíos hue mbia icua je ra. ³Mbia rasi que chi jate nyaara huee ra. Taiqui re. Eresayã. Ecuatavã. Echaacua. Mbia rasi chumumbara que chi huee ra. I rebera raarõ arõ. ⁴Angel mo nda nguichi quichi quia ra. I mumbera sacuã mbia rasi je. —Ae rane nda ua ama ndebera mose nae, aque rane nda nverõ, i que mbia ra. ⁵ Amei ndasi ima mo ngue chi bei aque ri nda. Treinta y ocho años que amei ndasi ra. 6 Aque que chi nyaara Jesús je ra. —Aa chõ erasi riqui bei a cose re, i que Jesús uchiangui re ra. —¿Erechero sete ere? i que ee ra. 7 Amei ndasi que ñee ee ra. —Aba quia ra sembua i ye, i rebera mose. Mbia rane ngue secuã secuã nguia ra. I rebera mose, i que erasi Jesús je ra. 8 Jesús que ñee ee ra. — Éhuã. Ndequisa erao. Eso, i que Jesús ee ra. ⁹Echee mose que nyero nda. Uquisa que esiro serao ra. Erasiã ngue oso cote ra. Sábado mose que Jesús embuchero nda. 10 Nyebe judíos paama i nguiã embuchero mose sábado mose. —Co mose que mbia uquenea ucua ra. ¿Mbaerã nda ndequisa ererao re? i que judíos Jesús chimbuchero je ra. 11—Ae sembuchero, aque que nee seje ra: "Ndequisa erao. Eso", i que sembucherosa seje ra, i que judíos chee mose ra. 12 Judíos que ñee ee ra. —¿Aba aque re? ¿Aba "ndequisa erao", i ndeje re? i que ra. ¹³—Aicua eãte se. Aba chô sembucherõ. Mbia tubiriãte quiatu ngue re, i que erasi judíos je ra. Jesús oso rei. 14 Emo mose que Jesús ngasembe uchimbuchero je ra. Dios chuchúaa. Ñee ngue ee ra. —iSã jë! Arembuchero ngue se rese. iMbae icua nda eresaa sichi je! Mbae mo nda jei tuchi ndeje cote, i que Jesús ee ra. 15 Amei ngue oso judíos mbiirandu cote ra. —Jesús cho sembuchero nguia reae, i que judíos je ra. 16 Nyebe judíos paama i nguiã Jesús je. Nandeiquia, i. Sábado mose quia Jesús riqui nguiã mbia mbuchero chero judíos je. Judíos uquenea ucua mose. Nyebe judíos paama i nguiã ee. ¹⁷ Jesús que ñee judíos je cote ra. —Paba recoteã mbeite riqui co. Namo abe. Se abe Paba rã si serecoteã teã mbeite riqui co, i que Jesús ee ra. 18 Nyebe judíos riqui nguiã paama i tuchi Jesús je. Iquia seri serite que cote ra. Jesús que judíos che<u>e</u> mumba mumba ra. Mbia rasi mbuchero chero sábado mose. —Dios rã si aico co. Paba rei Dios, i que Jesús ra. Nyebe judíos paama i tuchi nguiã ee.

Jesús rei Dios rucucha

¹⁹ Jesús que ñeembe judíos je ra. —Dios rucucha rei se. Dios rucucha ae ra mbae saã eã. Se ae ra mbae asaã eã. Paba chisaã ndese maende ae aico nguiã mbae raã naa se abe co. Ae Paba saã saã nguia, ũquĩ asaã saã ja quia se abe co. ²⁰ Dios rucucha rei se. Paba riqui nyesecua tuchi serese co. Paba riqui uchiao reacuquia tuchi seje co. Uchiao ra eteacuquia tuchi seje cote. Mbia mae sayã tuchi. Jenyuruira tuchi ra mae erese cote. ²¹ Paba mbia raaque mbuquera quera. Se abe ra mbia raaque ambuquera quera. Ae amingo bei sete, ũquĩ abe ra amingo bei. ²² Paba ra mbia mo mondo

SAN JUAN 5 178

eã tata cuásuu. "Nde chỗ mbia equirirõ ndirõ mondo tata cuásuu", i que Paba seje ra. ²³ Î nda mbia ñee turã serii. Sã mbia riqui ñee turã Paba rii no. Ae ñee turã eã nguia serii, ũqui ñee turã eâte Paba abe rii no. Dios rucucha rei se. Dios chimee ndei se. ²⁴Tachee nyecua jēje. Sechee andusa ra siqui bei. Paba icuasa ra siqui bei. Nyoi eã mbei ra tata cuásuu. Paba ra emingo bei cote.

²⁵Tacheẽ nyecua jẽje. Namo jiri ra mbia raaque secheẽ andu. Secheẽ mumbasa reã nda siqui bei. ²⁶Paba quiarei mbia mingo beisa. Se abe rei mbia mingo beisa Paba rui si. ²⁷Se abe ra mbia amondo tata cuásuu. "Nde chỗ mbia equirirỗ ndirỗ mondo tata cuásuu", i que Paba seje ra. Se chĩ erucucha. ²⁸iJenyuruira techĩ nda secheẽ mose jẽ! Mbia raaque ra secheẽ ñandu ja chee. ²⁹Júã ja ra ngua si. Ae siqui turã, ũquĩ nda Dios mingo bei cote. Ae siqui icuã icuã nguia, ũquĩ nda nyoi tata cuásuu.

Serii no embesa ji nee, i Jesús

³⁰Se ae ra mbae asaã eã. Paba cheẽ ndui si chỗ aico nguiã mbia mondo tata cuásuu. Paba chee ndui si cho aico nguiã mbia mingo bei no. Paba chee nda achabia. Paba chee nguire cho aico nguia mbae raa naa co. Se ae eã no nene. 31 Se ae eã no acheenei enei nguiã mbia je co. \tilde{f} nda "ichõiño" jenve rei seje. 32 Aque emo ndiqui serenei nenei mbia je aque. Aque eriqui ñee ñooño eã serii aque. 33 Jemo ngue jemondo Juan je. Jēirandu sacuā serese. Juan ngue ñee ñooño eãte jēje ra. 34 Ae mbia ñee ñee serii, uqui nee ndesea aico nguia se. "Dios riiri ea no co re", i mose mbia serii, Dios riiri mbei cho se re. Jeicua mbutia sacua no aico rei nguiã ñee jēje. 35 Tata rendi rã ndei Juan. Mbae resae ja raque. Huee que jengu mbirî ndei erese ra. Jêhui jei chôchî esi. 36 Juan ñee ngue mbia mbiirandu rei serese ra. Sechisaã nguia mbia mbiirandu tuchi serese Juan ñee si. Dios chee nguire ae aico nguia mbae ao ao co. Sechisaa ndese mae jee mbia jirandu nguiã serese cote. "Dios chimondo quiarei Jesús", i mbia cote. ³⁷ Paba abe riqui serenei nenei mbia je co. Paba cheẽ jeñanuate raque. Jemae sayate raque Paba no. 38 Je nguia seicuayate nguia co. Paba chimondo cho se re. Nyebe Paba che chi eate jendese. 39 Embesa ji rese jeingo mae tuchite raque. "Embesa ji ra nandemingo beite", jenyechi nguiã. Serese jembiirandu sacuã ño embesa ji re. Se quiatu mbia mɨngosa tuchi re. 40 Je nguia jeingo sereate nguia serese. I nda se jaemingo beite rei. 41 Jēingo eã mose Dios rese, sebiãte jeñee turã turã mose serii. 42 Co aico jeicuate co rese. Jenyesecua eate quia Dios rese co rese. 43 Paba que sembu resẽ. Jẽo eã ñochĩ serese. Paba chimondo eã tu mose, aque rese quia ra jeo tuchite cote. 44 Mbia resa rae jeingochi nguia jetura naa naa. Dios je quiarei jetura eate. ¿Mañi jenye quiatu ra equia seicua re? ⁴⁵Se quia ra jẽicuã ambuchecua eã Paba je. Moisés chimbesa quia jẽicuã mbuchecua nguiã. "Moisés chimbesa rei mbia mingo beisa", jenyechi

nguiã. ⁴⁶Moisés chɨmbesa jẽicua eãte quia ã. Nyebe jẽingo nguiã seicua eãte ã. Seriĩ ngue Moisés embesa ra. ⁴⁷ "Nyia" jenye eã mose Moisés chɨmbesa je, "nyia" jenye eã nda secheẽ mose abe no, i que Jesús judíos je ra.

Jesús mbichae mbeta tuchi

¹Aquere que Jesús choi ama ndisa rasa ra. Galilea, i que ama ndisa je ra. Tiberias, i abe que ee ra. Hue robei que echoi ra. ²Mbia que nyoi tuchite Jesús rui ra. Mbia mae sayã ngue Jesús saã saã nguia ra. Echisaã ndese que mbia mae mae nda. Mbia rasi mbuchero chero mose. ³Sita ibate rī ngue Jesús choi ra. Huee que echi ngoi uchimbaaquiatu rese ra. ⁴Fiesta de pascua rurubi que ra. ⁵Mbia tubiriã ngue ngaẽ nguia Jesús rui ra. Jesús que mae erese ra. Ñee ngue Felipe je ra. —Mbia tubiriã tuchi. ¿Mangue ra echiurã nandeisi mangue re? i que Jesús ee ra. 6 Jesús eicuate raque. —Mañi nda Felipe quia sechee mose reae, i que Jesús ra. ⁷Felipe que ñee ee ra. —Doscientos plata mbia chayãte mbia chiură isi sacuă. Echayă tuchite, i que Felipe ra. 8 Andrés abe que chi ra. Jesús chimbaaquiatu. Simón Pedro nongue. Ae que ñee nda. 9—A ãquẽ mo ndiqui a. Cinco mbichae rerequia a. Sira nyeremo abe rerequia a. Echayate quiatu nda re. Mbia tubiriate quia nene, i que Andrés Jesús je ra. 10—"Jengoi ja", jenye mbia je, i que Jesús ra. Quiata turã ngue huee ra. Quiata tose que mbia ngoi ja ra. Mbia cuabe. Cinco mil que mbia ra. ¹¹ Jesús que mbichae isi cote ra. Iaanye, i que ngu je cote ra. Mbichae rii. Mbichae que embuchao chao cote ra. Uchimbaaquiatu je que emondo mondo ra. Echimbaaquiatu que emondo mondo mbia je cote ra. Ae chi ngoi. Sira abe que embuchao chao mbia je ra. Mbia que eu ja ra. Mbia que echosei chiã chiã nyee ra. 12 Mbia rio ja mose que Jesús ñee uchimbaaquiatu je cote ra. —iMbia chiu sique jemunua nua jẽ! iJendecoquiatu ja jẽ! i que ra. ¹³Echiu sique que emunua ja ra. Doce irairu que puk i ja ra. Mbichae sique sique. Cinco cho ndei que mbichae nyii ae. 14 Mbia que mae tuchi Jesús rese ra. Mbichae mbeta rese ra. Úqui ndese que mbia riqui mae eã tuchi nyii ra. —Dios cheẽ nenei neneisa chõ co riqui re. Ae uresaarõ arõ nguia, ae chõ eriqui re, i que mbia Jesús rii nda.

¹⁵ Jesús que mbia icua ra. —Mbia ra seisichi suruchoi ererecuara nde, i que ra. Nyebe esi si nguia mbia recha. Sita ibate ri ngue esi erecha ra.

Jesús ngata i arõ

¹6 Itondaru ndaru que Jesús chimbaaquiatu choi ama ndísaa ra. ¹7 Nyui nyui que canoa ye cote ra. Aque echoichi nguia iasa Capernaum aque. Jesús que nyebi ea mbeite u ee ra. Itondaru chee. Nyoi chee que erecha ra. ¹8 Quiriria ngue tu icua icua ee ra. Ama ndiite re mbia reco mose. I

SAN JUAN 6 180

rebera que tu asi asi tuchi ra. ¹⁹Mbia que nyoi choi bei canoa ye ra. Una legua. Jesús que canoa curubite cote ra. I arõ ngue esi quia ngata ra. Canoa yenda que mae erese ra. Echiã ngue cuaãcuã i tuchi ra. ²⁰—Se chõ nyeresẽ. ¿Mbaerã jẽingo siquiche sesi re? i que Jesús ee ra. ²¹Canoa yenda que oote erese cote ra. Mbua que canoa ye ra. Ngasẽ asi que ecuaẽ íbii cote ra.

Mbia cuabe Jesús requia

²²Mbia cuabẽ ngue chɨ sobei ra. Isamamɨ ngue Jesús tiāte ee ra. Nyebe ñee nguiã nyue. —Canoa mɨɨ ño ngue chɨ resẽ. Canoa ye eã ño Jesús sɨ iasa resẽ. Echɨmbaaquiatu achō ño ngue nyoɨ iasa canoa ye resẽ. ¿Mangue Jesús riqui mangue re? ɨ que mbia cuabẽ u ñee Jesús requia ra. ²³Aque mose que canoa mo ngaẽ ngasẽ ee ra. Tiberias sɨ que canoa cuaẽ nda. Mbia mbichae usa rurubi que ecuaẽ tiba ra. ²⁴Jesús tiã mbeɨ que mbia je huee ra. Mbichae úsaa ra. Echɨmbaaquiatu abe tiã ngue mbia je ra. Nyebe mbia choɨ nguiã erequia canoa ye. Ngasẽ ngue coquimo cote ra. Capernaum, ɨ que hue sucha je ra.

Mbichae rã ndei Jesús

²⁵Mbia cuabẽ ngue ngaẽ ama ndasa coquimo ngote ra. Ngasẽ ngue Jesús je cote ra. —Mbia mbaaquiatusa, ¿manose erechu ngasẽ aa re? i que mbia cuabe Jesús je ra. ²⁶ Jesús que ñee ee ra. —Tachee nyecua jēje. Se jembuquiarure chō jēingo nguiã serese. Se jembiore chō jēingo nguiã serese. Sechisaã icuare rocoi. Jemae sayã ngue asaã saã ndei quia resē. ²⁷ Jenyiurā ndese jēingochi nguiā ndua tuchite. Ūqui nda ua jeite. Ae ua eã mbeite quia, ũquĩ ndese quiatu jendua. Mbia mingo beisa rese quiatu jendua. Se rei mbia mingo beisa. Se rei Dios rucucha. Paba que uquiracua mondo seje ra, i que Jesús ee ra. 28 Mbia que neembe Jesús je ra. —¿Mañi ure ra equia re? ¿Mbae rese ra aba riqui Dios mbia re? i que mbia Jesús je ra. ²⁹Jesús que ñeembe ee ra. —Dios que sembu ra. Seicua quia se. Seicua mose ra Dios ia tuchi jendese cote, i que Jesús mbia je ra. 30—¿Mbae mo nda eresaã na ure je re, uremae sayã nde? \tilde{f} nda uremae nderese. Ei ure ra ndeicua cote. 31 Cose nda nanderamei ndiqui maná u u turuquia rɨ̃ nda. Sã embesa ji no: "Dios que mbichae mbu ibei sɨ mbia je ra", sã embesa ji riqui i no, i que mbia Jesús je ra. 32 Jesús que ñee ee ra. —Tachee nyecua jeje. Moisés ea no ngue mbichae mondo nguia mbia je ibei si. Paba cho ngue emondo nguiã ibei si mbia je. Aque mbichae ra mbia mɨngo beɨ eã. Paba ra mbia mɨngo beɨsa mondo mbia je cote. ³³Dios riqui mbichae mbuae mondo mondo mbia je co. Ae Dios mondo mondo nguiã mbia je co nae, aque que tu ibei si ra. Aque rei mbia mingo beisa, i que Jesús ra. ³⁴Mbia que ñee Jesús je ra. —Aquembichae mbichae emondo mondo bei quia ure je, Urererecua, i que mbia Jesús je ra.

³⁵ Jesús que ñee ee cote ra. —Mbichae rã ño se re. Mbia mɨngo beisa chố se re. Serese siqui mose ra jeniācuã eã mbeɨ. Serese siqui mose ra jeisei eã mbeɨ. Jēya bei rae. ³⁶ Jemae ndei que equia serese resẽ. Seicuayã mbeɨ chốchĩ nguiã ã. Acheẽ ndei que jēje nyii resẽ. ³⁷ Ae Paba mee seje mbia nae, ũquĩ nda siqui beɨ serese. Ũquĩ nda aisi teã eã mbeɨ. ³⁸ Paba que sembu ibei si resẽ. Secheẽ nguire eã ño aɨco nguiã mbae raã naa. Paba cheẽ nguire ae chố aɨco nguiã mbae raã naa co. ³⁹ "Ae amondo ndeje nae, ũquĩ mo nda quiachãchĩ", ɨ que Paba seje ra. Ambuquera ja ra se, se tube mose íbii. ⁴⁰ Se rei Dios rucucha. Paba que sembu ra. Ae seɨcuate nae, ũquĩ nda siqui beɨ. "Ũquĩ nda amɨngo beɨ", ɨ que Paba ra. Ũquĩ nda ambuquera ja, se tube mose íbii, ɨ que Jesús ra.

⁴¹ Judíos que paama i Jesús je ra. —Se rei mbichae rã. Ibei si que achu ra, i mose que judíos ñee icuã icuã Jesús je ra. 42—Jesús chỗ co re. José riirî no co re. Eru rese que nandemae ndese. Esi abe rese que nandemae ndesē. ¿Mbaerā eriquiñee nande je re? "Ibei si que achu ra", i nande je re, i que mbia ñee ñee nyue ra. 43 Jesús que ñee ee cote ra. —¿Mbaerã jẽingo ñee icuã icuã serii nde? 44Mbia ae ra siqui eã serese. Paba emingo mose serese, aque mose ra eriqui tuchi serese cote. Ũqui nda ambuquera si mingo sechube mose íbii. 45 "Dios ra mbia mbaaquiatu ja", sã embesa ji riqui i no. Nyebe ra Paba chee andusa siqui bei serese. Nyebe ra Paba cheẽ mumbasa reã siqui bei serese. ⁴⁶Emo ngue mae eãte Paba rese ra. Se mii ño ngue amae erese ra. Esi cho ngue achu rese. 47 Tachee nyecua jēje. Ae seicuate quia nae, ũquĩ nda siqui bei. 48Se rei mbichae rã. Mbia mingo beisa rei se. ⁴⁹Nanderamei ngue maná u u turã ndei quia turuquia re ra. Emo mose que mano mano ja ra. ⁵⁰Mbichae mbuae cho asenei senei nguiã jēje co. Mbia mɨngo beisa rei mbichae mbuae. Aque que tu ibei si ra. Ae mbichae mbuae u nae, ũquĩ nda siqui bei. Ũquĩ nda ua eã mbei. 51 Se rei mbichae. Ibei si que achu ra. Mbia mingo beisa rei se. Ae seu nae, ũquɨ nda siqui beɨ. Mbichae ra amee mbia mɨngo beɨ sacuã. Aque mbichae rei serete sí. Seroo sí, i que Jesús judíos je ra.

52 Judíos que ñee icuã icuã nyue cote ra. —¿Mañi nda nguete mee nandechiurã nde? i que nyue ra. 53 Jesús que ñee ee cote ra. —Tacheẽ nyecua jēje. Mbiarã ngue achu ra. Serete jẽu eã mose, jẽingo bei eã ndae. Seruqui jembei eã mose, jẽingo bei eã ndae. 54 Ae serete u quia nae, ũquĩ nda siqui bei. Ae seruqui mbei quia nae, ũquĩ nda siqui bei. Ũquĩ nda ambuquera si mingo, sechube mose íbii. 55 Serete rei mbia chiu rã. Seruqui rei mbia chimbei rã. 56 Ae serete u quia nae, ae seruqui mbei quia nae, ũquĩ nda siqui bei sechiangui re. Se abe ra aico bei echiangui re. 57 Paba riqui bei co. Paba riqui semingo se abe co. Eĩ nda serete usa abe siqui bei. Amingo bei ra se. 58 Mbichae mbuae chõ asenei senei nguiã jēje co. Ae tu ibei si. Maná na eã ño aque mbichae re. Maná ngue nanderamei u u rei ra. Maná ngue mbia mingo bei eã nda. Emo mose que mano ja chõ

nda. Ae sechimee u quia nae, ũquĩ nguia ra siqui bei, i que Jesús judíos je ra. ⁵⁹Eĩ ngue Jesús quia judíos mbaaquiatu quiatu ra. Capernaum. Judíos chumunuásaa.

Mbia tubiriã hui Jesús si

60 Jesús cheẽ andusa que ñee tuchi nyue ra. —Mbaranguiatuã tuchi chỗ Jesús cheẽ ndiqui re. Echeẽ nandemumba eã aroneate quiatu quia re, i que nyue ra. 61—Mbia riqui ñee icuã icuã tuchichĩ secheẽ nii, i que Jesús uchiangui re ra. Nyebe ucheẽ mbuchecua ee cote. —¿Mbaranguiatuãte secheẽ jẽje re? 62 ¿Mañi jenye ra mae mose serese re? Seso si mose ibate re. 63 Nande rete nandemingo eã nguiã. Nande aĩ ño nandemingo nguiã. Secheẽ nguia ra mbia mingo bei ibátee. 64 Seicua ja eãte quiatu nguiã ã. Jemo seicua eãte quia ã, i que Jesús ee ra. Mbae ao ramo mosenda bei que Jesús mbia icua uchiangui re ra. —Ã nda seicua. Ã nda seicua eã. Co ra semondo mbia icuã je, i que Jesús mbia icua uchiangui re nyii ra. 65—Acheẽ ngue jēje nyii, ũquĩ sí aico ñee jēje a. Mbia ae ra siqui eã serese. Paba emingo mose serese, aque mose ra eriqui tuchi serese cote, i que Jesús ra.

66 Aque mosebe bei que mbia tubiriã hui Jesús si cote ra. Ae siqui erese nyii nae, ũquĩ mo ngue hui ja esi cote ra. Ngatayã ngue equia erui cote ra. 67 Jesús que ñee uchimbaaquiatu je cote ra. Doce je. —¿Jẽ abe ra jẽhui sesi re? i que uchimbaaquiatu je ra. 68 Simón Pedro que ñee ee ra. —Tei, Urererecua. Aba rui quia ra ureico cote. Ndecheẽ ño mbia mingo beisa resẽ. 69 Ureico ndeicua ã cote. Cristo rei nde. Dios rucucha rei nde, i que Pedro ra. 70 Jesús que ñee ee cote ra. —Jẽ doce que jaĕirabo rei ra. Sechimbaaquiatu sacuã. Jemo ngue diablo rã nda, i que ra. 71 Judas Iscariote riĩ ngue eriqui ñee nda. Diablo, i. Simón ndiirī ndei Judas. Ae quia Jesús mee nguiã mbia icuã je. Jesús chimbaaquiatu mo ndaque.

Jesús nongue siquía Jesús rese

Jesús nandeiquia, i rei que judíos quia ñee ñee nyue ra. Nyebe Jesús si eã nguiã Judea cote. Galilea bei que eriqui ngata ra. ²Fiesta rurubi mose que cote ra. Tuchua ñetẽ ngue judíos saã saã mbei quia aque fiesta mose ra. Curubite que cote ra. ³Jesús nongue que ñee ja ee ra. — Eso rã Judea. Ť nda ndechimbaaquiatu mae ja ndechisaã ndese Judea jenda. ⁴iMbae esaã nyecua chỗ mbia resa rae jē! Ť nda mbia ndeicua ja. Co ereico mbia mae sayã naa naa co. Mbia resa rae quiatu esaã saã, i que enongue ee ra. ⁵Jesús nongue abe que Jesús icuayãte ra. Nyia, i eã Jesús cheẽ je. ⁶Jesús que ñee ee cote ra. —Emo mose quia ra aso nyecua mbia je cote. Jẽ jẽso jẽ ae ae, jẽsose mose. ⁷Dios cheẽ mumbasa riqui jẽucuayã eãte raque jẽ. Se quia eriqui nguiã seucuayãte ã. "Jenyisaã saã nguia eicuãte riqui nguiã", ae quiatu nguiã ee co. Nyebe eriqui nguiã

seucuayate a. ⁸Je no jeso fiesta rea. Se ra asoa. Emo mose quia nda achecua nguia mbia je cote, i que Jesús ngongue je ra. ⁹Jesús que siqui are jiri Galilea cote ra.

Jesús mbia mbaaquiatu quiatu fiesta mose

¹⁰ Jesús nongue que nyoi fiesta rea cote ra. Aquere que Jesús abe si mingue cote ra. Ngasẽ nyecuayã ño ngue oso ra. —Mbia ra jiranduchĩ serese re, i que uchiangui re ra. ¹¹ Judíos rerecua que Jesús sequia sequia ja u ra. —¿Ma Jesús riqui ma nde? i ja que fiesta mose ra. ¹² Mbia que ñee ata atate Jesús riĩ nda. —Jesús turãte que, i que emo emo nda. — Jesús turã eã ngue ra. Mbia mbiirĩ irĩte que equia no nda, i que emo emo no nda. ¹³ Mbia que siquichete judíos rerecua si ra. Nyebe mbia ucheẽ mbuchecua eã nguiã Jesús riĩ.

¹⁴Fiesta ite mose que Jesús si Dios chuchua mbia mbaaquiatu quiatu cote ra. ¹⁵ Judíos que nyuruira tuchi Jesús chee andu ra. —Eaquiatute quia eriqui re. ¿Mangue eriqui ñimbaaquiatu mangue nyii re? i que mbia ra. 16 Jesús que ñee ee ra. —Sechee ae ea asenei senei nguia jeje co. Paba cheẽ no asenei senei nguiã jēje. Ae sembu. 17 Emo siquise mose Dios chee ndui, aque ra Dios chee icua tuchi. Aque ra nee. "Uchee no ea Jesús senei senei nguiã mbia je co. Dios chee no esenei senei nguiã mbia je co", i ra aque ñee serii. 18"iSã mbia ñee tura mbe i serii je!" i ra emo uchee acho nenei nenei. "iSa mbia nee tura mbei Dios rii nguiatu je!" ae chỗ nguiã Dios cheẽ nenei nenei se co. Acheẽ ñooño eã ño nguiã co. Mbia ambiiri iri ea no nguia co. 19 Moisés que Dios chee mbesa rei nande je ra. Nande emumbayã sacuã. Jẽ nguia rei Dios cheẽ mumba. ¿Mbaerã jẽingo seiquia serîte re? i que Jesús ee ra. 20 Mbia que ñee ee cote ra. —Emo ndiqui ndeiquia seri eate co. Aba checuaya icua ae nembiicua ndeae, i que mbia Jesús je ra. 21 Jesús que ñee ee cote ra. —Mbia rasi mo ngue ambuchero sábado mose. Aque mii no ngue asaa ndei nguia. Aque mii je chỗ jẽingochĩ nguiã nyuruirate mae serese. ²²Moisés que circuncisión teacuquia jeje ra. Nanderamei nane ngue circuncisión saa nguiiri je ra. Nyebe jeingo nguia sabado mose abe circuncisión naa naa jendiiri je. ²³ Moisés cheẽ nguire chỗ jẽingo nguiã circuncisión naa naa jendiirĩ je ã. Sábado mose abe. ¿Mbaerã jẽingo paama i seje mbia mbucherõ mose sábado mose re? ²⁴ "Aque eicuate", jenye jei chochi nguia. Jeirandu tura na erese nyii, i que Jesús ee ra.

Ibatenda cho se re, i Jesús

²⁵ Jerusalén jenda que ñee ñee Jesús rii cote ra. —A Jesús riqui ñee mbia je a. ¿Nandererecua ra Jesús iquia eã si chỗ nde? ²⁶ A eñi nyecua ñee mbia ite re a. Nandererecua ñee eã tuchi chỗchĩ ee. Teachỗ tuchi chỗchĩ. ¿Cristo eriqui reĩ nandererecua je re? ²⁷ Cristo eã ño Jesús re.

Galilea jenda chõ ae re. Cristo tu mose quiatu ra nandeiranuate. Ma si chõ nda eru, i que Jerusalén jenda ñee nda. ²⁸ Jesús que echeẽ ñandu ja ra. Dios chuchúaa eriqui mose mbia mbaaquiatu quiatu. Nyebe Jesús echeẽ ndibishorõ nguiã cote. —¿Ma si achu co re? ¿Jẽ seicuate re? Se ae achu eã nguiã co. Sembu ji ae aico nguiã co. Ichõiñosa reã ae ngue sembu nguiã. Ae rese jemae ãte nae, ae chõ sembu nguiã. ²⁹ Se ae que amae erese ra. Esi que achu ra. Ae chõ sembu nguiã co, i que Jesús ee ra. ³⁰ Mbia que paama i Jesús cheẽ mose ra. —Jesús nandeisi etarõ sacuã, i rei que mbia ñee nyue ra. Ae mbia eisiã ño nguiã. —Aque mose ra eremano, i ãte quiarei Dios ee. ³¹ Mbia tubiriã ngue Jesús icua icua ramo nguia cote ra. Nguerecuarã. —Cristo tuchi rei co. Co eriqui mbia mae sayã naa naa tuchi co. Emo aquiatu mo nda tuãte rei. Co mii tuchi chõ ndei Dios chimbu co, i que mbia tubiriã nguia ñee ñee Jesús riĩ nda.

Fariseos paama i Jesús je

32 Fariseos que nyiisaquia mbia chee ndese ra. Mbia ñee tură tură mose Jesús rii. Nyebe fariseos paama i nguiă Jesús je. Policía jenda mo ngue emondo rei Jesús isi sacuă nda. Sacerdote rerecua abe que policía jenda mondo rei Jesús isi sacuă nda. 33 Jesús que ñee nda. —Aico mbiri ño nguiă jendese a cote. Aquere ra aso si Paba rea. Ae sembu. 34 Je nda serequia cote. Serea eate ra se cote. Ae ra aso nae, huee jengase aroneate, i que Jesús ee ra. 35 Judíos que ñee nyue ra. —Manguiti ra esi reae. Manguiti ra nandecuase aroneate ee reae. Judíos siqui quia griegos rese nae, ũqui ndea ra esi reae. Griegos mbaaquiatu sacua ndeae. 36 "Serequia ra se cote. Serea eate ra se. Ae ra aso nae, huee jengase aroneate", i chôchi nguiă nande je. ¿Mbaera eriqui ñee nande je ũqui nde? i que judíos u ñee nyue ra.

Jesús icuasa rei i rio na

³⁷Fiesta ua nonde que mbia ñumunua tuchi cote ra. Fiesta mumba bei. Aque mose que Jesús ñi juã ñee mbia ite re ra. —"Emo isei mose, sã eru serea. Ambiu ra se. ³⁸Ae ra seicua nae, i riõ na nda ũquĩ. Iãcuã turã na nda ũquĩ", sã embesa ji riqui i no, i que Jesus ucheẽ mbirãtāte mbia je ra. ³⁹—Ae ra seicua nae, ũquĩ je ra Espíritu Turã amondo, i ñene. Espíritu Turã mbu nonde chỗ eriqui nguiã ñee. Jesús oso eã mose ibate chỗ eriqui nguiã ñee.

Mbia ñee atate Jesús rii

40 Mbia tubiriã ngue chi Jesús cheẽ andu ra. Ũquĩ mo ngue ñee nyue ra. —Co rei Dios cheẽ nenei neneisa co. Ae uresaarõ arõ nguia co, i que u ñee Jesús riĩ nda. 41 Emo emo ngue ñee nda. —Co rei Cristo tuchi co, i que ra. Emo emo ngue echeẽ sibi shorõ no nda. —Tei. ¿Mañi nda Galilea

jenda Cristo re? Hue jenda eã ño nda Cristo ndesẽ. 42"David riirĩ nda Cristo. Belén jenda ra Cristo, David rã si", sã embesa ji riqui i no, i que mbia ñee ñee nyue ra. ⁴³Hue rĩ ja mbia ñee eãchĩ Jesús riĩ. Mbia que ñee ata ata Jesús riĩ nda. ⁴⁴—Jesús nandeisi serao tarõ, i rei que emo emo ñee nda. Isiã si que ra.

Fariseos Jesús icuayã

⁴⁵Policía jenda ochi que nyoi nyebi fariseos je cote ra. Sacerdotes rerecua je abe nyebi. —¿Mbaerã Jesús jendu eã ure je re? i que ererecua policía jenda je ra. ⁴⁶ Policía jenda que ñee ee ra. —Aque Jesús riqui mbia mbaaquiatu turã tuchi aque. Ae rã si emo mbia mbaaquiatu turã aronea, i que policía jenda ñee mbia rerecua je ra. 47 Fariseos que ñee policía jenda je cote ra. —¿Jē abe chee cho Jesús jembiirī irī nguia re? 48 Nandererecua mo ngue "coche rei" iã tuchi Jesús je resẽ. Fariseos mo abe que "coche rei" iã tuchi Jesús je resẽ. 49 Ã mbia ataque riqui Dios cheẽ icua eãte ã. Quiachã ja ra Dios si, siqui mose Jesús rese, i rei que fariseos ra. ⁵⁰Nicodemo abe rei fariseo. Ae tu Jesús je isa nae, aque que ñee fariseos je ra. Uataque je ra. 51—Emo nandembasi mbasi chooño aroneate. Echeẽ nandechandu rane nguiatu. Nandeirandu ja rã nguiatu erese. Embasi nonde. Ei ngue Moisés embesa mii nande je ra, i que Nicodemo uataque je ra. 52 Fariseos que ñee ee cote ra. —¿Nde abe chõ Galilea jenda Jesús rese re? Embesa ji rese emae mae. Dios chee nenei neneisa mo eate que Galilea jenda resẽ, i rei que fariseos ñee asi Nicodemo je ra. 53 Mbia que nvoi ja uchuchua cote ra.

Cuña mo siqui emo ndu rese

¹Jesús que oso Monte de los Olivos ra. ²Isamami ngue Jesús si nyebi si Dios chuchúaa ra. Eresaito ndabe. Mbia que esiicha tuchi ra. Jesús que ngoi ra. Mbia mbaaquiatu quiatu. ³Fariseos que cuña mo curucuae Jesús je ra. Embesasa rese que cuña ndurucuae ee ra. Cuña nda siqui emo ndu rese mbia je ra. Mbia ite re que fariseos cuña mii nda. ⁴Ae cuña curucuae nae, ũquɨ ngue ñee Jesús je ra. —Urembaaquiatusa, mbia que mae cuña ndese ra. Emo ndu rese siqui mose. 5 Moisés que ñee nande je ra. "Ã jēiquia sita je", i que Moisés quia ã mbia rii nda. ¿Mañi ere ra ã nii ñee nde re? i que cuña ndurucuaesa ñee Jesús je ra. 6—Jesús nandembiiri. Î nda nee icua. Î nda mbia nandembiicua Jesús je cote, icho equia nyii reae. Nyebe cuña ndurucuaechi ee reae. Jesús que nyatiquio cho nda. Ibi que embesa mbesa o je ra. 7—¿Mañi ere ra nde cuña je re? i bei que mbia quia Jesús je ra. Jesús que juã ñee mbia je cote ra. — Jemo turã mbeite mose, sã aque rane cuña chei sita je, i que Jesús ee ra. 8 Nyatiquio si que ibi mbesa ra. 9 Jesús chee andu mose que mbia rerecua irei irei ja cho nda. —Nandeicua jate que, i ja cho ngue nee uchiangui

re ra. Nyebe echoi nguiã use ja. Amei nane ja que ra. Eataque quia use nguiã erui cote. Ererecua que use ja ra. Jesús ae que siquicho nda. Cuña ndesecho. 10 Jesús que juã mbia rerecua ruibe cote ra. Cuña je que ñee cote ra. —¿Ma nderurucuaesa ma nde? "Nandechei ra sita je", ¿iāte emo nguia nderii co re? i que Jesús ñee cuña je ra. 11—Tei. Emo ñeeate, Sererecua, i que cuña Jesús je ra. Jesús que ñee ee cote ra. —Se abe ra achee ea ndeje. Eso rei. iMbae icuã nda eresaã sichi je! i que Jesús cuña je ra.

Tata rendi rã ndei Jesús

¹²Jesús que ñee si mbia je ra. —Mbia ja mbaaquiatusa chõ se re. Tata rendi rã ño aico nguiã mbia je co. Ae siqui serui nae, ũquĩ nda siquíã itondáruu. Ũquĩ amingo bei quia querabe co, i que Jesús mbia mbaaquiatu ra. ¹³ Fariseos que ñee Jesús je cote ra. —Ndechue cho ereico nguiã ñee mbia je. Nyebe mbia "coche rei" i aronea ndechee je, i que fariseos ñee Jesús je ra. 14 Jesús que ñee echee ndibishoro nda. —Sechue achee ndaque mbia je. "¡Ae bei je!" i cho mbite raque aba sechee mose. Ae si achu nae, huee jeicuayate. Ae ra aso nae, hue abe ra jeicuayate no. Se ae aicua nguiã co. 15 Jeñee icuã jei chốchĩ nguiã aba riĩ. Mbae mumbuse ja mose rocoi. Ei ae ea no nguia se. 16 "Co eicuate", ae ea nguia se ae co. Paba rese cho aico nguiã mbia mumbuse ja co. Nyebe aico nguiã ñee Paba cheẽ ndui si co. 17 "Mbia nyeremo ñee mose hue rī si, 'ae beite' jenye cho", i que Moisés jeje ra. 18 Sa ure nyeremo ure no. Paba rese. Ae sembu. Sã ureico ñee serii Paba rese no. Ure nyeremo, i que Jesús fariseos ie ra. 19—¿Ma nderu riqui ma nde? i que fariseos Jesús je ra. Jesús que ñee ee ra. —Paba jēicuayāte quia ã. Se abe seicuayāte quia ã. Jē seicua mose, Paba abe ra jēicua, i que Jesús ra. 20 Ei ngue Jesús quia mbia mbaaquiatu quiatu Dios chuchúaa ra. Ofrenda no nosa jii que eriqui mbia mbaaquiatu quiatu ra. Emo ngue Jesús isi ãte etarõ sacuã nda. —Aque mose ra eremano, i ãte quiarei Dios ee.

Aso si ra ibate Paba rea, i Jesús

²¹ Jesús que ñee sɨ fariseos je ra. —Aso sɨ ra Paba rea cote. Serequia requia rei nda se re. Jẽicuã mbeɨ ra jemano nyee. Ae ra aso nae, huee jengasẽ aroneate, ɨ que Jesús ee ra. ²² Judíos que ñee ñee nyue ra. —¿Mbaerã nda nandecuasẽ aroneate ee re? Nyɨṭquia ra reae, ɨ rei que ñee nyue ra. ²³ Jesús que ñee ee ra. —Ibi jenda chỗ jẽ nde. Ibatenda chỗ se re. Ibi jenda eã ño se re. ²⁴Nyebe aɨco nguiã ñee jēje nyii. "Jēicuã mbeɨ ra jemano nyee", ae que jēje nyii. Seicuayã mbeɨ mose ra jemano nyee jēicuã mosebe, ɨ que Jesús ee ra. ²⁵—¿Aba tuchɨ nde re? ɨ que mbia Jesús je ra. Jesús que ñee ee ra. —Cose ndare beɨ chỗ aɨco nguiã serenei nenei jēje co. ²⁶Mbae ra asenei tuchɨ jēje reae. Secheẽ nda jēicuã mbuchecua tuchɨ

jēje. Ae sembu nae, aque quiarei ñee ñooño aronea. Echeẽ ngue achandu ra. Ae cheẽ ño asenei senei mbeɨ nguiã mbia je co, ɨ que Jesús mbia je ra. ²⁷Mbia rerecua que Jesús cheẽ icuayã mbeɨ ra. —Dios rɨß ño eriqui nguiã ñee, ɨã mbeɨ que mbia ra. ²⁸Jesús que ñeembe ee ra. —Mbiarã ngue achu ra. Jẽ nda sembucha ira rese cote. Aque mose ra mbae jẽicua jiri serɨß cote. "Dios cheẽ nguire chō eriqui mbia mbaaquiatu quiatu re", jenye ra serɨß cote. "Dios rucucha chō eriqui re", jenye ra serɨß cote. ²⁹Ae sembu nae, aque riqui beɨ serese co. Echeẽ nguire aɨco beɨ embia co. Nyebe eriqui nguiã serechayã mbeɨ co, ɨ que Jesús ra. ³⁰Jesús cheẽ mose que mbia Jesús ɨcua ɨcua cote ra.

Jēingo bei mose serui, sechimbaaquiatu tuchi cho je nde

³¹ Ae Jesús icua quia judíos nae, ũquĩ je que Jesús ñee nda. —Secheẽ sɨ jẽhuɨ eã mose, sechɨmbaaquiaturã tuchɨ ra jẽ. ³² Jẽ nda ɨchöɨñosa reã jẽicua tuchɨ cote. Mbia ɨcuã nderecua rimba eã nda jẽ cote, ɨ que Jesús ee ra. ³³ Mbia que ñee Jesús je ra. —Abraham nducucha rei ure. Mbia mo nimba eã mbeɨ que ureɨco resẽ. ¿Mbaerã ereɨco ñee ure je re? "Mbia sɨ taembuɨ mɨngo cote", ɨ ure je re, ɨ que mbia Jesús je ra.

³⁴Jesús que ñee ee cote ra. —Ae mbae icuã saã saã nguia nae, ũquĩ ndiqui bei eicuã nimbarã ã. ³⁵Erimba ra siqui bei eã nguerecua rese. Nguiirĩ tuchi quiatu ra equereco bei nyiese. ³⁶Se jembui mose mbae icuã si, eicuã nimbarã eã nda jẽingo cote. ³⁷Abraham nducucha raque jẽ. Ūquĩ aicuate raque. Ã jẽingo secheẽ isi turã eãte ã. Secheẽ jẽucuayã nguia ã. Nyebe jẽingo nguiã seiquia serĩte ã. ³⁸Ae Paba teacuquia seje nae, ũqui ño asenei senei nguiã jẽje co. Ae jendu teacuquia jẽje nae, ũquĩ ndese chỗ jẽingo nguiã jẽ ã no, i que Jesús ee ra.

³⁹—Abraham ño ureru resẽ. Urei resẽ, i que mbia Jesús je ra. Jesús que ñee ee cote ra. —Abraham nducucha turã mose je, ei nguia nda jēingo turā nguiā ña. Abraham ndui si. 40 Dios que sembaaquiatu ra. Dios quiarei ñee ñooño eã. Echee ño asenei senei nguiã jeje co. Ũquɨ je cho jēingo nguiã seiquia serīte ã. I ãte que Abraham quia seje ra. 41 Jendu rã si cho jeingo nguia a, i que Jesús ee ra. Mbia que nee Jesús je cote ra. —Ureru ata ata eate nyerese. Dios mii no ureru re, i que nee Jesús je ra. ⁴²Jesús que ñeembe ee ra. —Dios jendu tuchi mose, ei nguia nda jeingo nguiã nyesecua serese chã. Ae quiarei sembu. Se ae eã achu nguiã. 43 Ã jēingo secheē andu sereāte ā. Nyebe jēingo nguiā secheē icua aroneate ā. ⁴⁴Aba checuayã nderecua rei jendu. Erese bei chỗ jẽingo nguiã ã. Echeẽ jemumbayã mbei chỗ nguiã ã. Mbia iquia iquiasa bei que ae ra. Cose ndare mosenda bei. Ñee ñooñosa reã quiato aronea tuchi quiarei ae. Ñee ñooño mbeite equia co. Uchee acho ño esenei senei nguia mbia mbiiri iri querabe co. Nee noonosa rerecua cho aque re. 45 Se quia achee noono ate rei nguiã jēje. Secheē jēucuayāte chôchī nguiã. 46 Mbae icuã ngue asaã

eate ra. Ûqui jeicuate raque. Achee ñooño ate sequia co rese. ¿Mbaera jeingo sechee andu serea neate a nde? 47 Dios quiato quia Dios chee nandu tura nguia. Dios quiato ea no je nde. Nyebe jeingo nguia Dios chee andu sereate a, i que Jesús mbia je ra.

Jesús rane siqui Abraham si nyii

⁴⁸Judíos que ñee si Jesús je ra. "Samaria jenda chô nde reae. Aba checuayã nyireco chỗ nde reae", ure que nderii nda. ¿Ae tuchi nde re? i que judíos ñee Jesús je ra. 49 Jesús que ñee ee ra. —Aba checuayã nyireco eã no se rese. Co aico nee tura tuchi Paba rii co rese. Je nguia jeñee icuã mbeite nguiã serii. 50 "iSã mbia ñee turã serii je!" ae eã ño nguiã se co. Paba quia siqui nguiã ñee turã turãte serii co. Ae quia ra mbia icuã mbasi. 51 Tachee nyecua jeje. Ae sechee mumbaya nguia nae, ũquĩ nda amingo bei. Ũquĩ nda manoã mbei, i que Jesús ra. 52 Judíos que ñee Jesús je ra. —Aba checuayã nyireco tuchi cho ereico nguiã co. ¿Mbaerã ereico ñee nde? "Mbia ra manoã, secheẽ mumbayã mose", i re. Abraham ngue mano. Nandei. Dios chee nenei neneisa que mano ja resẽ. 53 ¿Nde ndeaquiatu tuchi Abraham si re? Ae chee que mano. Dios chee nenei neneisa chee que mano. ¿Abate nde re? "Mbia ra manoa", ere chôte equia co, i que judíos Jesús je ra. 54 Jesús que ñee ee cote ra. Se ae seche etură mose serii, mbia ra seanducho. Paba quia nee tură mbei nguiã serii co. Ae je jeingo nee. "Dios urererecua" i raque erii. 55 Å jeingo Dios icuayate a. Se quia aicuate nguia co. "Dios aicuaya", se i mose, ei nda achee noonote rei je na si. Dios aicua tuchite. Echee ndui cho aico bei nguiã co. 56 Abraham ngue seraarõ arõ mbei quia ra. "Tu rae", i bei que equia ñimbia serii nda. Secuase mose que eyate mae serese cote ra, i que Jesús mbia je ra. ⁵⁷Mbia que ñee Jesús je ra. —Cosete que Abraham mano ndesẽ. ¿Mañi ere mae erese re? Cincuenta años eãte nde resẽ, i que ra. 58 Jesús que ñee ee ra. —Tachee nyecua jeje. Cose ndare bei cho aico nguiã co. Abraham tiã mosenda bei, i que Jesús ra. 59—iSita je Jesús nandechei jel i rei que mbia sita isi isi ra. Jesús que ñimi ñimi oso ra. Use Dios chuchua si.

Jesús emo ndesayã mbucherõ

9 ¹Ñeenda rui que Jesús mae emo ndesayã ndese ra. Echaacuquia mosenda bei que eresayã nyobei ra. ²Jesús chimbaaquiatu que ñee ee ra. —Urembaaquiatusa, ¿abate mbae icuã saã nyii re? Co resayã nonde re. Eru ereae. Esi ere no ae. Ae si ere no ae. ¿Abate ere? i que Jesús je ra. ³Jesús que ñee ee ra. —Tei. Emo ngue mbae icuã saã eâte rei ra. Mbia ra mae ja Dios quirãcuã ndese chã. Embucherõ mose. Nyebe eresayã nyaacuquia nguiã. ⁴Arõ ño nandeico nguiã mbae raã naa. Itondaru mose, mbae rese nandeico aroneãte cote. Nyebe aico bei nguiã mbae rese Paba

je co. Semano mose quia aico aroneãte nguiã mbae rese íbii cote. ⁵Seico mose íbii, aico mbia resaete co, i que Jesús ra. 6 Jesús que ñinimbu íbii cote ra. Tuchu que esaã ngũendi je ra. Nguiti que eresayã ndesa rese cote ra. 7—Eso nderuba irei cote. Ama Siloé eso eirei, i que Jesús eresayã je ra. ("Echimondo", i cho nguiã Siloé je.) Eresavã ngue oso nguesa irei huee ra. Obei que eru quia mae turã cote ra. 8Hue jenda que nyuruira jate mae erese ra. Ae mae nguia erese nyii nae, ũquĩ ngue nyuruira tuchi mae erese cote ra. Eresa chero mose. —¿Co resaya ño ache ache i quia nyii re? ¿Ae cho ere? i que mbia ñee ñee nyue ra. 9—Ae ea ño ñene, i que emo nda. —Ae cho ñene, i que emo emo no nda. Eresava ngue ñee cote ra. —Se cho nyerese, i que nee mbia je ra. 10—¿Mani nderesaya mae nde? i que mbia ee ra. 11 Eresayã ngue ñee nda. —Ae eriqui "Jesús" i nae, aque que tuchu saã nda. Nguiti que seresa rese ra. "Eso nderuba irei Ama Siloé", i que seje cote ra. Aso que se ra. Seruba irei ji que amae cote ra, i que eresavã mbia je ra. 12—¿Ma nderesa mbucherõsa riqui ma nde? i que mbia eresavã je ra. — Qui cho esi, i que ee ra.

Fariseos ñee eresayã je

13 Mbia que eresayã curuchoi fariseos je cote ra. 14 Ae mose Jesús eresayã mbucherõ nae, sábado mose que ra. Tuchu que esaã, aque mose que ra. 15—¿Mañi ere nderesa ira re? i que fariseos ee ra. —Tuchu que equiti seresa rese ra. Ae seresa airei nguiã. Co aico mae co cote, i que eresayã nda. 16 Fariseos mo ngue ñee nyue ra. —Ae eresa mbucherõ sábado mose nae, Dios cheẽ nenei neneisa eã ño aque re, i rei que nyue ra. Emo emo ngue ñee no nda. —Eĩ nguia nda eicuã mose mbia mae sayã naa naa eã nguiã nande je chã, i que fariseos mo ñee nyue ra. Hue rĩ ja eã ngue fariseos ñee Jesús riĩ nda. 17 Fariseos que ñee si eresayã je ra. —Ae nembucherõ nae, ¿mañi ee re? ¿Mañi ere quia nde eriĩ co re? i que ra. Eresayã ngue ñee nda. —Dios chimondo que ae ra, i que eresayã nda.

18 Judíos que echeẽ ñandu sereã nda. Eresa turã mbei mo eriqui reĩ nguiã ee. Nyebe "jenyu" i nguiã eresayã ndu je. Esi je abe no. —Nandeirandu rã erese, i que ra. 19—¿Co nderiirĩ co re? ¿Eresayã nyobei nyii re? ¿Eresayã nyaacuquia nyii re? ¿Mbae emumae nguia co cote re? i que ñee eru je ra. Esi je abe. 20 Eru que ñee ee ra. —Co rei seriirĩ co. Eresayã ngue nyaacuquia rei ra. 21 Mañi ño equia mae co cote. Aba chō embucherō. Ureicuayāte. Jeñee nguia ee. Etiarōte nyeresē. Ae ra ñee jēje, i que eru ñee judio rerecua je ra. Esi abe. 22 Judíos rerecua quia ñee nguia nyue nyii reaē. —Emo ñee turã mose Jesús riĩ, ũquĩ nandemombo bei mbia chumunuasa si. "Dios chimbu rei Jesús", i mose, nandemombo bei mbia chumunuasa si, i quia ererecua quia ñee nyue nyii reaē. Nyebe eresayandu siquichete nguiã ñee turã Jesús riĩ. Esi abe no. 23 Nyebe eru riqui nguiã ñee ererecua je. —Jeñee nguia seriirī je. Etiarōte nyeresē, i ee. Esiquichete quia ñene.

²⁴—Quiatuchu, i si que judíos rerecua eresayã je no nda. —Echee turã Dios mii je. iJesús abe je ra erecheẽ turãchĩ jẽ! Eicuãte ae resẽ, i rei que judíos rerecua eresayã je ra. ²⁵Eresayã ngue ñee ee ra. —Aicuayãte se. Eicuate ereae. Eturate ere no ae. Aicuayate se. Seresaya ngue nyii ra. Co aico mae co cote. Ũquĩ mii ño aicua nguiã co, i que eresavã judíos rerecua je ra. ²⁶—¿Mañi equia ndeje re? ¿Mañi nderesayã ira re? i si que eresayã je no nda. ²⁷ Eresayã ngue ñeembe ererecua je ra. —Acheē ndei que jēje resē. Secheē ngue jemumb resē. ¿Mbaerā jēingo "echeembe" i seje ã nde? ¿Jē abe jēingose rete sembucherosa rui re? i que eresayã judíos rerecua je ra. ²⁸ Ererecua que ñee icuãte ee cote ra. —Ae rui chõ ereicochi nguiã nde co. Moisés rui cho ureico nguiã ure ã. ²⁹ Moisés je quiatu que Dios ñee nyii resẽ. Ũquĩ ño ureicua nguiã ã. Ae nembucherõ nae, ma si quiatu ñi ae ru. Ae quia ureicuayate nguia, i que judíos rerecua ra. ³⁰Eresayã ngue ñee ee ra. —Seresa que embucherõ ndesẽ. "Dios chimbu", jenye eã ñochi equia ã. Seresa mbucherõsa raque ae. ³¹ Dios ra mbia icuã ñee ñanuã. Ae Dios cheẽ mumbayã nguia nae, ũquĩ ñee nguia ra Dios ñandu. 32 Seresayã ngue achaacuquia rei nyii ra. Ae que sembuchero nda. Emo abe ra ũquĩ saã eã. 33 Dios chimbu eã mose, ei nguia nda mbae raa eate nguia na, i que eresaya judíos rerecua je ra. ³⁴ Judíos rerecua que ñee eresayã je ra. —Ndechaacuquia mosenda bei cho ndeicua ndiqui nguia co. ¿Mbaera ereico urembaaquiatu sete re? i que judíos rerecua eresayã je ra. Nyebe que judíos rerecua eresayã mombo bei judíos chumunuasa si cote ra.

Ureaquiatute ure, i chochi fariseos

35 Jesús que jirandu erese ra. Emombo mose. Nyebe esi nguiã ñee eresayã je. —¿Dios rucucha ereicuate quia co re? i que ee ra. 36—¿Aba chō Dios rucucha re? Aicua sete quia co, i que eresayã nda. 37—Ae chō se resē. Ae je chō ereã ñee a resē. Eremae ndei serese resē, i que Jesús ee ra. 38 Eresayã ngue ngoi ngũíã ndese Jesús ji cote ra. —Areicua tuchi se cote, i que Jesús je ra. 39 Jesús que ñee ee ra. —Achu que íbii ra. Mbia icuã mbuchecua mbia je ra. Achu que eresayã ndesa mumae mae nda. Ae eresa nae, ũquã mumae eã sacuã abe que achu ra, i que ra. 40 Fariseos mo abe que chi hue ra. Jesús cheã andu que ñee Jesús je ra. —¿Ureresayã ureico ure abe ã nde? i que fariseos ee ra. 41 Jesús que ñee ee ra. —Jendesayã mose, eã nda jēicuã ambuchecuayã ndei. "Seaquiatute", jenyechã equia ã. Nyebe aico nguiã jēicuã mbuchecua jēje co, i que Jesús judíos rerecua je ra.

Ovejas ucha chee icuate

10 ¹Jesús que ñee nda. —Tacheẽ nyecua jēje. Ae iqueã nguia oveja chiquesa rĩ nae, mbae mbuquiachãsa chỗ ũquĩ nde. Echiquesa eã

nii ique ique mose. ²Ae ique ique quia oveja chiquesa ri nae, aque quia oveja raarõsa aque re. ³Ae echiquesa saarõ nguia nae, aque ra echiquesa equia oveja raarõsa je cote. Eique sacua. Oveja raarõsa chee nda oveja icua ja. Ñee mii mii nda umbae oveja je. Oveja icua ja. Ae ra oveja nyoi use erui. ⁴Eraarõsa embuse ja mose etaronda si, ae rane nda ngata oso quia ereta. Oveja ra nyoi ja quia erui. Echee nguia eicuate nguiã. ⁵Emo ndui ra echoi ea. Ucha no nda emo si. Echee nguia eicuayate nguia, i que Jesús nee nda. ⁶Jesús que ei ndei nee fariseos je ra. Ejemplo je. Oveja renei nenei ee. Jesús chee andusa que echee icuayate ra.

Jesús rei oveja raarõsa

⁷Jesús que ñee si ee ra. —Tacheẽ nyecua jẽje. Oveja chiquesa rã ño se re. 8 Ae ngaẽ senonde nyii nae, mbae mbuquiachãsa ja chỗ ũquĩ nde. Nyebe ovejas eche siichã eã nguiã. 9 Oveja chiquesa chỗ se re. Ae seicua quia nae, ũquĩ nda ateaquiatu bei mingo. Sã oveja mo ndiqui oso quiaru quiaru no. Sã eriqui cuae nyebi chebi bei utaronda no. Eí si ra seicuasa quia siqui bei serese. ¹⁰Mbae mbuquiachãsa quia ra tu mbae rirõ sacuã. Mbae mbutiã sacuã. Mbae iquia sacuã. Se quia ni achu nguiã mbia mingo bei sacuã. Mbia mbia tuchi nonde que achu ra. 11 Oveja raarõsa rei se. Ovejas ateaquiatu bei quia co. Amano nda emingo bei sacuã. 12 Ae ovejacha eã nae, aque ra ovejas saarõ ndaque, saarõ turã eã ndae. Uchã ño nda nyacua tu mose ovejas je. Nyacua ra ovejas isi embuquiachamba u quia. ¹³ "Echa eã ndei se re", i ra eraarõsa uchã erecha. Esiquiche mose. Oveja raarõ turã eã. 14-15 Se quiarei oveja raarõsa turã. Sã Paba riqui seicuate co no. Sã aico Paba icuate se abe co no. Ei ae cho nguiã oveia icua sembae co no. Sembae abe seicua quia ã. Sembae ovejas mingo bei sacuã nda amano. ¹⁶Ovejas mo abe que sembae no nda. A jenda eã ño ũquɨ nde. Ũquɨ abe ra aru a. Ũquɨ nda secheẽ mumbayã no. Sembae oveja ra chi ja serese cote. Se mii ño nda asaarõ ja cote. ¹⁷ Sesiquiche eã semano ndese. Sembae ovejas mingo sacuã. Nyebe Paba iate riqui nguiã serese co. Semanonde ra aquera si. 18 Semano sereã mose, eĩ nda mbia seiquia aroneate rei. Se ae cho amanosete nguiã mbia je. Se ae cho nda aquera si no. Paba quia uquiracua meete nguia seje, i que Jesús mbia je ra.

¹⁹ Judíos que ñee ata atate nyue ra. Jesús cheẽ mose. Hue rĩ si ñee ja eã. ²⁰—Aba checuayã siquite Jesús rese co resẽ. ¿Mbaerã jẽingo echeẽ andu re? i que emo emo uataque je ra. ²¹ Emo emo ngue ñee no nda. —Ae rese aba checuayã ndiqui nae, ũquĩ nda ñee turã eã ndesẽ. Aba checuayã nda mbia resayã mbucherõ eã ndesẽ, i que emo emo no nda.

Judíos Jesús osei chiã

²²Mbia que ñumunua nua nguia Jerusalén cote ra. Dios chuchua ao mosenda ndese ndua ndua. Nyiiseĩte que aque mose ra. ²³Jesús que oso

Dios chuchúaa ra. Portal de Salomón ngue eriqui ngata ra. ²⁴ Judíos que ngaẽ Jesús mama nda. Ñee ngue ee ra. —Ureico ndeicuayāte ã. ¿Manosete ra erecheẽ tuchi ure je re? Nde riĩ. Echimbu checua jiri ure je. Nde Cristo mose, ndecheẽ embuchecua ure je, i que judíos ñee Jesús je ra. ²⁵ Jesús que ñee ee ra. —Acheẽ ndei que jēje resẽ. Secheẽ jẽñanuã ño nguiã ã. Paba quirãcuã je chō aico nguiã mbia mae sayã naa naa co. Ã ndese mae nda seicua nguiã ña. ²⁶ Acheẽ ndei que jēje nyii resẽ. Serimba eã ño jẽ nde. Nyebe jẽingo nguiã secheẽ anuã. ²⁷ Serimba secheẽ icua ja quia ã. Serimba aicua ja quia ã. Serui ja serimba riqui ã. ²⁸ Serimba amingo bei quia co. Serimba ra quiachã eã mbei. Emo eisi aronea tuchi sesi. ²⁹ Paba que emee serimbarã nda. Emo eisi aroneate Paba o si. Ae quiarei equirãcuã tuchi. ³⁰ Aque mii ño ureico nguiã ã. Paba rese. Eĩ si tuchi ureico nguiã ã, i que Jesús ee ra.

³¹ Nyebe judíos paama i nguiã ee. Sita que esirõ sirõ nda. —Jesús nandechei, i rei que ra. ³² Jesús que ñee ee ra. —Paba que sembuquirãcuã tuchi ra. Nyebe jemae sayā asaā saā tuchi nguiā jēje. ¿Ũquĩ mo nii jēingo "nandechei" i seje re? i que Jesús judíos je ra. 33 Judíos que ñee Jesús je ra. —Ndechiao tură mo je eã ño ureico nguiã "nandechei" i ndeje. Erecheë icuate que Dios rii ndese. Dios eresaa saate quia ure je co rese. Mbia si cho ndaque nde, i que judíos Jesús je ra. 34 Jesús que ñee ee ra. —Sã embesa ji riqui i no: "Jẽ ndei dioses, i que Dios ra", sã embesa ji riqui i no. 35 Embesa ji ñeeñooño aronea. "Dioses rei je", i que Dios uchee nenei neneisa je ra. ³⁶Dios que seirabo ra. Sembu que íbii cote ra. ¿Mbaerã jēingo paama i sechee mose re? "Dios riirî no se re", i mose re. "Ndeicuate chochi Dios je", jenye chochi nguia seje. 37 Se mbae raa naa eã mose Paba rã si, ũquĩ mose quia secheẽ jeñanua. 38 Paba rã si mose, "coche ñene" jenye cho sechisaa je. Sechee jenandu serea ndaque. Paba riqui serese co. Se abe aico Paba rese co. Uqui nda jeicua cote, "coche ñene" i mose sechisaã je, i que Jesús ee ra. 39—Jesús nanderao etarõ sacuã, i rei que mbia ra. Jesús que oso chee hue si ra.

⁴⁰ Jesús que oso Ama Jordán ndobei ra. Ae Juan ndiqui bautizar i nyii nae, huee que esi ra. Huee que Jesús riqui arete cote ra. ⁴¹ Mbia que nyoi nyoi tuchite erea huee ra. Ñee ñee ngue nyue ra. —Juan ngue nandemae sayã mo saã eãte rei nande je. Nandembiirandu turã tuchichĩ Jesús riĩ. Ichõiño eã ño equia ñee nande je reaẽ, i que mbia ñee nyue ra. ⁴² Mbia tubiriã ngue Jesús icuua huee ra.

Lázaro mano

11 ¹Emo ndasi que chi ra. Lázaro, i que ee ra. María, i que enongue je ra. Marta, i que enongue je no nda. Echari ja que ũquĩ nda. Betania jenda ja que ũquĩ nda. ²María rei aba mbushimbusa ichusẽsa Jesús i rese. Ua je que esi esi ra. Enongue quia erasi re. Lázaro, i que

ee ra. ³Nyebe echari mbia mo mondo nguiã Jesús mbiirandu sacuã. —Ndequiato rasi que chi aque ri nda, i que echoi Jesús mbiirandu ra. ⁴Jirandu mose que Jesús ñee cote ra. —Mano sacuã eã ño erasi chi nguiã aque. Dios quiracua ndese mbia mae sacua no erasi chi nguia aque. Se abe seguiracua ndese mae sacua no erasi chi nguia aque, i que Jesús ra. ⁵Jesús que nyesecua tuchi Marta rese ra. María rese. Lázaro rese abe no. 6Lázaro rasi rese jirandu mose que esi jei eã erea ra. Siquichõ ngue ra. Itô nyeremo ngue huee ra. 7—Nyaobe Judea cote, i que uchimbaaquiatu je cote ra. ⁸ Echimbaaquiatu que ñee ee ra. —Namote que judíos ndeiguia serı̃te sita je. ¿Mbaerã nda ereso si huee re? i que Jesús je ra. 9-10 Jesús que ñee ee ra. —Dios quiatu que sembu ra. Mbae raã naa sacuã ee. Echee ngue asaa ja eate ra. Nyebe emo seiquia aroneate namo. Se echee naa ja mose quia ra mbia seiquia arõte cote, i que ñee uchimbaaquiatu je ra. ¹¹ Aquere que ñee si uchimbaaquiatu je ra. —Nandequiato que uque cote ra. Lázaro. Taso emumba cote, i que ra. 12—Uque mose u, ae ae ra ñumumba rei, i que echimbaaquiatu ee ra. 13—Lázaro que mano nda, i eã ngue Jesús uchee mbuchecua tuchi ee ra. Lázaro mano tuchi raque. Lázaro uquecho nei nguiã echimbaaquiatu je. 14 Jesús que uchee mbuchecua ramo ee cote ra. —Lázaro que mano nda. 15 Coche aico eã nguiã huee. Jẽ nda seicua tuchi cote. Nyao erea cote, i que Jesús uchimbaaquiatu je ra. ¹⁶Tomás que ñee echimbaaquiatu ataque je ra. — Nyao erese nande abe no. Sã mbia nandeiquia nande abe rõ, i que Tomás

193

Jesús mbia raaque mbuquerasa

ra. "Eata", i que mbia quia Tomás je ra. Eata rei ae.

¹⁷Ngasẽ ngue Betania cote ra. Mbia hue jenda que ñee Jesús je cote ra. —Co Lázaro ati ji chi itô mocoîte co resẽ. Cuatro días tuchite nyeresẽ, i que mbia ñee Jesús je ra. ¹⁸ Aichite que Betania Jerusalén si ra. Tres kilómetros que ra. ¹⁹Nyebe judíos rane ngae jate nguia ngase Jerusalén si. María mbia jiri sacuã. Marta abe no. Enongue raaque ati ji mose. ²⁰Marta jirandu mose Jesús rese que esi erobeishi nda. Oo que erese ra. María quiatu que siquichõ tuchúaa ra. ²¹Marta que ñee Jesús je ra. —Sererecua, ndeico mose a, ei nda senongue manoate rei. ²²Dios ra ndechee ñandu. "Mbae mo embu seje", i mose, i que Marta Jesús je ra. ²³—Ndenongue ra quera si, i que Jesús ee ra. ²⁴Marta que ñee ee cote ra. —Ae bei. Mbia raaque quera ja mose, aque mose ra senongue abe quera si. Mbae ua ja mose ra quera si. Aicuate raque se quia co, i que Marta ra. ²⁵Jesús que ñee ee ra. —Mbia raaque mbuquerasa rei se. Mbia mingosa rei se. Ae seicua quia nae, ũquɨ nda mano ndaque, quera sɨ rae. 26 Ae seɨcua quia nae, ũquɨ nda uavã mbei. ¿Ũqui ereicua quia co re? i que Jesús ee ra. 27 Marta que ñee ee ra. —Ae. Cristo cho nde re. Dios rucucha cho nde re. "Dios rucucha ra tu íbii", i que mbia quia nyii nae, ae cho nde re, i que Marta Jesús je ra.

Jesús nyeseo

28 Aquere que Marta si María mbiirandu ra. —Nandembaaquiatusa que tu ra. Hue que eriqui nderequia ra, i que Marta ñee ngõngue ísaa ra. ²⁹ Echeẽ nduibe tuchi que María si juã asi Jesús rea ra. ³⁰ Jesús ngasẽ mose rocoĩ mbia chuchua ite re. Marta erobeishĩsa bei que Jesús riqui ra. ³¹ Mariaso rese que judíos chi mae ja ra. —Ngõngue atisa chỗ María si nguiã nyeseo qui, i rei ngue judíos choi nguiã erui. ³² María que ngasẽ Jesús je ra. Ngoi que ngũíã ndese ejii ra. Ñee ngue ee ra. —Ndeico mose a senongue ndasi mose, eĩ nda manoãte rei, i que María Jesús je ra. ³³ María que nyeseo ra. Judíos que chi erese, ũquĩ abe que nyeseo no nda. Nyebe que Jesús abe ia eãte ra. Echiã ngue ngoi eã tuchi ra. ³⁴—¿Mangue jenyati mangue re? i que Jesús mbia je ra. —Nyao erea ae, i que mbia ee ra. ³⁵ Jesús que nyeseo ra. ³⁶ Judíos que ñee nyue ra. —iSã jē! Nyesecua tuchi Lázaro rese. Eya eãte riqui erese co, i que mbia ra. ³⁷ Emo emo ngue ñee nda. —Jesús que eresayã ndesa mbucherõ. Eĩ nda Lázaro rasi mbucherõ nde chaẽ. Eĩ nda manoãte, i que mbia ra.

Jesús Lázaro mbuquera si

38 Jesús ia eãte que ngasẽ Lázaro atiguia ra. Sita imi ye. Sita chỗ ngue eatiquia no nda. ³⁹—iSita eatiquia jējea jē! i que Jesús mbia je ra. Marta que ñee Jesús cheẽ mose ra. —iEnete ra nande je jē! Curite que mano ndesẽ. Cuatro días tuchi que ra, i que Jesús je ra. ⁴⁰Jesús que ñee ee ra. —"Seicua tuchi mose ra eremae Dios quirãcuã ndese", ae rei que ndeje nyii, i que Jesús ra. ⁴¹Sita eatiquia que mbia jea cote ra. Jesús que mae ibate quiti ra. Ñee Dios je. —Paba, secheẽ ngue erechandu. "Haanye", ae bei quia ndeje co. ⁴²Nde quiarei seandu bei. Mbia resa rae aico ñee ndeje a. "Dios chimondo chỗ eriqui re", i nda ã seriĩ ña, i que Jesús ñee Dios je ra. ⁴³Jesús que ñeemombo Lázaro raaque je cote ra. —Lázaro, iechu usẽ! i que ra. ⁴⁴Eraaque que usẽ u juã cote ra. Eo cuasa resebe que usẽ nda. Ei abe ecua ji tiru je. Eruba abe ecua ji tiru je. —Jenyura mondo, i que Jesús mbia je ra.

Jesús nandeiquia, i judíos

⁴⁵ Judíos que nyoi María rese, ũquĩ ngue mae ja Jesús rese ra. Lázaro mbuquera mose. Ũquĩ tubiriã ngue Jesús icua cote ra. ⁴⁶—Jesús que Lázaro raaque mbuchuruã nda, i que emo nyoi fariseos mbiirandu ra. ⁴⁷ Fariseos que ñumunua ja cote ra. Sacerdotes rerecua ja rese. Mbia rerecua ja. Ñee tuchi Jesús riĩ. —¿Mañi nande ra equia ee re? Mbia mae sayã naa naa tuchichĩ equia aque. ⁴⁸ Nande ereachõ mose ra mbia siqui ja techĩ erui re. iRoma jenda ra nandembae isichĩ ibi jẽ! iDios chuchua ra embucoichĩ ngaẽ jẽ! i que ererecua ñee nyue ra. ⁴⁹ Caifás que sacerdote

rerecua tuchi aque mose ra. Ae que ñee uataque je ra. —Mbae jeicuayã tuchichi nguia ã. 50 Jendua eã nochi equia ã. Aque mii no nda mano nguiã nande ja je chã. Eĩ nda judíos ua tuchi eã, i que Caifás uataque je ra. 51 Caifás ae que ñee eã nda. Dios ae quiatu ngue embuchee nguiã ũquã. Sacerdote rerecua tuchite quiatu ngue ae re. Nyebe Dios embuche enguia. —Jesús ra mano judíos mingo ja sacuã. 52 A jenda acho je eã nda Jesús mano. Dios riirí mangue chooñoa jenda je abe cho nda Jesús mano nguiã. Dios riirī munua ja sacuā, i que Caifás ñee nda. 53 Aque mose bei que judíos rerecua ñee ñee nyue ra. —iJesús nandeiquia rei jē! i que equia ñee ñee nyue ra. 54 Jesús que nyecua eã judíos je cote ra. Judea si que esi cote ra. Turuquia rurubi que esi ra. Efraín, i que sucha tubiriã je ra. Huee que eriqui arete uchimbaaquiatu rese cote ra. 55 Fiesta de la pascua que ecurubite ra. Nyebe judíos nyoi choi ja nguiã Jerusalén. Suchamo jenda emo emo ngue nyoi jate ra. Pascua nonde que echoi huiicuã mbitirõ sacuã nda. 56 Mbia que Jesús sequia quia ra. —¿Tu ra fiesta re? ¿Tu eã nda re? ¿Tu aroneate jēje re? i que mbia ñee ñee nyue Jesús rii nda. I que mbia u ñee Dios chuchúaa ra. 57 Mbia rerecua que ñee mbia je nyii ra. — Emo jirandu mose Jesús rese, sã urembiirandu jei. Eĩ nda ureisi. Eĩ nda uretarõ mii, i que sacerdote rerecua ñee nyii ra. Fariseos abe no.

María aba mbushimbusa ichuse Jesús i rese

1—Seis días mose ra pascua cote, i que mbia ra. Aque mose que Jesús si Betania nda. Huee que Lázaro riqui ra. Ae Jesús mbuquera erua și. 2Mbia que ñio mii Jesús chiură nda. Marta que echiură mondo mondo ee ra. Mbia je abe. Lázaro abe que chi quiaru erese ra. 3 María que aba mbushimbusa queru Jesús je cote ra. Medio litro. Nardo, i que ũquĩ je ra. Mbae isiquia mumba tuchi que ũquĩ nda. María que eichuse Jesús i rese ra. Ua je que esi esi ra. Tuchua mbushimbu ja que ra. 4 Judas Iscariote abe que siqui ra. Simón ndiirí ngue aque ra. Jesús chimbaaquiatu mo ndei que aque ra. Ae quiatu que Jesús mee mbia icuã je emo mose cote ra. Ae que ñee nda. 5—¿Mbaerã eichusẽ ñooño nde? ¿Mbae isiquia rɨbɨshorõ ño nda aba emondo re? Tres cientos ribishoro. Mbaecha rea je emee sacua, ũqui mbae isiquia, i que Judas ra. 6 Judas ndua eã ndaque mbaecha reã ndese. Mbae mbuquiachãsa tuchi que ae ra. Mbae isiquia riru que equereco quia Jesús je ra. Eyenda que esirõ sirõ nguia mbuchemi chemi nda. 7 Jesús que ñee Judas je ra. —iErecheechi nda María je je! iSã ae ae riqui je! Seati nonde cho aba mbushimbusa ichere nguia serese. 8Mbaecha rea nguia nda chi are jiri nguiã a. Se quia nda aico bei eã nguiã jeje a, i que Jesús ra.

Lázaro nandeiquia, i rei judíos rerecua

⁹Judíos que jirandu jate Jesús rese ra. Eriqui mose Betania. Nyoi jate que erea ra. Lázaro abe rea. Ae Jesús mbuquera erua si. ¹⁰Nyebe

judíos rerecua ñimbiirandu nguiã. —iLázaro abe nandeiquia rei jẽ! i que ererecua ñee nyue ra. ¹¹ Judíos que siqui tuchite Jesús rese cote ra. Nguerecua que esecha jate cote ra. Lázaro que embuquera erua si nyii. Ũquĩ mbei bei que nyii ra. Jesús oso Jerusalén

12 Mbia tubiriã ngue nyoi Jerusalén nda. Pascua raã naã sacuã huee. Jesús abe que oso ra. Mbia que jirandu erese ra. Ecuasẽ nonde. 13 Mbia yate que Jesús cuasẽ mose ra. Sindo que ecuruchoi erobeishĩ nda. Mbia que tasẽ tasẽ tuchi ra. —Eturã tuchi ruchĩ nguia co. Dios rucucha ruchĩ nguia co. Israel rerecua ruchĩ nguia co cote, i que mbia tasẽ tasẽ tuchi ee ra. 14 Jesús que ngasẽ burro riirĩ mo je ra. Nyui que eato ra. Embesa ji rui si. 15 I que embesa ji quia nyii ra:

iJēireī ireīchī nda, Sion jenda!

Co jenderecua ru quia co.

Co eru quia burro átoo co,

i que embesa ji quia nyii ra. ¹⁶ Jesús chimbaaquiatu que ã icuayãte nyii ra. Embesa ji. Jesús quera si mose que ã icua cote ra. —Embesa ji rui si chõ eriqui rei reaẽ, i que echimbaaquiatu eicua ramo cote ra. ¹⁷ Jesús que Lázaro mbuquera, ũquĩ ndese maesa que mbia mbiirandu randu tuchi quia ra. ¹⁸ Nyebe mbia nyoi ja tuchi nguiã Jesús robeishĩ. Jirandure Lázaro raaque mbuquera rese. ¹⁹ Fariseos que ñee ñee si nyue no nda. — Jesús rui ja tuchichĩ mbia. ¿Mañi nda aba mbia je re? i que ñee nyue ra.

Griegos mo Jesús requia

20 Griegos mo abe que nyoi Jerusalén nda. Pascua raã naa Dios je.
21 Ũquĩ ngue nyoi ñee Felipe je ra. Felipe que Betsaida jenda ra. Galilea jenda. —Uremaese rete Jesús rese, i que griegos Felipe je ra. 22 Felipe que oso Andrés mbiirandu ra. Ũquĩ ja que nyoi Jesús mbiirandu cote ra.
23 Jesús que ñee ee ra. —Mbiarã ngue achu ibate si ra. Semano nonde arubite cote. Sequera si nonde arubite cote. 24 Tacheã nyecua jēje. Ibasi eĩ tiquia eã mose ra ia eã mbei. Chi chooño mbei rae. Etiquia mose ra suri cote. I a tuchi ra cote. Eĩ ae ra se. Ibasi eĩ na si. Amano nda se. Mbia ra setiquia. 25 Ae nduate quia nyiese nae, ũquĩ nda nyoi eãte ibate. Ae ndua eãte quia nyiese nae, ũquĩ nguia ra nyoi ibate. Siqui bei sacuã huee. 26 Ae secheã mumba sereãte quia nae, sã ũquĩ ndiqui bei serui. Ae ra aico nae, huee ra ũquĩ abe riqui. Ae secheã mumba sereãte quia nae, ũquĩ nii nda Paba ñee turã.

Amano nda se, i Jesús mbia je

²⁷Seya eãte aɨco co. ¿Mañɨ ae ra ñee Paba je re? "Semɨngobe rei se ae. Sembasiã ndei se ae", ae aroneate Paba je. Ã sacuã ño ngue achu resẽ. Sembasi sacuã ño ngue achu resẽ. ²⁸Paba, ndequirãcuã eteacuquia mbia je, i que Jesús ra. Ũquɨ mose que echeẽ mo ndu ee ibate si ra. —Sequirãcuã

ngue ateacuquia mbia je ra. Ateacuquia si ra mbia je, i que ibatenda ñee ee ra. ²⁹Mbia que ibatenda chee ñandu ja rei ra. Ae chi Jesús rese, ũquĩ. —Ama ndieu ereae, i que mbia ra. —Tei. Angel mo ño ngue ñee nguiã Jesús je, i que emo no nda. 30 Jesús que ñee mbia je cote ra. —Seje eã ño ngue ibatenda ñee ndesẽ. Jẽ eandu sacuã ño ngue ñee ndesẽ. 31 Paba ra seicuasa reã mbasi ja cote. Mbia icuã nderecua ra Paba mombo ibi jenda cote. ³²Sembucha mose mii ibate, mbia ra sigui tuchi serese cote. Sucha mo jenda ja abete ra siqui serese cote, i que Jesús ra. 33—Mbia ra seiquia mii sembucha ira rese, i ñene. 34Mbia que ñee Jesús je cote ra. —"Cristo ra siqui bei", i que Dios chee embesa ji urembiirandu. ¿Mbaera erechee nde? "Mbia ra sembucha ira rese", i re. ¿Aba quia Cristo re? ¿Aba quia tu mbiarã nde? i que mbia ñee Jesús je ra. 35 Jesús que ñee ee ra. —Taico mbirimbe jendese jembaaquiatu quiatu. Jendesaebe mbiri. Tata rendi rate aico co. Tata rendi siqui mose jendese, ijengata tură ño nguia je! Seicuasa reã no siqui nguiã itondaru. Ũqui quiachã no nguiã ũqui. 36 Tata rendi raãte aico co. Seico beebe mose jendese, seicua tuchi rã. Ei nda jeingo turã jendesae ji, i que Jesús mbia je ra. Aquere que esi ñemi mbia si cote ra.

Judíos Jesús icua eã mbei

³⁷ Jesús que mbia mae sayã saã saã tuchite rei mbia je ra. Mbia que Jesús icuayã mbei chỗ nda. ³⁸ Ae Isaías mbesa mii nyii nae, ũquĩ na si chỗ ngue mbia Jesús icuayã cote ra. Eĩ ngue Isaías embesa mii nda:

Sererecua, ae uresenei senei nguia mbia je nae, ũquɨ mbia ɨcua sereate quia ã.

Ndequiracua mbia tea sereate quia a,

i que Isaías embesa ra. ³⁹Mbia que Jesús icua aroneate ra. Isaías chimbesa rã si chỗ ngue ra. Eĩ ngue Isaías embesa mii no nda:

⁴⁰ Dios que mbia chiã matã nda.

Nyebe eriqui mbae icuayate a.

Nyebe eriqui nguiã uba eate serese.

Se embitirõ sacuã,

i que Isaías chimbesa huĩ nda. 41 Isaías que Cristo quirăcuã tea nyii ra. Nyebe ã mbesa mii nguiã Jesús riĩ a. 42 Judíos tubiriāte que Jesús icua ra. Judíos rerecua emo emo abe que Jesús icua rei ra. Siqui checuayã ño ngue Jesús rui ra. Esiquichete quiatu ngue fariseos si re.—iFariseos ra nandemombochĩ mbia chumunuasa si jê! i que ra. 43—Dios cheẽ nandemumbayã jẽ, iã ñochĩ ngue re.—iMbia cheẽ nguiatu nandemumbayã jě! i chốchĩ ngue re.

Sechee nguia ra seucuayasa mbasi, i Jesús

⁴⁴Jesús que ñee irãtã mbia je ra. —Ae seicua quia nae, se mii icua eã. Paba abe icua. Ae sembu ibate si. ⁴⁵Ae mae nguia serese co nae, Paba abe

rese mae. ⁴⁶Mbia resae sacuã ño achu nguiã co. Eĩ nda seicuasa siquíã itondáruu. ⁴⁷Jēingo secheẽ andu ã. Jemo secheẽ mumba mose, se ra ambasiã. Secheẽ ae ra embasi. Mbia mingo bei sacuã ño achu nguiã co. Mbia mbasi sacuã eã ño achu nguiã. ⁴⁸Secheẽ nguia ra seucuayãsa mbasi, mbae ua mose. Ibi ua mose. Secheẽ ae ra secheẽ mumbasa mondo tata cuasu. Secheẽ andu chooño nguiatu ngue re. ⁴⁹Se ae eã ño acheẽ nguiã mbia je. Paba quia ñee nguiã seje. "Eĩ ere mbia mbaaquiatu quiatu", i que Paba sembu ra. ⁵⁰Paba cheẽ ndei mbia mingo beisa. Echeẽ mumbayã mose. Nyebe aico nguiã Paba cheẽ nenei nenei co. Secheẽ ae eã ño ñene.

Jesús mbia i irei irei

1—Namo jiri ra Paba sererao ibate ibi si cote, i que Jesús uchiangui re ra. Nyesecua tuchi que equia uchimbaaquiatu rese ra. Mano nyee. ²Jesús que quiaru u uchimbaaquiatu rese isa ra. Pascua nonde. —Jesús emondo mbia icuã je, i que diablo Judas Iscariote je nyii ra. Simón ndiirí ndei aque. 3 Jesús que mbae icua jate ra. —Dios si chõ achu nguiã co. Asobe ra erea. Paba que uquirãcuã mee tuchi seje ra, i que Jesús uchiangui re ra. 4Quiaru jare que Jesús juã huiirao mbui ra. Ngũmbi que echucua toalla je ra. 5I que eichusẽ mbae mo ye ra. Uchimbaaquiatu i que eirei irei ra. Mbiiru iru que toalla je ra. 6Pedro i nda eirei nguiã cote chã. —Sererecua chỗ nde resẽ. ¿Mañi ere ra sei irei re? i que Simón Pedro ñee Jesús je ra. 7 Jesús que ñee ee ra. —Ã ereicuayate. Ae asaa saa nguia a. Ereicua rei ra cote, i que Jesús nee Pedro je ra. 8—Sei ra ereirei eã mbei, i rei que Pedro Jesús je ra. — Ndeirei eã mose, serese eã nda nde cote, i que Jesús Pedro je ra. 9—Sei acho ea eirei ro. Seo abe eirei no. Seaqui abe no, i chee que Pedro ee cote ra. ¹⁰ Jesús que ñee ee ra. —Ae echasu quiite, equishîte ũquɨ ndesẽ. Jẽi mii no tairei. Jequishi ja eate raque. Aque miite raque echia nondei, i que Jesús uchimbaaquiatu je ra. ¹¹ Jesús que jirandu Judas rese ra. Nyebe eriqui nguiã ñee. —Aque miite raque echiã nondei, i.

¹²Ei irei jare que huiirao mingue cote ra. Ngoi si que ra. Ae ñee nguiã nguesenda je. —Jēi que airei, ¿ũquĩ jēicuate rei quia re? ¹³Nyebe jēingo nguiã ñee seje. "Sererecua, Sembaaquiatusa", i seje. Coche jeñee nguiã seje. Ererecua rei se. ¹⁴Jēi que airei irei. Ererecua raque se. Nyebe jẽ abe jemo i jēirei irei ae. ¹⁵Nyebe que ateacuquia jēje resē. Serui sichõ jēingo emo i irei irei ae. ¹⁶Tacheē nyecua jēje. Se rei jenderecua. Se chō aemondo mondo nguiã mbia mbaaquiatu sacuã. Jengasu ra jēsaã saãchī sesi jē. ¹⁷Jē secheē icua mose, secheē mumbayã mose, jēya tuchi ra jēingo. ¹⁸Jē ja je eã aico nguiã ñee a. Jaĕirabo que se resē. Jaĕicuate que se resē. "Ae quiaru serese nae, aque icuāte ra seje cote", sã embesa ji i no. Embesa ji rui si ra jemo icuã seje cote. Quiarure serese. ¹⁹iA aico ñee jei jēje a jē! Eicuã nonde seje. Eicuã mose seje, jē nda seicua cote. "Dios nducucha" jenye tuchi ra seje cote.

²⁰Tacheẽ nyecua jẽje. Ae secheẽ nenei neneisa isi quia nae, ũquĩ nda seisi se abe. Ae seisi quia nae, Paba abe isi rae, i que Jesús uchimbaaquiatu je ra.

Jemo nda semondo mbia icuã je, i Jesús

²¹ Jesús ia eã tuchi que cote ra. —Tacheẽ nyecua jẽje. Jemo nda semondo mbia icuã je cote, i que ñee nyecua uchimbaaquiatu je ra. ²²Echɨmbaaquiatu que mae mae ja chỗ nyɨese ra. —¿Aba ra re? ¿Aba ra re? i jaaja nyue. ²³Jesús chesecua tuchi que chi ngoi ejii ra. ²⁴Aque je que Simón Pedro o mee mee nda. —"¿Aba ra re?" ere ee, i que Pedro ra. ²⁵ Jesús chesecua que ñimbucha i i ñee Jesús je ra. —¿Aba ra re? i ee. ²⁶ Jesús que ñee ee ra. —Mbichae monde ji ra amee jemo je. Ae je ra amee, aque ra semee mbia icuã je, i que Jesús ra. Mbichae que emonde mondo Judas Iscariote je cote ra. ²⁷ Judas mbichae u mose que Satanás ndu embiicuã tuchi cote ra. Jesús que ñee ee ra. —Ae ra eresaã nae, iũquĩ esaã jeichỗ jẽ! i que Jesús Judas je ra. 28—¿Mbae riĩ Jesús riqui ñee Judas je re? i que eataque ra. Mbia iranuã ja que ra. ²⁹ Judas que mbae isiquia quereco ja quia ra. —Mbae mo eisi rã nandechiurã, i rei Jesús quia Judas je uchimbaaquiatu je. —Mbae mo emondo rã mbaecha reã je, i rei Jesús quia Judas je uchimbaaquiatu mo je. Echee ngue eicuaya ja ra. 30 Mbichae ure que Judas si use cote ra. Itondaruqui ri.

Jesús ucheẽ yasu renei mbia je

³¹ Judas usẽ mose que Jesús ñee nda. —Mbiarã ngue achu ra. Sequirãcuã ndese ra mbia mae cote. Dios quirãcuã abe areco co. Dios quirãcuã abe rese ra mbia mae cote. ³² Aico Dios quirãcuã ndeacuquia mbia je a cote. Dios abe ra sequirãcuã teacuquia mbia je cote. Sequirãcuã nda eteacuquia jei mbia je cote. ³³ Seresenda, aico mbirĩ ño nguiã jendese a cote. Serequia rei ra se cote. Acheẽ ngue judíos je, ũquĩ sí aico ñee jēje a. Ae ra aso nae, huee jengasẽ aroneãte. ³⁴ Aico secheẽ yasu nenei jēje a. Secheẽ mumbayã sacuã. iJenyesecua ja jenyiese jẽ! Sã ñi aico nyesecua tuchi jendese no. iEĩ jenye nyesecua tuchi jenyiese jẽ! ³⁵ Jenyesecua tuchi mose jenyiese, mbia ra ñee ja tuchi jeniĩ. "Eĩ nguia Jesús chimbaaquiatu quia re", i ra mbia jẽje, i que Jesús uchimbaaquiatu je ra.

Pedro ra ñee ñooño serii, i Jesús

36—¿Manguiti ra ereso re? i que Simón Pedro ñee Jesús je ra. —Ae ra aso nae, huee ereso aroneate namo. Emo mose jiri ra ereso serui cote, i que Jesús Pedro je ra. ³⁷Pedro que ñeembe ee ra. —¿Mbaerã nda asoã nderese namo nde? Seso sete nderese. Semano sete nderese, i que Pedro Jesús je ra. ³⁸Jesús que ñee ee ra. —"Semano sete nderese", erechã nguiã seje. Co isa ra erecheẽ ñooño serií tres veces. "Jesús aicuayate resẽ", ere chooño nda serií nguira cheẽ nonde, i que Jesús Pedro je ra.

Jesús rei ñeenda Dios icha

14 ¹Jesús que ñee uchimbaaquiatu je ra. —Jēya eā eriquichī nguiā. Dios jēicua chō ae. Se abe jēicua chō ae. ²Ae Paba riqui, huee tuchua tubiriāte. Ūquī eande rae, eī nda acheē eāte rei jēje. Aso ra tuchuarā naā jēje. ³Jenyuchuarā naa jare ra achube jendea cote, jenderao bei serese cote. Jē nda jēingo bei serese pee cote, ae ra aico. ⁴Ae ra aso, huee jēicuate resē. Ñeenda abe jēicuate resē, i que Jesús ee ra. ⁵Tomás que ñee ee ra. —Ureicuayāte nyeresē. ¿Mangue ra ereso mangue re? Ñeenda ra ureicua eāte chi nde, i que Tomás Jesús je ra. ⁶Jesús que ñee ee ra. —Ñeenda rei se. Ñee ñooñoā je rei se. Mbia mingo beisa rei se. Ae ra seicuayāte, ūquī nda ngaseā mbei Paba je. ⁶Jē seicua mose, Paba abe jēicuate quia ã. Jē Paba jēicuate quia cote resē. Jemae ngue erese namo ndesē, i que Jesús ee ra.

⁸Felipe que ñee ee cote ra. —Nderu eteacuquia rã ure je. Ũquĩ mɨi ño ureico nguiã ñee ndeje, i que Felipe ra. ⁹Jesús que ñee Felipe je ra. —Aico tuchite que jendese, Felipe. ¿Mbaerã ereico seicuayãte re? Ae mae nguia serese, Paba abe rese maete. ¿Mbaerã ereico ñee seje re? "Nderu eteacuquia ure je", i seje. ¹⁰Co aico Paba rese co resẽ. Paba abe riqui serese co. ¿Ũquĩ ereicuayãte re? Ae aico ñee jēje nae, secheẽ ae eã ño ũquĩ nde. Paba riqui serese co. Ae abe riqui mbae raã naa serese co. ¹¹Secheẽ jēicua rã. Co aico Paba rese co. Paba abe riqui serese co. "Nyia", jenye eã mose secheẽ je, sechisaã je chō "nyia" jenye.

¹²Tacheẽ nyecua jẽje. Ae seicua quia nae, ũquĩ nda sechisaã saã saã se rã si cote. Ũquĩ nda mbae saã saã tuchi sesi. Co quia aso nguiã Paba rea se co. ¹³"Mbae emondo ure je" i mose seje, amondo ra jẽje. Jẽ seicua mose. Eĩ ae ra Paba quirãcuã ndeacuquia mbia je. ¹⁴"Mbae emondo ure je", i mose seje, amondo ra jẽje. Jẽ seicua mose.

Espíritu Turã tamondo jēje, i Jesús

¹⁵ Jenyesecua mose serese, seche jemumbaya ae. ¹⁶ Tache Paba je. "Espíritu Tura emondo sechimbaaquiatu je", ae ra Paba je. Espíritu Tura nda siqui bei jendese cote. Jequiato tuchi ra ae cote. ¹⁷ Espíritu Tura nda nee noonoa jeje, jembaaquiatu quiatu. Ae ra siqui ea tuchi Dios quiatoa ndese. Espíritu Tura icuayate quia ne ne. Je nguia jeicuate nguia. Co Espíritu tura ndiqui jendese co. Siqui bei ra jendese.

¹⁸ Aso raque quia co. Esi cheecha rã nda jëingoã. Achube ra jembirõ. ¹⁹ Aichite aĭ oso a cote. Dios icuasa reã nda mae eã serese cote. Jẽ nguia nda jemae nguiã serese. Aquera si ra siqui bei nonde. Jẽ abe ra jẽingo bei seriĩ cote. ²⁰ Espíritu Turã tu mose ra jẽicuate cote. "Jesús riqui ngu rese co. Ã ureico Jesús rese ã. Jesús riqui urerese co", jenye ra seriĩ cote. ²¹ Ae secheẽ icua quia nae, ae secheẽ mumbayãte quia nae, ũquĩ nguia

nyesecuate nguiã serese. Paba nyesecuate ũquĩ ndese. Se abe achesecuate ũquĩ ndese. Tachecua ñimbucha ũquĩ ndese, i que Jesús uchimbaaquiatu je ra. ²²Judas, i que echimbaaquiatu mo je ra. Judas Iscariote eã ño aque re. Judas mo ño aque re. Judas que ñee Jesús je ra. —¿Mbaerã nda erechecua ure je re? Mbia ja je nyecua rocoĩ, i que Judas ra. ²³Jesús que ñee ee ra. —Ae nyesecuate quia serese, ũquĩ secheẽ mumbayãte quia ã. Paba abe ra nyesecuate ũquĩ ndese. Paba ra siqui ũquĩ ndese. Se abe ra aico ũquĩ ndese. ²⁴Ae nyesecua eãte quia serese, ũquĩ secheẽ mumba mumbate quia ã. Secheẽ ae eã asenei senei nguiã jēje co. Paba cheẽ ño asenei senei nguiã jēje. Ae chỗ sembu nguiã.

²⁵Seso nonde aico co renei nenei jẽje a. Sereco mosebe jendese. ²⁶Paba ra Espíritu Turã mondo jẽje secheẽ ndui si. Jẽquiato tuchi ra Espíritu Turã cote. Ae ra jembaaquiatu tuchi mbae ja riĩ cote. Ae ra jemundua tuchi secheẽ ndese cote. ²⁷Co aso quia co. Jẽyayã eã taemingo a. Seicuasa reã na si eã taemingo. Ũquĩ nguia eya eãte riqui nguiã. Sã seyate se no. Eĩ tae jembia mingo a. iJẽya bei chỗ jẽ! iJẽsiquicheã ño jẽ! ²⁸Aso ra Paba rea cote. Aquere ra achube jembirõ. Ũquĩ ndese que jëirandu resẽ. Jenyesecua mose serese, eĩ ndei ra jẽyate secheẽ ndese. "Taso Paba rea", i mose. Ae quiarei i tuchi sesi. ²⁹Seso nonde aico ñee tuchi jẽje a cote. "Ñee ñooñoã tuchi quia equia re", jenye tuchi ra seso mose cote. Huee ra jẽ seicua tuchi cote. ³⁰A nda aicobe ñee ñee jẽje chã. Diablo quia tu nguiã co. Mbia icuã nderecua ru quia co. Ae quiarei equirãcuã neã jiri sesi. ³¹Paba cheẽ ndui si taico. Mbia seiquia arondete raque. "Nyesecua tuchi quia equia ngu rese re", i ra mbia seje cote. Paba cheẽ mumbayã mose. Jẽhuã. Nyao, i que Jesús uchimbaaquiatu je ra.

Jesús rei ira i rã

15 ¹Jesús que ñeembe uchimbaaquiatu je ra. —Se rei ira i rã. ²Paba rei ira raarõsa rã. Ira rãquiã ndibisho ia eã mose, nyisia rae. Erãquiã ia mose, saarõ turã ndae. Mbeerera rera rae. Embitirõ sacuã. Ia tuchi sacuã cote. ³Jē ngue secheĕ jëisi turã ndesẽ. Nyebe Paba jembitirõ secheĕ je resẽ. ⁴Jēingo bei ñimbucha serese. Sã aico ñimbucha jendese no. Ira rãquiã ae ra ia eã. Siquíã mose ñimbucha hui rese. Eĩ jenye ra jẽ. Mbae turã nda jẽsaã eã jẽ ae. Siquíã mose ñimbucha serese. ⁵Se rei ira i rã. Erãquiã na ndei jẽ. Jēingo mose ñimbucha serese, seico mose ñimbucha jendese, jẽturã tuchi ra jẽingo cote. Jẽ ae ra mbae turã jẽsaã eã, siquíã mose ñimbucha serese. ⁶Ae siquíã ñimbucha serese nae, ũquĩ nda siqui ira rãquiã sia ji rã. Eiru mose ra mbia emunua nua. Eréi sacuã. ⁶Jēingo bei mose serese, jeñee nda amumbayã. "Mbae embu ure je", i mose, amondo ra jēje. Jētesareiã mose secheẽ si. ⁶Jēingo turã mbei mose, mbia ra ñee turã turã mbei Paba riĩ. Jēingo turã mbei mose, "Jesús chimbaaquiatu tuchi quia eriqui re", i ra mbia jenii. ඉSã Paba

riqui nyesecua serese nae, ei ae si equia nyesecua jendese co. Jeingo bei nimbucha serese. Ei nda achesecua bei jendese. ¹⁰Paba chee amumbayate quia co. Nyebe Paba riqui nguia nyesecuate serese co. Je sechee mumbaya mose, achesecua bei tuchi ra jendese. ¹¹Aico nee jembaaquiatu co. Jembia sacua. Sa seyate se no, se ra si ra jeya.

¹²Ã ndei secheẽ ã: iJenyesecua tuchi quia jenyiese jē! Sã aico nyesecua tuchi jendese no. ¹³"Se tamano sequiato ribishorõ", i mose emo, aque quiarei nyesecua tuchite uquiato rese. ¹⁴Sequiato rei jē, secheẽ mumbayã mose. ¹⁵"Serimba" aeã nda jēje cote. Ererecua quiatu "sequiato" i āte nguiã ngũimba je. Ñee ja eāte ngũimba je. Sã eriqui ñee ja uquiato je no. Se quia ñi Paba cheẽ asenei senei jate nguiã jēje. Nyebe "sequiato" tae jēje cote. "Serimba" i rocoī. ¹⁶Jē ngue seirabo eã ndesẽ. Se quiatu ngue jaĕirabo nguiã. iMbae turã ño jēsaã saã mbei quia seje jē! iJenyisaã nda uachĩ jē! Jē ngue seicuate. Nyebe jẽ "mbae mo embu ure je", i mose Paba je, mondo ra jēje. ¹⁷Ã ndei secheẽ jēje ã: iJenyesecua tuchi quia jenyiese jē!

Mbia ataque Jesús rimba ucuayã

¹⁸Dios icuasa reã nda jeucuayate cote. iJeicua quiatu je! "Ei ngue equia Jesús ucuayã nyii rese", jenye ra cote. 19 Jaeirabo que se ra. Nyebe jeingo nguiã Dios icuasa reã na eã. Nyebe eriqui nguiã jeucuayate a. Je uqui na mose, ei nda eriqui turăte rei jendese. 20 Achee ngue jeje nyii, iuqui ndese jendua je! iJengasu ra jesaa saachi sesi je! Mbia icua mose seje, iệje abe ra eicuã. Mbia secheẽ mumbayã mose, jẽ abe cheẽ mumbayã ndae. ²¹Serii nda Dios icuasa rea jei jei jeje. Dios icuayate quiatu nguia a. Nyebe ra eicuã icuãte jeje. ²² Achu que mbia mbaaquiatu quiatu ra. Nyebe ra Dios eicuã tea chooñoã cote. Ei nda Dios eicuã tea chooño ndei. Se embaaquiatu eã mose. "Ureicua ureicuayate quia a", i aronea no emo cote re. ²³Ae seucuayate quia, Paba abe ucuayate equia a. ²⁴Mbia mae saya ngue ateacuquia tuchi rei ee ra. Sechisaã nda mbia mo saã eã. Ei nda Dios mbia icuã tea chooño ndei. Sechisaã ndese mae eã mose. Sechisaã ndese mae ndaque, seucuayã ño nguiã ã. Paba abe ucuayã ño nguiã ã. ²⁵Mbia riqui seucuayate a. Sa embesa ji riqui nee no: "Mbia seucuayate." Se mbae icua asaa eate raque", sa embesa ji riqui i no. Uqui iquechi cote. ²⁶Seso mose Paba rea, Espíritu Turã tamondo jeje. Jequiatorã. Ae ra tu Paba si jēje. Ae ra ñee ñooñoã jēje. Ae ra jembaaquiatu quiatu turã serii. 27 Nyii mosenda bei cho jeingo nguia serese. Nyebe ra je abe mbia jembaaquiatu quiatu tură serii, i que Jesús ra.

16 ¹Jesús que ñee i i uchimbaaquiatu je ra. —A aico ñee jēje a. Eī nda jēhui eā sesi, mbia icuā icuā mose jēje. ²Mbia ra jendiquisā quisā, jēso jēso mose mbia chumunuasa. "Ā ureico rei nguiā mbae turā naa naa Dios je ā", i ra mbia jēiquia iquia mose. ³Seicuayāte quia ñe ne.

Paba abe icuayate quiatu nguia a. Nyebe ra eriqui mbae raa icua icua jeje. 4Ei ae cho nguia nee jeje co. Ei nda jendua sechee ndese, mbia icua icua mose jeje. "Jesus chee iquechi cote", jenye ra cote.

Espíritu Turã nda jembaaquiatu quiatu, i Jesús

Acheē jei eā ngue jēje ūquī cose resē. Aicote quiatu ngue jendese re. 5Co quia asote nguiā Paba rea co cote. Ae sembu. "¿Manguete ra ereso mangue re?" i eā ñochī jemo seje. 6Se "taso" i mose jēje, jēya eāte chō jēingochī nguiā ā. 7Tacheē nyecua jēje. Coche aso nguiā jendecha co. Espíritu Turā nda ambu jēje. Jēquiatorā. Ae ra siqui jendese. Eī nda Espíritu Turā tuāte rei. Seso eā mose jēsi. 8Espíritu Turā tu mose ra ñee ñee mbia je. "Mbia icuā ja chō ñe ne. Jēingo turā Dios resa rae. Dios ra Jesús icuasa reā mbasi ja", i ra Espíritu Turā ñee mbia mbaaquiatu quiatu. 9"Jē nguia Jesús jēicuayāte nguiā ā. Nyebe jēicuā ndiqui nguiā", i ra Espíritu Turā ñee mbia mbiirandu. ¹0Aso ra Paba rea cote. Mbia ra mae eāte serese cote. Nyebe ra Espíritu Turā mbia mundua mbae turā ndese cote. ¹¹¹ "Dios ra diablo mondo tata cuasu. Nyebe ra mbia icuā abe mondo tata cuasu", i ra Espíritu Turā ñee mbia mbiirandu.

¹2"Taembaaquiatube jiri", ae rei se. Jēicuayā jeite chō ndae. ¹³Espíritu Turā tu mose, ae ra jembaaquiatu quiatu turā mbae ja rese. Ñee ñooñoa tuchi rae. Ucheĕ ae ra esenei seneiã. Paba cheĕ ño esenei senei nguiã. Mbae tu nonde ra Espíritu Turã jembiirandu erese. ¹⁴Espíritu Turã nda jembaaquiatu quiatu secheĕ nii. Ũquĩ mose ra mbia ñee turã turã seriã cote. ¹⁵Ae Paba senei senei nguia, ûquĩ asenei senei nguia se abe co. Nyebe ra Espíritu Turã jembaaquiatu quiatu secheĕ nii.

Jēya eande nyii ra jēya tuchi cote, i Jesús

16 Namo jiri ra jemae eã serese cote. Aquere ra jemaembe serese cote. Aso ra Paba rea, i que Jesús uchimbaaquiatu je ra. ¹⁷Echimbaaquiatu que ñee ñee nyue ra. —¿Mbae i Jesús quia re? "Namo jiri ra jemae eã serese cote. Aquere ra jemaembe serese cote. Aso ra Paba rea", i chốchĩ. ¿Mbae ũquĩ nde? ¹⁸¿Mbaerã eriqui "namo jiri" i re? ¿Mbae riĩ eriqui ñee nde? Nandeiranuã tuchichĩ, i que echimbaaquiatu ñee nyue ra. ¹⁹Jesús que jirandu erese ra. —"Ndecheẽ embiasa jiri ure je" ¿jenye sete seje re? "Namo jiri ra jemae eã serese cote. Aquere ra jemaembe serese cote", ae que jēje, ¿aque jēicuayāte re? ²⁰Tacheẽ nyecua jēje. Namo jiri ra jenyeseo. Jēya eãte rae. Sequiatoã nda eya tuchi. Aquere ra jēya tuchi cote no. Jēya eande nyii. ²¹"Serasichĩ nda cote re", i ra esi ndua ndua ãquẽ nyaacuquia serĩ mose. Eyayã tuchi ae. Ãquẽ nyaacuquia mose cote, eya tuchi ra cote. Ndua eã tuchi ra ngasi rese cote. Eya tuchi chỗ nda nguiirĩ ndese cote. ²²Âquẽ ndasi rã ño jẽ nde. Jēya eãte namo. Setube mose jendea, jēya tuchi ra cote. Emo nda jembia eã eã cote. ²³"Ndecheẽ embiasa jiri ure je",

jenye eã nda seje cote. Tacheẽ nyecua jēje. Jẽ seicuate. Nyebe jẽ "mbae mo embu ure je", i mose Paba je, mondo ra jēje. ²⁴ "Mbae mo embu ure je. Jesús icuasa je", jenye eã mbeite equia Paba je ã. Jeñee ee. Jeñee mose ee, mondo ra jēje. Jēya tuchi ra cote.

Jesús quirãcua tuchi ibi jenda si re

²⁵Acheẽ tuchi rei que jẽje ra. Secheẽ ngue ambiasa tuchiã jiri jẽje ra. Emo mose jiri quia ra secheẽ ambiasa tuchi jẽje cote. Paba riĩ. ²⁶Aque mose ra jeñee Paba je. "Mbae embu rã ure je", jenye ra Paba je seriĩ. Aque mose ra acheẽ eã ee jenii cote. Jẽ ae chỗ nda jeñee ee cote. ²⁷Paba sí nyesecua tuchite quia jendese co. Jenyesecuate quiatu nguiã serese ã. "Dios que Jesús mondo nande je resẽ", jenye quiatu nguiã seje ã. Nyebe Paba riqui nguiã nyesecua tuchi jendese. ²⁸Paba si que achu íbii resẽ. Asobe ra ibi recha cote. Paba rea ra asobe ibátee cote, i que Jesús ñee uchimbaaquiatu je ra.

²⁹Echimbaaquiatu que ñee ee ra. —Ereicochĩ ñee nyecuate ure je a cote. Ndecheẽ erembiasa tuchichĩ nguia ure je a cote. ³⁰Mbae ereicua ja tuchi quiatu quia nde reaẽ. Mbia ndua ndua ereicuate quia equia co reaẽ. Ñee nonde ndeje. Nyebe ureico nguiã ndeicuate ã. "Paba si chỗ erechu nguiã co", ure equia ndeje ã, i que echimbaaquiatu ee ra. ³¹Jesús que ñee ee cote ra. —Jẽ ngue seicuate rei nguiã. ³²Seandu rã se. Namo jiri ra jeñimbuchao chao oso sesi. Jẽso ja ra serecha namo. Se ae eã nda aico. Paba riqui nguiã serese co. ³³Jẽ seicua mose, mbae ra jembia eã eã. Nyebe aico nguiã jembiirandu randu beite co. Mbia icuã icuã mbeite ra eriqui jēje a íbii. iJeñimbirãcuã jiri quia jẽ! Se quia sequirãcuã tuchi ibi jenda si re, i que Jesús ñee uchimbaaquiatu je ra.

Sechimbaaquiatu eteaquiatu, i Jesús Dios je

17 ¹Jesús ñee jare uchimbaaquiatu je que soboiba mae ibate ñee Dios je ra. —Paba, ndecheẽ ndiquichĩ io a cote. Seturã eteacuquia mbia je cote. Eĩ nda se abe ndeturã ateacuquia mbia je. ²Nde chỗ ngue semii mbia rerecuarã, Paba. Mbia mingo bei sacuã. Mbia que eremee seje, ũquĩ mingo bei sacuã. Se rei nderucucha. ³Paba, nde mii ndei Dios tuchi ereico co. Se rei Jesucristo ndechimbu ibate si. Ae ndeicuate quia nae, se abe icua equia nae, ũquĩ nda siqui bei. ⁴Ndeturã ngue ateacuquia mbia je ra. "Ã esaã íbii", ere que seje, ũquĩ ngue asaã ja cote ra. ⁵Paba, seturã eteacuquiabe mbia je. Cose ndare rã. Mbae eã mosenda rã. Asobe ra siqui nderese. MSã ndeturã ereteacuquia mbia je nae, seturã abe eteacuquia mbia je.

⁶Mbia que eremee seje, ũquĩ ngue ambiirandu tuchi nderese ra. Nembae rei que nyii ra. Eremee ngue seje cote ra. Ndecheẽ ngue emumbayã nda. ⁷Nde chỗ ngue sembaaquiatu quiatu nguiã, Paba.

Ndechee ae cho a nde. Sechee ea no ne ne. Uqui ngue sechimbaaquiatu icuate ra. ⁸Eresenei senei ngue seje, ũquĩ ngue asenei senei ja ee ra. Nandechee ngue eisi ja turate ra. "Paba si que Jesús ru ra. Paba que embu ra", i equia nderii a. 9Sechimbaaquiatu eteaquiatu, Paba. Seicuasa rea je eã no aico nguiã "eteaquiatu" i ndeje. Ae eremee seje nae, ũquĩ je chỗ aico nguiã "eteaquiatu" i ndeje. Nderimbate quia ñe ne. 10 Ae nderimba nae, serimba cho se abe re. Ae serimba nae, nderimba cho ũquɨ no nde. Serimba riqui ñee turã mbei serii ã. 11 Asobe ra ndeje, Paba. A ra aicoã íbii cote. Serimba quia ra chicho íbii. Eteaquiatu, Paba. Ae eremee seje, ũquĩ eteaquiatu ndequirăcuă je. Mbae mii ndese ja chỗ emundua ndua mingo. Sã nande nandendua ndua mbae mii ndese no nae. 12 Ae eremee seje, ũquĩ ngue ateaquiatu quiatu quia ndequirãcuã je ra. Seico mose íbii. Emo ngue quiachã eãte sesi ra. Aque mii nda quiachã. Embesa ji cheẽ ndui si ra aque mii quiachã. Huiicuã je. Emo ngue quiachãyã cote ra. ¹³ Aso ra nderea cote. Seico beebe mose íbii, aico ñee ñee ndeje serimba rii a. Î nda eva quiatu chi a. Să sevate se no. 14 Ndechee ngue asenei senei ee ra. Ibi jenda eã ño se re. Serimba abe rei ibi jenda eã. Nyebe ibi jenda riqui nguiã serimba ucuayã. 15 "Serimba erao ibi si", ae eã ño nguiã ndeje co, Paba. "Eteaquiatu diablo si", ae cho nguia ndeje co. 16 Se ra si rei serimba. Ibi jenda eã ndiqui ã. ¹⁷ Serimba emingo tuchi icúe nembaerã. Ndechee je emingo icúe. Nde quia erechee ñooño eate nguia. 18 Sã nde sembu mbia je no, ei ae si cho nguia serimba mondo mondo mbia mbaaquiatu quiatu co. 19 Aico ñimondo tuchi ndeje co, Paba. Mano sacuã serimba je. Î nda serimba abe nimondo tuchi ndeje.

²⁰ Ã nɨɨ achō eã aɨco ñee ndeje. "Eteaquiatu" ɨ ndeje. Ã nda secheẽ senei senei emo je abe cote. Ũguɨ abe ra seɨcua cote. Serimbarã. Ae ra seɨcua icua nae, ũquĩ abe eteaquiatu. 21 Mbae mii ndese ja chỗ ũquĩ emundua ndua mingo. Mbae mii naanguia tuchi emingo nanderese, Paba. Sã ereico serese no nae. Sã aico nderese no nae. Eĩ nvere si ũquĩ mingo mbae mii na. Eĩ nda mbia seicuasa reã ñee seriĩ. "Dios chimbu quia eriqui re", i nda mbia ñee serii ña. Seicuasa siqui mose mbae mii ndese. 22 Ndetura ngue eremee seje, ei ae que setura mondo seicuasa je ra. Ei nda eriqui mbae mii na. Sã nandeico mbae mii na nande no, Paba. 23 Nyebe aico nguiã seicuasa rese co. Nde ereico serese co no. Nvebe seicuasa riqui mbae mii na co. Eĩ nda seicuasa reã ñee nderiĩ. "Dios quia Jesús mbu quia reaẽ. Dios quia nyesecua quia Jesús icuasa rese re. Jesús rese rã si nyesecua", i nda mbia ñee nderii ña. ²⁴Paba, serimbara ngue eremee seje. Ae ra aso, sã echoi serea sigui bei huee serese cote. Ndechee tura andu sacua serii huee. Erechee tură mbeite serii. Ibi ea mosenda bei cho ereico nguia nyesecua serese co. 25 Ndeturã tuchi, Paba. Seicuasa reã ndeicuayãte quia ã. Se quia areicuate nguiã co. Serimba abe que ndeicuate quia ã no nda. "Dios chimbu", i seje nderii. 26 Arerenei nenei tuchi que serimba je

ra. Tarerenei nenei tuchibe ee. Ei nda nyesecua tuchi nyiese. Sa ereico nyesecua tuchi serese no nae. Taico bei serimba rese cote, i que Jesús Dios je ra.

Mbia icuã ngaẽ Jesús ruruchoi

18 i que aque ama je ra. Aque robei que esi uchimbaaquiatu rese ra. Iraqui turã mo ngue echoi ra. ²Jesús que oso oso beite quia huee ra. Iraqui re. Uchimbaaquiatu rese. Nyebe Judas riqui nguiã hue icuate. — Jesús tateacuquia checuayã mbia je, i que Judas ra. 3 Nyebe Judas mbia ruruchoi nguiã huee Jesús isi sacuã. Soldados que ecuruchoi ra. Policía jenda abe que ecuruchoi no nda. Sacerdotes rerecua chimondo rei policía. Fariseos chimondo abe no. Ũquĩ ja que nyoi ngasẽ Jesús je ra. Tiquise que ecuruchoi quia ra. Lámparas abe no. Mbae rendi abe no. 4Jesús que mbae icuate ra. —Mbia ra jei jei seje, i que eicuate ra. —¿Aba rea jenyu quia co re? i que oso ñee ee ra. 5—Jesús rea urechu quia co. Nazaret jenda, i que mbia ñee nda. —Se cho Jesús rese, i que ee ra. Judas abe que siqui mbia rese huee ra. Ae que siqui Jesús mee mbia icuã je huee ra. 6—Se chỗ Jesús resẽ, i mose que mbia siri siri choi uquite quiti ra. Ngọi ngọi chee que echoi ra. 7—¿Aba rea jenyu quia co re? ibe que Jesús ñee ee ra. —Jesús rea urechu quia co, i que ra. 8 Jesús que ñeembe ee ra. —"Se chõ nyerese", ae que jeje. Serequia mose, sererao se ae. Sa seresenda chicho, i que Jesús ee ra. 9—Ae Paba mee seje serimbarã, ũqui mo quiachãyate sesi, i que Jesús nvii ra. Nvebe ñee nguiã mbia je cote. —Sã seresenda chicho, i mbia je cote. ¹⁰Simón Pedro que uchuuru sigui tiquise ra. Sacerdote rerecua rimba rese que tiquise rerequie requia ra. Eisa que echisia equiatocuti quitinda ra. Malco, i que aque je ra. Ae isa Pedro chisia. ¹¹ Jesús que ñee Pedro je ra. —Ndechuuru emingue chō eriru ye. Paba cheẽ tamumbayã na. Tachecuachõ na mbia je. Sã mbia icuã sembasi tuchi cote, i que Jesús Pedro je ra.

¹²Soldados que Jesús isi cote ra. Soldados rerecua rese. Policía rese. Ũquɨ ja que Jesús isi ra. Nyucua que suruchoɨ ra. ¹³Anás chuchua rane ngue eruruchoɨ ra. Anás ndiirĩ ngue Caifás ninisi ra. Caifás que sacerdote rerecua aque mose ra. ¹⁴Caifás sí quia que ñee nyii ra. —Aque mɨɨ ño nda mano nguiã nande ja je chã, ɨ que judíos je nyii ra.

Jesús aicuayate, ichoiño Pedro

¹⁵Mbia Jesús ruruchoi mose que Simón Pedro nyoi erui ra. Jesús chimbaaquiatu nongue rese. Co mii ndese. Enongue que sacerdote rerecua icua ra. Nyebe ique oso nguiã Jesús rui. Sacerdote rerecua itaicuee. ¹⁶Mbia que Pedro siquisã mii etaronda robei ra. Sacerdote chiicua que tu nyebi ñee echiquesa raarõsa je cote ra. —Sã Pedro ique

rã serese, i que ra. Nyebe emingue nguiã cote. ¹⁷Echiquesa raarõsa que ñee Pedro je ra. —¿Jesús resenda nde re? i que nyucuaaque Pedro je ra. Echiquesa raarõsa. —Tei, ichõiño ngue Pedro ee ra. ¹⁸Nyiiseĩte mose que ra. Nyebe policía jenda tata mbucha nguiã. Sacerdote rimba rese. Ũquĩ ja que chi nyee ra. Pedro que chĩ nyee erese ra.

Sacerdote rerecua ñee Jesús je

¹¹º Sacerdote rerecua que ñee Jesús je ra. —¿Aba ndechimbaaquiatu re? ¿Mbae rɨi ereico mbia mbaaquiatu quiatu re? i que ererecua ra. ²¹º Jesús que ñee ee ra. —Se que acheẽ ja mbia resa rae ra. Mbia chumunua nuásaa ja que aico mbia mbaaquiatu quiatu ra. Dios chuchúaa abe no. Acheẽ nyecuayã cuayã eã ngue se quia mbia ísaa ra. ²¹ ¿Mbaerã ereico ñee seje re? Secheẽ andusa je quia echeẽ. Sã ũqui ñee. Mbae rii acheẽ ee re. Ũqui ngue secheẽ ñandu ja quia ra, i que Jesús ererecua je ra. ²² Jesús cheẽ mose que policía jenda mo ucua eritii rese ra. —¿Mbaerã ereico ñee sacerdote rerecua je ũqui nde? i que policía mo ñee ucua Jesús rese ra. ²³ Jesús que ñee ee ra. —Secheẽ icuã mose quia echeẽ seje. Mbae icuã nii aico ñee nde. Secheẽ turã mose chỗ erecuachĩ nguiã serese, i que Jesús ee ra. ²⁴ Anás que Jesús mondo Caifás je cote ra. Ecuasa que ecuruchoi Caifás je ra. Caifás que sacerdote rerecua ra.

Jesús aicuayãte, i si Pedro

25 Pedro que nyee beite u tata ra. Mbia mo ngue ñee ee ra. —¿Jesús resenda nde re? i ee. —Tei, ichõiño ngue Pedro ee ra. 26 Ae isa Pedro chisia nae, aque resenda que siqui huee ra. Sacerdote rerecua rimba chõ ae re. Ae que ñee Pedro je ra. —Nde rese amae iraqui re Jesús rese reae, i que Pedro je ra. 27 —Tei, ichõiño ngue Pedro ee no nda. Aque mose tuchi que nguira ñee cote ra.

Pilato ñee Jesús je

28 Policía jenda que Jesús curuchoi Caifás chuchua si cote ra. Ererecua tuchi chuchúaa que eruruchoi cote ra. Pretorio, i que hue tuchua je ra. I que nyaashī u quia cote ra. Judíos que iqueã ererecua chuchua ra. Mbaeiaete que abae chuchua ee ra. Pascua raã nonde. —Eī nda oveja roo nandeuãte rei pascua mose, ique mose abae chuchua, i que ra. ²⁹Nyebe Pilato si nguiã usẽ ñee ee. —¿Mbaerã jẽingo ñee Jesús je re? ¿Mbae icuã esaã nde? i que Pilato ra. ³⁰Mbia que ñee ee ra. —Jesús que mbae icuã saã saãte ra. Eī nda uremondoãte rei ndeje. Mbae icuã naa naa eã mose, i que mbia Pilato je ra. ³¹Pilato que ñee mbia je ra. —Jē ae Jesús jendao ae. Jē ae jẽingo erese ae. Jē ae Jesús jembasi mbasi ae. Jenamei ñimbesa mumba mose, i que Pilato ee ra. Judíos que ñee Pilato je ra. —Ure rei judíos. Ure mbia mo ureiquia aroneate. Nde chõ echb ē. "Jĕiquia" ere chõ

soldados je, i que mbia ñee Pilato je ra. ³²Jesús cheẽ iquechĩ cote. —Mbia ra seiquia sembucha ira rese, i rei nyii. Echeẽ iquechĩ cote.

33 Pilato que ique si oso uchuchúaa ra. Ae "quiatuchu" i nguiã Jesús je. —¿Judíos rerecua tuchi nde re? i que Pilato Jesús je ra. 34 Jesús que ñee ee ra. —¿Nde ae erecheẽ nguia seje a re? Emo ñee ndeje nyii reae, i que Jesús ee ra. 35 Pilato que ñee ee ra. —Judío eã ño se resẽ. Judíos sí chõ ngue nemondo seje resẽ. Sacerdote rerecua abe no. ¿Mbae icuã eresaã nde? i que Pilato ra. 36 Jesús que ñee ee ra. —Ererecua raque se. Ererecua eã ño se a íbii re. Eĩ nda serimba nyarõ tuchi rei serese, judíos ndiquisã quisã tuchi sesi. Ibi jenda rerecua eã ño se re, i que Jesús Pilato je ra. 37—¿Ererecua rei nde re? i si que Pilato ñee Jesús je ra. Jesús que ñeembe ee ra. —Ae. Achu que íbii ra. Sechusua rei íbii. Achu que mbia mbiirandu randu Dios cheẽ nii nda. Ichõiñosa reã ñee nii. Ichõiñosa reã ndesenda ra seandu ja, i que Jesús Pilato je ra. 38—¿Mbae ichõiñosa reã nde? i que Pilato ee ra.

Jesús jembucha iquia ira rese, i ererecua

Aquere que Pilato use si oso nee judíos je ra. —Mbae icua Jesús saa eat e reae. ³⁹Pascua mose bei que aico etaro ji mbuse mondo bei jeje ra. ¿Aba ra ambuse mondo jeje namo nde? ¿Judíos rerecua ra ambuse mondo jeje re? i que Pilato nee mbia je Jesús rii nda. ⁴⁰Mbia que nee mombo mombo ja Pilato je ra. —Tei. Aque ea. Barrabás quia embuse imbu ure je, i ja que mbia nee nda. Mbae mbuquiachasa tuchi rei Barrabás.

1—Jesús jēiruā nua, i que Pilato ra. Mbia que Jesús iruā nua cote ra. ²Nyu ritiméi uma ji que soldados mii Jesús ãquĩ ndese ra. Tiru irei ngue emingue ee ra. 3—Judíos rerecua tuchi cho nde re, ichoiño ngue soldados ucua ucua Jesús rese ra. 4Pilato que use si oso ñee mbia je ra. —Sechee jeñandu ra. Achee ndei que Jesús je ra. Mbae icua esaa eate reae. Nyebe anosembe nguiã jeje co, i que Pilato ra. 5 Jesús que econose mbia je ra. Nyu ritiméi uma ji que equerao quia uãquí ndese ra. Tiru ireí ngue equerao quia nguete rese ra. —A Jesús a rese, i que Pilato Jesús ndeacuquia mbia je ra. 6 Sacerdote rerecua que chi ja huee ra. Policía jenda mo abe que chi huee ra. Ũquĩ ja que ñee mombo mombo Pilato je ra. —¡Embucha ira rese! ¡Embucha ira rese! ¡ ja que ñee mombo mombo ee ra. Pilato que ñee ee ra. —Je ño jembucha ira rese ae. Mbae icua esaa eã arõte seje, i que Pilato mbia je ra. ⁷ Judíos que ñee Pilato je cote ra. —"Dios rucucha rei se", ichi Jesús nguiã. Nyebe eiquia. Sã embesa ji riqui i no: "Ae Dios riirī saā saā nguia, aque jēiquia", i que embesa ji ra, i que judíos ñee Pilato je ra. 8—Dios rucucha, i mose que Pilato siquiche tuchi cote ra. 9Pilato que ique si oso ñee Jesús je ra. —¿Ma jenda rei nde re? i que Pilato Jesús je ra. Jesús que ñee eã tuchi echee mose ra. ¹⁰ Pilato que ñee și ee ra. —¿Mbaerã ereico ñee âte sechee mose re? Arembucha arôte

ira rese. Arembui abe arõte se. Se chĩ mbia rerecua, i que Pilato ñee Jesús je ra. ¹¹ Jesús que ñee Pilato je ra. —Dios nemii eã mose mbia rerecuarã, eĩ nda ereoco ãte rei serese. Ae semondo ndeje, ae quiarei eicuã tuchi ndesi, i que Jesús ee ra.

12 Aque mose bei que Pilato ndua ndua Jesús rese ra. —Jesús tambui mondo, i raque ndua ndua. Judíos quiatu que ñee ee ra. —Nya. iErembuichĩ nda jẽ! Nde embui mose, César quiato eã nda nde cote. "Ererecua rei se", i quia ñi Jesús re. Nyebe eicuãte riqui nguiã César je, i que judíos tasẽ tasẽ Pilato je ra. ¹³⁻¹⁴ Judíos cheẽ andu mose que Pilato ngoi ngũenda tose ra. Huee que eriqui ñee mbeite mbia je ra. Gábata, i que erenda je ra. "Sita mbiitee ji", i ñi Gábata re. —Jesús jendu rã seje, i que Pilato policía jenda je cote ra. Pascua nonde. Mbia ico quiatu mose pascua nonde. Tenda nandeite re mose. —A jenderecua ñi a resẽ, i que Pilato mbia je ra. ¹⁵ Mbia que tasẽ tasẽ ee ra. —iEiquia rei! iEmbucha ira rese! i que mbia Pilato je ra. —¿Se ra jenderecua aiquia re? i que Pilato mbia je ra. —Urererecua mo eãte nyeresẽ. César mii ño nyeresẽ, i que sacerdote rerecua Pilato je ra. ¹⁶ Aque mose que Pilato Jesús mondo mbia je cote ra. —Jēiquia. Jembucha ira rese, i que mbia je ra. Hue si que mbia Jesús ruruchoi cote ra.

Mbia Jesús mbucha ira rese cote

17 Jesús que usẽ oso cruz resebe cote ra. Mbia que ecuruchoi ibi ibátee ra. "Eresa cuare" i que hue ibi ibate je ra. "Gólgota" i que judío cheẽ hue je ra. ¹8 Huee que soldados Jesús mbucha ira rese ra. mbia nyeremo abe que embucha ira rese ra. Co mii Jesús ribisho quiti. Enongue eribisho quiti no. Jesús que emii eite re ra. ¹9 Pilato que letrero mbesa ra. JESUS DE NAZARET REI JUDIOS RERECUA, i que embesa ra. Embesa ji que emii ibate Jesús ãquĩ nguiti ra. ²0 Judíos tubiriã ngue chi mae embesa ji rese ra. Sucha tubiriã jiite quiatu ngue Jesús mbucha nguiã ira rese. Embesa ji que chĩ mbia cheẽ mbuae jaaja ra. Judío cheẽ. Griego cheẽ. Latín ñee. ²¹ Sacerdotes rerecua que ñee ja Pilato je ra. —"Judíos rerecua" erechĩ nguiã embesa. "Judios rerecua raã ñooño" ere chõ embesa mii ae, i rei que judíos rerecua Pilato je ra. ²²²—Ae ambesa, sã ũquĩ ñi ño, i que Pilato judíos rerecua je ra.

²³Cuatro soldados que chi huee ra. Ũquĩ ngue Jesús mbucha ira rese ra. Ũquĩ ngue Jesús irao isirõ sirõ ja ra. Jesús irao mii ngue chichõ cote ra. Tejido turã tuchi que aque tiru ra. Eiasa eã tuchi que ra. Eao ji chõ eresebe que ra. ²⁴Soldados que ñee nyue ra. —Aque ra nandechisia eã. Sita ñetẽ nandesurubaba baba rã nandechue. Aba ra ja. Aba ra eirao querao ja, i que nyue ra. Sita ñetẽ ngue esurubaba baba uchue cote ra. Embesa ji cheẽ iquechĩ cote. Jesús irao soldados mbuchao chao mose. "Seirao que embuchao chao nyue ra. Sita ñetẽ ngue esurubaba baba uchue ra", i que embesa ji huĩ nyii ra. Embesa ji iquechĩ cote.

²⁵ Jesús mbuchasa ira rese que cuña mo chi ra. Jesús si que ra. Esi nongue abe que ra. María Magdalena abe que ra. Cleofas ninisi abe que ra. María, i que aque je ra. Ũquĩ ngue chi ja Jesús ji ra. ²⁶ Juan abe que chi Jesús si ji ra. Jesús mae mose usi rese que ñee ee ra. —Taĩ, aque quia nderiirina cote, i usi je. Juan nii eriqui ñee. Jesuubi tuchi quia ñi Juan nde. ²⁷—Aque ndesirã cote, i que Juan je cote ra. Juan ngue Jesús si querao bei uchuchua cote ra.

Jesús mano cote

²⁸—Achimbirãcuã tuchi que mbae ja je Dios cheẽ nguire ra, i que Jesús uchiangui re cote ra. —Seisei, i cote. ²⁹Vinagre mo ngue chĩ mbae mo ye huee ra. Mbia que esponja monde vinagre ye ra. Mondo que Jesús chúruu ra. ³⁰Jesús que vinagre mocõ esponja resenda cote ra. —Dios cheẽ ngue asaã ja cote ra, i que Jesús ra. Uãquĩ ngue embucheseco cote ra. Mano ngue cote ra.

Soldado Jesús cúa chio tiquise je

³¹ Judíos que ñee nyue ra. —Ae embucha ji chi ira rese nae, sã ũquĩ chiã ira rese pascua mose huee, i que mbia ra. Pascua nonde que embucha ira rese ra. Mbia icoquiatu mose pascua nonde. Mbia chumunuasa tuchi quiarei pascua. Sábado mose rei pascua. Nyebe mbia ñee nguiã Pilato je. —Sã soldados ira resenda timasiquio ja jẽ. Eĩ nda mano jei. Eĩ nda soldados ecuruchi sábado nonde, i que judíos Pilato je ra. ³² Soldados que nyoi ira resenda tima ndiquio ra. Ae chi Jesús rereco chobei. ³³ Ngasẽ mose Jesús je, eraaquete que ee ra. Nyebe etima ndiquio eã nguiã. ³⁴ Soldado mo ngue Jesús cúa chiỗ tiquise je ra. Eruqui que uchẽ nda. Eri abe que uchẽ nda. ³⁵ Nyebe aico nguiã ã mbesa mbesa a. Amae jee ngue erese re. Acheẽ ñooñoã se quia a. Eĩ nda jẽ abe "ae bei jẽ" jenye Jesús riĩ. ³⁶ Embesa ji cheẽ ngue ique cote ra. Jesús tima ndiquio eã mose. —Etima nda mbia siquio eã, i que embesa ji nyii ra. ³⁷ —Ae embucha uquia ira rese nae, ũquĩ nda mae si erese, i abe que embesa ji huĩ nyii no nda.

Jesús ruruchoi eraaque atisa

³⁸ José de Arimatea, i que emo je ra. Jesús rimba checuayã ngue ae ra. —Sã judíos jiranuã serese, i que equia uchiangui re ra. Ae que "Jesús rete embu seje" i Pilato je ra. Pilato que "eno" i ee ra. José que Jesús rete curuchi ira si cote ra. Ae equerao nguiã. ³⁹Nicodemo abe que tu erea ra. Ae tu ñee Jesús je isa nyii nae, aque. Aque que tu aba mbushimbusa tubiriã tuchi reru ra. Eraaque mbaerã ndei aba mbushimbusa. Ira shimbu turã mbucúi ji. Mbae a mbucúi ji abe no. ⁴⁰Ūquĩ ja que Jesús rete querao cote ra. José. Nicodemo ndese. Aba mbushimbusa resebe que eraaque uma uma tiru je ra. Eĩ mbei que judíos quia

mbia raaque je ra. Eati nonde. ⁴¹ Jesús iquiasa rurubi que sita imi mo ñi nda. Eao ramo ji. Mbia raaque mondosa eã nyii. ⁴² Huee que Jesús raaque nduruchoi nyati ra. —Cochite quia sábado ru nguiã nande je co, i que eati aichi chō nda.

Jesús quera si

1Domingo mose que María Magdalena nyoi mae Jesús tãsa rese ra. Nyaasĩ nonde. Jesús atiquia nduruba ji que chi sita ra. 2Nyebe echoi nguiã uchã ñee Simón Pedro mbiirandu. Jesús chimbaaquiatu nongue abe mbiirandu. Ae Jesús quiato tuchi nae, aque. —Aba chō nandererecua raaque sirō suruchoi. Mangue eno mangue reae, i que María Magdalena nda. 3Nyebe Pedro si nguiã ea tiquia rea. Uquiato rese. 4Nyoi ja que uchã nda. Enongue rane ngue Pedro chucuã oso ngasẽ nda. 5Nyibi que mae Jesús atiquia rese ra. I que Jesús umanda achō u tiru ra. Ique tuchiã ngue oso sita imi ni nda. 6 Aquere que Simón Pedro ngasẽ cote ra. Ae quiatu que ique oso sita imi ni nda. Ae abe que mae Jesús umanda achō ndese cote ra. 7Eãquí umanda rese abe que mae nda. Tiru ataque rese ja eã ngue eãquí umanda chi ra. Eacua ji que chi icúe ra. 8 Ae rane ngasẽ nguia nyii nae, aque abe que ique tuchi oso sita imi ni cote ra. Mae tuchi que Jesús oreã ndese cote ra. —Jesús quera chō nguia re, i que eicua cote ra. 9 Ūquí ngue embesa ji icuayãte ra. "Jesús ra quera si", i que eicuayãte ra. 10 Nyebi si que echoi uchuchúaa ra.

Jesús nyecua María Magdalena je

¹¹María que chiño nyeseo eatiquia jii ra. Echeseo que nyibi mae Jesús rua rese ra. ¹² Angeles mo ngue chi huee nyeremo ee ra. Eiraoshĩ ja que chi ee ra. Enongue que chi ngoi Jesús aqui ndúa quiti ra. Enongue ecuii rúa quiti no. ¹³ Angeles que ñee María je ra. —¿Mbaerã ereico nyeseo re? i que María je ra. —Aba cho sererecua raaque querao. Nyebe aico nguiá nyeseo. Mangue chō eriqui ererequia mangue, i que María ra. 14 Ucheē nduibe que mae ndei uquite quiti ra. I que Jesús uã ee ra. Icua eãte que ra. 15—¿Mbaerã ereico nyeseo re? ¿Aba eresequia quia re? i que Jesús María je ra. Ira a raarõsa Jesús riqui rei nguia María je. Nyebe María ñee nguia ee. —¿Nde Jesús raaque ererao re? ¿Mangue erechono mangue re? Taso erea ae. Tarao ae, i que María ra. ¹⁶ Jesús que "María" i María cheẽ mose ra. María que uba tuchi Jesús icua cote ra. Judíos cheẽ ño ngue María ñee Jesús je ra. —Raboni, i que ra. —Sembaaquiatusa, i ñe ñee Jesús icua re. ¹⁷ Jesús que ñee María je ra. iSeisi jeichi nda re! iAso ate Paba rea rese! Eso ra nee senongue je. "Jesús que nee jēje ra. 'Aso ra ibate Paba rea. Dios rea. Ae abe chō jendu re. Huee ra aso', i que Jesús ñee jēje ra", ere rã senongue je, i que Jesús ñee María je ra.

Jesús nyecua uchimbaaquiatu je

¹⁸María Magdalena que oso Jesús chɨmbaaquiatu mbiirandu ra. — Amaechɨ Jesús rese, ɨ que ee ra. Jesús cheẽ ngue esenei ja ee ra. ¹⁹Aque

mose que domingo ra. Aque isa que Jesús chimbaaquiatu chi ñumunua nda. Etaronda mată ji que chi nda. Siquichete quia judios si re. Jesús que oso ique uchimbaaquiatu mbuate ra. Eite re que esi ñee ee ra. —iJēya eate jirichi nda jē! i que Jesús ñee ee ra. ²⁰ Aquere que Jesús o iõsa reacuquia ee ra. Ucúa iõsa abe no. Echimbaaquiatu ía tuchi que mae Jesús rese ra. ²¹ Jesús que ñee si ee ra. —iJēya eate jirichi nda jē! Sā ñi Paba sembu no, ei tae si jemondo sechee nenei nenei sacua mbia je, i que Jesús uchimbaaquiatu je ra. ²² Jesús que uchimbaaquiatu ichu ñee nda. — Espíritu Turā ndu jēje a cote, i que eichu ra. ²³—"Dios chō jēicuā mbutiā nguiā jēsi co", jenye mose emo je, Dios ra ūquī icuā mbutiā esi cote. "Dios chō jēicuā mbutiā eā nguiā jēsi co", jenye mose emo je, Dios ra ūquī icuā mbutiā eā esi, i que Jesús ra.

Tomás mae Jesús quera si rese

²⁴Tomás oreãte que Jesús nyecua mose uchimbaaquiatu je ra. Jesús chimbaaquiatu raque Tomás. Eata, i que Tomás je ra. ²⁵—Jesús rese que uremae nda, i que eataque embiirandu ra. Tomás que ñee nda. —Jesús eã ndei e. Se mae eã mose eo iõsa rese, se ocoã mose eo iõsa rese, se ocoã mose ecúa iõsa rese, "nyia" aeã nda se, i que Tomás ñee nda. ²⁶Jesús chimbaaquiatu que ñumunua si domingo nongue mose ra. Tomás abe que siqui uataque rese huee cote ra. Etaronda matã ji que chĩ nda. Jesús que ique oso ra. Eite re que esi ñee ee ra. —iJēya eãte jirichĩ nda jē! i que ee ra. ²⁷Ñee ngue Tomás je cote ra. —iSã seo jē! Seo iõsa rese eoco. Secúa iõsa rese abe eoco ae. "Jesús quera si eãte" iere sichĩ nda jē! "Jesús que quera si ra", ere chõ cote, i que Jesús ñee Tomás je ra. ²⁸—Sererecua. Nde rei sembae Dios, i que Tomás Jesús icua cote ra. ²⁹Jesús que ñee Tomás je ra. —Nde mae mose serese, aque mose chõ seicuachĩ. Mae eã mose serese chõ ngue emo ndiqui seicua ra. Ũquĩ nguiarei eya tuchi ndesi, i que Jesús ee ra.

Je Jesús icua sacuã ño co ambesa nguiã jēje

³⁰ Jesús que mbia mae sayã saã saã tuchi uchimbaaquiatu je ra. Ũquĩ ambesa ja eã nguia a. ³¹ Ã nguia ambesa ja quia a. Jẽ Jesús icua sacuã. — Jesús rei Cristo. Jesús rei Dios rucucha, jenye nda chã. Ũquĩ icua mose ra jẽingo bei.

Jesús nyecua siete uchimbaaquiatu je

21 ¹Aquere que Jesús nyecua si uchimbaaquiatu je ra. Ama nimia ndese que eñi nda. Tiberias, i que aque ama ndisa je ra. Eĭ ngue Jesús uã nyecua ee ra. ²Echimbaaquiatu que chi nyiese ra. Simón Pedro. Tomás ndese. Ae je eriqui "Eata" i. Natanael ndese. Caná de Galilea jenda rei Natanael. Zebedeo riirĩ abe que chi ra. Echimbaaquiatu nongue abe

que chi nyeremo no nda. ³—Taso rã sira rea, i que Simón Pedro ra. —Ure abe ra ureso nderese, i que eataque ee ra. Nyoi ja rei que sira rea ra. Nyui ja que echoi canoa ye ra. Sira que embua mbua eãte aque isa ra.

⁴Jesús que chĩ erimia ndese echimbaaquiatu je ra. Jesús eã eriqui reĩ nguiã ee. ⁵—¿Sira mo jembua re, Ãquẽ? i que Jesús ñee mombo ee ra. —Tei, i que echimbaaquiatu ee ra. Jesús icua rocoĩ. ⁶—Sira mbua mbuasa jenduba canoa quiato cuti. Sira ra jembua cote, i que Jesús ee ra. Jesús cheẽ ngue emumbayã nda. Sira que ua jate embua mbuasa ye cote ra. —Nandenosẽ ama si. Nandechuchã canoa ye, i rei que ra. Eusite que ee ra. ⁷Ae Jesús quiatote, aque que ñee nda. —Jesús chõ eriqui re, i que uataque je ra. Pedro eandu mose que huiirao mingue asi oso ii ra. Jesús rea. Sira mbua mbua nonde quia huiirao mbui nguiã nyii. ⁸Isho tuchiã ngue ama nimia nda. Cien metros chõ ngue ra. Pedro ataque que canoa querao ama nimia ndiichã nda. Sira mbua mbuasa que ecuruchoi quia mbutiriri sira resebe ra.

9Nguichi que canoa si ibi rĩ cote ra. I que tata u ee ra. Sira mii ngue chi tata rĩ ee ra. Mbichae abe que chi ra. ¹¹0—Sira mo jendu rã. Ae jembua ramo, i que Jesús uchimbaaquiatu je ra. ¹¹Simón Pedro que nyui oso canoa ye ra. Sira mbua mbuasa que embutiriri serao sonosẽ ama nimia ndese cote ra. Embisẽ sira resebe. Sira mbua mbuasa que soroãte enonosẽ mose ra. Sira cuasu achôte raque. Sira 153 raque. ¹²—Jenyu quiaru cote, i que Jesús ee ra. —¿Aba nde re? i ãte que emo ñee ireĩ nguíã ee ra. Mbia que Jesús icua jate ra. ¹³Jesús que oso tátaa cote ra. Mbichae que esirõ nda. Mbuchao chao que uchimbaaquiatu je ra. Sira abe que embuchao chao ee ra. ¹⁴Jesús que mano nyii ra. Quera si que ra. Nyecua nyecua que uchimbaaquiatu je cote ra. Co rei tercera vez co.

Jesús ñee Pedro je

15 Quiaru jare que Jesús ñee Simón Pedro je ra. Jonas ndiirĩ ndei Simón Pedro. —Simón, ¿erechesecua tuchi quia serese ã si re? i que Jesús Pedro je ra. —Ae. Achesecua tuchite sequia nderese co resẽ. Seicuate se resẽ, i que Pedro ñee ee ra. —Oveja raarõsa rã eico no. Seicuasa embaaquiatu quiatu quia secheẽ je no, i que Jesús Pedro je ra. ¹6—Simón, ¿erechesecuate quia serese re? i si que Jesús ñee Pedro je ra. Pedro que ñee ee ra. —Ae. Achesecua tuchite sequia nderese co resẽ. Seicuate se resẽ, i si que Pedro ñee ee ra. —Oveja raarõsa rã eico no. Seicuasa esaarõ turã nguia no, i que Jesús Pedro je ra. ¹7—Simón, ¿erechesecuate quia serese re? i si que Jesús ñee Pedro je ra. Co que tercera vez cote ra. Jesús ñee tres veces mose que Pedro ía eã tuchi ra. Pedro que ñee ee cote ra. —Mbae ereicua jate quia co, Sererecua. Achesecua tuchite sequia nderese co resẽ, i que Pedro ñee Jesús je ra. —Oveja raarõsa rã eico no. Seicuasa esaarõ turã nguia no. ¹8 Tacheẽ nyecua ndeje, Pedro. Ndeyasu mose que

ereico ndeirao mingue oso ngata chooño ndesose quiti ra. Nde amei mose ra ndechiba ereira cote. Mbia ra ndecua cote. Ndeso sere ãsa quiti ra mbia nderuruchoi cote, i que Jesús Pedro je cote ra. ¹⁹—Eĩ nda mbia Pedro iquia, i chỗ Jesús re. —Eĩ nda Pedro Dios quirãcuã ndeacuquia mbia je, i chỗ Jesús re. —Eico serui, i que Jesús Pedro je cote ra.

Ae uchimbaaquiatu rese Jesús nyesecua tuchi

20 Pedro que uba mae serese cote ra. Se rei Juan. Jesús nyesecua tuchi rei se. Se chõ ngue acoi huĩ quiaru Jesús jii aque isa resẽ. Se chõ ngue "¿Aba ra nemee mbia icuã je re?" ae Jesús je resẽ. ²¹ Pedro que mae serese cote ra. Ñee ngue Jesús je cote ra. —¿Mañi ite ra mbia quia Juan je re? i que Pedro Jesús je ra. ²² Jesús que ñee ee ra. —¿Mbaete ere? Serui chõ eicochõ nde. "Sechube mose chee ra Juan manoã", se i mose, manoã ndae. Eico chõ serui nde, i que Jesús Pedro je ra. ²³—Juan nda manoã mbeichĩ nde, i que Jesús icuasa Juan nii cote ra. Jesús cheẽ abi chốchĩ. —Juan nda manoã, ire rocoĩ Jesús nyii. —Se cheẽ mose ra manoã, i chỗ ndei ngue Jesús re. —Juan nda manoã, i ãte que Jesús ra.

Juan ñimbesa hui bei

²⁴ Jesús chimbaaquiatu chõ se re. Se chõ ã ambesa ja nguiã. Amae jate que se quia Jesús chisaã ndese ra. Acheẽ ñooño eãte se quia ã mbesa mbesa co. ²⁵ Jesús chisaã saã tubiriãte quia ñene. Ambesa ja aroneãte quia a. Jesús chisaã saã mbesa ja mose, eĩ ndei ra papel mbesa ji mbia recua mbiitayã jate. Amén.

LOS HECHOS DE LOS APOSTOLES

Espíritu Turã nda tu, i Jesús

1-2 Ambesa que ndeje nyii, Teófilo. Arembiirandu ja que Jesús chiao rese. Ereco mose íbii. Jesús que mbia mbaaquiatu quiatu ereco mose íbii ra. Dios que equerao bei jiri ibate cote ra. Ũquĩ ngue asenei senei ndeje nyii ra. Oso nonde ibate que uchee nenei nenei sacua irabo ra. Uchiirabo que embaaquiatu quiatu ra. Siqui que Espíritu Turã ndese mbia mbaaquiatu quiatu ra. Eaquiatu que esecha oso ibate cote ra. ³Manonde que eru si nyecua ũquĩ je ra. Oso nonde ibate. Ngueco que eteacuquia cuquia si ee ra. Cuarenta días que eriqui nyecua nyecua bei uchi mbaaquiatu je ra. Dios rese que eriqui embiirandu randu ra. Dios rei ererecua tuchi. Ae rii eriqui embiirandu randu. 4Jesús oso nonde ibate que eriqui ñee ñee uchimbaaquiatu je ra. —iJesochi nda sucha tubiria sɨ jẽ! iJẽsochɨ nda Jerusalén sɨ jẽ! iPaba cheẽ nguire jengu Espíritu Turã ndaarõ aa je! "Espíritu Tura tamondo jeje", i que Paba jeje ra. Aque rii ngue achee jeje nyii rese, i que Jesús ee ra. 5—I je que Juan bautizar i mbia je ra. Namo jiri ra Espíritu Turã ndu. Ae ra ique jeñiangui re. Ei nda Espíritu Turã bautizar i jēje. I je eã cote. Espíritu Turã nda ique chõ jeñiangui re cote, i que Jesús uchimbaaquiatu je ra.

Jesús oso ibate

6Emo mose que Jesús chimbaaquiatu ñee ee ra. Jesús oso nonde ibate. —¿Manose ra urererecua ishonda erembutiã ure si re? Israel jenda rei ure. ¿Namo nda ure mo eremii urererecuarã nde? i que mbia Jesús je ra. 7Jesús que ñee ee ra. —Manose chō ndae. Paba mii eicua. Mbia eicuayã. Jē nguia jēicuayāte nguiā no. Manosete chō ndae. 8iCo rese chō jendua jē! Espíritu Turã nda tu jēje cote. Ae ra jembuquirācuã. Ae ra jembucheē ñee seriī. Jē nda jēingo serenei nenei tuchi cote. Serenei nenei Jerusalén jenda je. Judea jenda je abe no. Samaria jenda je abe no. Mbia mangue

HECHOS 1 216

chooñoa jenda ja je abe no. Ũquĩ ja je jẽingo serenei nenei, i que Jesús ra. ⁹Ñeende que Jesús si ibate cote ra. Uchimbaaquiatu resa rae que esi erecha ra. Ibeishĩ ngue embuchecuayã cote ra. ¹⁰Echimbaaquiatu que soboiba bei u mae ibei rese ra. Ibei rese mae mose que mbia nyeremo ngaẽ erea ra. Ibate si. Huee que echi ra. Eiraoshĩ tuchi que ngaẽ ejii ra. ¹¹Ibatenda que ñee ee ra. —Galilea jenda, ¿mbaerã jengu beite mae ibei rese a re? Jesús oso quia ibate nae, ae si ra tube no. Jemae ngue u eso rese nae, eĩ si ra u íbii no, i que ibatenda ee ra.

Dios que Matías irabo ra

¹² Jesús chimbaaquiatu que nyoi nyebi hue recha ra. Monte de los Olivos recha. Nyoi que sucha tubiriã Jerusalén cote ra. Aichi jiri. Monte de los Olivos rei Jerusalén ndurubi. ¹³ Ngasẽ ngue Jerusalén nda. Nyoi que uchuchúaa cote ra. Ã ja que ra. Pedro. Juan. Jacobo. Andrés. Felipe. Tomás. Bartolomé. Mateo. Alfeo riirī. Jacobo, i ee. Simón el Cananista. Judas. Jacobo riirī ndei Judas. ¹⁴ Ūquī ja que ñumunua mbei bei quia ñee ñee Dios je ra. Ari abe no. Acuani abe no. María abe no. Jesús si rei María. Jesús nongue abe no. Ũquī ja que ñumunua mbei bei quia ñee ñee Dios je ra.

¹⁵Emo jiri mose que Jesús icuasa ñumunua ja ra. Ciento veinte que ra. Pedro que uã ñee ee ra. ¹⁶—Seandu rã se, Seresenda. iSã embesa ji ñee ñooño eã ño jē! Cose que Espíritu Turã ñee Judas rii nda. David que embesa Espíritu Turã ñee nguire ra. Judas rii. Judas rei Jesús reacuquiasa mbia icuã je. Jesús rerao nonde iquia. ¹⁷Jesús que Judas irabo rei nyii ra. Nanderesendacuã. Nyebe rei Judas nanderesenda nyii. ¹⁸Judas que mbae isiquia isi icuã nda. Mbae isiquia je que ibi mo isi ra. Hue ereco mose que mano nda. Ibate si eru ngoi mano. Uãquí nguiti que eru ngoi ra. Erie que oo ra. Echiique mburiri. ¹⁹Jerusalén jenda que jirandu ja erese ra. Acéldama, i que hue ibi je cote ra. Mbia ruqui rua, i chõ nguiã hue je. Ecoisa ibi je. ²⁰I ñi embesa ji Salmos nde:

Sã echuchua oreã mbei.

Sã mbia mo ndiquíã mbei equi re.

Sã eriquicharomba riqui Dios cheẽ nenei nenei cote, i que embesa ji Judas rii nda. ²¹Emo nandeirabo Judas riquicharõ. Mbia chi bei quia nanderese nae. Jesús nandembaaquiatu quiatu bei mose. ²²Juan mbia mbiirandu randu mosenda bei. Dios Jesús querao chee quia ibate. Ae siqui beite quia nanderese nae, ũqui mo nandeirabo nanderesendacuã. Jesús quera rese mbia mbiirandu randu sacuã, Judas riquicharõ, i que Pedro ñee ee ra. ²³Mbia nyeremo ngue etea cote ra. José Justo, i emo je. Barsabás, i abe ee no. Matías, i enongue je. ²⁴Jesús chimbaaquiatu que ñee Dios je cote ra. —Urererecua, aba chiã ereicuate quia co. Ã nyeremo ndiqui ã. ¿Aba ndechiirabo re? ¿Aba ereirabo

urembirõ sacuã nde? ²⁵¿Aba eretea ndechimbaaquiatubirã nde? ¿Aba eretea Judas riquicharõ nde? Ae hui quia ndecheẽ si. Ae oso quiachã ndesi cote. ¿Aba eretea eriquicharõ nde? i que Dios je ra. ²⁶Sita que embaba mbaba o ye cote ra. —¿Aba Dios chiirabo re? i ñene. Eĩ ngue Matías irabo ra. Dios que Matías mingo Jesús chimbaaquiatu rese cote ra. Mbia once mbirõ. Docerã. Doce que Jesús chimbaaquiatu cote ra.

Espíritu Turã tu Jesús icuasa je

¹Fiesta de Pentecostés mose que Jesús icuasa chi ja ñumunua nda. Hue mii ngue echi ja ñumunua nda. ²Ibei rieu que embuate ra. Ama ndieu raanguia. Tuchua mbieu tuchi Jesús icuasa je. ³Tata rendi raanguia que tu nguichi eãquĩ ndes e ra. Jesús icuasa ãquĩ ja rese. ⁴Espíritu Turã ngue ique tuchi hue jenda chiangui re ra. Ique ja que Jesús icuasa chiangui re ra. Mbia que echeẽ ata mo saã saã cote ra. Echeẽ uchianuã ngue esaã saã nda. Espíritu Turã nguia rei embucheẽ echeemo. Mbia cheẽ mbuae jaaja que cote ra.

⁵Aque mose que judíos tubiriã nyi Jerusalén nda. Ishonda tubiriã nyi huee. Mangue chooñoa jenda ja cho chi nguiã huee. Ũqui ndei Dios chee mumbasa reã judíos ataque rã si. 6 Ibei rieu andu mose que ũquĩ ngaẽ uchã nda. Nyuruira tuchi eandu. Jesús resenda mbia chee mbuae saa saa ja chochi nguiã u. Espíritu Turã ño ngue embuche enguiã. Mbiamo ñee icuasa reã ndaque. Mbia que uchee ñandu ñandu ja u ra. Jesús icuasa ñee mose. Nyebe que mbia chi nguiã nyuruira eandu. 7Mbia nyuruira ja eandu. —¿Mañi equia mbiamo ñee icua ja re? Galilea jenda acho ño ndaque ã, i tuchi que mbia u nyuruira eandu ra. 8-11—¿Mañi equia nande ja chee naa naa ã nde? Nandechee Jesús icuasa saa jaaja chochi nguia a. Partia jenda chee esaã saã ñochĩ nguiã ã. Media jenda cheẽ abe no. Elam jenda cheẽ abe no. Mesopotami a jenda chee abe no. Judea jenda chee abe no. Capadocia jenda cheẽ abe no. Ponto jenda cheẽ abe no. Asia jenda cheẽ abe no. Frigia jenda chee abe no. Panfilia jenda chee abe no. Egipto jenda chee abe no. Libia jenda chee abe no. (Cirene ndobei.) Roma jenda chee abe no. (Roma jenda mo ndei judíos. Roma jenda ataque rei judíos eã.) Creta jenda chee abe no. Arabia jenda chee abe no. Jesús icuasa ũquĩ ñee saã saã ja chochĩ nguiã ã. Nandechee esaa saa ja chochi nguia a. Jesús icuasa riquichi nandechee naa naa tuchi Dios chiao tură nenei nenei ă, i ja que mbia uchee andu jaaja mose. 12 iate que mbia u nyuruira eandu ra. Ndua ndua tuchi que u eandu ra. — Mañi equia ñee a nde, i nyue. Jesús icuasa mbia chee mbuae naa naa mose. ¹³Emo emo ngue ñee icuã icuã Jesús icuasa je ra. —Quiacua chỗ eriqui nguiã ã, i raque Jesús icuasa rii.

Pedro ñee mbia je

¹⁴Pedro que uã ñee mbia je cote ra. Nguesenda once rese que echɨ uã ñee mbia je ra. Tasẽ jiri ñee ee. —iSeandu ja u jẽ! Tacheẽ jẽje, Jerusalén

jenda. Judea jenda abe no. ¹⁵¿Quiacua reɨ Jesús icuasa riqui jēje re? Quiacua eã ño ñene. Tenda que nyui ramote resẽ. Mbia quiacuasa eã ño huee tenda resẽ. ¹⁶Ã nii ngue Joel embesa mbesa cose ra. Dios cheẽ mbuchecuasa que embesa ã nii nda. Ei ngue embesa ra:

218

¹⁷ "Mbae ua jiri mos e ra Espíritu Turã amondo mbia ja je", i que Dios ra.

"Jendiirī nda secheē mbuchecua mbia je.

Acuanindu ra serea rea tuchi cuu.

Amei abe ra serea rea cuu no.

18 Aque mose ra Espíritu Turã amondo serimba ja je. Serimba ra secheẽ mbuchecua checua mbia je.

19 Mbia mae sayã nda asaã saã ibi ri no.

Eruqui rese ra mbia mae no.

Tata rese ra mbia mae no.

Tatashī ndese ra mbia mae no.

²⁰ Mbia rerecua tu nonde ra tenda ñimoo.

Eruqui rã nda nyasi mbia rerecua tu nonde", i que Dios ra.

²¹ "Ndeya eã ño serese, Sererecua", i mose emo ñee Dios je, aque ra Dios sirõ eicuã si,

i que Joel embesa ra. ²²Israel jenda, iseandu rã! Nazaret jenda rii aico ñee ñee jēje a. Jesús rii. Dios que Jesús mbuquiracua tuchi ra. Nyebe que Jesús mbia mae saya saa saa nda. Ũqui ndese que jemae nda. ²³ "Mbia icua nda seriiri iquia", i que Dios Jesús mano nonde ra. Jē nguia Jesús jēiquia tuchi nguia cote. Jē nguia jemee nguia mbia icua je. Eiquia nonde. Dios rane ngue jirandu Jesús rese ra. "Mbia icua nda Jesús iquia", i que Dios quia nyii ra. ²⁴Dios que Jesús mbuquera si ra. Jesús mano mbei aroneate. ²⁵David que Jesús chee senei cose ra. A ngue ñee nda:

Sererecua riqui sembui eã mbei co.

Eriqui bei serese co.

Mbae riqui sembusiquiche aroneate co.

²⁶ Nyebe seya tuchite riqui co.

Nyebe aico ñee turãte Dios rii co.

Semano mose abe ra Dios hui eã mbei sesi.

²⁷ Seaingue ra eresechayã semano mose, Sererecua.

Serete abe ra erembuquera si mingo.

Ndechesecuate aico co.

²⁸ Semingosa tuchi rei nde.

Sereco mose nderese ra seya tuchi,

i que David Jesús chee nenei cose ra.

²⁹Tacheẽ nyecua jẽje, Seresenda. Nanderu David que mano cose resẽ. Mbia que echati resẽ. Eatisa nandeicua ja quia co resẽ. ³⁰David rei Dios cheẽ mbuchecuasa. Dios que ñee ee ra. "Nderiirĩ mo nda Cristo. Ae ra

mbia rerecuară tuchi. Nderiquicharõ nda mbia rerecuabi tuchi", i que Dios David je cose ra. "Dios ñee ñooñoa tuchi chô nguiã", i que David ra. ³¹David que Dios cheẽ icuate quia ra. Nyebe que ñee Jesús riĩ nda. "Seaingue ra eresechayã semano mose. Serete ra erembuquera si mingo", nyebe David i nguiã Jesús riĩ. ³²Dios que Jesús mbuquera si ra. Ũquĩ ureicua ja quia ã. Nyebe ureico nguiã jembiirandu randu ũquĩ ndese ã. ³³Dios que Jesús querao ibate nyiese ra. Dios jii eriqui pee cote. Dios que Espíritu Turã mee Jesús je cote ra. Ucheẽ nguire que emee ee ra. Jesús riqui Espíritu Turã mondo ure je co. Ã Espíritu Turã nyisaã jeñandu ñandu quia ã. Espíritu Turã ndiqui ã mbucheẽ mbia mo ñee ã. ³⁴⁻³⁵David osoã ibate aque mose. Jesús riĩ ngue David embesa ra. Ã ngue embesa ra:

Dios que ñee sererecua je ra. "Ecoi sejii. Nde abe ra ererecua serese. Ae ndeucuayate quia nae, uqui je ra ndequiracua ateacuquia tuchi. Ndequiracua tuchi ra uqui si", i que Dios sererecua je ra, i que David embesa mbesa ra. ³⁶Jesús jembucha quia ira rese nae, ae si Dios mingo mbia rerecuara co. Ae nandesaaro aro nguia, ae si rei Jesús. Jesús rese teirandu ja, Israel jenda, i que Pedro nee ocote ra.

37 Mbia ia eã tuchite que Pedro cheẽ andu ra. Ñee ngue Pedro je ra. Pedro resenda je abe. —¿Mañi ure ra equia re? i que Pedro je ra. Jesús chimbaaquiatu ja je. 38 Pedro que echeẽ sibishorõ nda. —iJēicuã si jēhui rã jẽ! Sã bautizar ure jẽje Jesucristo riĩ. Dios jẽicuã mbutiã sacuã. Aquere ra Dios Espíritu Turã mondo jẽje. 39 "Espíritu Turã nda amondo jẽje. Jendiirĩ je abe ra amondo. Ishonda je abe ra amondo. Sechiirabo ja je ra Espíritu Turã amondo", i que Dios ñee nande je ra, i que Pedro Dios cheẽ nenei nda. 40 Eĩ ngue Pedro ñee ocote mbia je ra. Ñee turã ngue ee ra. —Mbia icuã achôte eriqui ibi jenda ã. Quiachã ja equia Dios si ã. Ũquĩ si jēhui chõ. Jẽ abe jẽquiachãyã sacuã Dios si, i que Pedro mbia mbaaquiatu ra. 41—iAe beite jẽ! i que mbia tubiriã Pedro cheẽ andu ra. Ũquĩ j e que bautizar i ra. Aque mose que mbia tres mil Jesús isi ra. 42 Ũquĩ abe que ñumunua nua nguia Jesús quiato ataque rese ra. Jesús chimbaaquiatu ñee ñee mose mbia je. Ñumunua nua ñee Dios je. Eturã mbei que eriqui nyue ra. Mbichae que eu eu quia ndua Jesús rese ra.

Jesús icuasa siqui turã nyue

⁴³Mbia que siquiche ja Dios si ra. Jesús chimbaaquiatu que Dios mbuquirãcuã nda. Nyebe mbia mae sayã naa naa tuchi nguiã. ⁴⁴Jesús icuasa que ñumunua nua mbei quia ra. Abei tuchi que eriqui nyue ra. ⁴⁵Umbae je que eriqui vender i tuchi ra. Mbae isiquia que emee mee nguia mbaecha reã je cote ra. ⁴⁶Ñumunua nua mbei que equia Dios chuchúaa ra. Quiaru quiaru que equia nyiese uchuchúaa ra. Dios rii ngue eriqui ñee turã turã nyue ra. Eya tuchi que eriqui Dios rese ra. ⁴⁷Dios rii ngue eriqui ñee turã turã nda. Mbia ataque que ñee turã turã nguia Jesús icuasa rii nda. Jesús icuasa que Dios mbeta mbeta bei quia ra.

HECHOS 3 220

Ecuatayã mbucherõ

Tenda nyeseco mose. Hue tenda bei que mbia riqui ñee ñee Dios ¹Emo mose que Pedro nyoi quia Dios chuchúaa ra. Juan ndese. je ra. ²Huee que amei mo ngatavã ndiqui bei huee ra. Echaacuquia mosenda bei eiquiei icua. Mbia que ecuruchoi choi bei quia huee ra. Dios chuchúaa. Eiquesa turã, i que hue eiquesa je ra. Huee que eriqui ecuatavã mii mii mbei eiquesa jii ra. Ache ache i sacuã mbia ique mose Dios chuchúaa. ³Dios chuchúaa nda Pedro ique nguiã Juan ndese chã. Ecuatavã ngue mae erese ache ache i ee ra. ⁴Pedro que nguesa mbui reã mae erese ra. Juan abe. —iUre rese emae jel i ecuataya je. 5 Eandu mose que mae erese ra. —Mbae mo nda emee seje reae, i mae nguiatu erese. ⁶Pedro que ñee ee ra. —Mbae isiquia eã ndaque sembae. Mbae mo nda asaã ndeje. Jesucristo quirãcuã nembuchero na mbucuata. Ehuã na ngata. Nazaret jenda quiracua nembuchero na, i que Pedro ee ra. 7 Pedro que eo isi ra. Mua ngue eo rese ra. Aque mosebe que ei nyerõ nda. Eiquieĩ abe nyero eo isi ruibe. 8 Ecuataya ngue jua asi cote ra. Ngata cuata que ra. Ique Dios chuchúaa ũquĩ ndese. Eya tuchi que ra. Oo oo tuchi que ra. faanye, i tuchi que equia Dios je ra. ⁹Mbia que mae ja u ecuatayã ngata rese ra. Ñee turã mose Dios je que mbia nyiisaquia u echee ndese ra. ¹⁰Mbia que nyuruira u mae erese ra. Mbia que eicua ja ra. —Ecuatayã ño aque re. Ache ache i beite que equia Dios chuchúaa, ae cho co re. i que mbia nyuruira tuchi mae erese ra.

Pedro ñee oco judíos je

¹¹Embucherõ ji que Pedro chiba isi isi quia ra. Juan chiba abe no. Mbia que ngae ucha mae erese ra. Nyuruira erea. Portal de Salomón, i eiquesa je. Huee que echi ra. 12 Pedro que mae mbia chumunua ndese ra. Ñee ngue ee ra. —¿Mbaerã jēingo nyuruirate mae erese re, Israel jenda? ¿Mbaerā jēingo nyurui rate mae urerese re? Ure ae eā ño Ecuatayā urembuchero nguia. Urequiracua ea Ecuataya mbucuata nguia. Dios quiarei uquiracuã mee ee embucherõ. Urecuata turã embucherõ eã nguiã. ¹³Dios rei nanderu rerecua bei. Abraham. Isaac. Jacob. Ũquĩ nderecua bei Dios. Dios ñee tură mbei nguiirī nii. Jesús rii. Ae que jemee icuă mbia je eiquia sacuã nda. "Jesús tambui", i mose Pilato, ũqui mose que jẽisi quiatu quiatu chốchĩ nguiã. 14 "Embui", jenye eã ñochĩ ngue Jesús tură nii nde. "Embui", jenye chôchi ngue mbia iquiasa rii nde. 15 Ei jenye chốchĩ ngue mbia mɨngosa ɨquia nguiã. Dios que embuquera sɨ ra. Equera si rese que uremae nda. Ã ureico mbia mbiirandu randu equera rese ã. 16 Ã jengu mae Ecuatayã ndese ã. Je Ecuatayã jeicuate rese. Jendesa rae que Dios embuchero nda. Ure Jesús ureicuate quia a. Nyebe Ecuataya mbuquirãcuã nguiã.

¹⁷ Jēaquiatuã ño Jesús jēiquia nguiã, Seresenda. Jenderecua aquiatuã ño Jesús iquia nguiã no. 18 Dios quia que uchee mbuchecuasa mbuchee cose ra. Cristo rii embuchee. "Mbia icua icua icua nda Cristo je. Cristo mbasi mbasi rae", i que embuchecuasa cose ra. Ũquĩ ñee nguire quia Cristo mbasi mbasi nguiã cote. 19 ¡Jēicuã si jēhui chō jē! Jemba rã Dios icha cuti. Dios jeicua mbutia sacua. Ei jenve mose ra Dios jembiate cote. ²⁰Dios ra Jesucristo mbuquichi imbu cote. Ae que emii jenderecua rã cos e ra. ²¹ Namo ño nda Jesús riquicho ibate. Dios mbae mbitiro ja mose ra eru cote. Ei ngue Dios chee mbuchecuasa ñiinda ñee nda. 22 Nyebe Moisés ñee nguiã nanderu cose ndare je. "Dios ra nanderesenda mo isi. Dios chee mbuchecua sacua. ¡Ae chee nda jemumba jirichi je! 23 Echee mumbasa ra Dios mbuquiachã nyesi", i que Moisés ñee nda. 24 Dios chee mbuchecuasa ja que mbia mbiirandu randu mbae rii nda. Ae riqui nyecua namo ã cote. Samuel nane ngue mbia mbiirandu randu ã nɨi nda. Samuel nduinda ja abe que embiirandu randu ã nii no nda. ²⁵ Jēje chō Dios cheē mbuchecuasa ñee ñee nguiã. "Seturate ra jendiiri ja je", i que Dios ñee nanderu ñiinda je ra. Jēje abe Dios ñee. Ucheē nda embuchebi eã. Dios que ñee Abraham je cose ra. "Nderiirī mo nda mbia mbia ja tuchi quia. Ibi jenda ra embia ja tuchi", i que Dios Abraham je ra. ²⁶Dios que nguiirĩ mondo íbii cote ra. Jē nane je que embu ra. Jembuturā sacuā. Jēhui sacuā jēicuã si, i que Pedro judíos je ra.

Ererecua paama i ja Pedro je, Juan abe je

4 ¹Sacerdotes que ngaẽ cote ra. Pedro ñee mbei mose mbia je. Juan abe ñee mose ee. Dios chuchua raarõsa abe que tu erese huee ra. Saduceos mo abe que ngaẽ erese huee ra. ²Ūquĩ paama i ja Pedro je. Juan abe je. Mbia mbaaquiatu quiatu mose chõ ngue paama i ra. —Jesús que quera si manonde ra. Eĩ nda mbia abe quera si, i que Pedro ee nyii ra. Nyebe ũquĩ ndiqui nguiã paama i ee. ³Nyebe eisi suruchoi nguiã policíaa. Eresaitõ ño emingue nguiã tarõ. —Isamami nguia nda nandechandu nguiã, i que ererecua nyue ra. ⁴Mbia tubiriã Dios cheẽ ñandu erenei nenei mose. Eatate que Jesús icua ra. Jesús icuasa rei cinco mil hombres.

⁵Isamami ngue mbia tubiriã ñumunua nda. Judíos rerecua que ngaẽ ñumunua huee ra. Amei abe que ngaẽ ñumunua erese ra. Embesasa abe que ngaẽ ñumunua erese no nda. Ûquĩ ja que ñumunua Jerusalén nda. ⁶Anás abe que chĩ erese ra. Ae rei sacerdote rerecua. Caifás abe que chĩ erese ra. Juan abe no. Alejandro abe no. Sacerdotes nducucha ja que chi ñimbaacua ra. ⁷Pedro que emii mbia ite re ra. Juan ndese. Mbia ñee ee cote. —¿Aba jembirãcuã nde? ¿Aba jembirãcuã nguia ecuatayã mbucuata nonde re? i que ee ra. ⁸Espíritu Turã ngue Pedro mbucheẽ cote ra. —Tacheẽ jẽje, mbia rerecua. Tacheẽ jẽ abe je, Amei. ⁹"Ecuatayã ndese urembiirandu rã", jenye chỗ nguiã ure je ã. "¿Aba jembirãcuã ecuatayã

mbucherõ nonde re?" jenye chõ nguiã ure je ã. ¹ºTacheẽ nyecua jēje. Sã mbia ureandu ja. Sã Israel jenda ureandu ja. A ecuatayã embucherõ ji riqui jendesa rae a. Jesucristo quirãcuã nguiarei embucherõ. Aque sí quirãcuã ño ñene. Ae jēiquia. Ae jembucha ira rese. Ae Dios mbuquera si. Aque quirãcuã ño ñene. Nazaret jenda quirãcuã. ¹¹ Ĥuaē nandechirirõ na ño Jesús re. Sañi nandeico mae mae Ĥuae nandechirirõ ndese no. "Aque chō ndei que eturã nda", sañi nandeico erirō i no. Eĩ nyee ra mbia Jesús ndiichã i no. Mbia ra eisi tuchi nguerecuarã cote. Jesús momboi isi. Eisire rocoĩ nyii. ¹² Aba mo eã ndei nanderirõsa nandeicuã si. Jesús ae nanderirō nguiã nandeicuã si. Dios aba mo abe mbu eã nguiã mbia rirō sacuã huiicuã si. Jesús ae ñene, i que Pedro ra.

13 Mbia rerecua nyuruira Pedro chee andu. —¿Mbaera eriqui siquicheate ñee nde? Papel ndesenda eã ndaque. Mbia ataque rã ño ndaque, i que ererecua nyue ra. Pedro rii. Juan nii. —Jesús resenda quia eriqui reae. Nyebe eriqui siquicheate nee nde, i nyue cote. 14 Hue que embuchero ji riqui huee ra. Nyebe mbia rerecua ñee icuã aroneate erii. 15 Ererecua ñee ja cote. —Sã Pedro choi use taicuee. Juan abe no. Nandechee nandechue nande ae, i que ererecua nyue ra. 16—¿Mañi nande ra Pedro je re? ¿Mañi nande ra Juan abe je re no? Pedro chimbuchero ndese mbia riqui jirandu randu jate ã. Jerusalén jenda riqui jirandu randu jate ã no. "Mbucheroã ngue ra", nande aroneate. ¹⁷Nandembusiquiche rã no. Ñee ñee sɨã nda equia Jesús rii ña. Mbia nda jiranua nguia mámbii chã. Jesús rese chã. "iJesús cheẽ nda jesenei senei sichi je!" nande ra ee, i que ererecua nyue ra. 18—Jenyu, i Pedro je cote. Juan abe je. —iMbia ra jembaaquiatuchi Jesús rii jë! iJesús ra jesenei seneichi mbia mo je je! i rei que ee ra. 19 Pedro que echee sibishoro nda. Juan ndese. —¿Aba chee nguia ra aba mumbaya nguia re? ¿Jeñee nguiatu ra aba mumbayã nguia re? Dios cheẽ aba mumba aroneate. ¿ł jēje re? 20 ¿Mañi nda aba umaesa reneiã nde? ¿Mañi nda aba uchiandu abe reneiã ne no? i que Pedro ee ra. Juan abe. 21 Ererecua ñee icuã Pedro je. Juan abe je. —Nandembusiquiche nandechesi, i raque. Hui cho ngue esi cote ra. Embasiã mondo cote. Ererecua ireite mbia tubiria si. Nvebe eiruã nuã eã nguiã. Pedro ecuatayã mbucherõ mose mbia ñee turã turã ño nguia Dios rii neae. Nyebe ererecua ireite riqui nguia esi. 22 Ae Dios mbuchero nae, aque amei. Cuarenta años que ae ra.

Urembusiquicheã, i equiato Dios je

²³Mbia rerecua hui ja Pedro si. Juan abe si. Nyoi nguesenda mbiirandu ja mbia rerecua cheẽ ndese. Amei ñee ndese. Sacerdotes cheẽ ndese. Nguesenda mbiirandu ja. ²⁴Eresenda eandu mose que ñee ja Dios je ra. Ñee nyecha ee. —Dios, urererecua tuchi nde. Nde rei mbae aosa. Ibei aosa. Ibi aosa. Ama abe aosa no. ²⁵Sã David erembucheẽ nderimba cose no. Sã ei erembucheẽ no:

¿Mbaerã ño mbia pare pare i ja re?

¿Mbaerã mbia riqui ndua ndua choonote mbae mo ndese re?

²⁶ Ibi jenda rerecua ja rei eɨcuã Dios je.

Mbia rerecua ja ñumunua icuã Dios je.

Ñumunua icuã ja eriirí abe je no. Cristo je,

sã David i cose no. ²⁷Eĩ si tuchi mbia rerecua quia ñumunua icuã Jesús je co. Nderiirĩ turã je co. Herodes. Poncio Pilato. Judíos. Judíos eã abe no. Ûquĩ ja que siqui icuã icuã nguia Jesús je ra. Ndechiirabo raque Jesús. ²⁸Eĩ ere que ñee cose, eĩ si eicuã nguia ã namo. ²⁹Echiisaquia echeẽ icuã ndese, Urererecua. Nandembusiquiche, i tuchi equia ure riĩ ã. Urembusiquicheã na, Urererecua. Urembusiquicheã ndecheẽ nenei nenei sacuã. ³⁰Ndequirãcuã embu ure je. Mbia rasi mbucherõ cherõ sacuã. Mbia mae sayã naa naa sacuã. Jesús riĩ. Nderiirĩ turã nii, i que Pedro resenda ñee nyecha Dios je ra. ³¹Ñeende Dios je que ibi nyere ee ra. Ñumunuásaa que ibi nyere mbia je ra. Espíritu Turã ngue ique tuchi echiangui re ra. Esiquicheãte que mbia mbiirandu randu Dios cheẽ ndese cote ra.

Jesús quiato abeichiã eã

³²Hue rĩ ja Jesús icuasa ndua ndua checha. Eicuasa tubiriã. Ndua ndua ja. —Sembae ae chỗ co re, i eã emo umbae je. —Nandembaerã ja chỗ ã nde, i umbae ja je nyue. ³³Jesús chi mbaaquiatu que mbia mbiirandu randu tuchi Jesús quera resera. Jesús que uquirãcuã mee mee nguia uchimbaaquiatu je ra. Dios que siqui tuchi erese ra. ³⁴⁻³⁵Mbae tiã eã ngue eriqui Jesús icuasa mo je ra. Tuchuacha que vender i jaaja uchuchua je ra. Ibicha abe que vender i jaaja umbae ibi je no nda. Mbae isiquia que emee mee Jesús chimbaaquiatu je cote ra. Jesús chimbaaquiatu que emee mee mbaecha reã ja je cote ra. Nyebe mbae tiã eãte riqui nguiã emo je. Jesús quiato mo je. ³⁶Sã José no. Bernabé, i Jesús chimbaaquiatu José je. Mbia mbiasa, i chỗ nguiã Bernabé i. Ae rei Chipre jenda. Levita mo ngue ae ra. ³⁷Ae rei ibicha. Ibi umbae je que vender i ra. Mbae isiquia que emee Jesús chimbaaquiatu je cote ra.

Ananías ñee ñooño

1 Ananías, i que emo je ra. Safira, i que eninisi je ra. Ũquĩ ngue vender i ibi mo je ra. 2—Mbae isiquia ataque nandembuchimi nandembaerã, i nyue. Eataque que emee Jesús chimbaaquiatu je cote ra. Eninisi abe que eicua ja ra. 3 Pedro que ñee Ananías je ra. —¿Mbaerã Satanás ndiqui ique ndechiangui re re? ¿Mbaerã erecheẽ ñooño Espíritu Turã je re? ¿Mbaerã ño mbae isiquia ataque erembuchimi nde? ¿Mbaerã ño ibi ribishoronda erembuchimi nde? 4 ¿Mbaerã ño ere? Ibi rei nembae vender i nonde. Mbae isiquia abe rei nembae. Mbia je rocoi

HECHOS 5 224

erecheẽ ñooñochĩ nde. Dios je chỗ erecheẽ ñooño nguiã, i que Pedro ra. ⁵Ananías eandu mose que esi ngoi mano nda. Eandusa que siquiche ja ra. ⁶Acuanindu mo ngue ngaẽ eraaque uma nda. Nguruchoi que nyati ra.

7Emo mose jiri que mano je ninisi ru ra. Tres horas. Jiranuãte que ngu rese ra. 8Pedro que ñee ee ra. —¿Manya rei ibi ribishoronda re? ¿Nderu ibi ribishoronda queru ja rei re? i que Pedro ee ra. —Ae. Ûquĩ ja chỗ nyeresẽ, ichỗiño ngue eninisi Pedro je ra. 9Pedro ñee ee cote. —¿Mbaerã ere? ¿Mbaerã jendua nduachĩ ũquĩ ndese re? Jeñee ñooñochĩ nguiã Espíritu Turã je. Ae nderu curuchoi nyati nae, ũquĩ nyi nderaarỗ arỗ a. Eiquesa ji a. A ecuaễ ndererao sacuã a, i que Pedro ee ra. 10Pedro cheẽ mose tuchi que esi ngoi mano nda. Ngu rã si. Pedro resa rae mano. Acuanindu que ique ja eraaque rea ra. Nguruchoi que nyati ra. Eru atiquia jii que eruruchoi nyati ra. 11 Jesús icuasa que siquiche jate ra. Eandusa abe que siquiche jate no nda.

Mbia mae sayã

¹² Jesús chimbaaquiatu que Dios quirãcuã teacuquia cuquia mbia je ra. Mbia mae sayã ngue esaã saã nguia mbia je ra. Milagros, i que ũquĩ je ra. Jesús icuasa que ñumunua nua ja quia eiquésaa ra. Portal de Salomón, i que eiquesa je ra. ¹³ Jesús icuasa riĩ ngue mbia ñee turã ja quia ra. Mbia ataque que siquichete ra. Nyebe ñumunua eã nguiã erese. ¹⁴ Jesús icuasa tubiriãt e que cote ra. Hombres tubiriã. Mujeres abe tubiriã no. ¹⁵ Erasi abe que mbia curuchoi choi quia ñeenda jie ra. Huee que eriqui eno eno ngua ye ra. —Sã Pedro aĩ ño ubi ubi erasi rese, i que mbia ñee Pedro ucua mose ra. ¹⁶ Jerusalén ndurubinda abe que ngaẽ nguã nguia ra. Erasi rurucuaẽ cuaẽ Jerusalén. Aba checuayã nyireco abe que ecurucuaẽ cuaẽ nguia ra. Dios que embucherõ cherõ ja quia ra.

Jesús quiato taro policíaa

17 Sacerdote rerecua que paama i ra. Saduceos mo abe que chi erese ra. Ũquĩ abe que paama i no nda. 18 Nyebe que Jesús chimbaaquiatu isi icuã nda. Tarõ ngue policíaa ra. 19 Isa que ibatenda mo nguichi ee ra. Angel. Etaronda que embuquiata ra. Jesús chimbaaquiatu que equerao itaicuee ra. Ñee nonde ee. 20—Dios chuchúaa jẽso. Mbia je mbiirandu randu tuchi Dios cheẽ ndese. Dios cheẽ ndei aba mingosa. Aque rese mbia jembiirandu randu, i que ibatenda Pedro je ra. Juan abe je. 21 Jesús chimbaaquiatu eandu mose que echoi Dios chuchúaa ra. Mbia mbaaquiatu quiatu que echoi ra. Isamamimbe cote. Isamamimbe echoi mbia mbaaquiatu. Sacerdote rerecua que "jenyu" i mbia rerecua ja je ra. Sacerdote resenda abe. Amei je abe ñee. Ñumunua ja u nyiese. Ñee ngue policía raarõsa je cote ra. —Jēso policíaa. Jesús chimbaaquiatu jendu rã ure je, i rei que ee ra. 22 Ecuasẽ mose policíaa que Jesús chimbaaquiatu

oreã no ee ra. Ae nyebi cho ecuae nguia sacerdote rerecua mbiirandu. Ñee ee. ²³—Puerta ata ngue chi ndei nguia ure je. Soldados ngue chi rei nguia itaicuee. Eraaro ndaque. Ureequia rei ngue re. Eorea ngue ra. Jesús chimbaaquiatu oreate que ure je ra, i que ra. ²⁴Sacerdote rerecua que nyuruira eandu ra. Dios chuchua raarosa abe nyuruira eandu. —¿Mañi mañite equia re? i que u nee nee nyue ra. ²⁵Emo ngue tu nee ee cote ra. —Huee que jenyitaro nyi Dios chuchúaa ra. Mbia mbaaquiatu quiatu, i que embiirandu ra. ²⁶Eandu mose que Dios chuchua raarosa nyoi erea ra. Nguesenda rese echoi erea. Curucuae ja nguerecua je. Curucuae tura. — Mbia tubiria nda sita mombo mombochi nande je, i nee. Nyebe eicua ea ee.

27 Jesús chimbaaquiatu que ecurucuaẽ mbia rerecua je ra. Sacerdote rerecua que ñee ee cote ra. ²⁸—"iMbia ra jembiirandu randuchĩ Jesús rese jẽ!" ure rei que jẽje. Urecheẽ jemumba chốchĩ. Jerusalén jenda ja jembiirandu randu chốchĩ nguiã. "Jesús iquiasa chố ũquĩ nde", ijenyechĩ nda ure riĩ jẽ! i que sacerdote rerecua Jesús chimbaaquiatu je ra. ²⁹Pedro que echeẽ sibishorõ nda. Nguesenda rese echeẽ ndibishorõ. —Dios cheẽ nguia aba mumba aroneate nguiã. Mbia cheẽ nguia nda aba mumba jiri nguiã ña. ³⁰Jẽ nguia Jesús jembucha nguiã ira rese. Eiquia sacuã. Dios que embuquera si ra. Nanderu rerecua que embuquera si ra. ³¹Dios que nguiirĩ mingo mbia rerecuarã tuchi cote ra. Ujii bei que emingo ra. Mbia rerecuarã. Mbia rirõ sacuã eicuã si. Israel jenda mbui sacuã huiicuã si. Dios eicuã mbutiã sacuã esi. ³²Ũquĩ ndese que uremae ja ra. Nyebe ureico nguiã mbia mbiirandu randu ã. Espíritu Turã abe mae ja erese. Nyebe a e abe riqui nguiã mbia mbiirandu randu co. Dios quia Espíritu Turã mee mee nguiã ucheẽ mumbasa reã je, i que Pedro ra.

³³Ererecua que paama i ja Pedro chee mose ra. Nyebe eriqui nguiã eiquia ja serı̃te. 34 Fariseo mo abe que chı̃ erese ra. Gamaliel, i que ee ra. Ae abe que ererecua ra. Mbia chiicua jat e que ae ra. Mbia mbaaquiatu quiatusa que ae ra. Dios chee nenei neneisa que ae ra. Ae que juã ñee nda. —Jesús chimbaaquiatu jemondo mbiirí conose itaicuee, i que ra. ³⁵Ñee ngue ererecua uataque je cote ra. —Tacheẽ jẽje, Israel jenda. iJendua tuchi jẽ! iJẽocochĩ nda Jesús chimbaaquiatu rese jẽ! 36 ¿Teudas si jetesarei re? ¿Jendua eate quia erese re? Teudas quiatu ucuasu saa saã nguia resẽ. Erimbarã tubiriãte chee. Cuatro cientos chee erimba. Mbia Teudas iquia chee. Teudas mano nyee. Erimba que sasei sasei ja chee. Erimba que ua ja ra. ³⁷ Aquere que Judas abe riqui ra. Galilea jenda. Censo mose. Mbia que siqui jate erui no nda. Erimbarã. Ae abe que mano cote ra. Erimba abe que saseí saseí nda. Erimba que ua ja no nda. 38 Nyebe ã jeteacho. Jesús chimbaaquiatu jeteacho. Sã ae ae quia ua, Dios siquiã mose erese. 39 Dios quirãcuã siqui mose erese ra nandesiquisã aronea. ¿Mañi nande ra eriquisã nde? ¡Jesús rimba nandeteachõ ño je!

Dios quiracua nguia siqui rei erese. Dios je ra nandeicua abareate, i que Gamaliel ra.

⁴⁰Gamaliel cheẽ nduɨ sɨ chỗ ngue ererecua siqui ja nguiã cote. — Jenyu, ɨ nguiã Jesús chɨmbaaquiatu je cote. Iruã nua cote. —iMbia je ra Jesús cheẽ jẽsenei senei sɨchɨ core jẽ! ɨ rei que ee ra. Ererecua que huɨ esɨ cote ra. ⁴¹Jesús chɨmbaaquiatu que nyoɨ mbia rerecua recha cote ra. Eyate que nyoɨ ra. —Jesús rɨɨ no ureɨruã nua nguiä, ɨ que ra. Eya tuchɨ chỗ ngue ra. ⁴²Mbia que embaaquiatu quiatu beɨ ra. Jesucristo rɨɨ mbia mbiirandu randu beɨ. Mbia chuchua que embuchesea sea quia mbia mbiirandu randu Jesús rɨɨ nda. Dios chuchúaa abe mbia mbiirandu randu.

Mbia siete irabo mbia mbuquiaru sacuã

¹Jesús quiato tubiriãte que cote ra. Ae griego chee saa nguia, ũquĩ ngue paama i ra. Ae judío chee saa nguia, ũquĩ je que paama i ra. Jesús quiato ja raque. —Ureresenda eru cheecha ja ngue jembuquiaru icuã icuã nochi nguiã, i que griegos judíos je ra. 2 Nyebe Jesús quiato rerecua mbia munua nguiã. Jesús quiato munua ja. Ñee sacuã ee. —Ã ureico Dios chee nenei nenei mbei mbia je ã. Urehui aronea tuchi quiarei Dios chee si. Mbia urembuquiaru quiaru aroneate. Dios chee nenei nenei ndocoł. ³Nyebe Jesús quiato siete cho jeirabo. Mbia mbuquiaru sacua. Mbia chiicua siete cho jeirabo. Hombres aracua cho jeirabo. Espíritu Turã ndesenda tuchi chỗ jẽirabo. Sã ũquĩ ño mbia mbuquiaru quiaru quia. 4Ure quiatu ra urechee mbei quia Dios je. Ure quiatu ra Dios chee uresenei senei mbei quia mbia je, i que Jesús quiato rerecua ra. ⁵—Coche ñene, i jat e que Jesús quiato ra. Nyebe que siete irabo ra. Esteban irabo. Ae rei Jesús quiato tuchi. Ae rei Espíritu Turã ndesenda tuchi. Felipe. Prócoro. Nicanor. Timón. Parmenas. Nocolás. Ũquɨ ja que eirabo ra. Nicolás ndei Antioquía jenda. Judío eã ngue ae ra. 6 Curuchoi ja que Jesús quiato rerecua je ra. Jesús quiato rerecua que o chono ñono ja ũquɨ ãquĩ arõ nda. Ũguĩ siete ãguĩ arõ. Ñee ngue Dios je cote ra. 7Mbia tubiriã ngue Dios chee isi isi quia ra. Jesús quiato tubiria tuchi que mbia Jerusalén jenda cote ra. Sacerdote tubiriate abe que Jesús quiato cote ra.

Mbia icuã tuchi Esteban je

⁸Dios que siqui tuchi Esteban ndese ra. Dios quiracua ngue siqui tuchi erese ra. Nyebe eriqui nguia mbia mae saya naa naa tuchi mbia je. ⁹Mbia emo emo ngue paama i Esteban je cote ra. Esclavos Libertados, i que mbia chumunuasa mo je ra. Hue jenda que paama i ee ra. Cirene jenda abe no. Alejandría jenda abe no. Cilicia jenda abe no. Asia jenda abe no. Úqui jate que paama i Esteban je ra. ¹⁰Úqui ngue Esteban ñee sobeishi aroneate quia ra. Espíritu Tura nguia Esteban mbaaracuate nguia. Espíritu Tura nguia Esteban mbuch ee aquiatute nguia. Nyebe üqui ndiqui

Esteban ñee ndibishorõ aroneate. ¹¹ Paama isa que mbae isiquia mee mbia mo je ra. Ñee ñooño nonde Esteban nii. —Esteban ngue ñee icuãte Moisés rii nda. Esteban ngue ñee icuãte Dios rii no nda, ichôiño nonde Esteban nii. ¹² Ñee ñooño je que mbia mbiicuãte Esteban je ra. Amei abe mbiicuãte Esteban je no. Embesasa abe mbiicuãte Esteban je no. Nyebe mbia Esteban isi suruchoi nguiã ererecua je. ¹³ Ñee ñooño je que ñee icuã si Esteban nii huee no nda. —iEsteban ngue ñee icuã icuâte quia Dios chuchua rii nda jē! iDios chee nii abe que Esteban ndiqui ñee icuã icuâte ra jē! ichôiño Esteban nii. ¹⁴—iEsteban ñee ngue urechandu ra jē! "Jesús ra Dios chuchua mbucoi. Moisés chee nda Jesús mbutiã", ii que Esteban nda jē! ique ñee ñooño ererecua je ra. ¹⁵ Mbia que mae ja u Esteban ndese cote ra. Ererecua abe que mae ja u erese ra. Ibatenda nduba rã tuchi quiarei Esteban. Eruba nininya tuchi quiarei ũqui mose.

Esteban ñee mbia je

¹Sacerdote rerecua que ñee Esteban je cote ra. —¿Mbia ñee ñooño nguia nderii nde? i Esteban je. ²Esteban ngue ñee oco ee cote ra. — Tachee jeje, Seresenda. Tachee jeje, Amei. Dios Tura ngue nyecua u nanderu Abraham je ra. Abraham siqui mose Mesopotamia. Oso nonde Harán. ³Dios que ñee Abraham je ra. "Ibi mo nguia eso. Nderecua esecha. Nderesenda abe esecha ja. Ibi mo tateacuquia ndeje. Huee eso rã. Huee quia tereico", i que Dios ee ra. ⁴Abraham ngue oso nguecua recha ja ra. Ibi Caldea recha ja. Oso ibi mo. Harán, i que hue ibi je ra. Emo mose que eru mano ee ra. Aquere que Dios Abraham ndurucuae aa ra. A nandeico a. Aa que erurucuae nda. 5 Dios que ibi mo mee ea Abraham je ra. Ibi boque ñete mo mee ea tuchi ee. "Ibi tamondo nderiiri mbaera. Ndetia mose ra amee nderiiri je", i que Dios ee ra. Abraham nguiirī ndea eā mose qu e Dios ñee ee ra. 6"Nderiirī nda siqui ja rei mbiamo ndese. Ndetiámbaa. Mbiamo ndécuaa ra eriqui bei. Mbia icuã tuchi ra eriqui nderiiri je. Mbia rimbara nda nderiiri. Cuatro cientos años nda eriqui mbia rimbarã", i que Dios Abraham je ra. 7"Nderiirī mbuquiei quieisa ra ambasi mbasi. Ũqui mos e ra nderiiri cuae use aa. Aa ra ñee ñee turã seje aa cote", i que Dios ra. 8 Dios que ñee Abraham je ra. Abraham ngue Dios chee ñanducho ea nda. Nyebe Dios circuncisión ndeacuquia Abraham je cote. Erãcoi ire ai o ji je cho eriqui nguiã circuncisión, i ũqui je. Dios chee si embutesareia sacua ndei circuncisión. Nyebe Abraham circuncisión saã nguiirí je. Eitaquiei mose. Ocho días mose. Isaac, i que eriirî je ra. Isaac cuasu mose que ae abenguiirî tea ra. Jacob, i que eriirî je ra. Isaac abe que circuncisión saã nguiirí je no nda. Embutesareiã sacuã Dios chee si. Jacob abe que nguiiri tea ecuasu mose ra. Ae abe que circuncisión saã nguiirī je no nda. Doce eriirī. Ũquɨ ndei nandei cose.

⁹José, i que Jacob riirĩ mo je ra. José nongue que paama i ja José je ra. Nyebe José mee nguiã mbia rimbarã cote. Mbia que José isi suruchoi

HECHOS 7 228

Egíptoo ra. Huee ab e que Dios riqui tuchi José rese ra. 10 Mbia icuã mose José je, huee que Dios riqui eraarõ tuchi ra. José ia eã eâte que eriqui ra. Dios embaaracua tuchi. Nyebe mbia rerecua turate riqui nguia ee. Faraón, i Egipto jenda rerecua je. Ererecuabi tuchi que José riqui ra. Nyebe emingo nguiã ererecuarã. Egipto jenda rerecuarã. Nyebe emingo nguiã uchuchua jenda rerecuarã. ¹¹ Emo mose jiri que mbae tiã mbia je ra. Mbia chiură tiã ngue Egíptoo ra. Canaán abe mbia chiură tiã. Nandei riãcuã ja que eriqui cose ra. 12 Quiata a mbuae que Egíptoo ra. Jacob jirandu mose que nguiirī mondochoi erea ra. "Nandechiurā mo jēisi rã oso", i que emondochoi Egíptoo ra. Aque ramo tuchi que eriirî nyoi Egíptoo ra. Jacob ndiirī ndei nandei ja. 13 Aquere que echoi si uchiurã ndea ra. Aque mose cho ngue José nyecua nguiã ngongue je cote ra. Nyeb e Faraón José nongue icua nguiã cote. 14 José que ngõngue mondochoi ngu rea cote ra. Jacob, i que eru je ra. "Nanderu jendu rã. Jeninisi abe jendu rã. Jendiirī abe jendu rã", i que José ee ra. Curucuae ja que ra. Setenta y cinco que mbia ra. 15 E i ngue Jacob oso siri Egíptoo ra. Huee que eriqui bei ra. Mano nyee. Nandei ja abe que chi bei huee ra. Mano nyee. ¹⁶Emo mose que mbia Jacob quiangue ruruchoi Siquem nda. Ibicua rie que eno huee ra. Ae Abraham isi ibi nyii, huee que equiangue no nda. Huee que nandei quiangue no nda. Ae ibi Abraham isi quia Hanor ndiirĩ si nae, huee que equiangue no nda.

17"Cuatro cientos años nda nderiirĩ nyi bei Egíptoo. Aquere Ibi Canaán tamee ee", i quia Dios Abraham je nyii reaẽ. Cuatro cientos años ua jiri mose que nandei tubiriãte cote ra. 18-19 Aque mose que emo Egipto jenda rerecua rã cote ra. Ae que jiranuã José rese ra. Nyebe ngue eriqui nguiã nandei mbiirĩ irĩ. Eicuã tuchi que eriqui nandei je ra. "Jendiirĩ itãquieĩ jẽsecha chõ. Sã ae ae mano ja", i que ererecua nandei je ra. 20 Aque mose que Moisés nyaacuquia ra. Diosbi tuchi que Moisés ra. Nyaacuquia ramo mose. Tres nyasi que esi embutiarõ nyecuayã nda. Mbia rerecua si. Eru abe siqui embutiarõ nyecuayã. Eitãquieĩ mose. 21 Nguereco checuayã aroneate chee que ra. Nyebe ererecua riirĩ ngasẽ nguiã ee. Isi turã ngue ra. Mbutiarõ ngue nguiirina nda. Nyucuaaque que ererecua riirĩ nda. Ae que Moisés itãquieĩ mbutiarõ cote ra. 22 Nyebe Moisés mbaaquiatu tuchi nguiã Egipto jenda rã si. Earacua tuchi que ecuasu mose cote ra. I tuchi que ra.

²³Moisés que ndua tuchi uataque rese cote ra. "Taso rã israelitas rea", i que cuarenta años mose cote ra. ²⁴Oso que cote ra. Egipto jenda mo icuã icuã mose israelita mo je que Moisés si ngasẽ nda. Moisés que esiquisã nda. Iquia que ra. Egipto jenda iquia que ra. ²⁵Moisés que ñee uchiangui re ra. "Sere senda ra seisi turã. Seicuate rae. 'Dios chimbu chỗ tu nguiã co. Urerirõ sacuã a si', i ra seresenda seriĩ', i rei ngue Moisés uchiangui re re. Eresenda que eisiã ñochĩ nguiã. ²⁶Isamami nongue que israelitas

229 HECHOS 7

mo icuã icuã nyue ra. "Tacheẽ turã ee. ễ nda eturã si nyue", i rei que Moisés ra. "¿Mbaerã jẽicuã icuã ndiqui jenyue re? Nande ja chỗ nyeresẽ", i que Moisés ee cote ra. ²⁷Ae rane eicuã icuã ndiqui nyue nae, aque que ñee icuã Moisés je ra. Moisés maña mondo. "¿Aba nemingo ererecuarã nde? Urereachỗ ño ae", i que ñee icuã Moisés je ra. ²⁸"Ae ereiquia curi, ¿aque rã si ra seiquia re?" i que ñee icuã Moisés je ra. ²⁹Ã andu mose que Moisés si uchã nda. Ibimo. Madián, i que ibimo je ra. Huee que eriqui arete ra. Nguiirĩ nyeremo ngue etea huee ra.

³⁰Huee que eriqui arete ra. Cuarenta años. Emo mose que esi turuquia rī nda. Ibi ibate jii que eriqui ra. Sinaí, i que hue je ra. Huee que ira ruri riqui sendi ee ra. Tata rendi mbirõ ngue ibatenda mo nyecua ee ra. Angel que nyecua Moisés je ra. Ira ruri rendi ite re que nyecua ee ra. ³¹Moisés que nyuruira tuchi erea ra. Erurubi que mae tuchi erese cote ra. Dios que ñee ee cote ra. ³²"Dios chõ se re. Ndei rerecua chõ se re. Abraham nderecua. Isaac abe rerecua no. Jacob abe rerecua no. Ūquī nderecua ja chõ se re", i que Dios ra. Moisés que titi titi i ra. Siquichete que mae ndocoī erese ra. ³³Dios que ñeembe ee ra. "Ndeiyao esirõ na. Seturã ño se re. Sésaa ndeiyao esirõ. ³⁴Serimba rese aico mae mae mbeite Egíptoo co. Mbia icuã tuchite ee. Mbia embasi mbasi beite. Amae mae mbeite que erese ra. Echeseo seo rese que aico mae mbei ra. A achu erirõ sacuã a. Tasirõ eicuã si cote. Eso Egíptoo. Taremondo Egipto cote", i que Dios Moisés je cote ra.

35 Dios que Moisés mingo mbia rerecuarã cote ra. Mbia rirõ sacuã Egipto si. Mbae icuã si. Mbia que Moisés isi sereã nea nyii ra. "¿Aba nemingo urererecuară nde?" i que mbia Moisé je nyii ra. Ũqui si je que Dios Moisés mondo si ra. Ererecuarã. Dios que tata rendi ite renda mbucheẽ Moisés je ra. ³⁶ Moisés que mbia mae sayã saã saã nguia nandei je ra. Mbia mae sayã tubiriate que esaã saã nguia ra. Moisés que mbia curuchoi Egipto si cote ra. Curuchoi que Ama Irei ndasa ra. Moisés que mbia quereco bei turuquia rui ra. Cuarenta años. Mbia mae savã tubi riãte que esaã saã nguia ra. 37 Amei mose que Moisés ñee mbia je ra. "Dios ra jemo irabo uchee mbuchecua sacua jeje. Seraanguia si ra eirabo. iAque chee nda jemumbachi je!" i que Moisés israelitas je ra. 38 Moisés bei cho ngue ererecua ra. Moisés bei cho ngue nandei quereco quia turuquia ri ndese. Ae je cho ngue ángel nee ndese. Mbia chumunua mose Ibi Ibate Sinaí. Ibatenda mo ngue ñee nee u Moisés je ra. Moisés que ñee ñee nandei je cote ra. Ibatenda chee mbuchecua ee. Mbia mingosa chee nenei nenei mbia je. Nandei je. 39 Nandei que Moisés chee ñandu sereate quia ra. Echee mumba mumba. "Nyaso rei nyebi Egipto ae", i que equia ra. ⁴⁰Nandei que ñee ñee Aarón je ra. Moisés cutiã ngue ñee ñee ee ra. "Mbae raanguia mo esaã jiri ure je ae. Imagen. Urererecuarã. Ae je nda ureico ñee ñee jiri chã. Ae nda urererao Egíptoo chã. Moisés tiãte ure

je cote. Ae urereru Egipto si. Maranguiti chõ esi urerecha", i que mbia Aarón je ra. ⁴¹Nyebe que Aarón ticuasu raanguia raã ee ra. Imagen. Nandei que mbae iquia iquia ticuasu raanguia je ra. Eroo que emii ticuasu raanguia jii ra. Mendi que ee cote ra. Mbia ia tuchi que uchiao rese cote ra. ⁴²Ūquī icuã tuchi que Dios je ra. Nyebe Dios hui nguiã nandei si cote. Nandererecua, i chõchĩ mbia tenda je cote. Nyasi je abe no. Nyasi tata je abe no. Ūquĩ je chõ mbia riquichĩ ñee ñee. Ūquĩ mose que Dios ucheẽ mbu cote ra. Dios cheẽ mbuchecuasa que Dios cheẽ senei senei mbia je ra. Co rei embesa ji co:

230

Israelitas, ¿aba je jeingo mbae roo mendi mendi cose re?

Jēingo mose turuquia cuarenta años mose.

¿Seje cho jeingo mbae roo mendi mendi cose re?

43 Tei. Seje eã ñene.

Jenyiao je cho jeingo mbae roo mendi rese.

Tuchua ñetẽ jendaso raso bei chốchĩ.

Mbae aingue raanguia resebe. Moloc, i ee.

Aque je cho jeingochi nguia nee nee.

Seje ñee ñee ndocoi.

Nyasi tata je abe jẽingochĩ nguiã ñee ñee.

Nyasi tata rei Refán mbae.

Mbae raanguia jenyiao je abete que jeingo nee nee nda.

Nyebe ra jaemondo jembae ibi si.

Babilonia ndobei ra jaemondo.

Mbia rimbarã nda jaemondo,

i que Dios nandei je cose ra. 44 Nandei que chi arete turúquiaa ra. Aque mos e que nandei riqui tuchua rurucuata bei cose ra. Mbae ire que tuchuarã cose ra. Aque tuchuaqui re que mbia riqui ndua ndua Dios rese ra. Dios que tuchua nyao uquia Moisés je ra. "¡E¡ ere cho eao je!" ¡ que Dios Moisés je ra. Dios chee ndui si tuchi que Moisés eao ra. 45 Moisés manonde que Josué nandei rerecua cote ra. Ae que nandei curuchoi turuquia si cote ra. Ngasẽ nonde ibi mo je. Dios chimee, hue ibi je que ngasẽ cote ra. Nandei que guerra saã saã hue jenda je ra. Dios que mbia mombo ja hue jenda ra. Aque mose que nandei riqui tuchua ruruchoi bei ra. Tuchua, i cho nguiã mbae ire ao ji je. Aque tuchua que equereco bei quia ra. David abe mbia rerecua mose. 46 Dios que siqui tuchi David rese ra. David que ñee ee ra. "Tuchua cuasu tasaã ndeje", i rei ngue David Dios je re. Jacob nderecua rei Dios. ⁴⁷ David ndiirĩ nguiatu que tuchua saã Dios je ra. Salomón, i que eriirí je ra. 48 Mbia rã eã ndei Dios. Dios siquíã tuchi chỗ nguiã tuchuaqui re. Mbia chɨaoqui re. Dios cheễ mbuchecuasa que Dios chee saa nda:

⁴⁹ Se quia ererecua tuchi re.

Ibatenda rerecua abe rei se.

Ibi jenda rerecua abe rei se no. ¿Mañi nda mbia sechuchuarã ao re? Equi re ra aicoã ndesẽ.

⁵⁰ Se quiatu que mbae achao ja resẽ,

i que Dios nandei je ra. ⁵¹ Jeñia icuã ñochĩ. Jẽisayã ñochĩ. Espíritu Turã jẽisiteã teã ñochĩ. Jendu rã si chỗ Espíritu Turã jẽisiteã teã ñochĩ. ⁵² Jendu icuã bei que eriqui Dios cheẽ mbuchecuasa ja je ra. Jendu que Dios cheẽ mbuchecuasa iquia iquia bei quia ra. Ibatenda Turã nda tu, ae i quia cose nae, ũquĩ abe que jendu iquia iquia quia cose resẽ. Ibatenda Turã tu mose que jemee ñochĩ nguiã mbia icuã je ra. Eiquia nonde que jemee ñochĩ nguiã mbia icuã je. ⁵³ Dios que ángeles mbu rei jẽje ra. Ucheẽ nderu raque jẽje. Jẽ echeẽ mumbayã sacuã. Echeẽ ngue jemumba mumba bei chỗchĩ nguiã, i que Esteban ñee oco tuchi ee ra.

Mbia Esteban iquia sita je

⁵⁴Eandusa que paama i tuchi Esteban je ra. Esteban i quia seri. ⁵⁵Espíritu Tură ngue siqui tuchi Esteban ndese ra. Esteban ngue mae tuchi ibei rese mbia paama i mose ee ra. Dios Turã ndese que mae ibate ra. Jesús rese abe que mae nda. Jesús que chi jua Dios ji ee ra. 56 Esteban ngue ñee nda. —Jemae je. Ibei nyieguia rese ai mae a. Huee mbia rucucha ni jua Dios ji huee. Huee Jesús ñi juã Dios ji huee, i que Esteban nda. 57 Mbia que tasẽ tasẽ tuchi paama i ra. Huisacua que emitao ja Esteban ñee si ra. — Nandecua recua erese, i que o oe Esteban ndese ra. 58 Mbia que Esteban curuchoi sucha tubiriã si ra. Huee que sita mombo mombo erese ra. Sita mombo mombosa que huiirao mbui mbui acuanindu mo je ra. —Esaarõ, i que ee ra. Saulo, i que eieirao raarõsa je ra. 59 Mbia que sita mombo mombo Esteban ndese ra. Sita mombo mombo mose que Esteban ñee Ibatenda je ra. —Aque aso quia ndeje aque, Sererecua Jesús. Seisi cote, i que Esteban Ibatenda je ra. 60 Ngoi que nguíã ndese cote ra. Tasẽ tasẽte que ñee mombo mombo ra. —Sererecua, ã icuã ndaque seje. iErembasi mbasichi nda huiicua nii je! i que Esteban Jesús je ra. Esteban ngue mano cote ra.

Saulo icuã Jesús quiato je

1—Coche rei mano, i que Saulo Esteban mano mose ra. Aque mose tuchi que mbia icuã icuã tuchi Jesús quiato je cote ra. Jerusalén jenda. Jesús quiato que nyoi ja ñimbuchao Judea rī nda. Samaria rī abe que echoi ñimbuchao ra. Jesús chimbaaquiatu acho ngue chicho Jerusalén nda. ²Mbia turã mo ngue Esteban nyati ra. Nyeseo tuchi que eati mose ra. ³Saulo icuã tuchi que eriqui Jesús quiato je ra. —Jesús quiato tambutiã, i tuchi que Saulo quia ra. Nyebe eriqui nguiã mbia chuchua mbuchesea seate. Jesús quiato rea rea ererao sacuã taro policíaa. Saulo icuã tuchi que eriqui Jesús quiato je ra.

HECHOS 8 232

Samaria jenda Dios chee ñandu

⁴Ae uchã nyoɨ quia Jerusalén sɨ nae, ũquĩ ngue nyoɨ mbia mbiirandu randu tuchɨ quia Jesús rɨĩ nda. Mbia recua ja que eriqui nyoɨ nyoɨ mbia mbiirandu randu Jesús rɨĩ nda. ⁵Felipe que oso Samáriaa ra. Sucha tubɨrɨä mo. Huee que eriqui mbia mbiirandu randu Jesús rɨĩ no nda. ⁶Dios que Felipe mbuquirācuã nda. Mbia mae sayã ngue esaã saã nda. Mbia tubɨrɨä ngue nyiisaquia tuchɨ quia echeẽ ndese ra. ⁷Aba checuayã icuã ngue Felipe jea jea tuchɨ mbia sɨ ra. Aba checuayã icuã ngue tasẽ tasẽ nguia huɨ mose mbia sɨ ra. Felipe que mbia cuatayã mbucuata ja quia ra. Mbia umɨ sayã abe que embucherõ cherõ nguia ra. ⁸Nyebe hue jenda ia tuchɨ sucha tubɨrɨä jenda.

⁹Huee sucha tubiriã ngue Simón ndiqui ra. Brujo que ae nyii ra. Ae que mbia mbiirî irî tuchi quia nyii ra. Mbia Samaria jenda chiicua tuchi que ae ra. ¹⁰Mbia que nyiisaquia tuchi quia Simón ñee ndese cose ra. Mbia riirî abe que nyiisaquia quia echeẽ ndese ra. —Dios embuquirācuã tuchi quia co, i rei que mbia Simón nii nda. ¹¹Simón ngue mbia mbiirî irî tuchi quia brujería je ra. Nyebe que mbia riqui nyiisaquia tuchi eres e nyii ra. ¹²Huee que Felipe Jesús renei nenei tuchi cote ra. —Dios ra mbia rerecuarã tuchi, i que Felipe quia hue jenda je ra. Ũquĩ mose que mbia Jesús icua icua tuchi ra. Bautizar i que mbia atate je ra. ¹³Simón Brujo abe que Jesús icua cote ra. Bautizar i que ee ra. Felipe rui bei que eriqui cote ra. Felipe que mbia mae sayã saã saã nguia ra. Simón ngue nyuruira tuchi quia mae erese ra.

¹⁴—Samaria jenda riqui Dios cheẽ isi isi tuchɨ ã, ɨ que mbia Jerusalén jenda mbiirandu randu ra. Nyebe que Jerusalén jenda Pedro mondochoi Samáriaa ra. Juan abe mondo. ¹⁵Ngasẽ mose que ñee Dios je ra. — Espíritu Turã emondo rã Jesús quiato a jenda je, i que Dios je ra. ¹⁶Espíritu Turã iqueã mose hue jenda chiangui re que Pedro choi erea ra. Jesús rimbarã ño ngue mbia bautizar i nguiã ee nyii. Espíritu Turã iqueã no nguia echiangui re nyii reae. 17 Pedro que o chono Jesús quiato aqui aro nda. Juan ab e o chono earo. Espíritu Tura ngue tu Jesús quiato je cote ra. ¹⁸Simón ngue mae erese ra. O chono mose earõ. Espíritu Turã tu mose ee. Nyebe que mbae isiquia reacuquia Pedro je ra. Juan abe je. ¹⁹Ñee ngue ee ra. —Sembaaquiatu se abe. Ndequiracua embu seje. Sa se abe seo tachono ñono mbia arõ. Sã se abe Espíritu Turã quirãcuã tamee mee mbia je. Mbae isiquia tamee jeje jequiracua ndibishoro, i rei que Simón nda. ²⁰Pedro que ñee asi ee ra. —Sã mbae isiquia nembae quiachã ja. Nde abe equiachă tuchi. iDios ra uquirăcuă mee eă mbae isiquia ribishoro jel 21 Ndetura ea nochi ndechiangui re. Nyebe ra Dios uquiracua mee eã ndeje. 22 iNdeicuã si ehui rã je! Echee ñee Dios je. Sã Dios nendua icuã mbutiã ndesi. 23 iSã ndeicuã tuchi riqui ndechiangui re jē! Ndeicuã

aicuate quia co, i que Pedro ee ra. ²⁴Simón ngue ñee Pedro je cote ra. —Echee turã Dios je serii. Sã Dios seicua mbutia. i nda aquiachaya esi, i que Simón nda.

²⁵Pedro que Dios cheẽ senei senei nguia ra. Juan abe esenei senei no. Aquere que echoi nyebi Jerusalén nda. Ñeend a cua jenda que embuchesea sea sucha tubiriã nda. Samaria jenda mbuchesea sea Jesús renei nenei mbia je.

Carro yenda Dios chee ñandu

²⁶ Angel mo ngue tu Felipe je ra. Ibate si que eru nguichi ñee ee ra. — Eso chỗ turúquiaa. Eso chỗ ñeenda icoi Jerusalén icha. Gaza icha abe, i que ibatenda Felipe je ra. ²⁷ Felipe que oso Dios chee nguire ra. Echia o ji mo ngue esobeishi neenda cúaa ra. Etiopía jenda rei echia o ji. Ae rei ererecua resenda. Candace, i que ererecua je ra. Reina. Mbae isiquia Candace mbae que esaarõ arõ tuchi quia ee ra. Echia o ji oso quiatu quia Jerusalén nyii reae. Oso quia equia Jerusalén ñee ñee sacua Dios je nyii reae. 28 Uba que u quia uchuchua quiti cote ra. Carro ye que eru quia cote ra. Isaías chimbesa rese que eru quia mae mae carro ye ra. Dios chee. ²⁹Espíritu Tura ngue nee Felipe je ra. —Eso ra carro jii, i que ee ra. 30 Felipe que oso ra. Oso que Etiopía jenda andu ra. Isaías chimbesa rese que esi quia maemae nda. Nyebe Felipe ñee ee. —¿Isaías chimbesa checuate eriqui ndeje re? i que Felipe ee ra. 31—Tei. ¿Mañi ae ra eicua re? Aba mo eicuayate seje rese. Echui ra. Ecoi sejii. Sembaaquiatu ra se, i que carro venda ee ra. ³² A Isaías chimbesa rese que eriqui mae mae nda. à ndei e ã:

Nanderiquicharõsa rei oveja rã.

Mbia que oveja querao eiquiásaa ra.

Mbia que ovejara nyisia sia ra.

Oveja ñee ñeeã ee.

Ei ngue nanderiquicharosa nee neea huiiquia mose ra.

33 Nanderiquicharõsa turãte raque.

Mbia icuã tuchi ee. Mbia eiquiachõ.

Emosenda icuã tuchite ee.

Emosenda eiquia chee.

Nanderiquicharõsa siquíã ibi rī cote,

i qu e Isaías embesa ra. Embesa ji rese que Etiopía jenda riqui mae mae nda. ³⁴Etiopía jenda que ñee Felipe je ra. —Embesa ji embuchecua seje. ¿Aba rii Isaías riqui embesa mbesa re? ¿Mbiamo nii eriqui embesa re? ¿Ngũii eriqui embesa re no? i que Felipe je ra. ³⁵Felipe que embuchecua ee ra. Mbaaquiatu tuchi que Jesús rii cote ra. ³⁶Carro que ngasẽ ama moo cote ra. —iCo ama ñi co! ¿Aa ra bautizar ere seje re? i que Etiopía jenda Felipe je ra. ³⁷—¿Jesús ereicua quia cote re? Jesús icua tuchi mose

ra bautizar ae ndeje cote, i que Felipe ee ra. Etiopía jenda ñee ee cote. —Jesús aicuate quia co cote. Jesucristo rei Dios ndiirĩ. Aicua sequia co cote, i que ra. ³⁸Carro que embutiba cote ra. Nguichi que esi ra. Ama ndie que echoi ra. Felipe que bautizar i ee cote ra. ³⁹Usẽ ngue ama si cote ra. Espíritu Turã ngue Felipe querao hue si cote ra. Etiopía jenda que mae eã mbei Felipe rese cote ra. Etiopía jenda ia tuchi que oso ra. ⁴⁰Felipe que ngasẽ Azótoo ra. Sucha tubiriã ngue embuchesea sea ra. Mbia mbiirandu randu tuchi Jesús cheẽ ndese. Ngasẽ nyee que Cesarea ra.

Saulo uba ramo Dios icha rui

¹Saulo icuã mbei que eriqui Jesús quiato je ra. Taiquia ja, i rei que equia ra. Nyebe que esi ñee sacerdote rerecua je ra. 2— Papel embesa rã sechiraorã. Tarao Damáscoo. Judíos chumunua mose ereacuquia sacuã ee. Jesús quiat o hue jenda taru taru Jerusalén. Ecuasa taru taru quia etarõ sacuã policíaa. Mujeres abe taru. Hombres abe taru taru no, i rei que Saulo ñee icuã Jesús quiato rii nda. 3 Damasco rurubi mose que tata mo tu tuchi ee ra. Tata mo ngue tu tuchi ee ibate si ra. Tata que Saulo tesae tuchi ra. 4Saulo que ngoi oso íbii ra. Echee mo ngue echandu ra. —¿Mbaerã ndeicuate riqui seje re? i que ibatenda ñee ee ra. ⁵Saulo que ñee ee ra. —¿Aba nde re? i ee. Ibatenda que ñee ee ra. —Jesús rei se. Seje quia ndeicuate riquichi nguia. Ndeicua mose seje, nde sí chô ereico ñimbasi co. Sã ticuasu riqui nambacua mbuti no. Sã eriqui hui mbaba ira racua echi no. Ũquĩ na tuchi quiarei nde, i que Jesús ee ra. ⁶Saulo que titi titi i eandu ra. —¿Mañi ae ra seguia se re. Sererecua? i que Saulo Jesús je ra. —Ehuã. Eso sucha tubiriã. Huee ra sequiato mo seche e nenei ndeje, i que Jesús Saulo je ra. 7 Saulo resend a que siquiche tuchi ra. Echee andu mose. Mbia mo ndese que maea nda. Nyebe siquichete echee andu. 8 Saulo que jua ndei nguesa ira ra. Emae savă tuchi. Eresavă ngue ra. Nyebe que mbia eo isi suruchoi sucha tubiriă nda. Sucha tubiriã Damáscoo. 9Tres días que eresayã tuchi riqui ra. Aque mose que eresayã mbae mo uãte ra. Aque mose que yu eã no nda.

¹º Huee sucha tubiriã ngue Jesús quiato mo ndiqui ra. Ananías, i que ee ra. Aque nda Dios tea cuu ra. —Ananías, i nda Dios eque re ra. —¿Mbae? i nda Ananías e e ra. ¹¹—Eso rã Ñeenda Chaa Chaareã. Huee que Judas chuchua ñi nda. Huee eso Saulo rea. Saulo rei Tarso jenda. Hue eriqui ñee ñee seje hue. ¹² Saulo que nderea cuu ra. Ereso que ndeo no erese cuu ra. Eresa que erembucherõ cuu ra. Ûquĩ sí esaã oso ee, i nda Dios Ananías je ra. ¹³ Ananías que teã ndei ra. —Mbia Saulo icuã icua tuchi quia co, Dios. Eicuã tuchi Jesús quiato Jerusalén jenda je. Mbia sembiirandu ja quia co, Dios. ¹⁴A eru Jesús quiato isi ererao sacuã a. Ûquĩ je chõ sacerdote rerecua embu nguiã a. Uretarõ ja sacuã, i que Ananías Dios je ra. Esiquichete que Saulo si ra. ¹⁵Dios que ñee ee ra. —Eso chõ erea. Ae quia

airabo mingo serimbarã co. Ae ra Israel jenda mbiirandu randu secheë ndese. Ae ra mbia mangue chooñoa jenda abe mbiirandu randu secheë ndese no. Ae ra mbiamo nderecua abe mbiirandu randu secheë ndese no. ¹⁶Saulo secheë nenei nenei mose ra mbia embasi mbasi tuchi. Mbia icuã icuã tuchi ra ee serii mambi. Ũqui ndese Saulo tambiirandu, i que Dios ra. ¹⁷Ananías que oso cote ra. Dios cheë nguire. Ique que Judas chuchúaa ra. O que echono Saulo rese ra. —Seresenda ereico co cote, Saulo. Jesús que nyecua ndeje ñeenda cúaa, ae sí sembu quia ndeje co. Jesús sembu ndeje co. Espíritu Turã ique sacuã ndechiangui re. Nemae sacuã abe sembu co no, i que Ananías Saulo je ra. ¹⁸Aque mose tuchi que sira quiishi naanguia tu ngoi eresa si ra. Saulo que mae turã cote ra. Jesús quiato que bautizar i Saulo je cote ra. ¹⁹Saulo que quiaru ñimbuquirãcuã cote ra. Itô mocoi jiri que Jesús quiato rese huee ra. Damasco jenda rese itô mocoi.

Saulo Dios chee nenei namo

²⁰Saulo que oso oso quia Jesús renei nenei judíos chumunuásaa ra. —Jesús rei Dios riirĩ, i tuchi que equia mbia je ra. ²¹Mbia que nyuruira tuchi quia echeẽ andu ra. —Co chỗ Jesús quiato iquia iquia quia cose nye. Jerusalén jenda. Co chỗ tu a Jesús quiato rerao sacuã nye. Co chỗ Jesús quiato queraose rete quia sacerdote rerecua je nye. Ae Jesús quiato riqui quia namo co cote, i que mbia nyuruira Saulo rea ra. ²²Saulo quirãcuã tuchi que eriqui cote ra. Ererecua rã ño eriqui nguiã mbia mbaaquiatu quiatu Jesús rií. —Jesús rei Cristo. Ae jēsaarỗ arỗ nguia, aque rei Jesús, i tuchi que Saulo quia judíos je ra. Judíos Damasco jenda que Saulo cheẽ sibishorỗ aronea nda.

Saulo uchã judíos si

²³Emo mose jiri que judío rerecua ñee nyue ra. —iSaulo nandeiquia jẽ! i rei que ñee nyue ra. ²⁴Mbia mo ngue Saulo mbiirandu ra. —Nandeiquia, i nda mbia nderiĩ nda. Hue echi nyiquitirõ nderese eiquésaa hue. Isa abe echi nyiquitirõ nderese hue, i que embiirandu ra. ²⁵Itondaru mose que Jesús quiato mo Saulo mbuchemi nda. Nyuchã ngue iru ye ra. Iru resebe que embuquichi mondo etaronda robei ra. Muralla robei.

Saulo siquibe Jerusalén Jesús quiato ramo mose

²⁶Saulo que oso Jerusalén cote ra. —Taico Jesús quiato rese, i rei que ngasẽ nda. Jesús quiato que siquiche ja esi ra. —Saulo Jesús quiato saã saã ño nguiã nande je co, i rei que mbia ra. Nyebe siquiche rei nguiã esi. ²⁷Bernabé mii ngue Saulo isi turã nda. Ae que Saulo querao Jesús quiato rerecua je ra. Embiirandu tuchi Saulo rese. —Saulo que oso rei Damáscoo ra. Nandererecua Jesús que nyecua ee ñeenda cúaa ra. Jesús

HECHOS 9 236

que ñee ee ra. Saulo que siqui Jesús rui cote ra. Saulo que siquicheã nguia Jesús renei nenei Damasco jenda je cote ra, i que Bernabé uataque je ra. ²⁸ Aquere que Jesús quiato Saulo isi turã cote ra. Saulo que siqui are jiri Jerusalén cote ra. Hue jenda Jesús quiato rese que eriqui tuchi ra. ²⁹ Saulo siquicheã ngue eriqui Jesús renei nenei mbia je ra. Ae griego cheẽ saã saã nguia nae, ũquĩ je abe que erenei nenei nda. Ñee asi asi que Saulo je Jesús riĩ nda. Saulo abe que ñee tuchi ee Jesús riĩ nda. Nyebe mbia riqui nguiã "nandeiquia" i Saulo riĩ. ³⁰ Jesús quiato que jirandu erese ra. Nyebe Saulo ruruchoi nguiã Cesarea. Mondo que echuchúaa sí cote ra. Tarso, i que Saulo chuchua je ra. ³¹ Aquere que mbia icuã icuã eã Jesús quiato je cote ra. Judea jenda je. Galilea jenda abe je. Samaria jenda abe je no. Jesús quiato hue jenda que ñimbuquirãcuã nacuã ja ra. Siqui i i tuchi Jesús rese. Espíritu Turã ngue embeta mbeta ra. Etubiriã nyee. Jesús quiato que Dios cheẽ mumba mumbayã nguia ra.

Jesús quirãcuã Eneas mbucherõ

³²Pedro que mbia mbuchesea sea tuchi quia ra. Oso que Jesús quiato Lida jenda rea no nda. ³³Hue que umi sayã mo ndiqui ra. Ae ngatayã mbei quia ocho años. Nyaara bei chō ngue equia ra. Eneas, i que umi sayã je ra. ³⁴Pedro que ñee ee ra. —iJesús riqui nembucherō a jē! Ehuã na. Nderua abe enua, ique Pedro umi sayã je ra. Ūquĩ mose que nyerō nda. ³⁵Mbia que mae ja u umi sayã ngata rese ra. Nyebe que mbia Jesús icua ja cote ra. Lida jenda Jesús icua ja. Sarón jenda abe que eicua ja n o nda. Ngãmeĩ ñee si que hui Jesús isi cote ra.

Dios quiracua Dorcas mbuquera si

³⁶Dorcas, i que ari mo je ra. Jope jenda que ra. Dorcas, i que griego chee quiicua je ra. Jesús quiato que ae ra. Ae que etura mbei riqui mbia je ra. Ae que mbae mee mee mbei quia mbaecha reã je ra. ³⁷Dorcas rasi que eiquia cote ra. Mbia que eraaque mbuchasu ra. Mii ngue equesa nongue ibatenda ye ra. Segundo piso. 38 Pedro que siqui aichi ra. Lida, i que sucha tubiriã je ra. Nyebe que Jesús quiato mbia nyeremo mondochoi Pedro reru sacua nda. ³⁹Pedro que oso erese ra. Ngase mose que mbia eruruchoi equesa ibatenda ra. Dorcas raaque rese mae. Hue eru chiecha tubiri a nyi nyeseo eraaque res e hue. Dor cas chimee tubiria ngue eteacuquia cuquia u nyue hue ra. Mbia irao tubiriã ngue Dorcas chiao ra. ⁴⁰Pedro que mbia mbuse ja mondo taicuee ra. Ngũía ndese que ñee Dios je cote ra. Aquere que ñee eraaque je cote ra. —Ehuã na, Dorcas, i que ee je ra. Eraaque que nguesa ira mae Pedro rese ra. Nyuruã ngue ngoi cote ra. ⁴¹ Pedro que emua eo rese ra. Jenyu, i que Jesús quiato je cote ra. Eru chiecha ja je abe no. Ngaẽ ngue mae equera rese cote ra. 42 Mbia Jope jenda que jirandu tuchi erese ra. Nyebe que mbia tubiriã Jesús icua cote

ra. ⁴³Pedro que itõ moco i hue ra. Sucha tubiria. Simón curtidor chuchúaa que eriqui uque ra.

Pedro oso Cornelio rea

¹Soldados rerecua mo ngue sigui sucha tubiriã Cesaréaa ra. Italia jenda rei ũquɨ soldados. Cien ngue soldados ra. Cornelio, ɨ que soldados rerecua je ra. ²Ae que ñee ñee mbei quia Dios je ra. Ae que etură ndiqui Dios je ra. Mbae isiquia que emee mee tuchi quia mbaecha reã je ra. Echuchua jenda abe que eturã ndiqui Dios je ra. ³Tenda nyeseco ramo mose que Cornelio ibatenda mo ndea cuu ra. Angel. Echecua tuchi que ee cuu ra. Hque que echuchúaa ee cuu ra. —Cornelio, i que ñee ee cuu ra. 4Cornelio que mae quiatu tuchi erese ra. —¿Mbae ere, Sererecua? i que siquiche ñee ee ra. Ibatenda que ñee ee cote ra. —Co ereico ñee ñee mbeite Dios je co. Co ereico mbae mo mee mee mbeite mbaecha reã je co. Nyebe Dios ia tuchi riqui nguiã nderese co. 5 Huee que Simón Pedro mo ndiqui Jópee ra. Nderimba mo emondochoi erea. Ereru sacuã ñee ndeje. ⁶Huee eriqui Simón Curtidor chuchúaa huee. Am a ndisha rimia eriqui hue. Sã nderimba ecurucuae hue si. Ñee ñee sacua ndeje, i que ibatenda Cornelio je cuu ra. 7 Dios chimondo ibatenda que oso Cornelio recha cote ra. Cornelio que ñumumba cote ra. Jenyu, i que nguimba nyeremo je ra. Aque mii soldado je abe no. Ae rei Cornelio raarõsa. Ae que ndua ndua bei quia Dios rese ra. ⁸ Ũquĩ je que Cornelio uquereicuã nenei nenei ja ra. —Jeso Pedro reru Jope si, i que ee cote ra.

9-10 Isamami ngue Cornelio rimba ngasẽ Jope rurubi cote ra. Aque mose que Pedro chi tuchua arõ nda. Huee rei equesa no. Huee que Pedro chi ñee ñee Dios je ra. Tenda ibate mose que Pedro riãcuã nda. Echiurã ngue uchi ãte ra. Nyebe que uque u ra. Uchiurã naa mose. Equereicuã ngue cote ra. ¹¹ Ibei que nyiequia ee cuu ra. Tiru icoi que tu ibei si ra. Tiru chimangũiana isi ji que tu nguichi ee cuu ra. Echimangũiana isi ji ja. ¹² Mbae tubiriã ngue tu nguichi tiru icoi y e ee cuu ra. Mbae chumumbara tuchi. Quiaa riinda ja. Mbei abe n o. Nguireĩ abe no. Mbae ibi riinda ja tuchi que chi tiru ye cuu ra. ¹³ Pedro que echeẽ mo ñandu cote ra. —Ehuã na, Pedro. Emo eiquia ndechiurã, i que ra. ¹⁴—Tei, Sererecua. Urechiu eã ño ã ndesẽ. Ã mo ngue ureu eã mbei quia ra. Mbaeiae tuchi ure je judíos ja je, i que Pedro ee ra. ¹⁵ Dios que ñeembe ee ra. —iSechimee ndechiurã nda ereisiteãchĩ jẽ! i que ra. ¹⁶ Eĩ si que tiru icoi ru tres veces ra. Mbae chumumba ra ja resebe. Tiru que oso bei ibate cote ra.

¹⁷Pedro que ñumumba cote ra. Ndua ndua tuchi que uquereicuã ndese ra. Aque mosete que Cornelio rimba ngasẽ nda. —¿Ma Simón chuchua ma nde? i que ngasẽ nda. ¹8—¿Simón Pedro riqui a re? i que ra. ¹¹9 Pedro qu e ndua ndua beite quia uquereicuã ndese ra. Nyebe Espíritu Turã ñee

nguiã ee. —Mbia tres ngaẽ nguia nderequia co. ²⁰ Equichi. Eso rã erese. iEsiquicheã oso erese je! Se cho ngue ambu nderea rese, i que Dios Pedro je ra. ²¹ Pedro que nguichi u ee cote ra. Cornelio rimba je. —Serequia chõ jenyu nguiã co. ¿Mbaerã jeingo serequia re? i que Pedro ra. 22—Cornelio quia urembu nguiã nderea co. Ae rei soldados rerecua turã. Judío chiicua tuchi que ae ra. Eturate eriqui Dios je co. Angel que oso ñee Cornelio je ra. "Mbia emondo ra Pedro reru sacua. Pedro chee echandu ra", i que ángel Cornelio je ra, i que Cornelio rimba Pedro je ra. ²³—Jenyu rã ique. Jengue a, i que Pedro ee ra. Isamami ngue Pedro oso erese cote ra. Jesús quiato Jope jenda abe que nyoi erese ra. ²⁴Isamami ngue ngasẽ Cesarea cote ra. Cornelio que esaarõ arõ nguia huee ra. Nguesenda rese que eriqui eraarõ arõ nda. Nguiirī abe rese que eriqui eraarõ arõ nda. —Jenyu Pedro raarõ serese. Echee andu sacua, i nda nguesenda je nyii ra. ²⁵Pedro que ngasẽ oso Cornelio chuchúaa ra. Cornelio que oo erese ra. Aquere que ngoi ngũíã ndese ñee ee ra. Ibatenda Pedro riqui reĩ nguiã Cornelio je. 26 Pedro que ñee ee ra. —Ehuã na. Dios eã ño se re. Nderã si chỗ se re. Mbia chỗ se re, i que Pedro ra. ²⁷ Ñee ñee ngue equia nyue cote ra. Nyoi que ique mbia tubiriãsa cote ra. 28 Pedro que ñee ũquĩ je ra. —Se rei judío. Judío siqui aronea ndaque mbiamo ndese. Judío ique aronea mbiamo nyuchúaa. Ũquɨ jẽɨcua raque quia ã. Dios que ñee seje cuu ra. Dios que sembaaquiatu cuu ra. "Mbiamo abe que eturate riqui ra. Mbiamo ndese abe eico jiri", i que Dios seje ra. 29 Nyebe achu jei nguiã ndechee mose co. ¿Mbaera "echu" ere seje re? i que Pedro Cornelio je ra.

³⁰Cornelio que ñee ee cote ra. —Hue tenda bei aico ñee ñee Dios je co. Tenda nyeseco mose aico bei ñee ñee Dios je co. Se cheë mose que ibatenda mo ndu seje ra. Angel. Tu que seje hace cuatro días ra. Tirushî tuchi que ecunua nda. ³¹Ibatenda que ñee seje ra. "Cornelio, Dios ndecheë ñandu bei quia co. Dios mae mbei quia nderese co. Mbae mee ndese mbaecha reã je eriqui mae co. Dios riqui ndeicuate co. ³²Mbia mo emondo rã Jópee. Hue Simón Pedro ndiqui hue. Hue eriqui Simón Curtidor chuchúaa hue. Ama ndisha rimiã ndese eriqui hue. Sã nderimba mo erurucuaẽ aa", i que ángel seje ra. ³³Nyebe serimba amondo jei nderea. Coche erechu nguiã seje aa. Ndecheẽ andu sacuã ño urecu nguiã aa. Dios cheẽ esenei na ure je cote. Ae Dios mondo ndeje, erenei sacuã ure je, i que Cornelio Pedro je ra.

³⁴Pedro que ñee ee cote ra. —Judíos achō je eã ño Dios turã ndiqui reaẽ. Mbiamo abe chō ebi riqui reaẽ. ³⁵Mbiamo abe ireĩ ireĩ chĩ nguiã Dios si re. Ibimo jenda re. Ũquĩ siqui turã ño nguiã Dios je reaẽ. Nyebe Dios abe eturã ndiqui ũquĩ je reaẽ. Judíos achō eã ndaque. ³⁶Dios que ucheẽ turã mondo judíos je ra. Dios cheẽ turã ngue tu Jesucristo riĩ nda. Ae rei aba mbiasa. Jesucristo rei mbia rerecua tuchi. ³⁷Judío recua ja que Dios cheẽ turã ndiqui ã ndesẽ. Juan Bautista reco mose que Dios cheẽ

ngasẽ judíos ja je ra. Juan Bautista que Dios cheẽ senei senei Galilea ra. Aque mose rane ngue Dios chee ngase judíos ja je cote ra. Ũquɨ jeɨcua tuchi quia ã ndesẽ. 38 Jesús siqui turã jẽicua quia resẽ. Jesús Nazaret jenda siqui tură mbei. Dios que Jesús mbuquirăcuă Espíritu Tură je ra. Dios que siqui tuchi erese ra. Nyebe eriqui nguiã mbae turã naa naa. Nyebe eriqui nguiã aba checuayã icuã jea jea mbia si. Ũquĩ jẽicua quia ã ndesē. 39 Jesús chimbaaquiatu cho ureico nguiã a. Jesús chisaa ndese que ureico mae mae huee ra. Judea rui ja. Jerusalén abe que ureico mae mae echisaã ndese ra. Huee Jesús reco mose que mbia eiquia cote ra. Huee que mbia embucha ira rese ra. Eiquia sacuã. 40-41 Dios que Jesús mbuquera si cote ra. Tres días mose. Dios que Jesús mbuchecua ure je cote ra. Mbia ja je embuchecuayã. Ure je achõ ngue embuchecua ra. Uchiirabo acho je. Jesús renei nenei sacua ngue Dios ureirabo ra. Urequiaru que Jesús rese ra. Jesús quera ico. Mbae mo abe que urembei erese ra. 42 Jesús que uremondo mbia mbiirandu randu sacuã ngũɨɨ nda. "Sechee tură jesenei senei nguia mbia je. 'Dios que Jesús mii nda. Mbia mano je icuã ndea sacuã. Manoã je abe icuã ndea sacuã. Jesús r a eicuã tea ja', jenye quia mbia mbiirandu randu", i que Jesús ure je ra. 43 Dios chee mbuchecuasa ja que embesa mbesa Jesús rii cose ra: "Dios tura nda eriqui Jesús icuasa je. Dios ra Jesús icuasa icua mbutia tia esi", i que Dios chee mbuchecuasa ra, i que Pedro Cornelio je ra.

Espíritu Turã ique judíos eã chiangui re

44Pedro cheẽ mose que Espíritu Turã ndu ique eandusa chiangui re ra. Eandusa chiangui re ja ique. 45Pedro resenda judíos que nyuruira tuchi ra. —Judíos eã je abe chỗ Dios riqui Espíritu Turã mondo mondo re, i que judíos Jesús quiato u nyuruira ra. 46Judíos eã ngue mbiamo ñee saã saã nda. Espíritu Turã ique mose echiangui re. Ñee turã ja Dios rii. Nyebe judíos ñee. —Ã ñiangui re abe Espíritu Turã iquechi. Judíos eã ndaque, i que eandu ra. Pedro que ñee nguesenda je cote ra. 47—Espíritu Turã ngue ique echiangui re cote ra. Nyebe bautizar tae ee i je cote. Emo nda seriquisãyã, i que Pedro ra. 48Nyebe que Pedro bautizar i ee ra. Jesucristo rimbarã ngue bautizar i ee ra. Aquereque ñee ja Pedro je ra. —Eitő mocoi jiri quia ure rese aa, i que ee ra.

Pedro Jerusalén jenda mbiirandu ja

11 ¹Jesús chimbaaquiatu que jirandu erese ra. Judíos eã ndese. Jesús quiato Judea jenda abe que jirandu erese ra. —Judíos eã abe riqui Dios cheẽ isi isi ã, i que mbia ee ra. ²Pedro que oso Jerusalén cote ra. Huee que judíos ñee asi asi ee cote ra. ³—Mbiamo je ereso chõchĩ. Judíos eã je ereso chõchĩ. Judíos eã ndese ereiaru chõchĩ, i que ñee asi Pedro je ra. ⁴Pedro que embiirandu tuchi cote ra. ⁵—Emo mose

que aico Jope ra. Huee que aico ñee ñee Dios je ra. Mbae mo ngue atea cuu ra. Tiru icoi mo ngue tu ibate si cuu ra. Echimangũiana isi ji que tu nguichi seje cuu ra. Echimangũiana isi ji ja. 6Mbae chumumbara tuchi que tu aque tiru ye cuu ra. Quiaa riinda ja. Mbei abe no. Nguireĩ abe no. Mbae ibi riinda ja tuchi que chi tiru ye cuu ra. ⁷Echee mo ngue tu seje cote ra. "Ehuã na, Pedro. Emo ejquia ndechjurã", i que seje cuu ra. 8"Tei, Sererecua. Urechiu eã ño ã ndesẽ. Ã mo ngue ureu eã mbei quia ra. Mbaeiae tuchi ure je judíos ja je", ae rei que ee ra. 9Dios que ñeembe seje ra. "iSechimee ndechiură nda ereisi teachi je!" i que seje ra. ¹⁰Ei si que tiru icoi ru tres veces ra. Oso bei que ibate serecha cote ra. 11 Aque mosete que Cornelio rimba ngasẽ seje ra. Seruruchoi sacuã ngue ecuaẽ Cesarea si ra. Tres que ngae seruruchoi sacua nda. 12 "Eso ra erese. iEsiquicheã oso erese jẽ!" i que Espíritu Turã seje ra. Ã nanderesenda seis que nyoi serese ra. Urecuase ngue emondosa chuchua ra. Cornelio chuchua. ¹³Cornelio que uquereicuã senei ure je ra. "Angel mo ngue tu ñee seje ra. 'Mbia emondo Jópee Simón Pedro rea. ¹⁴Ae ra ñee ñee nguia jeje. Ndechuchua jenda je abe ra eriqui nee nee. Dios jendiro sacua jēicuā si', i que ángel seje ra", i que Cornelio seje ra. 15 Se ñee namo mose ee que Espíritu Turã nguichi ee ra. Ique que echiangui re ra. Ique que nandechiangui re nyii nae, ei si que ique Cornelio chiangui re cote ra. Cornelio chuchua jenda chiangui re abe. ¹⁶ Jesús chee ndese que andua ndua cote ra. Ã ndei echeẽ ã: "I je que Juan bautizar i rei mbia je ra. Espíritu Turã je bautizar tae jēje cote", i que Jesús cose ra. Aque rese que andua ndua cote ra. ¹⁷ Nande judíos acho je eã no Dios riqui nguiã Espíritu Turã mondo. Judí eã je abe chỗ eriqui nguiã Espíritu Turã mondo. Jesús icua mose. ¿Mañi ae ra Dios riquisã se re? i que Pedro ñee oco judíos je ra. ¹⁸Mbia que Pedro chee sobeishiate ra. Ñee tura tura ngue Dios je cote ra. —Dios judío eã abe mbui mbui quiatu quia huiicuã si reae. Judío ea abe chee ra sigui bei Dios rese nye, i que judíos ra.

Antioquía jenda Jesús quiato

¹⁹Mbia icuã tuchi que eriqui Jesús quiato je cote ra. Esteban iquia mosebe bei que mbia icuã ndiqui Jesús quiato je ra. Nyebe Jesús quiato choi nguiã uchã Jerusalén si. Emo nyoi Feníciaa. Emo nyoi Chipre no. Emo nyoi Antioquía no. Huee ja que echi Jesús cheẽ turã nenei nenei nda. Judíos achõ je que echi erenei nenei nda. Judío eã je erenei nenei eã. ²⁰Chipre jenda rei emo. Cirene jenda rei emo no. Ûquã nguia que nyoi Antioquíaa ra. Ûquã nguiatu que Jesús cheẽ senei senei judío eã je ra. ²¹Dios quirãcuã ngue siqui tuchi embiirandusa rese ra. Nyebe que hue jenda tubiriã Jesús icua ra. ²²Jesús quiato Jerusalén jenda que jirandu erese ra. Antioquía jenda rese. Nyebe Bernabé mondo Antioquíaa. ²³Bernabé que ngasẽ ñee Jesús quiato je ra. —Dios turã tuchi riqui nguiã

jẽje co. Aque rese seyate riqui co. iJẽingo tuchi nandererecua rese jẽ! iJẽhuichĩ nda esi jẽ! i tuchi que Bernabé quia mbia je ra. ²⁴Bernabé turãt e que eriqui ra. Espíritu Turã ngue siqui tuchi erese ra. Ae que Dios icua tuchi quia ra. Nyebe mbia tubiriã ndiqui nguiã Jesús isi isi. ²⁵Aquere que Bernabé si Tarso ra. Oso que Saulo requia huee ra. Tea que ra. Nguerao que Antioquíaa ra. ²⁶Huee que echi bei Jesús quiato mbaaquiatu quiatu ra. Un año que echi huee ra. Mbia tubiriã mbaaquiatu quiatu bei. Hue jenda je rane ngue "Cristianos" i Cristo quiato je ra.

²⁷ Aque mose que Dios cheẽ mbuchecuasa mo ngaẽ Antioquíaa ra. Ngaẽ ngue Jerusalén sɨ ra. ²⁸ Emo ngue juã ñee mbia je ra. Agabo, ɨ que ee ra. Espíritu Turã ngue Agabo mbucheẽ ñee nda. —Mbia chiurã eã nda namo jiri. Mbia riãcuã ja ra cote, ɨ que Agabo ra. Echeẽ nguire tuchɨ que mbae ua cote ra. Mbia riãcuã tuchɨ que cote ra. Claudio mbia rerecua mose. ²⁹ Nyebe Jesús quiato Antioquía jenda ñee ñee nyue. —Mbae mo nandemondo rã Jesús quiato Judea jenda je. Nandembae mbae mo nandemondo ee, ɨ que nyue ra. ³⁰ Eĩ ngue umbae mondo mondo Judea jenda je ra. Mee mee ja que Saulo je ra. Bernabé abe je. Ũquĩ ngue ecuruchoɨ cote ra. Ae emee nguiã Jesús quiato rerecua je. Judea jenda.

Mbia Jacobo iquia; mbia Pedro tarõ

12 ¹Aque mose que ererecua icuã tuchi riqui Jesús quiato je ra. Herodes, i que ererecua je ra. ²Ae que Jacobo ãquĩ ndoso ti quise je ra. Jacobo rei Juan nongue. ³Judíos ia tuchi que Jacobo ãquĩ ndoso mose ra. —Judíos tambiabe no, i que ererecua ra. Nyebe Pedro abe isi nguiã. Fiesta de Pascua mose que Pedro isi nguiã. ⁴Tarõ ngue mii mbia icuã tarõsaa ra. Diez y seis soldados que chi eraarõ mbei ra. —Pedro tamee je mbia je. Eiquia sacuã. Fiesta ua mose r a amee ee, i rei que ererecua uchiangui re ra. ⁵Nyebe que soldados Pedro tarõ ji raarõ tuchi u ra. Pedro resenda que ñee ñee tuchi Dios je ra. Jesús quiato mo. Ñee ñee tuchi que equia Pedro rii ee ra.

Dios Pedro sirõ nyecuayã etaronda si

6Isamami nda ererecua Pedro mee nguiã mbia je chã nde. Eiquia sacuã. —Isamami nda amee mbia je, i rei que Herodes ra. Aque isa que Pedro uque u soldados joõ ñi nda. Ecua ji que uque u ra. Cadena nyeremo je que ecua ino nda. Soldados nyeremo ngue uqueã u eraarõ nda. 7Ibatenda mo ngue tu Pedro je isa ra. Angel. Nyaashī na tuchi que tuchua ra. Mbae resae ja. Ibatenda que oco Pedro rese ra. Emumba. —iEhuã asi jẽ! i que Pedro je ra. Ehuã mose que cadenas nyera eo si ra. 8—Ndeirao emingue ja rã. Ndeiyao abe emingue, i que ibatenda ee ra. Ae que Pedro emingue echeẽ mose ra. —Ndeirao aronda abe emingue. Nyao serese cote, i que Pedro je ra. 9Pedro que oso erese ra. Etaronda si que Pedro

HECHOS 12 242

rerao cote ra. —Seque re chõ aico rei co, i rei que Pedro ra. Equereicuã eriqui reĩ nguiã ee. ¹⁰ Eraarõsa cuaãcuã ngue echoi quia ra. Eraarõsa jiranua tuchi erese. Ngasẽ nyee que etaronda icoi ra. Fierro que etaronda ra. Etaronda a e que nyeequia ee ra. Usẽ ngue ra. Pe jiri que echoi nyiese ra. Ibatenda que oso Pedro recha cote ra. ¹¹—Cu u eã ño eriqui re. Echecua chõ eriqui re, i que Pedro eicua cote ra. —Dios chõ ibatenda mo mbu serirõ sacuã nde. Serirõ ño equia Herodes si re. Judíos ra seiquiayã cote, i que Pedro uchiangui re ra.

12 Pedro que ndua ndua huĩ nda. Ae esi nguiã María chuchúaa. María rei Juan Marcos si. Mbia tubiriãte que chi ñumunua huee ra. Ñee ñee ngue u Dios je ra. 13 Pedro que ngasẽ eiquesa mbuu mbuu ra. Nyucuaaque mo ngue oso rei ee ra. Rode, i que ee ra. 14 Pedro cheẽ ngue eicua ra. Eya tuchi que nyebi asi oso mbia mbiirandu ra. Eiquesa equia rocoĩ Pedro je. —Hue Pedro ñi taicuee hue, i que embiirandu ra. 15 —Tei. Echeẽ ñooñoa na, i chỗ ngue mbia Rode je ra. —Ae beite. Acheẽ ñooñoa ño jẽje re, i tuchi Rode. —Pedro eã ño ñene. Eãingue chỗ ñee ndei ndeje, i ja rei que mbia nyucuaaque je ra. 16 Eiquesa que Pedro mbuu mbuu bei huĩ mbia je ra. Emo ngue oso cheete rei eequia ee ra. Pedro que ique cote ra. Ñumunua je que nyuruira tuchi mae erese ra. 17 Pedro que mbia mbuquiriri o je ra. Mbae que esenei ja ee cote ra. —Eĩ ngue Dios serirỗ setarỗsa si ra, i que erenei nenei ja ee ra. —Jacobo jembiirandu ja rã serese. Jesús quiato ja jembiirandu, i que Pedro ra. Pedro que oso mbia recha cote ra.

18 Isamamɨmbe que soldados pare pare i tuchi ra. Pedro oreã ndese mae. —¿Mañi Pedro usẽ nde? i que u ñee ñee nyue ra. 19 Herodes que ñee nda. Ererecua. —Pedro jendu rã seje, i rei que soldados je ra. Pedro oreã ngue ee ra. —Sembiirandu ja rã se. ¿Mañi Pedro si usẽ nde? i que ererecua soldados je ra. Soldados que eicuayãte ee ra. Nyebe que ererecua soldados iquia nguiã. Pedro raarõsa iquia ja. Aquere que Herodes si siri Cesaréaa ra. Judea si siri.

Herodes mano

²⁰Herodes que mbia chiurã mondo mondo Tiro jenda je nyii ra. Sidón jenda je abe no. Paama i que ee cote ra. Nyebe echiurã mondo monoa ee cote. Nyebe que ũquĩ nyoi ja Herodes chuchúaa ra. —iNandeturã mbei chỗ ee jẽ! Ĩ nda nandechiurã mondobe nande je, i que nyue ra. Herodes resenda mo ngue ñee turã ee ra. Blasto, i que aque je ra. —Echeẽ turã turã Herodes je ure riĩ. Ĩ nda eturambe ure je, i que mbia Blasto je ra. ²¹ Emo mose jiri que Herodes huiirao turã mingue ra. Ngoi que ngũenda icoi tose ra. Jenyu seje, i que Tiro jenda je cote ra. Sidón jenda je abe no. Herodes que ñee ocote ũquĩ je cote ra. ²²Mbia abe que ñeete ee cote ra. —Dios chỗ nde resẽ. Dios cheẽ na si nde. Mbia cheẽ na eã, i que mbia

Herodes mbucuasu i i ra. ²³—Dios eã ño se re, i eã mbei que Herodes mbia je ra. Ñee turã eã ngue equia Dios rii nda. Nyebe Dios embasi nguiã. Nyebe Dios ángel mo mbu nguiã Herodes mbasi tuchi. Erosei que erie u ra. Eiquia nonde. Mano ngue cote ra. ²⁴Jesús quiato que Jesús cheẽ senei senei tuchi quia ra. Mbia tubiriã ngue echandu chandu quia ra. Mbia tubiriã ngue Jesús icua icua quia cote ra. ²⁵Bernabé que nyoi Jerusalén nda. Saulo rese. Mbae isiquia ruruchoi sacuã. Mbae isiquia que emee mee Jesús quiato hue jenda je cot e ra. Nyoi que Antioquíaa cote ra. Juan Marcos abe que ecuruchoi nyiese ra.

Espíritu Turã Bernabé mondo Dios cheẽ nenei nenei sacuã, Pablo rese

13 ¹Jesús quiato que ñumunua nua nguia Antioquía jenda ra. Mbia mbaaquiatu quiatusa abe que chi erese ra. Dios cheë mbuchecuasa mo abe que chi erese ra. Bernabé, i que emo je ra. Simón nondei abe que ra. Lucio de Cirene abe que ra. Manaén abe que ra. Ae rei que Herodes resenda eñetẽ mose ra. Herodes ererecua nonde. Saulo abe que ra. Ūquĩ ja que mbia mbaaquiatu quiatusa ra. ²Emo mose que ũquĩ nyi ñumunua nda. Ñee ñee ngue u Dios je ra. Uchiu si que hui ra. Ndua ndua sacuã Dios rese. Aque mose que Espíritu Turã ñee ee ra. —Bernabé jemee na seje. Saulo abe jemee na seje no. Ũquĩ ngue airabo ra. Airabo que secheẽ nenei nenei sacuã nda, i que Espíritu Turã ñee ñumunua je je ra. ³Mbia que ñee turã mbei Dios je ra. Quiaruã mbei que u ra. O que echono ñono Bernabé ãquĩ ndese cote ra. Saulo ãquĩ ndese abe no. Mondo que Dios cheẽ nenei nenei sacuã cote ra.

Pablo Dios chee senei senei Chípree, Bernabé rese

⁴ Aquere que Espíritu Turã Bernabé curuchoi Selúciaa ra. Saulo rese. —Ama ndui nyao Chipre, i que ua canoa cuasu ye ra. 5 Ngasẽ ngue sucha tubiria Salamina nda. Salamina ndei Chipre jenda mo. Judíos chumunuasaa que echoi Dios chee nenei nenei nda. Juan Marcos abe que siqui erese Dios chee nenei nenei nda. 6 Tuchua que embuchesea sea tuchi ra. Ngasẽ nyee Pafos. Huee que brujo mo ndiqui ee ra. Barjesús, i que brujo je ra. Judío mo ndei aque brujo. —Dios chee mbuchecuasa rei se, ichõiño mbei que equia mbia je ra. 7 Brujo que siqui ererecua rese ra. Sergio Paulo, i que ererecua je ra. Ererecua aquiatu tuchi que ra. — Jenyu, Dios chee tachandu rã, i que ererecua Bernabé je ra. Saulo je abe no. 8 Brujo que Bernabé chee siquisa nda. Pablo chee abe riquisa. — I nda sererecua Jesús icuavã, i tuchi brujo ũquĩ ñee ndiquisã. Elimas, i abe que brujo je ra. ⁹Espíritu Turã ngue siqui tuchi quia Pablo rese ra. Pablo, i abe que equia Saulo je ra. Pablo que ma e quiatu brujo rese ra. ¹⁰Ñee ngue ee ra. —Mbia mbiiri irisa tuchi quiarei nde. Diablo resenda tuchi quiarei nde. Mbae tură ndesenda reă tuchi quiarei nde. ¿Mbaeră ereico mbia

riquisă quisă Dios icha si re? ¿Manose ra erehui ũquĩ si re? i que Pablo ñee icuã ee ra. ¹¹—Dios ra nembasi tuchi cote. Nderesayra cote. Tenda rese ra ereico mae eã are jiri, i que Pablo brujo je ra. Echeẽ mosebe que eresa uque tuchi ra. Mae eã mbae rese cote. —Jenyiba taisi. ¡Sembucuata turã na nguia jẽ! i tuchi eresayã nguia mbia je cote. ¹²Ererecua que echandu ja ra. Nyebe ngue Jesús icua nguiã cote. Nyuruira tuchi que huĩ Jesús cheẽ andu ra.

Pablo que siqui Antioquíaa ra; Bernabé rese

¹³Pablo que nyoi Pafos recha cote ra. Nguesenda rese que echoi ama ndui ra. Ngasẽ ngue Perge de Panfíliaa ra. Huee si que Juan Marcos si nyebi Jerusalén nda. Pablo recha. Bernabé abe recha. 14 Emo mose que echoi Perge si ra. Ngasẽ ngue sucha tubiriã Antioquíaa ra. Pisidia, i que hue ibi je ra. Sábado mose que ique judíos chumunuásaa ra. Huee que echi ngoi ra. ¹⁵ Judíos que leer i Dios chee je ra. Moisés chimbesa je. Dios chee mbuchecuasa chimbesa je abe no. Aquere que judíos ñee Pablo je ra. Bernabé je abe no. —¿Mbia ra jembaaquiatu quiatu je nde? i que ee ra. ¹⁶Pablo que juã cote ra. O je que mbia mbuquiriri ra. Ñee ngue ee cote ra. —Seandu rã se, Israelitas. Seandu rã se, Dios quiato. ¹⁷Dios que Israelitas rerecua ra. Dios que nanderamei cose ndare irabo ra. Siqui tuchi que equia nanderamei ndese ra. Nanderamei chi mose Egipto. Dios que nanderamei mbeta mbeta ra. Dios quirãcuã ngue nanderamei sirõ nyee Egipto si ra. ¹⁸Dios que nyecuacho tuchi quia nanderamei je ra. Cuarenta años que eriqui nyecuacho tuchi ra. Nanderamei chi mose turuquia. ¹⁹Sucha tubiriã jenda que mano ja mbiamo nda. Dios que eiquia ja ra. Siete rei sucha tubiriã. Canaán jenda. Dios que ũquĩ iquia ja nanderamei si ra. Ũquĩ mbae ibi que Dios mee nanderamei je cote ra. 20 Dios que jueces mii mii nanderamei nderecuara cote ra. Jueces que emii mii nguia cuatro cientos cincuenta años nda. Aquere que Dios Samuel mii nanderamei nderecuară nda. ²¹ Aquere que nanderamei ñee Dios je ra. "Rey mo nguia emii urererecuara", i que Dios je ra. Nyebe que Dios Saúl mii ererecuară nda. Rey. Ae rei Cis riirī. Cis rei Benjaminito. Saúl que siqui arete nanderamei nderecuarã nda. Cuarenta años que eriqui ererecuarã nda. ²²Cuarenta años ua mose que Dios Saúl mombo cote ra. Dios que David mii nanderamei ndere cuarã cote ra. Saúl rendaque re. David rei Isaí riirĩ. Dios que ñee David je ra. "David sebi tuchi. Ae quia ra sechee mumba mumbaya", i que Dios cose ra. ²³David sí que Jesús ramei nda. Dios que Jesús mbu Israel jenda riro sacua huiicua si ra. Uchee nguire que Jesús mbu ra. Dios que uchee mbuchebia nda. 24 Jesús tu nonde que Juan Bautista riqui ñee ñee nanderamei je ra. Israel jenda je. "Jēicuā si jēhui. Jemba Dios icha rui. Ī nda bautizar ae jēje", i tuchi que Juan nguia mbia je ra. ²⁵Umano nonde que Juan ñee mbia je ra. "Ae

jẽsaarõ nguia nae, ae eã no se re. Ae ra tu serui. Ae rei ererecua tuchi sesi. Se oco aronea eiyao rese", i que Juan nee Jesús riĩ nda.

²⁶Seresenda, Abraham ndiirĩ ndei jẽ. Jemo ndiqui Dios icua ã. Nande je quia Dios uchee mondo nguia. Nanderiro sacua nandeicua si. Dios que Jesús mondo nande je ra. ²⁷ Jerusalén jenda que Jesús icuavãte ra. Ererecua ja que chi Jesús icuavãte ra. Dios chee mbesa ji abe que eicuayate ra. Eraa naa mbei raque sábado mose, eicuaya mbei. Dios chee mbuchecuasa chee nguire que Jesús iquia ra. 28 "Jesús eiquia ra", i tuchi que mbia quia Pilato je ra. Jesús icuã eã ndaque. 29 Nyebe que Jesús mano ndei ra. Embesa ji chee nguire que Jesús mano nda. Jesús raaque que embuquichi ira si cote ra. Ñono ngue sita ribicoi ji ye ra. 30 Jesús que quera si manonde cote ra. Dios que embuguera si ra. ³¹ Galilea jenda que siqui bei quia Jesús rese Jerusalén nae, ũquĩ ngue mae mae equera si rese cote ra. Mae mae mbei equia Jesús quera si rese cote. Ũquĩ ñee mbei quia Jesús rɨɨ ã cote. ³²A ureɨco Dios cheẽ turã nenei nenei jēje a. Dios ñee ñee nguia nanderamei je nyii nae, ũquĩ uresenei senei nguia jẽje a. 33 Nande je que Dios Jesús mbuquera si ra. Uchee nguire que embuquera si ra. Dios ñee ñee nguia nanderamei je nyii nae, ei si que Jesús mbuquera ra. "Nde rei serucucha. Namo ngue arembuchecua mbia je ra", i que Dios Jesús rii cose ra. Ei ngue Salmo dos nda. 34 Dios que Jesús mbuquera si ra. Jesús roo ra soo ea mbei cote. Nyebe que Dios ñee nyii ra. "Seturate ra jeje. Setura David je nyii nae, eł si ra seturate jeje", i que Dios ra. "Jesús tambuquera si jēje", i ñene. 35 Co abe rei embesa ji. Ã ndei e ã: "Se rei Ibatenda rucucha turã. Ibatenda ra seroo sechayã. Seroo ra emoo eã. Sembuguera si rae", i que embesa ji ra. ³⁶David que sigui turã mbei quia uchabenda ja je ra. Dios chee nguire que eriqui tura ee ra. Aquere que mano nda. Mbia que echati ngãmei jii rī nda. Aquere que David roo soo cote ra. 37 Jesús roo quiatu que soo ea nda. Dios que embuquera si rese. Nyebe ae roo soo ea nguiã, ³⁸Seresenda, Jesús mii ndiqui nandeicuã mbutiã sacuã co. A ureico ũquĩ nenei nenei jẽje a. Jẽirandu sacuã erese. ³⁹Dios que ucheẽ senei senei nguia Moisés je nyii nae, aque chee nguia r a aba icua mbutia ea. Jesús mii ndiqui nandeicuã mbutiã sacuã co. Nande Jesús icua mose. 40 "Mbae icuã nda tuchi jeje", i que Dios chee mbuchecuasa ra. Jetesa bei u je. Sa Dios chee mbuchecuasa io ea jeje. Ei ngue Dios chee mbuchecuasa ra:

41 Co je, mbae tura ucuayasa.

Je nyuruira rae. Jemano ndae.

Mbia mae sayã nda asaã ndaque jēje.

Jēicua sereāte ra equia.

Mbia embuchecua raque jēje. Nyebe ra jemano,

i que Dios cose ra, i que Pablo ra.

 42 Pablo que usẽ nyoɨ echumunuasa sɨ cote ra. —Jenyube rã sábado nongue. Ũquĩ jẽsenei seneimbe rã u ure je, ɨ que mbia ee ra. 43 Mbia que

usẽ ja echumunuasa sɨ cote ra. Judíos tubɨrɨä ngue nyoɨ Pablo ruɨ ra. Bernabé ruɨ abe no. Judíos resenda tubɨrɨä abe no. Pablo que ñee tuchɨ mbia je ra. Bernabé rese. —Dios rese jẽɨngo tuchɨ jẽ, ɨ tuchɨ que equia ee ra.

⁴⁴Sábado nongue mose que sucha tubiriã jenda ñumunua ja ra. Ñumunua nua ja Dios cheẽ andu. ⁴⁵Judíos mo ngue chi mae mae mbia chumunua ndese ra. —Pablo cheẽ ño echanduchĩ nguiã. Nandecheẽ andu rocoĩ, i que judíos ngueteã mbia rese Pablo si ra. Nyebe judíos ñee icuã icuã nguiã Pablo je. ⁴⁶Pablo que siquicheã tuchi ñee judíos je ra. Bernabé rese. —Jẽ nane je ureico rei Dios cheẽ nenei nenei ã. Dios cheẽ nguire ureico rei nguiã erenei nenei jẽ nane je ã. Ibate jẽingo bei sereã ñochĩ. Nyebe jẽingo nguiã Dios cheẽ isiteã teã ã. Nyebe ureso nguiã erenei nenei judíos eã je co. ⁴⁷Ã ngue Dios ñee ure je cose ra: "Aremingo que secheẽ nenei nenei sacuã mbia ja je ra. Judíos eã ja je. Mbia ibi jenda ja je. Secheẽ isiquia ra siqui bei", i que Dios ure je ra, i que Pablo ra.

⁴⁸ Judíos eã ia tuchi que Pablo cheẽ ndese ra. Ñee turã turã ngue Dios cheẽ nɨɨ nda. Dios que mbia irabo ata ra. Emingo beɨ sacuã ibate. Ũquĩ ngue Jesús icua ja cote ra. ⁴⁹ Hue jenda ja que embucha mbucha quia Dios cheẽ nenei nenei nda. ⁵⁰ Judíos que mbia mbuqueta queta tuchi Pablo je ra. Bernabé je abe. Ari mbia chiicua mbuqueta tuchi que ra. Amei mbia chiicua abe mbuqueta que ra. Nyebe mbia paama i ja Pablo je. Bernabé je abe. Nyebe Pablo mombo nguiã hue si. Bernabé abe mombo no. ⁵¹ Nyoi nonde que hui tubi mbutomo tomo mbia je ra. —Jēicuã tēicua, i ñe hue jenda je re. Aquere que echoɨ Iconio nda. ⁵² Jesús quiato ia tuchɨ que chɨ ra. Espíritu Turã ngue siqui tuchɨ quia erese ra.

Pablo que siqui Icónioo nda, Bernabé rese

14 1 Pablo que ngasẽ Iconio nda. Bernabé rese. Judíos chumunuasa que echoi ra. Dios cheẽ ngue esenei senei huee ra. Nyebe que judíos tubiriã Jesús icua ra. Judíos eã abe que eicua no nda. 2 Judíos ataque que Jesús cheẽ isiteã teã no nda. Úquĩ ngue judíos eã mbiicuã icuã Pablo je ra. Bernabé je abe no. Ñee icuã icuã tuchi eriĩ. 3 Pablo que chi arete huee ra. Bernabé abe no. Siquicheã tuchi que equia Dios cheẽ nenei nenei nda. Ebia tuchi Dios rese. Dios que embuquirãcuã nda. Nyebe que eriqui mbia mae sayã naa naa nda. —Ichôiño eã ño equia re, i chee mbia Pablo cheẽ je. Bernabé cheẽ je abe no. 4 Mbia cuabē ndua turã ja eã. Emo emo ngue siqui Jesús resenda rui ra. Emo emo ngue siqui judíos rui no nda. 5 Nyebe judíos icuã icuã Pablo je. Pablo resenda je abe no. Judíos eã abe eicuã icuã ee no. Mbia rerecua abe que eicuã icuã ee ra. —iPablo nandeiquia jē! iBernabé abe nandeiquia jē! iSita nande mombo mombo erese jē! i rei que mbia ra. 6 Pablo que jirandu erese ra. Bernabé abe. Nyebe echoi uchã sucha tubiriã mo. Licaonia jenda. Listra, i sucha tubiriã

247 HECHOS 14

mo je. Derbe, i emo je. Hue rurubi que echoi ra. ⁷Hue jenda je que Dios chee nenei nenei nda.

Mbia sita mombo mombo Pablo rese

8 Ngasẽ ngue Listra ra. Huee que emo ngatavã ñi ee ra. Eitaquiei mosenda bei ei icuã. Nyebe ngatayã mbei. ⁹Aque que Pablo cheẽ ñandu ra. —Sembuchero aro, i ndua uchiangui re. Pablo que eicua ra. Nyeb e mae nguiatu erese. ¹⁰ Ñee nyecua que ee ra. —Ehuã ndei rese, i que Pablo ee ra. Ecuatayã ngue juã asi ngata cote ra. 11 Mbia tubiriã ngue chi mae Pablo chimbuchero ndese ra. Nyebe uchee naa naa u nyue. Pablo rii nee ñee. —Dios ngae nguichi nande je mbia ra si a, i rei que nyuruira ra. Tase tase. Licaonia, i hue jenda chee je. 12 Mercurio rei nda Pablo mbia je. Mercurio, i mbia umbae dios mo je. Pablo que ñee mbeite quia ra. Nyebe "Mercurio" i mbia ee. Jupiter rei nda Bernabé mbia je. Jupiter, i mbia umbae dios mo je no. ¹³Hue jenda que ñumunua nua nguia ñee ñee Jupiter je ra. Ae ñee ñee nguia Jupiter je, aque que ticuasu quimbae queru Pablo je ra. Ira uti resebe ereru ee. —Ticuasu nandeiquia iquia rã Pablo je. Nandesei sei ee, i ja que mbia ra. —Pablo rei Dios rã si. Bernabé rese. Nyebe ticuasu nandeiquia iquia rã ee. Dios raanguia je, i rei que mbia ra. ¹⁴Pablo que echandu ra. Bernabé rese. Nyebe huiirao ndoro ndoro paama i ee. —Ureya eã jendese, i ñe ne. Ique que echoi mbia ite ite rī nda. Ñee asi asi mbia je. 15—¿Mbaerã nda re, mbia? ¿Mbaerã nda ticuasu jēiquia ure je re? Mbia chō ure re. Jē na si chō ure resē. Dios eã no ure resẽ. Nyebe urechu nguiã Dios cheẽ turã nenei nenei jēje ã. Ã mbae icuã jesecha ja cho. Dios quiarei ereco. ¡Ae rui jeingo! Ae que ibei chao ra. Ae que ibi chao no nda. Ae que ama nyao no nda. Ae que mbae chao ja ra. Mbae aosa rui jeingo. 16 Dios que mbia teacho cose ra. Mbia tesarei mose esi. ¹⁷Dios que eturã saã saã mbei quia mbia je ra. Mbi a eicua sacuã. Dios cho ama mbuchaaqui bei nguiã nande je. Ae quia mbae a mee mbei nguiã nandechiurã. Dios cho nandembia mbia bei nguiã co, i que Pablo mbia je ra. ¹⁸Eĩ ngue Pablo embiirandu Dios rese ra. Nyebe que mbia ticuasu iquia eã nyee ee ra.

¹⁹Emo jiri mose que judíos ngaẽ huee ra. Antioquía sɨ. Iconio sɨ abe no. Ũquã ngue mbia mbɨɨcuã ɨcuã Pablo je ra. Nyebe que mbia sɨta mombo mombo tuchɨ Pablo rese ra. Pablo manote reã nguiã ee. Mbia que ecuruchoɨ mbutiriri pe jiri sucha tubɨrɨã sɨ. ²⁰Hue que Jesús ɨcuasa chɨ Pablo matāte hue ra. Pablo que juã quera cote ra. Osobe que nyebi sucha tubɨrɨä nda. Isamamɨ ngue esɨ Derbe ra. Bernabé rese. ²¹Dios cheẽ turã ngue esenei senei nguia huee ra. Derbe jenda je. Mbia tubɨrɨä ngue Jesús ɨcua hue jenda cote ra. Aquere que nyebi Lístraa ra. Icónioo abe. Antioquíaa abe. Huee sucha tubɨrɨä ngue echoɨ nyebi ra. ²²Pablo que Jesús ɨcuasa mbaaquiatu quiatu hue jenda ra. Bernabé rese. —iJesús

rese jẽingo tuchi jẽ! Mbia ra nandembasi mbasi tuchi. Aquere ra Dios nandererecuarã tuchi cote, i que Pablo mbia je ra. Bernabé rese. ²³ Amei mo ngue eirabo rabo mii ino huee ra. Jesús icuasa rerecuarã no hue. Ñumunua je rerecuarã jaaja. Aquere que hui uchiu si ra. Quiaruã. Ñee ñee ngue equia Dios je ra. Ñee ñee ee ererecua namonda rii. —Ã jëingo Dios icuate ã. Sã Dios jendaarõ arõ, i que Pablo ererecuarã je ra. Bernabé rese.

Pablo ngãembe Antioquíaa, Bernabé rese

²⁴Nyoi que erecha cote ra. Pisidia, i equia ibi je, hue rī ngue echoi ra. Ngasẽ ngue Panfilia no nda. ²⁵Jesús cheẽ turã ngue esenei senei sucha tubiriã Perge jend a je ra. Aquere que echoi Atalia no nda. ²⁶Hue si que echoi ama ndui ra. Nguique riita quiti que ecuaẽ tiba Antioquía cote ra. Mbia hue jenda rane nguiatu que Pablo mondo Bernabé rese Dios cheẽ nenei nenei sacuã nyii ra. —Chã Dios turã jendeaquiatu jēso mose, i que ee nyii ra. Huee que tiba obei cote ra. ²⁷Ngasẽ mose Antioquíaa, Jesús icuasa que emunua nua cote ra. Mbae ja que esenei tuchi ee ra. —Dios que urereaquiatu tuchi quia ra. Dios que urembucheẽ ñee nguia judíos eã je ra. Dios que Jesús icua tuchi ee ra. Nyebe etubiriã ndiqui nguiã Jesús icua cote, ure echeẽ nenei nenei mose, i que Pablo ra. Bernabé rese. ²⁸Chi arete que Antioquíaa ra. Jesús icuasa ja rese echi huee.

Jesús quiato rerecua ñumunua ja

15 ¹Judea jenda mo ngue ngaẽ Antioquíaa ra. Ngaẽ ngue Jesús icuasa mbaaquiatu quiatu icuã nda. —Circuncisión jẽsaã saã ja. Moisés chee nguire jesaa saa, i rei que Jesús icuasa je ra. Eracoi ire o ji je cho eriqui nguiã circuncisión, i ũqui je. —Ei jenye eã mose ra jesoa ibate, i rei que ra. ²—Tei, ei ea ñene, i tuchi que Pablo ee ra. Bernabé rese. —Ae beite. Pablo ñee ñooño nguiã, i tuchi Judea jenda. Nyebe ñee tuchi nguiã nyue circuncisión nii. Nyebe Jesús icuasa mondochoi Jerusalén. Jirandu sacuã circuncisión ndese. Pablo mondochoi. Bernabé abe no. Mbia mo abe no. Ũquĩ mondochoi ja. —Jẽso Jerusalén. Jeñee Jesús quiato rerecua je. "¿Circuncisión nda uresaã saã nde?" jenye oso ee. Sã Jesús quiato rerecua ñee jeje. Jenyu ñee ure je cote, i que ñee uchimondo je ra. 3 Jesús icuasa que embucuata turã cote ra. Mondochoi Jerusalén. Fenicia rui que echoi ra. Samaria rui abe no. Judíos eã je rese que hue jenda mbiirandu randu ra. —Judíos eã abe que Jesús isi isi quia cote ra. Judíos eã ngue hui hui quia huiicuã si cote ra, i que hue jenda mbiirandu randu ra. Jesús icuasa ia tuchi que eandu ra. ⁴Pablo que ngasẽ Jerusalén cote ra. Bernabé rese. Nguesenda rese no. Hue jenda Jesús icuasa que eisi turã nda. Jesús quiato rerecua abe que eisi turã no nda. Pablo que Dios turã senei senei ee ra. —Dios quirăcuă ngue siqui quia ure rese ra. Ure echee naa naa

mose, i que embiirandu ra. ⁵Fariseos Jesús icuasa mo ngue juã ñee cote ra. —Judíos eã Jesús icua mose, circuncisión jēsaã saã ee. Jeñee na ee. "Moisés cheẽ ndui jēingo bei", jenye chõ ee, i rei que Fariseos ee ra.

249

6Nyebe Jesús quiato rerecua ñumunua ja aque rii. 7Ñee ñee tuchi nyue circuncisión nii. Aquere que Pedro juã ñee nda. —Tacheẽ se, Seresenda. Dios que seirabo cose ra. Ucheẽ turã nenei nenei sacuã judíos eã je. Ûqui Jesús icua sacuã ngue seirabo cose ra. Ûqui jeicuate quia ã. 8Dios quia aba chiã icua jate nguiã co. Judíos eã je abe Dios Espíritu Turã mondo mondo cote. Nande acho je eã emondo. Ûqui abe je emondo mondo Jesús icua mose no. "Judíos eã abe sequiato", i ñe Dios re. 9Judíos eã Jesús icua mose, Dios ûqui ñia mbiasu cote. Nande rã si. Nyebe Dios riqui nguiã judíos eã je abe siqui turã. Nande rã si. 10¿Mbaerã jeingo Dios cheẽ abi abi cho nde? Dios cheẽ jembeta mbeta chochi nguia re. Judíos eã je cho jeingochi embeta re. Embeta ji chi nda eãtã tuchi aba je cot e re. Ûqui nanderu cose ndare saã aroneate. 11 Dios turã nguia nandemingo bei nguiã ã. Dios turã nguia nandemingo bei nguiã ibate. Nande Jesucristo icua mose. Dios turã nguia judíos eã abe mingo bei nguiã ã no. Nande rã si no, i que Pedro ra.

12 Pablo que mbae senei ja mbia je cote ra. Bernabé rese. Mbia tubiriã ngue quiriri cote ra. Nyiisaquia que Pablo cheẽ ndese ra. Bernabé cheẽ ndese abe. —Dios que urererao judíos eã je ra. Urembirãcuã tuchi que equia ee ra. Nyebe mbia mae sayã uresaã saã tuchi ee, i que Pablo ra. Bernabé rese. 13 Pablo cheẽ huire que Jacobo ñee cote ra. —Seandu rã se, Seresenda. 14 Pedro que ñee jēje namo nda. Dios turãte que judíos eã je ra. Dios que ũquĩ mo irabo rabo nguesendarã nda. Pedro que jembiirandu erese namo nda. 15 Eĩ ngue Dios cheẽ mbuchecuasa embesa cosete ra. Nyebe eriqui nguiã eĩ eĩ ã cote. 16 Ã ndei embesa ji ã:

Se rei Dios. David reco mose que serimba siqui tuchi serese ra.

Aquere hui ja sesi cote.

Achube ra echiã mbitirõ si cote.

Siqui si ra serese cote.

¹⁷ Judíos eã abe ra siqui serese cote.

Mbia sembaerã nda siqui ja serese cote,

i que Dios ra. ¹⁸Eĩ ngue Dios ñee mbia mbiirandu cose ra, i que Jacobo ra. ¹⁹—Judíos eã mo ngue Dios icua icua quia cote ra. iNandecheẽ nandembetayã jiri ee jẽ! ²⁰ iNandecheẽ mii ño nandembesa mondo ee jẽ! Nandecheẽ mumbayã sacuã. "Mbia soo mondo mondo mose dios raanguia je, iaque soo ra jẽuchĩ jẽ!" nande rã ee. "iJeninisi rese siqui rocoĩ nda jẽingochĩ emo ndese jẽ! iJendu rese siqui rocoĩ nda jẽingochĩ emo ndese jẽ! iJendu resebe ra soo jẽuchĩ jẽ! iMbae ruqui ra jẽuchĩ jẽ!" nande chố ee. Űquĩ mii nandembesa rã mondo ee. Nandecheẽ mumbayã sacuã. ²¹ Ũquĩ mii nande rã ee. Ũquĩ ño mbia ñandu ñandu

mbei quia cose ndare bei. Mbia Moisés chimbesa saã saã sucha tubiriã ja je. Sábado mose bei. Judíos chumunua nua mose, i que Jacobo ra.

²²—Coche ñene, i ja Jesús quiato rerecua Jacobo cheẽ je. Jesús icuasa ja abe. Nyebe mbia nyeremo mondo Pablo rese. Bernabé rese abe. Silas, i que ee ra. Judas, i que enongue je ra. Barsabás, i abe que equia Judas je ra. Ũquɨ ndei Jesús quiato rerecua mo. Ũquɨ ngue emondo Antioquíaa ra. —Urechee jesenei senei Jesús icuasa hue jenda je, i que Jerusalén jenda ra. ²³Jesús icuasa que uchee mbesa mondo ee ra. A rei embesai a: —Ure rei Jesús quiato rerecua. Ure rei Jesús icuasa. A ureico embesa mbesa jeje a, Jesús icuasa. Judíos ea je. Antioquía jenda je. Siria jenda je. Cilicia jenda je. Saludos. ²⁴Ureresenda mo ngue nyoichi jembaaquiatu icua icua nda. Ũquɨ ñee jemɨngo asi asite rei. "Circuncisión jēsaã saã", ɨ chōchɨ equia jēje reaē. "Moises cheē ndui jēingo bei", i chochī equia jēje re. Ūquī uremondo eã ñee jēje. Ae ae cho nyoi nguiã ñee ñooño jēje. ²⁵Nyebe ureico nguiã ñumunua a. Emo ngue ureirabo emondo sacuã jendea ra. Nyeremo uremondo quia aque. Pablo rese. Bernabé abe rese. Urequiato tuchi que ũquĩ nda. 26 Ũquĩ ireĩ ireĩ eã tuchi nyoi Jesucristo cheẽ nenei nenei. Mbia eiquia arondete raque. Siquicheã tuchi. 27 Aque Judas uremondo quia jendea aque. Silas rese. Ũquɨ nda jembiirandu ja. Ũquɨ nda urechee senei jeje. ²⁸ Espíritu Tura ngue urembaaquiatu ra. Nyebe ra urecheẽ tuchiã jēje. Echeẽ mumbayã sacuã. Ã mɨi ño uremondo quia jeje aque. 29"Mbia soo mondo mondo mose dios raanguia je, iaque soo ra jeuchi je! iEruqui resebe ra soo jeuchi je! iMbae ruqui ra jeuchi je! iJeninisi rese siqui rocoi nda jeingochi emo ndese je! iJendu rese siqui rocoi nda jeingochi emo ndese je!" Coche uqui jemumbaya nguia. Aque mii ño urechee urembesa mondo aque, i que embesa ra. Ei ngue Jerusalén jenda embesa ee ra.

³⁰Uchimondo que emondochoi turã nda. Ngasẽ ngue Antioquíaa cote ra. Jesús icuasa hue jenda que emunua ja ra. Embesa ji que emee ee ra. ³¹Echumunua mos e que leer i ee cote ra. Eya tuchi que erese ra. Eya tuchi Jerusalén jenda chimbesa isi mose. ³²Dios cheẽ mbuchecuasa rei Judas. Silas rese. Nyebe que ũquĩ Dios cheẽ nenei nenei tuchi Jesús icuasa je ra. Jesús icuasa mbaaquiatu quiatu tuchi. ³³Chi are jiri que huee ra. Jesús icuasa que embuchebi turã mondochoi cote ra. Nyoi que nyebi Jerusalén nda. ³⁴Silas que siquichõ nda. ³⁵Pablo abe que siquichõ Antioquíaa ra. Bernabé rese. Mbia que embaaquiatu quiatu quia ra. Dios cheẽ turã ngue esenei senei nguia ra. Jesús icuasa tubiriã ngue esenei senei erese ra.

Pablo nyao Bernabé si

³⁶ Aquere que Pablo ñee Bernabé je ra. —Nyao nanderique rui Jesús icuasa mbuchesea sea mae ja erese. Dios cheẽ ngue nandesenei senei, hue

jenda mbuchesea sea nyao. Mañi Jesús icuasa u mambi reae. Nyao erea, i que Pablo ra. ³⁷—Eno. Juan Marcos abe nanderao, i rei que Bernabé ra. ³⁸—Tei. Ae que nanderecha Panfíliaa nyii resẽ. Hui jei que nande si resẽ, nande Dios cheẽ nenei nenei mose. ¿Mañi nande ra ererao si re? i que Pablo ra. ³⁹Ñee asi asi chee que nyue ra. Marcos riĩ. Nyebe que nyao nyesi ra. Bernabé que Marcos querao ra. Ama ndui que echoi Chípree ra. ⁴⁰Pablo que ñee Silas je ra. —Nyao serese, i que ee ra. Jesús icuasa que ñee ee ra. —Chã Dios turã jendeaquiatu bei jẽso mose, i ja que ee ra. Pablo que nyoi cote ra. Silas rese. ⁴¹Siria rĩ ngue echoi ra. Cilicia rĩ abe no. Hue jenda Jesús icuasa mbaaquiatu quiatu que echoi ra.

Pablo resenda bei que Timoteo cote ra

16 ¹Pablo que nyoɨ Dérbee ra. Lístraa abe echoɨ. Huee que Jesús icuasa mo ndiqui ee ra. Timoteo, i que ee ra. Esi rei judía. Esi rei Dios icuasa. Judío eã ngue eru ra. ²Jesús icuasa hue jenda que Timoteo icua ja ra. Timoteo turãte, i ja que Jesús quiato quia ee ra. ³— Timoteo tarao serese, i que Pablo ra. Judíos tubiriã ngue chi aque ibi rui ra. —Judío eã ndei Timoteo ru, i ja judíos. Nyebe Pablo circuncisión naa Timoteo je. Nguerao nguesendarã cote. ⁴Nyoɨ que sucha tubiriã mbuchesea sea cote ra. Jesús quiato rerecua cheẽ ngue esenei senei ja quia mbia je ra. Jerusalén jenda cheẽ. —iŨquĩ ñee nda jemumba mumbachĩ jẽ! i que Pablo nyoɨ quia ra. ⁵Pablo que Jesús oseɨ uquia Jesús quiato je ra. Jesús icuasa tubiriã nia ngue esi quia cote ra.

Echu urembaaquiatu quiatu, i que Macedonia jenda Pablo je cuu ra

6—Nyao Dios cheẽ nenei nenei Asia, i rei ngue re. Espíritu Turã ngue nya i ee ra. Nyebe echoi nguiã Frígiaa. Galáciaa abe. ⁷Ngasẽ ngue Mísiaa ra. Nyao Bitinia, i rei ngue re. Espíritu Turã ngue nya i ee ra. ⁸Misia que echucuaño nyoi ra. Ngasẽ nyee Troas. ⁹Huee que Pablo Macedonia jenda mo ndea isa ra. Tea que cuu ra. Chĩ nda juã ñee ñee Pablo je cuu ra. —iEchu aa Macedóniaa jë! Echu urembaaquiatu quiatu, i nda Pablo je cuu ra. ¹⁰Nyebe ureso nguiã ereare. Se abe que aso erese ra. Se rei Lucas. —Dios urererao quia Macedonia co. Ucheẽ nenei nenei sacuã, ure que urechue cote ra. Nyebe urecuata nguiã cote.

Pablo tarõ ji que chi Filipos ra

¹¹ Ama ndui que ureso Troas si ra. Eriimbe que ureso iasa ra. Urecuase nyee que oso Samotracia ra. Isamami ngue ureso Neápolis cote ra. ¹² Hue si que ureso ibi ri nda. Urecuase nyee oso sucha tubiria tuchi je. Filipos, i hue sucha tubiria je. Romanos mbae rei sucha tubiria. Macedonia, i que ibi ja je ra. Huee que urecu arete ra. ¹³ Sábado mose que ureso ama nimíaa nda. Sucha tubiria ndecha. Huee que judíos riqui ñumunua nua

HECHOS 16 252

mbei ñee ñee Dios je ra. Ari que ngaẽ nguia huee ra. Acuani mo ndese. Urecoi que Dios cheẽ nenei nenei ee ra. ¹⁴Lidia, i que urecheẽ andusa mo je ra. Ae rei tiru rubi vender isa. Ae rei Tiatira jenda. Ae rei Dios icuasa. Dios que Pablo cheẽ mbuchecua ee ra. Pablo cheẽ ngue eisi ra. ¹⁵Nyebe que bautizar i ee ra. Echuchua jenda je abe que bautizar i ra. —Se Jesús resenda tuchi mose jẽje, jenyu uque sechuchúaa, i que Lidia ure je ra. Ñee tuchi ure je. Nyebe urererao nguiã uchuchua.

¹⁶Emo mose que ureso quia mbia ndua nduásaa Dios rese ra.
Nyucuaaque mo ngue uresobeishí nda. Aba checuayã icuã ngue siqui tuchi quia erese ra. Aba checuayã icuã ngue mbae icua icua quia ee ra.
Nyebe mbia mbae isiquia mee mee tuchi quia nyucuaaque rerecua je.
Nyucuaaque cha je. ¹⁷Nyucuaaque que tu Pablo rui ra. Tu ure ja rui.
Ñee ngue urerií nda. —Ã ndei Dios rimba ã. Ibatenda rimba. A echi aba icuã mbutiãsa nenei nenei jēje a. A echi Jesús renei nenei jēje a, i bei que nyucuaaque quia urerií nda.
Pablo que echee nyosei chiã nyee ra. Uba que ñee aba checuayã icuã je cote ra. —Jesús rií aico ñee ndeje a. Ese nyucuaaque si, i que Pablo aba checuayã icuã je ra. Echee mosebe que use esi ra.

¹⁹Nyucuaaque rerecua que paama i Pablo je ra. —Mbia ra mbae isiquia mondo monoa techi nande je cote re, i nyue. Nyebe que Pablo isi ra. Silas rese. Curuchoi que plaza ra. ²⁰Mondo que mbia rerecua je ra. —Ã ndei judíos ã. Mbia mbiicua icuate equia nee nee ã. ²¹ "Ure ra jeingo", ichi nguia nande je. Romanos ndaque nande. Ũqui nandesaa aronea tuchi quiarei, i que mbia nguerecua je ra. ²²Nyebe que mbia paama i Pablo je ra. Silas abe je. Ererecua que eirao mbui asi ra. —Ira je jeirua nua, i que ererecua ra. ²³Mbia que eirua nua tuchi ra. Taro ngue cote ra. —Jēsaaro tuchi, i que ererecua eraarosa je ra. ²⁴Echeende que etaro tuchi cote ra. Ei abe que emumbi ino ira je ra.

25 Pablo que ñee ñee nguia Dios je itondiite mose ra. Silas rese. Irasei rasei abe no. Etarõi que echandu ja quia ra. ²⁶ Aque mose que ibi titi titi i ra. Etarõsa abe que quiata quiata ja ra. Eiquesa abe que quiata ja ra. Eicuasa que nyera ja cadenas nda. Etarõ ji si que nyera ja ra. ²⁷ Eraarõsa que ñumumba ra. Eiquesa eequia ji rese que mae nda. Etarõ ji uchā nei nguiã ee. Nyebe ñee nguiã. —Tachiiquia, i que tiquise rirõ nda. ²⁸ Pablo que tasẽ ee ra. —¿Mbaerã nda erechiiquia re? iA urecu chôte a resẽ! i que Pablo ee ra. ²⁹—Tata eru, i que eraarõsa mbia mo je ra. Ique que Pablo rea cote ra. Titi titi i tuchi que ra. Ngoi que ngũíã ndese Pablo je ra. Silas abe je. ³⁰ Eraarõsa que ecuruchoi taicuee cote ra. Ñee ee. —Sã Dios serirõ seicuã si. ¿Mañi ae ra se re? Siqui bei sacuã Dios rese re, i que eraarõsa ra. ³¹ Pablo que ñee ee cote ra. Silas rese. —Jesucristo eicua. Ũquĩ mose ra Dios nderirõ ndeicuã si. Ũquĩ mose ra Dios ndechuchua jenda abe rirõ huiicuã si, i que Pablo ee ra. ³² Jesús cheẽ ngue esenei

senei ee ra. Echuchua jenda je abe que erenei nenei nda. ³³Pablo iruã nua ji que eraarõsa irei irei ra. Silas iruã nua ji abe. Itondii mose raque. Bautizar i que eraarõsa je cote ra. Echuchua jenda ja je abe que bautizar i ra. ³⁴Eraarõsa que Pablo querao mbuquiaru uchuchúaa ra. Silas abe no. Ey a tuchi que ra. Echuchua jenda abe ia tuchi. —Nandeico Dios icua co cote, i ñene. Nyebe eya tuchi Dios rese.

35 Isamamimbe que ererecua ñee policía je ra. —Jēso Pablo mbusẽ cote. Silas abe jembusẽ, i que ee ra. 36 Eraarõsa que ñee Pablo je ra. —A policía cuaẽ a. Jembusẽ sacuã. Hui que jẽsi ra. Jẽso turã cote, i rei que eraarõsa Pablo je ra. 37 —Nya, i que Pablo ee ra. —¿Mbaerã ererecua ureiruã ñooño nde? Mbiasa. Mbae icuã naa mose rocoĩ. Romanos ndaque ur e abe. Uretarõ ñooño ngue ra. "Nandembusẽ checuayã", i raque ure je co cote. Tei. Sã ũquĩ ngaẽ urembusẽ nyecua, i que Pablo ee ra. 38 Pablo cheẽ ngue policía senei nguerecua je ra. "Romanos", i mose que ererecua chiã cuaãcuã i ja ra. 39 Ererecua que nyoi Pablo rea cote ra. Silas abe rea. —Ureicuã ñochĩ jēje. Ureicuã eã nda cote. Jēso a si cote, i que ererecua embusẽ turã mondo cote ra. 40 Pablo que usẽ etarõsa si cote ra. Silas rese. Nyoi que Lidia chuchua ra. Hue que echi mbirĩ Jesús icuasa mundua ndua ra. Nyoi que hue si cote ra. Sucha tubiriã si.

Pablo que siqui Tesalónicaa ra

¹Pablo que nyoi Antípolis ri nda. Apolonia ni abe echoi. Silas 17 rese. Hue si que echoi ngasẽ Tesalónicaa ra. Huee que judíos chumu nuasa mo huee ra. Sina goga, i equia tuchua je. ²Pablo que oso hue sábado mose ra. Querabe que eriqui oso oso bei judíos chumunuásaa ra. Tres sábado que Pablo mbia mbaaquiatu quiatu huee ra. 3Dios cheẽ ngue esenei senei ee ra. —"Mbia ra Cristo mbasi tuchi. Manonde ra quera si", i que Dios chee nda. Ei ngue mbia Jesús je cote ra. Jesús ae rii aico ñee ñee jeje, ae rei Cristo. Ae jesaaro aro mbeite quia, aque rei Jesús, i que Pablo embaaquiatu quiatu ra. 4Emo emo ngue Jesús isi cote ra. Siqui que Pablo rui ra. Silas rui abe. Griegos tubiriã ngue siqui erui no nda. Dios icuasa rei ũquĩ. Griego ninisi tubiriã abe que siqui Pablo rui ra. Mbia chiicua tuchi rei ũqui. 5 Judíos que ngueteate quia mbia rese Pablo je ra. Mbia siqui mose Pablo rui. Ae Dios chee andu sereate quia, ũqui ngue ngueteate quia mbia rese ra. Nyebe ngata choono je munua nguia. Ũqui ngue sucha tubiriã jenda mbupaama i tuchi ra. Mbia tubiriã ngue mbaba chee Jasón chuchua je cote ra. —¿Ma Pablo ma nde? ¿Ma Silas ma nde? Uremee nda mbia icuã je, i rei que judíos ra. 6 Pablo oreã ngue ee ra. Silas abe oreã ngue ee ra. Nyebe que Jasón nduruchoi mbutiriri nguerecua je ra. Jasón ndesenda rese. Ñee nguerecua je. —Pablo ngaẽ ñochĩ mbia mbiicuã icuã ja aa. Pe jenda mbiicuã icuã jare. 7 Jasón eisi turã ñochī nguia uchuchúaa a. Ũquɨ icuã ja que eriqui nandererecua je. César cheẽ

emumba mumba bei chốchĩ nguiã ã. "Jesús quia ererecua tuchi César si re", i chốchĩ Pablo, i que mbia paama i Pablo je ra. 8Mbia ataque eandu mose que paama i ra. Ererecua abe que paama i ra. 9Ererecua que mbae isiquia isi Jasón si ra. Jasón ndesenda si abe. —Uremeembe ra jẽje Pablo choi mose, i que ererecua ee ra. Ererecua que hui ja esi cote ra.

Pablo que siqui Beréaa ra

¹⁰ Jesús icuasa que Pablo mondochoi jei Berea ra. Silas rese. Aque isa mose bei. Ngasẽ ngue Berea ra. Nyoi que judíos chumunuasa cote ra.
¹¹ Judíos Berea jenda que earacua ra. Tesalónica jenda si. Berea jenda quiatu que Dios cheẽ ñanduse rete ra. Berea jenda que embesa ji tea jei jei ra. —Ma Pablo ñee Dios cheẽ ndui si, i que nyue ra. ¹²Nyebe que mbia tubiriã Jesús icua ra. Griegos tubiriã abe que Jesús icua ra. Griegos ninisi abe. Mbia chiicua rei griego s ninisi. ¹³Pablo que Dios cheẽ senei senei Berea jenda je ra. Judíos Tesalónica jenda que jirandu ra. Jirandure que echoi Beréaa mbia mbiicuã icuã Pablo je ra. ¹⁴Jesús icuasa que Pablo mondo ama ndisha quiti ra. Silas que siquichõ Beréaa ra. Timoteo rese.
¹⁵ Ae Pablo curuchoi, ũquĩ ngue tiba esi ra. Atenas, i que sucha tubiriã je ra. —A ureico nyebi a, i que Pablo je ra. Echebi mose que Pablo ñee ee ra. —Silas jembu jei seje. Timoteo rese, i que Pablo ee ra.

Pablo que siqui Atenas nda

¹⁶Pablo que siqui Silas raarõ arõ Atenas nda. Timoteo abe raarõ arõ. Dios abarea tubiria ngue huee ra. Ũqui ndese quiatu que mbia riqui oo tuchi ra. Pablo que mae icuã ũquĩ ndese ra. Pablo que paama ite mbia rese mae nda. Mbia Dios abareã nderequia requia mose. 17 Nyebe Pablo oso oso bei nguiã judíos chumunuasa. Ñee ñee tuchi hue jenda je. Judíos eã je abe ñee ñee tuchi hue jenda mbia je. Dios icuasa je. Plázaa abe que Pablo riqui ñee ñee tuchi mbia je ra. 18 Epicúreos resenda mo ngue ngaẽ ñee tuchi Pablo je ra. Estoicos resenda mo abe que ngae ñee Pablo je ra. —¿Mbae ichôte Pablo quia nande je re? Echeese rete eriqui reae, i que emo emo nda. —Dios mo nii eriqui ñee ñee nande je reae, i que emo emo nda. Pablo ñee ñee mose Jesús rii. Pablo Jesús quera renei nenei mose. ¹⁹Mbia que Pablo curuchoi ibi ato mo cote ra. Huee que ererecua riqui ñumunua nua mbei ra. Ñee ngue Pablo je cote ra. —¿Mbae rii ereico ñee ure je re? Embuchecua ure je. 20 Ã ngue urechanuate quia ra. Ndecheẽ embuchecua ure je. ¿Mbae ere quia re? i que mbia Pablo j e ra. 21 Atenas jenda mingo uquia reã mbae mo ndese. Ae siqui Atenas jenda rese, ũqui abe mingo uquia reã mbae mo ndese. Echeemo andu andu bei. Echeemo ndese bei.

22 Nyebe que Pablo juã mbia ite re ra. Ibi ato. Ñe e ngue mbia je cote ra.
 —Tachee jeje, Atenas jenda. Dios ata rete rese jeingo reae. ²³ Secuatasa

que amae mae dios tubiriã jembae rese ra. Emo ndese que amae nda. "Co Dios mbia mae sayã", jenye que embesa mi nda. Ae je jẽingo ñee ñee ũquĩ. Jemae sayã ndaque. Ae riĩ aico ñe e jēje co. 24Co Dios que ibi chao ra. Mbae ao ja. Ae rei mbae rerecua. Ibi riinda rerecua. Ibei jenda abe rerecua. Dios siquíã no nguiã tuchuaqui re mbia chiao. 25—¿Aba ra mbae chao seje re? i eã ngue Dios quia ra. Ae quiarei mbae meesa. Nandembuquiarusa rei ae. Nande mingosa rei ae. ²⁶Mbia mii ngue Dios chao ra. Aque rei mbia i ja aque. Emo eã ño nandeico nguiã ã. Nande ja cho nandeico nguia a. Dios rei nandeaosa. Nyebe Dios mbae rerecua ja. —Co ra nyeacuquia co mose. Co ra mano co mose, i bei que Dios quia ra. Mbia recuarã ngue Dios mee mee mbia je ra. ²⁷Dios que mbia mingo ibi rɨ nda. f nda mbia Dios requia. f nda mbia Dios icua. Isho eate Dios riqui a. Nande ja jii eriqui a. ²⁸Dios rii ae nandeico nguiã. Erii ae nandeico nguiã ngata. Jemo abe que ñee nda. "Dios riirī ño nandeico ja nguiã ã", i que jemo nda. 29 Ae bei cho nandeico nguiã a. Dios riiri. "Dios" nandechi nguiã mbia chiao je. Oro ao ji je. Plata ao ji je. Sita ao ji je. 30 Dios que mbia icuã teacho cose ra. Mbia aquiatuã mose. Namo ño Dios riqui nguiã ñee mbia je co. "Jēhui chō jēicuā si", i Dios quia mbia jaje co. 31 Dios que Jesucristo irabo ra. Jesucristo turã mbei. Jesucristo ra ñee emo je. "Jeso tata cuasu", i ra ee. "Jeso ibate", i ra emo je no. Manose cho nda ñee. Dios mii ño eicua nguiã. Dios que Jesucristo mbuquera si manonde ra. Nyebe ra Jesucristo emo mondo ibate. Emo mondo tata cuasu no. 32—Jesucristo que quera si manonde ra, i que Pablo ee ra. Mbia que iquia iquia chochi nguiã Pablo cheẽ mose. Emo emo ngue ñee ee ra. —Emo mose quiatu ra ndechee urechandu, i que eataque ra. 33 Pablo que oso mbia recha cote ra. ³⁴Emo emo ngue siqui erui ra. Ae Jesús cheẽ isi turã, ũquĩ ngue siqui bei erui ra. Dionisio, i que ũquĩ mo je ra. Ae rei mbia rerecua mo. Dámaris, i que cuña mo je ra. Emo emo abe que siqui Pablo rui ra.

Pablo que siqui Coríntoo ra

18 ¹Pablo que oso Atenas ndecha cote ra. Ngasẽ ngue sucha tubɨrɨä mo cote ra. Corinto, ɨ que hue je ra. ²Hue que judío mo ndiqui ee ra. Aquila, ɨ que ee ra. Ponto jenda que ae ra. Priscila, ɨ que eninisi je ra. Ūquɨ ngue ngaẽ namo Italia sɨ ra. Italia recha ramo. Claudio judíos mombo ja mose Roma sɨ. Pablo que oso Aquila chuchua ra. ³Pablo que tuchua saã saã nguia mbae ɨre je ra. Eɨ ngue Aquila no nda. Tuchua raã naa mbeɨ mbae ɨre je. Nyebe Pablo siquichõ nguiã erese. Quieɨ quieɨ erese. ⁴Sábado mose que Pablo riqui oso oso judíos chumunuasa ra. Hue que eriqui beɨ Dios cheẽ nenei nenei judíos je ra. Judíos eã je abe no.

⁵Silas que ngasẽ Macedonia si cote ra. Timoteo rese. Pablo que Dios cheẽ senei senei tuchi quia judíos je cote ra. Jesús mbuchecua checua tuchi ee. —Jesús rei Cristo. Ae jẽsaarõ arõ mbeit e quia, aque rei Jesús,

i tuchi que Pablo ee ra. 6 Judíos que paama i Pablo je cote ra. Ñee icuã icua tuchi que ee ra. Nyebe Pablo huiirao mbaaba aba ee. Taso jendecha, i ñene. —"Aemingo bei ra se", i rei Dios nande je. Je nguiarei Dios chee isi sereã tuchi. "¿Mbaerã Dios cheẽ eresenei eã ure je re?" jenyechĩ nda seje. iDios chee ngue asenei tuchi rei jeje ra jej! Nyebe taendecha. Judíos eã je Dios chee tasenei senei cote, i que Pablo huiirao mbaaba aba ee ra. ⁷Pablo que oso judíos recha cote ra. Judíos chumunuasa jii esi. Justo chuchúaa. Judío eã ndei Justo. Dios quiato que Justo ra. 8 Crispo que judíos chumunuasa rerecua ra. Aque que Jesús icua cote ra. Echuchua jenda ja abe que Jesús icua cote ra. Corinto jenda tubiriã ngue Dios cheẽ ñandu ra. Mbia tubiriã ngue Jesús icua cote ra. Bautizar i que cote ra. ⁹Itondaru mo ngue Pablo Jesús rea ra. Ñee ngue Pablo je cuu ra. — Eresiquichechi nda mbia si je. Sechee esenei senei mbei. Erehuichi nda esi jē. 10 Co aico nderea quiatu co. Mbae icua nda i ea ndeje. Sechee esenei senei mbei. A jenda ra seicua ja jiri cote, i que Jesús Pablo je cuu ra. ¹¹Pablo que sigui arete Corinto ra. Un año ndobeicho jiri que eriqui huee ra. Mbia mbaaquiatu quiatu bei Dios rii.

¹²Galión ngue Acayo jenda rerecua ra. Aque mose que judíos ñimbiicuã tuchi Pablo je ra. Oo que erese ra. Curuchoi que nguerecua je ra. ¹³Judíos que ñee ererecua je ra.

—Pablo que mbia mbaaquiatu icuã icuã nguia ra. Dios rii.

Nandererecua cheẽ ndui eã, i que judíos ra. ¹⁴Pablo nda ñee nguiã ña.

Ererecua Galión nane nguia ñee nguiã esi. Ñee judíos je. —Mbae icuã ndese que Pablo riqui âte. Ei nguia nda jeñee achandu nguiã ña. ¹⁵Mbae icuã ngue esaã eâte. Pablo cheẽ je chỗ jẽingo nguiã paama i. Judíos cheẽ nii ño jẽingo nguiã paama i Pablo je. Nyebe ra jeñee achanua. Jẽ ae jeñee turã jenyue ae, i que Galión judíos je ra. ¹⁶Mombo ja que uchuchua si cote ra. ¹⁷Sóstenes, i que judíos chumunua nuasa rerecua je ra. Judíos eã ngue paama i Sóstenes je ra. Isi icuã ngue ra. Iruã nua tuchi que ra. Ererecua Galión ndésaa que eiruã nua nda. Ererecua que teachỗ nda.

Pablo tube Antioquíaa

¹⁸Pablo que siqui atate Coríntoo ra. —Co acua quia jendecha co, i que uataque je cote ra. Jesús quiato je. Aquila abe que oso erese ra. Priscila abe no. Ngasẽ ngue ama nimíaa nda. Such a tubiriã. Cencrea, i que hue sucha tubiriã je ra. Pablo que ua chisia cote ra. —Acheẽ ngue Dios je, aque que amumbayã nda, i que ua sia cote ra. Siria icha rui que echoi cote ra. Ama ndisha icoi tuchi rui. ¹⁹Sucha tubiriã je que ngasẽ cote ra. Efeso, i que sucha tubiriã je ra. Aquila que siquichõ eresebe huee ra. Priscila, i que eninisi je ra. Pablo que oso judío s chumunuásaa ra. Ñee ñee tuchi que judíos je ra. ²⁰—Eico are jiri aa, i rei que judíos ee ra. Pablo que echeẽ mumba bei oso ra. ²¹—Taso Jerusalén. Mbia chumunua

mose taico rã Jerusalén. Achube ra mae jendese. Dios sembu mose ra achube mae jendese, i que Pablo ra. Oso que Efeso si cote ra. Ama ndisha rui bei que echoi ra. ²²Ngasẽ ngue Cesaréaa ra. Hue si que Pablo si Jerusalén cote ra. Hue jenda rese que mae nda. Jesús quiato. Hue si que esi Antioquíaa ra. ²³Siqui arete que Antioquíaa ra. Oso que Galacia cote ra. Frigia abe no. Sucha tubiriã ngue embuchesea sea tuchi quia hue jenda ra. Jesús quiato mundua ndua hue jenda.

Apolos Dios chee senei senei

24 Aque mose que judío mo ngasẽ huee ra. Efésoo. Apolos, i que ee ra. Alejandría jenda que ae ra. Dios cheẽ nenei neneisa tuchi mbia je. Dios cheẽ icuasa tuchi. ²⁵ Apolos que Dios icha icuate ra. Mbia que embaaquiatu quiatu turã tuchi quia ra. Mbia mbaaquiatu turã Jesús riã. Juan Bautista cheẽ achõ ngue eicua quia ra. Juan bautizar i mose mbia je. ²⁶ Apolos siquicheã tuchi que eriqui mbia mbaaquiatu quiatu ra. Judíos chumunuásaa. Aquil a que echandu ra. Priscila rese. Nyebe que ũquã Apolos rerao mbaaquiatu quiatu tuchi ra. Dios icha que embuchecua tuchi ee ra. ²⁷ Apolos que osose Acáyaa ra. Nyebe Jesús quiato emondo turã. Papel que embesa Acaya jenda je ra. Jesús quiato je Acaya jenda je. —Apolos jẽisi turã, i ee. Apolos que ngasẽ cote ra. Ae Jesús icua quia, ũquã mbaaquiatu quiatu tuchi. ²⁸ Apolos que judíos cheẽ siquisã tuchi ra. Judíos mbia mbaaquiatu chooño mose. Jesús riã eã. Nyebe Apolos echeẽ ndiquisã. Dios cheẽ ngue esenei senei nguia ee ra. —Jesús rei Cristo. Ae jẽsaarõ arõ nguia, aque rei Jesús i tuchi que Dios cheẽ nenei ee ra.

Pablo que siqui Efésoo ra

19 1Sita ibate bate ite rĩ ngue Pablo si ra. Ngasẽ ngue Efeso cote ra. Apolos siqui mose Corinto. Jesús quiato mo je que Pablo ngasẽ Efésoo ra. 2Pablo que ñee ee ra. —Jẽ Jesús isi mose, ¿Espíritu Turã abe ique jeñiangui re re? i que Pablo ee ra. —Espíritu Turã ndese ureiranuate, i que mbia Pablo je ra. 3Pablo que ñee ee ra. —¿Mbae riĩ bautizar i jēje re? i que ra. —Juan ñee nii ngue bautizar i ure je ra, i que Pablo je cote ra. 4Pablo que ñee ee ra. —Juan ngue bautizar i mbia je ra. Mbia hui mose huiicuã si. "Ae ra tu serui, aque jēicua jē. Jesucristo chō aque re", i que Juan nda, i que Pablo ra. 5Pablo cheẽ andu mose que bautizar i Jesús riĩ cote ra. 6Pablo que o chono earõ nda. Espíritu Turã ngue ique echiangui re cote ra. Ucheemo ngue esaã saã nguia cote ra. Dios cheẽ ngue embuchecua checua quia mbia je cote ra. 7Doce que ũquĩ nda. Jesús quiato.

⁸Pablo que oso oso quia judíos chumunuasa ra. Tres meses. Siquicheã tuchi que equia Dios cheẽ nenei nenei nda. —Ererecua tuchi quiarei Dios. Jesús jẽicua rã, i que Pablo quia mbia je ra. ⁹Emo emo ngue Pablo

cheẽ ñandu sereã nda. Echeẽ mumba mumba. Jesús rɨɨ ñee ɨcuã icuã mbeɨ mbia ja je. Nyebe Pablo nyao nguiã esɨ. Pablo que Jesús quiato curuchoi esɨ ra. Curuchoi que Tiranno chuchúaa ra. Huee que eriqui embaaquiatu quiatu cote ra. ¹ºDos años ngue Pablo riqui huee ra. Nyebe mbia Asia jenda jirandu ja nguiã Jesús rese. Judíos jirandu ja erese. Judíos eã abe no.

¹¹Pablo que mbae saã saã tuchi quia Dios quirãcuã je ra. Mbia mae sayã ngue esaã saã nguia ra. 12 Mbia rasi mbucherõ sacuã ngue mbia riqui tiru mbucha mbucha Pablo rese ra. Ũquĩ tiru que ecuruchoi choi quia mbia rasi je cote ra. Ũguɨ tiru ruruchoɨ mose, mbia rasi que nyerõ nyerõ nguia cote ra. Aba checuayã icuã abe que use use nguia mbia chiã si cote ra. ¹³Judíos mo ngue ngata beite quia ra. Sucha tubiriã mbuchesea sea bei que equia ra. —Aba checuayã icuã mbuse aquiatute que ure ra, i que equia ra. —Jesús rii aba checuaya icua nandembuse, i rei que nyue ra. Nyebe que ñee aba checuayã icuã mo je ra. —Jesús quirãcuã nii aico jembuse mbia si co. Ae Pablo senei senei nguia, i rei que judíos aba checuayã icuã je ra. ¹⁴Sacerdote rerecua riirī abe que eī si ra. Siete eriirī. Esceva, i que sacerdote rerecua je ra. Judío que ae ra. Ae riirí ngue eí si rei no nda. 15 Ũquĩ ngue ñee ndei aba checuayã icuã je ra. Aba checuayã icuã ngue echeẽ mumba ra. —Jesús aicua. Pablo abe aicua. ¿Aba chõ jẽ nde? Jaẽicuayate se, i que aba checuaya icua nda. 16 Aba checuaya nyireco que oo erese cote ra. Ucua ucua tuchi que ũqui ja rese cote ra. Ũquĩ siete rese. Aba checuayã icuã nyireco quirãcuã tuchi que esi ra. Aba checuayã nyireco que ũqui mbasi ja ra. Nyebe ũqui ndasi rasi uchã aba checuayã icuã si. Eirao eã ngu e nyoi uchã itaicuee rī nda. 17 Efeso, i que hue sucha tubiriã je ra. Hue jenda que jirandu ja erese ra. Judíos que jirandu ja erese ra. Judíos eã abe no. Nyebe hue jenda siquiche ja. Nyebe mbia ñee tură tură jate Jesús rii. 18 Jesús quiato mo ngue ngae ngae nguia ra. Eya eãte que huiicuã ndese ra. Nyebe huiicuã nenei nenei. 19 Mbia tubiria ngue mbae icua papel mbesa ji curucuae nda. Libros de brujería. Munua ja que huee ra. Ũquĩ ngue esei sei mbia ja résaa cote ra. Mba e isiquia ata tuchi raque que ũqui libros isiquia ra. Cincuenta mil plata. ²⁰Mbia tubɨrɨã ngue Dios cheẽ isi isi quia ra. Dios cheẽ ɨrãtãte que mbia tea quia cote ra.

21 Aquere que Pablo ñee nda. —Taso Macedonia. Acaya abe. Aquere ra aso Jerusalén cote. Jerusalén osore ra aso Roma cote, i que ra.
 22 Nguesenda nyeremo ngue emondo Macedonia nda. Timoteo. Erasto rese. Pablo que siquichõ are jiri huee ra. Asia.

Efeso jenda paama i ja Pablo je

²³ Aque mose que mbia paama i tuchi Jesús rii nda. ²⁴ Demetrio quia rei mbia mbiicuã icuã nyii. Dios mbuae chuchua que esaã saã nguia ra. Mbae

rendi ãtã je que eriqui sucha ñetẽ naa naa nda. Sucha ñetẽ tubiriã ngue esaã saã nguia ra. Dios mbuae chuchuarã. Diana, i que Dios mbuae je ra. Demetrio que mbae isi tuchi quia sucha ñetẽ ndibishorõ nda. Eresenda tubiriãte que sucha ñetẽ naa naasa ra. ²⁵Nguesenda ja que emunua nda. Dios mbuae chuchua raãsa que emunua ja ra. Ñee ngue ee ra. —Mbae nandeisi turãte rei nguiã nandechiao ribishorõ ã. ²⁶Pablo riqui ñee ñee mbia je co. "Dios mbuae mbia chiao rei eicuãte", i Pablo quia co. Mbia riqui echeẽ mumbayãte ã. A jendachõ eã ñene. Efeso mii eã ñene. Asia jenda abe eriqui echeẽ andu ã. ²⁷Ũquĩ icuãte nande je. Nandechiao ra mbia isi isiã ñochĩ cote re. Mbia ra hui ja chốchĩ Diana chuchua si cote re. Diana abe si ra mbia hui chốchĩ nde. Nandererecua tuchi que Diana. Mbia chiicua tuchi que ae. Asia jenda chiicua tuchi que ae. iMbia ra hui chốchĩ esi jē! i que Demetrio ra.

²⁸Demetrio resenda echee andu mose que paama ite ra. —iDiana quirăcuate je! iEfeso jenda rerecua quirăcuate je! i tuchi que mbia tasẽ tasẽ nda. ²⁹Hue jenda que paama i ja ra. Pare pare i tuchi. Pablo resenda nyeremo ngue eisi ra. Gayo. Aristarco rese. Macedonia jenda. Ũquĩ nyeremo ngue ecuruchoi mbia chumunuásaa ra. 30—Taique se abe. Tachee nee mbia je, i rei que Pablo ra. Jesús quiato que Pablo siquisa nda. ³¹ Asia jenda rerecua mo abe que uchee mondo Pablo je ra. —iEreiquechi nda nde jë! i Pablo je. Pablo quiato que ũquĩ nda. 32 Mbia que pare pare i tuchi ra. Tase tase ja que ra. Hue ri ja mbia ndua eate. Mbae mii ndese ndua eã. Paama i chooño ja. Eaquiatuã ño ñumunua ñooño nguiã. 33 Mbia mo ngue mbae senei ja Alejandro je ra. Judíos que Alejandro mua mbia ite re cote ra. —Echee mbia ja je, i que ee ra. Alejandro que o mee mbia je ra. —iJēquiriri cho jel i rei ngue ee re. —Mbia je tachee. Ť nda paama iã judíos je, i rei ngue re. ³⁴—Judío chỗ Alejandro riqui re, i ja que mbia ra. Nyebe mbia riqui tase tase mbeite re. Dos horas. —iDiana quirăcuăte je! iEfeso jenda rerecua quirăcuăte je! i tuchi que mbia tase tasẽ nda. 35 Secretario rei ererecua mo. Aque que mbia cheẽ siquisã cote ra. Ñee ngue ee cote ra. —Tachee jeje, Efeso jenda. Efeso jenda cho nande re. Diana ndei nandererecua. Nande rei Diana ndaarõsa. Diana naanguia ngue tu ibei sɨ, aque raarõsa chõ nande re. Diana chuchua raarõsa abe cho nande re. Mbia jirandu jate ũquɨ ndese. 36 Emo eɨcuayã eãte. Nyebe jẽquɨrɨrɨ chỗ jẽ. ¡Jẽaquiatuã jẽsaã saã eã ño jẽ! 37 Ae jẽisi seru nae, ũquĩ mbae mbuquiachã eãte dios mbuae chuchúaa. Ũquĩ ñee icuã icuã eate dios mbuae rii. Dios mbuae jenderecua rii. 38 Demetrio ñee icuãse mose emo nii, sã esi nandererecua chuchúaa. Demetrio resenda ñee icuase mose emo nii, sa echoi nandererecua chuchúaa. Huee cho ererecua riqui nguiã mbia cheẽ andu. Sã echoi ja ererecua je. Sã ñee ñee ja nyue ererecua résaa. Mbae icuã nii. 39 Mbae mo nii abe mose, jeñee mbia chumunua mose. 40 Jesús quiato que nandeisi chooñochi nda.

Nandechimbiicuã ñooño no nguiã. Nandererecua ñee arõte nande je. Echeẽ nda nandesibishorõ eã, i que secretario ra. ⁴¹ Aquere que hui mbia si ra. Mbia mbui que cote ra.

Pablo nyoi Macedóniaa, Gréciaa abe

20 ¹Mbia quiriri mose que Pablo Jesús quiato munua nda. Embaaquiatu quiatu jiri. —Co acua quia co, i que ee cote ra. Macedóniaa ngue echoi cote ra. ²Hue jenda sucha mbuchesea seate que echoi ra. Jesús quiato mundua ndua. Ngasẽ ngue Gréciaa cote ra. ³Huee que eriqui are jiri ra. Tres nyasi. —Taso Siria ama ndisha rui, i rei que cote ra. Jirandu que judíos icuã ndese cote ra. —Nandeisi, i nda judíos quia Pablo rii nda. Nyebe Pablo ru nguiã nyebi si Macedonia. ⁴Ã ngue nyoi erese ra. Eata rete. Sópater. Berea jenda. Aristarco. Segundo abe. Tesalónica jenda rei ũqui. Gayo. Derbe jenda. Timoteo. Tíquico. Trófimo. Asia jenda rei ũqui. ⁵Ũqui ja rane nguia nyoi nguiã ure si. Troas que echi nguiã ureraarõ. ⁶Fiesta de Pascua mose que urecu Filipos ra. Aquere que ureso ama ndisha rui cote ra. Cinco días que tu ure je ama ndisha ite re ra. Urecuasẽ namo ngue Troas cote ra. Ae ureraarõ arõ nguia, ũqui ngue uresiiti cote ra. Urecu are jiri que hue cote ra. Siete días.

Pablo nyoi Troas

7 Jesús quiato que ñumunua ja domingo mose cote ra. Mbichae sia sia nyue. Pablo que embaaquiatu quiatu quia ra. —Taso isamami, i que ra. Nyebe embaaquiatu quiatu itondiite mose chee. 8 Sucha ibátee que echi ñumunua nda. Eironguia ibate tuchi que ra. Ibate tuchi que echi ñumunua nda. Tata rendi tubiriã ngue etesae tuchi ra. 9 Mbia mo ngue chi ibate ra. Ventana tose. Etiaro namo ngue ra. Eutico, i que ee ra. Uque que hui ngoi ibate ra. Pablo que nee oco tuchi embeesi esi ra. Eque que tu ngoi ibate si ra. Mano ndei que ra. Tambuchuruã, i rei que emo nda. Eraaque cho eriqui reae. 10 Pablo que nguichi u erea ra. Oo tuchi que erese ra. Quiaama ngue ra. —iJēsiquichechi nda jē! Manoāte, i que Pablo mbia je ra. 11 Pablo que osoi nyui ra. Mbichae que echisia sia ra. U que ra. Mbia que embaaquiatu quiatube ra. Eresaito ndabe chee. Oso que erecha cote ra. 12 Ae ngoi nae, erasiã no ngue mbia curuchoichi nguiã. Mbia ia tuchi que ngoi je rese cote ra.

Pablo nyoi Milétoo

¹³Pablo que ñee nda. —Ibi rɨ taso se Asón. Hue sɨ ra aso jendese cote.
Ama ndisha rui, i que ra. Nyebe ure rane ureso nguiã ama ndisha rui.
¹⁴Ae urecuasẽ nguiã Pablo je Asón cote. Pablo que oso urerese am a ndisha rui cote ra. Canoa naanguia ye. Urecuasẽ ngue Mitilene cote ra.
¹⁵Hue sɨ que ureso ra. Isamamɨ ngue ejoõ acua mo urechucuã cote ra.

Quío, i que hue ejoõ acua je ra. Isamami nongue que urecuasẽ Samos cote ra. Hue si que ureso Trogílioo ra. Huee que urequeneã ureucua ra. Isamami ngue urecuasẽ Milétoo cote ra. ¹⁶Pablo que quicoi asi Asia si ra. Nyebe uresoã Efésoo. —Tacuasẽ quicoi oso Jerusalén. Fiesta de Pentecostés taicusu oso ngasẽ, i que Pablo ra.

Pablo ñee Jesús quiato rerecua je, Efeso jenda je

¹⁷ Mileto si que Pablo emo mondo Efésoo ra. —Jenyu, i que amei je ra. Jesús quiato rerecua je. 18 Ũquĩ ngue ngaẽ ee ra. Pablo que ñee ee ra. —Cosete que achu Asia ra. Seicuate raque se. Sechisaã jeicuate raque. ¹⁹Dios chee ngue asenei senei tură tuchi quia jeje. Secuasu que asaă saă eãte quia jēje. Acheseo tuchi que sequia mbia rese. Judíos que sembasi mbasi tuchi quia ra. "Taiquia", i rei que judíos quia seje ra. 20 Dios chee ngue asenei senei mbeite quia jeje. Asiquichea mbei que sequia erenei nenei jeje. Jembitiro sacua. Jenumunua nua mose. Jenyuchúaa ja abe que aico Dios chee nenei nenei jeje. 21 Achee tuchi que jeje. Judíos je. Judíos eã je ab e no. "¡Jēicuã si jēhui rã! Jesucristo jēicua rã", ae tuchi que sequia jeje. ²²Co aso quia Jerusalén co. Co Espíritu Turã sererao quia Jerusalén co. Mañi ño nda seje pee. ²³Co mii ño aicua nguiã. Espíritu Tură ngue nee seje ra. Sucha mbuchesea sea mose que eriqui nee nee seje. Mbia icuate ra seje. Sembasi rae. Semata ndae. Setaro ndae. Espíritu Tură ngue sembiirandu ra. ²⁴Sesiquicheate ũquĩ si. Sa seiquia quiatu. "Dios tura esenei senei mbei quia mbia je", i que Jesús seje ra. Aque mii ndese cho aico nguiã ndu a co. Echee mii ndese. Î nda echee amumba eã. ²⁵Dios nandererecua que asenei senei tuchi jeje. Jemae eã mbei ra serese cote. Aicuate se quia co. ²⁶ Jemo siqui sereã mose Jesús rese, se eã no cote re. Jẽ no cote re. Jẽ ja je chỗ ngue asenei senei ndesẽ. ²⁷Dios cheẽ ngue asenei senei jate jẽje. Asiquicheã mbei que sequia erenei nenei jēje. Dios cheē mo ngue atibo tibo eāte jēje. 28 iJēingo turā ño nyiese jē! iJesús quiato abe jeteaquiatu quia je! Espíritu Tura ngue nee jeje rese. "Jesús quiato rerecuara je", i que Espíritu Tura jeje rese. Jesús quiato iếteaquiatu quia jẽ. Ũquĩ ndibishoro ngue Jesús nguqui mondo ra. Umano mose. ²⁹Seso mose ra emo ngaẽ ñee ñooño jẽje. Tambɨɨrɨ ɨrɨ, ɨ ra jẽje. Eicuã ño ũquĩ nde. Nyacua rã sí. 30 Jendese ra emo ndiqui. Jesús quiato mbaaquiatu icuã icuã. Jesús quiato mbiiri iri. "I nda Jesús quiato siqui nanderese", i ra ũquĩ. 31 Jẽteaquiatu jẽ. Jaembaaquiatu quiatu tuchi que se. Tres años. Je ja que jaembaaquiatu quiatu. Acheseo tuchi que sequia jendese. ³² Aico jendecha Dios je a. Aico jendecha Dios turã je a. iDios chee tură jemumbayă mbei quia je! Dios chee nda jembuquirăcuă. Dios chee nda jemingo tuchi Jesús quiato rese. 33 Mbae isiquia que achosei chosei ate quia mbia mbae ae. Mbia irao abe que achosei chiate quia ae. ³⁴Seicuate rei que equia ae. Se sí cho aquiei quiei nguia icua. Seresenda

mbaerã abe que aquiei quiei quia aẽ. ³⁵ Jaembaaquiatu quiatu beite que se. "Jēquiei quiei", ae beite que sequia jēje. "Mbaecha reã je mbae jemee mee", ae que sequia jēje. Jesús cheẽ ndese jendua. "Ae mbae meeño nguia emo je, eya tuchi chỗ aque re. Ae eo jenda isi, aque quia eya tuchiã jiri", i que Jesús nande je ra, i que Pablo Efeso jenda je ra.

³⁶ Aquere que Pablo ngoi ngũíã ndese ra. Ñee ngue Dios je ra. Ũquĩ ndes e ja. ³⁷ Mbia que nyese o ja Pablo rese ra. Quiaama ama ngue ra. Eritii que esiite it e ra. ³⁸—Jemae iã nda serese cote, i que Pablo ee ra. Nyebe que eya eã tuchi ra. Pablo rese que echoi erasaa ra. Ama ndisha rimia ndese. Pablo so rese mae.

Pablo nyoi Jerusalén

21 ¹Urecuata que ũquĩ ndecha cote ra. Canoa naanguia ye que ureso cote ra. Cos que ureso ra. Isamami ngue ureso Rodas cote ra. Hue si que ureso Pátaraa cote ra. ²Huee que canoa mo chi ure je ra. Fenisia rĩ ngue esi quia ra. Aque ye que urea cote ra. Eye que ureso cote ra. ³Chipre rese que uremae nda. Ejoõ acua. Ejii rĩ ngue ureso ra. Síriaa que ureso ra. Tiro que ure cu mbirĩ cote ra. Huee que canoa yenda jea jea ra. ⁴Jesús quiato que urembirõ hue jenda ra. Siete días que ureico erese ra. Espíritu Turã ngue hue jenda mbucheẽ Pablo je ra. —iEresochĩ nda Jerusalén jẽ! i rei ngue Pablo je re. ⁵Aquere que ureso cote ra. Jesús quiato que nyoi ja urerese ra. Ama nimia ndese. Eresebe echoi urerese. Nguiirĩ abe ruruchoi. Ama ndisha rimia ndes e que urecoi ja urenía ndese ra. Ñee ñee Dios je. ⁶Urechiquiaama ama ja que cote ra. —Co urecua quia co, ure que ee ra. Canoa ye que ureso cote ra. Hue jenda que nyoi nyebi uchuchúaa cote ra.

⁷Tiro si que ureso cote ra. Ureso que Tolemaida ra. Huee que urecheẽ ñee Jesús quiato je ra. Ureitõ mii ngue erese ra. 8 Isamami ngue ureso cote ra. Cesaréaa que urecuase nda. Felipe chuchúaa que ureso ra. Ae que Jesús chee nenei neneisa ra. Ae que mbaecha rea mbuquiaru sa ra. Diáconos, i que mbaecha reã mbu quiarusa je ra. Aque chuchúaa que urecu ra. ⁹Cuatro que Felipe rucucha ra. Eruã ja. Dios chee nenei neneisa ja que ũquĩ nda. ¹⁰Huee urecu are jiri mose que emo ndu ra. Judea si. Agabo, i que ee ra. Dios chee nenei neneisa que ae abe ra. 11 Ae que tu ure je ra. Pablo numbicuasa que eisi ra. O que echucua eye ra. Hui abe que echucua ra. Pablo numbicuasa je. Ñee ngue cote ra. —Espíritu Turã ndiqui ñee ndeje a. "I nda judíos ndecua pee Jerusalén. Nemee nda judíos eã je cote", i que Espíritu Turã nda, i que Agabo Pablo je ra. 12 Ure eandu mose queurechee Pablo je ra. Cesarea jenda abe que ñee ee ra. —iEresochi nda Jerusalén je! ure ja rei ngue ee re. 13 Pablo que ñee ure je ra. —¿Mbaerã jeingo nyeseo seo serese re? ¿Mbaerã jeingo sembia eate re? ¿Mbaete ere? Sa secua Jerusalén ae. Sa seiquia Jesús rii ae, i que

Pablo ra. ¹⁴Pablo que uresiquisã aroneate ra. Nyebe urecheẽ eã nguiã e e cote. —Sã Dios ae riqui ñee ñee ee no, ure chee que ra.

¹⁵Ureico quiatu que cote ra. Ureso que Jerusalén cote ra. ¹⁶Jesús quiato mo abe que nyoi urerese ra. Cesarea jenda. Chipre jenda mo ngue siqui Jerusalén nda. Masón, i que ee ra. Jesús quiato tuchi que ra. Cose tuchi que eriqui Jesús rese ra. Cesarea jenda que urererao Masón nyuchúaa ra. Huee que urecu erese ra.

Pablo oso Jacobo rea

¹⁷ Jesús quiato ia tuchi que urecuase mose Jerusalén nda. Ureisi turã ngue ra. ¹⁸ Isamami ngue Pablo si Jacobo rea ra. Ure abe que ureso erese ra. Huee que amei ja chi ra. Jesús quiato rerecua. 19 Pablo que ñee ee ra. Mba e renei nenei ja ee. —Dios que siqui tuchi serese ra. Se echee nenei nenei mose judíos eã je, i que Pablo Jesús quiato rerecua je ra. ²⁰ Pablo chee andu mose que nee tura tura Dios je ra. Nee ngue Pablo je cote ra. —Jesús quiato tubiriãte que judíos cote ra. "iMoisés chee ndui si chỗ nandeico jẽ!" i tuchi que ũquĩ nguia ra. 21 Ũquĩ ndiqui ñee icuã icuã nderii ũqui. "Pablo que judíos ataque mbui Moisés chee si ra", i equia nderii ũqui. "Coche rei Moisés chee jemumba. iCircuncisión jesaachi jendiirî je jë! iJudíos ataque chisaã saã nda jësaãchi jë!', i que Pablo quia judíos je ra", i rei equia nderii ũqui. 22 ¿Mañi nande ra re? Jesús quiato ra ñumunua ja judíos. Jirandu mose ndereco mose a. 23 if ere je! Mbia cuatro que siqui urerese ra. Ũquĩ ngue ñee Dios je ra. "Ã nda uresaã ndeje", i que ũquɨ Dios je ra. Ũquɨ nda esaã ee cote. 24 Ũquɨ erao Dios chuchúaa. Ũguĩ na si esaã nde abe. Nembuturã sacuã. Mbae isiquia emondo ee Dios chuchúaa. Queñi ua sia cote. Î ere quiatu. Mbia ra jirandu jate nderese. "Pablo abe riqui Moisés chee mumbaya tuchichi nande ra si", i ra nderii cote. ²⁵ Judíos eã je que nandecheẽ Jesús quiato je. Nandecheẽ mɨɨ ño ngue nandemondo ee.
^Ĩ nande cho ngue ee. "Mbia soo mondo mondo mose dios mo je, iaque soo ra jeuchi je! iEruqui resebe ra soo jeuchi je! iMbae ruqui ra jeuchi je! iJeninisi rese rocoi nda jeingochi emo ndese je! iJendu rese rocoi nda jeingochi emo ndes e je!" nande que judíos ea je, i que Jesús quiato rerecua Pablo je ra.

Soldados rerecua Pablo isi

²⁶Pablo que ũquĩ cuatro querao cote ra. Dios chuchúaa que ererao ra. Isamami ngue Pablo ñimbitirõ nda. Ũquĩ cuatro rese. Oso que ñee Dios chuchua rerecua je cote ra. —Aque mose ra mbae mo ureiquia Dios je cote, i que Pablo ee ra. ²⁷Siete días que echi huee ra. Judíos mo ngue mae Pablo rese cote ra. Asia jenda mo. Dios chuchúaa Pablo chĩ mose que judíos mae erese ra. Ũquĩ ngue mbia mbiicuã Pablo je ra. Oo que Pablo rese ra. Isi que ra. ²⁸Tasẽ tasẽ ngue ñee mbia je ra. —iIsrael jenda! Jenyu

rã urerese. Pablo nandeisi rã. Ae quia oso oso beite nguiã ñee icuã icuã iudíos rii. Moisés chee ni i abe quia eriqui nguia nee icua icua mbeite. Dios chuchua rii abe quia eriqui nguiã nee icua icua mbeite. Judíos ea mo abete quia equeruchi nguia Dios chuchúaa. Dios chuchua mbiicuate nyeresẽ, i que mbia paama i Pablo je ra. 29 Pablo quia ñi siquichĩ nguiã Trófimo ndese. Pablo quia Trófimo querao abareãte nguiã Dios chuchúaa judíos je. Nyebe ngue mbia riqui nguiã ñee icuã icuã ee. Judíos eã nguia ñi ngue Trófimo nde. Efeso jenda quia ñi ngue Trófimo nde. Nyebe ngue mbia riqui nguiã ñee icuã icuã Pablo je. 30 Hue jenda que ñimbiicuã tuchi Pablo je ra. Oo ja que erese ra. Isi que ra. Mbutiriri que Dios chuchua si ra. Dios chuchua que ematã cote ra. ³¹ Pablo nda mbia iquia nguiã ña. Emo ngue oso ñee soldados rerecua je ra. —Mbia Pablo iquia serite quia pee, i que oso ee ra. 32 Soldados rerecua que soldados munua nda. Oficiales abe no. Nyoi asi que mbia icuã ndea cote ra. Mbia que Pablo iruã nua eã cote ra. Soldados rese mae mose. 33 Ererecua que oso Pablo rea ra. Pablo isi que ra. —Echucua cadenas je, i que soldados je Pablo rii nda. Ererecua que ñee mbia je cote ra. —¿Aba co re? ¿Mbae ¡cuã esaã jēje re? i que mbia je ra. 34 Hue rī ja mbia ñee eã ee. Mbia que ñee ata ata ee ra. Tase tasete que nee ee ra. Nee noono ererecua je. —¿Mbae ra aba icua jeñee nde? i chee que ererecua mbia je ra. —Pablo jenva mbiri na cuartel, i que ererecua soldados je ra. 35 Pablo ruruchoi que ra. Ngasẽ ngue eiquesa rurubi cote ra. Hue que mbia icuã icuã sí Pablo je no nda. Nyebe soldados ecuruchoi nguiã sui cote. 36 Mbia que tase tase ngae nguia erui ra. —iJēiquia rei ae! i que mbia cuae nguia erui ra.

Pablo ñee mbia cuabe je

37 Pablo nda emingue nguiã soldados chuchúaa chã. Ae Pablo ñee ño nguiã ererecua je. —Tacheẽ na, i que ererecua je ra. 38 Ererecua que ñee Pablo je cote ra. —¿Griego cheẽ ereicuate nde re? Egipto jenda ereico reĩ seje. Ae eicuã icuã ndiqui gobierno je, ¿ũquĩ nderecua eã nde re? ¿Nde mbia iquia iquiasa rerecua eã nde re? Cuatro mil mbia iquiasa. ¿Nde ererao eã turúquiaa re? i que ererecua Pablo je ra. 39 Pablo que ñee ee ra. —Tei. Judío chõ se re. Tarso jenda chõ se re. Sucha tubiriã tuchi que Tarso de Cilíciaa ra. Tacheẽ na mbia je, aechĩ nguiã ndeje, i que Pablo ererecua je ra. 40—Eno. Echeẽ ee, i que ererecua ra. Eironguia ibate rese que Pablo ñi juã nda. O que emee mbia mbuquiriri ra. Mbia quiriri mose que ñee ee ra. Judíos cheẽ ngue esaã mbia je ra.

22 ¹—Seataque, seandu rã. "Eicuã", jenyechĩ nguiã seje. Nyebe tacheẽ jẽje, i que Pablo ra. ²Pablo judíos cheẽ naa mose, mbia que quiriri ja tuchi cote ra. Pablo que ñee mbei mbia je ra. ³—Judío chố se re. Társoo que achaacuquia ra. Tarso de Cilicia. Aa que atiarõ nda. Jerusalén ngue atiarõ nda. Gamaliel que sembaaquiatusa ra. Nanderamei

ndui si que sembaaquiatu quiatu ra. Eraã si. Dios cheẽ ngue amumba sereã tuchi ra. Sã jẽingo namo ã no. ⁴Seicuã tuchi que eriqui Jesús quiato je nyii ra. Emo emo ngue aiquia chee ra. Emo emo ngue aru aru quia tarõ nda. Mbia ninisi abe que atarõ tarõ nguia ra. ⁵Sacerdote rerecua que cartas mondo seje ra. Judíos rerecua abe que cartas mondo seje ra. Damáscoo nda aso nguiã ererao chã. Judíos je nda cartas arao nguiã ña. Hue jenda je. Damáscoo nda aso nguiã ña. Jesús quiato requia requia. Aa nda aru nguiã tarõ ña. Aa nda aru nguiã eiruã nua ña. Jenderecua ũquĩ icuate raque. Jeñee ee ae.

Aico uba Dios rese co cote, i Pablo

6 Acuasẽ nda Damáscoo chã nde. Tenda ibate que tata mo tu seresae ra. Ibate sɨ que eru ra. Tata rendi que seresae tuchɨ ra. Sembua tuchɨ que ra. 7 Tata rendi rese mae mose que acoɨ oso íbii ra. Echeẽ mo ngue achandu ra. "Saulo, Saulo. ¿Mbaerã ndeɨcuãte riqui seje re?" i que seje ra. 8"¿Aba nde re?" ae que ee ra. "Jesús rei se. Nazaret jenda. Ae je ndeɨcuãte riqui", i que seje ra. 9 Seresenda que siquiche tuchɨ ra. Mae ndei ngue tata rese re. Echeẽ nguia echanuate nguiã. 10"¿Mañɨ ae ra se re, Sererecua?" ae que se ra. "Dios que ndeirabo ra. Ehuã cote. Ecuasẽ oso cote. Damáscoo. Mbae rɨ̃ nda acheẽ ja ndeje huee cote", i que Jesús seje ra. ¹¹ Tata rendi que seresa mungue ra. Seresayã. Nyebe seresenda sererao nguiã seo rese. Damáscoo.

12 Huee que emo ndiqu i ra. Ananías, i que ee ra. Moisé s cheẽ ngue emumbayã tuchi quia ra. Judíos hue jenda que ñee turã ja quia ee ra. 13 Ananías que tu serea ra. Ñee ngue seje ra. "Saulo, Jesús quiato ereico co cote. Emae cote", i que seje ra. Seresa turã ngue cote ra. Amae ngue erese cote ra. 14 Ananías que ñee seje ra. "Nanderu rerecua que Dios ra. Dios que ndeisi cose ra. Ae Dios chosei quia, ũquĩ icua sacuã ngue Dios ndeisi cose ra. Jesús turã ndese mae sacuã ngue ndeisi cose ra. Jesús cheẽ andu sacuã ngue ndeisi cose ra. 15 Dios cheẽ nda eresenei senei mbia ja je cote. Ae rese eremae, ũquĩ nda eresenei senei mbia ja je cote. Ae rese eremae, ũquĩ nda eresenei senei mbia ja je cote. 16 ¿Mbaerã ereico chôte a re? Ehuã na. Sã Jesús quiato bautizar i ndeje. Echeẽ na Jesucristo je. Sã Dios ndeicuã mbutiã", i que Ananías seje ra.

Dios que atea cuu ra, i Pablo

¹⁷ Achube que Jerusalén nda. Aso que ñee Dios je ra. Dios chuchúaa. Huee que Jesús atea cuu ra. ¹⁸ Jesús que atea ra. Ñee ngue seje ra. "Eso asi Jerusalén si. A jenda ra ndecheẽ mumba mumbate, nde serenei nenei mose. Eso erecha" i que Jesús seje ra. ¹⁹ Acheẽ ngue Jesús je ra. "Sererecua, a jenda que seicuate nyii ra. Seicuãte que eriqui nyii ra. Jesús quiato que asirõ sirõ nguia judíos chumunuasa si nyii ra. Atarõ tarõ ngue

sequia ra. Airuã nua ngue sequia nyii ra. ²⁰Mbia Esteban iquia mose, seyate que ũquĩ mose ra. Huee que aico ra. Eiquiasa irao que asaarõ nda", ae que Jesús je cuu ra. ²¹Jesús que ñee seje ra. "Eso. Taremondo isho. Secheẽ nda eresenei seneite judíos eã je", i que Jesús seje ra, i que Pablo mbia je ra.

²²Judíos eã nii ñee mose que mbia nyiibute cote ra. Pablo cheẽ andu sereã cote. —¡Pablo nande¡quia rei jẽ! Ť nda eriquía cote, ¡ que judíos tasẽ tasẽ nda. ²³Mbia paama i ja Pablo je. Tasẽ tasẽ. Huiirao mbaaba aba. Ibi tuba ara ara mombo mombo ibate. ²⁴Soldados rerecua que ñee cote ra. —Pablo jendao matã. ¡Nandeiruã nua jẽ! f̃ nda ñee, i que ererecua ra. —¿Mbaerã mbia ñee icuã icuã ndeje re? i Pablo je. 25 Soldados que Pablo chucua ra. Iruã nua nda eña nde. Pablo que ñee capitán je cote ra. —¿Mbaerã nda seiruã nua nde? Romano ño se rese. Mbae icua asaã eate resẽ, i que ra. ²⁶Capitán ngue oso ererecua mbiirandu cote ra. Pablo cheẽ nguire. —¡Ereiruã nuachi nda je! Romano ño ae re, i que capitán nda. ²⁷ Ererecua que oso ñee Pablo je cote ra. ¿Romano nde re? i que ee ra. Ae, i que ee ra. ²⁸Ererecua que ñee mbe ee ra. —Mbae isiquia que amondo tuchi mbia je ra. "Romano" i nonde seje, i que ererecua Pablo je ra. Pablo que ñee ee ra. --Romano mbei cho se re. Sechiacuquia mosenda bei, i que ra. ²⁹Pablo iruã nua eã ngue cote ra. Mbia que hui esi cote ra. Mbia siquiche ja tuchi que cote ra. —Pablo nandechucuachi. Romano no eriqui re, i que mbia cote ra. Ererecua abe que siquiche tuchi cote ra. Pablo o cuare.

Ererecua ñu munua Pablo chee andu

30—¿Mbaerã judíos paama i Pablo je re? i que soldados rerecua ra. Isamami ngue ererecua ataque munua cote ra. Sacerdote rerecua ja. Amei ererecua ja. Pablo que ecuruchoi ererecua achō je cote ra. Ūquī ererecua ñee sacuã ee.

23 ¹Pablo que mae huĩ ererecua ja rese ra. Ñee ngue ee ra. — Seresenda, mbae turã ndese aico bei co. Namo abe. Nyebe sesiquicheã mbei riqui Dios si co, i que Pablo ra. ²Ananías, i sacerdote rerecua je. Aque que ñee Pablo ji jenda je ra. —Pablo churu rese jengua, i que ra. ³Pablo que ñee ee cote ra. —Dios ra ucua nderese jē. Ndeturã eresaã ñooñochĩ nguiã. "iMoisés cheẽ nda jemumbachĩ jẽ!" ere rei que ure je. ¿Mbaerã ereico echeẽ mumba mumba nde re? "Jengua Pablo churu rese", ere chôchĩ nguiã seriĩ. Moisés cheẽ mumba, i que Pablo ee ra. ⁴Pablo cheẽ andusa que ñee asite ee ra. —¿Mbaerã erecheẽ icuã sacerdote rerecua je re? Dios emingo rei a resẽ, i que Pablo je ra. ⁵Pablo que ñee ee ra. —Sacerdote rerecua eã eriqui reĩ nguiã seje. Ĩ nda acheẽ eãte eriĩ. Aicuayãte quia ñi se re. "Jenderecua riĩ jẽingochĩ nguiã ñee icuã", i rei que Dios ñee nande je resẽ, i que Pablo ra.

⁶Hue rɨ̃ ja ererecua ndua eã. Fariseos, ɨ que ererecua ataque je ra. Saduceos, i que eataque je no nda. Nyebe Pablo ñee nguiã ee. — Seresenda, se rei fariseo. Seru ja rei fariseos no. "Mbia mano je ra quera si", ae quiatu nguiã co. Ũquĩ je chỗ mbia riqui nguiã paama i seje. Ũquĩ je cho ngue sereru nguiã jeje, i que Pablo ererecua je ra. 7 Pablo chee nguire que ererecua ñee icuã icuã nyue ra. Saduceos que ñee icuã icuã fariseos je ra. Fariseos abe que ñee icuã icuã saduceos je no nda. 8 Saduceos que ñee nguia ra. —Mbia raaque ra quera si eã. Angeles eã ibatenda. Mbia aĩ abe eã, i que saduceos quia ra. Fariseos que echeẽ sobeishĩ nda. — Eraaque ra quera si. Angeles siqui a ndese. Mbia ai abe siqui a ndese, i que fariseos ra. Nyebe ererecua ñee icuã icuã nguiã nyue. 9 Tase tase tuchi que nyue ra. Fariseos mo ngue juã ñee nda. Ũquĩ ndei embesasa. Ñee ngue Pablo rɨɨ nda. —Pablo que mbae ɨcuã saã eãte quia. Emo aĩ ñee ee reae. Angel mo ñee ee re no ae. Nyebe nandeico turã ee no. Ũqui mose ra nandeico turã Dios je abe, i que fariseos ra. 10 Mbia que ñe e icuã icuã mbei chochi nguia nyue. Soldados rerecua ireite que eriqui ra. Mbia que Pablo iquia serite quia ee ra. Nyebe nee soldados je. —Jeso Pablo rea. Jendao rã jenyuchúaa, i que ererecua soldados je ra.

¹¹Isa que Jesús ru ñee Pablo je ra. —Eresiquiche techɨ nda, Pablo. Serenei nenei ngue se a, eɨ ere sɨ ra oso serenei nenei Roma, ɨ que Jesús Pablo je ra.

Pablo nandeiquia, i rei mbia

¹²Isamami ngue judíos ñee ja nyue ra. —iPablo nandeiquia jë! i ja nyue. Mbae mo nda nandeu eã mbei, Pablo iquiayã mbei mose. Nandeyu eã mbei ra Pablo iquiayã mbei mose. Chã Dios nandembasi, Pablo iquiayã mose, i tuch i que judíos ñee nyue ra. ¹³Ae Pablo iquia serīte quia, ũquĩ cuabēte que ra. Cuarenta que ra. ¹⁴Ũquĩ ngue nyoi ja ñee mbia rerecua je ra. Sacerdote rerecua je abe no. —Mbae mo nda ureu eã mbei, Pablo iquiayã mbei mose. Chã Dios urembasi, Pablo iquiayã mose. ¹⁵"iPablo embu ure je!" jenye soldados rerecua je. "Pablo rese uremae na", jenye soldados rerecua mbiirī irī. Ñeenda cúa ra urechiquitirõ erese. Pablo ra ureiquia chã, i rei que judíos ra.

16 Pablo nongue riirī ngue jirandu erese ra. Aque que oso Pablo mbiirandu ra. Soldados chuchúaa. —iMbia ra nyiquitirō tirō nderese jē! iNdeiquiachī nda jē! i que Pablo je ra. 17 Nyebe Pablo ñee soldado mo je ra. —Senongue riirī erao ndererecua je. Ñee nda ndererecua je chā, i que Pablo ra. 18 Nyebe ererao nguiā nguerecua je. —Pablo que acuanindu mbu ra. Mbae i chō nda ndeje, i nguerecua je. 19 Ererecua que acuanindu querao eo rese ra. Pe jiri que eñi ñee ee ra. —¿Mbae ere u ñee seje re? i que ererecua ra. 20 Acuanindu que ñee ererecua je cote ra. —Judíos ra ñee ndeje. "Pablo embu ererecua chumunua mose. Ererecua

ra Pablo cheẽ ñandu", i ra nembiirĩ irĩ. ²¹Ñee ñooño nda ndeje. iEcheẽ nda eremumbayāchĩ jẽ! Judíos cuabẽ nda nyiquitirõ tirõ erese. Cuarenta. "Mbae mo nda nandeu eã mbei Pablo iquiayã mbei mose. Nandeyu eã mbei ra Pablo iquiayã mbei mose", i tuchi judíos, i que acuanindu ererecua mbiirandu ra. ²²Soldados rerecua que ñee acuanindu je ra. —iEquiriri chõ oso! iErecheẽchĩ nda emo je jẽ! i que ee ra.

Pablo mondo ererecua Félix je

²³Ererecua que ñee ererecua ataque mo je cote ra. —Sã soldados icoquiatu. Sã echoi Cesarea itondáruu. Sã doscientos choi ibi rã. Sã setenta choi ticuasu ato. Sã doscientos choi ira racuatirõ ji rerecua. Cesarea ra jeso itondaru, i que soldados rerecua nee nda. 24—iTicuasu jēisi mua Pablo rendacuā jē! iPablo jendao turā nguia jē! Jendao turā ererecua Félix je, i que soldados rerecua ra. ²⁵Embesa ji que emondo Félix je ra. \tilde{I} ngue carta mbesa ra: ²⁶—Se rei Claudio Lisias. Co ambesa quia ndeje co, Félix. Mbia rerecua tuchi quiarei nde. ²⁷Co amondo quia ndeje co. Pablo, i equia ee. Judíos eisichi neae. "Nandeiquia", i rei ereae. Se cho ngue asiquisa nguia. Romano ndei ae. Nyebe mbia asiquisa nguia esi. ²⁸ Judíos rerecua chumunua mose que Pablo arao ee ra. "¿Mbaerã mbia icuat e riqui Pablo je re?" ae rei ngue nee ererecua je re. 29"Pablo nandetaro", i rei que judíos quia ra. "Pablo nandeiquia", i rei que judíos quia ra. Pablo siquíã ndaque mbae icuã ndese. Judíos cose ndare cheẽ nguire cho ngue judíos paama i Pablo je ra. 30 Airandu que erese ra. "Judíos ra Pablo iquia", i que mbia mo ñee seje ra. Nyebe aico nguiã Pablo mondo ndeje aque. Ae eicuã icuãte riqui Pablo je, ũquĩ je que acheẽ nda. "Jeso quia nee Félix je", ae cho ngue ee ra. Hasta luego. H ngue carta mbesa ra.

3¹ Soldados que Pablo curuchoi isa ra. Nguerecua cheẽ nguire. Ngasẽ ngue Antípatris ra. ³² Soldados que nyoi ibi rĩ, ũquĩ ngue ngaẽ nyebi isamami nda. Ae nyoi ticuasu ato, ũquĩ ngue nyoi bei ngasẽ Pablo ruruchoi ra. ³³ Ngasẽ ngue Cesaréaa ra. Soldados rerecua chimbesa que emondo mbia rerecua je ra. Pablo abe que emondo mbia rerecua je ra. ³⁴ Mbia rerecua que mae huĩ carta echimbesa rese ra. —¿Ma jenda nde re? i que Pablo je cote ra. —Cilicia jenda rei se, i que Pablo ee ra. ³⁵ —Ae ñee icuã icuã nguia ndeje, ũquĩ ngasẽ mose ra ndecheẽ achandu ja, i que ererecua Pablo je ra. —Pablo jēteaquiatu tuchi Herodes chuchúaa, i que soldados je cote ra.

Judíos ererecua mbiicuase Pablo rii

24 ¹Cinco días mose que sacerdote rerecua ngasẽ Cesaréaa cote ra. Ananías, i equia sacerdote rerecua je. Ererecua ataque mo ngue ngasẽ erese ra. Tértulo abe que ngasẽ erese ra. Abogado rei Tértulo.

Ngasẽ ngue ecuaẽ ñee ñooño Félix je ra. Pablo riĩ. ²Soldados que Pablo curucuaẽ ererecua chumunua mose ra. Tértulo que ñee icuã tuchi Pablo riĩ cote ra. Ererecua nda embiicuã nguiã Pablo riicharã ña. Ñee ngue ererecua je ra. —Ndeturãte eriqui ure je co, Urererecua. Ndeaquiatute eriqui ur e je co. Urembiate equia co. ³Nyebe "iaanye" ure bei nguiã ndeje co, Félix. ⁴Ureandu mbirĩ na. Urecheẽ oco eã nda ndeje nye. ⁵Pablo quiarei siqui chooñoa judíos je. Judíos mbuchesea sea ja. Embiicuã icuã uchue. Nazarenos, i que judíos ataque mo je ra. Ũquĩ nderecua rei Pablo. ⁶Pablo que Dios chuchua mbiicuã serĩte rei ra. Nyebe ureisi nguiã. Urerao rei que judíos rerecua chumunua mose ra. ⁷Lisias tu chŏchĩ soldados rurucuaẽ cote. Ureriquisã. Pablo rirõ icuã ureo si. ⁸"Jeñee icuãse mose Pablo riĩ, jeñee ño oso Félix je", i que Lisias ure je ra. Echeẽ Pablo je no. Ereirandu ra Pablo rese cote. Eicuã ndese, i rei que Tértulo Félix je ra. ⁹—Ae beite, i ja judíos Tértulo cheẽ mose. Ñee icuã icuã ja Pablo riĩ.

Pablo ñee ererecua Félix je

¹⁰Ererecua que ñoomee Pablo je cote ra. —Nde echee seje cote, i chõ ñoomee nguiã ee. Pablo que ñee ee cote ra. —Urererecua ima nde. Ndeaquiatute. Nyebe sebite riqui nguiã sechee mose ndeje. Ã ngue ñee ñooño nguia serii nda. Echee tasibishoro ndeje. 11 Namo jiri que aso Jerusalén nda. Doce días. Achee nee ngue oso Dios je ra. Echee nee mbia je ae. Sã mbia nembiirandu ae. "Ae beite" i ra mbia ndeje. 12 Emo je que aico ñee icuã icuã eate Dios chuchúaa ra. Mbia que ambuchee icuã ea nguia nyue ra. Judíos chumunuásaa que aico eã mbia mbiicuã icuã nda. Mbia chuchua ite re abe que aico eã mbia mbiicuã icuã no nda. 13 Ã ñee ñooño ño nguiã serii. À mae ate seicua mo ndese rese. 14 Aque mii ndese chỗ aico resẽ. Dios cheẽ yasu rui bei chỗ aico nguiã co. Dios cheẽ yasu quiarei eicuã eã. Dios rei ureru rerecua bei. Co aico Dios icua co. Co aico Moisés chee icua co no. Co aico Dios chee mbuchecuasa chimbesa icua co no. ¹⁵Co aico Dios icua ũquĩ na si co. Mbia raaque ra quera si no. Ũquɨ aɨcuate. Mbia ɨcuã nda quera sɨ. Mbia turã na sɨ. Quera ja chõ ndae. 16 Nyebe aico Dios chee ndui bei co. Nyebe sechia cuaacua i ea Dios si. Mbia si abe. ¹⁷Cosete que aso a si ra. Muchos años. A achube a cote. Mbae mee mee sacuã mbaecha reã je. Seresenda je. Dios je abe mbae mee. 18 Achimbutură ngue Dios chuchúaa ra. Mbia eãsa. Mbia ambiicuã eã. Judíos Asia jenda que mae serese ra. Dios chuchúaa. 19 Sã ũquĩ ngaẽ serenei ndeje. Seicuã mose, sã ũquĩ ngaẽ ñee ndeje. 20 Sã ã abe ñee ndeje. Seruruchoi rei que judíos rerecua chumunua mose ra. Mbae i ãte que seje ra. "Mbae icuã ngue eresaã nda", i eã ngue ererecua seje ra. 21 "Mbia mano je ra quera si, ae cho ndei nguiã co. Úqui je cho ngue sereru nguiã jēje", ae que ererecua je ra. Ũquɨ i equia seje reae, i que Pablo Félix je ra. Félix rei ererecua.

22—Emo mose ra acheẽ ndeje, i que Félix Pablo je ra. Félix jirandu tuchi rei Jesús chimbaaquiatu rese reaẽ. —Sã soldados rerecua ru rã. Huee quia nda acheẽ nguiã cote. Mañi ño nda aba ndeje cote, i que ererecua Pablo je ra. ²³ Félix que ñee capitán je cote ra. —Pablo jëteaquiatu bei jẽ. Jẽhui jẽhui jiri esi. Sã equiato ngaẽ ngaẽ erea. Mbae mondo mondo ee, i que Félix ra.

²⁴Emo mos e jiri que Félix ngasembe Cesaréaa ra. Eresebe que eru ra. Drusila, i que eninisi je ra. Judía rei eninisi. —Pablo jendu rã. Pablo cheẽ tachandu rã. Jesucristo riɨ tachandu, i que Félix ra. ²⁵Pablo que tu ñee ee ra. —Sã mbia siqui turã Jesús rã si. Sã mbia ñimbirãcuã mbae icuã si. Dios ra mbia icuã mbuchao, embasi sacuã, i tuchi que Pablo Félix je ra. Félix chiã ngue cuaãcuã i Pablo cheẽ mose ra. Nyebe ñee Pablo je. —Eso cote. Serecochĩ mose ra acheembe ndeje, i que Félix Pablo je ra. ²⁶— Pablo ra mbae isiquia mondo chee seje. Se embui sacuã, i rei que Félix ra. Nyebe Félix "echu" i i bei nguiã Pablo je. ²⁷Eĩ mbei que Félix quia ra. Dos años. Aquere que Félix ererecua eã cote ra. Porcio Festo que esiquicharõ nda. Félix que Pablo tarõ mbei mii nda. —Ĩ nda judíos paama iã seje, i que ra.

Pablo ñee ererecua Festo je

25 ¹Festo que ngasẽ Cesaréaa cote ra. Félix rendaque re, mbia rerecuarã. Tres días mose que esi Jerusalén cote ra. ²Huee que sacerdote rerecua ñee icuã ja Pablo riĩ nda. Judíos rerecua abe ñee icuã ja Pablo riĩ. Festo je ñee ñee Pablo riĩ. ³—Urembia jiri rã. Pablo eru Jerusalén, i ja rei que sacerdote rerecua Festo je ra. Iquia nda eña nde. Ñeenda cúaa. ⁴—Pablo tarõ ji ñi Cesarea pee. Aruã nda se. Namo jiri ra aso pee, i que Festo ra. ⁵—Sã jenderecua abe nyoi serese Cesaréaa. ¿Mbae jenye quia Pablo je re? ¿Mbae icuã esaã nde? Nyao pee teñee seje, i que Festo ra.

6Festo que siqui mbirĩ Jerusalén nda. Ocho o diez días. Hue si que eru nyebi Cesaréaa ra. Isamami ngue esi mbia chumunuásaa ra. Ae que mbia rerecua cote ra. Ngoi que huee ra. —Pablo jendu rã. Echeë tachandu cote, i que mbia je cote ra. 7Pablo que ique cote ra. Judíos Jerusalén jenda que ñee icuã icuã Pablo riĩ nda. Maende rocoĩ mbae icuã naa mose. Ñee ñooño eriĩ. 8Pablo que ñee echeẽ mose ra. Judíos cheẽ ngue esibishoro nda. —Mbae icuã mo asaã eate resẽ. Judíos chimbesa amumbayate resẽ. Romanos nderecua cheẽ amumbayate no ndesẽ. Dios chuchua abe ambiicuã eate no ndesẽ, i que Pablo ra. 9—¿Ndeso sereate Jerusalén nde? Mañi ae ra se quia ndeje hue reae, i rei que Festo Pablo je ra. —Ĩ nda judíos paama iã seje. Judíos tambia jiri, i que equia ndua ra. 10 Pablo que ñee ee ra. —Romanos nderecua raque jẽ. Aico raque jẽsaa a. Jẽ nguiatu jeñee seje. Ã jẽingo raque seicuate ã. Mbae icuã mo asaã eate judíos je

resẽ. ¹¹Se mbae icuã naa tuchi mose, iseiquia se jẽ! Judíos ñee ñooño mose serii, ¿mbaerã nda semondobe judíos je re? Semondo aroneate ee. Ererecua tuchi je semondo rã. Sã ae quia ñee seje, i que Pablo Festo je ra. ¹²Festo que ñee nyecuayã cuayã nguesenda je ra. Aquere que ñee Pablo je cote ra. —"Semondo ererecua tuchi je", ere que seje. Taremondo ee cote, i que Festo Pablo je ra.

Pablo chee tachandu, i Agripa

¹³ Aquere que Agripa si Cesaréaa ra. Ererecua rei ae. Berenice rese que esi ra. Festo rea. ¹⁴Huee que ito mocoite ra. Festo que Agripa mbiirandu ja Pablo rɨɨ nda. —A emo tarõ ji ñɨ a. Félix que etarõ mɨɨ nda. ¹⁵Seso mose Jerusalén, sacerdote rerecua ñee tuchi seje. "Pablo eiquia", i rei ngue seje re. Judíos rerecua abe ñee icuã icuã tuchi Pablo rii. 16 Achee ndei ngue ee re. "Tei. Mañi ae ra mbia mo iquiacho nde. Mbia eicuã nenei eã mose seje. Ae ñee icuã nguia erii, sã ũqui ngaẽ ñee ee. Sã ñee nguia nyue sésaa", ae que ee ra. 17 Judíos que ngae a cote ra. "Isamami jeñee tachandu Pablo je", ae que ee ra. "Pablo jendu rã", ae que isamami serimba je cote ra. ¹⁸Pablo ucuayãsa que juã ja rei cote ra. Ñee icuã tuchite rei nda Pablo rii seje. Pablo chisaa icua mo ngue embuchecuaya ñochi nguiã seje. "Mbia ra Pablo mbiicuã tuchichi nde", aechi ngue se re. 19"Judíos rã eã ño Pablo. Judío ndua rã eã ño Pablo riqui nguiã ndua", i cho ngue judíos nee nee seje ra. Jesús, i que emo je ra. Judíos que nee icuã icuã tuchi Jesús rii nda. "'Jesús que quera si manonde ra', i que Pablo judíos je ra", i que Festo Agripa je ra. 20—"¿Mañi ae ra se re?" aete que se ra. Nyebe que achee ee ra. "¿Ndeso sereate Jerusalén nde? Huee quia nandechee", ae rei que ee ra. 21 "Sã ererecua tuchi quia ñee seje. Semondo ee Roma", i que Pablo seje ra. "Eno. Aremondo je nda ee re", ae que ee ra. Nyebe ngue atarõ mbeite mii nguiã, i que Festo Agripa je ra. ²² Agripa que ñee ee ra. —Se abe nda aque chee achandu ra ña, i que Festo je ra. —Eno. Isamami nda eche erechandu cote, i que Festo ra.

23 Isamami ngue Agripa huiirao tură mingue ra. Berenice rese. Ererecua irao. Ererecua ataque chumunua mose que echoi ique ra. Soldados rerecua que chi ja huee ra. Mbia rerecua mo abe que chi ra. —Pablo jendu cote, i que Festo mbia je cote ra. 24 Festo que ñee cote ra. —Tachee ndeje, Agripa. Je abe je tachee, mbia rerecua. A eriqui a cote. Pablo, i equia ee. Ae rii judíos riqui ñee mbeite seje. "Eiquia", i bei seje. Jerusalén jenda abe ñee mbei erii. Cesarea jenda ra. "Sa mano", i bei seje. 25 ¿Mbae rii nda aba eiquia re? Mbae icua mo esaa eate rese. Ae quiarei ñee. "Semondo ra ererecua tuchi je", i que Pablo seje ra. Nyebe tamondo ee. 26 ¿Mbae i ra aba embesa mondo ee re? Mbae icua ngue esaa eate. Nyebe Pablo aru nguia jēje a. Ndeje cho ngue aru nguia, Agripa. Echee ee. I nda eicua erembuchecua. I nda eicua ambesa mondo ererecua tuchi

je. ²⁷ ¿Ma nda aba etarõi mondochõ nde? Eɨcuã mbesa iriã mose, ɨ que Festo Agripa je ra.

Pablo ñee ererecua Agripa je

26 ¹Agripa que ñee Pablo je ra. —¿Mbae i mbia quia ndeje re? Nde quia echeẽ cote, i Agripa. Pablo que o sui ñee ee ra. ²—Secheẽse rete ndeje, Sererecua. Judíos que ñee icuã tuchi quia seriĩ nda, Sererecua. ³Nde quiarei ureicuasa tuchi. Judíos icuasa tuchi nde. Urecheẽ icuã icuã ereicuate nde. Nyebe nderoseĩ nguiatu rã secheẽ andu.

⁴Judíos maesate raque se, señetẽ mosenda bei. Serecua quiti. Jerusalén abe. ⁵Se rei fariseo. Setiarõ namo mosendachõ ndei fariseo se. Judíos seicuate raque. Fariseos achõ ño ureramei ñee mumbayã mbei. ⁶"Mbia raaque ra ambuquera si", i que Dios ureramei je cose ra. Dios ra ucheẽ nyabiã. Nyebe "ae bei" ae nguiã ee. Ũquĩ nii ño judíos riqui nguiã seucuayã ã. Ũquĩ nii ño mbia riqui nguiã ñimbiicuã seje ã. ⁷"Mbia raaque ra ambuquera si", i que Dios ra. "Ae bei", i ja Israel jenda quia ee ã. Nyebe Israel jenda riqui bei nguiã echeẽ ndui si ã. "Mbia raaque ra Dios mbuquera si", ae sequia se abe co. Ũquĩ je chỗ judíos icuã icuã ndiqui nguiã seje, Agripa. ⁸ ¿Jē abe je Dios mbia raaque mbuquera aroneate re?

Seicuã tuchi Jesús quiato je nyii, i Pablo

9Se abe que seicuã icuãse rete riqui Jesús quiato je cose ra. Nazaret jenda cho Jesús re. ¹⁰Seicuã icuãte que ee Jerusalén nda. Sacerdote rerecua que ñee seje ra. Nyebe ngue aico nguiã Jesús quiato taro taro mbeite cose. Sacerdote rerecua chee nguire. Jesús quiato iquia iquia mose, "coche rei" ae que sequia ra. ¹¹Jesús quiato que airuã nua tuchi quia ra. "Î nda hui Jesús si", ae rei que sequia ra. Sucha tubiriã ngue ambuchesea sea quia ra. Jesús quiato je seicuã sacuã. Judíos chumunuasa mbuchesea sea. Paama ae tuchi que sequia Jesús quiato je nyii ra. Isho tuchi que aico oso oso Jesús quiato requia ra. Seicuã tuchi sacuã ee.

Aico uba Dios rese co cote, i Pablo

12Emo mose ngue aso rei nguiã Damáscoo. Sacerdote rerecua semondo mose. 13Tacheẽ tuchi ndeje, Sererecua. Tenda nandeite re mose que tata mo tu seresae ra. Ibate si que seresae ra. Seresenda abe resae. Tata rendi que ureresae tuchichĩ nguiã tenda si. 14Tata rendi rese ma e mose que urecoi íbii ra. Echeẽ mo ngue achandu ra. Hebreo cheẽ. "Saulo, Saulo, ¿mbaerã ndeicuāte riqui seje re? Nde sí chỗ erechimbasi mbasi nguiã aque. Ticuasu rã tuchi quiarei nde aba cheẽ mumba mose. Sã ticuasu riqui nambacua mbuti no. Sã eriqui hui mbaba ira racua echi no. Úquĩ na tuchi quiarei nde", i que seje ra. 15"¿Aba nde re?" ae que ee ra. "Jesús rei se. Ae je ndeicuãte riqui", i que seje ra. 16"Ehuã na. Aico nyecua ndeje

a. Serenei nenei sacuã mbia je. 'Jesús rese que amae nda', ere bei quia mbia je. Mbae mo abe ra ambuchecua ndeje. Ũquĩ abe teresenei senei mbia je. ¹¹ Judíos eã je taremondo. Secheẽ nenei nenei sacuã. Ũquĩ o taisi eicuã icuã mose ndeje. Judíos o abe taisi eicuã icuã mose ndeje no. ¹8 Taremondo judíos eã je. Terembaaquiatu quiatu. Ĩ nda eriquiã mbae icuã ndese. Ĩ nda eriqui mbae turã ndese. Ĩ nda eriquíã aba mbiirĩ irĩsa rui. Ĩ nda eriqui Dios rui. Ĩ nda Dios icua. Ĩ nda eicuã ambutiã esi. Ĩ nda Dios ûquĩ ngue recoe umbaerã", i que Jesús seje ra.

Pablo Dios chee senei tuchi Agripa je

¹⁹Ibatenda cheẽ ngue amumbayã nda, Agripa. ²⁰Dios cheẽ ngue asenei senei tuchi mbia je ra. Mbia Damasco jenda je. Jerusalén jenda je abe no. Judea rurubinda je abe no. Judíos eã je abe no. "iJēicuã si jēhui chō jē! Dios icha rui jēingo. Jēingo turã. 'Dios icha rui eriqui', i nda mbia jēje chã", ae que ee ra. Embaaquiatu quiatu. ²¹Nyebe judíos seisi nguiã Dios chuchúaa. Nyebe eriqui nguiã "nandeiquia" i seje. ²²Dios que serea quiatu bei quia ra. Namo abe. Nyebe aico echeẽ nenei nenei mbei mbia ja je. Mbaecha je. Mbaecha reã je abe. Moisés cheẽ ndui si aico ñee ñee mbia je co. Dios cheẽ mbuchecuasa rui si aico ñee ñee mbia je co. ²³Ĩ ngue Dios cheẽ mbuchecuasa embesa cose ra: "Mbia ra Cristo mbasi mbasi. Aquere ra mbia eiquia. Ae rane nda quera si mbia raaque si. Ae ra mbia mbiirandu ngueco mose uquera rii. Judíos mbiirandu. Judíos eã ab e mbii randu", i que Dios cheẽ mbuchecuasa mbia je cose ra, i que Pablo Agripa je ra.

24Festo que ñee Pablo je cote ra. —Erequiachã ño nguiã co, Pablo. Embesai rese mae tuchire erequiachãte equia co, Pablo, i que Festo tasẽ Pablo je ra. ²⁵—Aquiachã eãte se resẽ, Festo. Acheẽ nyecuate raque jẽje. Dios cheẽ tuchi chỗ asenei nguiã jẽje co. ²⁶A Agripa riqui raque a. Nandererecua tuchi. Echeẽ ee. Ae riĩ aico ñee jẽje, ũquĩ ngue Agripa icua tuchi ra. Nyebe sesiquiche eãte riqui nguiã ñee ee. Secheẽ icua jate equia co. Jesús que ñee nyecuayã eã mbia je ra. Jesús mbae saã nyecuayã eã, i que Pablo ra. ²⁷—¿Dios cheẽ mbuchecuasa cheẽ ndebite re, Agripa? Ndebite que ra, i que Pablo ee ra. ²⁸—"Jesús quiato ra nde cote", ¿erechĩ equia seje re? i que Agripa Pablo je ra. ²⁹Pablo que ñee ee ra. —Nde mii eã. Seandusa ja. A jengu ja a. Jesús quiatorã na jẽ, se rã si, aechĩ nguiã jẽje. Jengasa ra chi eã nguiã, se rã si, i que Pablo ra.

³⁰Pablo ñeende que ererecua juã cote ra. Agripa. Festo abe. Berenice abe. Ae chi ngoi erese, ũquĩ abe que juã nda. ³¹Nyoi que pe jiri cote ra. Ñee ñee nyue. —Pablo mbae icuã saã eã tuchi chỗ nguia re. Eiquia aroneate quia eriqui re. Etarõ abe aroneate quia eriqui re, i que erecua nyue ra. ³²Agripa que ñee Festo je ra. —"Semondo rã ererecua tuchi je", i chỗchĩ Pablo. Ĩ nda aa chỗ nandehui esi, ñee eã mose. "Semondo rã pe ererecua tuchi je", iã mose, i que Agripa ra.

Pablo mondo Roma quiti

27 ¹—Pablo tamondo Italia, i que ererecua ra. —Jẽisi suruchoi, i que soldados rerecua mo je ra. Julio, i que soldados rerecua je ra. Augusto rimba, i que ũquĩ soldados je ra. Emo abe que ecuruchoi isi ra. Se abe que aso erese ra. Lucas rei se. ²Aristarco abe que oso urerese ra. Macedonia jenda rei ae. Tesalónica, i sucha tubiriã je. Ureique ja que canoa cuasu ye ra. Adramitio jenda rei canoa. Asia quiti que urecuata ra. Sucha mbuchesea sea sacuã hue jenda. 3 Isamami ngue urecuase Sidón cote ra. Julio turate que Pablo je ra. Ecuatasa que eriqui ra. Nyebe Pablo si uquiato rea. Equiato que eteaquiatu ra. ⁴Urecuata si que ama ndui ra. Quiriria ngue ureriquisa nda. Canoa mbucuataya. Nyebe ejoo acua mo uresiichă nguiă. Eibichi que ureso quia cot e ra. —I nda quiririă nandembutiba eã, ure que ra. Chipre, i que ejoõ je ra. 5 Cilicia que urechucuã cote ra. Panfilia abe que urechucuã nda. Urecuase ngue Mira cote ra. Licia, i que ibi je ra. 6Huee que soldados rerecua canoa cuasu nongue tea ra. Alejandría jenda rei canoa. —Oso ra Itáliaa, i que ure je ra. —Aque ye jeingue, i que ure je ra. Ae ureso nguiã eye cote. 7 Ureitote que oso quia ra. Ureque atate que ama ndisha rasa ra. Urecuase nyee que Gnídoo ra. Quiririã mbeite que ureruba quiti ra. Nyebe ejoõ acua mo uresiichă nguiă. Creta, i que ejoõ je ra. Salmón ngue urechucuă nda. ⁸Ejoõ acua que uremama jiri ra. Quiririã icuã icuã ngue ure je ra. Buenos Puertos que urecuase cote ra. Lasea, i que hue rurubinda je ra. Sucha tubiriãte que ra.

⁹Ureitõ mocoîte que huee ra. Quiririã tuchite chee que ra. Aba ireîte que quiririã cote ra. Ama mose. Nyebe que Pablo ñee mbia je ra. ¹⁰— Nandecuata i i mose ra canoa ñiimi nande je. Mbae ra ñiimi ja canoa yenda. iNande abe ra nandemanochĩ jẽ! i que Pablo ee ra. ¹¹ Soldados rerecua que Pablo cheẽ mumba ra. Canoanya cheẽ mumbayã. —Nyao rei, i que soldados rerecua ra. ¹²—Canoa ndua icuãte a. Quiririã aronea. Nyao rei a si. Ma nandecuasẽ ãte Fenice. Huee nda nandecu are jiri nguiã. Huee que quiririã eã jiri. Nyao huee, i que ureataque ra. Fenice rei sucha tubiriã. Ejoõ acua jenda.

Quiriria mbia iquia seri

¹³ Quiririã ngue uba cote ra. Ichu chooño jiri que cote ra. —Nandecuatasa jirichã cote, i que ureataque ra. Canoa que embucuata cote ra. Ejoõ acua ibi que ureso quia ra. ¹⁴ Urecuata ramo mose que quiririã icuã tu ure je ra. Ejoõ acua quiti que eru ra. Noreste, i que aque quiririã je ra. ¹⁵ Quiririã ngue canoa mbucuatayã ureruba quiti ra. —Sã quiririã ae nanderuruchebi serao, ure chee que ra. ¹⁶ Ejoõ quitera quiti que ureso ra. Ejoõ ngue quiririã nyoote ure si ra. Clauda, i que ejoõ je ra. Canoa ñetẽ ngue urembuti serao quia ra.

Canoa cuasu riita rese. Ejoõ quitera quiti que canoa ñetẽ urechuchã canoa cuasu ye cote ra. Eusite raque. ¹⁷Canoa ñetẽ ngue urechuchã canoa cuasu ye ra. Canoa cuasu que echucua chucua ra. —Quiririã nda embuquiatachĩ nande je re, i que ra. Mbia siquiche tuchi que ra. —iEriiri iri quiti ra nyaochĩ jẽ! Nandejaã ndae, i que nyue ra. Nyebe que tiru canoa aronda mbuquichi cote ra. —Sã canoa ae si quia nandererao surucuata, i que nyue ra. ¹⁸Isamami abe que quiririã icuã icuã mbeite ra. Nyebe mbia mbae mombo mombo nguiã ii. Canoa yenda. Emumbebi sacuã. ¹⁹Aquere que ureitõ si no nda. Isamami ngue mbae uremombo mombo ja cote ra. Canoa mumbebi tuchi cote. ²⁰Ureitõ mocoĩ mocoĩ tuchi ama ndisha riite re. Itõ nguicoi bei que ure je ra. Quiririã mbei. Pã i bei. Tenda checuayã mbei que ra. Nyasi tata abe checuayã bei que ra. —Nandecuaseã mbeichĩ nda ibi je re. Ama ndisha riite re ra nandemanochĩ nde, ure chee que ra.

²¹Mbae que ureu eã mocoĩ mocoĩ nda. Nyebe que Pablo juã ñee mbia je ra. Canoa yenda je. —Seresenda, secheẽ ngue jemumbachĩ nda. Secheẽ aba mumbayã mbichĩ. Crétaa nandecuchõ mbichĩ. ff nda canoa yenda nandemomboãte ii. Mbae mbuquiachã nondechĩ. ²²i Jeñimbirãcuã ño jẽ! Nande mo nda mano eã. Canoa nda quiachã. Nande quiatu ra nandequiachãyã. ²³Dios rimba rei se. Dios que ángel mo mbu ñee seje isa ra. ²⁴"iEresiquichechĩ nda jẽ, Pablo! Eremano eã ndae. Erecuasẽ nyee r a ererecua Roma jenda je. Nderiĩ nda nderesenda mo manoã. Dios ra eteaquiatu ja," i que ibatenda seje ra. ²⁵Seresenda, ijeñimbirãcuã ño jẽ! Dios aicua tuchite quia co. Dios ra ucheẽ nyabiã nande je. Angel cheẽ nguire ra nandemanoã. ²⁶Quiririã nda nandemondo ejoõ acua mo ndese, i que Pablo ra.

27 Ureitõ mocoĩ mocoĩte que ama ndisha riite re ra. Catorce días. Quiririã ngue urerurucuata chôte quia ra. Adria, i que ama ndisha je ra. —Ama nimia nanderubite rei reae, i que canoa yenda ra. Itondiite mose. 28 Ama ndiite que embuchecha ra. ¿Ecua tuchi ere? i que nyue ra. Treinta y seis metros. Pe jiri que embuchecha si no nda. Veintisiete metros cote. 29—iCanoa nda cua ichĩ sita je jẽ! iQuiatachĩ nda jẽ! i que mbia nyue ra. Nyebe mbae usi mondo mondo nguiã ii canoa ndiquisã sacuã. Mbae usi cuatro. Anclas, i que ũquĩ je ra. Ae ecuasa chi nguiã canoa ndese embutiba. —Quiatuchu, nyaashĩ, i tuchi que equia ra. ³0—Nandechã nyecuayã, i que canoanya rimba ra. Nyebe canoa ñetẽ mbuquichi mondo ii. —Mbae usi urechucua mondo ii. Urechucua canoa ai rese, i que urembiirĩ irĩ nda. —Nandechã nyecuayã, i chỗ mbei que equia nyue ra. ³¹ Pablo que ñee soldados je ra. Ererecua abe je. —Ã chichỗ eã mose canoa ye, jeñiimi ja rae. Ama nda jĕiquia, i que Pablo ra. ³² Ae soldados canoa ñetẽ sã nyisia nguiã. Emondo ii. Hui esi cote.

³³Nyaashĩ namo mose que Pablo ñee ja mbia je ra. —Mbae mo jẽu jiri cote. Jeniãcuã mocoĩ mocoĩte que. Mbae mo ngue jẽuãte catorce días.

Jengueãte que catorce días no. ³⁴Mbae mo jẽu rã cote ae. ễ na jẽquirãcuã jiri. Mbae mo nda jeĩ eã jẽje. Jemo nda mano eã, ɨ que Pablo ee ra. ³⁵Aquere que Pablo mbichae sirõ nda. Ḥaanye, ɨ que Dios je ra. Mbia resa rae. Nyisia que ra. U que cote ra. ³⁶Pablo cheẽ ngue mbae oseɨ uquia mbia je ra. Mbia ja que mbae u cote ra. ³⁷Urecuabẽte que canoa yenda ra. Doscientos setenta y seis que ure ra. ³⁸Mbia ja que mbae u tuchɨ ra. Quiata a raanguia que emombo mombo ii cote ra. Canoa mumbebɨ sacuã.

Canoa jaã

³9Urechaashĩ ngue cote ra. Ibi rese que uremae cote ra. —A ureicuayāte, i que mbia ibi je ra. Eicoinda rese que uremae nda. Ama nimia turã. —Nyao nguichi huee. Eicoinda, i rei que ererecua ra. ⁴⁰Anclas sã ngue echisia sia ra. Anclas recha bei ii. Canoa mbuchaa chaasa que embuquiata ra. Tiru icoi que embuchesecobe quiririã je ra. Canoa ngue ngata ama nimia turã nguiti cote ra. ⁴¹Iaãcuã eicoinda que canoa jaã nda. Eriquiraa eãsaa. Canoa ai que jaã tuchi ra. I rebera tubiriã ngue ra. Canoa ndiita mbaaba aba. Eriita que nyiquiiso ra. Quiata que ra. ⁴²Soldados que ñee cote ra. —Ã ecuasa riqui ã nae, iã nandeiquia ja jē! Ĭ nda echoi eã ita. Oso chee eã, i rei ngue soldados re. ⁴³Soldados rerecua que Pablo iquia sereã nda. Nyebe ñee nguiã soldados je. —iEcuasa mo nda jēiquiachī jē! i que soldados je ra. Ererecua que ñe e mbia je cote ra. —Eita aquiatu jēso ii. Jēso usẽ ama nimia ndese. ⁴⁴Eita aquiatuã, jēso mbebi ira rese, i que soldados rerecua ure je cote ra. Eĩ ure ja que usẽ ama nimia ndese cote ra.

Ngase ejoo ácuaa Máltaa

28 ¹Uresẽ ja que ama nimia ndese ra. —Malta, i que a je ra. Ejoõ acua je, i que hue jenda ure je ra. ²Hue jenda turăte que ure je ra. Tata que emendi ure je ra. Urechee sacuã. Tiquindiiseĩte que eriqui ure je ra. ³Pablo que nyea queru mbuchuuta ra. Nyea mbucha mose que mbei usẽ asi Pablo echi ra. Mbei que Pablo o shiu ra. ⁴Eo resebe tuchi que eñi nda. Nyebe hue jenda ñee ñee nyue. —Mbia iquia iquiasa Pablo reae. Oso chee que ama ndisha si no. A mbei riqui eshiu a no. Mano nda cote reae. Huicuã mose, i rei que hue jenda nyue ra. ⁵Pablo que mbei mbaba tátaa ra. Erasiã mbei que Pablo je ra. ⁶Mbia que mae nguiatu Pablo rese ra. —Ma eruru. Embusiate rei rae. Mano ndae, i rei que ra. Mbia que mae nguiatute rei u nguiã erese. Erasiã mbeite que ee ra. Nyebe mbia ucheẽ mbuchebi nguiã. —Dios mo ndei Pablo, i que mbia cote ra.

⁷Hue robeichõ ngue ererecua mbae ibi ra. Ejoõ acua rerecua. Publio, i que ererecua je ra. Urererao que uchuchúaa ra. Urembuquiaru turãte que ra. —Jēitõ mocoĭ jiri, i que ure je ra. Tres días que ureitõ erese ra. ⁸Publio ru rasite que ra. Eracute que ra. Eruushi ruquite que ra. Pablo

277 HECHOS 28

que oso erea ra. O que echono earõ nda. Ñee ngue Dios je ra. Nyerõ ngue cote ra. ⁹Aquere que mbia rasi ngaẽ ngaẽ ja Pablo je cote ra. Ejoõ jenda ja. Dios que embucherõ ja ra. ¹⁰Mbia que mbae mee mee tuchɨ ure je ra. Urecuata mose que mbae chuchã nyuchã tuchɨ canoa ye ra. Urechɨurã.

Pablo ngasẽ Rómaa

¹¹Ejoõ acua que urecu bei ra. Tres meses. Canoa cuasu mo abe que chi beite aque ri nda. Alejandría jenda rei aque canoa. Dios Nyeremo, i que aque canoa je ra. Aque canoa ye que ureso cote ra. ¹²Siracusa, i que sucha tubiria mo je ra. Huee que urecuase nda. Huee que ureito mocoi nda. Tres días. ¹³Hue si que ureso siquiibi cot e ra. Urecuasẽ ngue Regio ra. Huee que ureito nda. Isamami ngue quiriria ureichu urequite quiti ra. Canoa maña turã. Co mii ngue ureque ama ndiite re ra. Urecuase ngue Puteoli ra. Huee que urequichi bei canoa si cote ra. 14 Jesús quiato mo ngue uretea huee ra. —Jengucho na urerese, i que ure je ra. Ae urecucho nguia una semana erese. Aquere que ureso Roma nguiti cote ra. Ibi rī. 15 Jesús quiato que jirandu urerese cote ra. Roma jenda. Nyebe ecuae nguia urerobeishi. Foro de Apio, huee que urerobeishi nda. Tres Tabernas, hue abe que urerobeishi ishi nda. — Faanye, i que Pablo mae mose Jesús quiato rese ra. Pablo ia tuchi erobeishi mose. 16 Urecuase ngue Roma cote ra. Sucha tubiriã tuchi que Roma nda. Soldados rerecua que ecuasa mondo ja mbia icuã ndaarõsa je cote ra. Pablo mbuchao que ra. —Ndechuchua cho eico nde, i que ee ra. Soldado mii ngue Pablo reaquiatu bei quia ra.

Pablo Dios chee senei senei Rómaa

¹⁷Urecuasẽ namo jiri mose que Pablo judíos rerecua munua j a ra. Roma jenda. Pablo que ñee ee ra. —Seresenda, mbae icuã ngue asaã eate judíos je ra. Nanderamei nee abe que amumba eate ra. Judíos que semeeño Romanos je ra. Jerusalén seico mose. 18 Romanos ngue ñee tuchi seie ra. "Nandehui esi", i rei ngue serii cote re. "¿Mbaera nda nandeiquia re? Mbae icuã mo ngue esaã eãte", i que serii nda. 19"iJēhuichi nda esi jě!" i bei que judíos quia ra. Romanos je. Judíos quia ñi hui sereãte nguiã sesi. "Semondo ererecua tuchi je", ae chee que se ra. Ererecua saa ra achee icua ea ndei judíos rii. 20 Nyebe "Jenyu. Tamae jendese. Tachee jēje", ae que jēje ra. Mbia mano je ra quera sɨ, nande chỗ ndaque equia co. Ũquɨ je chō secuasa riqui nguiã co, i que Pablo judíos je ra. 21 Judíos rerecua que nee Pablo je ra. —Jerusalén jenda que uchee mbesa eate imbu ure je ra. Ae ngaẽ ngaẽ nguia hue si, ũquĩ abe que ñee icuã eãte quia nderii nda. ²²Ndechee urechandu ra. Mangue choono ea mbia nee icuã icuã jenii. Jesús quiato rii. Nyebe echee ure je, i que Roma jenda Pablo je ra.

23—Aque mose ra urechu ndecheẽ andu, i que judíos Pablo je ra. Aque mose que ecuaẽ jate cote ra. Pablo chuchúaa. Isamamimbe. Pablo que embaaquiatu quiatu tuchi ra. Tenda mondo chee. Jesús riĩ ngue eriqui ñee ñee mbia je ra. Moisés chimbesa que esenei senei ee ra. Dios cheẽ mbuchecuasa chimbesa abe que esenei senei ee ra. Ĩ nda mbia Jesús icua. —Dios quiarei ererecua tuchi, i tuchi que Pablo judíos je ra. ²4Emo emo ngue Jesús isi ra. Pablo cheẽ mose judíos je. Eataque que Pablo cheẽ isiteã teã nda. Ichõiño nei equia ee reaẽ. ²5 Pablo cheẽ ndui ja eã ngue ra. —Nyao rei erecha, i que eataque ra. Nyebe Pablo ñee ee. —Espíritu Turã ngue Isaías mbucheẽ turã nanderamei je cose ra. Ēĩ ngue ñee nda:

²⁶ Eso rã ñee judíos je: "Sechee nda jeñandu rei nguiã.

Jeñandu eã naanguia rae.

Jemae ndei nda erese re.

Jemae eã naanguia ra erese.

²⁷ Jeñia ãtãte.

Aba chee mumba mumba.

Jendesa jemungue munguete.

Sechee jeicua sereate.

Jemba sereãte seicha rui.

Nyebe aico nguiã jembucheroãte", i que Dios ra, ere ee, i que Isaías chimbesa ra, i que Pablo ra. ²⁸ Pablo que ñee mbei ra. — Tacheẽ jēje, judíos. Judíos eã je ra Dios cheẽ uresenei senei cote. Ūquĩ nguia ra eya tuchi erese. Ĩ nda Dios erirõ eicuã si, i que Pablo ra. ²⁹ Pablo cheẽ nii ngue judíos choi guiã ñee icuã icuã nyue ra. ³⁰ Dos años ngue Pablo riqui huee ra. Roma. Mbae isiquia que emondo mondo tuchuacha je ra. Huee eico mose. Pablo iate que eriqui ra. Mbia nyoi nyoi mose erea. ³¹ Mbia mo ngue Pablo cheẽ siquisã eãte ra. Jesucristo riĩ ngue eriqui ñee ñee mbia je ra. —Dios ra mbia rerecua tuchi, i que equia mbia je ra. —čMbaerã ereico ñee Jesús riĩ nde? i eã ngue emo Pablo je ra.

LA CARTA DEL APOSTOL SAN PABLO A LOS ROMANOS

Pablo uchee mbesa mondo Roma jenda je

¹Co aico co mbesa jeje co. Se rei Pablo. Jesucristo rimba rei se. Dios que seirabo ra. Uchee nenei nenei sacua. Dios que semingo icúe ra. Uchee tura nenei nenei sacua. 2—Sechee tura tamondo mbia je, i que Dios cose ra. Uchee nenei neneisa je nee. Echee ngue ique cote ra. ³Dios chee tură nandembiiranduchi Jesucristo rii cote. Dios riiri ndei Jesucristo. David riirina ngue tu íbii cote ra. 4 Jesucristo manonde, Espíritu Turã ngue embuquera ra. Dios quirãcuã je que embuquera ra. Dios riirī ndei Jesucristo. Nyebe Espíritu Turã embuquera nguiã. Mbia mbiirandu randu sacuã Dios riirī ndese. ⁵Dios turãte que ure je ra. Jesucristo rii. Nyebe ureirabo mingo nguiã uchee nenei nenei sacuã. I nda mbia mangue chooñoa jenda abe Jesucristo icua. I nda mbia mangue chooñoa jenda abe Jesucristo chee mumbaya no. 6Sa je Jesucristo chee jemumbayate no. Sa Dios jeirabo no. Jesucristo rimbara. 7Co ambesa mondo quia Rómaa jeje co. Dios chesecua tuchi cho je nde. Dios que jemingo icúe uquiatorã nda. Nanderu chỗ Dios re. Nandererecua chỗ Jesucristo re. Sã ũquĩ turã mbei riqui jēje. Sã ũquĩ ndiqui jembia tuchi.

Pablo oso sete raque Rómaa

8—Jesús quiato tuchi cho ũquĩ ndiqui re, i jate mbia quia jenii ã. Mangue chooñoa jenda abe. Nyebe aico nguiã gracias i tuchi Dios je co. PDios chee asenei senei mbeite quia mbia je co. Eriirī nii. Dios resa rae aico embesa mbesa jēje a. Aico ñee mbeite Dios je jenii co. 10 Aico ñee ñee mbeite Dios je co. f nda Dios semondo jendea. Semondose mose ra aso jendea. 11 Seso sete raque jendea. Jembaaquiatu quiatu sacuã Jesús rii. Jembirãcuã sacuã Jesús rii. 12 Seso sete jendea. Ñimbia sacuã nyiese.

Nandeico tuchi sacuã Jesús rui. Nande Jesús nandeicuate resẽ. ¹³ Taso jendea, ae beite rei que se quia ra. Taembaaquiatu quiatu Jesús rii, ae rei se. Ei nda Jesús jēicua secheẽ nguire. Sã mbiamo Jesús icua tuchite secheẽ nguire no. Mbae seriquisã quisã mbeite. Nyebe asoã mbeite nguiã jendea. ¹⁴ Jesús cheẽ nenei nenei si ahui aroneãte. Tasenei senei tuchi mbia ja je. Griego ja je. Mbiamo abe je. Eaquiatu je. Eaquiatuã abe je. ¹⁵ Nyebe aico nguiã icoquiatute co, Jesús cheẽ nenei nenei sacuã jēje. Roma jenda je.

Jesús chee quiracua tuchi

¹6 Aireĩ ireĩ eãte Jesús cheẽ nenei nenei mbia je. Jesús cheẽ quirãcuã tuchɨ quia ique nguiã aba chɨangui rɨ. Aba rirõ sacuã mbae icuã sɨ. Judíos je rane ngue Jesús cheẽ quirãcuã nda. Judío eã je abe no. ¹7 Jesús cheẽ nandembiirandu quia ã. Nande Jesús icua mose, Dios ra nandeisi turã uquiatorã. Mbae turã mo nandesaã eãte raque.

Ae Jesús icua quia nae, Dios ra ũquĩ isi turã tuchi. Ũquĩ nda siqui bei cote, i ñi embesa ji re.

Mbia icuã tuchi Dios je

18 Ae siqui Dios rã eãte nae, ũquĩ nda Dios mbasi ja. Ae siqui icuãte quia nae, ũquɨ nda Ibatenda mbasi ja no. Ũquɨ nandeɨcuate quia nande co. Ichoinosa rea nee andu sereate quia nene. 19 Jirandu tuchi rei que Dios rese ra. —Eĩ ae chỗ nguiã co, i rei que Dios ee ra. Dios icua sereate quia ñene. ²⁰Dios rese mbia mae aroneãte raque. Dios quirãcuã ndese mbia mae aroneãte raque. Mbia ra Dios icua uchiangui re, echiao rese mae mae mose. Dios que mbae chao ja nyii ra. Aque mose bei mbia riqui mae mae Dios chiao rese co. Nyebe eriqui nguiã "Dios rese ureiranuate", i aroneate. ²¹ Jirandu tuchi rei que Dios rese resẽ. Ñee turãyã tuchi chốchĩ Dios riĩ. Gracias iã nochi Dios je. Nyebe eriqui nguiã ndua icuã icuã mbei. Nyebe eriqui nguiã itongui ri mbei. 22 "Ureaquiatute" ichôiño ñochi equia ũqui. Eaquiatuã no siqui nguiã uqui. 23 Hui tuchi que Dios si ra. Ae manoã mbeite quia, aque si. Sererecua i chochi mbae ao ao ji je cote. Ae ra mano, ũquɨ je chỗ eriquichɨ nguiã "sererecua", i. Mbia raanguia je. Quiaa riinda je chỗ eriquichĩ nguiã "sererecua" i. Ae mbebe quia. Ae uchã nguia. Ae nguata quia nguíe rese. Ũquɨ je chō eriquichɨ nguiã "sererecua" i.

²⁴Nyebe Dios hui nguiã esi cote. Mbae icuã naa naa mbei sacuã cote. ²⁵Ñee ñooño tuchi Dios rii cote. "Nandererecua" i chõchi Dios chiao je cote. "Nandererecua" i rocoi Dios mii je. "Nandererecua" i bei chõ mbichi aba quia Dios mii je. Amén.

²⁶Nyebe Dios erecha ja nguiã cote. Oco chooño sacuã mbae icuã ndese. Ubi icuã ndese. Cuña mo oco oco nyiese si. Cuña ngu raã naa cuña

nongue je. Siqui rocoı̃ ngu rese. ²⁷Hombre mo abe hombre nongue mo osei osei. —Seninisirã nde, i ñee ñee uchue si. Oco oco nyiese. Siqui rocoı̃ nguinisi rese. Icha tuchi Dios si. Nyebe Dios riqui nguiã embasi tuchi co cote.

²⁸Dios rese jirandu sereã. Nyebe Dios hui nguiã esi. Sigui bei bei sacuã ubi icuã ndese. Nyebe ei ei nguiã nyue mbae icuã ndese. ²⁹ Eicuã tuchi eriqui ũquɨ. Łoo chooño tuchɨ equia cuña ndese ũquɨ. Ndua ndua ɨcuã mbei tuchi equia ũqui. —Aque rã nda se chã, i beite equia emo mbae je ũquĩ. Mbia mbasi chooñote equia ũquĩ. Mbaecha ucuayã ñooño tuchi equia ũquĩ. Mbia iquia iquia chooño tuchi equia ũquĩ. Paama i chooñote equia uchue ũquɨ. Mbia mbɨirɨ irɨ note equia ũquɨ. Mbia ucuayã noono mbeite equia ũquĩ. 30 Ñee ñooño mbeite equia mbia mo nii ũquĩ. Dios ucuayã tuchi equia ũquĩ. Ñee icuã icuã mbeite equia aba chee ndibishoro ũquĩ. Ucuasu raã naa ñooñote equia ũquĩ. "Se quiarei i tuchi", i beite equia ũquĩ. Emo mbiicuã icuã mbeite equia ũquĩ. Ngu cheẽ mumba mumba chooñote equia ũquĩ. Usi cheẽ abe mumba mumba chooñote equia ũquĩ. 31 Eaquiatuã tuchite ũquĩ. Ucheẽ mumba mumbate ũquĩ. Emo je etură eăte riqui ũquĩ. Emo icuă si eriqui tesareiate ũquĩ. Eya ea eate riqui emo ndese ũquĩ. 32—Ae ũquĩ saã saã nguia mbae icuã nae, ũquĩ nda amondo tata cuasu, i que Dios ra. Dios chee icuare quiatu eriqui nguiã mbae icuã naa i ite. —Sã emo abe mbae icuã naa naa nandechabe, i chee chee.

Dios mbia cuata tea ja

2 ¹—Dios ra ũquĩ mbasi rã ña, erechĩ nda ũquĩ mbia icuã je. Nde i mose, nde abe ra ndeicuã nyecua mbia je. —Seturãte aico co, ierechī nda jē! — Ũquī ndiqui mbae icuā naa naa ũquī, nde i mose, ũquī icuã sí chỗ eresaã saã nguiã nde abe aque. 2—Ae ũquĩ icuã saã saã nguia, ũquĩ tambasi, i mose Dios, Dios ra embasi chooño eã. Maende erese quia ra embasi. 3—Dios ra ũquĩ mbasi rã ña, erechĩ nguiã huee. Eraã sí tuchi chỗ ereicochĩ nguiã ũquĩ sí raã naa aque. Nde abe ra Dios nembasi ũquĩ ndese resē. 4Dios ia eãte raque aba icuã ndese. Dios aba mbasi jei eã ndaque aba icuã mosebe. Ñimbirãcuãte aba icuã je. Coche ñene, ereã ñochi Dios chimbiracua mose ndeje. —Evaya jé nda huiicua ndese cha, i Dios quia nderii co. Nyebe eriqui nguia nimbiracua ndeicua je. 5Ndechia ătă tuchi chochi. Ndeico serea tuchi chochi Dios rui. Ndeicua eremunua tuchi cho nguia aque re. Dios nembasi nonde. Dios mbia icua mbasi ja mose ra nde abe mbasi. ⁶ Aque mose ra Dios mbia mbuchao chao. Emo emo nda emondo tata cuásuu. Emo emo nda emingo bei no. 7 Ae eturã mbeite riqui, ũquĩ nda Dios mingo bei. Nyoi sete quia Dios rea re. Siqui bei serete quia mbia mingo beisa rese re. Nyebe ra Dios emingo bei cote. 8Dios ra paama i tuchi mbia icuã je. Mbasi tuchi rae. Mbia mbiicuãsa

tuchi quia ũquĩ nde. Dios cheẽ mumbate quiatu nguiã. Nyebe ra Dios embasi tuchi. ⁹Ae siqui mbae icuã ndese, ũquĩ ja ra Dios mbasi. Judíos icuã nane nda embasi. Judíos eã abe ra embasi no. ¹⁰Ae siqui mbae turã ndese, ũquĩ je ra Dios turã mbei. Judíos turã nane. Judíos eã abe cote. Mbia ra ũquĩ turã icua tuchi. Dios ra ũquĩ mbia tuchi. ¹¹Co quiatu, i eã nda Dios mbia mo mii je. Mbia mii ndese ra ebia eã. Mae turã ja chỗ nda erese.

¹²Ae jirandu eãte Moisés chimbesa rese nae, ũquĩ siqui icuã mose ra Dios embasi. Jirandu eãte raque Moisés chimbesa rese. Ae Moisés chimbesa icua nae, ũquĩ siqui icuã mose ra Dios embasi. Moisés chimbesa cheẽ nguire ra Dios embasi. ¹³Ae Dios cheẽ ñandu chooño nguia nae, "taẽisi turã" iã nda Dios ũquĩ je. Ae Dios cheẽ mumbayã nguia nae, ũquĩ nguiatu ra Dios isi turã. ¹⁴Ae judíos eã nae, ũquĩ Moisés chimbesa ñandu eã mbeite raque. Ũquĩ mo ae siqui turã turã mbei mbae turã ndese. — Mbae turã nandesaã, ite eicua. Dios cheẽ andu eãte raque emo mose. ¹⁵Ae ae chõ mbae turã icua nguiã. Mbae icuã abe icua. Mbae icuã naa mose, "eicuã asaã ñochĩ", i tuchi eicua uchiangui re. Mbae turã abe raã mose eicua tuchi uchiangui re no. ¹⁶Aque mose ra Dios ñee Jesucristo je. Ae icuã mbia saã nyecuayã cuayã nguia nae, ũquĩ nda Jesucristo mbuchecua ja cote. Jesucristo ra mbia icuã mbasi mbae icuã nii cote.

Judíos Moisés chee mumba mumba

17—Judíos cho ure re, jenye equia ũquã. —Moisés chimbesa ra nandemingo bei, jenye chốchĩ equia ũquĩ. —Dios quiarei ebia tuchi ure mii ndese, jenye chôchi equia ũqui. 18 Ae Dios bite nae, ũqui jẽi cuate quia jẽ ũquĩ. —Moisés cheẽ ureicuate quia ã. Nyebe mbae turã ureicua jate quia ã, jenye chốchĩ nguia ũquĩ. 19—Ure mii ño ñeenda Dios icha ureicuachi, jenye bei chochi equia uqui. —Itondaru jenda uretesaete, jenye chốchĩ equia ũquĩ. ²⁰—Mbia aquiatuã urembaaquiatu quiatu, jenye chốchĩ nguia ũquĩ. —Mbia aracuayã urembaaquiatu quiatu, jenye chốchĩ nguia ũquĩ. Jẽ Moisés chimbesa jẽicua aba reate quia ũquĩ. —Moisés chimbesa ñee ñooño eate, jenye raque quia eicua uqui. 21 Jearacuaya mbia jembaaquiatu quiatuchi nguiã. ¿Mbaerã jeñimbaaquiatu iã je nyii re? —Mbae ra jembuquiachāchī, jenye chōchī equia ũquī. Jē sí chō mbae jembuquiachã nguiã ũquĩ. 22—Emo ninisi rese ra jẽingochĩ, jenye chốchĩ equia ũquĩ. Jẽ sí chỗ jẽingo nguiã emo ninisi rese ũquĩ. —Ae je mbia riqui "Dios" i chooño nae, ũquĩ ndese ra jẽingochĩ, jenye chốchĩ equia ũquĩ. Dios abareã mbae jembuquiachã quiachã nochĩ nguiã ũquĩ. 23— Dios chee ureicua tuchi quia ure ã, jenye chochi equia uqui. Je sí echee jemumbate quia ũquĩ. Nyebe mbia riqui nguiã ñee turã eãte Dios riĩ ã. ²⁴Nyebe embesa ji cheẽ ndiqui nguiã ique ã cote. Jẽ Dios cheẽ mumba mose, judíos eã ndiqui ñee icuã tuchi Dios rii ã.

25 Coche circuncisión jēsaã saã nguiã Dios je, jēingo bei mose Dios cheë ndese. Jēingo eã mose Dios cheë ndese, circuncisión naa eã naanguia chō jĕingo nguiã ũquĩ. ²⁶ Ae circuncisión saã eã nguia nae, ũquĩ siqui mose Dios cheë ndese, circuncisión naande raanguia chō eriqui nguiã ũquĩ. ²⁷ Ae circuncisión saã eã nguia nae, ũquĩ siqui mose Dios cheë ndese, Dios ia tuchi chō ũquĩ ndese re. Eyare rocoĩ jendese. Jẽ nguia Dios cheẽ jemumba mumbate nguiã. Dios cheẽ jĕicuate raque. Circuncisión jĕsaã saãte raque. ²⁸ Ae judíos Dios cheẽ mumba mumba quia nae, judíos tuchi eã ño ũquĩ nde. Circuncisión naa naa ndaque. Ae circuncisión saã nguia nae, ũquĩ siquíã mose Espíritu Turã ndese, circuncisión turã eã ño ũquĩ nde. ²⁹ Ae Dios isi tuchi quia uchiangui re, ũquĩ nguiarei judíos tuchi. Ae siqui Espíritu Turã ndese, circuncisión tuchi chō ũquĩ cote re. Ũquĩ je ra mbia achō ñee turã eã. Dios abe quia ra ñee turã ee.

3 ¹¿Mbaerã judiorã sete riqui mbia re? ¿Mbaerã circuncisión sete riqui mbia re? ²Eturãte quia mbia je re. Judíos je quiatu ngue Dios ucheẽ mondo nguiã. Mbia mo je eã. ³-⁴Judíos mo huɨ huɨ raque Dios cheẽ sɨ. Dios quia ra ñee ñooñoã mbeɨ. Echeẽ nguia ra io beɨ. Mbia huɨ huɨ raque esɨ. Mbia ñee ñooño ndaque. Ḥ ñɨ embesa ji re:

Ndechee nda io tuchi mbia resa rae.

Mbia icuã mose ndeje, nde quia ra ere tuchi mbia si, i que embesa ji ra. ⁵Jemo ngue ñee no nda: —Dios turãte riqui nandeicuã je co. Mbae icuã nandesaã saã mbei chỗ nguia. Mbia mae sacuã Dios turã ndese. Dios nandeicuã mbasi mose, Dios icuãte, i chỗchĩ jemo. ¿Mañi nande ra ũquĩ ñee mose re? ⁶Ichỗiño tuchi chỗ ũquĩ nde. Dios icuã aroneãte. Dios icuã mose, eĩ nda Dios mbia icuã mbasi aroneãte rei. ⁷Jemo ngue ñee ño nda. —iNandecheẽ ñooño ño nguia jẽ! Nandecheẽ ñooño mose, mbia ra ñee turã Dios riĩ. "Ñee ñooñosa reã tuchi quia Dios riqui re," i ra mbia Dios riĩ cote. Nyebe Dios riqui nguiã nandembasi ãte nandecheẽ ñooño mose, i chỗchĩ jemo. ⁸—Mbae icuã nandesaã saã ño. Ĩ nda Dios turã nyecua mbia je, i chỗchĩ jemo. Urecheẽ ãte ure ũquĩ ndesẽ. Ae ñee nguia ũquĩ, ũquĩ nda Dios mbasi.

Mbia mo etura eate

⁹Judíos chỗ nande re. ¿Nandeturã nda eriqui reĩ mbia mo si re? Tei. Nandeturã eã no esi re. Nandeicuã ja chỗ nene. Judíos eã icuã ja chỗ nene. Judíos icuã ja chỗ eno nde. ¹⁰ H ni embesa ji re:

Emo etură eăte. Aque mii mo eã.

¹¹ "Dios icha taicua", iãte emo.

"Dios rese taico", iãte emo.

¹² Mbia que icha icha jate Dios si ra.

Eicuã jate que eriqui ra.

Emo mbae turã mo saã eãte.

Aque mii mo eã.

¹³ Ũquĩ quiarei mbia raaque tã tãsa rã.

Aba mbia eã.

Sã eriqui ñee icuã mbei.

Mbia mbiiri iri tuchi nee noono uchuru je.

Mbei rasi rã ño echee nde.

Aba mbasi.

¹⁴ Echeẽ icuã achỗ tuchi chỗ ñene.

Mbia mbiicuãsa tuchi cho echee nde.

- 15 Mbia iquia chooño ño ñene.
- 16 Mangue chooñoa ño eriqui nguiã mbae icuã naa naa. Mbia mbiayã ñooño.
- ¹⁷ łco chooñoa mbei mbia je.
- 18 Dios rese ndua eã tuchi,

i ñi embesa ji re. ¹⁹Dios que Moisés chimbesa mee ja judíos je ra. Embesa ji mumbayã sacuã. Mbia huiicuã icua ja sacuã. —Dios cheẽ nandemumba tuchi chỗ nguia re, i nda mbia ja chã. ²⁰Emo ñee aroneãte. —Embesa ji amumbayã mbeite quia co. Nyebe ra Dios seisi turã, i aroneãte emo. Dios que Moisés chimbesa mee mbia je ra. Mbia huiicuã icua ja sacuã.

Dios icuasa quia ra siqui bei

²¹⁻²²Dios que Jesús turã teacuquia nande je cote ra. Ae que mano nandeicuã ndiquicharõ sacuã nda. Nande Jesús icua mose, Dios ra nandeisi tură cote. Ei ja cho Dios mbia je re. Dios bia ea no mbia mo mii ndese. —Jē Moisés chimbesa mumbayā mose, taēisi turā, iāte Dios. — Jē Jesús icua mose, ũquĩ mose quiatu ra jaēisi turã, ite Dios. Embesa ji ñiinda abe que ñee ñee Jesús rɨi nyii no nda. 23 Nandeicuã ja chỗ ñene. —Aque eturate, ia nda Dios nandemo je. ²⁴Nandeicuate raque. Dios quia eturate nande je re. —Mbae mo jemondo jeicua ndibishoro, i ate Dios. Jesucristo que mano nandeicuã ndibishoro ndese. Nyebe Dios riqui nguiã mae turã nanderese co. ²⁵Dios que Jesucristo mondo mbia je ra. Mano sacuã mbia icuã ndiquicharõ. —Jesús que mano seicuã ndibishorõ nda, nande i mose, ũquĩ mose ra Dios nandemingo bei. Dios que mae ñooño mbia icuã ndese nyii ra. —Seriirī nguia ra mano nguiã eicuã ndiquicharõ, i que ra. Echee ngue ique cote ra. Dios utura ndeacuquia mose que echee ique cote ra. ²⁶Dios riirī ngue mano mbia icua ndiquicharo nda. Mbia mae sacuã Dios turã ndese. Dios turã mbeite. Mbia icuã isi turã nonde. Mbia Jesús icua mose ra Dios mbia isi turã.

²⁷Nande ae ra nandeicuã nandembutiã eã. Dios ae quia nandeicuã mbutiã nguiã, Jesús icua mose. Nyebe nandeico nguiã nandecuasu raã naa aroneãte. Moisés chimbesa que nandemumba mumbate quia resẽ. ²⁸Mbia Jesús icua mose, aque mose quia ra Dios mbia isi turã. —Taẽisi

turã, jẽ Moisés chimbesa mumbayã mose, iãte Dios nande je. —Jẽ Jesús icua mose, ũquĩ mose quiatu ra jaëisi turã, ite Dios nande je. ²⁹Judíos achõ nderecua eã ño Dios re. Judíos eã abe rerecua chõ ñene. ³⁰Emo abe eãte Dios. Dios mii ño ñene. Ae Jesús icua quia nae, ũquĩ nda Dios isi turã ja. Judíos abe isi, Jesús icua mose. Judíos eã abe isi, Jesús icua mose no. ³¹Nande Jesús icua mose, Dios cheẽ mbesa ji riqui ua eã mbeite nande je co. Nande Jesús icua mose, Dios cheẽ nda nandemumbayã tuchi cote.

Abraham abe Dios icua

4 ¹Nandendua mbɨrɨ na Abraham ndese. Nandei ñiinda tuchɨ quia Abraham nde. ²Cose que Dios Abraham isi turã nda. Abraham mbae turã naa naa eã mose que Dios eisi turã nda. Dios icua mose quiatu que Dios eisi turã nda. Nyebe Abraham uturã naa naa aroneãte nguiã. ³Ŧ ñɨ embesa ji re:

Abraham ngue Dios icua ra.

Nyebe Dios eisi turã nguiã,

i ñi embesa ji re. 4Sã emo ndiqui quiei quiei emo je no. Mbae mo ndibishorõ. Ae echa mondo quia ee, mondochõ eã ño nguiã ee. Embae raã naa ndibishoronda chố ũquĩ nde. Eĩ eã ño Dios re. 5Dios chố mbia icuã isi turã nguiã. Emo Jesús icua mose, ũquĩ nda Dios isi turã. Emo mbae turã naa naa eã ndaque. Jesús icua mose, aque mose chố Dios "ndeturate seje," i ee. Mbae turã naa naa eã ndaque. 6David abe que ñee nda: "Ae je Dios ñee, 'ndeturate seje,' i mose ee, aque ia tuchi chố ñene. Mbae turã naa eã ndaque. Dios icuate quia ñene," i que David ñee nda. 7Co rei David chimbesa co:

Ae icuã Dios mbutiã nae, ũquĩ ia tuchi chỗ ñene.

⁸ Ae icuã ndese Dios riqui mae ãte nae, eicuãte raque, Dios ra eisi turã.

Ũquɨ ia tuchɨ chố ñene,

i ñi David chimbesa re. 9¿Aba icuã ño nda Dios mbutiã ña? Embia sacuã ña. ¿Judíos icuã achô nda embutiã nde? ¿Ae circuncisión saã nae, ũquĩ achô icuã nda embutiã nde? Tei. Ũquĩ achô eã ñene. Abraham Dios icua mose, aque mose tuchi chô Dios eicuã mbutiã nguiã esi. ¹0 Abraham circuncisión naa eã mose chô Dios eicuã mbutiã nguiã. Circuncisión naa nonde. ¹¹ Abraham Dios icua mose chô ngue Dios eicuã mbutiã nguiã. Aquere quiatu ngue Abraham circuncisión naa nguiã cote. Circuncisión ndei marca Dios mbae. Dios Abraham isire chô circuncisión naa nguiã Abraham je. —Abraham ngue aisi turã nda, i ñe Dios re. Ae circuncisión saã eã nae, ũquĩ abe chô "seru" i nguiã Abraham je, Jesús icua mose. ¹² Ae circuncisión saã nae, ũquĩ abe chô "seru" i nguiã Abraham je, Jesús icua mose. Ũquĩ nyiicua chô Dios re. Sã Abraham nyiicua Dios no. Circuncisión naa eã mose no.

Abraham Dios icua mose, Dios uchee mbuchebia mbei ee

¹³Dios que ñee Abraham je cose ra. —Ibi tamondo ja ndeje nembaerã. Nderiirî mbaerã abe no, i que ee ra. Secheẽ mumbasa reã je chỗ ibi tamondo, iã ño Dios re. —Ae seicua quia, aque je chỗ tamondo, i que Dios Abraham nii nda. ¹⁴—Nandeico bei mose Moisés chimbesa rui, aque mose ra Dios nandemingo bei, i chỗchĩ judíos mo. Ūquĩ mose quiatu ra nandeico rei Jesús icua chooño. Ūquĩ mose quiatu ra Dios cheẽ ique ãte rei nande je. ¹⁵—Ã jēsaã saã, i mose Dios, emo echeẽ mumba mose, ũquĩ nda embasi. —Ã jēsaã saã, iã mose, emo nda embasiã cote.

¹6 Dios turãte quia ñene. Nyebe eriqui nguiã mbae mondo chooño nande je eicua mose. Judíos achō je eã ño eriqui nguiã mbae mondo mondo. Judíos eã je abe chō eriqui nguiã mbae mondo mondo, Dios icua mose. Sã Abraham Dios icua no. Sã Dios mbae mondo mondo ee no. Nyebe nandeico nguiã "nanderu" i Abraham je co. Ae rane nguiatu ngue Dios icua nguiã. ¹¹ Nyebe embesa ji riqui nguiã i:

Dios que ñee Abraham je ra.

"Nde ra mbia i tuchi.

Ibi jenda ja i tuchi ra nde", i que Dios Abraham je ra, i que embesa ji ra. Dios ra mbia mangue chooñoa jenda ja isi turã, Jesús icua mose. Dios chee sí tuchi cho a nde. Dios ae mbia raaque mbuquera nguiã. Ae emoãte namo nae, Dios ae ra ũquĩ nyao no. 18—Nderiirina tamee ndeje. Eretiiri nda cote. Mbia ja i ra nde cote, i que Dios Abraham je ra. Abraham ngue "nyia, eno", i Dios chee mose ra. Amei tuchi raque. Tiirī aroneãte raque aba je. 19 Amei tuchite raque. Cien añote raque. Eninisi abe arite raque. Eninisi rie chuumate raque. —Dios ra seriirina mee seje uchee nguire, i que Abraham nda. — Ureimate nyerese. ¿Mañi nda Dios ureriirí mee ure je re? i ãte que Abraham nda. 20 Abraham ngue "nducuã" iã mbeite quia Dios cheẽ mose ra. "Nyia, eno", i beite que equia Dios cheẽ mose ra. Nee tură mbei que equia Dios rii nda. 21—Dios quirăcuă tuchi quia nene. Ae ra uchee nyabia mbei ñeende seje, i que Abraham nda. ²²Nyebe Dios Abraham isi tură nguiă. —Abraham ndiqui seicua tuchite co, i que Dios ra. 23-24 Abraham mii je eã ño Dios riqui nguiã ñee. —Abraham seicuate. Nyebe aico nguiã eisi turã co, i que Dios ra. Abraham mii je eã ño embesa ji riqui nguiã ñee. Nande abe je chỗ eriqui nguiã ñee. Nande Dios icua mose, Dios ra nande abe isi turã. Dios sí que Jesús raaque mbuquera ra. 25 Dios que Jesús mbu íbii nande je ra. Mano ngue nandeicuã ndiquicharo nda. Aquere que Dios embuquera si cote ra. Nandembitiro sacua ngue Dios embuquera ra.

Nande Jesús icua mose, Dios riqui nandeisi turã

¹Ã nandeico Jesucristo icuate ã. Nyebe Dios riqui nguiã nandeisi turãte cote. Nyebe Dios riqui nguiã nandembiate cote. ²Ã nandeico

Jesucristo icuate ã. Nyebe Dios riqui turâte nguiã nande je co. Dios turã tuchi. Dios ra nandemingo Jesucristo rã si tuchi cote. Ũquĩ no nandesaarõ arõ nguiã ã. ³ Ũquĩ mii eã no nandembia nguiã. Mbia icuã icuã ndaque ra nande je, ũquĩ mose abe chỗ nda Dios nandembia no. Mbia icuã icuã mose nande je, Dios ra nandechiã mbucoi turã. Nandeico tochi sacuã. 4Nandeico tochi mose, Dios ia tuchi ra nanderese. Dios ia mose nanderese, Dios cheẽ nandesaarõ arõ na. Sã echeẽ ique rã nande je. 5Nande Dios cheẽ ndaarõ arõ mose, ae ra ucheẽ nyabiã. Ae quiatu ngue Espíritu Turã mondo nguiã nande je. —Dios riqui nyesecuate jendese co, i Espíritu Turã nguia nande je co.

6Mbae turã ngue nandesaã aroneãte nandechue, aque mose que Cristo mano nande je ra. Nandeicuã mbitirõ sacuã. 7Mbia mo mano aroneate emo ndibishorõ. Nande turã mose, aque mose abe ra emo mano aroneãte nanderibishorõ. Eturã tuchi mo ndibishorõ nguia emo mano sete raque reae. 8Cristo quiatu que mano nanderibishorõ nandeicuã tuchi mose ra. Nyebe nandeico nguiã ñee: —Dios riqui nyesecua tuchite nanderese co, i. 9Cristo mano mose que nandeicuã mbitirõ cote ra. Ae ra nandemingo icúe Dios mbia icuã mbasi mose. 10Dios riirĩ ngue mano nande je ra. Nande Dios ucuayã mose. Ae quia ngue eturã mbeite riqui nguiã nande je. Dios que "sequiatorã jẽ", i nande je cote ra. Nyebe ra nandeico tuchi erese cote. Jesús quiatu ngue quera sichĩ nguiã nande je cote. 11Nyebe nandeya tuchi riqui nguiã Dios rese co. Jesucristo riĩ. Jesucristo quiatu ngue mano nguiã nande je.

Adán na eã tuchi cho Jesucristo re

¹²Mbia mɨi nane ngue siqui nyii ra. Aque rane ngue mbae ɨcuã saã nande je ra. Nyebe mbia ɨcuã jate riqui nguiã cote. Nyebe Dios riqui nguiã ñee. —Mbia ra mano ja, ɨ cote. ¹³Mbia que mbae ɨcuã saã saã ndei quia nyii ra. Moisés Dios cheẽ mbesa nonde. —Dios cheẽ ngue jemumbachĩ nda, ɨ aroneãte que aque mose ra. Dios cheẽ mbuchecua iriãte quiatu ngue aque mose re. ¹⁴Adán nane ngue Dios cheẽ mumba cose ra. Aque mose bei chõ ngue mbia mbae ɨcuã naa naa nguiã cote. Nyebe mbia riqui nguiã mano mano ja huɨicuã mose cote. Moisés que Dios cheẽ mbesa chee ra. Moisés embesa nonde que mbia mano mano ja huɨicuã mose ra. Jesucristo rã eã tuchɨ chỗ Adán nde.

¹⁵ Adán nane tuchi que mbae icuã saã nda. Jesucristo quiatu que mbia rirõ nguia mbae icuã si ra. Adán mbae icuã naa mose, aque mose bei que mbia mano mano cote ra. Jesucristo mbae turã naa mose, ae que mbia icuã mbitirõ tirõ cote ra. Dios turã nii. Jesús chisaã nguia rei Adán chisaã na eã tuchi. ¹⁶ Adán ae rane ngue mbae icuã saã cose ra. —Mbia ra mano mano ja cote, i que Dios cote ra. Adán icuã ndese maende. Ae Adán saã icuã nande je nae, aque je que Jesucristo mano nda. Jesucristo turãte

que mbia je cote ra. Nyebe Dios riqui nguiã nandeisi turã, nandeicuã ndese mae ndocoī. ¹⁷Adán ae que mbae icuã saã nyii ra. —Mbia ra mano mano ja cote, Adán mbae icuã naande, i que Dios cote ra. Jesucristo ae que mbae turã saã mbia je cote ra. Mbia icuã mbutiã sacuã esi. Ae Jesús turã icua quia nae, ũquĩ nda Dios mingo turã mbei, ũquĩ icuã ndese mae ndocoī.

¹⁸ Adán ae que mbae icuã saã nyii ra. —Mbia ra mano mano ja cote, i que Dios cote ra. Adán icuã ndese maende. Aquere que Jesucristo mbae turã naa mbia je cote ra. Mano nguiatu ngue mbia riquicharõ nde. Nyebe Dios riqui nguiã nandemingo bei co cote. Jesús rii ae ñene. ¹⁹ Adán Dios cheë mumba mose, mbia mbiicuã ja que ũqui cote ra. Jesucristo Dios cheë mumbayã mose chỗ mbia tubiriã mbuturã nguiã no. ²⁰ Dios que ñee Moisés je ra. —Secheë embesa mbia je, i que ee ra. i nda mbia jirandu tuchi huiicuã ndese. Mbia icuã i i tuchi mose, ei no Dios tură i i tuchi mbia je no nde. ²¹ Adán mbae icuã naa mose, mbia mbiicuã ja chỗ ũqui nde. —Mbia ra mano mano cote, i que Dios cote ra. Jesucristo que mano nandeicuã ndiquicharõ cote ra. Aque mose que Dios uturã ndeacuquia tuchi nande je cote ra. Nandembuturã sacuã cote. Nandemingo bei sacuã cote.

Nandeyasu cho nandeico nguiã a cote

1 ¿Mañi nande ra cote re? ¿Mbae icuã nda nandesaã i i re? ¿Dios turã i i sacuã nande je re? ²Tei. Dios biāte ũquĩ. Jesús rese que nandemano ndesẽ. Nandemano ngue mbae icuã naa eã sacuã ndesẽ. ¿Mañi nande ra mbae icuã naa naa si re? ³¿Jēiranuāte bautizar i rese re? —Jesús resenda tuchi chỗ ũquĩ ndiqui re, i nda mbia bautizar ire nande je chã. Nande bautizar ire, nandemanonde raanguia chỗ ũquĩ nde. Mbae icuã naa eã sacuã cote. ⁴¿Mbaerã ño bautizar nande chã? —Amano ngue Jesús rese ra, i chỗ bautizar i re. —Seati que Jesús rese ra, i chỗ bautizar i re. Sã Dios quirãcuã Jesús mbuquera eraaque mose no. Eĩ nande chỗ siqui nandeyasu ae.

⁵Nandeico Cristo rese ã. Nandemano mose Cristo rese, nandereco yasu chô nandeico nguiã erese ã. ⁶Cristo mbucha mose ira rese, nandeicuã abe que Dios mbucha ira rese ra. Nande mbae icuã osei chiã sacuã ño ũquĩ nde. Mbae icuã nimba nda nandeico eã cote chã. ⁷Mbia raaque quia mbae icuã saã aroneãte nguiã. Eĩ nande chô nguiã mano mose Cristo rese ã. Mbae icuã naa aroneã. ⁸Nandemano mose Cristo rese ira rese, nandemingo bei ra uchiese cote. Ae rã si. ⁹Cristo que mano nda. Quera si que cote ra. Aquere ra mano siã cote. ¹⁰Aque mii ngue Cristo mano mbia icuã je ra. Quera si que cote ra. Mano si eã ndae. Siqui bei equia Dios rese co. ¹¹Jendaaque chô jēsaã saã mbae icuã je. Jenderecuarã eã mbae icuã

cote. Jesucristo rese nandeico tuchite a cote. Mbae yasu ra no nandeico nguia Jesucristo rese a cote.

¹² iMbae icuã ndese ra jēingochĩ jenderecuarã jẽ! Jẽ mba e icuã osei mose, ijēteachô ño jẽ! ¹³ iJendete ra jemee meechĩ mbae icuã je jẽ! Dios je quia jendete jemee. Mbae turã naa sacuã. Cristo rese que jemano ndesẽ. Jēyasu chô ngue jēquera si Cristo rese resẽ. ¹⁴Nandererecuarã eã nda mbae icuã cote. Moisés chimbesa rui eã ño nandeico nguiã ã cote. Dios turã ndui ae chô nandeico nguiã ã cote.

Mbae tură nimba cho nandeico cote

15 Dios turã ae nandemingo nguiã. ¿Ũquĩ mose ra mbae icuã nandesaã saã nde? Tei. Dios biāte ũquĩ. ¹6 Nande nandechimondo mose mbae icuã je, mbae icuã nda nandererecuarã cote. Mbae icuã nda nandeiquia chee cote. Nande nandechimondo mose Dios je, ae ra nandererecuarã cote. Ae ra nandemingo bei mbae turã ndese cote. ¹7 Jēingo bei que mbae icuã ndese jenderecuarã nyii ra. Mbia Jesús cheẽ nenei nenei mose jēje, jēisi turã ño ngue cote ra. Ã jēingo echeẽ mumbayã ã cote. Nyebe aico nguiã gracias ite Dios je co. ¹8 Dios que jendirõ mbae icuã si cote ra. Mbae icuã ndese ra jēingoã cote. Mbae turã ndese bei ra jēingo cote. ¹9 Secheẽ ambuchecua tuchi quia jēje co. Jẽ eicua tuchi sacuã. Jendete que jemondo tuchi mbae icuã je nyii ra. Jẽ ngue jēingo i i tuchi mbae icuã ndese nyii ra. Jendete jemondo Dios je cote. Mbae turã naa i i sacuã cote.

20 Mbae icuã mbaerã ño jēingo nguiã cose. Mbae turã ngue jēsaã aroneãte quia aque mose ra. ²¹ Jēireĩte mbae icuã naa naande cote. Jenyisaã saã mbae icuã ñiinda, ũquĩ ngue mbae turã mo mondo ãte jēje resẽ. Ae mbae icuã saã i ite quia, ũquĩ nda mano. ²² Dios que jendirõ mbae icuã si cote ra. Dios rimba chỗ jẽ cote re. Nyebe Dios jemingo nguiã icúe mbae icuã si. Nyebe ra Dios jemingo bei ibate manonde cote. ²³ Ae mbae icuã saã saã nguia nae, ũquĩ nda Dios mbasi bei manonde. Ae Jesucristo icua quia nae, ũquĩ nguiatu ra Dios turã mingo bei. Mbae turã naa eã ndaque. Dios turãte quia ee re.

Eraaque rã ño nandeico nguiã Moisés chimbesa je cote

¹Sã jenderecua ibi jenda mo no. Echeë jemumba aroneate no. Jemano mose, jenderecuayã nda cote. ²Sã cuña mo ndiqui ngu rese no. Cuña mo ngu rerequia mose, sã eriqui bei erese. Eru mano mose, aque mose ramo nda siquíã erese cote. Aque mose ramo nda ae ae riqui cote. ³Ngu reco mose, siqui aroneãte emo ndese. Siqui mose emo ndese, Dios cheë mumba cho uqui nde. Eru mano mose, aque mose quiatu ra ngu mo ndea cote. Dios cheë mumba eã no uqui nde.

⁴Eraaque rã no jêingo nguiã Moisés chimbesa je ũquĩ cote. Cristo quiatu que mano jenii nda. Quera si que jenii no nda. Cristo rese chõ

jẽingo nguiã ũquĩ cote. Dios je mbae turã naa naa sacuã ño jẽingo nguiã erese ũquĩ cote. ⁵Nandeico mose mbae icuã ndese nyii, mbae icuã achô ño ngue nandechosei chosei quia aque mose ra. Nandebi tuchi que Dio s cheẽ mumba mumba aque mose ra. Nyebe que nandeico mbae icuã naa i i tuchi aque mose ra. Eĩ nda nandeicuã nandeiquia rei aque mose. Espíritu Turã nandembiasu eã mose. ⁶Eraaque rã ño nandeico nguiã Moisés chimbesa je ã cote. Moisés chimbesa rui eã ño nandeico nguiã ã cote. Dios cheẽ mii ndui chỗ nandeico nguiã ã cote. Espíritu Turã nguiatu ngue nandembiasu nguiã. Espíritu Turã ño nandembaaquiatu nguiã ã cote. Moisés chimbesa achỗ eã ño cote re.

7—Moisés chimbesa icuate, ae ate raque quia co. Moisés chimbesa quiatu que sembiirandu seicuã ndese resē. —Eicuãte quia emo mbae osei osei riqui re, i que Moisés chimbesa ra. Ei nda seiranuate rei uqui ndese. Moisés chimbesa eande ndae. Moisés chimbesa ae ngue sembiirandu nguiã ũquĩ ndese. —Eicuãte ũquĩ, i seje. 8 Moisés chimbesa sembiirandure mbae icuã ndese, mbae icuã achosei i i tuchichi cote. —Mbae icuã nda jēsaã saāchī, i mose cho mbae icuā achosei i i tuchichī cote. Emo Moisés chimbesa icuayã mose, mbae icuã abe ra eicuayã no. 9Moisés chimbesa que aicuayate quia nyii ra. Setura aico rei aque mose. Moisés chimbesa que aicua cote ra. Eicua mose que echee amumba i i tuchi cote ra. Ũqui mose que seicuã aicua cote ra. 10 Mbia mingo bei sacuã ndaque Moisés chimbesa. Ae que semingo bei eã nda. Moisés chimbesa amumba mumba bei chốchĩ. Nyebe aico nguiã isho tuchi Dios si aque mose. 11 Seicuã ño ngue sembiiri iri mbei quia nyii ra. Se Moisés chimbesa icua mose, seva eã tuchi que aque mose cote ra. Seicuã nda seiquia chee, ae que se ra. ¹²Moisés chimbesa turãte raque. Dios chee ndaque.

¹³Moisés chimbesa turãte. Ũquĩ je eã ngue Dios paama i seje ra. Seicuã ae quiatu que Dios mbupaama i seje ra. Moisés chimbesa que sembiirandu tuchi seicuã ndese ra. Se Moisés chimbesa turã icua mose, ũquĩ mose que seicuã Dios mbupaama i seje ra. Nyebe Dios Moisés chimbesa mee nguiã nande je. Nandeicuã mbuchecua tuchi sacuã nande je.

Nandechianqui renda icuã ño nandeisi isi nguiã

14 Moisés chimbesa turãte raque. Se ae seicuã nde. Mbia chỗ se re. Moisés chimbesa amumba mumba chỗ chỉ nguia co. 15 Mbae turã asaã mbite raque. Mbae icuã asaã eã mbite raque. Mbae icuã nguia seisi isite nguiã. Mbae turã uquia reã. ¿Mbaerã aico mbae turã naa eāte re? 16 Ae asaã sereāte quia nae, ũquĩ asaã mbeichĩ. Moisés chimbesa turãt e raque. Aico echeẽ mumba mumba beichĩ. 17 Se ae chỗ eã no aico nguiã mbae icuã naa naa co. Sechiangui renda icuã nguia "mbae icuã esaã saã", ite nguiã seje co. Nyebe aico nguiã mbae turã mo naa eã mbeite co. 18 Seicuã tuchi chỗ chĩ se. Seturã mo eã tuchichĩ se. —Mbae turã tasaã, aete raque

quia co. Aico mbae icuã naa naa mbei chõchĩ co. ¹⁹Sebite raque mba e turã. ¿Mbaerã aico mbae turã naa eate re? Sebiate raque mbae icuã. ¿Mbaerã aico mbae icuã naa naa mbeite re? ²⁰Se ae ea mbae icuã asaã saã nguiã. Sechiangui renda icuã nguia "mbae icuã esaã saã" ite nguiã seje. Sechiangui renda icuã no seisi isi nguiã mbae turã si co.

21"Mbae tură tasaă", i mose se, mbae icuă no seriquisă quisăchî nguiă co. ²²Sebite raque Dios cheẽ sechiangui re. ²³—Dios cheẽ ndese taico, ae rei nguiă sechiangui re co. Sechiangui renda icuă nguia seriquisă quisăte nguiā. Nyebe aico nguiă mbae icuă naa i ite. ²⁴⁻²⁵Dios cheẽ ndese aico sete raque. Sechiangui renda icuă nguia semingo beite nguiã mbae icuă ndese. Seraaquete aico co. Nyebe seya eăte aico co. ¿Aba quia ra seicuă mbitirõ nde? Jesucristo quia ra seicuă mbitirõ cote. Nyebe aico gracias i tuchi Dios je co.

Espíritu Turã ndiqui nandembui mbae icuã si

¹Ae Jesucristo icua quia nae, ũquĩ nda Dios mbasiã mbei. ²Nande Jesucristo icua mose, Espíritu Turã nda nandechiã mbiasu. Espíritu Turã nda siqui nanderese, mbae icuã naa eã sacuã. Ei nda nandemano mbeite rei, mbae icuã naa naa mbei mose. 3 Moisés chimbesa que nanderirõ aroneãte mbae icuã si ra. Echeẽ nguiatu ngue nandemumbayã aroneãte nguiã. Mbiate quiatu ngue nande re. Nandequirãcuã nea. Dios que ndua nanderese ra. Nyebe nguiirí mondo nguiá nande je. Mbia rã ngue Jesús ru íbii ra. Mbia icuã jate raque. Ae mii ngue eicuã eã nda. Ae que mano nandeicuã ndiquicharo nda. Nyebe nandererecua eã no mbae icuã cote re. 4Jesús que mano nande je ra. Nyebe mbae icuã ñimbirãcuã eãte nande je cote. Nyebe Dios chee nandemumbava arondete namo cote. Espíritu Turã ndui chỗ nandeico nguiã cote. Mbia icuã ndui eã ño nandeico nguiã a cote. 5 Ae siqui quia Espíritu Turã ndese nae, ũquĩ ño siqui nguiã Dios chee ndui si. Ae siquíã nguia Espíritu Turã ndese nae, ũquĩ no siqui nguiã uchiangui renda icuã ndui si. 6 Ae siqui quia Espíritu Tură ndese, ũquĩ ia bei ra eriqui. Siqui bei rae. Ae siquíă nguia Espíritu Tură ndese, ũquĩ nda siquíã. Mano ndae. 7 Nandechiangui renda icuã nguia siqui icuã icuã mbeite nguiã Dios je. Nandechiangui renda icuã nguiarei Dios chee mumbaya aronea. 8 Ae sigui bei quia uchiangui renda icuã ndui, ũquĩ siqui aroneãte Dios cheẽ ndui.

⁹Eɨ jenye eãte raque jẽ. Espíritu Turã nduɨ chỗ jẽɨngo nguiã jẽ. Espíritu Turã nguia siqui nguiã jeñɨangui re. Espíritu Turã siquíã mose emo ñɨangui re, Cristo rimba eã ño ũquɨ nde. ¹⁰ Jesucristo riqui jeñɨangui re ũquɨ. Jendete ra mano ndaque mbae ɨcuä je. Espíritu Turã nda jeãingue mingo beɨ ibate. Dios quiatu ngue jẽisi turã nguiā. ¹¹ Dios que Jesucristo raaque mbuquera ra. Eɨ sɨ ra Dios nanderete raaque mbuquera Espíritu Turã quirãcuã je no. Eɨ sɨ ra nanderete mbiasu, Espíritu Turã siqui mose nandechɨangui re.

¹²Nandechiangui renda icuã ndui nandeico aroneãte cote.
¹³Nandechiangui renda icuã ndui nandeico mose, nandemano mbei ra equia. Espíritu Turã nandebi icuã mbutiã mose, nandemingo bei rae. ¹⁴Ae je Espíritu Turã ndiqui ñee nae, "eĩ jenye" i nae, Dios rimba chỗ ũquĩ nde. ¹⁵Nande Espíritu Turã isi mose, aque mose bei chỗ Dios riirĩ nande cote re. Dios rimbachỗ eã ño nande cote re. Dios riirĩ tuchi chỗ nande cote re. Nandesiquiche tuchi que equia Dios si nyii ra. Nandesiquicheãte esi namo cote. —Paba, nande chỗ nguiã e e co cote. ¹⁶—Dios riirĩ tuchite jẽ, i chỗ Espíritu Turã nguiã nandembiirandu tuchi. —Dios riirĩ tuchi rei nande re, nande chỗ nguiã nande abe nandechiangui re co. ¹⁷Dios riirĩ tuchite quia nande re. Nyebe ra Dios mbae mondo tuchi nande je Jesucristo rese. Sã ñi mbia Jesucristo mbasi cose no, eĩ si ra mbia nandembasi nande abe. Aquere ra nandeico turã mbei erese ibate cote.

Mbae tură mbei jee ra nande je nandeico mose ibate

¹⁸Mbia ra nandembasi raque a nyii. Dios ra nandererao bei ibate cote. Aque mose ra mbae tură mbei nande je cote. Nyebe ra nandetesarei nanderasi jua si cote. Nandeico bei mose ibate. ¹⁹Dios ra huiicuasa mbuchecua ja aque mose. —Co rei seicuasa co. Co abe no. Co abe no, i ra Dios aque mose. Ũqui ño nandesaaro aro nguiã a. Ae Dios chao mbae ja, ũquĩ abe riqui ũquĩ ndaarõ arõ ã. 20 Adán mbae icuã naa namo mose, mbae icuã ja que aquere cote ra. Dios chiao icuã ja cote. Dios que mbae mbiicuã ja Adán mbae icuã naa namo mose ra. 21 Ei mbei eã nda mbae. Mbae ra nimbitiro ja cote. Nimbiasu ra cote, Jesús tu mose íbii cote. Mbae ra manoã cote. Mbae ra shi eã cote. Jesús quiato rese ra mbae nyiicuabo ja aque mose cote. ²²Dios chiao ra nyiicuabo ja aque mose. Dios chiao ia eate quia namo nde. Aque ndasi ra no eriqui nguia namo. Nyebe ra Dios uchiao mbiasu ja cote. ²³Dios que Espíritu Turã mondo nande je ra. Nyebe nandeico nguiã ñee, "Dios ra nandembiasu nguiirina tuchi cote", i. Aque mose ra Dios nandembuchiicuabo tuchi uchiao ja rese cote. Namo ño nanderasi rasi re. Nandeva eate abe no. Nandembuchiicuabo mose, nanderete abe ra embiasu. 24—Jendete tambiasu, i que Dios nanderiro mose mbae icua si ra. Uqui no nandesaaro arõ nguiã a. Nanderete vasu eate namo. Nyebe nandeico nguiã eraarõ arõ ã. ²⁵—Jendete tambiasu, i que Dios nande je ra. Nyebe nandeico nguiã eraarõ arõ mingue ã.

²⁶Nandequirăcuă neate nande. Nyebe Espíritu Tură ndiqui tuchi nguiă nanderese. Să nandeico ñee: "¿Mañi nande ra ñee Dios je re?" i nandechiangui re. Nandecheẽ ndequia requia mose chỗ nandeico nguiã iabu abu. Nandeiabu mose chỗ Espíritu Turã ndiqui nguiã ñee turã Dios je nanderiĩ. Nandeuru ñee Dios je nandechiangui re. ²⁷Dios mbia chiã icua jate quia co. Espíritu Turã ñee mose Dios je nandeuru, Dios echeẽ icua

chõ nguiã aque. Dios cheẽ nduɨ sɨ chỗ Espíritu Turã ndiqui nguiã ñee Dios je Dios ɨcuasa rɨĩ. ²⁸Ae nyesecua quia Dios rese, ũquĩ je chỗ Dios riqui nguiã mbae turã naa ja. Dios quiatu ngue eirabo nguiã. Ndua quiatu ngue erese nyii re.

²⁹Ae res e Dios riqui nduate nyii nae, ũquĩ ngue Dios mingo icúe nyii ra. Jesucristo rã si embiasu sacuã. Nyebe nandeico nguiã Dios riirĩ tuchi Jesucristo rese cote. Jesucristo rei nanderiquii cote. Nande tubiriãte ra Dios quiato cote. ³⁰Dios que ndua nanderese nyii ra. Aquere que nandemingo icúe umbaerã cote ra. Nandeisi turã ngue cote ra. —Mbia tamumae turã ja jendese jēingo mose ibate, i que Dios nande je cote ra.

Mbae mo nda nandembui eã mbei Dios si

3¹ Dios riqui tuchi nanderese co resẽ. Nyebe ra emo ñimbirãcuã eã nande je cote. ³² Dios que nguiirĩ mii mondo nande je ra. Mano sacuã nandeicuã je. Eĩ nda mbae mondo ja nande je no. Sã nguiirĩ mondo nande ja je no. ³³ Dios chesecua tuchi chỗ nande re. Emo ñee icuã aroneãte nande je. Dios quiatu ngue nandeisi turã nguiã. ³⁴ Cristo que mano nandeicuã je ra. Quera si que ra. Dios quiatocuti eñi ngoi hue cote. Ñee turã turã nanderiã Dios je hue cote. Nyebe emo ndiqui nguiã ñee icuã aroneãte nande je cote. ³⁵ Mbae mo Dios mbesarei aroneãte nandesi. Nyesecua beite quiatu nguiã nanderese co. Nanderasi arondete raque. Mbae nandembia eã arondete raque. Mbi a icuã arondete raque nande je. Nanderiãcuã arondete raque. Nandeirao eã arondete raque. Mbia nandeiquia arondete raque. Ũquĩ ja ra Dios mbesarei eã tuchi nandesi. ³⁶ Mbia icuãte riqui nande je ã. Sã embesa ji riqui i no:

Nderii no mbia riqui nguia ureiquia seri mbeite a.

Oveja iquia iquia rã ño eriqui nguiã ure je ã,

i ñi embesa ji re. ³⁷Mbia icuã icuãte raque nande je. Ñimbirãcuã eã mbei ra nande je. Jesucristo quia siqui nguiã nanderese co. Nyesecua beite quiatu nguiã nanderese co. ³⁸⁻³⁹Dios nyesecua tuchite quiatu nguiã nanderese co. Dios hui aroneãte nandesi. Mbia nandeiquia iquia mose, aque mose abe Dios hui aroneãte nandesi. Mbae mo nda embui eã nandesi. Angeles. Aba checuayã icuã. Mbia rerecua. Ae icuã icuã ndiqui nande je namo. Ae icuã icuã nda nande je emo mose. Ibatenda mo. Ae siqui ibiqui rī no. Dios chiao mo. Ũquī ja ra Dios mbui eã nandesi. Dios quia nyesecua tuchite nguiã nanderese Jesucristo rií co.

Dios que judíos mii icúe umbaerã tuchi ra

Jesús icuasa cho se rese. Aico nee noono eate co rese. Espíritu Tura abe riqui sembiirandu sechiangui re co rese. 2 Seya eate aico co. Seya eate aico judíos rese co. 3 Se sí raque judío. Judíos ja cho ure re. Judíos siqui sereate chochi Jesús rese. Seso sete raque tata cuasu,

judíos mingo bei sacuã Jesús rese. Eĩ ndei ra sesose rete tata cuasu judíos rendaque re. Seresenda tuchite quia ñene. ⁴Israel ndei judíos i tuchi. Seriirĩ, i rei que Dios judíos je ra. Dios que uquirãcuã teacuquia rei judíos je ra. Dios que contrato saã ndei judíos je ra. Moisés chimbesa que judíos quereco rei ra. —Eĩ jenye chỗ ñee seje, i rei que Dios judíos mbaaquiatu quiatu ra. —Mbae turã nda asaã saã mbei quia jēje, i bei que Dios quia judíos je ra. ⁵Nanderamei ñiinda tuchi quiarei judíos i. Cristo tu mose ibi, judío que ae abe cote ra. Cristo rei Dios tuchi. Mbia rerecua bei tuchi rei Cristo. Amén.

⁶Dios turã tuchi raque judíos je. Judíos que siquiãte Dios rese cote ra. Dios quiatu que uchee mbuchebia ndei ee ra. Uqui mo nguiatu que judíos tuchi eã nda. Siquíã tuchi que Dios rese ra. ⁷Abraham ndiirĩ nyeremo ndei que ra. Ismael. Isaac. Üqui nyeremo ngue eriiri ja rei ra. Dios que Isaac mii isi ra. —Abraham ndiirĩ, i eã ngue Dios Ismael riirĩ je ra. — Abraham riirī, i cho ngue Dios Isaac ndiirī je ra. Isaac ndiirī jaje que Dios "judíos" i cote ra. 8 Abraham ndiirī nducucha que Dios isi turā ja eã ndese. Ae Dios chee isi tură nguia, ũquɨ je cho Dios riqui nguia "seriiri" i. ⁹Dios que ñee Abraham je ra. —Tenda nongue ra achu. Aque mose ra ăque nacui mo nyaacuquia neninisi Sara je, i que Dios Abraham je ra. ¹⁰Âque ngue tiaro cote ra. Isaac, i que ee ra. Isaac que ngũinisi tea chee ra. Rebeca, i que eninisi je ra. Eata riru rerequia mose que Dios ñee ee ra. 11-12—Ae rane nda nyaacuquia ãque, ngôngue rimba tuchi chô nda aque, i que Dios Rebeca je ñee nda. Echaacuquia nonde. Eriirî mbae icuã naa nonde. Mbae turã abe naa nonde. —Co cho taisi, i que Dios ra. —Co cho taisi, i beite Dios quia co no. Mbia mbae turã naa nonde cho Dios eirabo nguiã. Dios turãte quia ñene. Nyebe mbia mo irabochô nguiã. Ebite quia ñene. ¹³Dios que ñee Rebeca riirī nɨɨ nda. Ũquɨ nyeremo nɨɨ:

Jacob ndese cho aio nguia nyesecua.

Esaú rese achesecua eãte, i que Dios ra,

i que embesa ji ra.

¹⁴¿Mbaerã Dios riqui aque mɨi irabo re? ¿Mbaerã eriqui enongue abe isiã nde? ¿Dios icuãte ere? Tei. Eicuã eãte raque. ¹⁵Sã Dios ñee Moisés je nyii no:

Seya eãse mose emo ndese, seya eãte erese.

Setutãse mose emo je, seturãte ee,

i que Dios Moisés je ra. ¹⁶—Dios turã naa nda seje chã, i mose emo, ũquĩ je eã ño Dios turã ndiqui nguiã. Ae mbae turã saã saã ndei quia, ũquĩ je eã ño Dios turã ndiqui nguiã. Ae rese Dios ia eã ndiqui, ũquĩ je quiatu Dios turã ndiqui nguiã. ¹⁷Sã faraón no. Egipto jenda rerecua. Dios que ñee ee ra. — Aremii ngue mbia rerecuarã nda. Sequirãcuã ndeacuquia sacuã mbia je. Mbia jirandu ja sacuã serese, i que Dios faraón je ra. ¹⁸Dios ia eãse mose emo ndese, eya eã nda erese. Dios emo ñia matãse mose, matã ndae.

Dios ra judíos isi turã sí

¹9 Jemo nda ñee seje reae. —Dios ae emo ñiā mātā mose, ċmbaerā nda jeñee asi echiā ātā je re? i ra jemo ñee seje reae. ²⁰Dios cheē nandesobeishī aroneāte. Sā nandembaecua ñio ñee aroneāte uaosa je no. —¿Mbaerā seraā eī nde? i aroneāte ñio ñee uaosa je no. ²¹ Ñio aosa ra ñio saā ñooño ño ubi mose no. Ñio turā tuchi raā arondete no. Ñio icuā abe raā arondete tuchu sique je no. Embae quia tuchu re. Tuchu rā ño nande re. Ñio aosa rā ño Dios re. ²²Ae eicuā icuā mbeite riqui Dios je nae, ūquī je Dios siqui mingue i ite co. Ūquī nda nyoi je tata cuasu. Ūquī Dios mbasi serīte cote. ²³ Dios mbae turā saā sete ubi je. Nyebe uquirācuā ndeacuquia nguiā ubi je. Diobi chō nande re. Dios que nandeao uchesecuarā nda. Nandeico sacuā erese. ²⁴ Diobi chō nande re. Dios que nandeirabo ra. Nandemo ndei judíos. Judíos eā abe abe. Dios chiirabo ja chō nande re. ²⁵ Sā Oseas Dios cheē mbesa no:

Ae serimba eã nyii nae, ũquĩ nda serimbarã cote.

Ae rese mbia nyesecuayã nyii, ũquĩ ndese ra achesecua tuchi se cote.

²⁶ "Seresenda eã ño jẽ nde", i que Dios ñee ee nyii ra.

Hue jenda sí je ra Dios ñee cote.

"Seresenda cho je cote re", i ra Dios si nee ee cote,

i que Oseas Dios chee mbesa ra.

²⁷Eɨ̃ ngue Isaías Dios cheẽ mbesa cose ra:

Judíos tubiriã tuchite raque rae.

Siqui ja eã nda Dios rese.

Co mɨi mɨi ño nda siqui erese.

²⁸ Dios quia ra uquiatoã mbasi ja ibi jenda cote.

Mbasi jei ra cote, i que Isaías embesa ra. ²⁹Isaías que ã mbesa cose no nda:

Mbia rese Dios ndua eande rae, ei nda judíos ua ja rei.

Dios judíos mo ndecha eande rae, ei nda judíos ua ja rei.

Sã Sodoma jenda ua ja no.

Gomorra jenda abe no,

i que Isaías embesa ra.

Judíos siqui sereã Jesús rese

³⁰Tacheẽ nyecua jẽje. Ae judíos eã nae, ũquĩ ngue "taico Dios rese", iã ndei ra. Aque mose que Jesús icua cote ra. Jesús icua mose que Dios echiã mbitirõ cote ra. ³¹ Judíos quiatu que ñee ndei ra. —Dios cheẽ ndui si tuchi nandeico. Nandeico mose erui, Dios ra nandemingo bei, i rei que judíos ra. Dios que emingo bei eã nda. Siqui bei eã nguiatu ngue Dios cheẽ ndese re. ³²—Jesucristo nandeicua, i eã ñochĩ judíos. —Nande ae nandeico Dios cheẽ ndui, i chốchĩ. —Nandeico mose erui, Dios ra

nandemingo bei, i chôchĩ. Judíos biấte que Jesús riqui ra. Nyebe judíos riqui turã eãte nguiã. ³³Eĩ ngue embesa ji Dios cheẽ nda:

Serucucha que amii judíos rae ra.

Judíos ra eisiteã.

Judíos ra cuá i nyoi ee.

Ngoi ra echoi cuá i mose ee.

Sita rã ño serucucha ee re.

Ae serucucha icua quia nae, ũquĩ nguia ra ngoi eã nyoi.

"Dios rucucha aisi jirichĩ nguia no", i eã nda Cristo icuasa mo ñee, i que Dios cheẽ mbesa ji ra.

1—Sã Dios judíos rirõ mbae icuã si, ae rei quia co. —Paba, judíos emingo Jesucristo rese, ae tuchi rei quia co. ²Judíos siqui sete raque Dios cheẽ ndui. Ñeenda quia eicuayãte nguiã Dios icha. ³—Dios ra nandechiã mbitirõ Jesucristo rii, i eã ñochi. Ae ae uchiã mbitirõse chochi. Jesucristo icua sereã nea mbei chochi. Nyebe Dios riqui nguiã echiã mbitirõ eã mbei. ⁴Jesucristo tu nonde que judíos siquise tuchi Moisés chimbesa rese ra. Jesús que tu íbii cote ra. —Moisés chimbesa rui jeingo mose, taembitirõ turã, i ãte que Jesús ra. —Seicua mose quiatu ra jaembitirõ, i que ra.

Sã mbia siqui ja serese, i Dios

5—Emo mbae icuã mo saã eã mbei emo mose, ũquĩ nda Dios mingo bei, i rei que Moisés ra. 6-7 A nandeico Jesús icuate a. Nyebe ae riqui nguiã nandemingo bei i ite ã. Nyebe nandeico nguiã ñee ãte. —Aba quia ra oso Jesús reru ibate si nande je, i ãte. —Aba quia ra oso mbia raaque rea, Jesús mbuquera sacuã, i ãte nande mo. 8 Ã ureico Jesucristo renei nenei mbia je ã. —Jẽ Jesucristo icua mose, jẽingo bei rae, ure equia mbia je ã. Jesucristo icuasa ra ñee: —A Jesucristo chee ndiqui aba jiite a. Echee aba chiicua bite aba chiangui re, i ra Jesucristo icuasa ñee. 9—Jesucristo rei sererecua, ere cho ñee. —Dios que Jesucristo raaque mbuquera ra, ere cho nguia ndechiangui re. Nde i mose, Dios ra nemingo bei. 10 Emo Jesucristo icua mose uchiangui re, Dios ra echiã mbitirõ. —Jesucristo aicua quia co, i mose, Dios ra esirõ mbae icuã si. 11—Jesucristo aisi jirichi nguia no, i ea nda Jesús icuasa mo ñee, i que embesa ji Dios chee nda. 12 Dios quia mbia ja rerecua tuchi re. Judíos acho ndeeccua ea. Judíos ea acho nderecua ea no. Ei ja cho mbia Dios je re. —Mbae mo embu seje, i mose emo Dios je, mondo turã tuchi ra ee. ¹³Sã embesa ji riqui i no:

"Paba, seicuã embitirõ", i mose emo, Dios ra ũquĩ mingo bei tuchi, i que embesa ji ra. ¹⁴Mbia mo Jesús icuayã mose, ñee aroneãte ee. Mbia jiranuã mose Jesús rese, Jesús icua aroneãte. Emo Jesús cheẽ nenei nenei eã mose mbia je, mbia jirandu aroneãte Jesús rese. ¹⁵Dios mbia mo

mondo eã mose echeẽ nenei nenei sacuã, echeẽ nenei nenei aroneãte. Sã embesa ji riqui ñee no. Eĩ si chỗ ñene:

Aba bite emo tu mose Dios chee nenei nenei ure je.

Ureya tuchite erese,

i que embesa ji cose ra. ¹⁶Mbia mii mii ño siquichi Dios chee tura ndese ŭqui. Sa Isaías ñee no:

Dios, mbia que urechee ñandu sereate ra,

i que Isaías embesa ra. ¹⁷Mbia ra Jesucristo icuayã mbeite, jiranuã mose erese. Mbia ra jiranuãte Jesucristo rese, emo echeẽ nenei neneiã mose ee.

18 ¿Judíos Dios cheẽ turã nanuāte re? Nandu ja rei que ra. Dios cheẽ ngue judíos chandu ja rei resẽ. Mangue chooño eã ngue echoɨ Dios cheẽ nenei nenei ndesẽ. 19 ¿Judíos jiranuāte Jesús cheẽ turã ndese re? Jirandu tuchɨte rei que ra. Sã Moisés Dios cheẽ mbesa no:

Dios rei se. Judíos eã ndese taico turã.

Mbia aquiatuã taisi serimbarã. Judíos nda queteã tuchi serese chã, i que Moisés Dios cheẽ mbesa ra. ²⁰ Isaías abe que Dios cheẽ mbesa ra. Ã ngue embesa ra:

Ae serequia eate quia, uqui no ngue serea ra.

Ae ndua eate quia serese, ũquɨ je cho achecua nguia, ɨ que Dios ra, ɨ que Isaías siquicheate Dios chee mbesa ra. ²¹ Isaías que ñee judíos je no nda:

Dios riqui ñee jēje co. "Jēingo serese", ae beite raque se quia judíos je co.

Sechee mumba bei chochi.

"Jēingo serese", ae beite raque quia sechee mumbasa je co, i que Dios ra, i que Isaías Dios chee mbesa ra.

Dios ia eãte judíos rese

11 li Dios que hui eã judíos si ra. Judío chỗ se no nde. Abraham ndei sei. Benjamín abe rei sei no. ¿Mañi nda Dios hui judíos si re? 2—Serimbarã mbei ra judíos, i que Dios cose ra. Nyebe eriqui nguiã emombo eã mbei. ¿Jētesarei chỗ Elías cheẽ si Dios je re? Elías que ñee icuãte judíos ataque riĩ aque mose ra. 3—Dios, judíos que ndecheẽ nenei neneisa iquia ja ra. Altar abe que embucoi coi nembae ra. Se ae tuchi aico nderimba co cote. Se abe ra judíos seiquia chee, i rei que Elías Dios je ra. 4Dios que ñee Elías je cote ra. —Nde mii eã ño serimba re. Serimba tubiriãte nyeresẽ. Siete mi l serimba que ngoi eãte ngũíã ndese ñee ñee Baal naanguia je ra, i que Dios ñee Elías je cose ra. 5Eĩ ño namo abe re. Judíos emo emo ño siqui nguiã Dios rese ã. Ũquĩ mii ño Dios chiirabo ũquĩ nde. Uturã je chỗ Dios ũquĩ irabo nguiã. 6Mbae turã naa mose eã ño Dios eirabo nguiã. Uturã je ae chỗ Dios eirabo nguiã. Mbae turã naa naa ndibishorõ eã ño Dios riqui nguiã aba irabo umbaerã. Mbae turã naa naa

ndibishorõ mose, eĩ nda Dios aba irabo eãte rei uturã je. 7 Dios quiatorã nande, i rei que judíos ra. Dios quiatoã tuchi que eriqui ra. Jesucristo icua sereãte que equia ra. Co mii mii ño ngue Dios irabo uquiatorã nda. Eataque que Jesucristo icua sereãte quia ra. 8 Sã embesa ji riqui ñee no:

Dios que embaaracua eã nda.

Nyebe mbae icua eãte nguiã, mae mose Dios chiao rese.

Nyebe Dios chee icua eate nguia eandu mose no,

i que embesa ji cose ra. Ei mbei cho namo abe re. ⁹David abe que uche embesa ra. Ei ngue embesa ra:

Sã eya chooño umbae tubiriã ndese.

"Nandeico turăte ã", sã i, siqui icuã mose.

Sã Dios embua tuchi embasi mose.

10 Sã eresa nyiati ati bei.

Mae eã sacuã.

Sã mbae usi riqui eituquia bei,

i que David ñee nda.

¹¹ Judíos que Dios chee secha rei ra. Uba je quia ra ecuae Dios rese. Dios si judíos hui mose quiatu que judíos ea siqui arote Dios rese cote ra. Dios judíos ea mingo bei tuchi sacua cote. Judíos ra quetea tuchi chee Dios rese cote. Uba si sacua erese cote. ¹² Judíos que Dios chee isitea nda. Nyebe mbia judíos ea ja Dios chee andu ja nguia cote. Judíos Dios chee mumba mose, Dios que utura teacuquia ja mbia mangue chooñoa jenda ja je cote ra. Judíos uba si mose Dios rese, mbia mangue chooñoa jenda ra siqui tuchi Dios rese cote.

Judíos eã ño Dios chee isi

¹³ Jēje judíos eã je aico Dios cheẽ nenei nenei a. —Judíos eã je eico secheẽ nenei nenei, i que Dios semondo ra. Nyebe aico nguiã Dios cheẽ nenei nenei sete. ¹⁴ Judío chỗ se no nde. Sã jẽ jẽingo Dios rese no jẽ. Sã judíos abe riqui Dios rese jẽ na si. Dios erirõ sacuã mbae icuã si. ¹⁵ Judíos Dios isiteã mose que Dios hui chỗ judíos si ra. Judíos eã nguiatu que Dios isi uquiatorã cote ra. —Mbia mo ja sequiatorã cote, i que Dios judíos eisiteã mose ra. Judíos ra uba si chee Dios rese emo mose cote. Mbia raaque quera si rã tuchi ra aque mose cote. ¹⁶ Sã mbia mo mbichae raã no. Mbichae ñiinda uchi turã mose, eruinda abe ra uchi turã no. Mbichae ñiinda rã ño Abraham nde. Judío i tuchi chỗ Abraham nde. Sã Abraham siqui turã tuchi Dios je no. Nyebe ra eriirĩ abe uba chee Dios rese no. Ei turã mose, erãquiã abe ra eturã no.

¹⁷ Olivo rãquiã na ño judíos re. Judíos siquíã mose Dios rese, olivo rãquiã na ño ngue Dios echisia mombo ra. Ũquĩ naquiã nendaque re chố ngue Dios jemɨɨ nda. Jẽ judíos eã. Injertar ɨ raanguia chỗ Dios jembucha nguiã ei rese. Jemingo tuchɨ sacuã Dios rese. Olivo rãquiã na eã ndaque

jē. ¹⁸ iJenguasu ra jēsaā saāchī judíos je jē! iDios jēisi turā mose jē! Erăquiă injertar i ji ră acho no je nde. Erăquiă nda hui mingo eă. Ei quia nda eraquia mingo nguia. Eraquia na no jeingo nguia je. 19—Olivo raquia ngue Dios chisia urembucha sacuã ei rese, ijenyechi nda jenguasu raã naa jẽ! ²⁰Dios que echisia sia Jesucristo icua serea mose ra. Jẽ Jesucristo icua mose cho ngue Dios jembucha olivo i rese ra. Jemingo bei sacua. Nyebe jẽingo jenguasu raã naa eã. Jẽireĩ ireĩ jiri quia Dios si. 21 Dios que olivo răquiă nyisia mombo Jesús icuayă mos e ra. Ei nda Dios jemombo jẽ abe Jesús icuayã mose. 22 iSã Dios turãte mbia siqui mose erui no jẽ! iSã mbia mbasi echee mumba mose no je! iSã eturate jeje no je! iJeingo bei chỗ Dios turã ndese jẽ! Jẽingo eã mose Dios rui, Dios ra jemombo. Ira rãquiã sia ji mombo rã si. 23 Judíos uba si mose Dios rese, Dios ra embucha si esiasa rese. Injertar i si ra ee. Dios mii ño eaquiatu ũquĩ naa nde. ²⁴ Judíos eã no jẽ nde. Olivos turã naquiã eã no jẽ nde. Olivo mbuae răquiă na no je nde. Dios ae que jembucha nguiă olivo i rese. Injertar i jēje. Ae Dios nyisia nyii nae, ūquɨ nda Dios mbucha sɨ uchisia rese.

Judíos abe ra siqui chee Jesús rese

²⁵Tacheẽ nyecuayã na jẽísaa. Mbia chɨicuayã tasenei na jẽje. Jenguasu raã naa sacuã eã judíos je. Judíos yete tuchɨ que huɨ rei Dios sɨ ra. Judíos eã nguia siqui tuchɨ Dios ɨcua ã cote. Judíos eã Dios chiirabo Jesús ɨcua ja mose, judíos abe ra uba ja erese cote. ²⁶Aque mose ra Dios judíos rirõ ja huɨicuã sɨ cote. Sã embesa ji riqui ɨ no:

Mbia mbuturãsa ra tu Sion si.

Ae ra Jacob riirī sirō ja huiicuā si. Judíos rirō ja huiicuā si.

²⁷ Aque mose ra judíos icuã ambutiã ja esi.

Sechee nda ique aque mose cote, i que Dios ra,

i que embesa ji ra. ²⁸ Judíos yete tuchi chō Jesús cheẽ turã ucuayã nguiã ũquĩ. Nyebe Dios uturã ndeacuquia nguiã jēje. Judíos eã je. Dios quia nyesecua beite nguiã judíos rese. Irabo que nyii ra. Eramei ja riĩ ño Dios judíos irabo nguiã. ²⁹—Mbae mo tamee jēje, i mose Dios, mondo rae. Dios ra uchimondo sirombe eã. Dios ra hui eã mbei uchiirabo si. ³⁰ Jesucristo que jēicuayāte quia nyii ra. Judíos hui mose Dios si, Dios que uturã teacuquia jēje cote resẽ. ³¹ Judíos quia Jesucristo icuayāte nguiã cote. Sã Dios ia eãte riqui jendese no, eĩ si ra eya eãte judíos rese cote. Uturã nda eteacuquiabe chee judíos je. ³² Eĩ ja chỗ mbia Dios je re. Emo ngue echeẽ mumbayã eãte quia ra. Nyebe eya eãte riqui nguiã nande ja rese.

³³Dios turã tuchite. Dios aracua tuchite. —¿Mbaerã Dios ũquĩ naa nde? nande aroneate. Dios chisaã nandeicua aroneãte quia ã. ³⁴¿Emo ndua ndua quia Dios rã nde? ¿Emo mose mbia riqui Dios mbaaquiatu re? ³⁵¿Emo nane mbae mo mondo quia Dios je re? ¿Dios mbae mondo nonde

re? ³⁶Dios ae que mbae chao ja ra. Umbaerã ño echao ja nguiã mbae. Ae quia ecuasu jiri mbae ja sɨ re. Nandecheẽ turã mbeɨ ra equia erɨɨ. Amén.

Je sí chô jeñimondo Dios je

12 ¹Dios ia eã mbeite riqui nanderese co. Nyebe jẽ sí chỗ jeñimee Dios je. Jendeco chỗ jemee Dios je. Jeñia turã jemee Dios je. Ebite ũquĩ. Dios que mbae mondo tuchi nande je ra. Eĩ nande chỗ ñimondo ee ae. ²iJesús quiatoã na nda jẽingochĩ jẽ! —Nde rã si semundua ndua ramo, Paba, jenye chỗ nguia Dios je. Eĩ jenye mose ra Dios ñeenda huicha teacuquia jẽje. —Eĩ jenye, eĩ jenye chỗ, i bei ra Dios quia jẽje cote.

³Dios tură ngue seirabo uchee nenei nenei sacuă jeje ra. Nyebe aico nguiã jembiirandu randu co. —Se jiri quia mbia si re, ijenye tuchite chi na je! iEndua ndua tura no ndechue je! Dios nembaaquiatu tuchi mose, ebite quia nde re. 4-5 Mbae tubiriate nanderete rese. Nanderesa. Nandeo. Nandeisa. Ũguɨ jate nanderete rese. Mbae mɨɨ nda siguía nanderete rese. Nandeo oco mbae rese. Nandeisa mbae andu. Nanderesa mae mbae rese. Nandechuru ñee. Nanderete quiarei "ã nandesaã", i tuchi nyue. Ei si chõ Jesús icuasa nande re. Jesús rete ja cho nande re. "Ã nandesaã", nandete equia nandechue ã. Mbae rese jaajate que Dios uquiato mingo ra. 6Dios tură tuchi que nande je ra. —Co rese eico nde. Ã ndese eico nde, i Dios quia nandembuchao chao co. Ũquɨ naa sacuã Dios riqui uquirãcuã mee mee nande je co. —Sechee esenei senei, i mose Dios emo je, sa aque echee nenei nenei tură echee ndui si. 7—Mbae tură esaă saă mbia je, i mose Dios emo je, sã aque mbae turã naa naa mbei mbia je. —Mbia embaaquiatu quiatu, i mose Dios emo je, sã embaaquiatu turã tuchi. 8—Seosei uquia mbia je, i mose Dios emo je, sã aque Dios osei uquia tură tuchi mbia je. —Mbae emee mee mbia je, i mose Dios emo je, sã aque abei tuchi. Sã ngueteã eã tuchi mbae rese ee. Dios emo mii mose ererecuară, să ererecua tură tuchi aque. —Mbaecha reă je mbae esaă saă, Dios i mose emo je, sã aque ia tuchi mbae turã naa naa mbaecha reã je.

⁹iJenyesecua chooñochĩ nda jenyiese jẽ! iMbae icuã si jenyicuasẽ cuasẽ tuchi quiatu jẽ! iMbae turã ndese chỗ jẽingo tuchi jẽ! ¹⁰iJembi turã no jenyiese jẽ! iJenongue rã nguiatu jẽingo turã tuchi jenyue jẽ! iJeñee turã turã no nguia emo nii jẽ! iNderiĩ nda erecheẽ turã turãchĩ jẽ! ¹¹iJeñimbutomo tomochĩ nda jẽ! iJeñimbirãtã tuchi quiatu Dios je jẽ! ¹²Jesucristo cheẽ nda io chee nande je emo mose cote. Ūquĩ no nandesaarỗ arỗ nguiã ã. Nyebe jẽya tuchi quiatu siqui eraarỗ arỗ. Mbia jembasi mbasi mose, jenyecuachỗ no nguia ee. Jeñee nee mbei quiatu quia Dios je. ¹³Mbae eã mose Jesús quiato je, mbae mo jemondo ee. Mbia mo oso mose jenyuchúaa, ijēisi turã no jẽ!

¹⁴Mbia mo icuã icuã mose jēje, ijēturã ño ee jē! —Paba, mbae turã emondo rã ee. Ae icuãte riqui seje, ũquĩ je, jenye chỗ Dios je. ¹⁵Ae eyate

riqui, ũquĩ ndese chỗ jẽya jẽ abe. Ae nyeseo quia, ũquĩ je ndese abe jenyeseo no. ¹6Hue rĩ ja chỗ jẽingo ndua turã. ¡Jenguasu ra jẽsaã saãchĩ emo je jẽ! ¡Jẽseteã no jẽingo jẽ! ¡Jẽaquiatu ra jẽsaã saãchĩ jẽ! ¹7Mbia mo icuã icuã mose jẽje, jenyecuachỗ no nguia ee. Mbae turã no jẽsaã nguia mbia resa rae. ¹8 ¡Jẽingo turã no mbia je jẽ! Ĩ nda jẽingo ubi turã jenyiese. ¹9Mbia icuã mose jẽje, ijeñee icuãchĩ nda erobeishĩ jẽ! Dios quia ra embasi nguiã eicuã mose. Sã embesa ji riqui i no:

Se quia mbia tambasi eicuã mose, i que Dios ra, i que embesa ji ra. ²⁰Ae eicuãt e riqui jēje, ũquĩ jembuquiaru chō eriācuã mose. Ũquĩ jembiu chō eisei mose. Eĩ jenye mose ee, eireĩ te ra huiicuã mose cote. ²¹Mbia icuã mose jēje, jeñeechĩ nda echeẽ ndibishorō. Jẽingo turã ño ee. Mbae turã nguia equirãcuã jiri mbae icuã si re. Mbae icuã mombo jiri.

Sã mbia riqui turã ererecua ja je

13 ¹Mbia ja ererecua cheẽ mumbayã nguiatu. Dios ae chỗ ererecua mɨɨ nguiã. Dios chɨmɨɨ ja chỗ mbia rerecua re. ²Ae mbia rerecua cheẽ mumba quia, Dios cheẽ abe mumba chỗ nguiã aque. Dios quia emii tare nguiã. Ae ererecua chee mumba mumba quia, ũqui nda mbae rasi saã cote. 3 Mbia turã mbusiquiche sacuã eã ño ererecua re. Mbia icuã mbusiquiche sacuã nguia ñene. Nde ndeico turã mose, ererecua ra nembusiquiche eã. Ndeico turã mose, ererecua ra ñee turã mbei ndeje. ⁴Dios ae cho ererecua mii nguiã. Nandereaquiatu turã sacuã. Nde mbae icuã naa mose, ndesiguiche jiri nda esi chã. Ndeicuã mose ra ndeiruã nua arõte. Dios quiatu emii nguiã ererecuarã mbia icuã mbasi mbasi sacuã. ⁵Ererecua chee nandemumbaya no nguia. Nandembaasi asia sacua acho eã ño ñene. Nandendua turã sacuã abe chỗ ñene. 6—Impuestos jẽisi isi mbia si, i que Dios ererecua mii nda. Nyebe nandeico nguiã impuestos mondo mondo turã ererecua je. Dio s chee nguire cho ererecua riqui nguiã eisi isi. 7 Jẽ deber i mose emo je, mbae jembuchebi jei chỗ ee. Jẽ deber i mose impuestos, jemondo cho ee. Ererecua je jeingo tura no. Jeñee turã ño erii.

Jenyesecua ja quia jenyiese

⁸Emo mbae mondo mose jēje, jēingo are arete chi nguiā mbae mondo rocoi ee. Deber jenyechi nda emo je. iJenyesecua ja quiatu quia jenyiese jē! Jenyesecua mose mbia rese, Moisés chimbesa ja jemumbayā no nguiā uqui. ⁹Ā ndei Moisés chimbesa ã:

Emo ninisi rese ra ereicochi. Mbia mo nda ereiquiachi. Mbae mo nda erembuquiachachi. Emo je ra erechee noonochi. Emo mbae ra erechosei choseichĩ, i que Moisés chimbesa ra. Nandechesecua mose mbia rese, nandeico embesa ji cheẽ mumbayã ã. Ã ndei Jesucristo cheẽ ã: Sã ereico nyesecua nderete rese no, eĩ ere si chỗ nyesecua emo ndese. Nde ã naa mose, Moisés chimbesa ja eremumbayã nguia ã. ¹⁰Ae nyesecua quia mbia rese, ũquĩ nda mbae icuã saã eã mbei emo je. Emo nyesecua mose mbia rese, Dios cheẽ ndui si chỗ eriqui nguiã mbae turã naa naa ũquĩ.

¹¹Dios rese jēingo tuchi ūquī. Nandemae jei ra Jesucristo rese cote. Nandecheë ngue equia nyii. —Nandemae je ra Jesucristo rese, nande que equia nyii. Namo nda nandemae erese cote. Aichite eñi tu a cote.
¹²Itondaru rã ño mbae icuã ja namo nde. Jesucristo ra tu mbae mbuturã cote. Nyaashī na nda cote. Nyebe nandeico bei rã mbae turã ndese cote. Dios rese nandeico tuchi rã cote. Mbae icuã ndiquisã sacuã nandesi.
¹³Nandeico turã ño Dios resa rae. iMbia quiacua ra nandesiichāchī jē! iNandequiacuachī nda jē! iEmo ninisi rese ra nandeico icochī jē! iMbae icuã nda nandechosei choseichī je! iNandeicuã icuāchī nda emo mbiicuã icuã jē! iEmo mbae ra nandechosei choseichī jē! ¹⁴Jeñimee tuchi quia Jesucristo je. Ae nda uquirãcuã mee tuchi jēje chã. Mbae icuã ndiquisã sacuã jēsi. Ae icuã mbia chosei chosei quia nae, ūquī nda jēsaã saāchī jē Jesús resenda chõ jē ndesē.

Jeñee asiã mbei jenongue je

14 ¹Jesús quiato mo Jesús ¡cua tuch¡ã mose, jẽisi turã ño. Jeñee asi asichĩ nda ee. ²Emo emo mbae u ja. Emo emo soo u eã tuch¡ no. Ae soo u eãte quia nae, embaaquiatu tuch¡ iriã ño ũquĩ nde. ³Ae soo u guia nae, sã ũquĩ ñee asiã mbei soocua reã je. Ae soo u eãte guia nae, sã ũquĩ ñee asiã mbei soocua je no. Dios quiato ja chō ñene. ⁴Erecheē ¡cuã aroneãte ererecua rimba mo je. Ae ae mbae saã nguiã nguerecua je. Dios ae nda ñee nguiã nguĩmba je. Mbae raã turã mose. Mbae raã ¡cuã mose abe no. Dios quirãcuã ae nda ngũimba mingo nguiã mbae turã ndese.

5—Nyaashĩ mo ngue Dios irabo mbɨicúe cose ra. Ũquĩ nyaashĩ mose nandechɨmbaacua rã, ɨ Jesús quiato mo nguia co. Jesús quiato mo nguia ñee nguiã: —Eĩ ja chỗ nyaashĩ ndesẽ, ɨ emo no. Sã Dios quiato ja ae riqui ndua ndua uchɨangui re ae. 6Dios quiato mo ñɨmbaacua mose aque nyaashĩ mose, Dios je chỗ eriqui nguiã ñɨmbaacua. Dios quiato mo mbae raã naa mose aque nyaashĩ mose, Jesús je chỗ eriqui nguiã mbae raã naa aque nyaashĩ mose. Ae soo u quia, Dios je chỗ eriqui nguiã soo u. Gracias, ɨ que Dios je nyii ra. Ae soo u eã nguia, Dios je chỗ eriqui nguiã soo u eã no. Ae abe gracias ɨ chỗ nguiã Dios je ague. 7—Sebi rese chỗ taɨco beɨ, nande aroneãte. —Semanose mose quia tamano, nande aroneãte. ⁸Dios ae chỗ nandereco mingo nguiã. "Emano", ɨ mose Dios nande je, nandeɨco nguiã mano. Nandereco siqui mose, Dios rimbarã ño ñene. Nandemano

mose, Dios rimbarã ño nda nandeico nguiã no. 9 Cristo que mano nda. Quera si que ra. Mbia rerecuarã ngue quera si ra. Mbia reco rerecuarã. Mbia mano je rerecuarã abe no.

¹ºNandecheë icuä icuä aroneäte nanderesenda mo je. Emo mose quia ra Dios mae tuchi nanderese cote. Nandechiangui renda ra etea tuchi cote. Ae quia nda nandeicuä tea nguiã. Nandeturã abe rea. ¹¹Ã ndei embesa j i ã:

Dios ndei se. Se rei sereco bei.

Sésaa ra mbia chi ja ngoi ngũíã ndese.

Ñee jaaja ra seje cote.

"Dios tuchi cho nde re", i jaaja ra seje cote, i que Dios ra, i que embesa ji ra. ¹²Nande ae ae ra mbae nandesenei senei Dios je aque mose. —Ã ngue asaã saã nguia seico mose íbii ra, nande ja ja ra ee cote.

Jenongue jembiicuã eã

¹³Nyebe nandecheẽ icuã eã nguia nanderesenda mo nii. iNandembia eãte chĩ nda jẽ! iMbae icuã nda nandesaã uquiachĩ ee jẽ! 14 Jesucristo que sembaaquiatu ra. —Mbae turã ja chỗ mbia chɨurã nde, ɨ que ra. —iCo ra jẽuchĩ jẽ! iãte Dios mbae mo nɨi. —Eicuãte co, i mose emo, sã ae mii eu eã. Ae eu mose, eicuãte ee. 15—iCo nandeu eã je! Eicuãte, i mose nderesenda mo ndeje, eu eã. Nde eu mose, erechesecua eã ño nguiã nderesenda rese aque. Nderesenda je abe cho ngue Jesucristo mano ndesẽ. ¿Mbaerã nda nderesenda erembiicuã ndechuubi je re? ¹⁶Ndechuubi turã ndaque ndeje. "Eicuãte" i mose nderesenda mo, eu eã ae. Nde eu mose, mbia ra erembuchee icua ndechue. 17 Dios cho nandererecua cote re. Nyebe nandendua tuchi ea nguia nandechiura ndese. Ae nandembei quia, ũquĩ abe rese. Dios rese quia nandendua. Ae chỗ nandemingo nguiã mbae turã ndese co. Ae chỗ nandechiã mbucoi nguiã co. Espíritu turã ae nandembia mingo nguiã co. 18 E i nande mose Cristo je, Dios ia tuchi ra nanderese. Mbia abe ia ra nanderese. ¹⁹Nandeico turã nda nandechue chã. Eĩ nande nda Jesús osei osei uguia nandechue chã. ²⁰—iAque soo ra nandeuchĩ jẽ! i mose Jesús quiato mo, iereuchi nda je! Jesús quiato ra erembiicua arote nde eu mose. Mbae tura ja raque mbia chiu. "Eicuãte", i mose Jesús quiato mo, eu eã ae. 21 Soo Jesús quiato mbiicuã mose, soo ra nandeu eã. Vino Jesús quiato mbiicuã mose, vino nda nandembei eã. Mbae mo Jesús quiato mo mbiicuã mose, nandeoco ea erese nande abe. Mbae mo Jesús quiato mo mbiicha serí mose Dios icha si, ũquĩ ndese nandeicoã nande. Eĩ nda ichayã esi. 22—So o icuã eã no nene, i mose Dios ndeje, echecuacho no nguia eu. Endua tuchi mbae mo naa nonde. Eicuã arõ mose ndeje, esaã eã. Eturã mose ndeje, echecuacho no eraa. Nde uqui naa naa mose, ndeya tuchi rae. 23 Nde ndeiranuã mose mbae mo ndese, esaã eã. —Eturate ereae. Eicuate

ere no ae, nde i mose eriisu isu, esaã eã ño. Ndeiranuã eraã ñooño mose, eicuãte ũquĩ. Ndechiisu isu u mose soo, eicuãte ũquĩ. —Eicuãte ereae, nde i mose, ereicochĩ nguiã eu.

Nandebi rese ra nandeicochi je; nandenongue bi rese quia nandeico

15 ¹Nande mo Jesús icuat e quia co. Ae Jesús icua tuchiãte quia nae, ũquĩ je nandeico turã jiri ae. Nandembaaquiatu quiatu ae. Nandebi achõ ndese ra nandendua eã. ²Ae nandebite nande ae, ũquĩ ndese nandeicoã. Ae Jesús quiato nongue bite nae, ũquĩ ndese quia nandeico. Ũquĩ mose nandeico nanderesenda mbaaquiatu tuchi Jesús riĩ co. ³Cristo chee que siquíã ubi rese ra. Sã embesa ji riqui ñee Cristo riĩ no:

Paba, ae ndeucuayate quia nae, ũquɨ ngue ñee ɨcua mbeɨte quia seje ra, ɨ que Cristo ñee ngu je ra,

i que embesa ji ra. ⁴Dios chee mbesa ji cose ndare cho nandembaaquiatusa re. Nandemingo mingue sacua. Nandembiracua sacua Jesucristo rii. Nyebe nandeico nguia Jesucristo raaro aro minguete a. ⁵Dios cho nandemingo mingue nguia. Dios cho nandembiracua nguia. Dios nda jemingo tura mbei nyiese Jesucristo chee ndui si cha. ⁶Uqui mose ra jeingo nee tura mbei Dios je. Hue ri ja ra jeingo ndua tura Dios rese. Dios quia Jesucristo ru re.

Dios iate judíos eã ndese

7Sã Cristo nandeisi turã no, eĩ jenye si chỗ nguia nyiisi turã. Eĩ nda mbia ñee turã Dios riĩ. 8—Eĩ tae tae, i que Dios judíos i ñiinda ja je cose ra. Nyebe Cristo ru nguiã mbae turã naa naa judíos je cote. —Dios cheẽ iochĩ cote, i nda judíos chã. 9Judíos eã abe mundua sacuã Dios rese que Cristo ru ra. Dios turã ndese emundua sacuã ño ngue eru nguiã. Co rei David chimbesa co:

Paba, ndeturã tasenei senei judíos eã je.

Tairasei rasei abe ndeje,

i que David embesa ra. ¹⁰Co rei embesa ji chee mo co:

Judíos eã, jeya cho Dios rese.

Sã Dios rimba iate erese no, eĩ jenye chỗ jẽ abe jẽya erese,

i que embesa ji ñee nda. 11 Co rei embesa ji chee mo co no:

Sã mbia ibi jenda ja ñee turã ja Dios rii,

i que embesa ji ra. 12 Isaías que co mbesa ra:

Isaí riirī nguia ra mbia judíos eã nderecuarã tuchi cote.

Mbia judíos eã nda "ichõiñosa reã", i tuchi ee,

i que Isaías embesa Jesús rii nda. ¹³ Ũqui jēingo Dios icuate ũqui. Dios nda jembia tuchi mingo chã. Dios nda jeñia mbucoi chã. Dios ae chõ "Cristo jēsaarõ arõ", i chỗ nguiã nandemingo mingue ã. Espíritu Turã ndiqu i nandembiracuã tuchi ã. Nandembia mingo Cristo raarõ arõ ã.

¹⁴Sevate aico jendese co, Seresenda. Jẽingo turãte quia jenyiese ũquĩ. Mbae jēicua tuchite cote. Jē ae jēingo nimbaaquiatu quiatu turā jenyue ũquĩ. ¹⁵Aireĩ ireĩ ãte ã mbesa jẽje, Seresenda. Jẽtesareiã sacuã ã si. Dios tură ae ngue seirabo nguiă. Mbia mbesarei eă sacuă Jesús chee si. 16 Dios que seirabo Jesucristo rimbarã nda. Uchee nenei nenei sacua mbia judíos eã je. Mbia judíos eã sechee isi turã mose, Espíritu Turã nda emingo icúe Dios mbaerã cote. Ũguɨ mose ra Dios judíos eã isi turã cote. ¹⁷ Se Dios cheẽ nenei nenei mose mbia je, mbia que siqui tuchi erese secheẽ nguire ra. Nyebe ũquĩ ndiqui nguiã sembia tuchi. 18 Jesucristo que sembirãcuã nda. Uchee nenei nenei sacua judíos ea je. Nyebe judíos ea ndiqui nguia siqui tuchi Dios rese cote. Sechee nguire cote. Sechisaa ndese abe maende cote. Mbae mo nii abe ra achee ia cote. Jesucristo que sembiracua, uqui mii no aico nguia nee jeje a. 19 Espíritu Tura ngue uquiracua mee seje ra. Nyebe aico nguiã mbia mae sayã naa naa tuchi mbia je. Ũquĩ mos e que mbia riqui tuchi Dios rese cote ra. Jesucristo chee ngue asenei senei Jerusalén nda. Mbia mangue chooñoa jenda je abe. Ilírico jenda je abe. ²⁰—Ae mbia riqui Jesucristo chee nenei nenei eate nae, huee Jesucristo cheẽ tasenei senei se, ae que se ra. Emo Jesucristo cheẽ nenei neneisa, huee taico bei eã, ae que se ra. 21 Sã embesa ji riqui ñee no:

Ae jiranuãte quia Cristo rese, ũquĩ nda jirandu erese cote. Ũquĩ nda eicua cote, i que embesa ji ra.

Aso ra Rómaa, i Pablo

²²Ae mbia riqui Dios chee nenei nenei eate, huee quiatu ngue aico nguiã Dios chee nenei nenei. Nyebe aico nguiã osoãte jendea. 23 Cose ndarecho mbei cho aico rei nguia "taso jendea", i. A jenda mbia que Dios chee ñandu tuchi cote ra. Nyebe taso jendea cote. ²⁴Seso mose España nda aso jendea. Sembia jiri sacuã jendese. Taico mbiri na jendese huee. Jẽ nda sembucuata turã mondo hue si cote chã. ²⁵ Jerusalén nane nda aso. Ofrenda mo arao quia Jesús quiato je co. ²⁶ Jesús quiato Macedonia jenda que ofrenda munua nua nda. Jesús quiato Acaya jenda rese. — Jesús quiato mbaecha reã je mbae nandemondo rã Jerusalén jenda je, i que nee nyue nyii ra. Ũqui no arao nguiã co. 27 Coche ũqui ndiqui nguiã mbae mondo judíos Jesús quiato je. Judíos rane nguia Dios cheẽ senei senei tare nguiã judíos eã je. Nyebe ra judíos eã mbae mo mondo judíos Jerusalén jenda je cote. ²⁸ Nyebe ra ofrenda munua ji arao ee. Jesús quiato mbaecha reã je. Aquere ra aso España quiti cote. Aicha ra ñeenda cúa si mae jendese. ²⁹Jesucristo ra semondo turã jendea. Ae ra nandembia ja uturã je. 30 Seresenda, Jesucristo quiato quia je nde. Espíritu Turã no jembuchesecua nguiã jenyiese ũqui. Nyebe jenee tuchi quia Dios je serii. Nandechee ja tuchi quiatu ee serii. 31—Paba, mbia

icuã Judea jenda esiquisã Pablo si. Paba, ndequiato Jerusalén jenda nda ofrenda isi turã Pablo si chã, jenye chỗ Dios je. ³² Ũquĩ mose ra seya tuchi mae jendese cote, Dios "eno" i mose seje. Jendese seico mose ra sequenea aucua tuchi cote. ³³ Sã Dios riqui bei jendese. Sã eriqui jembia.

Pablo saludar i ja mbia je

¹Febe jeisi tură no. Jesús quiato cho aque cuna nde. Mbae tură 16 esaã saã mbeite quia Jesús quiato Cencrea jenda je aque. ²Jēisi turã no nguia Jesús rii. Sã Jesús quiato riqui nyiisi turã no, ei jenye chô Febe isi tură no. Ae que mbae tură saă saă mbeite Jesús quiato je ra. Seje abe no. Nyebe jetura no je abe ee. 3 Aquila je saludar jenye ra seje. Eninisi Priscila je abe no. Serese que ũquɨ ndiqui Jesucristo cheẽ nenei nenei tuchi ra. ⁴Mbia que eiquia seri serite rei quia serii nda. Siquichea mbeite que equia ra. Nyebe aico nguiã gracias i tuchi ee. Se ae eã. Jesús quiato judíos eã abe riqui gracias i jate ee ã. 5 Ae Jesús quiato ñumunua nua nguia Aquila chuchua, ũquĩ je abe saludar jenye. Epeneto je abe saludar jenye. Sequiato tuchite que aque ra. Ae rane ngue Cristo isi Acaya jenda ra. 6 María je abe saludar jenye. Ae que mbae saã saã tuchi Dios je jesaa ra. 7 Andrónico je abe saludar jenye. Junias je abe. Se sí cho ũqui nde. Serese que etaro ji riqui cárcel nda. Dios chee nenei neneisa tuchi chỗ ũquĩ nde. Ũquĩ nane ngue Cristo icua sesi cose ra. 8 Amplias je abe saludar jenye. Sequiato tuchi cho Dios resenda aque re. 9Urbano je abe saludar jenye. Ae que Dios chee senei senei nguia urerese ra. Sequiato Estaquis je abe saludar jenye. ¹⁰ Apeles je abe saludar jenye. —Seicuasa tuchi Apeles riqui co, i que Dios Apeles rii nda. Aristóbulo chuchua jenda je saludar jenye seje. ¹¹Herodión je abe saludar jenye. Se sí chō ae re. Narciso chuchua jenda, ae Jesús quiato nae, ũquɨ je saludar jenye. ¹²Trifena je abe saludar jenye seje. Trifosa je abe. Ũquɨ ndiqui mbae raã naa tuchi Dios je ũqui. Nandequiato Pércida je abe saludar jenye. Ae que mbae saã saã tuchi quia Dios je ra. ¹³Rufo je abe saludar jenye. Dios chiirabo tuchi cho ae re. Esi je abe saludar jenye. Tai na tuchi que eriqui seje ra. Mbae que esaã ja tuchi quia seje ra. ¹⁴Asíncrito je saludar jenye seje. Flegonte je abe. Hermas je abe. Patrobas je abe. Hermes je abe. Ae Jesús quiato riqui ũquɨ ndese, ũquɨ je abe saludar jenye. ¹⁵Filólogo je abe saludar jenye. Julia je abe. Nereo je abe. Enongue je abe. Olimpas je abe. Ae Jesús quiato riqui ũquɨ ndese, ũquɨ je abe saludar jenye. ¹⁶Jenyɨquiaama ama saludar ɨ nyue. Tuchuamo jenda ja Cristo quiato riqui saludar i jeje ã.

¹⁷Huee emo ndiqui Jesús quiato mbiicuã sete hue. Hue emo ndiqui "Jesús quiato tambiicha Jesús si", ite hue. Jenyiicuase ño nguia ũqui si. Jesús chee ndui si eã no eriqui nguiã mbia mbaaquiatu quiatu ũqui.
¹⁸—Ae Jesucristo bite, ũqui nandesaã saã, iã no nguiã ũqui. Ubi acho

ño esaã saã nguiã ũquĩ. Echeẽ turã aba reã ño eriqui nguiã mbia je ũquĩ. Ae Jesucristo icua tuchi eâte quia nae, ũquĩ mbiirĩ irĩ no nguiã ũquĩ. Jenyiicuasẽ tuchi chố nguia ũquĩ si. Aba mbiirĩ irĩsa tuchi chố ũquĩ nde. ¹⁹ Jẽ ngue Dios cheẽ jemumbayãte ra. Mbia que jirandu jate jendese ra. Nyebe seyate riqui nguiã jendese co. Jẽingo bei nda equia mbae turã ndese chã. Mbia nda jembiirĩ irĩ eã jiri quia mbae icuã je chã. ²⁰ Dios quiarei aba mbiasa. Namo jiri ra ae Satanás ndiquisã mbei jẽsi cote. Sã Jesucristo riqui turã mbei jẽje.

²¹ Timoteo ucheẽ mondo quia saludar i jẽje aque. Siqui beite equia serese Dios cheẽ nenei nenei co. Lucio abe ucheẽ mondo quia saludar i jẽje aque. Jasón abe no. Sosipáter abe no. Se sí chỗ ũquĩ nde.

²²Se abe secheẽ amondo quia saludar i jēje aque. Tercio rei se. Se chõ aico nguiã Pablo cheẽ mbesa mbesa jēje co. Jesús icuasa ja chõ nande re. ²³Gayo abe ucheẽ mondo quia saludar i jēje aque. A aico rã echuchua uque a. Jesús quiato chumunua nuasa bei chõ a re. Gayo chuchua. Erast o abe ucheẽ mondo quia jēje aque. Ae chõ tesorero sucha tubiriã jenda je. Cuarto nandequiato abe ucheẽ mondo quia jēje aque. ²⁴Sã Jesucristo riqui jendeaquiatu turã mbei. Amén.

Pablo ñee hui bei sacuã cote

²⁵Nandecheẽ turã mbei chỗ nguia Dios riĩ. Ae ra jembirācuã tuchi mingo ucheẽ turã je. Echeẽ turã ngue asenei senei nguia Jesucristo riĩ nda. Aque cheẽ turã ngue mbia icuayãte quia cose nyii ra. Dios que embuchecua eã mbei mbae ao ramo mosenda bei ra. ²⁶Namo ño Dios ucheẽ turã mbuchecua nguiã mbia je cote. Jesucristo riĩ. Dios cheẽ nenei neneisa que echeẽ mbuchecua nande je cote ra. Mbesa que nande je ra. Dios que ñee seje ra. —Secheẽ turã esenei senei mbei quia mbia jaje cote. Siqui sacuã secheẽ ndese. Secheẽ mumbayã sacuã, i que Dios seje cote ra. ²⁷Dios mii nguiarei siqui bei. Dios mii ño mae ja nguiã mbae ja rese. Sã Jesucristo riqui mbia mbucheẽ turã mbeite Dios riĩ. Amén.

PRIMERA CARTA DEL APOSTOL SAN PABLO A LOS CORINTIOS

Pablo embesa Jesús quiato Corinto jenda je

1 Pablo, i que seje ra. Dios que seirabo Jesucristo renei nenei sacuã nda. Aico ã mbesa jēje a. Nanderesenda Sóstenes ndese aico embesa jēje a. ²Aico ã mbesa jēje a. Jesús icuasa je. Corinto jenda je. Jē ndei Dios quiato jēingo Jesucristo rii ũqui. Dios riqui jemingo icúe umbaerã ũqui. Sã Dios riqui mangue jenda chooñoa mingo icúe umbaerã no, ei si. Ñee mose Jesucristo je. Jesucristo rei ũqui abe rerecua no. Sã nandererecua nande no. ³Sã Dios nanderu uturã mingo tuchi jendese. Sã Dios jembia bei mingo. Sã Jesucristo abe siqui jembia bei mingo.

Dios turăte riqui jēje co, i Pablo

⁴Dios turã tuchi que eriqui jēje Jesucristo rii nda. Nyebe aico nguiã gracias i tuchi Dios je jenii co. ⁵Jesucristo quiato chō jē cote re. Nyebe Dios riqui turã tuchi nguia jēje co cote. Jembaaquiatu tuchi ucheẽ nenei nenei sacuã mbia je. Jembaaracua tuchi que ucheẽ nii nda. ⁶Ure Jesucristo renei nenei mose jēje que jēisi turãte ra. Jē Jesucristo jēicuate quia ūqui cote. ⁷Nyebe Dios turã ndiqui nguiã hui āte jēsi co. Jembirācuã mbeite equia querabe co. Ūqui jēingo Jesucristo raarõ arõ ūqui. ⁸Dios ra jembirācuã mbei mingo mbae ua ja chee. Mbia mo nda ñee icuã eã jēje Jesucristo tu mose. ⁹Dios ra jendeaquiatu bei. Ucheẽ nda embuchebiã mbei ñeende jēje. Ae quiatu ngue ñee nguiã jēje. —Taemingo bei seriirī ndese Jesucristo rese, i.

Jesús quiato nyao nyao chôchĩ nyesi

¹⁰Seresenda, nandererecua ja chõ Jesucristo resẽ. Jenyao chao mose nyesɨ, eɨcuāte ũquɨ. Hue rɨ ja chō jĕɨngo ndua ndua. Mbae mɨɨ ndese chō

jẽingo. ¹¹Mbia quiatu ngue ñee nguiã seje. —Eicuã icuãte que nyue ra, i que Cloé chuchua jenda ñee sembiirandu jenii nda. ¹²—Pablo mbae chố se re, i chốchĩ jemo nguiã seriĩ ũquĩ. —Apolos mbae chố se re, i chốchĩ jemo nguiã uquĩ no. —Pedro mbae chố se re, i chốchĩ jemo nguiã no. —Cristo mbae chố se re, i jemo no. ¹³ ¿Cristo mbuchao chao ji ere no? ¿Pablo mano jendiquicharõ nde no? ¿Pablo riĩ bautizar i jēje re no? ¹⁴Se que bautizar ae eã jēje resẽ. Crispo mii je que bautizar ae ra. Gayo je abe. ¹⁵—Pablo riĩ ño ngue bautizar i nguiã seje, i aroneate jemo ñee seriĩ. ¹⁶Estéfanas chuchua jenda abe que bautizar ae ra. Aquere que bautizar ae ãte jemo je ra. ¹⁷Bautizar i sacuã eã ngue Cristo semondo ra. Ucheẽ turã nenei nenei sacuã ño ngue semondo nguiã. Seaquiatu asaã saã eã ño nguiã Dios cheẽ nenei nenei co. Cristo cheẽ ambiasa mingue turã ño nguiã co. Se seaquiatu raã naa mose, ĩ nda mbia ndua ndua eãte rei Cristo mano ndese.

Dios chee quiracua tuchi Jesús rii

¹⁸ Ae ra nyoi tata cuásuu, ũquĩ ndei "ichõiñosa" isa Dios cheẽ nenei neneisa riĩ. —Cristo que mano mbia riquicharõ nda, i mose ee, "ichõiño ñene" i chõ nguiã. Nande quiatu que Dios nanderirõ nandeicuã si ra. Nyebe Dios cheẽ turã ndiqui nguiã uquirãcuã ndeacuquia nande je co.
¹⁹ Ã ndei Dios cheẽ mbesa ji ã:

Ae "seaquiatu tuchi" i quia, ũquĩ aquiatu ra ambuquiachã esi. Ae "searacua tuchi" i quia, ũquĩ aracua abe ra ambuquiachã esi no, i que Dios chee mbesa ji ra. 20 Ae uaquiatu saa saa nguia, ibi jenda ja cho ũquɨ nde. Ae ucheẽ aquiatu saã saã nguia, ibi jenda ja chỗ ũquɨ no nde. Eaquiatuate uqui, i cho Dios nguia uqui je. 21 Mbia ae ra Dios icuaya mbei uaquiatu ae je. Dios chee ae je quia nda mbia Dios icua nguiã emo Dios chee nenei nenei mose ee. Ae Dios chee isi nae, ũquĩ nda Dios siro eicuã si. Ichôiño nguiã, i raque mbia ataque Dios chee nii. 22—Mbia mae sayã ndese nda uremae na ña, i bei que judíos quia ra. —Urechimbaaquiatu tuchi rã, i bei que judíos eã nguia ñee nyue no nda. 23 Nande quiatu Cristo nandesenei senei nguia ã. Ae mbia mbucha quia ira rese, aque chõ nandesenei senei nguia nande ã. Ũquɨ sɨ judíos ɨreɨte riqui ã. Cristo renei nenei mose, judíos eã ndua eã tuchi cho nguiã erese ã. ²⁴Nande quiatu nandebite riqui nguiã Cristo renei nenei mose ã. Dios judíos mo irabo chõ nguiã. Judíos eã mo abe irabo chỗ nguiã no. Ũquɨ je chỗ ngue Cristo Dios quiracua mee nguia. Ũquɨ je cho Cristo Dios aquiatu mee nguia. 25 Dios aquiatuate, i raque mbia mo nee Jesús mano je rii. Dios quia eaquiatu tuchi jiri riqui nguiã mbia si co. Dios quirãcuã neate, i raque emo ñee no. Dios quia equiracua tuchi jiri riqui nguia mbia si co.

²⁶Dios que jẽirabo ja ra. Jẽaquiatu tuchɨ eã ndaque ee. Ererecua eã ndaque jẽ. Mbaecha eã ndaque jẽ. Dios ae chỗ ngue jẽirabo nguiã. Ūquɨ

ndese jendua jiri. ²⁷ Ae je mbia riqui "eaquiatuãte" i nae, ũquĩ ño ngue Dios irabo nguiã. Ae ucuasu saã saã nguia nae, ũquĩ ireĩ ireĩ sacuã esi. ²⁸ Ae mbia ataque ucuayãte quia nae, ũquĩ ño ngue Dios irabo nguiã. Ae ucuasu saã saã nguia nae, ũquĩ mbutiã sacuã. ²⁹ Nyebe nandeico nguiã nandeaquiatu raã naa aroneate Dios je ã. Nande mii mo jiri jiriã. ³⁰ Dios quiatu que nandembucha Jesucristo rese ra. Ae quiatu que nandembiirandu Dios rese ra. Ae chỗ ngue nandechiã mbuturã no nda. Ae chỗ ngue nandemingo icúe Dios mbaerã no nda. Ae que mano nanderiquicharỗ no nda. ³¹ Sã embesa ji riqui ñee ã no:

Ae Dios saã nande je nae, ũquĩ nii nandecheẽ turã.

A e nandesaã nande ae nae, ũqui nii nandecheẽ turã eã, i que embesa ji ra.

Jesucristo mii Pablo senei senei mbia je

2 ¹Seresenda, seso mose jendea que Dios chee asenei senei tură jeje huee rese. Seaquiatu asaă saă ea no nguia jeje Dios chee nenei nenei. ²—Jesucristo mii no tasenei senei jeje. Jesucristo mano nguia mbia icua ndiquicharo nae, uqui mii no tasenei senei jeje, ae cho ngue oso nguia nee jeje. ³Seireite que seso mose nee jeje nyii ra. Semburirite que aque mose ra. ⁴Seaquiatu que asaă saă eate quia ra. Dios chee ngue ambuchecua tuchi quia nee nee jeje ra. Espíritu Tura nguiatu que sechee mbirăcua tuchi quia nee nee jeje ra. Nyebe mbia nee nguia. —Dios chee no eriqui re, i nguia sechee mose. ⁵Dios quirăcua ae jemingo nguia Jesucristo rese uqui. Mbia mo aquiatu ea no jemingo nguia Jesucristo rese uqui.

Espíritu Turã ndiqui mbae icua jate nande je co

⁶Ae seaquiatute, ũquĩ ja chỗ asenei senei mbei nguiã Jesús quiato je co. Ae seaquiatute nae, ibi jenda rã eã no seaquiatu riqui nguiã co. Ae seaquiatu nae, ibi jenda rerecua rã eã no seaquiatu riqui nguiã co. Ũquĩ aquiatu quia ra tiã jei. ⁷Ae ureico nee nee, ũquĩ nguia mbia mbaaquiatu jiri nguiã. Dios cheete quia nene. —Sechee nda ambuchecua je nguiã mbia je. Mbia mingo bei sacuã, i que Dios nyii mbae ao nonde ra. Dios que esenei eã nyii ra. Namo no embuchecua nguiã nande je cote. ⁸Mbia rerecua que Dios aquiatu icua eãte ra. Î nda eriirī mbucha eãte rei ira rese. ⁹Sã embesa ji riqui nee ã no:

Dios ra mbae turã saã tuchi nande je. Uchesecua je.

Ae ra Dios saã nande je, ũquĩ ndese emo iranuate namo.

Emo mae ãte erese namo,

i que embesa ji ra. ¹⁰Nande quia nandeico nguiã irandu erese ã. Espíritu Turã quiatu nandembiirandu nguiã. Espíritu Turã nguia mbae icua jate nguiã co. Dios chiao abe icua jate equia co. ¹¹Ae rese emo ndiqui ndua,

mbia mo ũquĩ ndua ndua icuayãte. Ae rese nandeico ndua, nande ae nandeicua nguiã. Ae rese Dios riqui ndua, Espíritu Turã mii ño eicua nguiã. Dios sí chỗ Espíritu Turã nde. ¹²Dios que espíritu mbuae mo monoã nande je ra. Espíritu Turã no ngue emondo nguiã nande je. Ae Dios saã turã nguia nande je nae, ũquĩ ndese nandembiirandu sacuã no ngue Espíritu Turã mondo nguiã nande je. ¹³Ae Dios saã turã nguia ure je nae, ũquĩ uresenei senei nguia ã. Ã ndese chỗ ngue Espíritu Turã urembaaquiatu nguiã. Mbia cheeño eã no ñene. Nyebe aico nguiã Dios chisaã nenei nenei Dios quiato je co.

¹⁴Ae Jesucristo icua eãte, ũquĩ sí Espíritu Turã ñee icuayãte quia ã. Echeë mbaranguiatuãte riqui ee ã. Nyebe eriqui nguiã echeë isiãte. ¹⁵Ae Jesucristo icuate nae, ũquĩ nguia mbae icua jate nguiã ã. Ae eturãte nae, ae eicuãte nae, ũquĩ icua ja equia ã. ¿Mañi Jesús quiato quia re? i chô mbia nguiã Jesús quiato cheë icuayã ã. ¹⁶Tarembaaquiatu, i aroneate mbia mo Dios je. Dios quiato eã mo ndua eãte quia Dios rã si ã. Nande quia nandendua ndua nguiã Cristo ndua rã si ã. Dios resendate quia nandeico nguiã ã.

Mbae mii na ño ureico nguiã Dios chee nenei nenei

Jesús resenda jẽingo raque ũquĩ. Jẽingo tuchiãte quiatu nguiã erese ũquĩ. Ae jembite riqui nae, ũquĩ mii ndese chỗ jẽingochĩ nguiã ũquĩ. Ae Cristo bite nae, ũquĩ ndese jẽingoã nochĩ nguiã ũquĩ. Nyebe jaembaaquiatu tuchi aroneate equia co. ²Mbia riirĩ na no jẽingochĩ nguiã secheẽ andu mbirĩ mbirĩ cose. Querabe chỗ jẽingo nguiã secheẽ andu sereã ũquĩ. Nyebe jaembaaquiatu quiatu tuchiã nguiã Jesús cheẽ ndese. Ae jembite riqui nae, ũquĩ ndese jẽingo mose ra Dios cheẽ jẽicuayã mbei. ³Jēicuã icuãte quia jẽingo nguiã jenyue ũquĩ. Jendua turã ja eãte equia ũquĩ. Jenee turã turã eãte quiatu nguiã jenyue ũquĩ. Nyebe acheẽ nguiã jẽje. —Ae Cristo bite nae, ũquĩ ndese jẽingoã nochĩ nguiã ũquĩ, ae chỗ ndei nguiã jẽje co. ⁴—Se rei Pablo mbae, i chỗchĩ jemo nguiã nee ũquĩ. —Se rei Apolos mbae, i chỗchĩ jemo no. Nyebe jẽingo eã nguiã Cristo bi rese ũquĩ.

5¿Aba chõ se chã? ¿Aba chõ Apolos no ña? Mbia rerecua eã ño ureico nguiã ã. Dios cheẽ nenei neneisa chỗ ureico nguiã ã. Ure Dios cheẽ nenei nenei mose jēje que Jesús jēicua resẽ. 6Mbae tiquia ji rã ño jẽ nde. Sã emo mbae eĩ tiquia no. Sã emo i icherẽ cherẽ erese no. Dios ae chỗ embusuri nguiã. Anyae chỗ ngue Dios cheẽ mingue nguiã jendese. Apolos chỗ ngue jembaaquiatu quiatu nguiã cote. Dios quiarei ucheẽ mbusuri raanguia jeñiangui re. ⁷Ae echitiquia nae, aque embusuri aroneate. Ae i icherẽ cherẽ erese nae, aque abe embusuri aroneate no. Dios ae embusuri nguiã. ⁸Ae echitiquia quia, ae i icherẽ cherẽ nguia erese, eĩ si chỗ ũquĩ nde. Dios ra mbae turã mee ee, ae esaã ũquĩ ndibishorõ. ⁹Ure rei Dios

cheẽ naa naasa. Sã chacocha no, eĩ si chỗ Dios mbae jẽ nde. Sã tuchuacha no, eĩ si chỗ Dios mbae jẽ nde.

¹⁰Dios turã tuchi que seje ra. Seje quiatu ngue ucheẽ mee nguiã. Mbia mbaaquiatu quiatu sacuã. Tuchua ao aquiatu rã no se re. Tuchua i raanguia chō asaã nguiã base cote. Aque arō no emo ndiqui nguiã tuchua ao hue no. Ae tuchua chao sechisaã arō nae, sã eraã mingue turã. ¹¹Tuchua i raanguia chō Jesucristo riqui nguiã. Ae mii tuchi chō tuchua i raanguia re. ¹²⁻¹³Ae arō tuchua mo nandesaã arondete. Sita je eraã mose, siqui turã mbei rae. Oro je eraã mose, siqui turã mbei ra eno. Plata je eraã mose, siqui turã mbei ra eno. Úquí je eraã mose, oquei eã nda Dios tata mbu mose. Ira je eraã mose, oquei chō ndae. Quiata je eraã mose, oquei chō nda eno. Nandechisaã nda Dios tea ja. ¹⁴Nandechisaã siqui i i mose, Dios ra mbae turã mee nande je. ¹⁵Nandechisaã oquei mose, nandembae ra quiachã nandesi. Nande quia ra nandequiachãyã ndaque. Nandecuasẽ ndaque ra ibate Dios je. Nandeochi quiatu ra nandeico cote.

16 ¿Jētesarei chō ere? Dios chuchua chō nanderete riqui co resē. Dios riqui beite nandeye co. Espíritu Turã ndiqui beite nandeye co. ¹⁷Emo Dios chuchua mbiicuã mose, aque ra Dios mbutiã. Nande quia Dios chuchua re. Dios que uchuchua mii icúe umbaerã nda. Nanderete je sichō nandeico nguiã ñee co. Dios chō nandemingo nguiã icúe umbaerã co.

¹⁸—Nandeaquiatute, jenyechɨ nguiã jeñɨangui re ũquɨ. Ae eaquiatute ibi jenda achö ndese, sã ũquɨ uaquiatu raã naa eã. Siqui mingue mose ra Dios embaaquiatu turã cote. ¹⁹ Ae eaquiatute ibi jenda achö ndese, "eaquiatuã", ɨ chö Dios nguiã ũquɨ je co. Sã embesa ji riqui ñee no:

Dios ra ũquɨ aquiatu mbutiã ño cote.

"Seaquiatu tuchite aico co", i quiatuchi ngue nyii re, i que embesa ji ra. ²⁰Sã embesa ji riqui ñee no:

Ae rese eaquiatu riqui ndua nae, ũquĩ Dios icua tuchite quia co. Ndua ndua iru chỗ nguiã,

i que embesa ji ra. ²¹ iMbia aquiatu mo ndese ra jeñimbucha chooñochi je! Dios quiatu que mbae mondo ja jeje ra. ²² Jembae cho se re. Apolos abe rei jembae no. Pedro abe rei jembae no. Mbae ibi jenda ja rei jembae. Dios mbia mingo mose, jeje cho emingo. Dios mbia mingo ea mose, jeje cho emingo ea. Ae siqui quia namo, jembae ja cho uqui nde. Ae ra siqui aquere, jembae ja cho uqui no nde. Jembae ja cho nee. ²³ Cristo mbae cho je nde. Dios mbae cho Cristo no nde.

Ureaquiatu tuchi Jesús chimbaaquiatu si, jenyechi nda je

4 1—Cristo rimba ja chỗ ũquĩ nde, jenye chỗ seriĩ. Apolos riĩ abe no.

—Ae ambuchecua eã mbia je nyii, ũquĩ jembuchecua checua mbia je seriĩ cote, i que Dios ure je ra. ²Dios rimba mose nande, Dios cheẽ nandemumbayã mbei chỗ nguia. ³—Serimba turã ño nde re, i ra Dios seje

reae. Nducuã. Aicuayāte se. —¿I se jēje re? ae āte se quia jēje co. Ae āte se quia emo je co no. Dios mii ño seicua nguiã. ⁴Dios rimba turāte aico reae. Dios ae chō seicua nguiã. ⁵—Dios rimba turã ño aque re, ijenye jeichĩ nda emo nii jē! Jesucristo tu mose, ae quia ra mbae mbuchecua ja. Ae ra nandendua ndua mbuchecua ja. Aque mose quia ra Dios ñee. —Co rei serimba turã tuchi co, i ra Dios mbia mbiirandu aque mose cote.

⁶ Jembaaquiatu sacuã ño aico nguiã ñee jēje co. Sechue si chō aico nguiã ñee. Apolos rii abe chō aico nguiã ñee. Dios rimba achō ño ure re. Ure mii mo ndui jēingo bei aroneate. Dios rimba ja rui chō jēingo. Ei jenye mose ra embesa ji jemumbayã. ⁷ ¿Mbaerã nda jēcuasu jēsaã saã nde? Ae jendeco jembaerã nae, Dios chimondo ja chō ũqui nde. Jēaquiatu mose, Dios ae jembaaquiatu nguiã. —Se ae que sembae asaã saã nda, ijenyechī nda jēcuasu raã naa jē!

8—Ureaquiatu tuchite cote, jenyechi ngue nee nda. —Ureico Dios cheë icua jate co, jenyechi ngue nee no nda. Ererecua tuchi jesaa saachi ureririro cote. Ererecua jesaa noono na je no. Se abe ra ererecua asaa saã ndei jẽ na ndeae. ⁹Dios ucheẽ nenei neneisa quirirõ jiri ure reae. Mbia tarõ ji rã ño ureico uremano ndaarõ arõ ndeae. —¿Mañi ã nguia re? i tuchi mbia quia mae nguiatu urerese co. Angeles abe ñee nyee mae nguiatu urerese. ¹⁰Ureico tuchi mose Cristo rese, "eaquiatua", jenye chốchĩ equia ure je ũquĩ. "Ureaquiatute ure", jenye chốchĩ equia jẽ jēingo mose Cristo rese ūqui. Urequirācuā neāte ure, jē jēquirācuā mose. Mbia ureosei chiate ure; je nguia mbia jeoseite nguia. 11 Mbae ea mbeite urembae namo abe. Ureriacua acuate que eriqui emo mose ra. Ureiseite abe que eriqui ra. Ureirao eãte abe no. Mbia icuã icuã mbeite ure je. Urechuchua eãte abe no. 12 Mbae uresaã saã tuchite quia ureo je co. Mbia icuã icuã mbeite riqui ure je co. Urechee tura tura mbeite equia ure ee a, ũquɨ ñee icuã icuã mose ure je. Urechecua chôte equia ñimbirãcuã ee ã. ¹³Urechee mingue beite equia ũquĩ ñee icuã mose ure je ã. Mbae quía rã tuchi cho ureico nguia mbia je ure a. Mbia ureririro mbeite quia namo nvee ure ã.

¹⁴Jēireĩ ireĩ sacuã eã ño aico nguiã a mbesa jēje ã. Jemundua ndua sacuã ño ñene. Seriirĩte quia jẽ nde. ¹⁵Jembaaquiatu quiatusa tubiriãte raque Cristo riĩ. Se mii tuchi chỗ jendu re. Se rane nguiatu ngue echeẽ turã asenei senei nguiã jēje nyii. Se quiatu ngue Cristo aicua uquia nguiã jēje. Nyebe aico nguiã "seriirĩ" i beite jēje co. ¹⁶Nyebe jẽingo se rã si. ¹⁷Timoteo amondo quia jēje aque. Ae rei sechimbaaquiatu tuchi. Nyebe "seriirĩ" ae tuchi nguiã ee. Ae quiarei siqui turã tuchi Dios rese. Ae ra jemundua bei secheẽ ndese. Sechisaã ndese abe no. —Eĩ ngue Pablo quia Jesús quiato mbaaquiatu quiatu sucha mbuchesea sea mose ra, i ra Timoteo jēje seriĩ. ¹⁸Jemo ndiqui uaquiatu raã naa tuchichĩ ũquĩ. —Pablo ra tu eã mbei urerea, i chỗchĩ jemo nguia seriĩ ũquĩ. ¹⁹Aso jei ra jendea,

Dios eno i mose seje. Ae uaquiatu saã saã tuchi quia jemo nae, ũquĩ tatea cote. Mañi nda equia mbae raã ndeae. Echeẽ achõ achandu sereã. ²⁰Dios rimba cheẽ achõ aroneate. Siqui eã mose Dios quirãcuã ndese. ²¹Manyae ra jēje seso mose jendea reae. Acheẽ asi asi ra jēje reae. Aico mingue chõ nda jēje renoae. Jēhui mose jēicuã si, acheẽ asi asi eã nda seso mose jendea.

Ae siqui ngu ninisi rese, aque jemombo

1 Mbae icuã tuchi rese que ureirandu jendese ra. Jemo nda siqui siqui ngu ninisi rese ra. ¿Mbaerã jēataque jētea chooño mbae icuã naa mose re? Ae Jesús quiato ãte nae, ũquĩ ño siqui ãte ngu ninisi rese. ¿Mbaerã Jesús quiato quiatu siqui ngu ninisi rese re? ²Jēturã jēsaã saã mbei chôchĩ nguiã jẽ ũquĩ. Jēya eã eã ño jēingochĩ ũquĩ ndese ũquĩ. Jēireĩ ngũíã tuchi chôchĩ. Ae siqui ngu ninisi rese, ae jemombo eã ñochĩ jenumunua nuasa si.

³Ishote aico raque jēsi co. Andua beite sequia jendese co. —Ae siqui ngu ninisi rese, aque jemondo Satanás je, ae chō nguiā sechiangui re co. Se siqui raanguia jendese. ⁴Jeñumunua na Jesús quiato hue jenda. Se abe ra andua ndua jendese. Jesucristo quirācuā abe ra siqui tuchi jendese jeñumunua mose. ⁵Ae siqui ngu ninisi rese nae, aque jemombo chō jēsi. Jesús quiato si. Jemee ño Satanás je. Ť nda Satanás erete mbasi. Ť nda eaĩ siqui bei Jesucristo tu mose cote.

6¿Mbaerā jeingo jēturā naa naa mbae icuā ndea chooño nde? Levadura rā ño mbae icuā nde. "Levadura ñetē nda oso raque mbichae raā namo mose. Mbuchimatā ja rae". ¿Ūquī jenanuāte quia re? 7Ae eicuāte nae, aque jemombo jēsi. Ī nda jē abe mbae icuā jēsaā eā. Dios que Jesucristo iquia nandeicuā ndibishorō nda.da. Sā mbia riqui oveja iquia iquia huiicuā ndibishorō no. 8Nyebe nandeico turā na Dios rese, mbae icuā naa naa ndocoī. Cochee nandeico. Nandeicuā nandesecha ja.

9—Ae siqui emo ninisi rese, ũquĩ je ra jeñee ñeechĩ, ae que secheẽ mbesa mondo jēje nyii. ¹⁰ Ae Jesús quiato ãte, ũquĩ nii eã ño ngue acheẽ nguiã jēje. Nandecheẽ eã aroneate Jesús quiatoã je nandeico mose íbii. Ae siqui quia emo ninisi rese nae, ae abei chiãte riqui nae, ae mbae mbuquiachã nguia nae, ae siqui Dios abareã ndese nae, ũquĩ je nandecheẽ eã aroneate. ¹¹ Jesús quiato mo ũquĩ icuã naa mose, jemombo chō jẽsi. Jeñee ñeechĩ nda ee. Emo ninisi rese siqui mose. Abei chiã mose. Dios abareã ndese siqui mose. Uchuru rerequia chooñoã mose. Quiacua mose. Mbae mbuquiachã mose. Jesús quiato ũquĩ naa naa mose, jẽhui chō esi. Jẽquiaru jiri jiriã tuchi ũquĩ ndese. ¹² Jesús quiatoã nandeteaquiatu aroneate. Ae Jesús quiato, ũquĩ nguiatu nandeteaquiatu. ¹³ Dios quia ra Jesús icuasa reã mbasi. Ae siqui ngu ninisi rese nae, "Jesús quiato se", i rei quia nae, aque jemombo chō jẽsi.

Jemo icuã icuã mose nyue, je ae cho jeingo

1 Jemo icuā icuā mose nyue, jēsochī nguiā nee Jesús quiatoā nderecua je. Jē ae chō jemae erese ae. Jēicua ae. Sā Dios quiato achō no nee uquī je. —iEī jenye jē! i uquī je. ²Dios quiato quia ra "ieī jenye jē!" i ja Dios quiatoā je emo mose. Jē nguia ra "ieī jenye jē!" jenye mbia ataque je emo mose. ¿Mbaerā jēingo "ieī je nye jē!" ise reā mbae netē naa mose re? ³Angeles je abe chee ra "ieī jenye jē!" nande. ¿Ūquī ndese jēiranuāte re? Ā ibi jenda je "ieī jenye jē!" nande turā ja rā ae. ⁴Jesús quiato chō jē nde. Ibi jenda mo nii jemo icuā icuā mose nyue, jē ae chō jemae uquī ndese. Jēsochī nguiā nee Jesús quiatoā nderecua je. Dios quiato eāte quia uquī nde. ⁵Jesús quiato mo nee icuā icuā mose nyue, ¿jemo jēaquiatuāte nee ee re? "iEī jenye jē!" i ee re. Jē jēireī ireī sacuā no aico nguiā nee jēje uquī. 6—¿Mañi ure ra re? i aroneate Jesús quiato nee Jesús quiatoā nderecua je.

⁷Jemo Jesús quiato mo icuã icuã mose nyue, echiã turã tuchi ãte quia ñene. Jeñimbirãcuã ño mbae icuã naa mose jēje. Jeñimbirãcuã ño jembae mbuquiachã mose no. ⁸Jē abe mbae icuã jēsaã saã ñochĩ, ñimbirãcuã ndocoĩ. Jē abe jendesenda mbae jembuquiachã ñochĩ Jesús quiato mbae, ñimbirãcuã ndocoĩ.

9-10 Mbia rerecuară tuchi ra Dios cote. Aque mose ra mbia icuă siquíă tuchi Dios rese. Ae siqui emo ninisi rese nae. Ae siqui ngüinisíă ndese nae. Ae ndua chooño nguia Dios abareă ndese nae. Ae siqui quia nyiese ngüinisi raă naa nguesenda je nae. Ae mbae mbuquiachă quiachă nguia nae. Ae abei chiâte riqui nae. Ae quiacua quiacua quia nae. Ae ucheê mondo chooño mbeite quia mbia je nae. Ũquī nda siquíă tuchi Dios rese. —Eicuă abe ra siqui bei Dios rese, ijenyechĩ nda ñimbiirĩ irĩ jē! 11 Eĩ ngue jemo icuă cose ra. Dios ae jembitirõ nguiã cote. Dios chō jemii nguiã icúe umbaeră cote. Espíritu Tură ngue jēisi tură Jesucristo riĩ cote ra.

Espíritu Turã nyuchua chỗ jendete re

12—Co rese ra ereicochĩ, i ãte raque Dios quia seje mbae mo nii. Dios biãte nande mbae raã ja chooño mose. Mbae mo sembiicuã serĩ mose, asaã eã mbei ra se. ¹³Nandechiurã ndei nanderie ye sacuã. Nanderie rei nandechiu rirurã. Ũquĩ ja ra Dios mbutiã emo mose cote. Dios mbaerã ño nanderete re. Siqui chooño sacuã eã ño emo ninisi rese chỗ nanderete re. Nanderete rerecua chỗ Dios re. ¹⁴Dios quirãcuã no ngue Jesucristo raaque mbuquera nguiã. Eĩ ño nda Dios quirãcuã nanderaaque mbuquera nguiã nande abe no. ¹⁵¿Jēiranuãte quia jendete rese re? Cristo nanderete mbucha quia uchiese co. Cristo rete chỗ nandeico nguiã co cote. Cristo rete nandembucha aroneate cuña icuã ndete mo ndese. ¹⁶Emo siqui mose cuña icuã mo ndese, erete ucha chỗ nguiã nyiese aque. Erete nyeremo eã

ño cote re. Ûquĩ ndete ja ra co mɨi cote, i que Dios cose ra. ¹⁷Emo siqui mose Cristo rese, nguete mbucha chố nguiã erese ũquĩ cote. Erete mɨi na ño ũquĩ cote re. ¹⁸iJeninisiã ndese ra jẽingochĩ jẽ! Mbae icuã mo naa mose, ũquĩ nda nanderete mbɨicuãyã jiri. Siqui mose ngũinisiã ndese, ũquĩ nguia ra nanderete mbɨicuã tuchɨ cote. ¹⁹Espíritu Turã siqui chee jeñiangui re ũquĩ. Espíritu Turã nyuchua chố jendete re. Dios mbae chố jẽ nde. Jembae ae eã ño jendete re. ²⁰Eicuã nimba rei ngue jẽ nyii re. Dios quiatu ngue jẽisi nguiã cote. Nguiirĩ ngue emondo jendɨbɨshorő nda. Nyebe jẽingo jendete mee Dios je. Jẽaĩ abe jemee ee noae.

Pablo mbia mbaaquiatu emo ngũinisi rerequia rii

¹ Jeñee ngue jembesa mondo seje nyii nae, ũquĩ tasibishorõ jēje cote. Coche emo siquíã nguiã cuña mo ndese. ² Coche mbia ngũinisi ae rerequia nguiã. Coche cuña ngu mɨi nderequia nguiã no. Emo ndese siqui chooño eã sacuã ño ũquĩ nde. ³ Sã eru riqui turã ngũinisi rese. Sã eninisi abe riqui turã ngu rese. Nyao aroneate nyesi. ⁴ Eninisi rete chô eru mbae cote re. Eru rete chô eninisi mbae cote no nde. ⁵ Nya i aroneate eru ngũinisi je nguete rese ngueteã. Nya i aroneate eninisi nguete rese ngueteã ngu je no. —Nandecheẽ mbei Dios je namo, siqui rocoĩ nyiese, i mose nyue, eturãte ũquĩ. Sã eriquibe nyiese aquere cote. Ñee ñeende Dios je cote. Siquibe eã mose nyiese, ñimbirãcuã eã arõ ndete. Satanás embiicuã arôte cote. ⁶—Jeninisirã jendeco, ae ãte quia jēje co. —Jeninisibi mose, jendeco ae, ae chô nguiã jēje co. ⁷—Sã Jesús quiato ja ninisiã ndiqui se rã si, ae rei que se ra. Dios cheẽ eã ño ũquĩ nde. Nandechisaã ae aerã ño Dios mondo nguiã nande je. Emo ninisiã siqui turã arondete. Emo ae ngũinisi quereco sete nguiã no.

⁸ Ae eninisiăte nae, ũquĩ je tacheẽ. Eru cheecha je abe tacheẽ no. Coche jẽingo nguiã jendu eã. Coche jeninisiã ndiqui nguiã no. Se rã si. ⁹ Jeñimbirãcuãyã mose jendete je, jeninisirã mo jẽtea ae. Jendurã mo jendeco noae. Mbia mo osei osei rocoĩ.

¹⁰ Ae ngu quereco nae, sã ũquĩ ngu rechayã mbei. Jesús cheẽ tuchi chỗ ũquĩ nde. Secheẽ ae eã ño ũquĩ nde. ¹¹ Cuña mo ngu recha mose, sã eriquíã mbei emo ndese. Sã ae ae chỗ ndiqui bei, ñimbucha si eã mose ngu rese. Sã eru abe ngũinisi rechayã mbei.

¹²Se ae tacheẽ cote. Jesús cheẽ eã ño ã cote re. Jesús quiato mose emo, sã eriqui bei ngũinisi rese. Jesús quiatoã ndaque eninisi. Eninisi siquise mose ngu rese, sã eru siquichõ erese. ¹³Jesús quiato mose cuña mo, sã eriqui bei ngu rese no. Jesús quiatoã ndaque eru. Eru siquise mose ngũinisi rese, sã eninisi siquichõ erese no. ¹⁴Jesús quiato mose eru, eru ngũinisi mbucha arõte quia Jesús rese co. Jesús quiato mose eninisi, eninisi ngu mbucha arõte quia Jesús rese co no. Eĩ nda eriirĩ abe Jesús icuayãte rei, ũquĩ ande. ¹⁵Jesús quiato mo ninisi siquíã mose Jesús rese,

"seru tasecha" i bei mose, sã eru eriquisã quisã eã. Cuña mo Jesús quiato mo ndu siquíã mose Jesús rese, "seninisi tasecha" i bei mose, sã eninisi ngu riquisã quisã eã no. Ûquĩ naa mose, Jesús quiato mbae icuã saã eãte.
—Sã seriirĩ ndiqui turã nyue, i quiatu que Dios nande je ra. ¹⁶Ae Jesús quiato nae, ũquĩ ngũinisi mingo arõte Jesús rese. Ae Jesús quiato cuña nae, ũquĩ ngu mingo arõte Jesús rese no.

¹⁷—Ei jenye chố nguia jẽ ae ae, i que Dios nandechiaorã mee mee nande je ra. Ũquɨ ndese nandeico bei quiatu nande ae ae. Dios que ñee nande je nyii, aque mosenda rã si bei cho nandeico. Ũquĩ no asenei senei nguiã Jesús quiato ishonda jaje abe. 18—Echu serui, i mose Dios judío mo je, sã judío bei cho ae riqui. - Echu serui, i mose Dios judío eã mo je, sã ae riqui judío raã naa eã. ¹⁹Sebite judíos achõ, iã nda Dios. Sebite judíos eã achō, iã nda Dios no. Ae Dios cheẽ mumbayate quia nae, ũqui nguia Dios bite re. 20 Ei nande que equia Dios ñee namo mose nande je nyii, aque mosenda rã mbei chỗ nandeico. 21 Mbia rimba mose nde, Dios "eico serui" i mose ndeje, eico cho erui. Mbia mo nimba raque nde. Erechachi nda ndererecua si. Ndererecua huise mose ndesi, nde ae eico cote ae. 22— Eico serui, i mose Dios mbia rimba mo je, Dios embui cho nguiã eicuã si cote. —Eico serui, i mose Dios emo ae siqui mose, Cristo rimba chõ aque cote re. ²³Jesucristo que mano jeje ra. Nyebe Jesucristo rimba ae chỗ jẽingo nguiã ũquĩ cote. Mbia rimba ae eã no jẽingo nguiã ũquĩ cote. ²⁴Dios que ñee nande je nyii, aque mosenda raanguia bei chô nandeico Dios rese.

25 Nyucuaaque rii tachee ndaque jēje cote. Dios que ñee âte seje ūqui nii nda. Se ae cho tachee jēje. Airandu que Dios ia eā mose serese ra. Nyebe aico nguiā ñee ñooño eā tuchi jēje co. ²⁶Sā mbia ngūinisirā mo ndea eā namo. Sā nyucuaaque ae riquicho ngurā mo ndea rocoi. Mbia icuāte quiatu eriqui nguiā Jesús quiato je ā cote. ²⁷Neninisi mose, eico bei cho erese erechayā mbei. Neninisiā mose, nde ae eico bei. ²⁸Neninisirā ndea mose, eicuā eā ño ūqui no nde. Nyucuaaque ngurā mo ndea mose, eicuā eā ño ūqui no nde. Mbae icuā nda ei ei ee ngurā ndea mose cote reae. Nyebe aico nguiā ñee jēje. —Jē ae jēingo jeninisiā, i jēje. ²⁹Tachee tuchi rā jēje, Seresenda. Mbae ra ua jei ja nande je cote. Ae ngūinisi quereco quia, sā ūqui ndiqui ngūinisi rerequia eā naanguia. ³⁰Ae eya eāte riqui, sā ūqui ia tuchi raanguia riqui no. Ae eyate riqui, sā ūqui ia eāte raanguia riqui no. Ae mbae isi quia, sā ūqui ndiqui mbae isiā naanguia no. ³¹Ā nandeico rei nguiā íbii ā. iIbi jenda rese ra nandendua tuchichi jē! iĀ ibi jenda ja ra ua ja cho jē!

³²—Jeninisiã ño jẽingo, ae que se ra. Jendua ndua eã jiri nda ibi jenda rese chã. Ae eninisiã, ũquĩ ndua ndua bei arõte Dios mii ndese. Ae Dios bite, ũquĩ esaã saã mbei arõte. ³³ Ae eninisi nae, ũquĩ ndua ndua bei arondete ibi jenda achō ndese. Ae eninisi bite nae, ũquĩ esaã saã mbei

arondete. ³⁴Eĩ si chỗ cuña no nde. Eru eã mose, ndua ndua arondete Dios achỗ ndese. Ae Dios bite, ũquĩ nda esaã saã mbei ee. Siqui tuchi ra Dios rese. Ae ngu quereco nae, ũquĩ ndua ndua bei arondete ibi jenda achỗ ndese. Ae eru bite nae, ũquĩ esaã saã mbei arõte. Siqui rocoĩ Dios rese. ³⁵Jaendiquisã quisã eãte raque se jeninisirã mo ndea mose. Jemundua sacuã Dios rese chỗ aico nguiã ñee jēje co. Jendua eã sacuã mbae mo ndese chỗ ñene. Jeninisi mose jendua bei aroneate Dios rese.

³⁶—Seriirī ndu bite chī cote. Etiarõte chī cote, i mose amei mo, sã eriirī ngurā mo nderequia. Eicuā eā ño nguiirī ndurā mee ee re. ³⁷—Sã seriirī ndu eā ae riqui. Erurā nda amee eā ee, i tuchi mose amei mo, eturāte ūquī abe. ³⁸Ae nguiirī ndurā mo mee ee, eturā ño ūquī nde. Ae nguiirī ndurā mo mee eā ee, eturā tuchi chō ūquī cote re.

³⁹Eru mbae bei chõ eninisi re. Nyao aroneate nyesi. Eru mano mose, ngurã mo nderequia arõte Dios quiato mo cote. ⁴⁰Eru mano mose, siqui turã arondete ngurã mo ndea eã mose cote. Eya tuchi ra siqui ngu eã mose reae. Se chỗ acheẽ nguia ũquĩ ndeae. Espíritu Turã abe sembucheẽ nguia reae.

Ae soo mbia mondo rei dios abareã je nae

1—Mbia soo mondo mondo quia dios abareã je nae, ¿ũquĩ soo ra nandeu re? jenye que seje. Ũquĩ tasenei jēje cote. —Seaquiatute se, nande ja jate raque quia ã. Emo eaquiatu tuchi mose, ucuasu raã naa arondete. Emo nyesecua mose mbia rese, Dios abe rese ra nyesecua bei. ²Seaquiatute se, i mose emo, eaquiatuã ño ũquĩ nde. ³Emo nyesecua mose Dios rese, Dios ũquĩ icua chỗ nguiã ũquĩ.

4Mbia soo mondo mondo quia dios abarea je, ¿ũquĩ nda nandeu re? ¿Nandeu ea tuchi cho nda re? Dios ea tuchi cho dios abarea nde. Co mii tuchi cho Dios re. 5Dios abarea nguia etubiriate re. Ibi jenda. Ibei riinda abe no. Dios raanguia tubiriate raque no. 6Dios quia co mii tuchi nande je re. Ae quiarei nanderu tuchi. Ae mii ngue mbae chao ja tuchi ra. Ae mii ngue nandeao umbaera nda. Nandererecua mii tuchi cho siqui nguia co no. Jesucristo, i equia ee. Ae que mbae chao ja tuchi Dios rese ra. Ae mii no nandemingo nguia a.

7Dios quiato mo iranuate quia ũquĩ ndese ã. Siquiche beite quiatu nguiã dios abareã si ũquĩ. Ae soo mbia mondo dios abareã je, ũquĩ mbaeiae riqui reĩ nguiã ee. —iŨquĩ soo jẽu eã jẽ! i reĩ Dios nguiã ee. 8Ae nandeu quia nae, ũquĩ nda nandembuturã eã Dios je. Nandechiu mo nda nandembuturã eã mingo. Nandechiurã nandeisi teã teã mose, ũquĩ nda nandembiicuã eã no. 9—iŨquĩ soo ra jẽuchĩ jẽ! iãte raque Dios nande je. Mbaeiae eãte raque ũquĩ soo. Mbaeiae nda eriqui reĩ Jesús quiato namonda je raẽ. Jẽ eu mose, ũquĩ abe ra eu chee. —Mbaeiae au chôchĩ, i ra ñimbiicuã tuchi cote. 10 Jẽquiaru mose dios abareã chuchua, Jesús

quiato namonda ra mae jendese. Ũquĩ abe ra soo u chee, ae mbia mondo Dios abareã je. Maende jendese. Eicuã ndaque eriqui reĩ nguiã ee. ¹¹ Jẽ ndaque jẽirandu ũquĩ soo rese. Eicuã eã ndaque eu mose. Jẽu eã ndei. Jẽ eu mose, Jesús quiato namonda abe ra eu chee. Siquichete raque esi. Eĩ jenye chốchĩ ũquĩ mbiicha arõte Dios si. Ũquĩ nii abe chố ngue Jesucristo mano nguiã. ¹²Soo mbaeiae riqui reĩ mose ee, jẽu eã uquia ee ae. Jẽ euquia mose Cristo quiato namonda je, eicuãte ũquĩ Cristo je. ¹³ Jesús quiato mo ambiicuã sereã tuchi chố nguiã se. Se soo u mose, ũquĩ Jesús quiato mo mbiicuã mose, soo ra auã mbei cote.

Mbae mo jembu seje Dios chee nenei nenei ndibishoro, i ate Pablo

Jesús chee nenei neneisa tuchi cho se re. Sererecua mo eate ibi jenda mo. Amae tuchi que Jesucristo rese se ra. Sechee nguire cho jeingo nguia Jesucristo icua uqui cote. Jesucristo chee nenei neneisa ea no co re, i arote raque emo seje. Je quiatu jenee aroneate nguia uqui seje. Uqui jeingo seicua tuchite uqui. Sechee nguire quiatu que Jesús jeicua cote rese.

³Eĩ ae chỗ nguiã ñee mbia ñee icuã mose seje. ⁴Se abe Jesús quiato sembuquiaru quiaru arondete raque. ⁵Seninisirã Jesús quiato mo arao rao arondete raque mananguiti. Secuata cuata mose mbia mbiirandu randu Jesús riĩ. Sã Pedro riqui ngũinisi rerao rao no. Jesús nongue abe no. Sã Jesús cheẽ nenei neneisa ja ngũinisi rerao rao no. ⁶¿Se mii ño nda Jesús quiato sembuquiaru aroneate reĩ jēje re? Bernabé abe rese. Ure Jesús cheẽ nenei nenei mose. ⁵Sã soldado siqui chooño eã comandante mbae mee eã mose ee. Sã emo ndiqui mbae tiquia chooñoa no. —Sechitiquia nda au chã, i chỗ nguiã. Sã emo ndiqui ticuasu raarỗ ñooñoa no. — Equiandi nda ambei chã, i chỗ nguiã.

⁸ Secheẽ ae eã ño ũquĩ nde. Embesa ji chỗ asenei nguiã jẽje. ⁹Co rei Moisés chɨmbesa co:

Jẽ ticuasu mbuquiei quiei mose, echuru jemumbi eã.

Sã ae ae si quia mbae cua,

i que embesa ji ra. Ticuasu achō je eã ngue Dios ñee nguiã. ¹ºNande abe je chō ngue ñee nguiã. —Sã Jesús quiato abe riqui mbae mee mee echeẽ nenei neneisa je, i chō ñene. Ae mbae chitiquia quia nae, "sechitiquia tau", i chō nguiã etiquia. Ae mbae a chiqui chiqui quia nae, "sechitiqui tau", i chō nguiã eiqui iqui. ¹¹Dios cheẽ ngue uremingue mingue tuchi quia jendese resẽ. ¿Jē urembuquiaru quiaru aroneate quia cote re? ¿Ureiraorã jemee aroneate quia ure je cote re? ¹²Mbae mo jemee mee nguia Jesús cheẽ nenei neneisa mo je ũquĩ. ¿Mbaerã jẽingo emee eã ure abe je quiatu re? —iMbae mo nandeisi teã eo sɨ jẽ! ure que equia oso mose jendea ra. Dios sɨ jembɨicha eã sacuã ño ngue mbae mo ureisi teã nguiã jẽsɨ. ¹³Sã Dios ñee sacerdotes je cose no. —Ae siqui quia sechuchua sacrificio raã naa nae,

sã ũquĩ ndiqui ofrenda u u bei ae, i que Dios ñee cose ra. ¹⁴Eĩ si chỗ ngue Jesús ñee nguiã ucheẽ nenei neneisa je. —Ae secheẽ turã senei senei nguia nae, sã sequiato ataque riqui mbae mee mee mbei ũquĩ je, i que Jesús ra.

15 Dios cheẽ nenei neneisa tuchi raque se. Mbae mo ngue aisi chỗ ate jẽsi ra. Se ae chỗ mbae achao chao nguiã sembaerã co. —Mbae mo jemee seje, ae ate chỗ nguiã co mbesa mbesa jēje co. Tamano ae, "mbae embu seje", i rocoĩ jēje. ¹6 Dios cheẽ nenei neneisa tuchi chỗ se re. Ũquĩ nii seturã asaã saã aroneate. —Secheẽ esenei senei mbia je, i quiatu Dios nguiã seje. Se erenei nenei eã mose mbia je, Dios ra paama i seje. ¹7 Se ae que andua eã nda. —Dios cheẽ tasenei senei, aeã ngue se ae ra. Dios chỗ ngue ñee nguiã seje. —Secheẽ esenei senei mbia je, i nguiã seje. Se ae andua mose, eĩ nda Dios mbae mo mee ndei seje ucheẽ nenei nenei ndibishorõ. Dios rimbate quia se re. ¹8 ¿Mbae chỗ sebite riqui chã? Mbae mo isiã Dios cheẽ nenei nenei ndibishorõ, ũquĩ ño sebi re. —Mbae mo embu seje Dios cheẽ nenei nenei ndibishorõ, ae ãte quia co. Ũquĩ nguia sebi re.

¹⁹Mbia mo nimba eã ndaque se. Mbia rimba asaã saã ño nguiã Dios cheẽ nenei nenei mbia je co. Mbia Jesucristo icua sacuã. ²⁰Seico mose judíos ite re, judío asaã saã ño nguiã. Judíos Jesucristo icua sacuã. Ae siqui tuchi quia Moisés chimbesa rui nae, ũquĩ ite re seico mose, Moisés chimbesa asaã saã ño nguiã se abe. Ũquĩ Jesucristo icua sacuã. —Moisés chimbesa rui eico, i ãte raque Dios seje. ²¹Ae siquíã nguia Moisés chimbesa cheẽ ndui nae, ũquĩ ite re seico mose, se abe Moisés chimbesa asaã saã eã ño nguiã cote. Ũquĩ Jesucristo icua sacuã. Cristo mii ñee ño amumba mumbayã nguiã co. ²²Jesús quiato quirãcuã nea ite re seico mose, ũquĩ asaã saã ño nguiã se abe, sequirãcuã nea naa naa. Ūquĩ Jesucristo icua sacuã. Ae ite re aico oso oso beite nae, ũquĩ na ño aico nguiã se abe. Ũquĩ Jesucristo icua sacuã. ²³Ũquĩ ja chõ asaã saã nguiã Dios cheẽ turã nii co. Nandeico turã ja sacuã Jesús rese.

24 Sã mbia carrera raã naa no. Mbia ja cho uchã ndaque. Co mɨi ño nda premio isi. Aque rã tuchɨ cho jẽɨngo Jesús rese. Premio isi sacuã naanguia. ²⁵ Ae ra carrera saã saã nae, ũquĩ mbae ɨcuã secha ja cho nguiã ũquĩ. Premio isi sacuã ño eriqui nguiã mbae ɨcuã naa eã. Premio nda ua jei raque. Ae Jesús mee arôte quia nande je premio nae, ũquĩ nguia ra ua eã mbei nandesi. ²⁶ Se aico chooñoa nguia Jesús rese co. Jesús rese aico turã tuchɨ cho nguiã se co. ²⁷ Mbae asaã saã ño nguiã serete mbirãcuã co. Serete secheẽ mumbayã sacuã. Se premio ganar ɨ sacuã ño aico nguiã eraã naa co. Premio isiã sebiãte, se Dios cheẽ nenei nenei tuchɨre. Nyebe aico nguiã sigui tuchɨ Jesús rese co.

Dios raanguia rese ra jeingochi je

10 ¹¡Jẽtesareɨchɨ nda nandei ñiinda sɨ jẽ! ¡Moisés mosenda sɨ jẽ! ¡Ūquɨ ngue siqui ja rei ibeishĩ nduɨ ra jẽ! ¡Ūquɨ ngue nyoɨ ja rei

Ama Ireı̃ ndasa Dios ñee mose ee ra jẽ! 2—Moisés rese nandeico bei, i ja rei que mbia siqui ja mose ibeishı̃ ndui ra. —Moisés rese nandeico bei, i ja rei que mbia Ama Ireı̃ ndasa mose ra. ³Ae Dios mee ndei ee echiurã nae, ũquı̃ ngue mbia ja u u rei ra. ⁴Ae Dios mee ndei ee embei sacuã nae, ũquı̃ ngue mbia ja mbei mbei rei ra. I que tuutu quia sita si nae, ũquı̃ ngue mbia ja mbei mbei rei ra. Aque sita rei Cristo rã. Cristo que siqui tuchi quia ũquı̃ mbia rese ra. ⁵Ūquı̃ ataque rese que Dios ia eã tuchi riqui ra. Siqui turã eã tuchi que equia Dios rui ra. Nyebe Dios eataque iquia iquia nguiã turúquiaa.

⁶Nandemundua sacuã no ũquĩ nde. Mbae icuã osei osei eã sacuã nande chỗ ũquĩ nde. Sã ũquĩ mbae icuã osei osei no. 7 Jēingochĩ nda dios abareã ndese. Sã ũquĩ ndiqui dios abareã ndese no. Sã embesa ji riqui ñee no: "Mbia que quiaru quiaru ra. Mbae abe que embei mbei ra. Aquere que nyuruqui ruqui ticuasu raanguia je ra", i que embesa ji ra. Je nguia jēingo eā dios abareā ndese. ⁸ Ūqui nandei que siqui siqui ngūinisiā ndese no nda. Nyebe Dios eiquia iquia tuchi nguiã. Veintitrés mil que mano aque nyaashī mose ra. iMbae icuā nda nandesaā saāchī ūquī na jē! 9—Ma Cristo roseîte, nandechi nda mbae icua naa je. Sa nandei riqui "ma Dios roseîte" i nyii no. Sã ñi ngue eriqui mbae icuã naa mbei cose no. Sã mbei tásie riqui eiquia iquia no. iŨquĩ nandesaã saã eã tuchi chỗ nguia nande jē! 10 iJeñee icuā icuāchī nda Dios riī jē! Sā ūquī nandei ñee icuā icuā nguia Dios rii no. Nyebe ángel nandei ñiinda iquia iquia tuchi nguiã. 11 Ei si tuchi que nandei ñiinda quia nyii ra. Dios que embesa mii nandetesarei eã sacuã nda. Mbae ua ja serí mose cho Dios riqui nguiã nandembesarei eã co. 12—Sequirãcuã tuchi chỗ se re, i mose emo, isã aque riqui nyiicua tuchi quiatu je! Mbae icua jei nonde ee. 13—iMbae icua esaa je! i mose diablo jēje, eī si cho nguiã ñee mbia ataque je. Jē mii je eã. Dios quia ra uchee mbuchebia mbei. Jendeaquiatu bei ra diablo nee mose jeje. Jembiracua ndae. Je "nya" i sacua mbae icua je.

14 Seresenda, idios raanguia rese ra jẽingochĩ jẽ! 15 Jẽaracuate rei jẽ ndesẽ. Secheẽ ndese jemae quiatu. ¿Acheẽ ñooño se re? Acheẽ ñooño eã se reae. Jẽtea quiatu. ¹6 Nande Santa Cena naa naa mose, Cristo ruqui mbei raanguia chỗ nandeico nguiã uva rique mbei mbei. —Cristo ruqui nandembitirỗ ja bei quia ã, i chỗ nguiã uva rique mbei mbei. Mbichae nandesiquio quio quia eu nonde nae, Cristo roo rã no ũquĩ nde. —Cristo roo nandembitirỗ ja bei quia ã, i chỗ nguiã mbichae u u. ¹7 Nandetubiriãte raque Jesús quiato. Nande ja chỗ aque mbichae mii nandeu ja nguiã. Mbae mii na nguiatu nandeico nguiã nande ja ã. ¹8 Judíos rese chỗ jendua. Ũquĩ sacrificio raã naa mose, sacrificio eu chỗ nguiã ã. —Dios resete quia nandeico nguiã ã, i equia ã. ¹9—Dios abareã mbae mo saã arondete, ae ãte raque quia co. Ae soo mbia mondo mondo quia dios abareã je, soo chỗ ndaque ũquĩ. ²0 Mbia soo mondo mondo mose dios abareã je, Dios tuchi je eã no eriqui nguiã emee mee. Aba

checuayã icuã je chỗ eriqui nguiã emee mee. iAba checuayã icuã ndese ra jẽingo jiri jirichĩ jẽ! ²¹ Jẽ mbae mbei mose aba checuayã ndese, Jesús ruqui mbei raanguia jẽsaã aronea ño nguiã cote. Jẽquiaru quiaru mose aba checuayã nyuchua, Santa Cena jesaã aronea ño nguiã cote. ²² ¿Mbaerã jẽingo Jesucristo mbupaama ite re? ¿Jẽquirãcuã tuchi chỗ eriqui esi jẽ nde?

Jesús quiato ataque rese quia jeingo ndua

²³—Ae soo mbia mee mee nguia dios abareã je nae, ũquĩ ndese ra jẽocochĩ, i ãte raque Dios nande je. Dios biãte nande mbae raã ja chooño mose. Ũguɨ nɨɨ Dios ñee ãte raque nande je. Nande ae chỗ nandeɨcua. Mbae mo Jesús quiato mo mundua icuã mose, ũquĩ si nandehui chõ. 24—Nande ae nandeico Dios rese, jenyechi nda je. —Mbia ja quiatu nandemingo erese, jenye quiatu. ²⁵Soo jẽisichỗ no nguia mbae vender ísaa. —¿Dios abareã je co soo jemondo nyii re? ijenye chi nda ñee ee jë! Jëiranua mose, mbaeiae eã no soo jēje cote re. Jēisichō no nguia jēiranua. 26 Jesucristo mbae chō ibi re. Mbae ibi jenda ja abe rei embae no. Ae Jesucristo chao ja nae, ũquɨ ndei nandechiură ja. ²⁷—Nyao ră quiaru serese, i mose emo jeje, jeso cho quiaru erese jesose mose. Ae ra echara mondo jeje, jeucho ño. —¿Co mbia mondo dios abareã je nyii re? jenyechi nda ee. Jeiranua mose, mbaeiae ea no jeje cote re. Jēiranua ño jēguiaru. ²⁸—Co soo que mbia mondo dios abareã je ra, i mose emo jeje, jeu ea no cote. Ae nee jeje nae, aque mbiicua ea sacua ño jeu ea. Aque soo jeu ea cote, jeirandu mose erese. Je eu mose, Jesús quiato ra ndua icuã icuã cote. ²⁹Jendua icuã eã ndaque je. Emo nguia ndua icuã arõte nguiã cote, jirandu mose je eu rese. —¿Mbaera nda aque soo au eã sebi mose re? i arõte jemo seje. —¿Mbaerã nda emo ñee amumbayã nde? i arõte jemo seje. 30—Se "gracias" i mose Dios je aque soo u nonde, eicuã eã no cote reae. ¿Mbaerã nda emo nee icua seje re? i arote jemo seje. —¿Mbaerã nda au eã eicuã eã mose re? i arõte jemo seje.

31 Ã ndese chỗ jendua. Ae nandesaã saã nguia nae, Dios je chỗ nandesaã. Ae nandeu ndeu quia mbae nae, Dios je chỗ nandeu. Ae nandembei mbei quia mbae nae, Dios je chỗ nandembei no. Mbia ra ñee turã Dios je, nandeico turã mose. 32 iMbia ra jemundua ata atate chĩ jẽ! —Ã icuã ereae, i mose emo jẽje, iũquĩ nda jẽsaãchĩ jẽ! Jẽ eraã mose, ũquĩ nda ndua icuã Jesús rese cote. Judíos. Judíos eã abe. Jesús quiato abe. Ũquĩ ndua icuã arỗ Dios rese, jẽ eraã mose. 33—Se ae taico Dios rese, ae ãte quia co. —Mbia ja quiatu tamingo erese, ae quia co. Dios mbia rirỗ sacuã eicuã si. Mbia siqui bei sacuã Dios rese.

1 ¹Se rã sɨ chỗ jẽɨngo. Sã aɨco Cristo rã sɨ se no.

Ei jenye cho nguia u numunua nua mose, i Pablo cuna je

²Acheẽ turãte quia jenii co. Jendua beite quiatu quia serese. Acheẽ ngue jẽje nyii, ũquĩ jemumbayã mbeite quia secheẽ ũquĩ. ³Ae ra ambesa jẽje namo, iũquĩ

jēicua tuchi quiatu jē! Cristo rei hombre ja rerecua. Hombre rei ngũinisi rerecua no. Sã Dios Cristo rerecua no. 4Mbia ñumunua mose, sã hombre mo ñee eã Dios je huiite sucha resebe. Sã eãquĩ nyecua chỗ siqui Dios cheẽ nenei nenei. Uãquĩ ati mose, aba ireite ũqui. 5 Mbia ñumunua mose, sã cuña mo ñee eã Dios je huiite suchayã. Sã cuña agui ati ji cho sigui Dios chee nenei nenei. Cuña uagui ati eã mose, aba ireite ũqui. Uãqui hui na no eriqui ngui ati eã no. 6 Cuña mo uãquĩ ati sereã mose, sã uãquĩ huĩ tuchi quiatu no. Eireĩ mose uãquĩ huĩ, sã uãquĩ ati quiatu ua sia rocoi no. 7 Hombre mo nguia uãquĩ chati aroneate nguiã Dios chee nenei nenei. Dios quiatu ngue hombre chao nguia umbaera. Aquere que cuña mo ao hombre mbaerã cote ra. ⁸ Cuña ndoquieĩ je eã ño ngue Dios hombre ao nguiã. Hombre roquiei je quiatu ngue Dios cuña mo ao nguiã. 9Cuña chirecora ea no ngue Dios hombre ao nguia. Hombre chirecora nguiatu ngue Dios cuña ao nguiã. ¹⁰Nyebe ra cuña uãquí ati quiatu. —Seru chỗ sererecua re, i cho nguiã uaqui ati. Angeles quia maete nguia erese. 11 Jesucristo quiato ja chỗ nande re. Hombre achỗ nda siqui turã eã cuña eã mose. Cuña achỗ nda siqui tură eã hombre eã mose no. 12 Hombre roquieĩ je chỗ ngue Dios cuña ao rei nguiã nyii. Cuña abe riqui tiirî irî hombre co cote. Dios chiao ja chỗ ñene. Cuña. Hombre abe. ¹³Jẽ ae chỗ jendua mae erese. Eicuãte cuña ãquĩ ati iriã ñee Dios je. ¹⁴Hombre a boco mo siqui mose, aba ireite ũqui. —Eicuate ũqui, i ja tuchi mbiamo ñooñoa nguia ũquĩ je ã. 15 Cuña mo nguiatu ea boco siqui mose, ũqui nguia earõte re. Ea boco que Dios mee ee ra. Eãqui ati sacuã. 16—Cuña a boco sebiã, i mose jemo, sã ndua chỗ Jesús quiato ataque rese. —Sã cuña a boco riquicho, i ja cho Jesús quiato nguia serese uqui.

Jenyao chaochi nda Santa Cena u mose je

17—Santa Cena naa icuã icuã ño ngue equia ñumunua nua nda, i que mbia mo sembiirandu jenii nda. Nyebe seya eãte riqui nguiã jendese.

18—Hue rĩ ja eã eriqui ndua ndua ñumunua nua mose ũquĩ, i que emo sembiirandu jenii nda. —Ichõiño eã ereae, ae sequia ndua ndua co.

19 Jeñimbuchao chao chốchĩ equia ũquĩ. Mbia Jesús quiato tuchi icua sacuã ño jeñimbuchao chao nguiã. 20 Santa Cena naa naa mose, abei chiã tuchi chỗ jẽingo nguiã jenyue ũquĩ. Eĩ eã tuchi que Jesucristo nandembaaquiatu ra. 21—Se rane sembae tau ja, jenye jaaja chốchĩ nguiã Santa Cena naa naa ũquĩ. Mbae mee ndocoĩ emo je. Nyebe mbaecha riqui nguiã quiaru tuchi. Mbae mbei tuchi no. Mbaecha reã niacuã mose.

22 Jẽquiaru tuchi mose Santa Cena, jẽingo icuã ño nguiã Jesús quiato ataque je ũquĩ. Mbaecha reã ireĩ ireĩ no nguiã jēsi ũquĩ. ¿Mañi ae ra ñee jēje re? Eicuãte ũquĩ ndesẽ. Jenyuchua ae ae rei jẽquiaru sacuã ndesẽ.

Jesús quiaru mose uchimbaaquiatu rese

²³Jesucristo ae sí que sembaaquiatu ra. Ã ngue asenei ndei jēje nyii resē: Judas Jesucristo reacuquia nonde mbia icuã je, aque isa sí

que Jesucristo mbichae sirõ nda. ²⁴Gracias, i que ñee Dios je cote ra. Mbichae que esiquio uchimbaaquiatu je cote ra. —iCo jẽ! Jẽu. Serete rã no mbichae riquio ji co re. Jenii no nda serete riquio ji cote. Co jẽu mose, jendua ndua bei quia serese, i que Jesús mbichae mondo ee ra. ²⁵Quiaru jare que Jesús eyuquia rirõ cote ra. Nee ngue uchimbaaquiatu je cote ra. —Seruqui rã no uva rique co re. Mbia icuã mbutiã sacuã tuchi chô seruqui re. Dios cheẽ yasu rui si chô seruqui riqui nguiã mbia icuã mbutiã co. Co mbei mbei mose, jendua ndua bei quia serese, i que Jesús ee ra. ²⁶Jẽ co mbichae u mose, jẽ uva rique mbei mose, Santa Cena, i chô nguiã uqui je. Jẽ Santa Cena naa naa mose, Jesucristo mano nenei nenei no nguiã mbia je uqui. Santa Cena jẽsaã saã mbei quia Jesucristo tu mose chee.

Jendua tuchi Jesús rete rese Santa Cena u mose

²⁷Emo Santa Cena naa icuã icuã mose, ũquĩ siqui icuã icuã ño nguiã Jesucristo rete je ũquĩ. Ũquĩ siqui icuã icuã ño nguiã Jesucristo ruqui je ũquĩ no. ²⁸Nyebe nandendua ndua tuchi quiatu quia Santa Cena naa nonde. ²⁹Emo Santa Cena naa icuã icuã mose, emo ndua eã mose Jesucristo rete rese, ũquĩ nda Dios mbasi. ³⁰Ũquĩ je chỗ jendasi rasi bei riqui nguiã. Ũquĩ je chỗ jẽingo nguiã mano mano tuchi. ³¹Nande ae nandereco nandeicua jiri ae. Eĩ nda Dios nandembasiã cote. ³²Jesucristo nandembasi mose, nandemundua sacuã ño ũquĩ nde. Nandembitirõ sacuã ño cote re. Dios nandemombo eã sacuã tata cuasu chỗ ũquĩ nde. Jesús quiatoã mombo mose tata cuasu.

³³Nyebe aico nguiã ñee nyecua jēje co. Jē Santa Cena naa naa mose, jeñumunua nua turã ño. Jēingo turã ño jenyue. Jenyisaarõ turã ja chō Santa Cena u nonde. ³⁴Jemo niacuã siqui mose, sã quiaru uchuchua, Santa Cena naa nonde. Eī jenye mose, Dios ra siqui turã jēje cote, jeñumunua nua mose. Seso mose jendea ra secheē ataque asenei jēje cote.

Espíritu Turã ño nandechisaã saã sacuã mondo nguiã nande ae ae je

12 ¹Espíritu Turã ngue mbae mee jaaja nande ae ae je ra. —Co esaã nde, co rese eico nde, i jaaja que nande je ra. Ûquĩ ndese taembiirandu cote. ²Dios abareã ndese que jẽingo tuchi nyii ra. Mbia que jemingo tuchi dios abareã tubiriã ndese nyii ra. Dios abareã aba cheẽ andu aroneãte. Ûquĩ jẽingo Jesucristo rese ũquĩ cote. ³Ã ndese jendua tuchi: —Jesús icuãte riqui Dios je co, i mose emo, echeẽ ae chỗ ũquĩ nde. Espíritu Turã embucheẽ eã no nguiã ũquĩ. —Jesús rei Dios tuchi, i mose emo, echeẽ ae eã no ũquĩ nde. Espíritu Turã no embucheẽ nguiã ũquĩ.

4-6—Co esaã nde, co rese eico nde, i jaaja que Dios nande ae ae je ra. Espíritu Turã mii ño siqui bei nguiã nande ja rese co. Jesucristo mii ño siqui nguiã nanderese co. Jesucristo mo eãte emo. Dios mii ño siqui nguiã

nandembuquirăcuă co no. Dios mo eate emo. 7 Espíritu Tură uquirăcuă teacuquia cho nguia nande ae ae je co. Nandeico tura ja tuchi sacua Dios rese. 8 Espíritu Turã mii ño siqui nguiã co. Hue ri ja eã ño eriqui nguiã uquirăcuă mee nande je. —Nde ra erechee aracua bei quia, i cho nguiă nandemo je. —Nde ra mbia erembaaquiatu turā mbei quia, i cho nguiã nandemo je no. 9—Jesucristo ra ereicua tuchi quia nde, i cho nguiã nandemo je co no. —Mbia rasi ra erembuchero chero mbei quia nde, i chỗ nguiã nandemo je co no. 10—Mbia mae sayã nda eresaã saã mbei quia nde, i cho nguiã nandemo je co no. —Dios chee nda eresenei senei tuchi quia mbia je nde, i cho nguiã nandemo je co no. —Espíritu eicua icua bei quia nde. Etură icua. Eicuă abe icua no, i cho nguiă nandemo je co no. —Mbiamo ñee esaã saã tuchi quia nde. Mbia chee chumumbara, i cho nguiã nandemo je co no. —Mbia chee mo eicua icua quia mbia je, i cho nguiã nandemo je co no. 11 Ei no Espíritu Turã mii nguiã uchee mbuchao chao nande je co. Nandechisaã saã sacuã mee mee nande ae ae je co. Eĩ no Espíritu Turã mɨi nguiã uquirãcuã mbuchao chao nande je co no. —Co esaã nde, co esaã nde no, i chỗ nguiã nande ae ae je co.

Mbae mii na ño nandeico nguiã nande ja

¹² Jesús rete rã ño nandeico nguiã nande ã. Nande tubiriãte raque Jesús quiato. Sã aba rete resenda tubiriãte no. Eresa. Erie. Eo. Erete mii ndaque. Eĩ ño nande no nde. Jesús rete mii na. ¹³ Jesús rete rã ja chô nande re. Erete mii na ño nande ja re. Judíos mo ño nandeico nguiã nande ã. Judíos eã abe mo ño nandeico nguiã ã no. Mbia rimba mo abe abe nandeico ã no. Mbia rimba eã mo abe abe nandeico ã no. Mbae mii na ño nandeico nguiã Jesús quiato ja ã. Erete mii na. Eĩ ño Espíritu Turã mii nguiã nandemingo ã.

¹⁴Nanderete mii ae siqui ate. Nanderete resenda tubiriate riqui a.
¹⁵Nandei acho nee aroneate. —Eo ea nochi se. Nyebe erete resenda ea se re, i aroneate nandei nee. Nanderete resenda bei cho nandei re.
¹⁶Nandeisa acho nee aroneate. —Eresa ea nochi se. Nyebe erete resenda ea se re, i aroneate nandeisa nee. Nanderete resenda bei cho nandeisa re. ¹⁷Nanderesa acho mose nanderete resenda, i nda nandeico rei mbae anuate co. Nandeisa acho mose nanderete resenda, i nda nandeico rei mbae reto ate co. ¹⁸Dios ae que nanderete resenda mii ja ja cose ra. —Co tamii a, co abe tamii a no, i jaaja que nanderete resenda mii mii nda.
¹⁹Nanderete resenda mii mose, ei ndei ra nanderete eate. ²⁰Nanderete resenda ja que Dios mee nande je ra. Nanderete resenda tubiriate raque. Nanderete mii tuchi cho nene. ²¹—Arerecoa nda se, i aroneate nanderesa nee nandeo je. —Arerecoa nda se, i aroneate nanderesa nee nanderete resenda nete tuchi nae, ae nanderete resenda quiracua nea tuchi nae, uqui nguiarei nandechireco tuchi. ²³Ae nanderete

resenda aba ireĩte nae, ũquĩ nandetea quiatu chỗ nguiã. Nandechati turã no nguiã. ²⁴Ae nanderete resenda checuate riqui nae, ũquĩ nguiatu nandechatiã nguiã. Dios que nanderete resenda saã turã ja ra. Ae nanderete resenda aba ireĩte nae, ũquĩ quiatu aba queteamba re. ²⁵Nyebe nanderete resenda riqui nguiã nee aroneate nanderete resenda nongue je. —Arerecoã nda se, i aroneate ee. Nyebe nanderete resenda riqui nguiã siqui turã ja nyiese. ²⁶Nanderete resenda mo ndasi mose, nanderete mbasi ja chỗ nguiã. Nande nee turã mose nanderete resenda mo je, nanderete ia ja tuchi ra erese.

²⁷ Ã ño seche etuchi a nde: Cristo rete rã ño nandeico ja ngui a nande ã. Cristo rete resenda rã ja chỗ nandeico nguiã nande ae ae ã. 28—Co esaã nde, co rese eico nde, i jaaja cho Dios nguiã iglesia jenda uquiato je ã. —Cristo chimbaaquiatu tuchi cho nde re, i cho nguiã emo je. —Sechee nenei neneisa cho nde re, i cho nguiã emo je no. —Mbia mbaaquiatusa chỗ nde re, i chỗ nguiã emo je no. —Mbia mae sayã esaã saã nguia nde, i cho nguiã emo je no. —Mbia rasi embuchero chero nguia nde, i cho nguiã emo je no. —Ayudante eico nde, i cho nguiã emo je no. —Iglesia rerecuară nde, i cho nguiă emo je no. —Mbia cheemo esaă saă nguia nde, i chỗ nguiã emo je no. ²⁹Cristo chimbaaquiatu ja eã ño nande re. Dios chee nenei neneisa ja ea no nande no nde. Mbia mbaaquiatusa ja ea no nande no nde. Mbia mae sayã naa naasa ja eã ño nande no nde. 30 Mbia rasi mbuchero cherosa ja ea no nande no nde. Mbia cheemo naa naasa ja eã ño nande no nde. Mbia cheemo mbiasa asasa ja eã ño nande no nde. ³¹ Nandechee no Dios je. —Ndequiracua emee na seje. Ae je erechee nee ure je, e î nda <u>ugu î</u> mo asa î sa se abe, nande guia <u>n</u> ee Dios je. Mbae tur î tuchi mo tasenei na jeje.

Nandechesecua eã mose, Dios chiriro no nande re

18 ¹Se nyesecua eã mose mbia rese, secheẽ iru iru beite ra eriqui. Mbia cheẽ nda aicua ja raque. Angeles cheẽ abe ra aicua raque no. ²Se nyesecua eã mose mbia rese, mbae turã mo naasa eã ño se re. Dios cheẽ nda ambuchecua checua tuchi raque. Se ra mbae aicua ja raque. Se ra Dios aicua tuchi raque. Ibi ibate mo nda arusuri raque Dios quirãcuã je. ³Se nyesecua eã mose mbia rese, aico chooño mbei chō nda se. Sembae ra amee ja raque mbia mbaecha reã je. Mbia ra serei raque, se Dios cheẽ nenei nenei mose.

⁴Ae nyesecuate quia mbia rese nae, ũquĩ nguia siqui minguete nguiã mbia je ã. Ũquĩ nguia eturate riqui nguia mbia je co. Ũquĩ nguia mae icua icua eate nguia emo mbae rese ã. Ũquĩ nguia "seaquiatu tuchite se", iate nguia co. ⁵Ae nyesecua quia mbia rese nae, ũquĩ nguia "se quiatu", iate nguia mbae mo je. Ae aba ireîte nae, ũquĩ mo esaa saa eate quia co. Ae nyesecua quia mbia rese nae, ũquĩ nguia paama i jei jei eate nguia ã.

Ũquĩ nguia ndua icuã icuã eâte nguiã emo icuã mose ee ã. 6Ae nyesecua quia mbia rese nae, ũquĩ nguia eya eâte riqui nguiã, emo mbae icuã naa mose ã. Emo mbae turã naa mose quia eyate riqui nguiã ã. 7Ae nyesecua quia mbia rese nae, ũquĩ ñimbirãcuã ño nguiã mbae ja je ã. —IIchōiño nguiã, iã ño nguiã mbia cheẽ je. Siqui tochi chō nguiã.

⁸Dios quiato ra nyesecua bei mbia rese, mbae ua ja chee. Dios cheẽ nda nandesenei senei eã emo mose cote. Mbia cheẽ ata mo nda nandesaã eã emo mose cote. Mbia mbaaquiatusa mo eã nda emo mose cote. Ũquĩ nda ua ja chee. Dios quiato quiatu ra nyesecua bei quia. ⁹⁻¹⁰Mbae mii mii ño nandeicua icua nguiã namo ã. Jesús tu mose quia ra mbae mii nandeicua eã cote. Dios cheẽ miite nandesenei senei nguia namo ã. Jesús tu mose quia ra mbae nandeicua ja cote. ¹¹Señetẽ mose que aico ñee ñee mbia riirĩ na nda. Mbia riirĩ na ño ngue aico ndua ndua señetẽ mose ra. Mbae que aicua icua chō nguia mbia riirĩ na no nda. Secuasu mose que señetẽ mosenda asecha ja cote ra. ¹²Mbae cuu rese mae naanguia chō nandeico nguiã mae namo. Jesús tu mose quiatu ra mbae checua ja nande je cote. Mbae mii mii ño aicua icua nguiã namo co. Jesús tu mose quia ra mbae aicua ja cote. ¹³Ã nandeico Dios icuate ã. Ã nandeico Jesucristo ru raarõ arõ ã. Ã nandeico nyesecua jate mbia rese ã. Nandechesecua mose quiarei, ũquĩ eturã tuchi mbae ja si.

Mbiamo chee naa naa mose

¹ iJenyesecuase tuchi quiatu quia mbia rese jẽ! Jeñee ño nguia Dios je. —Paba, ndequiracua emee na seje. Mbae raa naa sacuă ndeje, jenye bei cho nguia Dios je. —Ndechee asenei senei sete ndequiracua je, jenye cho nguia ee. 2 Jesús quiato mo mbiamo chee naa naa mose, mbia ra eicuayã jate. Dios mii ño nda eicua nguiã. Dios mii je chỗ eriqui nguiã ñee. Uchue si chỗ eriqui nguiã ñee. Mbia quia echeẽ icuayate nguia. 3 Ae Dios chee senei senei nguia, ũquɨ nguia ñee nyecuate nguiã mbia je. Ũquĩ nguia mbia mbaaracua turãte nguiã Jesucristo riĩ. Ũquɨ nguia mbia mingo uquia tuchɨ nguiã Jesucristo rese no. Ũquɨ nguia mbia mbia tuchi nguiã Jesucristo rese no. 4Ae mbiamo chee saã saã nguia nae, mbia mingo uquia reã ño nguiã Jesucristo rese. Ae ae umingo uquia nguiã erese. Ae Dios chee senei senei nguia nae, ũquĩ nguia Jesús quiato mingo uquiate nguiã Jesús rese. 5 Mbiamo chee nda jesa aquiatu ja raquete seje chã. Dios cheẽ nenei nenei aquiatu mose, ũquɨ nguia eturã tuchi re. Ũquĩ nguia eturã tuchi mbiamo cheẽ naa naa si re. Ae mbiamo chee saa saa nguia nae, aque uchee mbiasa mose Jesús quiato je, etura ño ũquĩ no nde. Jesús quiato mingo uquia chỗ nguiã Jesús rese ũquĩ.

⁶Se mbiamo cheẽ naa naa mose jẽje, ũquĩ nda jemingo uquia reãte Dios rese. Se ñee nyecua mose jẽje, ũquĩ nguia eturãte re. Ae rese Dios sembiirandu nae, ũquĩ nenei nenei mose jẽje, ũquĩ nguia eturãte re. Se Dios cheẽ mbuchecua tuchɨ mose jẽje, ũquĩ nguia eturãte no nde. Se Dios cheẽ icua icua tuchɨ mose jẽje, ũquĩ nguia eturãte no nde. Mbiamo cheẽ naa naa si. 7Sã música no. Emo flauta mbucheẽ icuã icuã mose, mbia ra tonada icuayãte. Emo guitarra mbucheẽ icuã icuã mose, mbia ra tonada icuayã no. 8Sã soldados no. Emo corneta mbucheẽ icuã icuã mose, soldados ra icoquiatuã. 9Eĩ si chỗ jẽ no nde. Jẽ mbiamo cheẽ naa naa mose, mbia ra jeñee icuayãte. Jẽ mbiamo cheẽ naa naa mose, mbia eãsa ñee ñee na ño ũquĩ nde. ¹¹ Mbia cheẽ ñumumbarate eriqui rei. Ucheẽ ae raã naa mose, echecuate ee. ¹¹ Emo ucheẽ naa naa mose seje, se eicuayã mose, mbiamo ño aico nguiã ee. Mbiamo ño ae riqui nguiã seje no. ¹² Espíritu Turã quirãcuã jenyosei tuchi quia reae. Coche tuchi chỗ ũquĩ nde. Jesús quiato mingo tuchi sacuã Jesús rese chỗ equirãcuã jenyosei jẽ.

¹³Nde mbiamo cheẽ naa naa mose Jesús quiato je, echeẽ na Dios je. —Paba, ndequiracua emee na seje. Sechee mbiasa sacua mbia je, ere chỗ Dios je. ¹⁴Se mbiamo cheễ naa mose Dios je, acheễ ñee ndaque Dios je. Mañi ae quiatu ñi se quia ñee ee. 15 Mbiamo chee abe ra asaã saã ndaque Dios je. Sechee abe ra asaa saa ee no. Mbia sechee icua ja sacua. Mbiamo chee abe ra asaa saa se irasei rasei mose. Sechee abe ra asaa saã se irasei rasei mose no. 16 Nde mbiamo chee naa naa mose Dios je, mbia ra ndechee icuayate. Ae eaquiatuate, uqui nda ndechee icuayate. Nyebe eriqui nguiã ñee aroneate Dios je nderese. Nyebe nandecheẽ sí chỗ nandesaã Dios je. 17 Coche jeingo nguiã nee Dios je. Jenee si quia nda aba saã Dios je re. Jẽ mbiamo cheẽ naa naa mose ee, jendesenda quia nda jeñee icuavate nguia. Uqui mose ra jendesenda jemingo uquia reate Jesús rese. ¹⁸Mbiamo chee aicua tuchite raque quia jesi co. Gracias, aete raque quia Dios je ũquɨ nɨɨ co. ¹⁹Dios quiato ñumunua mose, acheẽ nyecuase rete ee. Sechee jua cho ndaque. Cinco palabras. Mbiamo chee nda asaa ea ee. Mbiamo chee icuayate quia nene. Emo nda nee oco raque ee, icuayate rae.

20 Mbia riirī naate ra jēingochī, Seresenda. Jendua quiatu secheē ndese mbia cuasu rā. Coche jēingo nguiā mbia riirī na mbae icuā naa ndocoī.
21 Ā ndei Dios cheē mbesa ji ã:

Mbiamo tamondo rei secheẽ nenei nenei sacuã ã serimba je. Secheẽ nda esenei senei ndei serimba je mbiamo cheẽ je.

Aquere ra serimba secheẽ mumba i i tuchi querabe, i que Dios ra, i que embesa ji ra. ²²Jemo mbiamo cheẽ naa naa mose, Jesús quiatoã mundua sacuã Dios rese chỗ ũquĩ nde. Jẽ Dios cheẽ nenei nenei mose, Jesús quiato mundua sacuã ño Dios rese chỗ ũquĩ no nde. ²³Jesús quiato ñumunua nua mose u, sã mbiamo cheẽ naa naa ja eã u. Jẽ mbiamo cheẽ naa naa ja mose ra Jesús quiatoã ñee jẽje. "Earacuayã" i ra ique mose mae jendese. ²⁴Coche jẽingo nguiã Dios cheẽ nenei nenei ja jeñumunua mose. Jesús quiatoã mo ique mose jendea, ndua ndua tuchi ra huiicuã

ndese. —Seicuã tuchi chō aico se re, i ra jeñee andu mose. ²⁵ Ae rese ndua ndua uchiangui renda icuã nae, Espíritu Turã ae ra ũquĩ mbuchecua checua nguiã ee. Nyebe ra ngoi ngũíã ndese ñee turã Dios je. —Dios riqui tuchi jendese a, i ra ñee jēje.

Mbae jesaa tura tura ja cho nguia jenumunua nua mose

²⁶—Eĩ jenye quiatu quia ñumunua Jesús riĩ, ae ra jẽje cote. Emo irasei rasei. Emo mbia mbaaquiatu quiatu Jesús rii. Emo Dios chee icua icua mbia je no. Emo mbiamo chee naa naa no. Emo mbiamo chee mbiasa asa ee no. Jenyuuru uru chõ nguia. Mbia mingo ja sacuã Dios rese chõ ũquĩ nde. 27 Mbiamo cheẽ jẽsaã saã mose ñumunua mose, jẽ nyeremoño ño jeñee ñee. Jenyuuru uru cho nguia. Sã emo ndiqui echee mbiasa asa. 28 Jemo echeemo mbiasa aquiatuã mose, mbiamo chee nda jesa saachi, jeñumunua mose. Jeñumunua eã mose quiatu mbiamo cheẽ jesaã saã je ae Dios je. ²⁹ Ae ra Dios chee senei senei mbia chumunua mose nae, sã nyeremoño ño ñee. Sã eataque ndua ndua ũquɨ ñee ndese. Eɨ ngue ra, i sacuã. Eĩ eã ngue ra, i sacuã abe echeẽ icuã mose no. 30 Emo chĩ mose Jesús quiato ataque mbaa quiatu quiatu, emo nda ñeechi eche cúaa. — Nde abe ã embuchecua mbia je, i mose Dios emo je, sã ñiinda ñee ja rã nyii. ³¹—Nde abe ã embuchecua mbia je, i mose Dios jemo je, jenyuuru uru cho nguia nee. Mbia Dios chee icua ja sacua. Mbia siqui tuchi sacua Dios rese. 32—Nde abe ã embuchecua mbia je, i mose Dios emo je, sã emo ndaarõ mbɨrɨ na huɨ, emo chɨ mose Dios cheẽ nenei nenei. 33 Jemo ñee mose jenongue chee cúa, Dios biate ũqui. Jeñee tura mose nyuuru uru, ũquĩ nguia Dios bite re. Eĩ ja chỗ Dios quiato nguiã iglesia jenda ja. ³⁴Jeñumunua nua mose Dios rɨɨ, cuña mo nda ñeechɨ. Eɨ sɨ que Moisés chimbesa no nda. Sã cuña ndiqui mbia cheẽ mumbayã mbei. 35—Ũquĩ embuchecua seje, i aroneate cuña ñee mbia chumunua mose. Uchuchua quia cuña ñee ngu je, ñimbaaquiatuse mose. Cuña mo ñee aroneate Jesús quiato chumunua nua ite re. 36—Ichôiño nguiã ¿jenye quia secheẽ mose re? Jẽ nane je eã ngue Dios ñee ndesẽ. Jẽ mɨi je eã ngue Dios ñee ndesẽ.

³⁷Secheẽ ae eã ambesa nguiã jẽje co. Dios cheẽ ño ambesa nguiã jẽje. —Dios que uquirãcuã mee seje ra. Ucheẽ nenei nenei sacuã, i mose jemo ñee, sã ũquĩ nane ñee seriĩ. —Dios cheẽ tuchi chỗ Pablo senei senei nguiã, sã i seriĩ. ³⁸Ūquĩ secheẽ isi sereã mose, jẽhui chỗ esi. Sã eaquiatuã ae riqui. ³⁹iDios cheẽ jẽsenei seneise tuchi quiatu jẽ! Jemo mbiamo cheẽ naa naa mose iecheẽ nda jẽsiquisã quisãchĩ jẽ! ⁴⁰iMbae jẽsaã turã turã ja chỗ nguia jenumunua nua mose jẽ! Jenyuuru uru turã no nguia.

Cristo quera si mose

15 ¹Dios cheẽ turã ngue asenei senei nguia jēje Jesucristo rɨɨ nae, ũquɨ sɨ rese chỗ aɨco nguiã jemundua ndua co. Ũquɨ ngue jẽisi

turăte. Jēingo beite ũquĩ ndese ũquĩ. 2 Ũquĩ ndiqui jemingo beite ũquĩ, jẽtesareiã mose secheẽ si. Ũquĩ jẽingo Jesucristo icua iruã ũquĩ. 3Ae Dios senei senei seje nae, ũquĩ nane ngue asenei senei jēje ra: Jesucristo que mano nandeicuã ndiquicharõ. Embesa ji chee nguire. 4Mbia que echati rei. Tres días mose que quera si. Embesa ji chee nguire. ⁵ Quera si mose que nyecua Pedro je. Aquere que nyecua uchimbaaquiatu doce je cote. 6Quinientos uquiato je que nyecua cote. Hue equiato chi ja mose ñumunua. Ũquɨ tubɨrɨäte riqui ã. Emo emo ngue mano nda. 7 Nyecua que Jacobo abe je cote no. Aquere que nyecua uchimbaaquiatu jaje cote. 8 Nyecua nyecua jare mbia je que nyecua chee se abe je cote ra. Sã cuña ndiqui era mo mbua no, uqui na si cho aico rei nguia se co. 9Se quia señete jiri riqui nguia Jesús chimbaaquiatu ataque si co. —Jesús chimbaaquiatu cho se re, ae ea jiri quia co. Seicua tuchi quiatu ngue Dios quiato je nyii re. ¹⁰Dios turã ae semingo turã nguiã co cote. Dios turã ñooño eã ño eriqui nguiã seje co. Se abe que serecoteã jiri riqui nguiã Jesús rese echimbaaquiatu ataque si ra. Mbae raã naa Jesús je. Se ae eã ño ngue aico nguiã mbae rese. Dios turã ae ngue semingo nguiã mbae rese. 11—Aba Dios chee senei senei tuchite quia reae, ure ate equia co. Ũquíã ñene. Uresenei senei ja chỗ equia ã ndesẽ. Jẽ ngue urechisenei senei jeisi turate quia rese.

Mbia raaque quera si mose

12—Cristo que quera si manonde ra, ure que equia erenei nenei jeje. Urechee ngue jeisi tură ndei nyii. ¿Mbaeră jemo ndiqui nee cote re? —Mbia raaque ra querayã mbei, i cote re. 13 ¿Cristo raaque bei namo nde? —Mbia raaque ra querayã mbei, jenye mose, ¿mañi Cristo raaque quera re no? ¹⁴Cristo raaque quera si eã mose, eĩ nda ureico rei echeẽ nenei nenei iru chõ. Eĩ nda Jesucristo jẽicua iru chỗ ndei. ¹⁵Cristo raaque quera si eã mose, eĩ nda ureico rei ñee ñooño Dios riĩ mbia je. —Dios que Cristo mbuquera si ra, ure bei equia ã ndese. Mbia raaque quera si eã mose, i nda Dios Jesucristo raaque mbuquera si ea ndei no. 16 Mbia raaque querayã mose, e i nda Cristo raaque quera eate rei no. ¹⁷ Cristo raaque quera eã mose, eĩ nda jẽingo rei Cristo icua iru no. Eĩ nda jẽingo rei jẽicuã nderequia beite no. 18 Ei nda Cristo quiato quiacha mbei rei manonde no. 19 A mii eã ño Cristo riqui nguiã nanderese. Nandemanonde abe ra eriqui bei nanderese no. A mii mose, ei nda nandeya ea tuchite riqui rei mbia mo si no. ²⁰Cristo que quera si ra. Ae bei tuchi. Ae rane ngue quera nyii ra. Nyebe ra mbia abe quera si eraã si cote no. 21 Adán mii nane ngue mano huiicuã je cose ra. Nyebe nandeico nguiã mano mano mbei cote. Ei si cho Cristo mii quera si nguia cote. Nyebe ra uquiato mbuquera si ja cote. ²²Sã nandeico mano mano ja Adán ndui ã no, ei si ra Cristo nandembuquera quera no. ²³Dios que Cristo rane mbuquera nandesi ra.

Cristo tube mose, uquiato raaque ra embuquera ja cote. ²⁴Cristo tube mose ra mbae ibi jenda ua ja cote. Mbia mo nda siquíã ererecua cote. Cristo ra mbae mee ja Dios je cote. Cristo ra mbia rerecua mbutiã ja cote. ²⁵Ererecuarã tuchi ra Cristo cote. Uquiatoã nda embuquiachã ja tuchi chee cote, ae siqui mose ererecuarã. ²⁶Mbia mano mano mose, Cristo biãte ũquĩ. Ûquĩ abe ra Cristo mbuquiachã tuchi mbia si cote. Mbae icuã ataque ra embuquiachã ja rã nyii. ²⁷Dios que mbae mee ja Cristo je ra. Cristo mbae rerecua ja tuchi sacuã. —Cristo ra mbae rerecua ja tuchi, i ñi embesa ji re. Dios rerecua eã ndaque. Mbae ja rerecua chõ nda Cristo. ²⁸Dios mbae mee ja mose Cristo je, Cristo ra ñimee Dios je cote no. Eriirīte quia ñene. Eĩ nda Dios mbia rerecua ja tuchi cote.

29 Emo emo ño bautizar i nguiã eraaque rii uqui. Eraaque quera si eã mose ¿mbaerã uqui ndiqui bautizar i eraaque rii nde? 30 Mbia raaque quera eã mose, ei nda ureico rei Dios cheë nenei nenei ate mbia je co. Ei nda mbia riqui rei ureiquia seri seri ate. 31 Mbia "taiquia" i bei beite quia seje a. Achee ñooño eate jeje. Sa seyate riqui jendese co no. 32 Nyacua ra tuchi que Efeso jenda riqui seje ra. Uqui ngue asiquisa tuchi rei quia nee nda. Ei nda asiquisa quisa iru rei no, mbia raaque quera ea mose. Mbia raaque quera ea mose, ei nda nandeico rei nee. —Mbae nandembei chooño. Mbae nandeu chooño. Mano mbei cote, i. 33—Ei jenye quiatu iichi nda mbia jembiiri iri je! Jeingo mose mbia icua ndese, jembiicua icua nda je abe cote. 34 Jendua quiatu. Mbae tura nguiatu jesaa saa nguia. Mbae icua jesaa ea nguiatu quia. Jemo emo ndiqui Dios icuayate uqui. Aba irei tuchi quiarei uqui.

Jesús quiato rete yasu ja ra cote

35 Jemo nda ñee ndei. —¿Mañi nda eraaque quera si re? ¿Mañi nda erete cote re? i ra jemo ñee ndeae. 36 Ndua eã ño nguiã ũquĩ. Sã nandeico mbae eĩ tiquia no. Mbae eĩ nda soõ suri sacuã cote. Eĩ si chỗ nda nanderete soõ nandemano mose. Nanderete yasu sacuã cote. 37 Sã nandeico mbae eĩ tiquia no. Ei ra nandechitiquiayã. Ieĩ achỗ ño nandechitiquia nguiã. Quiata a eĩ. Mbaemo eĩ abe no. Ei quia nda suri nguiã cote. 38—Ĩ ño nda ndei, i chỗ Dios nguiã mbae eĩ jaje. 39 Nanderete rã ño mbae eĩ nde. Eĩ ja eã ño mbae rete re. Emo ño mbia rete no nde. Emo ño quiaa riinda rete no nde. Ae mbebe quia, erete ae chỗ ũquĩ no nde. Sira ae erete mo no nde. 40 Ibatenda ae rei erete mo no. Ibi jenda ae erete mo no. Ibatenda ae rei erete turã mo no. Eĩ ja eã ño mbae rete re. 41 Nyasi rendi rã eã ño tenda rendi re. Nyasi tata rendi rã eã abe no. Nyasi tata rendi chiabi abi chỗ eno nde. Erendi turã ja raque.

⁴²Eĩ si chố mbia raaque quera je re. Ae mbia raaque nandechitiquia quia nae, ũquĩ ndei soố je ũquĩ. Ae ra quera si nae, ũquĩ nda soố eã mbei cote. Manoa mbei ra eno. ⁴³Ae nandechitiquia quia nae, eraaque tuchi

chỗ ũquĩ nde. Ae ra quera si nae, enininya tuchi chỗ ũquĩ cote re. Etiquia mose, equiracua nea tuchi cho aque mose re. Equera si mose, equiracua tuchi cho aque mose cote re. 44 A nanderete nandereco a nae, erete acho no ũquĩ nde. Quera si mose ra nyiicabo tuchi cote. Mbae ibi jenda ra mano ja. Ae ibi jenda eã nae, ũquɨ nda manoa no. 45 Ã ndei embesa ji chee ã: "Ae Dios chao Adán nyii nae, aque reco que siqui rei nyii ra", i que embesa ji ra. Ae tu Adán ndui Jesucristo, mbia mingo beisa rei aque. ⁴⁶ Ã nanderete nandereco ã nae, mano mano mbei arõte. Ũgui nane nandereco nanderete ã. Aquere quiatu ra nanderetemo nandereco cote. Manoa mbei sacuã cote. 47 Ae Dios chao Adán nyii nae, ibi je chỗ eao nguiã nyii. Nyebe ibi jenda bei ae re. Ae tu Adán ndui nae, Jesucristo i equia ee nae, ibatenda cho aque re. 48 A nanderete nandereco a nae, Adán ndete rã si cho nanderete nandereco nguiã ã. Ibi jenda cho ã nanderete re. Ae nanderete ra quera si nae, ibatenda rete rã ño nda ũquĩ cote. 49 Ae Dios chao ibi je nyii nae, Adán i equia ee nae, aque rã si cho nandeico nguiã nande abe namo ã. Aquere ra nandeico ibatenda rete rã cote. 50 Nanderoo achõ ño nanderete re. Nanderuqui abe no. Ũquɨ oso aroneate ibate Dios récuaa. Ae mano nguia soo nae, ũquĩ nyoi aroneate Dios récuaa. Ae mbia riqui manoa mbeite nae, huee nanderoo oso aroneate.

51 Ae rese mbia riqui jiranuate nae, ũquĩ tasenei na jẽje. Nandemano ja eã ndae. Nandechiicabo ja chỗ ndae. 52 Corneta pu i mose ra Dios nanderete mbuchiicabo asi cote. Nanderesa piriră i ră nda Dios nanderete mbuchiicabo asi. Corneta pu i mose ra eraaque abe quera si manoa mbei nonde cote. Aque mose ra nandechiicabo bei nande abe cote. 53 Ae nanderete nandereco namo a nae, a nda nyiicabo tuchi cote. Manoa mbei sacuã cote. Soõ eã mbei nonde cote. 54 Nanderete nyiicabo mose, ũquĩ mose ra embesa ji chee io cote: "Nandemano ngue ua tuchi cote ra", i ñi embesa ji re. 55 Nanderasi ra nandeiquiayã cote. Ibicua ra nanderaaroã cote. 56 Nandeicuã ño nandemano mbu uquia nguiã nande je co. Moisés chimbesa cho nandeicua mbuchecua nguia nande je co. 57 Dios ra nandemano siquisã mbei nandesi cote Jesucristo rii. Nyebe nandeico nguiã gracias i tuchi Dios je ã cote. 58 Seresenda ijeñimbirãcuã tuchi quiatu quia je! iJesucristo rese jeingo bei quiatu quia je! iEchee jesenei senei mbei tuchi quiatu quia iel! Ae jesaa saa nguia Jesucristo rese nae, iẽsaã iru iruã no nguiã ũquĩ.

Ofrenda jembae jendecoquiatu, i Pablo

16 ¹Ae ofrenda ra jemondo Jesús icuasa je nae, ũquĩ tasenei jēje. Achee ngue Jesús quiato je ra. Galacia jenda je ra. Eraã si chō jeingo ae. ²Domingo mose bei jeingo mbae rerecúe cúe ae. Ofrendar ã. Ae mbae isi atate quia, sã aque mbae rerecúe ata jiri ae. Ae mbae isi mite quia, sã aque co mit jiri rerecúe ofrendarã ae. Ũquĩ jemunua ino seso nonde jendea ae. Eĩ

mose ra ofrendarã jēsaã eã seico mose jendese cote. ³Secuasẽ mose huee, jeñimondo sacuã mo jẽirabo ino, ofrenda rerao sacuã. Cartas nandemondo ũquĩ oo. Ofrenda rese. Ũquĩ nda amondo Jerusalén ña. Ofrenda rerao sacuã hue jenda Jesús quiato je. ⁴Ofrenda tubiriã mose ra aso se abe erese.

Aso ra jendea, i Pablo

⁵Macedonia ñi nane nda acua. Aquere ra aso ngasẽ jẽje cote. ⁶Aico arete jiri ra jendese huee reae. Ama mose bei ra aico jendese huee reae. Eĩ jenye nda sembucuata turã mondo cote, seso mose mbaranguiti. ⁷Amaeño sereãte jendese secua mose. Aico arese rete jendese huee, Dios eno i mose seje. ⁸Efeso taico are rã nyii. Fiesta de Pentecostés mose. ⁹Dios cheẽ asenei senei arõ tuchite mbia je a. Mbia seanduse rete. Emo emo icuã icuãte riqui Dios cheẽ nenei nenei mose seje ã no.

¹º Timoteo ngasẽ mose jẽje ijẽisi turã no jẽ! iSã eɨreɨ nguíã tuchɨ jẽsɨ jẽ! Se rã sɨ chô eriqui beɨ nguiã Dios cheẽ nenei nenei mbia je aque. ¹¹ iNyebe jemo Timoteo isiteã eã jẽ! iJembucuata turã no ɨmbu seje jẽ! Aɨco eraarô arô tuchɨ se a. Nanderesenda ataque rese.

¹²Achee ndei que nanderesenda Apolos je ra. —Nde abe eso erea, ae rei que ee jenii nda. Oso serea ngue namo nda. Osobi mose quia nda esi nguiã jendea cote.

Pablo ñee hui bei

¹³ iJendua tuchi quiatu quia jë! iJesucristo jëicua tuchi quiatu quia jë! iJësiquicheã tuchi quiatu quia jë! iJëquirãcuã tuchi quiatu quia jë! ¹⁴ iMbia rese jenyesecua tuchi quiatu quia mbae raã naa mose jë! ¹⁵ Seresenda, jëingo Estéfanas chuchua jenda icua jate ũquĩ. Ũquĩ nane tuchi ngue Jesús icua Acaya jenda nyii nae. Ũquĩ ndiqui mbae mondo mondo bei Jesús quiato je ũquĩ. Ũquĩ ndiqui mbae raã naa mbei Jesús quiato je ũquĩ. ¹6 Ũquĩ na si chō jëingo. Ũquĩ ñee nda jemumbachĩ. Ae Dios cheë senei senei nguia nae iũquĩ ñee nda jemumbachĩ jë! ¹7 Seya tuchi Estéfanas ngaẽ mose serea. Fortunato abe. Acaico abe. Ũquĩ ngue sembia tuchi ngaẽ jëingoã mose a ra. Ae jësaã aroneate quia seje nae, ũquĩ ño ngue esaã ngaẽ seje a ra. ¹8 Ũquĩ ngue sechiã mbucoite Dios rese ra. Jeñia abe mbucoite ereae. Gracias jenye bei ũquĩ je.

¹⁹ Jesús quiato Asia jenda ja chô saludos mondo quia jēje aque. Aquila abe saludos mondo quia jēje aque. Priscila abe. Ae Jesús quiato ñumunua nua nguia ũquĩ nyuchua nae, ũquĩ ja abe saludos mondo quia jēje Jesucristo riĩ aque. ²⁰ Jesús quiato a jenda ja saludos mondo quia jēje aque. Jenyiquiaama ama ja quiatu quia Jesús riĩ.

²¹Seo je tuchi co saludo ambesa mondo quia jeje aque. Pablo tuchi cho se re. ²²Emo nyesecuaya mose Jesucristo rese, sa Dios embasi. Echu, Jesucristo. ²³Jesucristo tura nda siqui jendese cha. ²⁴Achesecua ja cho nguia jendese Jesucristo rii co. Amén.

SEGUNDA CARTA DEL APOSTOL SAN PABLO A LOS CORINTIOS

Pablo uchee mbesa mondo Corinto jenda je

1 Pablo cho se re. Dios chiirabo cho se re. Jesucristo chimondo cho se re. Timoteo rese co ambesa mondo quia jeje aque. Jesus quiato Corinto jenda ja je. Acaya jenda ja je abe no. 2 Sa Dios utura mingo tuchi jendese. Sa Dios jembia bei mingo. Sa Jesucristo abe jembia bei mingo.

Pablo mbae rasi saã tuchi

³Gracias nande bei tuchi quiatu quia Dios je. Jesucristo rute quia ae re. Ae quia eya eãte riqui nguiã nanderese co. Ae chỗ nandeya eã mbuquiachã quiachã nguiã co. ⁴Mbae icuã tu mose ure je chỗ Dios riqui nguiã ureya eã mbuquiachã quiachã ure si co. Ure mbia mo mbia sacuã abe chỗ ñene. Mbae icuã tu mose ee. ⁵Cristo rane ngue mbae rasi saã tuchi nyii ra. Mbia urembasi mbasi tuchi quia ure abe Cristo rif ã. Cristo riqui urembia tuchi ure abe ũquĩ mose co. ⁶Ure mbae rasi raã mose, jēje chỗ ñene. Ure mbae rasi raã mose nyii, jēingo sacuã Dios rese chỗ ñene. Ĩ nda jēya bei riqui mbae rasi raã mose. Dios ureya eã mbuquiachã mose, jēya eã mbuquiachã sacuã abe chỗ ñene. Eĩ nda jeñimbirãcuã tuchi mbae rasi raã mose. Sã ureico mbae rasi raã ure no. 7—Mbae icuã tu mose ee, ñimbirãcuã turã nda Dios riĩ, ure beite equia jenii ã. Mbae icuã tu mose jēje, Dios ra jēya eã mbuquiachã jēsi. Sã seya eã mbuquiachã sesi no.

8Mbae rasi que uresaã tuchite ureico mose Asia ra. Ûquí ndese taembiirandu. Mbia que ureucuayate quia ra. Aete ureico ñimbiracua ea. —Mbae icua nda hui ea mbeichi nandesi re, ure rei que equia ra. 9—Mbae icua nda nandemingoa nyee, ure rei que equia ra. Mbae icua tuutu bei mose ure je. Ure Dios icua sacua no ngue uquí nde. —Nande ae ea nene, ure i sacua no nene. Sa Dios ae riqui mbia raaque mbuquera

uquirãcuã je no. ¹⁰Mbae icuã ureiquia serĩ nguia nae, ũquĩ si que Dios ae urerirõ nda. Ũquĩ si eriqui urerirõ ndirõ mbei ã. Ũquĩ si ra eriqui urerirõ mbei no. Ũquĩ ureicuate quia ã. ¹¹Jẽ abe jeñee Dios je ureriĩ no. Mbia tubiriã ñee mose Dios je ureriĩ, Dios ra ũquĩ ñee ñandu. Dios ra uturã mondo tuchi ure je. Ũquĩ nda gracias i tuchi Dios je ureriĩ cote.

Pablo oso jei eã Corinto

¹²Ure que mbia mo urembiiri iri ate quia ra. Je abe mbiiri iria no. Dios resendate que ureico jeje ra. Ureyate mbae tura naa naa mose jeje. Nyebe urechia iate riqui nguia. Dios ae cho ngue uremingo mbae tura ndese huee ra. Ureaquiatu ae ea ngue ra. ¹³Ae urembesa mondo quia jeje nyii, uqui jeicuate raque quia uqui. Urechimbesa checuate raque. Urechimbesa nda jeicua ja tuchi ra seje cha. ¹⁴Je seicua jiri raque quia uqui. Jeya tuchi ra nda urerese Jesucristo tu mose cha. Sa ureyate riqui jendese a no.

15 Sã jẽyate riqui serese co no. Ũquɨ aɨcuate quia se abe co. Nyebe acheẽ ndei nguiã sechiangui re nyii. —Tasobe rã erea. Ĩ nda eyabe jiri sesobe mose erea, ae rei que se nyii ra. 16—Seso mose Macedonia, taicha bei oso jendea, ae rei que se ra. —Obei abe nda aichabe erea chã. Ĩ nda mbae mo mee seje sembu bei sacuã Judea, ae rei que se no nda. 17 Se ndua mose ũquĩ ndese, ¿eicuấte ũquĩ nde? ¿Achee noono no se quia ũquĩ nde? Se eno i mose, eno ae bei cho nda se. Sechee nda ambuchebia mbei. Jesús quiatoã ae ũquĩ saã nguiã. 18 Sã Dios ñee ñooñoa no. Eĩ ure quia ure abe urechee mbuchebia jeje a. 19 Sa Dios rucucha uchee mbuchebia mbei no. Jesucristo i equia ee. Ae abe eno i bei quia co. Jesucristo sí chee no ngue asenei senei nguia jeje rese. Timoteo rese. Silvano abe rese no. 20—Mbae tură nda asaă jēje, i tuchi rei que Dios quia nande je nyii ra. Jesús rii ño eriqui nguiã ũquĩ naa naa nande je ã cote. Jesús riĩ ño nandeico nguiã Amén i Dios je ã cote. ²¹ Dios ae cho nandembiracua mingo nguia Cristo rese co. Nandemingo icúe umbaerã. ²²Dios que nandeisirõ umbaerã nda. Umbae marca que emii naanguia nanderese ra. Espíritu Turã ngue emondo nandechiangui re ra. Nanderereco quiatu sacua umbaera.

²³Aso eã equia jendea nae, jēireĩ ngũíã sacuã no asoã nguiã jendea aque mose. Seso sereã ae eã ngue eno nde. Acheẽ nooño eã no nguiã jēje co. Dios riqui sechiã icuate co. ²⁴—Jenderecuarã nda se, ae ate quia co. —Co rese chô jẽingo ndua, ae aroneate quia jēje co. Taembia chô Jesús rese. Ũquĩ mɨi no asaã nguiã jēje. Jẽ ae chô jenimbiracua nguia Jesús icua ũquĩ.

1—Aso si eã nda ñee asi asi jēje jembia eã, ae que se ra. ²Seso mose jembia eã, aba quia ra sembia se cote. Jẽ ño sembia quia resẽ. ³Nyebe ambesa mondo jēje nyii resẽ. Jẽ mbae mbitirõ sacuã seso nonde jendea. Seso sereãte que oso mae jēicuã ndese ra. Sembia eã sacuã. Jẽ nguia nda sembia nguiã ña. —Seya mose ra jēya jẽ abe, ae que se ra. ⁴Ae ambesa mondo jēje

nyii nae, ũquĩ mose que seya eã tuchi riqui jendese ra. Acheseo chee que jendese ra. Jembia eã sacuã eã ño ngue aque ambesa mondo nguiã jēje. — Pablo ndua tuchichĩ nanderese, i sacuã ño ngue ambesa mondo nguiã jēje.

Ae mbae icuã saã nguia nyii nae, aque jeisi tura no cote, i Pablo

⁵Ae siqui ngu ninisi rese nyii nae, sembia eã tuchi chô aque re. Se mii eã ngue sembia eã nda. Jemo abe abe mbia eã ngue ra. ⁶Mbae rasi que esaã tuchi huiicuã nii cote ra. Jẽ emombo mose nyii. Jẽisi turã ño cote. ⁷Aque icuã si jẽtesarei chô cote. Jẽturã ño ee cote. Jembia jiri. ¾ nda eya eã embiicha eã Dios si. ⁸Jenyesecua tuchi chô nguia erese jẽ. Jẽturã sí chô ee jẽ. ⁹—Ma secheẽ mumba eã, ae que embesa mondo jẽje nyii ra. ¹⁰Jẽtesarei mose aque icuã si, se abe atesarei chô nguiã esi co. Jenii ño aico nguiã tesarei esi co. Cristo resa rae chô aico nguiã tesarei esi. ¹¹Nandetesarei mose emo icuã si, Satanás siquíã sacuã nanderese chô ñene. Sã Satanás ndiqui aba mbiirĩ irĩ mbeite no.

Sechiã ngue ngoi eã mbei Troas ra, i ñi Pablo re

¹²Secuasẽ mose Troas Cristo cheẽ nenei nenei sacuã, Cristo que mbia mbuchiisaquia tuchɨ rei secheẽ andu ra. ¹³Tito oreãte que seje huee ra. Nyebe sechɨã ngoi eã mbeite nguiã. Nyebe "co acua quia co" ae nguiã hue jenda je. Macedóniaa ngue aso cote ra.

Dios uremingo tură mbeite quia Cristo rii co

¹⁴Aico gracias i beite Dios je co. Ae cho uremingo tura mbeite nguia Cristo rii co. Ae cho urembiracua nguia mbae icua si co. Ae cho uchee senei senei uquia nguiã ure je mangue jenda chooñoa je co. Aba mbushimbusa rã tuchi chỗ echeẽ nde. Sã aba mbushɨmbusa riqui mbae mbushɨmbu turã jate no. 15 Cristo riqui urechiangui re co. Nyebe ureico nguiã aba mbushimbusa rãte Dios je ã. Ure Dios chee nenei nenei mose, emo emo ño echee isi nguiã. Siqui bei sacuã. Emo emo ño echee isia nguia no. Nyoi sacua tata cuasu. 16 Ae ra nyoi tata cuasu nae, mbae shimbu icua naanguia cho Dios chee ndiqui nguia ee. Ae ra siqui bei quia nae, aba mbushimbusa turã naanguia cho Dios chee ndiqui nguiã ee. ¿Aba cho eaquiatu Dios chee nenei nenei ña? 17 Ae Dios chee senei senei ñooño nguia nae, ũquĩ na eã ño ureico nguiã Dios cheẽ nenei nenei ure ã. —Mbae mo jembu rã ure je, ureã tuchi chỗ nguiã Dios cheẽ nenei nenei mose jēje ã. Sã eataque riqui Dios chee abi abi erenei nenei mose no. Eš eã ño ure re. Dios chee uresenei tură ja cho nguiă ure. Ureico mingue cho nguiă erenei nenei ure ã. Dios cho ngue ureirabo nguiã ure. Cristo quiato cho ure re. Dios résaa cho ureico nguiã echee nenei nenei ã.

Jesús chee yasu nandereco quia a cote

¹¿Urecuasu uresaã saã sɨ reĩ nguia jẽje ã nde? Tei. Jenyɨɨcua ja chỗ ure resẽ. ¿Emo nda ureturã senei mbesa mondo jẽje re? ¿Emo nda jẽturã senei mbesa imbu ure je re no? Tei. Nandechiicua ja chỗ equia ã ndesẽ. ²Aico jenderequia beite sechiangui re co. Embesa ji rese mae na ño mbia riqui nguiã mae jendese ã. ³Urechimbaaquiatu chỗ jẽ ndesẽ. Cristo chimbesa rã ño jẽingo nguiã. Tinta je eã ngue jembesa ra. Espíritu Turã je chỗ ngue jembesa nguiã. Sita eã ngue Cristo mbesa nguiã. Jeñia ño ngue embesa nguiã.

⁴Cristo chố ã icua nguiã seje. Dios résaa chố aico nguiã ñee jēje ã. ⁵Sequirãcuã ae je ra mbae aicuayã. Dios chố uquirãcuã mee nguiã seje mbae icua sacuã. ⁶Dios chố uquirãcuã mee nguiã seje, ucheẽ yasu renei nenei sacuã. —Embesa ji cheẽ jemumbayã mose ra jaemingo bei, i ãte Dios quia nande je ã. Espíritu Turã ae chố aba mingo bei nguiã. — Embesa ji cheẽ tamumbayã mbei chố nguia seico bei sacuã, i mose emo, aque ra siqui bei eã. Espíritu Turã ae nandemingo beisa re.

7Sita mbesa ji Moisés quereco quia nae, mbae nininya tuchi que eriqui aque mose ra. Mbia mae sayă tuchi que Moisés ruba riqui ra. Moisés ruba nininyate quiatu ngue eriqui nguiã ee. Enininya que uque uquete oso quia cote ra. Moisés chimbesa mbia mingo bei aroneate. —Mbia siqui icuã mose, mbia ra mano, i que Moisés chimbesa mbia mbiirandu ra. 8Mbae nininyate raque aque mose. Ae Jesús cheẽ yasu nandereco namo ã nae, ũquĩ nguiarei enininya tuchi Moisés chimbesa si. 9Moisés chimbesa quiatu que mbia mbiirandu tuchi huiicuã ndese ra. Jesús cheẽ yasu quiarei nandembiirandu nandeicuã mbitirõ ndese. Jesús cheẽ yasu quiarei enininya tuchi Moisés chimbesa si. 10Moisés chimbesa quiarei enininya eã jiri Jesús cheẽ yasu si. Jesús cheẽ yasu quiarei i tuchi Moisés chimbesa si. 11 Moisés chimbesa que siqui bei sacuã eã nda. Jesús cheẽ yasu quia siqui bei sacuã nde. Nyebe Jesús cheẽ yasu enininya tuchi Moisés chimbesa si re.

12 Jesús cheẽ yasu ra siqui bei. Ũquĩ nandeicuate quia ã. Nyebe ureico nguiã ñee tuchi jēje ã. Mbae mbuchecua tuchi jēje. ¹³ Moisés rã eã ño ureico nguiã ure ã. Moisés que nguba chatite quia aque mose ra. — Î nda judíos mae eã seruba nininya que rese, i. ¹⁴ Judíos que Moisés chimbesa icuayãte quia ra. Namo abe eicuayãte. Emo leer i mose Moisés chimbesa je judíos je, icuayã mbeite. Ae siqui Cristo rese nae, ũquĩ mii ño Moisés chimbesa icua nguiã. ¹⁵ Namo abe judíos Moisés chimbesa icuayãte quia ã. Emo leer i mose ee, echecuayã mbeite riqui ee ã. ¹⁶ Emo uba mose Jesús rese, Moisés chimbesa abe ra echecuate ee cote. ¹⁷ Jesús si rei Espíritu Turã. Nandeico mose Espíritu Turã ndese, ae chỗ nandembui mingo nguiã Moisés chimbesa si ã. ¹⁸ Nande Jesús icua mose, espejo rã ño nanderuba riqui nguiã. Jesús ruba nininya rã i i chỗ nande re. Espíritu Turã abe siqui i i chỗ nguiã nanderese. Nyebe nandeico i i nguiã Cristo rã ã.

¹Dios turăte eriqui ure je co. —Jesús chee yasu jesenei senei mbei mbia je, i Dios quia ure je co. Nyebe ureico nguia nimondocho ate

echee nenei nenei mbia je ã. ²Mbae icuã asaã saã nyecuayã eãte quia co. Ae aba ireîte riqui nae, ũquĩ asaã saã eãte quia co no. Mbia ambiirî irî eãte quia Dios chee nenei nenei co no. Sechee ambeta mbeta eãte quia Dios chee je co. Dios chee ndui si tuchi cho aico nguiã erenei nenei co. Dios résaa cho aico nguiã erenei nenei co. Sechee noonoa mbia icuate raque quia uchiangui re ũquĩ. ³Ae asenei senei mbeite quia Jesús riĩ nae, echecuayã eã no ũquĩ nde. Ae ra nyoi tata cuasu nae, ũquĩ mii je cho echecuayã nde. ⁴Jesús icua eate quiatu nguiã. Nyebe aba checuayã nderecua riqui nguiã embaaracuayã Cristo chee tura nii co. Nyebe eriqui nguiã Cristo nininya icuayate co. Dios rã tuchi rei Cristo. ⁵Se mbia mbaaquiatu quiatu mose, serií eã no aico nguiã nee ee. Jesucristo rií no nene. Ae rei mbia rerecuarã tuchi. Jenimba rã no aico nguiã Jesús rií se co. ⁶Dios que nyaashí saã nyii ra. Itondaru beire nyii. Ae sí que nandembaaquiatu quiatu Jesucristo rií nda. Ae sí que Jesucristo nininya mingue nandechiangui re ra. Dios nininya rei Cristo nininya rã si.

Dios ae rese aico co, i ñi Pablo re

⁷Ure ae urenininya eãte raque. Tuchu achõ na ño ureico nguiã Jesucristo nininya siquíã mose urerese. Dios ae cho uquiracua mee nguia ure je co. 8Mbae icuã tã i bei beite raque ure je. Urechimondocho eã mbei rae. Mbae aba mbecoteã chiichite raque. Urehui eã mbei ra Jesús si. 9Mbia siqui icuã icuãte raque ure je. Dios quia hui ãte nguiã uresi co. Mbia ureririrõte raque. Urembui eã mbei quia nda Dios si re. 10 Sã mbia icuã icuã ndiqui Jesús je cose no. Sã eiquia no. Eĩ si chỗ mbia nguiã ureiquia serĩ serĩte ã no. Mbia mae sacuã Jesús quiracua ndese cho uqui nde. Ae quera si nae, aque quirăcuă ndese mae sacuă no uqui nde. 11 Ureico raque ure a. Mbia ureiquia seri seri mbeite quia Jesús rii a. Jesús quiracua siqui sacua urerete quiracua nea ndese cho uqui nde. Mbia mae sacua Jesús quiracua ndese chỗ ũquĩ nde. ¹² Uremano serĩ serĩte equia ã. Jẽingo turã sacuã Jesús rese chỗ ũquĩ nde. ¹³Sã embesa ji ñee no: "Dios icuare chỗ aico nguiã ñee", sã i no. Ei si chỗ ure no nde. Dios icuare chỗ ureico nguiã ñee. 14 Sã Dios quiracua Jesús raaque mbuquera no. Ei si ra Dios nandembuquera Jesús rii nande abe. Ae ra nandemingo tură ja ujii cote. 15 Seje mbae icuă icuă mose, jemingo tură sacuă no uqui nde. Î nda Dios utură mee mbia tubiriă je. Ť nda mbia tubiriã gracias i tuchi Dios je. Dios iate mbia ũquĩ naa mose.

¹⁶Nyebe ureico nguiã ñimondocho eã mbei. Urerete si raque quia ngoite qui cote. Urechimbiasu i i chô nguiã urechiangui re ã. ¹⁷Ae rasi uresaã nguia ã nae, ũquĩ ndasi ra ua jei chô. Ũquĩ ndasi raande nyii ra Dios mbae turã mee mbei ure je cote. Dios chimee turã nda ua eã mbei uresi cote. ¹⁸Ae rese nandeico mae mbae nae, ũquĩ nda ua jei. Ae rese nandeico mae eãte nae, ũquĩ nguia ra ua eã mbei. Nyebe ureico nguiã ndua mbae nandemae sayã ndese.

¹Sã tuchua riqui shii jeite no jẽ. Eĩ si chỗ nanderete no nde. Mano jei. Mbia serete iquia mose, tuchua ao ji mo ñi ibate seraarỗ arỗ pe. Dios chisaã ño hue re. Hue tuchua ra shii eã mbei. Mbia chisaã eã ño ñene. ²Tuchua mo na ndei nanderete. Shii jei. Co serete rerequia mose, aico jiabute co. Co aico oso sete sechuchua ibatenda rea co. ³I nda serete yasu areco bei pee ibate. ⁴Tuchua mo na ndei nanderete. Co serete rerequia mose, aico jiabute co. Seya eãte aico co. Semano sereãte raque. Serete yasu quia areco sete nguiã. Mbae yasu ja ra aque mose seje cote. Amanoa mbei ra aque mose cote. ⁵Ūquĩ je chỗ ngue Dios sererecoquiatu nguiã. Semingo turã mbei ra cote. Nyebe Espíritu Turã mondo nguiã seje. Sembiirandu sacuã ũquĩ ndese. Dios Espíritu Turã mondo mose seje, umbae marca mii naanguia serese chỗ ũquĩ nde.

⁶Nyebe aico nguiã ñimondocho eãte co. Ã nanderete rerequia bei mose, eĩ nda nandeso aroneate rei ibate siqui Jesús rese. ⁷Aico beite Dios icua co. Amae ãte raque erese. Ae rese nandeico mae nae, ũquĩ ndese aico ãte co. ⁸Nyebe aico nguiã ñimondocho eãte co. Co serete ajea bite raque oso sacuã ibate siqui bei nonde Jesús rese. ⁹Ae Dios bite nae, ũquĩ asaã sete quia ee co. Dios seisi turã nonde chỗ ũquĩ nde. Aa seico mose. Pee ibate seico mose abe no. ¹⁰Cristo résaa ra nandecu ja emo mose. Ae nanderea sacuã. Nandeicua sacuã. Ae mbae turã saã saã nguia siqui mose íbii nae, Cristo ra mbae turã mondo ũquĩ je pee cote. Ae mbae icuã saã saã nguia siqui mose íbii nae, ũquĩ je ra Cristo mbae icuã mondo

Dios ae nandemingo tură nguiă uchiese Jesucristo rii co

¹¹ Aba siquichesa tuchi cho Dios re, mbia siqui eã mose erese. Nyebe ureico nguiã mbia mbuti mbuti tuchi co. Dios riqui ureicuate co. Jẽ abe jẽingo ureicuate ũquĩ ndenoae. ¹²Ã ureico urecuasu raã naa si ãte raque ã. Jembia sacuã ño ureico nguiã ñee ureriĩ sí ã. Ĩ nda jeñee aquiatu mbia icuã ñee ndibishorõ. Ae uturã saã ñooño nguia nae, ũquĩ ñee ndibishorõ sacuã ño ñene. ¹³Urearacuayã mose, Dios cheẽ ndese siqui sacuã ño ñene. Urearacua mose, jembaaquiatu sacuã ño ũquĩ no nde. ¹⁴Sã Cristo nyesecua tuchite nanderese no. Ae chô sembuti mbuti nguiã co no. Cristo que mano nande ja je ra. Nyebe nande abe nandemano ja nguiã erese. ¹⁵Cristo que mano nande ja je ra. Ae nandebite riqui nae, ũquĩ ndese nandeico eã sacuã ño Cristo mano nguiã. Ae Cristo bite riqui nae, ũquĩ ndese nandeico sacuã nguiatu ngue Cristo mano nguiã. Nande je que Cristo mano nda.

¹⁶ Jesús quiatoã na eã ño ureico nguiã mae mbia rese ã. Urechesecua chô nguiã mbia rese ã cote. Urechesecua eãte raque Cristo rese nyii.
¹⁷ Emo ñimbucha mose Cristo rese, mbia yasu rã ño ũquĩ cote re. Ae esaã saã nguia mbae icuã nyii nae, ũquĩ si que hui ja cote ra. Mbae yasu ja chô ee cote re. ¹⁸ Dios ae ũquĩ saã ja nguiã nande je co. Dios ae nandemingo

turã nguiã uchiese Jesucristo rii co. —Mbia emingo mingo bei serese sequia toră jẽ, i que Dios seje ra. ¹⁹—Sã mbia sequiatoră ja, i que Dios Cristo rii nda. Ũqui je cho ngue Cristo mano nguiã. Mbia icua mbutiã sacuă esi cho ngue Cristo mano nguiã. —Mbia emingo mingo bei serese sequiatoră jẽ, i que Dios seje ra. ²⁰Cristo cho sembuchee nguiã co. Sechee ae eã nene. Dios nee na jēje cho aico nguiã nee jēje co: Dios quiatorã no jeingo jẽ. ²¹Mbae icua mo ngue Cristo saã eate rei ra. Dios que mbae icua naasa saã tuchi ee ra. Dios nandemingo turã mbei sacua no ngue Cristo rese no.

6 ¹Dios resenda chỗ ureico nguiã Dios cheễ nenei nenei ã. Dios turã jẽisi chooñoa ño nguia jẽ. Jẽisi tuchi quiatu jẽ. ²Eĩ ngue embesa ji huĩ Dios cheễ nda:

"Jeñee mose seje, jeñee ngue achandu ra.

Aendirõ ngue mbae icuã si ra", i que Dios mbi a je cose ra, i ñi embesa ji re. Namo ño Dios riqui nguiã aba chee anduse co. Namo ño Dios riqui nguiã mbia rirõse eicuã si co no. 3 Ã ureico mbia mo mbiirī irī eãt e ã. Î nda mbia urechee andu tură Jesús rii. 4Mbae uresaă tură sete quia ure ã. —Dios rimba turã ño ũquɨ nde, i nonde mbia ure rɨi. Nyebe ureico nguiã ñimbiracua tuchi mbia icua mose ure je a. Mbae tia mose abe ure je. ⁵Ureiruã nua ngue equia ra. Uretarõ tarõ mbei que equia ra. Urerecoteã mbei que eriqui ra. Ureque reã tuchi que equia ra. Ureriãcuã tuchi que eriqui no nda. 6 Ũquĩ icuã eĩ eĩ mose ure je, ureico turãte que equia ra. Ure que Dios ureicuate quia ra. Urechimbiracuate que equia ra. Ureico turăte que equia mbia je no nda. Espíritu Tură ngue siqui tuchi urerese no nda. Urechesecua chooñoa ngue equia mbia rese no nda. ⁷Dios chee ichoinosa rea ngue uresenei senei tuchi quia mbia je ra. Dios quirăcuă ngue siqui tuchi quia urerese ra. Ae utură Jesucristo mee nguia ure je nae, ũquĩ mii ño urereaquiatu bei nguiã co. 8Emo emo mose mbia riqui ñee tură urerii ă. Emo emo mose mbia ñee icuă urerii no. —Aba mbiiri irisa, i tuchi que mbia quia ure je emo emo mose no nda. —iAe bei jë! i tuchi que equia urecheë je emo emo mose no nda. 9Mbia riqui ureririro ndiro emo mose a. Emo emo mose eriqui ureisi tura turate a no. Mbia ureiquia arõ arõte raque quia ã. Urereco ureico beite ã. Mbia urembaasi asite raque quia ã. Ureiquia eate no. 10 Ureya eate raque. Dios rese quia ureyate re. Mbaecha reã ndaque ure no. Mbaecha que uresaã uquia tuchi mbia je ra. Mbae eã tuchi raque urembae. Dios rese quia urembae tubiriã tuchi re.

¹¹Urechee nyecuate que jeje ra. Urechee ngue jembiiri iria tuchi quia ra, Corinto jenda. Ureico nyesecua tuchi jendese a. ¹²Ure que urechao ea jesi ra. Je nguiatu ngue jenyao nguia ure si. ¹³Sa mbia mo ndiqui nee nguiiri je no. Ei ae cho nguia nee jeje. Jendu ra no aico nguia jeje. Jenyesecua tuchi cho nguia serese. Sa aico nyesecua jendese no.

Dios chuchua tuchi cho jendete re

¹⁴Dios quiatoã ndese ra jeñimbuchachĩ jẽ. Dios quiatoã na eã ño jẽ nde. Sã mbae turã ndiqui mbae icuã mbiroã no. Sã nyaashĩ ndiqui itondaru mbiroã no. ¹⁵Sã Cristo riquíã Satanás ndese no. Eĩ si chỗ Cristo quiato siqui aroneate nguiã Cristo quiatoã ndese no. ¹⁶Sã Dios abareã siqui aroneate Dios chuchua no. Jendete rei Dios chuchua tuchi. Dios riqui tuchi jendete ye ũquĩ. Sã Dios ñee ã no:

Erete ye ra aico. Ererecuarã nda se.

Mbia ra siqui serui,

sã i Dios no. 17 Dios cheẽ ño ã no nde:

Jẽhui chỗ mbae icuã si. Icúe jẽingo.

Mbae icuã ndese ra jeocochi.

Jaēisi turā nda se chã.

18 Jendurã nda se chã.

Seriirina nda je ña.

Sequiracuate se,

i que Dios chee mbesa ji ra.

¹Dios cheẽ no ã nde. —Aico bei ra jendese, i que ra. Nyebe nandehui mbae icuã si nimbitiro mbei. Cochee cho nandeico Dios je. Nandereco nandemee tuchi ee.

Seyate aico jendese co cote, i ñi Pablo re

²Ureisi tură no je. Mbae icuă mo ngue uresaă ate jemo je ra je. Ureico que equia jembiiri iri ate ra je. ³Jeicua i sacua ea no aico nguia nee jeje. Achesecua tuchite quia jendese co. Semano mose chee. Sa ni achee jeje nyii no. ⁴Seyate aico jendese co. Sechee nda emumbaya, aete se quia jenii co. Mbia icua icua mose seje, seyate aico jendese co.

⁵Urechu que aa Macedóniaa, aque mose bei que urerecoteãte ra. Mbae icuã ngue uremingo asi asite rei quia ra. Mbia icuã icuãte que eriqui rei ure je ra. Sechiã ngue ngoi ãte rei quia ra. ⁶Dios que sechiã mbocoi Tito ngasẽ mose cote ra. Sã Dios riqui uquiato mbia beite eya eã mose no. ⁷Tito mii ndese eã no seya re. Seya tuchi que sembiirandu mose jendese no nda. Jẽ nane ngue jenee Tito mbirãcuã nda. Aquere que Tito ru sembirãcuã cote ra. —Hue echi ndua tuchite nderese huee, i que u nee seje ra. Nyebe seya tuchite riqui nguiã jendese. Jētesarei eate quia equia sesi reaẽ. ⁸Ae ambesa mondo jēje nyii nae, ũquĩ ngue jembia eate rei ra. Erea ramo mose. —Amondo jirichĩ nguia, ae rei que se quia nyii ra. —Amondo jirichĩ nguia, ae ate se quia co cote. ⁹Seyate aico jendese co cote. Jēya eã nii eã no nene. Jenimbitiro nguiatu ngue re. Maende sechimbesa rese. Sechimbesa jembia eã mose jēicuã ndese, Dios rese que jendua cote ra. Sechimbesa cho jemingo turã nguiã cote. ¹⁰Emo ia

eã ñooño mose huiicuã ndese, ũquĩ nda nyoi tata cuasu. Emo ia eã tuchi mose huiicuã ndese, hui ra huiicuã si cote. Dios ra emingo bei cote. — Ahui jirichi nguia seicua si, ia tuchi rae. 11 Sechimbesa oso mose jeje, jeya ea tuchi que jeicua ndese ra. Nyebe Dios ia tuchi riqui nguia jendese. Jendua tuchi que ra. —Mbae icuã ngue uresaã eate rese, jenye eate que ra. Mbae icua ndese que jemae serea tuchi cote ra. Jeirei ireite que equia mbae icuã si ra. Jemae sete que equia serese ra. Ae sigui ngu ninisi rese nae, aque que jemombo cote ra. Mbae que jesaa tura jate ra. Eicuate i aroneate que emo nguia jeje ra. 12 Ae siqui ngu ninisi rese nae, aque je eã ngue ambesa mondo nguiã. Eru je eã ño ngue eno nde. Jẽ ja je chỗ ngue ambesa mondo nguiã. —Pablo riqui nyesecua tuchichi nanderese, i ja nonde cho ngue ambesa mondo nguiã. ¹³Nyebe ureya tuchi riqui nguiã jendese co cote. Jẽ ngue Tito abe jembia cote ra. Jẽ hui mose mbae icuã si. Seirandu mose ũquĩ ndese que seya tuchi se abe cote ra. 14 Sã ñi aico jetura nenei nenei Tito je nyii no. Ei jenye si tuchi equia siqui turate ũquĩ. Nyebe seireĩ ngũiãte riqui nguiã ñee jenii ũquĩ. Acheẽ ñooñoa ngue jẽturã nɨi Tito je ra. Sã aɨco ñee ñooñoa emo mose jeje no. 15 Tito riqui nyesecua i ite jendese co. Ndua beite equia jendese co. Echee nguiatu que jemumbayã tuchi quia ra. Cocheete quiatu que jẽingo ee ra. Jẽisi turãte quiatu que equia ra. 16—Ũquɨ nda siqui tuchɨ Dios rese, ae tuchɨ se quia jenii co. Co sevate aico jendese co.

Jembae jemee jiri quia Dios je

¹Jesús quiato Macedonia jenda tasenei jeje cote, Seresenda. Hue jenda ja iglesias. Dios turã tuchi que eriqui ũqui ja je ra. ²Mbia icuate que eriqui rei ee ra. Eya beite cho ngue eriqui ra. Mbaecha rea ndaque. Mbae que emondo tuchi guia Jesús quiato je ra. Mbaecha rã tuchi mbae mondo mbia je. 3 Umbae que emee tuchi ra. Embae tubiriã eã ndaque. Abei tuchi quiatu ngue re. Amae ngue erese ra. 4—Ure abe ra urembae uremee tuchi Jesús quiato je, i tuchi que seje ra. 5 Mbaechõ eã ngue emee Dios je ra. Nguete rane ngue emee ee ra. Ure je abe que ngueco mee nda. Mbae tură naa naa mbei sacuă ure je Dios rii. Aquere que umbae mee tuchi Jesús quiato je cote ra. 6 Macedonia jenda umbae mee tuchi mose Dios je, urendua que jendese cote ra. Nyebe Tito amondobe quia aque. Tito jembae ofrenda munua nua ja sacuã. Sã Tito ñee nyii no. —Tamunua nua ja, sã i no. 7Sã jēingo Dios icua tuchi no. Sã jẽingo Dios cheẽ icua jate no. Sã jẽaquiatute mbia mbaaquiatu no. Sã jēingo sete riqui Dios chee ndese no. Sã jeingo nyesecuate serese no. Nyebe jembae jemee tuchi quiatu ofrendara cote.

8—Seche

e nguire quiatu jembae jemondo Dios je, ae

ate se quia co. J

e ae ch

jendua mbae mee nonde. Jes

sis rese jenyesecua tuch

mose, jembae ra jemee mee Jes

sis quiato je. S

a Macedonia jenda umbae mee

mee Jesús quiato je no. 9Nandererecua tuchi cho Jesucristo re. Jesucristo tură jĕicuate quia ũqui. Mbaecha tuchi rei que ae ereco mose ibate ra. Mbaecha reã ngue esaã tuchi u íbii nande je ra. Erii ño Dios riqui nguiã mbae mondo tuchi nande je. Ae mbaecha reã naa mose u íbii. ¹⁰Tacheẽ tuchi rã jēje. Tenda nongue mose que jenduate Jesús quiato mbaecha reã ndese ra. Mbae que jemondo sete quia ee ra. Je nane ngue "ofrenda nandemondo" jenye Macedonia jenda si ra. Cosete que jeñee ñee. Jemondo turã cote. ¹¹Ae ra jemondo nae, ũquĩ ja jemondo jei eae. Mbae jemondose jiri quia ee. Sã mbae jemondose ee nyii no. Jembae tubiriã mose, jemondo tuchi ee. Jembae mii mose, co mii jemondo ee. 12 Nande mbae mo meese mose, Diobi tuchi cho ũquĩ nde. —Mbae tubiriã embu seje, iã nda Dios mbaecha reã je. 13—Jembae jemondo ja tuchi mbaecha reã je, ae ãte quia jēje co. 14Sã jembae nyiabiã jiri mbaecha reã mbae rese. Să jembae tubiriă namo no. Emee sacuă ũqui je. Emo mose ra ũqui mbae tubiriate no. Emondo sacua jeje jembae ea mose no. Uqui mose ra jembae nyiabiã jiri ja cote. ¹⁵Sã embesa ji riqui ñee no:

Ae mbae tubiriate nae, embae rire eate que ra. Ae embae miite nae, embae que ua eate ra, i que embesa ji ra.

Tito ra nyoi jendea, i Pablo

¹⁶Sã aico ndua tuchi jendese co no. Eĩ si tuchi Dios quia Tito mundua jendese co. Nyebe aico nguiã gracias ite Dios je co. 17 Tito si quia jendea aque. Sechee nguire acho ea esi nguia jendea aque. Ae abe que ndua jendese ra. ¹⁸Tito rese Jesús quiato mo amondo quia jendea aque. Jesús quiato ñee tură jate quia aque rii aque. Jesús chee nguiatu esenei senei mbeite nguiă aque. ¹⁹ Jesús quiato que aque irabo ra. Oso sacuã serese. Ofrenda munua nua sacuã serese. Sã ureico ofrenda munua nua Dios mbia sacuã no. Mbia "abei" i sacuã jēje. 20 Ae que siqui beite urerese ofrenda isi isi mose ra. Mbia ñee icuã eã sacuã ure rii. "Ofrenda que embuquiachã nda", i eã sacuã mbia urerii. ²¹ Mbae uresaã turãse rete quia ã. Dios ia tuchi sacuã ure rese. Mbia abe ñee icuã eã sacuã ure rii. 22 Ureresenda mo abe uremondo quia ũqui ndese aque. Ae quiarei mbae raã naase bei Dios je. Oso sete equia jendea co. ²³Tito rei seresenda tuchi. Siqui bei que equia serese Dios chee nenei nenei mose ra. Ae nyoi quia jendea Tito rese nae, iglesias cho emondo nguiã jendea ũquĩ. Cristo quiato tuchi chỗ ũquĩ nde. 24 Ũquĩ jẽisi turã ja chỗ jẽ. Sã urechee ee jenii nyii no. —Jeisi tura ndae. Nyesecua tuchi ra jendese, ure que ee nyii ra. Nyebe jeisi tură no. Ei nda iglesias jenda ja abe "etură" i jenii.

Jembae ofrenda jemunua ja rã emondo sacuã mbaecha reã je

1 Aete aico embesa eã jêje ofrenda rii. —Ae ae chô nda mbae mo mondo nguiã Jesús quiato je, se ñee mose rocoi ee, ae que se ra. 2 Jê

ae chõ mbae jemondose nguiã Jesús quiato mbaecha reã je ũquĩ. Jenii ño aico nguiã ñee Macedonia jenda je co. —Tenda nongue mosenda bei chõ Acaya jenda riqui nguiã mbae mondose Jesús quiato je ũquĩ, ae se quia Macedonia jenda je jenii co. Nyebe ũquĩ abe riqui nguiã mbae mee sete ee cote. Jirandure jendese. ³Aque mbia amondo quia jendea aque. Jẽ icoquiatu sacuã. Mbae jemondo sacuã Jesús quiato mbaecha reã je. Ureireîte ra jẽ ofrenda mondo eã mose se ñeende jenii nyii. ⁴Seso mose jendea, Macedonia jenda mo abe ra nyoi serese reae. Jẽ ofrenda munua eã mbei mose, ureireîte ra urecuasẽ mose hue. ⁵Nyebe ã nane amondo nguiã jendea aque. Jembae ofrenda munua ja sacuã. Ae riĩ jeñee ndei tenda nongue mose. —Ofrenda jemunua na, ae bei sereãte se. Jẽ ae chō ofrenda jemunua nua, jenyesecua mose mbia rese.

6 Jendua rã a ndese: Ae mbae mɨɨ jiri chitiquia quia, aque ra mbae a ucua mɨɨ jiri. Ae mbae chitiquia tuchɨ quia, aque quia ra mbae a ucua tuchɨ. 7 Mbae ata nandemondose mose nandechɨangui re, mbae ata nandemondo chō. Mbae mɨɨ nandemondose mose nandechɨangui re, mbae mɨɨ nandemondo chō. — Mbae amondo jirichɨ, nande mose nandechɨangui re, eɨcuate uquɨ. Ae eyate rɨqui umbae mee mose emo je nae, Dios bite uquɨ. 8 Dios quiracua tuchɨte rɨqui co. Mbae emondo ja arōte quia nande je co. Mbae ua ea mbeɨ sacua nandesɨ. Mbae nandemondo mondo beɨ sacua Dios quiato mbaecha rea je. 9 Sā embesa ji rɨqui ñee no:

Mbae que Dios quiato mondo mondo bei quia mbaecha reã je ra. Echisaã turã si ra mbia tesarei eã mbei,

i que embesa ji ra. ¹⁰Dios chō mbae eĩ mondo nguiã nande je etiquia sacuã. Dios chō mbae mondo nguiã nandechiurã no. Dios chō "iabei chō jẽ jẽ!" i nguiã nande je. Dios chō mbae mee nguiã nande je emondo sacuã mbia mo je. ¹¹Dios ra mbae mondo tuchi jẽje. Eĩ nda jẽ mbae jemondo tuchi ofrendarã. Se jeñimee ofrenda mondo mose mbaecha reã je, gracias i tuchi ra Dios je cote. ¹²Nande mbae mo mondo mose Jesús quiato mbaecha reã je, quiaru turã jiri ra equia cote. Ūquiño eã nda esaã nguia. Gracias i abe ra Dios je. ¹³Jẽ mbae mo mee mose Jesús quiato mbaecha reã je, mbaecha reã nda ñee turã Dios je jenii cote. —Cristo cheẽ emumbayã tuchi quia ã, i ra jenii cote. —Eriqui mbae mee tuchichĩ mbia ja je, i ra ñee turã jenii cote. ¹⁴Mbaecha reã nda ñee tuchi jenii Dios je cote. Dios jendeaquiatu sacuã. Mbaecha reã nda ndua tuchite jendese cote. Jẽ mbae mondore ee nyii. ¹⁵Dios quiatu que mbae turã tuchi mondo nande je ra. Nyebe nandeico nguiã gracias i ee.

Mbia mbaaquiatu sacuã ño Dios semii nguiã

10 ¹Se rei Pablo. Tacheẽ nyecua jẽje. Nandeɨco mingue chỗ nguia Cristo rã sɨ jẽ. Cochee chỗ nandeɨco Cristo rã sɨ jẽ. —Cochee chỗ

Pablo riqui nguiã siqui mose nanderese. Siqui eã mose nanderese, ucuasu esaã saã ño nguiã aque, jenye chôchĩ equia serɨĩ ũquĩ. ²Mbae jēsaã turã turã ja chô nguia. Ĩ nda acheẽ asi asiã jēje seso mose jendea. Emo emo ñee icuã ño nguiã serɨĩ. —Dios je eã ño Pablo riqui nguiã mbae raã naa, i serɨĩ. Ũquĩ je quiatu acheẽ asi asi arõte nguiã. ³Mbia chô ndaque se. Mbia quiracuã je eã ño aico nguiã mbae raã naa co. Dios quiracuã je chô aico nguiã mbae raã co. ⁴Sequiracuã je eã ño aico nguiã mbae raã. Dios quiracuã je chô ñene. Nyebe aico nguiã mbia icuã ndiquisã quisã co. Mbia icuã quira cuateraque. ⁵Ae mbia mundua icuã icuã nguia Dios riã nae, ũquĩ asiquisã quisã ño nguiã co. Mbia amundua tura ja quia Cristo riã co. Cristo cheẽ mumbayã sacuã cote. ⁶Jē nane Dios cheẽ jemumbayã na jē. Aquere ra Dios cheẽ mumbasa amombo ja cote.

7Mbia chiangui renda rese jemae ãte. Earonda rese chỗ jẽingo nguiã mae. —Cristo mbae chỗ se re, i mose emo, ae mii eã ño Cristo mbae re. Se abe chỗ ñene. 8Se ecuasu raã naa mose, seirei ngũiấte. Dios quiatu ngue semii nguiã ererecuarã. Jembaaquiatu turã sacuã ño ngue Dios semii nguiã ererecuarã. Jembiicuã sacuã eã ño ñene. 9Jaembusiquiche sereate sechimbesa je. 10Mbia ñee icuate raque seje. —Pablo reco mose isho, ñee asi asite equia uchee mbesa mbesa mondo nande je co, i jemo nguia serii ũqui. —Siqui mose nanderese, ererecua raã naa aquiatuate cote, i jemo nguia serii ũqui. 11Ae ñee nguia ũqui nae, ũqui je tachee. Co sechee asi asi ambesa mondo quia jēje aque nae, anyae sí ra ñee asi asite seso mose jendea huee. Sechee mbesa ji ra achabia seso mose jendea huee. 12Ae ñee mbeite quia uturã nii, ũqui na eã ño se re. —Aque rã si chỗ aico nguiã se co, i beite equia ũqui. —Seturate aico aque si co, i beite equia ũqui no. Ũqui ñee mose ũqui, earacuayate riqui ũqui.

¹³Seturã nda asaã saã eã. Dios ae cho "hue eso, pe eso", i nguiã seje co. Ae cho ngue semondo nguiã jendea. ¹⁴Se rane ngue Dios semondo jēje Cristo cheë nenei nenei sacuã nda. Nyebe hue jenda ja sembaerã, se embaaquiatu sacuã Dios cheë ndese. Ae Dios riqui "hue eso" i ãte seje nae, huee ra asoã. ¹⁵—Sechimbaaquiatu cho ũquĩ nde, ae aronea tuchite quia emo ñimbaaquiatu je co. Jẽ Cristo icua i i tuchi mose, jendobeinda quia ra ambaaquiatu i i tuchi oso cote reae. ¹⁶Seso sete jendobei Cristo cheë nenei nenei hue jenda je. Sechimbaaquiatu ae aroneate emo ñimbaaquiatu je. ¹⁷Emo ñee turãse mose mbae mo nii, sã Dios riĩ nguiatu ñee turã. ¹⁸Ae uturã saã saã nguia nae, Dios biãte ũquĩ. Ae riĩ nguiatu Dios riqui ñee turãte nae, ũquĩ nguiatu Diobi tuchi re.

Mbia mbaaquiatu icuã icuãsa rese ra jeingochi

11 ¹Jeñimbiracua jiri se nee mose jeje je. Setura tasaa saa jiri nee jeje. ²Aqueteate jendese je. Dios mbaera je, ae que se ra je. Sa acuani mo ndiqui siqui ea mbei ngu mo ndese no. Sa mbia emee

acuanindu mo je cote no. Eĩ tae si chỗ jemee Cristo je. Cristo mii mbaerã nda jẽ cote chã. ³Sã mbei Eva mbiirĩ irĩ cose no. Eĩ jenye si arỗte jẽ ndeae. Eĩ si arỗ mbia jembiicha Cristo icha si. Jemundua icuấte chỗ nda reae. Cristo mii ndese chỗ jẽingo jẽ. Sã acuani ndiqui ngu mii ndese no. ⁴¿Mbaerã jenyiisaquia turã mbia jembaaquiatu icuã icuã mose re? Mbia Jesús abareã nenei nenei mose jẽje re. Mbia Espíritu Turã abareã abe renei nenei mose jẽje re. Mbia Jesús cheẽ turã abareã nenei nenei mose jẽje re no. Se que ũquĩ asenei senei ãte quia jẽje resẽ. ⁵ Ūquĩ ñee ndese que jenyiisaquia, ¿mbaerã nda jenyiisaquia eã secheẽ abe rese re? Se quia Jesús cheẽ aicua tuchi quia ũquĩ si co resẽ. ⁶Secheẽ turã eãt e raque. Seaquiatute quia aico nguiã Dios cheẽ ndese co. Jẽingo seicuate ũquĩ ndesẽ.

7—Mbae jemondo seje, ae ãte que se quia Dios cheẽ nenei nenei mose jēje ra. ¿Eicuāte ũquĩ nde? Aico minguete que se quia jēje ra. Jēingo turã sacuā Cristo rese. ¿Eicuāte ũquĩ nde no? 8 Seico mose jendese jembaaquiatu quiatu mose, mbae mo ngue jemee ãte quia seje ra. Jesús quiato ishonda quiatu que mbae mo mee mee nguia seje ra, se siqui mose jendese. 9 Seico mose jendese que mbae jemondo eãte seje resẽ. Sembae eã mose que "mbae embu seje" ae ãte jēje resẽ. Jesús quiato que ngaẽ Macedonia si nae, ũquĩ nguiatu que mbae mee tuchi sembae eã mose resẽ. "Mbae embu seje" ae eã mbei ra jēje. 10 Cristo riqui sechiangui re co. Ũquĩ aicuate. Sebite "mbae embu seje" iã mose se jēje. "Acaya jenda que mbae mee tuchi ndeje ra", i aroneate emo seje jenii. 11 ¿Mbaerã ño mbae aisiã jēsi chã? Achesecua eãte quia jendese reae. Tei. Ũquĩ eã ñene. Achesecuate rei jendese resẽ.

¹²Mbia ñee eã sacuã nda mbae aisiã mbei jēsi resē. Ae Jesús abareã senei senei nguia nae, ũquĩ ñee eã sacuã. "Pablo rã sí chỗ ure re" ũquĩ i eã sacuã. ¹³Cristo cheẽ nenei neneisa turã eã ño ũquĩ nde. Mbia mbiirĩ irĩsa chỗ ũquĩ nde. Cristo cheẽ nenei neneisa raã ñooño ño nguiã ũquĩ. ¹⁴Satanás na sí chỗ ũquĩ ndiqui nguiã ũquĩ. Satanás uturã saã saã ño nguiã. Angel turã naa naa ño nguiã no. ¹⁵Ae siqui Satanás ndui nae, ũquĩ nda uturã saã ñooño Satanás na sí. Nyebe ra Dios ũquĩ mbutiã tuchi emo mose.

Pablo mbae rasi saã tuchi

16"Earacuayã" jenyechĩ nda seje jẽ. "Earacuayã" jenye raque seje, seandu rã se. Secuasu tasaã saã mbɨrĩ na jēje. ¹7 Ae aico ñee jēje namo nae, Dios cheẽ eã ño ũquĩ nde. Earacuayã na ño aico nguiã ñee jēje. Secuasu asaã saã ño nguiã ñee jēje co. ¹8 Sã mbia riqui ucuasu raã naa jate no. Eĩ tae rã se abe secuasu raã naa jēje. ¹9 Jēaquiatute reĩ jẽ ndeae. Jēingo ñɨmbirãcuāte eaquiatuã je ūquĩ. Seaquiatuã je abe jeñɨmbirācuã ño. ²0 Ae ɨcuã ɨcuã mbeɨte riqui jēje nae, ũquĩ je jēɨngo ñɨmbirācuã mbeɨte

ũquĩ. Jembuquiei quiei chooño mose. Jembae mbutiã chooño mose abe no. Ucuasu raã naa mose abe no. Ucua mose jesiba rese abe no. Uqui je jēingo ñimbirācuāte ũqui. 21 Se quiatu que ũqui asaā saā eāte quia jēje ra. Aico mingue chochi jeje. Achee asi asi ea nochi jeje. Emo ucuasu raa naa mose, se quia secuasu asaã saã mbite nguiã esi. Earacuayã na ño aico nguiã ñee se co. 22 ¿Hebreos ũquĩ nde? Se abe chỗ ñene. ¿Israelitas ũquĩ nde? Se abe chỗ ñene. ¿Abraham nducucha riirĩ ũquĩ nde? Se abe chỗ eno nde. ²³ ¿Cristo rimba chỗ ũquĩ nde? Se quia Cristo rimba tuchi esi re. Earacuayã na ño aico nguiã ñee co. Se quia serecoteã tuchite Dios chee nenei nenei mose esi re. Se quia mbia seirua nua tuchi nguia esi. Se quiatu ngue mbia semată mată tuchi nguiă esi. Se quiatu ngue mbia seiquia seri seri tuchi nguia. 24 Judíos que seirua nua mbei quia ra. Treinta y nueve azotes bei que eriqui seiruã nua nda. Emo mose treinta y nueve no. Emo mose e sí no. Cinco veces chee. ²⁵Ira que euru uru serese tres veces ra. Emo mose que sei sei sita je ra. Tres veces que barco ñiimi ama ndiite re seje ra. Emo mose que aito ama ndiite re barco ea nda. Abebi cho ngue sequia ra. Nyaashi mii abe que amumba quia mbebi ra. Barco ñiimi mose seje. ²⁶ Acuata tuchi que sequia ra. Mbae icuã ngue seiquia arõ arõ tuchi quia ra. Secuata mose ama ndui. Seico mose abe sucha cuasu no. Seico mose turuquia ri no. Mbia mbae mbuquiachasa que seiquia arõ arõ tuchi quia no nda. Seresenda abe que seiquia arõ tuchi no nda. Judíos eã abe que seiquia arõte no nda. Jesús quiato chooño abe que seiquia arõte no nda. ²⁷ Serisirõ ngue nyichuarõ arõ tuchi quia ra. Aqueã mocoi mocoi tuchi que se quia no nda. Seriacua mocoi mocoi tuchi que eriqui ra. Seisei abe tuchi que eriqui ra. Nyiiseĩ ngue airara mocoĩ mocoĩ tuchi quia ra. Seirao eã tuchi que eriqui no nda. ²⁸ Ũquĩ mii eã ngue ra. Jesús quiato rese abe que aico ndua ndua ra. Sã iglesia jenda ja ja siqui tuchi Jesús rese, ae beite sequia ndua co. 29 Jesús quiato mo mbae rasi raã mose, se abe seva eã ndasite riqui erese co. Emo icuã icuã mose Jesús quiato mo je, se abe paama i rasite aico co.

³⁰Sequirãcuã ndese eã nda seya riqui nguiã. Sequirãcuã nea ndese chỗ nda seya riqui nguiã. ³¹Acheẽ ñooño eấte quia co. Dios quia secheẽ icuate nguiã. Jesucristo ru chỗ Dios re. Sã mbia riqui ñee turã mbei eriĩ. ³²Aretas resenda que serequia rei Damáscoo ra. Seiquia sacuã. Ae que alcalde ra. Ae que mbia mondo rei eiquesa raarõ nda. Setarõ nda eña nde. ³³Hue rĩ ngue asoã mbei ra. Mbia que sembuquichi imbu irairu ye ra. Ventana ni. Eĩ ae que oso chee mbia icuã si ra.

Pablo ibatenda tea cuu

12 ¹Secuasu asaã saã ñochĩ nguia co. Ae rese Dios semumae mae mbeite cuu nae, ũquĩ nguiatu tasenei jēje. ²-³Cosete que Dios sererao ibate cuu ra. Hace catorce años. Serete resebe Dios sererao reae.

Seaĩ acho ere no ae. Aicuayate se. Dios ae eicua nguia. 4Dios que sererao ibate ra. Huee que ibatenda chee tura achandu ra. —Ae erechandu nae, ũquĩ nda ereseneichĩ mbia je, i que Dios seje ra. 5 Ibatenda cheẽ andure secuasu asaã saã arondete raque se. Sequiracua je ra secuasu asaã saã eã. Seguiracua nea ndese cho seva riqui nguia. Seguiracua nea mose quia Dios uquiracua mee tuchi nguia seje cote. 6 Secuasu ra asaã saã ndaque, asaã ñooño eã ño se re. Dios quia que uquirãcuã mee seje ra. Mbae ja raã sacuã. Secuasu ra asaã saã eãte jēje. Jē ae chỗ nda jemae nguiã serese seicua nonde. Je ae cho nda sechee jeñandu nguiã seicua no. ⁷Ae rese Dios semumae cuu nae, ũqui etura tuchite seje. Ũqui ndese maende que aico secuasu raã naa arõte raque ra. Nyebe Dios nyu raanguia mondo nguiã sequi rã. Satanás sembecoteã sacuã. Dios semingo tochi sacuã. 8—Nyu raanguia esiqui sesi, ae tuchi rei que Cristo je tres veces ra. ⁹Cristo que ñee seje ra. —Coche rei ñene. Sã ñiño ndei. Seturã nguiatu amondo mbeite nguiã ndeje co. Ndequirãcuã nea mose quiatu sequiracua amee tuchi nguia ndeje, i que Cristo seje ra. Nyebe seyate riqui nguiã sequiracua nea ndese co cote. Uqui mose quia Cristo riqui nguiã uquiracua mee tuchi seje co. 10 Nyebe seyate riqui nguia sequiracua nea mose. Mbia ñee icuã mose abe. Mbia icuã icuã mose seje abe. Mbae eã mose seje abe no. Se mbae icuã irara mose Cristo rii abe no. Ũqui ja mose seyate riqui co. Cristo quiatu uquiracua mee tuchite nguia seje, sequirãcuã nea mose.

Jeñia jembitiro se oso nonde jendea, i Pablo

¹¹Sebiāte raque se sí ñee turā mose seriī. Jē nguiatu jeñee turā mbite raque seriī, mbia ñee icuā mose seje. Ae rui jēingo nae, ūquī eaquiatu āte riqui sesi ūquī. Seaquiatu eā ndaque se abe. Ae rui jēingo nae, Jesús cheē mbuchecuasa chooño ño ūquī nde. ¹²Dios cheē mbuchecuasa tuchi chō se re. Seico mose jendese. Aico minguete que sequia seico mose jendese ra. Mbia mae sayā ngue asaā saā tuchi quia ra. Dios quirācuā ngue siqui tuchi quia serese ra. ¹³Aico turāte que sequia jēje ra. Sā aico turāte iglesias ataque jenda je no. Eī si. Jē mii je chō ngue "mbae jembu seje" ae eā nguiā. ¿Ūquī eicuāte jēje re? "Mbae jembu seje", iā mose jēje.

¹⁴Aico icoquiatu oso nonde jendea a. Co rei tres veces co cote. Co aico oso jendea co. "Mbae jembu seje" aeã tuchi ra jēje. Mbae achosei chiāte jembae. Jesús rese jēingo mose, ũquĩ mii ño achosei nguiã. Jendu rã ño aico nguiã jēje. Sã mbia riirĩ ndiqui mbae mo mondo mondo eã ngu je no. Sã eru chô ndiqui mbae mondo mondo nguiirĩ je no. ¹⁵ Sembae amondo ja bite raque jẽingo sacuã Cristo rui. Sereco abe amondo bite raque jẽingo sacuã Cristo rui. Sechesecua tuchi mose jendese, ¿mbaerã jẽingo nyesecua eãte serese jẽ nde? ¹⁶ "Mbae jembu seje", ae ãte que sequia jẽje. Ūquĩ jẽicuate raque. ¿Mbaerã nguia jēingo ñee ñooño nde? "Pablo

que nandembiirī irī nda", ¿mbaerā jenye re? ¹7 ¿Mbaerā jeñee ũquī nde? Ae amondo jēje jembaaquiatu sacuā nae, ũquī abe que jembiirī irī eāte resē. Ũquī ngue jembae isiāte sembaerā ndesē. ¹8 Tito que amondo jendea nanderesenda rese resē. Ae abe que jembae isiāte resē. Se rā si chō ngue eriqui jēje resē.

¹⁹ Achiquisă eâte sequia jesi co rese. Dios résaa cho aico nguiă nee jeje. Cristo rii no aico nguiă nee jeje. Se mbae mo naa mose jeje, jeingo tuchi sacuă Cristo rese cho nee. ²⁰ Seso mose jendea, sembia ea arote. Ae sebite se, uqui jesaă ea arote seje. Ae jembite nae, uqui asaa ea arote se abe jeje. Jenee icuă icua nda jenyue serésaa reae. Jeingo icua icua ja ra jenyue reae. Jenongue mbae ra jenyosei chosei je si cho ndeae. Jenguasu ra jesaă noono sésaa reae. ²¹ Seso mose jendea ra Dios sembia ea tuchi se mae mose jeicua ndese reae. Seireite ra jeicua ndese mae mose. Jeicua cose ndare si jehui ea mbei chochi namo nyee. Ae jeninisia nae, uqui ndese jeingo bei chochi uqui. Ae jendu ea nae, uqui ndese abe jeingo bei chochi uqui no. Mbae aba ireinguia rese jeingo bei chochi uqui.

Hui bei Pablo saludar i mbia je

13 ¹Aso quia jendea aque cote. Co rei tres veces co cote. Emo mii sembiirandu mose mbae icuã ndese, achanducho nda se. Emo nyeremo ñee mose, aque mose quiatu ra echeẽ achandu cote. ²Ae eicuã saã saã nguia nyii nae, sã aico ñee asi asite ee nyii no. Ûquĩ sí je cho aico nguiã a mbesa ã. Huiicuã ndecha eã mose ra achimbiracuã eã ee cote. Jẽ ja je cho aico nguiã ñee ũquĩ. Seico mose raanguia jendese. ³—¿Ma Cristo quiracuã ndiqui Pablo rese ma nde? jenye equia nyii nae. Cristo quiracuã ndese ra jemae secheẽ asi mose quiatu jēje cote. Cristo que mbae saã ja tuchi jēje uquiracuã je ra. ⁴Cristo mbia mbucha quia ira rese iquia nyii nae, aque mose que equiracuã neate rei ra. Dios quiracuã nguia emingo bei nguiã co cote. Sã Cristo quiracuã nea ndei nyii no. Eĩ ño urequiracuã nea ure namo nde. Ureico rei nguiã erese co. Ae cho uremingo nguiã Dios quiracuã je co. Ae quiracuã je ra ureico jembaaquiatu quiatu.

5Jẽ ae chỗ jendua. —¿Cristo aɨcua quia sechɨangui re re? jenye ja ja chỗ jeñɨangui re. Jemae nguia jenyɨese sɨ. Jẽ Cristo icua chooñoa mose, Cristo riqui jeñɨangui re ũquĩ. ¿Ũquĩ ndese jẽɨngo iranuate re? 6Ure quia Cristo ureɨcua chooñoa nguiã ã. Ũquĩ ndese nda jëirandu rã seje chã. 7Urecheẽ tuchɨ quia Dios je jenɨɨ ã. Jẽ mbae ɨcuã naa eã sacuã. Mbia ndua turã sacuã eã ure rɨĩ ño ureɨco nguiã ñee Dios je jenɨɨ ã. Jẽ mbae ɨcuã naa eã sacuã ño ñene. Mbia ra ñee ɨcuã ndaque ure je. 8Mbae ɨcuã mo nandesaã aroneate Dios cheẽ ndobeɨshĩ. Mbae turã nguiatu nandesaã Dios cheẽ mose. Dios cheẽ nguia ɨchỗɨño eã nde. 9Coche mbia riqui nguiã ñee ɨcuã ɨcuã ure je. Jẽ nguia jẽɨngo beɨ Cristo quirãcuã ndese.

Jẽ nda Cristo jẽicua tuchi rã seje chã. ¹⁰Secheẽ asi asi ambesa quia seso nonde jendea a. Se ñee asi eã sacuã seico mose jendese. Dios quiatu ngue uquirãcuã mee nguiã seje. Jembiicuã sacuã eã ño ngue Dios uquirãcuã mee nguiã seje. Jemingo tuchi sacuã Cristo rese chỗ ñene.

¹¹ Aico hui secheë mbesa mbesa si a cote, Seresenda. Jesucristo jëicua tuchi quia. Jëya bei tuchi jëingo erese. Jëingo tură mbei cho nguia jenyiese. Ūqui mose ra Dios siqui tuchi jendese. Ae ra jemingo tură mbei jenyiese. ¹² Saludar jenye tură mbei quiatu quia jenyue. ¹³ Jesús quiato a jenda saludos mondo quia jëje aque. ¹⁴ Sã Jesucristo tură ndiqui bei jendese. Sã Dios riqui nyesecua tuchi jendese. Sã Espíritu Tură ndiqui bei jendese no. Amén.

LA CARTA DEL APOSTOL SAN PABLO A LOS GÁLATAS

llo uchee mbesa mondo Galacia jenda je

1 Pablo chỗ se re. Jesucristo chiirabo chỗ se re. Mbia mo ngue seirabo eã nguiã. Dios ae chỗ ngue seirabo ra. Ucheễ nenei nenei sacuã. Ae sí que Jesucristo raaque mbuquera ra. ²Seresenda ja rese chỗ aico nguiã ã mbesa jēje a. Jesús quiato Galacia jenda ja je.

³Sã Dios turã ndiqui bei jendese. Sã ae riqui jembia bei. Nanderu chô ae re. Sã Jesucristo turã abe riqui jendese. ⁴Ae quiatu ngue mano nguiã nandeicuã ndibishorõ. Nandembui sacuã mbae icuã si. Ae icuã ndese nandeico mae mae nae, ũquĩ si. Nanderu cheẽ nguire chỗ ngue Jesucristo mano nguiã nande je. ⁵Sã mbia riqui ñee turã mbei Dios je. Amén.

Cristo mii mbia rirosa huiicua si

6¿Mbaerã jẽingo hui hui jei Dios si ũquĩ nde? Ae sí chỗ ngue "jẽingo Cristo turã ndese" i jẽje resẽ. ¿Mbaerã jẽingo Cristo cheẽ abi abi re? Siqui emo ñee ndese re. 7Nyeremo eã ño Cristo icha ñeenda re. Uturã mii je chỗ Cristo riqui nguiã nandemingo bei. Nandechisaã turã je eã ño Cristo riqui nguiã nandemingo bei co. —Nandechisaã turã je ra Cristo nandemingo bei, i chỗchĩ mbia nguiã jẽje ũquĩ. 8Acheẽ se quia jẽje nyii nae. —Uturã je achỗ ño Dios riqui nguiã nandemingo bei co, ae se quia jẽje nyii nae. Eĩ mbei chỗ ñene. —Hue rĩ eã ño Dios icha re, i mose emo jẽje, sã Dios ũquĩ mbasi tuchi. —Hue rĩ eã ño Dios icha re, se abe i mose, sã Dios sembasi tuchi se abe. Angel ibatenda abe mbasi rae, ũquĩ ñee mose. 9Acheẽ namo ngue jẽje, ũquĩ taseneimbe jẽje: —Nandechisaã turã je chỗ Dios riqui nguiã nandemingo bei co, i mose emo, sã Dios ũquĩ mbasi tuchi. Ae acheẽ jẽje nyii nae, ũquĩ abi tuchi chỗ eriqui nguiã ñee ũquĩ. 10 "Sã mbia riqui turã seje", ae ãte quia co. "Dios ae chỗ nda seisi

tură nguiă", ae cho nguiă co. "Să mbia riqui tură seje", se i bei mose, ei nda Cristo rimba eate rei se.

Cristo chimbaaquiatu chee que Pablo ra

11 Tacheẽ nyecua jẽje, Seresenda. Dios icha asenei nguia jẽje nae, secheẽ ae eã ño ũquĩ nde. Mbia cheẽ ae eã ño eno nde. Dios cheẽ ae chố ñene. 12 Mbia mo ngue esenei eãte seje ra. Jesucristo mii ño ngue esenei nguiã seje. 13 Jẽirandu que equia serese cose resẽ. Jesús icuayã mose se nyii. Seico mose judíos ramei ñee ndui. Siqui rocoĩ Jesús cheẽ ndui. Seicuã tuchite que eriqui Dios quiato je nyii ra. "Jesús quiato tambutiã ja tuchi", ae que se quia aque mose ra. 14 Moisés cheẽ ndui que aico tuchi rei sembuchechaa ja si ra. Seramei ñee ndui que aico tuchi rei quia mbia ja si ra. 15 Aquere que Dios seisi Jesús quiatorã cote ra. Dios que seirabo cose seã mose nyii ra. Uturã je que seirabo ra. 16 Dios que nguiirĩ teacuquia seje cote ra. Se Dios riirĩ nenei nenei sacuã judíos eã je. "¿Mañi ae ra se re?" ae eã ngue oso ñee mbia mo je ra. Dios nguiirĩ ndeacuquia mose seje. 17 Jerusalén abe que asoã no nda. "¿Mañi ae ra se re?" ae eã ngue oso hue jenda Jesús chimbaaquiatu ñiinda je no nda. Arabia que aso jei se ae ra. Aquere que aso nyebi Damasco ra.

¹⁸Tres años mose ramo ngue aso Jerusalén cote ra. Pedro rea que aso aque mose ra. Huee que aico erese quince días ra. ¹⁹Jacobo abe rese que amae huee ra. Jesús nongue que ae ra. Úquĩ mii ndese que amae Jesús chimbaaquiatu ra. ²⁰Acheẽ ñooñoa tuchi chõ nguiã ã mbesa jēje a. Dios secheẽ ñandute quia co. ²¹Jerusalén ngue asecha oso Siria cote ra. Cilicia abe no. ²²Jesús quiato Judea jenda que seicuayã mbeite quia aque mose ra. ²³Jirandu randuchõ ño ngue equia serese ra. "Ae icuã icuã ndiqui Jesús quiato je nyii nae, aque riqui Jesús renei nenei co cote. Mbia Jesús icua sacuã", i que equia jirandu randu serese ra. ²⁴Nyebe eyate riqui nguiã serese cote. Ñee turã turã Dios je.

Cristo chimbaaquiatu ataque Pablo isi turã

2 ¹Catorce años mose ramo ngue asobe Jerusalén cote ra. Bernabé rese. Tito abe que arao serese ra. ²Dios ae que "eso Jerusalén" i seje ra. Huee que acheẽ nyecuayã Jesús quiato rerecua ja je ra. Ae asenei senei mbeite quia Dios cheẽ judíos eã je co nae, ũquĩ nii ngue acheẽ ja Jesús quiato rerecua je ra. Ũquĩ secheẽ icua sacuã. Ũquĩ sembaaquiatu sacuã se Dios cheẽ abi mose. ³"Circuncisión nandesaã na Tito je", i ãte que Jesús quiato rerecua quia ra. Judío eã ndaque Tito. ⁴Jesús quiato chooño abe que chi hue Jesús quiato tuchi mumbara mbara ra. Ndua ndua rei que equia ra. Ure mbae icuã naa naa sacuã ndaque. "Sã circuncisión naa naa Moisés cheẽ ndui", i rei que equia ureriĩ nda. Ebiã tuchi que eriqui ureico mose Cristo mii ndese ra. "Sã eriqui judíos ramei

353 GALATAS 2

ñee ndui bei", i cho ngue equia ra. 5 Ũqui ñee ngue uresiquisa tuchi quia ra. Jēingo bei sacuā Dios chee turā mii ndese. "Jesucristo turā ae nandemingo bei nguiã co", jenye sacuã. Jeingo rocoi judíos rerecua chee ndui. 6Dios quiato rerecua que sembaaquiatu quiatu eate mbae mo nii nda. "Ã abe esenei senei nguia judíos eã je", i ãte que ererecua seje ra. Dios quiato rerecua tuchi ũqui ndeae. Aicuavate se. "Ererecua acho no taisi turã", i ate Dios. Nandechia ndese quia eriqui nguia mae ja. 7 Jesús quiato rerecua iate que serese ra. Se Dios chee nenei nenei mose judíos eã je. Ererecua que ñee nyue ra. —Sã Dios Pedro mondo judíos je no jē. Dios chee nenei nenei sacua no. Ei si cho Dios Pablo mondo quia judíos ea je re. Dios chee nenei nenei sacua ee re, i que ererecua nee nyue ra. 8Sa Dios Pedro mondo judíos je no. Dios sí cho ngue semondo nguiã judíos eã je no. Se echeẽ nenei nenei sacuã ee. Dios ũquĩ mingo bei nonde. 9—Dios cho Pablo mondo quia judíos ea je re, i ja que Jesús quiato rerecua ja cote ra. Jacobo. Pedro rese. Juan ndese. Nyebe eriqui nguiã seo isi isi. Bernabé o abe isi no. —Coche jeingo nguiã Dios chee nenei nenei judíos ea je. Ure Dios chee nenei nenei mose judíos je, i que nee tura ja ure je ra. 10— Mbaecha reã je chỗ jẽingo mbae mondo mondo, i mii ño ngue ure je ra. Ũquĩ ño asaã saã mbei rei nguiã co.

Pablo ñee asi Pedro je Antioquíaa

11 Pedro tu mose Antioquíaa, acheẽ asite que ee ra. Mbae icuã nguiatu que esaã huee ra. 12 Quiaru turãte que equia judíos eã ndese nyii ra. Aquere que judíos mo ngaẽ ngasẽ cote ra. Jacobo resenda. Pedro que quiaru sereã judíos eã ndese cote ra. Eireĩte que judíos si ra. Nyebe nyiicuasẽ nguiã judíos eã si cote. Ucuasu raã naa esi cote. Judíos abe raque Jesús quiato. 13 Nyebe Jesús quiato judíos abe nyiicuasẽ nguiã judíos eã si cote. Pedro rui sí. Ucuasu raã naa judíos eã si cote. Bernabé abe chee que nyiicuasẽ judíos eã si cote ra. Pedro rui si no. 14 Dios cheẽ ndui si eã ño ngue Pedro riqui nguiã. Judíos nguesenda rese. Nyiicuasẽ mose judíos eã si. Nyebe acheẽ asi nguiã Pedro je mbiásaa. —Nde Jesucristo icua mose, erehui que judíos ramei ñee si cote ra. Judío raque nde. ¿Mbaerã ereico ñee judíos eã je re? "Judíos ramei ñee ndui jēingo", i ee re.

Judíos abe ra siqui bei Jesucristo icua mose

¹⁵ Judíos chỗ ndaque nande. Judíos eã na eã ndaque nande. Mbia icuã na eã ndaque nande. ¹⁶ Emo mɨɨ siqui turãyã mbeɨte quia Moisés cheẽ nduɨ si co. Dios emingo beɨ sacuã. Moisés cheẽ mumbasa ja tuchɨ chỗ nande re. Jesucristo icua mose quiatu ra Dios nandemingo beɨ. Nyebe nandeɨco nguiã Jesucristo icua ã. Dios nandemingo beɨ sacuã. Moisés cheẽ nduɨ sɨ nandeɨco eã ndaque, ae que ee ra. ¹⁷ "Cristo que mano

nandeicuã nii nda", nande bei equia ã. ¿Ūquĩ ño nandembiicuã nguia re? Tei. Cristo riqui nandembiicuã eã mbei co. Cristo quiatu nandembiirandu quia nandeicuã ndese co resẽ. ¹8 Se Jesucristo icua mose, judíos ramei ñee si que ahui cote ra. Se siqui si mose erui, eicuãte ũquĩ cote. ¹9 Moisés cheẽ ngue aicuate rei ra. Ũquĩ ngue seicuã mbutiã eã mbei ra. Moisés cheẽ sí chỗ ngue sembiirandu Jesucristo rese cote ra. Jesucristo que seicuã mbutiã cote ra. Seico bei nonde cote. ²0 Cristo mano mose, se abe que amano erese ra. Se ae aicoã nguiã co cote. Cristo riqui sechiangui re co cote. Equirãcuã je chỗ aico nguiã mbae rãã naa co. Dios riirĩ aicuate quia co. Ae chỗ ngue nyesecua tuchi nguiã serese. Ae chỗ ngue mano nguiã seicuã nii. ²¹ Dios turã aisiteã teã eãte quia co. Moisés cheẽ mumbayã mose eã ño Dios riqui nguiã aba icuã mbutiã. Ũquinde rae, Jesús manoño.

Moisés chimbesa aba mingo bei aronea

3 ¹¿Mbaerã jẽaquiatuã tuchɨ riqui re, Galacia jenda? ¿Aba jembaaquiatu ɨcuã tuchɨ quia Cristo rɨß nde? Cristo mano ngue asenei tuchɨ rei jĕje resẽ. Jẽisi turāte rei que equia nyii. ¿Mbaerã jẽingo hui serß serßte esi cote re? ²Moisés cheẽ mumbayã mose eã ño Espíritu Turã ique nguiã jeñiangui re. Jẽ Jesucristo icua mose chỗ ngue re. Se Jesucristo renei mose jĕje chỗ ngue re. ³¿Mbaerã jĕaquiatuãte riqui re? Moisés chɨmbesa que jĕicuã mbutiã eã ndesẽ. ¿Mbaerã jĕingo siqui beite erese re? Siqui rocoß Jesucristo mɨß ndese. ⁴Mbae rasi que jĕsaã tuchɨ quia Jesucristo rɨß nyii resẽ. Jĕhuɨ eã ño esɨ jẽ. ff nda ae rasi jĕsaã nguia nyii nae, ũquff ɨru eã. ⁵¿Mbaerã Dios Espíritu Turã mondo jĕje chã? ¿Mbaerã ño Dios mbia mae sayã naa naa jĕje chã? ¿Moisés cheĕ jemumbayãte quiatu quia ee re? Tei. Ũquff eã ñene. Jẽ nguia Jesucristo jĕicuate nguiã ũquff.

6Sã Abraham no. Abraham ngue Dios icuate quia ra. Nyebe Dios Abraham isi turã nguiã. 7Nyebe Dios riqui nguiã "Abraham nducucha" i huiicuasa je co. 8 "Judíos eã abe ra Dios riirī icua. Ũquĩ abe ra Dios mingo bei", i que embesa ji cose ra. "'Nderiĩ nda aico turã mbia ja je', i que Dios Abraham je ra", i que embesa ji ra. 9Sã Abraham Dios icua tuchi no. Sã Dios turãte riqui ee no. Ae Dios icua quia namo nae, ũquĩ je abe chỗ Dios turã ndiqui nguiã Abraham ndese.

¹⁰Sã emo ndiqui ñee no. "Moisés cheẽ ndui taico bei Dios semingo bei nonde", sã emo ndiqui i no. Ũquĩ nda nyoi chỗ tata cuasu. Sã embesa ji riqui ñee no. "Emo embesa ji cheẽ mumba mbirĩ mose, echeẽ mumba tuchi raanguia chỗ ũquĩ nde", i que embesa ji ra. ¹¹Dios ra ñee jiri jiriã emo nii. "Co que embesa ji cheẽ mumbayã mbei quia ra. Nyebe taisi turã", i eã nda Dios emo je. Ae je Dios riqui "co taisi turã", i nae, Dios icuate quiatu nguiã ee ũquĩ. Nyebe ra ũquĩ ndeco siqui bei. ¹²"Dios cheẽ mumba eã mbei mose quia ra Dios nandemingo bei", i mose emo, Dios

icuayã no nguiã uquĩ. ¹³Cristo que nandembui Moisés cheẽ si cote ra. Nande Moisés cheẽ mumba mose, uquĩ nda nandemombo eã tata cuasu cote. Cristo quiatu ngue mbae rasi aba ireinguia saã tuchi nguiã nande je. Sã embesa ji riqui nee no. "Aba ireinguia tuchi mae mose embucheseco ji ira resenda rese", i que embesa ji cose ra. Jesús mbucha nonde ira rese. ¹⁴Dios turã sacuã judíos eã je chỗ ngue Jesús mbae rasi aba ireinguia saã tuchi nguiã. Dios judíos eã mingo bei sacuã no ngue re. Sã Dios turãte riqui Abraham je nyii no nae. Eĩ si sacuã Dios turã judíos eã je chỗ ngue eno nde.

Dios contrato saã Abraham je

15 Sã mbia mo ndiqui contrato raã emo je no. Sã firmar i embesa mii no. "Ei nguiatu", i aroneate emo ee cote. Embesa jite quia cote re. 16 Ei si que Dios contrato raã Abraham je no nda. Abraham ndiirí je abe no. "Abraham ndiirî ja je", i eã ngue embesa ji ra. "Abraham ndiirî je", i chỗ ngue ñee nguiã aque mɨɨ je. Cristo rɨɨ ño ngue ñee nguiã. 17 Tacheẽ nyecua tuchi rã jēje. Dios que contrato saã Abraham je cose ra. —Mbae tasaã ndeje. Nderiirí je abe no, i que Dios Abraham je cose ra. Mbesa que aque mose ra. Aquere que Moisés uchee mbesa cote ra. Aquere tuchi 430 años ua mose cote. Moisés chee ngue contrato mbutia aroneate ra. Dios cheete quiatu ngue contrato re. 18 Dios que ñee Abraham je cose ra. —Mbae tasaãño ndeje. Nde mbae mo naa ndocoi seje, i que Dios ñee Abraham je cose ra. —Nde Moisés chee mumbaya mose quiatu mbae tasaã ndeje, iã ngue Dios ee ra. —Nde mbae mo naa ndocoi, i cho ngue ee ra. 19 ¿Mbaerã ño nda Moisés chimbesa chee nandechandu chã? Mbia huiicuã icua sacuã no Moisés chimbesa re. Cristo tu mose cho ngue Moisés chimbesa chee ua nguiã. Sã Dios contrato naa Abraham ndiirî je nyii no. Cristo je cho eriqui nguia "Abraham ndiirî" i. Dios rane ngue uchee mondo ángeles je ra. Angeles que emondo Moisés je cote ra. Aquere que Moisés embesa mbia je cote ra. Mbia echee mumbayã nonde. 20 Sã Dios contrato naa Abraham je no. Ae sí chỗ ngue ñee nguiã Abraham je. "Sechee esenei Abraham je", ia ngue Dios emo mondo nee Abraham je ra.

Nandeico Cristo icua ã cote; Moisés chee ndui siqui rocoi

²¹ Ae contrato Dios saã Abraham je nae, Moisés chimbesa ũquĩ mbutiã aroneate quia co. Moisés chimbesa aba mingo bei arõ mose, eĩ nda Jesucristo manoate rei. Moisés chimbesa aba mingo bei aroneate. Nandechiã abe mbitirõ aroneate no. ²² "Mbia icuã ja chỗ ñene", i que embesa ji ra. Nyebe nandemo mbae mo turã naa aroneate siqui bei sacuã. Jesucristo icuasa quia ra Dios mingo bei ucheẽ nguire. Jesucristo icuate quia ñene. Mbae mo naa ndocoĩ Dios je nyii.

²³Cristo tu nonde que nandeico rei ñee nda. "Moisés cheë nandemumbayã" i rei ra. Moisés cheë ngue nandemumbayã aroneate quia ra. "Cristo ra tu" i que equia nande je, ũquĩ ño ngue nandesaarõ arõ nguia ra. ²⁴Mbia mbaaquiatusa rã ño Moisés chimbesa re. Mbia mbiirandu que Cristo rese ra. Mbia siqui nonde Cristo mii ndese tu mose cote. Cristo icua nonde. Dios Cristo icuasa isi turã mbei nonde cote. ²⁵Nandeico Cristo icua ã cote. Nyebe ra nandeicoã Moisés cheë ndui cote. ²⁶Nandeico Jesucristo icua jate ã. Nyebe Dios riirî ja chõ nande re. ²⁷Nandembucha ji nandeico mose Cristo rii, Cristo rã sí chỗ nandeico nguiã ã cote. ²⁸Nande Jesucristo icua ja mose, nyiabiã ja chỗ nandeico nguiã ã cote. Judíos ra siqui turã judíos eã je cote. Ererecua ra siqui turã ngũimba je cote no. Mbia ra siqui turã ja nyiese no. Aque mii na tuchi chỗ nda nandeico ja nguiã Cristo rese cote. ²⁹Cristo icuasa chỗ jẽingo nguiã ũquĩ. Nyebe Abraham ndiirî abe chỗ jẽingo nguiã ũquĩ no. Ae turã nda Dios saã Abraham ndiirî je nae, jẽje chỗ nda eraã nguiã.

¹Sã mbaecha rirĩ mo no. Sã mbae raã aroneate ae ae uñetẽ mose no. Erimba rã sɨ chỗ nda eriqui mbia cheẽ mumba eã. Mbaecha riirĩ ndaque. ²Ae rese eriqui ndua nae, ũquĩ ndese eriqui aroneate. Uraarõsa nduasa achỗ ndese chỗ nda eriqui. Ucuasu mose ramo ño nda eriqui ndua ae ae cote. "Co tasaã", ɨ cote. ³Eĩ sɨ chỗ nande nyii re. Mbia riirĩ na sɨ. Jesús tu nonde. Mbia cheẽ achỗ nduɨ chỗ ngue nandeɨco nyii ra. Jesús tu nonde. ⁴Dios que "coche ñene" ɨ cote ra. Ūquĩ mose que nguiirĩ mondo mbia je íbii cote ra. Dios riirĩ ngue tu mbiarã nda. Moisés cheẽ ngue emumbayã mbei quia eɨco mose íbii ra. ⁵Ae que tu nandembuɨ bei Moisés cheẽ sɨ cote ra. Dios nandererequia sacuã nguiirĩ na cote. ⁶Dios riirĩ ño nande cote re. Nyebe Dios Espíritu Turã mondo nguiã nandechɨangui re cote. Nyebe nandeɨco nguiã Paba ɨ tuchɨ Dios je namo cote. ⁷Dios riiri tuchɨ chỗ nande cote re. Erimbachỗ eã. Nyebe ra Dios mbae mondo tuchɨ nande je cote ucheẽ nguire.

Pablo ndua tuchi Jesús quiato rese

⁸Jẽ ngue Dios jẽicuayãte quia nyii ra. Dios abareã ndese chỗ ngue jẽingo aque mose ra. ⁹Ūquĩ jẽingo Dios icuate ũquĩ cote. Dios abe riqui jẽicuate co cote. ¿Mbaerã nguia jẽingo hui serĩte esi cote re? ¿Mbaerã nda jẽingo sí dios abareã nimbarã nde? Dios abareã quirãcuã eãte nyeresẽ. Mbae mo naa aroneãte nande je resẽ. ¹⁰"Co tenda mbae mo nandesaã Dios je Dios nandeisi turã sacuã", jenye chỗchĩ nguiã ũquĩ. "Co nyasi mbae mo nandesaã Dios je Dios nandeisi turã sacuã", jenye chỗchĩ nguiã ũquĩ no. Eicuã tuchi chỗ ũquĩ nde. ¹¹ Jaembaaquiatu quiatu iru chỗ se reae.

12 Se rã no jêingo ae. Sã aico eãte Moisés chimbesa cheẽ ndui sí co no. Sã jẽ abe jêingo eãte erui nyii no. Sã jêicuã eãte emo mose seje no. ¹³Se Jesucristo renei namo mose jeje, serasite quiatu ngue se aque mose re. Ũguɨ jẽɨcuate guia ũguɨ. ¹⁴Mbae rasi que asaã tuchɨte rei ague mose ra. Serasi que jẽucuaya eate quia aque mose ra. Serasi que jẽisitea eate quia aque mose no nda. Angeles que jesa no seisi tura aque mose ra. Jesucristo que jesa no seisi tura aque mose ra. 15 Seisi tura tuchi que se aque mose ra. Jendesa que jemondo bite quia seje aque mose ra. ¿Mbaerã jẽingo secheẽ isi sereãte cote re? 16 Dios cheẽ ngue asenei turã tuchi quia jēje. ¿Ũquĩ je chỗ jẽingo seucuãyate cote re? 17 Ae riqui jembaaquiatu icuã icuate uqui nae, uqui siqui sete raque jendese uqui. Mbae tura nii ea no ñene. Jembiicha sacuã ure si cho ñene. Jeingo sacua uqui acho ndese chỗ ñene. ¹⁸Coche rei ũquɨ siqui jendese Dios cheẽ nenei nenei turã mose iẽje. Sã eriqui jembaaquiatu turã turã mbei. Seicoã mose abe jendese. ¹⁹¿Mbaerã jẽingo sembia eã tuchi ũquĩ nde? Jẽhui serĩ serĩ mose Dios turã si. Sã aque ndasi riqui cuña je no. Ei no seya ea ndasi nguia jendese co. Jẽingo sacuã Cristo rã si. 20 ¿Mañi ae ra se quia jēje re? Aico rã nda jendese chã. Se ñee tuchi nonde jeje. Sechee mbesa rocoi mondo jeje.

Sã Abraham ndiirĩ nyeremo no

²¹ ¿Mbaerã jẽɨngo ñee nde? "Moisés cheẽ nandemumbayã, Dios nandemingo bei sacuã", ¿mbaerã jeingo i re? Moisés chee jeicuayate quia reae. ²²Moisés chimbesa chō nandembiirandu nguiã Abraham rese co. Abraham ndiirī nyeremo ndei que ra. Co mii ngue eninisite riirī nda. Sara, i que eninisite je ra. Agar, i que erimba je ra. Aque abe que Abraham nbiirī ndei ra. Nyebe Abraham ndiirī nyeremo ndei nguiã. ²³Mbia rã si chỗ ngue erimba tiirĩ ee ra. Dios ñeende ee nyii quiatu que eninisite tiirî ee ra. —Neninisi ra tiirî ndeje, sã Dios i ee nyii no. Ũqui io sacuã no eninisite tiiri cote ra. ²⁴Nandemundua sacuã no ũqui nde. Contrato rã si chỗ Sara re. Contrato mó na ño Agar no nde. Ae contrato Dios saã Moisés je Sinaí no nae, Agar rã si chỗ ũquĩ nde. Ae siqui bei quia ũquĩ contrato rui nae, mbia rimbacho na no ũquĩ nde. 25 Sinaí rã si cho Agar re. Arabia jenda chỗ Sinaí re. Jerusalén na sɨ chỗ Sinaí re. Ae siqui quia Jerusalén nae, erimba rã si chỗ ũquĩ nde. Erimba rã si chỗ judíos ja no nde. Jesucristo icua rocoi. ²⁶ Jerusalén mo ño chi nguiã ibate pe no. Ae mbia hue jenda nae, mbia rimba mo eã ño ũquɨ nde. Hue jenda chỗ nande abe no nde. 27 Sã embesa ji riqui ñee no:

Ndeya chô eico, tiiriã je.

Ndeya chô eico, aque ndasi raasa ea.

Nderiiri nda eretea tuchi cote.

Eru chiriro nguia ra tiiri tuchi eru rerecua si cote,

i que embesa ji ra. ²⁸Dios riirĩ tuchi chỗ nande re. "Seriirĩ tuchi ra ũquĩ", ã i Dios nanderiĩ nyii no. Sã ñee Isaac nii nyii no. ²⁹Sã Dios ñee Abraham je nyii no. "Nderiirina tamondo ndeje Isaac", sã i ee no. Sã Isaac nyaacuquia

Espíritu Turã nɨɨ no. Sã Agar riirĩ ɨcuã ɨcuã Isaac je cote no. Eĩ sɨ chỗ namo no nde. Ae siqui tuchɨ judíos cheẽ nduɨ nae, ũquĩ ɨcuã icuã ndiqui namo nande je ã no. ³⁰ ¿Mañɨ ño embesa ji cheẽ ña? "Erimba emombo chỗ. Eriirĩ ndese. Eninisite riirĩ na eã ño erimba riirĩ nde. Erimba riirĩ siqui aroneate eninisite riirĩ ndese", ɨ que embesa ji ra. Eĩ sɨ chỗ ae siqui tuchɨ quia judíos cheẽ nduɨ nae. Siqui aroneate Jesús quiatorã. ³¹ Erimba riirĩ na eã tuchɨ chỗ nande re. Eninisite riirĩ na tuchɨ chỗ nande re. Nande Jesús ɨcua mose.

Cristo nandembui Moisés chimbesa si cote

¹Cristo que nandembui Moisés chimbesa si cote ra. "Moisés chimbesa cheẽ nda semingo bei", jenyechĩ nda jẽ. Ae ra i ũquĩ, mbia rimba rã ño ũquĩ nde. ²Tacheẽ nyecua tuchi rã jẽje. Circuncisión nda jẽsaãchĩ. Moisés chimbesa cheẽ ndui ra jẽingochĩ cote jẽ. Cristo mii ndese chỗ jẽingo cote. Jẽ circuncisión naa mose, jẽingo turã eã ño nguiã Cristo rui ũquĩ cote. 3"Moisés chimbesa chee tamumbayã mbei", i raanguia cho circuncisión nde. 4"Dios ra seisi tură seico bei mose Moisés chee ndui" i mose jemo, Dios chẽe abi tuchi chỗ ũquĩ nde. Dios turã si nyiicuase tuchi chỗ ũquĩ nde. ⁵Espíritu Turã ndiqui nanderese co. Nande Jesucristo nandeicuate quia ã. Nyebe ra Dios nandeisi tură Jesucristo mii nii. 6Nandeico mose Jesucristo rese, e ja cho nande ee re. Ae circuncisión sa a nae, ae circuncisión sa e a no nae, e ja cho nande ee re. Jesucristo icua mose, ũqu nguia etură tuchi re. Nandechesecua mose mbia rese, ũquĩ nguia eturã tuchi no nde. 7 Jẽingo turate rei que equia nyii. ¿Aba jembui Cristo chee si cote re? 8Dios ea no ngue jembui nguiã esi. Dios cho ngue "jenyu" i nguiã jeje. 9Sã levadura riqui no. Eñete mondo mose mbichae ve, mbuquiche ja rae. ¹⁰Dios ra jendeaquiatu bei. Mbia mo jembiicha ea sacua esi. Ae jembiicha serite quia esi nae, ũquĩ nda Dios mbasi. Ererecua raque ra emo. 11 "Circuncisión jesaã na", ae ãte quia mbia mo je co. "Circuncisión jesaa na", se i mose, ei nda judíos icuã icuã eate rei seje. Ei nda judíos paama i ate rei seje Cristo mano nenei nenei mose mbia je. 12 Ae "circuncisión jesaa na", i quia jeje nae, ũqui nda nguete chisia tuchi rã jendecha chã.

¹³ Jesucristo que jembui Moisés chee si ra, Seresenda. Ae icua jenyosei chosei quia nae, ũquĩ ndese ra jeingochĩ cote je. Jeingo tura nguiatu quia jenyue. Jenyesecua tuchi quiatu quia jenyiese. ¹⁴ Dios chee ja tuchi cho a nde: "Sã ereico nyesecua ndechiese no. Eĩ ere si cho nyesecua emo ndese", i que Dios chee nda. Nandechesecua mose mbia rese, Dios chee nandemumbaya tuchi cho nguiã ũquĩ. ¹⁵ Paama jenyechĩ nda jenyue je. Jenyishiu shiuchĩ nda eno je. Ũquĩ naa naa mose ra jehui ja ja chee Cristo si.

Ae icuã nandechosei chosei quia nae, ũquĩ si nandehui

¹⁶Tacheẽ nyecua tuchɨ jẽje. Espíritu Turã ñee nduɨ beɨ jẽɨngo. Ae ɨcuã jenyoseɨ choseɨ quia nae, ũquɨ ndese nda jĕɨngoã cote chã. ¹⁷Ae mbae

icuã nandechosei chosei quia nae, Espíritu Turã quiatoã tuchi chỗ ũquĩ nde. Ũquĩ quiatoã tuchi chỗ Espíritu Turã no nde. Ae nandechosei chosei quia, nyebe ra ũquĩ nandesaã eã. ¹⁸ Jẽingo mose Espíritu Turã ndui, "Moisés cheẽ nda nandemingo bei" jenye eã nda cote. ¹⁹ Ae siqui quia ubi icuã ndese nae, mbae icuã esaã ata atate quia ã. Siqui siqui chỗ nguiã ngũinisiã ndese. Cuña abe siqui siqui chỗ nguiã ngu eã ndese no. Siqui chooño mbia rese. ²⁰ Dios abareã ndese siqui chooño. Brujería abe rese siqui chooño. Mbia ucuãyã cuãyã. Siqui icuã icuã nyue. Mae icuã icuã emo ndese. Paama i jei jei emo je. Abei chiã. Mbia mbuqueta queta. ²¹ "Ĩ ãchĩ sembae", i mbia mbae osei osei. Mbia iquia. Quiacua. Siqui chooño mbae ja rese. Ae ã icuã ñumumbara saã saã mbeite quia nae, ũquĩ nderecuarã eã mbei ra Dios.

Espíritu Turã ño aba mingo nguiã mbae turã ndese

²²Ae siqui quia Espíritu Turã ndese nae, Espíritu Turã ño emingo nguiã mbae turã ndese ã. Nyesecua chỗ nguiã mbia rese. Eya chỗ eriqui nguiã. Quicoi coi eã ño nguiã. Siqui tochi chỗ nguiã. Siqui turã ño nguiã. Ucheẽ mbuchebi chebiã ño nguiã. ²³Eseteã ño eriqui nguiã. Ae ae chỗ nyiteaquiatu nguiã mbae icuã si. Nande ũquĩ naa naa mose, emo ñee aroneãte nande je cote. ²⁴Sã Cristo mano nyii no. Eĩ si chỗ Cristo quiato undua icuã mbutiã nguiã no. Cristo mano nyabe.

²⁵Sã Espíritu Turã ndiqui nandereco mingo turã co no. Eĩ nande sí siqui turã erui jẽ. Ae nandererequia turã bei nonde mbae turã ndese.
²⁶Nandecuasu ra nandesaã saãchĩ jẽ. Nandeicuã techĩ nda nandechue jẽ. "Aque rã eãchĩ se", nandechĩ nda mae icuã icuã nandenongue rese jẽ.

Jendua cho nguia nyiese mbae mo naa jenongue je

1 Emo mbae icuã naase i i mose, "Dios rui eico" jenye chō ee. Ae jemo siqui tuchi quia Dios rese, ũquĩ mo ñee ee. Embucuata turã sí nonde Dios rese. Jeñee mingue mingue chō nguia ee. "Mbae icuã tã i arōte se abe je", jenye chō nguia ndua jẽ abe. 2 Jendesenda ia eã ndasi mose, jendua chō nguia erese mbae mo naa naa ee. Cristo cheẽ mumbayã ja chō ũquĩ nde. 3"Seaquiatute rei ñene", i mose eaquiatuã mo, ae sí chō nguia. Ũquĩ mose ra ndeya quiátu tuchi ndechisaã ndese. Mae ndocoĩ emo nyisaã ndese. 5 Nande ae ae nandechimbirācuã nguiátu nandeya eã ndasi ae ae je.

6Emo siqui mose jembaaquiatu quiatu Cristo rɨɨ, mbae ja quia jemondo mondo quia ee. 7Erechɨmbɨɨrɨ ɨrɨchɨ nda ndechue sɨ jē. Dios abe erembɨɨrɨ irɨ aroneate. Ae ra erechitiquia mbae mo nae, ũquɨ sɨ chō nda ereucua.

8Ae siqui quia ubi achō ndese nae, ũquɨ nda ua chee. Ae siqui Espíritu Turā nduɨ nae, ũquɨ nda Espíritu Turā mingo beɨ.

9Nandechɨmondocho

GALATAS 6 360

eã no nguia mbae turã naa naa mbei jẽ. Nandehui eã mbei chỗ nguia esi jẽ. Ūquĩ mose ra Dios mbae mee tuchi jee nande je cote. ¹⁰Mbae turã nandesaã saã mbei chỗ nguia mbia je. Jesús quiato je quia mbae turã nandesaã saã tuchi jiri.

Pablo hui bei saludar i mbia je

¹¹Seo ae je chõ co ambesa mondo nguiã jēje aque. Sã letras cuasute. ¹²Ae "circuncisión jẽsaa", i quia jẽje nae, siqui turã sacuã mbia rese chõ ũquĩ nde. Siqui turã ndocoĩ Cristo rese. "Cristo ae ra aba mingo bei" i sereã. Siquichete quiatu mbia si re. ¹³ Ae circuncisión saã nguia nae, ũquĩ abe riqui eã Moisés cheẽ ndui ũquĩ. "Ĩ nda mbia riqui urerui", i chõ nguiã "circuncisión jesaã" i jeje uqui. Ucuasu ra esaã saã je circuncisión naa mose. Eyate ra jendese cote, jeingo mose erese. 14 Jesucristo mii ndese cho nda seva se. Ae mano ira rese. Ae mii nii nda achee nee mbia je. Mbaemo ndese abe eã nda seva se. Jesucristo mano mose ira rese, se abe que amano mbae icuã si ra. Mbae icuã abe que mano sesi no nda. ¹⁵Nandeico mose Cristo rese, ei ja cho nande ee re. Ae circuncisión saã nae, ae circuncisión saã eã no nae, ei ja cho nande ee re. Dios nandechiã mbiasu mose, ũquĩ nguiatu eturã tuchi re. 16 Ae siqui quia Jesucristo mii ndese nae, sã Dios turã ndiqui bei ũqui ndese. Sã Dios riqui embia bei. Sã Dios turã ndiqui bei ngũimba ja je. ¹⁷ Sechee nda jesibishorochi namo jẽ. Emo mose abe jẽ. "Pablo eaquiatuãte", sã emo i eã cote. Sã mbae rasi airara rara beite quia Cristo rii co no. Sa seirua nuasa chero areco serete rese co no je. Jesucristo rii no uqui nde. 18 Sa Jesucristo tura ndiqui bei jendese, Seresenda. Amén.

LA CARTA DEL APOSTOL SAN PABLO A LOS

EFESIOS

Pablo embesa Jesús quiato Efeso jenda je

1 Se rei Pablo. Dios que seirabo ra. Jesucristo chimbaaquiatu sacuã. Co ambesa mondo quia jēje aque. Jesús icuasa je. Efeso jenda je. 2Sã Dios riqui uturã ndeacuquia bei jēje. Jesucristo abe no. Sã ūquī ndiqui jembia bei.

Cristo mbae tură saă ja nande je

³Nandechee tură mbei cho nguia Dios rii. Jesucristo ru rii. Jesucristo rese cho nandeico nguiã a cote. Ibatenda cho nandeico nguiã a cote. Nyebe Dios riqui nguiã mbae turã naa jate nande je co. 4Dios que nandeirabo nyii ra. Cristo rii. Mbae ao ja nonde. Nyesecua tuchi que nanderese ra. Nyebe nandeicuă mbutiă ja nguiă nandesi. Nandeico turã sacuã enonde. 5Dios que nandeirabo tuchi coose ra. Mbae ao nonde. —Jesucristo rii nda seriirina je, i que nande je nandeicua mose ra. 6 Nandechee mbei sacua Dios tura nii. Utura je cho nandeisi nguia Jesucristo rii. 7 Jesucristo mii ngue mano nanderiro sacua mbae icua si ra. Ae rii no Dios nandeicua mbutia nguia nande si cote. Dios turate quia nande je re. 8Dios que utură teacuquia ja nande je ra. Nyebe eriqui nguiã mbae icua jate nande je. 9—Seriirī nda amondo mbia je íbii. Ae ra mbia mangue chooñoa jenda mingo ja serese cote, i que Dios cose ra. Ũqui ngue eteacuquia nande je cote ra. Nande eicua sacuã. 10 Dios icoquiatu mose ra mbae mbuchiicuabo ja cote. Nandemunua ja ra ino Cristo nonde. Cristo ra mbae rerecua ja tuchi aque mose cote. Ibi jenda rerecua ja. Ibatenda abe rerecua ja.

¹¹Ae Cristo saã nande je nae, ũquĩ nii ño ngue Dios nandeirabo nguiã cose. Mbae tiã mose que Dios nandeirabo nyii ra. Ae sí mbae turã naa naa

sacuã nande je. Dios cheẽ nguire mbae riqui nyecua bei ã. 12 Urecheẽ turã mbei sacuã Dios riĩ ño ngue ureirabo nguiã. Ure rane ngue Cristo ureicua nyii ra. 13 Jẽ abe que Cristo jẽicua chee cote ra. Jẽ echeẽ turã andu mose. —Cristo ra jendirõ jẽicuã si, i mose jẽje. Jẽ Cristo icua mose que Espíritu Turã Cristo mbae marca mii jendese ra. —Espíritu Turã tamondo Cristo icuasa je, i Dios quia nyii nae, aque sí que Cristo mbae marca mii jendese cote ra. 14 Espíritu Turã ndiqui nandechiangui re co. Nyebe nandeico nguiã ñee. —Dios ra mbae mee ja nande je ucheẽ nguire, i. Dios que nandeisi Jesús ruqui ribishorõ nda. Nandemingo bei ra erese cote. Ūquĩ nii ño Espíritu Turã Cristo mbae marca mii nguiã nanderese. Nandecheẽ turã mbei sacuã Dios riĩ ño ngue ũquĩ nde.

Sã Dios jembiirandu uquirãcuã ndese, i Pablo

¹⁵ Airandu que jendese ra. Jesús jēicua tuchite quia ũqui. Jenyesecua tuchite equia Dios quiato ja rese ũquĩ. 16 Nyebe aico nguiã ñee hui ãte Dios je. Gracias, i bei ee jenii. 17—Paba, ndequiato embaaquiatu tuchi Cristo rii. Cristo eicua uquia tuchi ee, ae beite se quia Dios tură je jenii co. ¹⁸ Achee mbeite quia Dios je jenii co. —Paba, ae tură nda eresaă je ndequiato je nae, ũquĩ ndese embiirandu jiri namo. Ae turã nda eremee je ee nae, ũquɨ ndese abe embiirandu. ¹⁹Ndequiracua ndese abe embiirandu, ae beite quia Dios je jenii co. Dios quiracua nda ua ea mbei. Equiracua ndiqui Jesús quiato chiangui re ja ã. ²⁰Dios quirãcuã ae que Jesús raaque mbuquera si ra. Dios quirãcuã ae que Jesús mbocoi mii ujii ra. 21 Dios que Jesús mii mbae rerecuarã ja ra. Ae quia rei i tuchi ererecua mo si. Gobierno mo ab e si. Ae quia rei ecuasu tuchi ibi jenda ja si. Ibatenda abe mo si. ²²—Mbae ja rerecua tuchi rei Jesús, i que Dios ra. —Sequiato rerecua ja cho ae re, i que Dios ra. ²³Dios quiato rei Jesús rete rã. Jesús riqui uquiato chiangui re co. Manguiti eriqui ea aroneate. Mbae aosa ja chõ ae re.

Utură nii Dios aba riro aba icua si

¹Dios que ngueco mondo jēje cote ra. Jēicuā nii no ngue jēingo nguiã eraaque rã nyii. ²Mbia ataque rã tuchi que jēingo aque mose ra. Mbae icuã naa naa ndesechi. Satanás nee ndui beite que jēingo nyii ra. Equiracuate que eriqui jēje ra. Ae siqui ate quia Dios rese nae, uqu no Satanás nee mumbaya nguiã a. ³Ei nande que equia cose nyii ra. Ae nandebite riqui mbae icuã nyii nae, uqui ndesecho no ngue nandeico ra. Ae rese nandeico ndua beite mbae icuã nyii nae, uqui ndesecho no ngue nandeico nyii ra. Mbia ataque ra sí cho ngue nandeico mbae icuã naa naa nda. Dios nda nandembasi nguiã nandeicuã nii na. ⁴Eyayate quiatu ngue eriqui rei nguiã nanderese. Nyesecua tuchite quiatu que equia nanderese ra. ⁵Eraaque ra ate raque nande nandeicuã nii nyii. Nyebe ngueco turã

363 EFESIOS 2

mondo nguiã nande je Cristo raaque mbuquera si mose. Dios turã ae chô jendirõ nguiã jẽicuã si. 6Dios Cristo raaque mbuquera mose que nande abe mbuquera echabe ra. Dios que nandemingo erese ibate cote ra. 7Dios turã tuchi riqui nande je Jesucristo rii co. Î nda mbia jirandu randu Dios chisaã turã ndese emo mose. Ibátee nandeico mose abe no. 8Jē ngue Jesús jēicua ra. Nyebe que Dios jendirõ jēicuã si ra. Uturã nii ño ngue jendirõ nguiã jēicuã si. Jē ae jeñimbucha aroneate Jesús rese. Dios ae ngue jembucha nguiã erese. 9Nandechisaã turã nii eã ño Dios nandembucha nguiã Jesús rese. Nyebe nandemo ndiqui uturã naa naa aroneate. 10Dios ae que nandeao ra. —Se emingo mose Jesucristo rese, aque mose quia ra mbae turã naa naa cote, i que Dios nanderii cose ra.

Cristo mii ño mbia mingo tură tură nguiă nyiese

¹¹Dios rese que jĕingo ãte nyii ra. Ũquĩ si jĕtesareiã ño. Judíos eã ño ngue jẽ ndesẽ. Nyebe judíos jendirirõ nguiã. Circuncisión ngue jẽsaã eãte judíos rã ndesẽ. 12 Jẽingo eãte que Cristo rese nyii resẽ. Jẽingo turã eãte que equia Dios rimba je resẽ. Dios cheẽ si que jẽingo ishote resẽ. —Dios ra mbae turã saã nande je, jenye ãte que equia ndua aque mose resẽ. 13 Jesucristo mbae chỗ jẽ cote re. Ishote jẽingo raque Dios si cose. Dios que jembucha tuchi uchiese Jesucristo mano nii nda. 14 Cristo mii ño nandemingo tură nguiã nyiese ã. Ae mii ño judíos mingo turã nguiã judíos eã ndese co. Ae mii ño judíos eã mingo turã nguiã judíos rese co no. Ũquĩ ngue siqui icuãte quia nyue Cristo icuayã mose nyii ra. Mbia mii na ño eriqui nguiã siqui turã nyue ã cote. 15 Umano mose que Jesús judíos mbui mondo Moisés cheẽ si cote ra. Ae Moisés ñee, judíos echee mumba ea sacua nae, uqui si que Jesús embui cote ra. Nyebe judíos siqui turã arõte judíos eã ndese ã cote. Judíos eã abe siqui turã arõte judíos rese cote. Ũquɨ siqui mose Jesús rese, co mɨi na ño eriqui nguiã ã cote. Mbia mɨi mbiasu ji rã ño eriqui nguiã ã cote. 16 Ũquĩ icuã icuã mose nyue que Cristo mano ũquĩ icuã ndiquicharõ nda. Ũquɨ mingo turã ja nonde Dios rese. Siqui turã mose Dios rese, siqui turã nda nyue cote. ¹⁷Cristo que mano mbia mingo turã sacuã Dios rese ra. Tu que mbia mbiirandu ja nonde nyiese ra. Judíos. Judíos eã abe mbiirandu nonde nyiese. 18 Cristo que mano nande ja je ra. Judíos je. Judíos eã je abe no. Nyebe Espíritu Turã mii nandemingo ja nguiã nyiese ã. Dios nandesiichă ja arõte qui a ã cote. 19 Mbiamo eã ño je Dios je cote re. Ã jẽingo isho eãte Dios si ã cote. Dios riirĩ tuchi chỗ jẽ cote re. Cristo resenda ataque rã sí chỗ jẽingo nguiã ã cote. 20 Tuchua raã ji mo na ndei jẽ. Jesús chimbaaquiatu rei tuchua i rã. Dios chee mbuchecuasa cose ndare abe rei tuchu a i rã no. Jesucristo rei ũquĩ i tuchi. ²¹ Nande Jesús icua mose, Dios chuchua tură naanguia cho nandeico nguiă Jesús je ă. Nande Jesús quiato tubiriã i ite riqui ã. ²²Espíritu Turã ño jemingo nguiã Dios rese je abe ũqui. Nyebe jẽ abe jẽingo Dios chuchuarã ũquĩ. Dios riqui jeñiangui re ũquĩ.

EFESIOS 3 364

Judíos eã abe ra siqui Dios rese, i Pablo

3 ¹Se rei Pablo. Jesucristo rimba. A setarõ ji ñi jenii a. Jẽ judíos eã nii. —Judíos eã abe riqui Dios rimba ã, ae beite que se quia jenii nda. Nyebe setarõ ji ñi nguiã a. ²—Judíos eã je chỗ seturã esenei senei nde, i que Dios seje ra. Ũquĩ ndese beite aico co. Jẽirandu equia serese reae. ³—Judíos eã abe ra siqui serese. Secheẽ turã esenei senei ee, i tuchi que Dios sembaaquiatu ra. Ũquĩ ngue asenei jua chỗ jẽje ra, se embesa mose jẽje nyii. ⁴Sechimbesa rese jemae mose ra jeñee cote. —Pablo Dios cheẽ icua tuchi chỗ nguia judíos eã nii nde, jenye ra cote. ⁵—Judíos eã abe ra siqui serese judíos rã si tuchi, i eã ngue Dios mbia mo je cose ra. Namo ño mbia jirandu nguiã ũquĩ ndese. Namo ño Espíritu Turã Jesús chimbaaquiatu mbiirandu nguiã ũquĩ ndese. Dios cheẽ mbuchecuasa abe mbiirandu ũquĩ ndese. ⁶Ã ndei Dios cheẽ mbuchecua ramo ji ã: Judíos eã abe ra siqui Dios rese judíos rã si tuchi cote. Mbia rete mii na nda eriqui ja cote. —Mbae turã tasaã jēje Jesucristo riĩ, i mose Dios, judíos achỗ je eã ño eriqui nguiã ñee. Judíos eã abe je chỗ ñene.

7—Ũquĩ secheẽ esenei senei mbei quia mbia je, i que Dios seje ra. Mbae tură mo asaă eă ndaque Dios je nyii. Uquirăcuă abe que emee seje ũqui naa sacuã nda. 8 Dios turã tuchite que seje ra. Se mbae raande rocoi ee nyii. Nyebe ñee nguiã seje. —Secheẽ esenei senei mbei quia judíos eã je. Ae rese mbia riqui jiranuate Cristo tură nae, ũquĩ esenei senei judíos eã je, i que seje ra. 9—Ae turã nda asaã judíos eã je nae, ũquĩ ndese mbia embiirandu ja cote, i que Dios seje ra. Dios quiarei ndua ndua ũqui nyii. Mbae ao ja nonde nyii. ¹⁰Mbaerã ño Dios mbia mbiirandu ũquɨ ndese cote chã. Mbia jirandu sacuã Dios aquiatu rese chõ ñene. Dios judíos eã mingo tură mose judíos rese, mbia ra nyuruira tuchi mae Dios quirăcuă ndese. Ibatenda abe ra nyuruira tuchi mae erese no. 11 Dios ndua ndua ũquĩ nyii. —Mbia chumumbarate riqui raque ã. Emo emo nda ambucha nyiese Cristo mano mose, i que Dios cose ra. Ũqui ngue esaã Jesucristo rii cote ra. ¹²Nandeico Jesucristo icuate ã cote. Nyebe nandeico nguiã siquicheãte ñee Dios je ã cote. ¹³Ae mbae rasi asaã nguia cárcel co nae, jenii ño ñene. Seyate se mbae rasi raã mose jenii. Je abe jeñimbia cho nguia serese.

Cristo nyesecua tuchi uquiato rese

¹⁴ Judíos eã abe chõ Dios mingo nguiã uchiese. Nyebe aico nguiã gracias i bei Dios je co. ¹⁵ Ã nandechumumbarate riqui íbii ã nae, ũquĩ ndu ja chõ Dios re. Ibatenda abe ru chõ ae no nde. ¹⁶ Dios mbae saã ja arõte nande je. Ebite mbae raã mose nande je. Nyebe aico nguiã ñee ee jenii a. —Paba, Espíritu Turã emondo tuchi echiangui re. Embuquirãcuã sacuã, ae chỗ nguiã ee a. ¹⁷—Paba, sã Cristo riqui tuchi echiangui re. Sã Cristo icua tuchi. Sã eriqui nyesecua tuchi Cristo rese, ae beite se quia

Dios je jenii co. ¹⁸⁻¹⁹Mbaerã no Dios riqui nyesecua tuchite nanderese co. Co eriqui nyesecua tuchite nande rese co. Jendua tuchi quiatu quia uqui ndese. Sã Cristo quiato riqui ndua ja uqui ndese. Sã Dios riqui tuchi jeniangui re. ²⁰Dios quiracua ndiqui beite nandechiangui re co. Nandembiracua mbeite equia co. Nyebe eriqui mbae raa ja arote nande je co. Ae rese nandeico ndua eate nae, uqui abe chee esaa arote quia nande je co. ²¹Sã Jesucristo quiato riqui nee tura mbei Dios je Jesucristo rii. Mbae ua ja mose chee. Ei si ra equiato quia nee tura mbei erii. Amén.

Hue ri ja cho Espíritu Tura ndiqui nguia Jesús quiato mundua

4 ¹Setarõ ji aĩ Jesús riĩ a. Secheẽ amondo quia jẽje aque. Jẽingo turã no nguia Cristo rã si. Dios chiirabote quia jẽ nde. ²Jẽseteã no jẽingo. Jẽingo tochi chỗ nguia. Jendoseĩ nguiatu chỗ nguia jenyue. Jenyesecua chỗ nguia jenyiese. ³—Hue rĩ ja chỗ nandeico ndua jẽ, jenye chỗ nguia jenyue. Sã Espíritu Turã ndiqui jemundua hue rĩ ja. ⁴Jesús rete mɨi na nande re. Espíritu Turã mɨi no siqui nguiã nandechiangui re co no. Jesús mɨi na nda nande ja nandeico. ⁵Ae mɨi no nandererecua ja re. Ae mɨi ndese chỗ nandeico ja nguiã ã. Aque mɨi nɨi no ngue bautizar i nguiã nande je no. ⁶Dios mɨi no nanderu ja re. Ae mɨi no nandemingo nguiã mbae rese. Ae mɨi no siqui nguiã nandeite re co no. ⁷Dios que nandechisaã ae aerã mee nande je ra. Cristo que uturã mee mee nande je ra. Ae ra nandesaã saã, ũquĩ naa naa turã sacuã. ጾSã embesa ji riqui ñee no:

Cristo que nyui oso ibate ra.

Mbia tarõ ji que equerao ra. Mbia chisaã ae aerã ngue emee mee mbia je ra,

i que embesa ji ra. ⁹Jesús que siqui ibátee nyii ra. Aquere que eru nguichi íbii cote ra. ¹⁰Ae sí que oso nyui ibei robei cote ra. Mbae rerecuarã ja sacuã ngue ae cote ra. ¹¹Ae que mbia chisaã ae aerã mee ee ra. — Apóstoles ra jẽ, i que emo emo je ra. —Secheẽ embuchecua checua quia mbia je, i que emo emo je ra. —Mbia sequiatoã je secheẽ turã esenei senei mbei serii, i que emo emo je ra. —Mbia serimba eteaquiatu bei, i que emo emo je ra. —Mbia embaaquiatu quiatu bei quia, i que emo emo je no nda. ¹²Eĩ ngue Dios uquiato mbaaracua racua ja uchisaã ae aerã ndese ra. Ũquĩ mose ra Jesús quiato Jesús osei i i tuchi cote. ¹³Ũquĩ mose ra nandendua ja Jesucristo rese hue rĩ ja. Ũquĩ mose ra Jesucristo nandeicua i i tuchi. Jesucristo rã nda nandeico chee ũquĩ mose. ¹⁴Ũquĩ mose ra nandeico ñimbirãcuã tuchi Cristo rese. "Tambiirī irī Cristo rii"

i mose emo nande je, nandeicoã nda ũquĩ ndese. Nandendua ata ata eã nda Cristo riĩ. Ae mii ndese chỗ nda nandeico bei. Mbia riirĩ na nda nandeico ndua ata eã. ¹⁵ Ũquĩ mose ra nandecheẽ ñooño eã. Mbia ra nandembiirĩ iriã. Nandechesecua ja ra equia mbia rese. Cristo rã si chỗ

nda nandeico turã. Dios quiato rerecua tuchite quia ae re. Sã nandeãquĩ nanderete rerecua no. ¹⁶Sã nanderete riqui ñimbirãcuã ja no. Eĩ si chỗ Cristo rimba nguiã ñimbirãcuã ja siqui turã nyiese. Sã nanderete no. Nanderete resenda siqui turã ja mose, nanderete rasiã ja rae.

Ae icua jesaa saa nguia nyii nae, uqui jesaa saa eate quia namo a

¹⁷ Jesús cheẽ tuchi chỗ ã nde: Dios icuasa reã na nda jẽingochĩ cote jẽ. Ndua chooño ño nguiã mbae rese ũquĩ. ¹⁸ Eãquĩ ãtã ño ũquĩ nde. Dios cheẽ andu sereã nea je chỗ ũquĩ nde. Nyebe Dios riqui nguiã ngueco mee eã tuchi ũquĩ je. ¹⁹ Mbae icuã achỗ ndese chỗ eriqui nguiã ndua ndua. Eireĩ nguiãte mbae icuã naa naa mose cote. Oo oo tuchi mbae icuã ja rese. ²⁰ Ũquĩ ngue Cristo jembaaquiatu quiatu eã jẽ nda. ²¹ Jẽirandu que Jesús rese resẽ. Ae sí chỗ ngue jembaaquiatu resẽ. Jembaaquiatu que ucheẽ turã nii nda. ²² Jeñiangui renda icuã si jẽhui chỗ. Aba mbiicuãsa tuchi chỗ ũquĩ nde. Aba mbiirĩ irĩ ño ũquĩ nde. ²³ Jendua ndua jembiasu chỗ ae. Ae rese jẽingo ndua icuã icuã nyii nae, ũquĩ si jẽtesarei chỗ cote ae. ²⁴ Jeñimbiasu chỗ nguia ae. Ũquĩ mose ra jẽingo Dios rã si. Jẽingo turã tuchi ra equia ee.

²⁵ Jeñee ñooño eã ná nguia jendesenda mo je cote ae. Nyiesenda ja chố nande cote re. ²⁶ Jẽ paama i mose, paama jenye turã ño nguia. Paama jenye ocoã ño nguia. Tenda oso nonde ti jenye. ²⁷ Jẽ paama i oco mose, diablo ra jembiicuãte cote. ²⁸ Ae mbae mbuquiachã quiachã nguia nae, sã mbae mbuquiachã eã cote. Sã ae ae mbae ao ao o je icua cote. Sã eriqui mbae mondo mondo mbaecha reã je cote. ²⁹ Jenyuru jendecochỗ ño nguia ñee ndocoĩ mbae icuã nii jẽ. Mbae turã nii ño jẽingo ñee mbia je jẽ. Emundua ndua sacuã Dios rese. ³⁰ Espíritu Turã nda jembia eã eãchĩ jẽ jẽ. Ae chỗ ngue Cristo mbae marca mii nguiã jendese. Nyebe jẽingo nguiã ñee. —Cristo ra nandembiasu erã si, i. ³¹ Paama jenyechĩ nda emo nii. —Ĩ ãchĩ se, jenyechĩ nda emo nii jẽ. Jẽtasẽ tasẽchĩ nda emo je. Jeñee icuã icuãchĩ nda emo nii. ³² Jēturã ño jẽingo jenyue. Jēseteã ño jẽingo jenyue. Jendesenda icuã icuã mose jẽje, jẽtesarei chỗ eicuã si. Sã Dios jẽicuã mbutiã jẽ Cristo riĩ nyii no.

Dios quiato siqui bei mbae tură ndese

5 ¹Dios riirĩ tuchi chố jẽingo nguiã ã. Nyesecua tuchi equia jendese co. Erã si chố jẽingo. ²Jenyesecua tuchi quia mbia rese. Sã Cristo riqui nyesecua tuchite nanderese no. Sã mano nandeicuã ndiquicharõ oveja rã no. Emano mose que Dios ia tuchi erese ra.

³Cristo mbae chỗ jễ cote re. Nyebe jẽingo eã emo ninisi rese. Eruã mo ndese abe no. Emo mbae ra jenyosei choseichĩ. Eicuãte ũquĩ. ⁴Jenyuru jendecochỗ no nguia nee ndocoĩ mbae icuã nii. Mbae icuã aba ireinguia riĩ jenee eã. Eicuãte nee mose ũquĩ. Gracias jenye quiatu quia Dios je.

⁵Emo siqui mose ngũinisiã ndese, aque ra siqui eã Cristo rese, Cristo siqui mose ererecua. Ae mbae icuã saã saã mbeite quia nae. Ae emo mbae chosei chosei quia nae, ũquĩ abe ra siqui eã Cristo rese. Emo mbae osei osei mose, Dios abareã ndese siqui raanguia cho ũqui no nde. 6 Ae ũqui saã saã nguia mbae icuã nae, ũquĩ je ra Dios mbae rasi raanguquia tuchi. "Ichoiño ñene" ichi nda emo jembiiri iri je. 7 Ae ũqui saa saa nguia mbae icuã nae, ũquĩ ndese ra jẽingochĩ jẽ. 8Itondaruqui re rã ngue jẽingo cose ra. Nyaáshiĩ ño jẽingo nguiã Jesús rese ã cote. Nyebe jẽingo turã. 9Ae siqui nyaáshiĩ nae, ũquĩ siqui turã ño nguiã ã. Ñee ñooño eã ño nguiã emo je ã. Sigui ãte equia mbae icuã mo ndese ã. ¹⁰Ae Dios bite riqui nae, ũquĩ ndese chỗ jẽingo ñimbaaquiatu quiatu. ¹¹ Ae itondaruqui riinda saã saã nguia mbae icuã nae, ũquĩ nda jēsaã saãchĩ erese jē. Echiao icuã nii no jenee ee emundua je. 12 Ae uqui saa nyecuaya cuaya nguia mbae icuã nae, aba ireîte ñee ũquĩ nii. 13 Jẽ ũquĩ nyiao icuã mbuchecua mose ee, ndua ndua ra erese cote. Emo emo siqui arõte Cristo rese cote. Itondaruqui riinda recha mbae icuã. 14 Sã embesa ji riqui ñee no:

Ae uque saã saã nguia nae, sã ũquɨ numumba. Ae siqui quia eraaque rã nae, sã ũquɨ quera sɨ.

Ũquɨ mose ra Cristo uturã ndeacuquia ee,

i que embesa ji ra.

¹⁵Cochee tuchi chō jẽingo Dios rese. Mbia aquiatuã na nda jẽingochĩ. Mbia aquiatu rã nguiatu jẽingo. ¹⁶Ae Dios bite riqui nae, ũquĩ ndese chō jẽingo ñimbecoteã. Mbae icuã icuãte eriqui ã cote. ¹⁷Jẽaquiatuã eã ño jẽingo Dios rese. Ae Dios bite riqui nae, ũquĩ ndese chō jẽingo ñimbaaquiatu quiatu. ¹⁸Jẽquiacua quiacuachĩ nda equia jẽ. Jẽquiacua mose mbae icuã jẽsaã saã ja arondete. Espíritu Turã nguiatu jemingo tuchi jeñiangui re. ¹⁹Cristo riĩ jeñee turã tuchi quiatu quia jenyue. Jẽirasei rasei tuchi quiatu quia Dios je. Himnos. Salmos. Jẽya chō jẽingo irasei rasei Dios je. ²⁰Dios rei nanderu. Ae chō mbae ja mee mee nguiã nande je co. Nyebe "gracias" jenye bei quiatu quia ee Jesucristo riĩ.

Jēingo turā ja chō nguia jenyuchua jenda ja je

²¹ Jenongue cheẽ jemumbayã no nguia. Cristobi tuchɨ chố ũquɨ nde.
²² Sã cuña ngu cheẽ mumbayã. Sã eriqui Dios cheẽ mumbayãte no. ²³ Eru quia rei ngũinisi rerecua. Sã Cristo uquiato rerecua no. Cristo quiato rei Cristo rete rã. Cristo quiatu ngue esirõ nguiã eɨcuã sɨ. ²⁴ Sã Cristo quiato riqui echeẽ mumbayãte no. Eɨ sɨ chỗ cuña nguia ngu cheẽ mumbayã mbeɨ. ²⁵ Sã eru riqui nyesecua tuchɨ ngũinisi rese. Sã Cristo nyesecua tuchɨ uquiato rese no. Sã mano nyee eriquicharõ no. ²⁶ Uquiato no sacuã icúe chỗ ũquɨ nde. Irei que i je ra. Ucheẽ je abe que eirei no nda. ²⁷ Cristo uquiato mbuturã turã ja quia co. Mbae icuã ndese emingo uquia reãte.
Nyebe eyate riqui nguiã erese co. ²⁸ Sã Cristo riqui nyesecua tuchɨ uquiato

rese no. Eĩ si chỗ mbia quia nyesecua ngũinisi rese. Sã emo ndiqui ngueteãte nguete rese no. Emo ngueteã mose ngũinisi rese, nguete rese ngueteã naanguia chỗ ũquĩ nde. ²⁹Emo nda nguete ucuayã eã. Nguete ra equereco turã. Teaquiatu turã nda equia. Eĩ si Cristo quia uquiato rerequia turã co no. ³⁰Cristo rete rã si chỗ equiato re. Nande abe chỗ Cristo rete rã no nde. ³¹Dios que ñee nyii ra. Emo ngũinisirã ndea mose, sã nyao usi si. Ngu si abe no. Sã ngũinisi mii ndese chỗ eriqui. Co mii siqui rã ño eriqui nguiã nyiese cote. ³²Mbaranguiatuãte raque ũquĩ icua. Nyeremo siqui mose co mii na. Cristo riĩ ño eriqui nguiã ñee. Equiato riĩ abe no. ³³Jēje abe chỗ eriqui nguiã ñee. Jẽ nyesecua tuchi sacuã jeninisi rese. Sã jẽingo nyesecuate jendete rese no. Sã cuña abe riqui ngu cheẽ mumbayã mbei.

368

1 Mbia riirĩ, jendu cheẽ jemumbayã no nguia. Jẽsi cheẽ abe. 2-3 Ã ngue Dios ñee cose ra: "Jẽingo turã no nguia jẽsi je jẽ. Jendu je abe. Jẽingo turã mbei ra equia ũquĩ mose. Jendeco ra jẽingo arete íbii," i que Dios mbia je cose ra. 4Eru je tacheẽ cote. Esi abe je. Jenee icuã icuã tuchite chĩ nda jendiirĩ je jẽ. Paama i chee ra jẽje. Jembaaquiatu turã turã quiatu quia. Jemingo turã quiatu quia Dios rese.

⁵Mbia rimba je tacheẽ cote. Jenderecua cheẽ jemumbayã ño nguia. Cochee chỗ jẽingo ee. Jẽingo turã ño nguia jenderecua je. Cristo bite ũquĩ. ⁶Jenderecua mae eã mose jendese, ũquĩ mose abe chỗ jẽingo embae raã naa turã ee. Mbae jẽsaã turã ja quiatu quia Dios cheẽ ndui si. Cristo rimbate quia jẽ nde. ⁷Jẽya chỗ jẽingo mbae raã naa mose jenderecua je. Dios je chỗ jẽingo nguiã eraã ũquĩ. Jenderecua ibi jenda mii je eã ño ñene. ⁸Dios ra mbae turã mee jẽje emo mose jenyiao turã ndibishorõ. Jẽingo mose mbia rimba. Mbia rimba eã jẽingo mose ra re no ae. ⁹Mbia rerecua je tacheẽ cote. Jẽingo turã ño nguia jẽ abe jenimba je. —Tareiruã nua, jenyechĩ nda embiirĩ irĩ jẽ. Jẽ abe chỗ jenderecua no nde. Jesucristo rei jenderecua. Jenimba abe rerecua. Eĩ ja chỗ mbia Dios je re. Mbia mii ndese ra eriqui turã eã.

Soldados rã si chỗ jẽingo nyiquisã mbae icuã si

¹⁰Huɨ beɨ nonde ã tacheẽ jēje. Dios quia rei equirācuã tuchɨ. Dios quirācuã je chö jēɨngo nguiã ñimbirācuã. ¹¹Sã soldado riqui armadura mingue no. Ūquɨ ndeɨ nyiquisã sacuã ũquɨ. Eɨ jenye sɨ chö nguia siqui tuchɨ Dios rese nyiquisã Satanás sɨ. ¹²Ae icuã icuã ndiqui nande je Jesús rɨi nae, mbia eã ño ũquɨ nde. Satanás ño ũquɨ nde. Satanás nimba abe no. Aba checuayã icuã abe no. Mbae icuã nderecua ja chö ũquɨ nde. Equirãcuã tuchɨ riqui ũquɨ. ¹³Jēingo tuchɨ Dios rese ũquɨ icuã sɨ nyiquisã sacuã. Jēquirācuã jēingo tuchɨ sacuã. Jēquirācuã mbeɨ quia jēingo, Satanás jembɨɨcuã eã sacuã. ¹⁴⁻¹⁷Jēquirācuã tuchɨ chö jēɨngo. Sã soldado riqui icoquiatu armadura mingue no. Eɨ jenye sɨ chö nguia icoquiatu

369 EFESIOS 6

diablo jembiicuã eã sacuã. Sã soldado riqui ngumbi cuasa mingue no. Huiisia riinda abe mingue nyiquisã sacuã no. Sã soldado riqui huiyao mingue icoquiatu no. Sã escudo abe rerequia oo no. Nyiquisã sacuã emo uu mombo mose ee. Sã huiite sucha ãtã abe mingue uãquí ndiquisã sacuã no. Sã tiquise abe rerequia no. Soldado rã si chỗ jeingo icoquiatu nyiquisă sacuă diablo si. Jeñee ñooño eã ño nguia. Jeingo tură mbei cho nguia. Jēingoquiatu bei quia Dios chee tura nenei nenei mbia je. Dios jēicua tuchi quiatu quia. Dios icua tuchi mose ra diablo tā i eā jēje. Dios quirăcuă ndese quia jeingo tuchi mbae icuă naa ea sacua. Dios chee jēicua tuchi quiatu quia. Ūgui mose ra Espíritu Tura sigui tuchi jendese. ¹⁸ Jeñee mbei quiatu quia Dios je. Sã Espíritu Turã jembucheẽ turã mbei quia ee. —Mbae embu seje. Ã embu seje, jenve bei quiatu quia Dios je. Dios quiato ja rii no jeingo nee Dios je. Dios siqui tura sacua erese. ¹⁹Serii abe quia jeingo nee mbei Dios je. Sembuchee tura sacua, se echee nenei nenei mose mbia je. Ae rese mbia riqui jiranuate Cristo rii nae, ũquɨ asenei senei nguia mbia je co. 20 Dios que semondo ucheẽ turã nenei nenei sacuă nda. Ũquĩ nɨi ño setarõ ji aĩ nguiã a. Jeñee mbei quiatu quia Dios je serii. Se irei irei ea sacua. Se echee tura nenei nenei mbei sacua mbia je.

Pablo ñee hui bei

²¹ Tíquico si quia jendea aque. Ae ra mbae senei ja jẽje jembiirandu serii. Ae que mbae saã turã mbeite quia serese ra. Dios rimba turã tuchi chỗ ae re. ²²Nyebe amondo nguiã jendea aque. Jembiirandu ja sacuã urerese. Jembia tuchi sacuã Cristo rese abe. ²³Jesús quiato chỗ jẽ abe, se rã si re. Sã Paba ibatenda riqui jembia bei tuchi. Sã eriqui jembuchesecua tuchi mbia rese. Sã Jesucristo icua uquia tuchi jẽje. ²⁴Ae nyesecua tuchi quia Jesucristo rese nae, sã Dios turã siqui tuchi ũqui ndese. Amén.

LA CARTA DEL APOSTOL SAN PABLO A LOS

FILIPENSES

Pablo tarõ ji ucheẽ mbesa mondo Jesús quiato je

1 Pablo chỗ se re. Timoteo rese. Jesucristo rimba chỗ ure re. A ureico ã mbesa jẽje a. Felipos jenda Jesucristo quiato ja je a. Jesús quiato rerecua je abe ureico ã mbesa a. Diáconos je abe no. ²Sã Paba Ibatenda turã ndiqui jendese. Sã jembia mingo. Sã Jesucristo abe jembia mingo no.

Pablo ñee Dios je Jesús quiato rii

³Sendua ndua mose jendese, seya beite aico jendese co. Gracias ae beite seguia Dios je jenii co. 4Se ñee ñee mose Dios je jenii, seyate riqui co. 5Se Jesucristo chee nenei namo mosenda bei cho jeingo nguia ndua bei serese co. Nyebe jeingo nguiã mbae mondo mondo bei seje co. Nyebe seya tuchi riqui nguiã jendese co. 6Dios que uchee mingue jeñiangui re, ae si ra siqui bei jendese jembitiro tiro. Jesucristo tu chee. Ae bei. Sigui bei ra jendese. Aicuate se quia co. 7 Coche aico nguiã ndua ndua ei jendese cco. Achesecua tuchite quiatu nguia jendese. Je ngue jeingo beite quia serese ra. Jendua ndua beite que equia serese ra. Mbae mondo mondo bei seje. Mbia icuã icuã mose seje. Se mbia cheẽ ndiquisã quisã mose Jesús chee si. Mbia setaro taro mose. Úqui mose abe que jeingo beite serese ra. Dios turã ndese que nandeico mae mae mbeite ra. 8Dios resa aico ñee co. Jesucristo rã si aico nyesecua tuchite jendese co. 9Aico ñee mbeite Paba je jenii co. —Paba, ũquĩ embuchesecua i i tuchi mbia ja rese. Ndeaquiatu emondo i i tuchi ee, ae beite quia Paba je jenii co. 10 Eĩ nda mbae turã jẽicua. Eĩ nda jẽingo bei mbae turã ndese. Eĩ nda Jesucristo ñee asiã jēje tu mose. 11 E inda Jesucristo jemingo bei mbae turã ndese. Eĩ nda mbae turã jesaã saã ja Dios je.

Cristo mii nii no aico nguia se co, i Pablo

¹²Ã tasenei jēje. Mbae icuã ngue jeĩ jeĩ mbeite quia seje, ũquĩ ngue Jesús cheẽ mbutiba eã mbei ra. Ũquĩ jeĩ jeĩ mose seje, mbia que jirandu tuchite quia Jesucristo rese cote ra. ¹³A setarõ ji ñi cárcel a. —Cristo riĩ ño etarõ ji ñi nguiã hue, i jate mbia quia seriĩ ũquĩ. Mbia rerecua chuchua jenda ja. Tuchuamo jenda ja abe. ¹⁴Jesús quiato jirandu mose setarõ ji rese, esiquicheãte riqui Dios cheẽ nenei nenei ũquĩ cote. Jesús quiato ja riqui Dios cheẽ nenei nenei tuchi ũquĩ cote. —Dios riqui tuchi urerese co, i equia ũquĩ cote. Maende setarõ ji rese.

15 Emo emo ndiqui Cristo renei ñooño ũquĩ. Ndua icuã icuã ño nguiã ũquĩ. Mae icuã icuã ño nguiã serese ũquĩ. Emo emo ndiqui Cristo renei turã tuchi ũquĩ no. 16 Ae Cristo senei ñooño nguia nae, ũquĩ icuãte riqui seje ã. —Sã Pablo tarõ ji ñiño, i equia seriĩ ã. Cristo renei ñooño ã. Emo ndese ndua eã. Nyiese cho eriqui nguiã ndua. 17 Ae Cristo senei turã nguia nae, ũquĩ ndua cho nguiã emo ndese. —Jesucristo cheẽ nii ño Pablo tarõ ji ñi nguiã hue, i equia ndua serese ũquĩ. 18 Seyate emo Cristo renei turã mose. Seyate emo Cristo renei ñooño mose no. Cristo riĩ nguiatu eriqui nguia ñee. Tachimbia tuchi cho nguia ũquĩ Cristo renei nenei mose.

¹⁹ Jéndese abe seyate aico co. Ũquĩ jẽingo ñee Dios je seriĩ ũquĩ. Espíritu Turã ndiqui serese a no. Ae Jesucristo mbu seje. Nyebe Dios riqui nguiã setarõ ji reaquiatu tuchi a. Nyebe seya tuchi riqui nguiã a. ²⁰Sesiquicheã tuchi ra se reae. Seireĩ ngũíã mbei nda eriqui Cristo cheẽ nenei nenei na. Cristo bi acho ndese taico bei setaro ji. Mbia nda seiquia rei nguiã, se taico bei Cristo rese. Mbia nda sembuse ndei nguiã no, ũqui mose abe taico bei erese no. Ei ja cho seje re. Etura ja cho seje no nde. ²¹ Cristo mii nii ño aico nguiã se co. Semano mose, eturã tuchi quiarei ũquĩ seje cote. ²²Dios semingobe mose, ae si je chỗ aico nguiã mbae turã naa naa co. Ma ño etură jiri riqui seje. Mano mose ereae. Siquibe jiri mose ere no ae. Aicua eãte se. ²³Ma ño sebi jiri. Semano sete raque oso sacuã Cristo rese. Ũquĩ nda eturã jiri seje. ²⁴Se seicobe mose íbii, ũquĩ nda etură jiri jeje reae. ²⁵ Ûqui aicuate se. Seicobe mose, ũqui nda etură jiri jeje reae. Nyebe ra Dios semingobe jiri jendese. Se Cristo icua uquia sacuã jēje. Se jembiabe jiri sacuã Cristo rese. ²⁶ Anyae ra oso jendea. Aque mose nda jeya tuchi Jesucristo rese chã.

²⁷ Ae uresenei senei nguia Cristo rɨɨ nae, ũquɨ andure chō jēɨngo turā. Airandu turā nda se quia jendese chā. Eɨ nda mbia ñee seje chā. —Hue rɨ ja chō eriqui ndua turā nye. Huee echɨ mbia cheē ndiquisā quisā Jesucristo cheē sɨ hue, ɨ nda mbia seje chā. ɨ nda mbia seɨco mose ɨsho chā. Seɨco mose abe jendese. ²⁸ iTiri jenyechɨ nda Jesús ucuāyāsa sɨ jē! Jēsiquicheā mose, Dios ra ũquɨ mundua tata cuasu rese cote. "Huee ra

asochĩ nde", i chee rae. "Jesús icuasa ra Dios mingo bei", i ra ũquĩ jenii cote, jēsiquicheã mose esi. ²⁹ Jē Cristo jēicuate quia ũquĩ cote. Ũquĩ miño eã. —Jeñimbirãcuã abe quiatu quia seriĩ, mbia icuã icuã mose jēje, i Cristo quia jēje co. ³⁰ Sã mbia icuã icuãte riqui seje no. Eĩ si chỗ mbia icuã icuã ndiqui nguiã jēje ũquĩ. Nande jaje bei chỗ ñene. Jemae ndei que equia serese cose resẽ. Se mbia icuã ndiquisã quisã mose. Ũquĩ sí rese chỗ jẽingo nguiã jirandu randu serese namo no.

Cristo seteã tuchi que tu ra

¹ Jesucristo jembiu turate quia co. Gristo il coste il coste il jeyate riqui ŭqui. Espíritu Tura abe riqui jendese ŭqui. Jendua turate ¹Jesucristo jembiu turate quia co. Cristo nyesecua mose jendese, equia emo ndese ũquĩ. ²Nyebe aico nguiã ñee jeje. Sevate aico raque jendese co. iSechee jemumbaya tuchi quiatu quia je! iSembia tuchi quiatu se je! iJendua ata atachi nda je! iHue ri ja cho jeingo ndua je! iHue ri ja cho jeingo nyesecua nyiese no jel 3 iAbei chiate ra jeingochi jel iJenguasu ra jēsaā saāchī! iJēseteā no jēingo! —Nde chochī ndeturā sesi, ijenye cho jenyue! 4"Se cho je" ijenyechi nda je! Emo mbaera abe rese quia nandeico ndua. ⁵Sã Jesucristo riqui ndua eãte uchiese no. Erã si chỗ nandeico ndua nande abe jẽ. 6Dios rã sɨ rei que Jesucristo ra. Ñimbuseteã tuchɨ que u íbii ra. Ererecua rã eã ngue eru íbii ra. —Dios rã si chỗ taico bei se, iã ngue u íbii ra. 7 Mbia rerecua tuchi rei que Jesucristo ra. Huiico mose ibate. Mbia mo na ngue eru íbii cote ra. Mbia mbaecha reã na ño ngue eriqui íbii cote ra. Mbia rimba rã. 8Mbia mo na ño ngue ae ra. Ibii eico mose cote. Mbia rerecua que esaã saã eãte quia ra. Sigui mingue chõ ngue equia ra. Dios chee ngue emumbaya mbei mano nyee ra. Embucha ji que mano ira rese ra. Aba ireite mano ira rese. 9Nyebe Dios riqui nguiã Jesucristo mbuchecua beite co cote. Mbia rerecuarã tuchi Dios Jesucristo mingo co cote. ¹⁰Mbia ra ngoi ja chee ngũíã ndese Jesucristo je ñee. Ae siqui ja íbii. Ae siqui ja ibátee no. Ae siqui ja ibiqui rɨ. Ũquɨ ja ra ñee turã Jesucristo je. 11—Jesucristo rei mbia rerecua ja, i chee ra ũquĩ ja ñee. Ũquɨ mose ra Dios ia tuchɨ cote.

Sechee jeisi choono ee no nguia, i Pablo

¹²Secheẽ ngue jemumbayãte quia seico mose jendese. Ishote aico jẽsi co. Secheẽ jemumbayã tuchɨ quiatu quia isho seico mose abe. Cochee jiri quiatu jẽingo Dios je. Jẽingo bei tuchɨ quia erese. Jenderao chee ra ibate mbae icuã si. ¹³Dios quirãcuã ndiqui jeñiangui re ũquĩ. Dios quia mbae turã nyoseɨ uquia nguiã jẽje. Dios mɨɨ ño jemingo nguiã ubi rese.

¹⁴Mbae turã jēsaã turã ja chō. Ñee ɨcuã ɨcuã ndocoĩ. Teã teã ndocoĩ. ¹⁵ Eĩ nda mbia mo ñee ɨcuã ɨcuã eã jēje. Eĩ nda jēɨcuã eã emo je. Dios riirĩ ño jē nde. Sã nyasitata riqui mbae resae jate itondáruu no. Eĩ ño jẽ nde. Nyasitata rã sɨ chō jẽ nde. Mbia ɨcuã ndesae ja. ¹⁶ Jēɨngo mbia

mingo beisa renei nenei tuchi mbia je ũquĩ. Nyebe ra seya tuchi jendese Cristo tu mose. Secheẽ jẽisi chooño eã ño nguiã. Jaembaaquiatu chooño eã ngue Cristo riĩ nda. ¹⁷Secheẽ nguire jẽingo Dios icuate ũquĩ cote. Secheẽ nguire jendete jemee tuchi mose Dios je, seya tuchite ra jendese cote. Mbia nda seiquia rei nguiã Jesucristo riĩ, seya bei ra aico jendese, jendete jemee tuchi mose Dios je. ¹⁸Jeñimbia chỗ nguia serese. Sã seyate aico co no.

Timoteo tamondo jeje Epafrodito rese, i Pablo

¹⁹ Jesús eno i mose, Timoteo tamondo rã jendea. Eĩ nda seya jirandu mose jendese. ²⁰ Timoteo rã si ãte emo ndua tuchi jendese. ²¹ Umbaerã achõ ndese chỗ eataque riqui nguiã ndua ndua. —Ã tasaã saã mbei Jesucristo je, i ãte equia ũquĩ. ²² Sã eriirĩ ndiqui mbae raã naa ngu rese no. Eĩ si que Timoteo quia serese ra. Jesucristo cheẽ nenei nenei mose serese. Siqui turã mbeite que equia serese ra. Ũquĩ jēicuate quia ũquĩ. ²³ Nyebe ra Timoteo amondo jendea. Ã tatea rã nyii. Mbia ra setarõ ji mii mbei a reae. Sembusẽ nda re no ae. Ũquĩ tatea rã nyii. Ũquĩ ndeare ra Timoteo amondo jendea. ²⁴ Aĩ mbeite ndua Dios rese a. Ae ra sembusẽ jei reae. Semondo ra jendea cote reae.

25 Epafrodito abe tamondobe jēje. Ae jemondo seje nyii seraarõ sacuā nae. Seresenda turāte riqui seje co. Dios cheẽ nenei nenei serese. Senongue rã tuchi eriqui seje co. ²⁶Mae sete equia jendese co cote. — Mbia jiranduchī serasi rese re, i equia jenii co. Nyebe eya eã ndiqui nguiā nduate jendese cote. ²⁷Ae bei. Erasi tuchi que eriqui rei ra. Mano serī tuchi rei que equia ra. Dios ia eã tuchi que eriqui erese ra. Nyebe embucherõ nguiã. Seriī abe que Dios embucherõ nda. Sembia jiri sacuã. Sã mbae riqui eĩ eĩ ja tuchi sembia eã se no. ²⁸Nyebe Epafrodito amondo nguiã jēje aque. Jembia sacuã erasiã ndese cote. Seya eã nda sasẽ jiri jemae mose erese cote. ²⁹Nanderesenda tuchi chõ ae Jesucristo rese re. Ngasẽ mose pee, jēya chõ erese. Jēisi turã ño. Eraanguia rese jēingo turã mbei Jesús quiato. ³⁰Jesucristo riĩ ngue mano serĩ serīte ra. Jesucristo cheẽ nenei nenei mose. Siquiche ãte que equia ra. —Amanochĩ nda se re, i ãte que equia ra. Sereaquiatu turã tuchi que equia ra. Ishote quiatu ngue jẽingo nguiã jẽ. Sereaquiatu aronea.

Cristo mii ndese aico cote, i Pablo

3 ¹iJēya bei chō jēingo Jesucristo rese jē! Ae asenei senei nguia jēje nyii nae, ūquī sí tasenei senei jēje. Sebite secheē nenei nenei sí jēje. Jendua bei sacuā erese.

²Ae siqui nyacua raate nae, ũquĩ sɨ jenyɨɨcuasẽ ño nguia. Eɨcuate riqui ũquĩ. Aba rete sia chooño ño ũquĩ nde. Mbia mbaaquiatu tura ndocoĩ. ³Circuncisión ño nande re. Nandechɨangui re cho nandeɨco nguia Dios

rerequia nande ã. Nande chỗ nandeya riqui nguiã Jesucristo rese ã. — Mbia circuncisión naa mose, aque mose quia ra Dios emingo bei cote, i chốchĩ emo hue jenda nguiã ũquĩ. Nandequiato jiriã tuchi chố ũquĩ nde. 4—Dios ra semingo bei, mbae turã naa naa mose, ae rei que se quia nyii ra. —Setură nii nda Dios semingo bei, i chochi emo. Setură tuchi raque eriqui ũquɨ sɨ, 5 Sechacuquia mose, ocho días mose que circuncisión naa seje ra. Israelita cho se re. Benjamín ndiirī nducucha cho se re. Hebreo cho se re. Paba abe que hebreo ra. Fariseo que se nvii ra. Moisés chimbesa que amumbayã nguia ra. 6 Aico asite que se quia Dios rese nyii ra. Jesús quiato que asiquisã tuchi quia nyii ra. —Pablo riqui Moisés chimbesa mumbate co, i aroneate que equia serii nda. 7 Ũqui nii ngue aico secuasu raã naa tuchi cose ra. Jesús icuayã mose se. Mbae eã tuchi chỗ ũquɨ seje cote re. Cristo rese quiatu aico nguiã co cote. 8 Mbae mo ndese aico queteã eãte co cote. Aico ndua eãte mbae mo ndese co cote. Jesucristo mii aicuate quia co cote. Ũqui eturate mbae ja si seje cote. Jesucristo rii aico hui jate mbae si co cote. Iti ra no mbae ja riqui nguia seje cote. Seico bei sacuã Cristo rese. 9Cristo rese tuchi chỗ aico nguiã co cote. Aico bei rei que Moisés chimbesa rui nyii ra. Ũquĩ nii eã ño Dios seisi tură nguiă. Se Jesucristo icua mose, ũqui mose quiatu ngue Dios seisi tură nguiă. Ae Jesucristo icua quia nae, ũquĩ Dios isi tură ño nguiã. ¹⁰Cristo aicuase tuchichi nguia co. Ae quiracua Cristo mbuquera si nae, aque quirãcuã nda siqui rã serese chã. Sã Cristo ñimbirãcuã mbia icuã si no. Ei ae rã nda ñimbiracua mbia icua si cha. Sa Cristo mano nandeicua ndiquicharo no. Ei ae ra nda mano mbae icua si cha. 11 Ei mose ra Dios seraaque mbuquera si mingo bei cote.

Cristo mii ndese aico ndua co cote, i Pablo

12 Mbae quia asaã ja eãte rei nguiã. Jesús turã na nguia ra aico jee cote. Co Dios riqui sembitirõ tirõ mbeite co. Co aico erui beite co. Jesucristo que seisi seico sacuã ae rã si ra. Jesucristo turã na tuchi aicoã ndaque namo co. Nyebe aico nguiã siqui tuchi erui co. Seico sacuã tuchi chee ae rã si cote. ¹³ Ae ra Dios mee seje, ũquĩ asiiti ja eãte. Ae eĩ eĩ seje cose, ũquĩ si aico tesareite co. Ae ra Dios mee seje, ũquĩ nda asiiti. Ũquĩ mii ndese chỗ aico nguiã ndua co cote. ¹⁴ Ae siqui tuchi quia Jesucristo rese, ũquĩ je quia ra Dios premio mee. Nyebe aico tuchi nguiã erese co. Premio isi sacuã. ¹⁵ iEĩ nande ja tuchi quiatu quia siqui Jesucristo rese jẽ! Nande eicua tuchi mose. Jendua ja eã mose hue rĩ, Dios ra ñee jẽje. —Ã ndese chỗ jẽingo, i ra jẽje. ¹⁶ Ae nandesiiti nae, ũquĩ ndese bei chỗ nandeico. Ae riĩ Dios nandembaaquiatu quiatu nyii nae, ũquĩ ndese bei chỗ nandeico. ¹⁷ Serui bei jẽingo, Seresenda. Ureico bei Jesucristo rui ã. Sã mbia siqui bei urerui. ¹⁸ Mbia tubiriã ndiqui Cristo ucuãyãte ã. Ũquĩ ae rei que se quia jẽje nyii resẽ. Aba mbucheseo serĩ. "Cristo

que mano mbia riquicharõ nda", ũquĩ andu sereãte. ¹⁹ Ũquĩ nda nyoɨ ja tata cuásuu. Ubi rese achõ ño ũquĩ ndiqui nguiã. Eɨreĩ nguiãte. Eya chố eriquichĩ nguiã huɨicuã ndese. Ibi jenda achõ ndese chố eriquichĩ nguiã ndua. ²⁰ Jesucristo riqui nanderirõ mbae icuã si co. Ibei jenda chố nande cote re. Jesucristo ra tu ibei si nanderea cote. Ã nandeico eraarõ arõ ã namo. ²¹ Jesucristo tu mose nande je íbii, nanderete ra embuchicuabo. Nanderete icuã ño siqui nguiã namo ã. Jesucristo rete nininya chố siqui nguiã co. Jesucristo ra nanderete mbuchicuabo nguete rã sɨ. Uquirãcuã je ra nanderete mbuchicuabo. Sã mbae mbitirõ ja arõte uquirãcuã je no. Eĩ nda nanderete je.

Jēya bei chō jēingo Cristo rese

4 ¹Sechesecua, andua tuchite quia jendese a. Amaese tuchi se quia jendese a. Seya tuchite aico jendese a no. ¡Jēingo turā tuchi chō Jesucristo rese jē! ²Evodia je tacheē. Síntique abe je tacheē. ¿Mbaerā jēingo siqui icuāte nyue re? Jēingo turā no jenyue ae. Jesús quiato chō jē ndesē. ³Nde abe je tacheē, Seresenda. Ūquī cuña emingo turā nyiese. Eteaquiatu bei quia. Ūquī ngue siqui bei serese Jesús cheē nenei nenei mose ra. Clemente rese abe no. Eataque rese abe no. Dios que ūquī mbae nombre mii mii libro umbae rese ra. —Ūquī nda siqui bei serese, i que ra. ⁴Jeñimbia bei Jesucristo rese. ¡Jeñimbia tuchi jē! ⁵Sā mbia mae ja jēturā ndese. Jē abei rese. Achite Jesucristo ñi tu a. ⁶Pari pari jenyechī nda mbae mo je. Jeñee ja quiatu Dios je. —Mbae mo embu ure je, jenye chō nguia ee. Gracias jenye chō nguia ee. 7Ūquī mose ra Dios jembia tuchi. —Mañi Dios quia ā mbia tuchi re, i nda mbia mae mose jendese chā. Jesucristo ra jeñia mbucoi tuchi. Jesucristo ra jembia bei mingo no.

Mbae tură ndese cho jeingo ndua

⁸Hui bei nonde ã abe tambesa jēje. iMbae icuã ndese ra jenduachĩ jē! Mbae turã ndese chổ jẽingo ndua. Ae riĩ nandeico ñee turấte, ũquĩ ndese chổ jẽingo ndua. Ichỗiñosa reã ndese chổ jẽingo ndua. Ae Dios bite nae, ũquĩ ndese chổ jẽingo ndua. Mbae quishĩ ndese chổ jẽingo ndua. Ae rese mbia turã ndiqui mae sete, ũquĩ ndese chổ jẽingo ndua. ⁹Ae asenei senei nguia jẽje nyii, ũquĩ ndese chổ jẽingo jẽ. Ae eraã ndese jẽingo mae mae seje nae, ũquĩ nổ jẽsaã saã mbei quia. Ũquĩ naa naa mose, Dios ra siquijendese. Jembia bei ra equia.

Jesús quiato ofrendas mondo Pablo je

¹⁰ Jendua ramombe equia serese ũquɨ. Dios sembia tuchɨte quia ũquɨ ndese co. Jētesarei eāte rei que equia sesɨ nyii ra. Mbae que jemondo aroneate quia seje nyii ra. ¹¹—Mbae āte seje. Mbae mo embu seje, ae āte se quia jēje co. Sembae eã mose, seyate ũquɨ mose. Sembae ñetẽ mose,

seyate ũquĩ mose no. Ũquĩ je que achimbaaquiatu se ra. 12 Sembae eã mose, sevate ũquɨ mose se. Sembae tubɨrɨä mose, sevate ũquɨ mose no. Seva beite aico co. Seriacua mose. Serio mose abe no. Sembae tubiria mose. Sembae eã mose abe no. ¹³Cristo que uquirãcuã mee seje ra. Equiracua je mbae asaa ja arondete. 14 Coche ngue mbae jemondo nguia seje. Sembae eã mose. Sevate raque sembae eã mose. ¹⁵ Je ae cho ngue mbae jemondo mondo bei nguiã seje. Se Jesús chee nenei namo mose bei cho ngue mbae jemondo mondo nguiã seje. Iglesia mo abe que mbae mee ate seje ra. Je ae cho ngue re. Filipos jenda ja. Se Jesús chee nenei nenei namo mose jeje, aque mose bei cho ngue mbae jemondo mondo seje. Seso ramo mose Macedonia si. 16 Sã ñi mbae mo jemondo mondo seje Tesalónica seico mose no. Mbae eã mose seje. 17—Mbae mo jemondochõ seje, ae ate quia jeje a. Dios je cho jeingo nguia emondo uqui. Dios ra mbae mondo tuchi jeje eribishoro. Ũqui ndese quiatu seya riqui nguiã. ¹⁸ Ae jemondo seje namo Epafrodito rese nae, ũquĩ ngue aisi ja ra. Dios bite jeñimondo. Ofrenda tură tuchi que ũqui Dios je ra. Mbaete rei sembae cote re. ¹⁹Jesucristo resenda cho je nde. Ae emoate jeje nae, ũqui nda Dios mee ja jeje. Dios quia mbae quereco ja nguia. Equiracuate quia ñene. ²⁰Sã mbia ñee turã mbei Dios rii. Nanderu rii. Amén.

Hui bei chố ã cote re

²¹ Jesucristo quiato je saludar jenye ja seje. Ae Jesús quiato riqui serese nae, ũquĩ ucheẽ mondo quia saludar i jẽje aque. ²² Jesús quiato a jenda ja ucheẽ mondo quia saludar i jẽje aque. César chuchua jenda abe ucheẽ mondo quia jẽje aque. Ae siqui quia Jesús rese, ũquĩ. ²³ Sã Jesucristo turã tuchi riqui jẽ ja je. Amén.

LA CARTA DEL APOSTOL SAN PABLO A LOS COLOSENSES

Pablo embesa mbesa Colosas jenda je

1 Pablo chỗ se re. Dios chiirabo chỗ se re. Jesucristo que seirabo mingo ucheẽ nenei nenei sacuã nda. Timoteo rese aico ã mbesa mbesa jēje a. Nanderesenda Timoteo. ²Dios rimba Colosas jenda je chỗ aico nguiã co mbesa mbesa a. Cristo icuasa hue jenda ja je. Ae Cristo icua tuchi quia nae, ũquĩ ja je. Sã Dios turã ndiqui bei jendese. Sã eriqui jembia bei. Sã Jesucristo abe riqui bei jendese.

Pablo ñee Dios je Jesús quiato rii

³Nandererecua tuchi rei Jesucristo. Dios rei eru. Ureico beite ñee Dios je jenii ã. Gracias ure beite equia jenii ã. ⁴Ureirandu turâte quiatu ngue jendese re. Jesucristo jēicuate quiatu nguiã ure je ũquĩ. Jenyesecua tuchi quiatu nguiã Dios quiato rese ũquĩ. ⁵—Cristo rese ra nandeico je ibate, jenyete quiarei equia eicua ũquĩ. Ũquĩ ndese que jĕirandu tuchite nyii ra. Jesucristo cheẽ nenei nenei namo mose jĕje nyii. ⁶Jesucristo quiato echeẽ senei senei mbeite quia mangue chooñoa jenda ja je ã. Nyebe Jesús quiato riqui nguiã ñimbeta i i tuchi ã. Sã nandeico mbae a ucua ucua no, eĩ si chỗ ñene. Sã eriqui Jesucristo cheẽ nenei nenei jĕje nyii no. Sã Jesucristo cheẽ jeñia mbitirõ eandu ramo mose no. ⁶Epafras abe que jembaaquiatu quiatu Cristo riĩ nda. Cristo resenda tuchi chỗ ae re. Ae chỗ Cristo cheẽ senei senei turã nguiã co. Nanderesenda tuchi chỗ ae re. ³Ae que sembiirandu turãte jendese ra. Espíritu Turã ndiqui tuchi jendese ũquĩ. Nyebe jĕingo nguiã nyesecua turãte mbia rese ũquĩ.

⁹Ureirandu mose jendese ũquĩ ndese, aque mose bei chỗ ureico nguiã ñee Dios je jenii ã. Dios jemingo bei sacuã ubi rese. Ucheẽ abe rese. Dios uaquiatu mee sacuã jēje. ¹⁰Jēingo turã sacuã Dios mbia. Jēingo turã

sacuã mbae turã ja rese. Jẽ Dios icua i i tuchi sacuã. ¹¹ Dios jembirãcuã tuchi sacuã uaquiatu je. Jeñimbirãcuã tuchi sacuã mbae rasi je. Ť nda jẽingo tochi tuchi mbae ja je. Ũquĩ mose ra jẽyate no. ¹² Ureico gracias i tuchi Dios je ã. Ae quiatu ngue nandembuchicabo nguiã. Ae ra Dios mee uquiato ja je mbae turã nae, nande abe je ra emee. Dios quia nandererequia turãte nguiã nyaashĩ na co cote. ¹³ Mbae icuã nguiatu que nanderereco quia itondáruu nyii ra. Dios que nandembui ũquĩ si cote ra. Nguiirĩ ndese que nandemingo cote ra. ¹⁴ Dios riirĩ ngue nandeisirõ umbaerã mbei ra. Mano ngue nanderiquicharõ nda. Nandeicuã ngue embutiã mbei nyesi ra.

Cristo que mano nandemingo turã sacuã Dios rese ra

15 Mbia mae aroneate raque Dios rese. Dios rã sí tuchi chỗ Cristo re. Ae rane ngue siqui Dios chiao mbae ja si ra. Ae que nyecua u mbia je cote ra. 16 Dios ae que mbae chao eã nda. Nguiirĩ ndese quiatu ngue mbae ja ao nguiã. Mbae ibatenda ao ja. Mbae ibi riinda abe ao ja no. Ae rese nandeico mae ã nae, ũquĩ ja que Dios chao nguiirĩ ndese ra. Ae rese nandeico mae aroneate nae, ũquĩ abe que echao nguiirĩ ndese no nda. Mbia rerecua ja abe no. Aba checuayã ja abe no. Ũquĩ ja que Cristo chao ngu rese ra. Cristo mbaerã ño ũquĩ ja re. 17 Mbae ao ja nonde Cristo riqui rei nyii. Eriĩ ño mbae riqui ja nguiã ã cote. 18 Dios quiato rerecua j a chỗ Cristo riqui nguiã co. Sã nandeãquĩ nanderete rerecua no. Cristo rei mbae i tuchi. Mbae i ja. Ae rane ngue quera si manonde ra. Ae rei mbae rerecua j a tuchi. 19—Se rã sí tuchi Cristo jẽ, i que Dios ra. 20 Cristo mano mose, nandemingo turã sacuã Dios rese chỗ ñene. Nande mii mingo turã sacuã eã ño ñene. Mbae ja mingo turã sacuã Dios rese chỗ Cristo mano nguiã. Mbae ja ibi riinda. Mbae ibei riinda ja abe no.

²¹ Ishote que jẽingo Dios si nyii ra. Mbae icuã naa naa mose. Ũquĩ mose que jẽingo Dios ucuayãte ra. Jendua ndua icuãte que equia eriĩ nda. Namo nguia eriqui nguiã jemingo turãte uchiese ũquĩ. ²² Cristo quiatu ngue mano nguiã jenii. Mbia rete raanguia rerequia mose. Mbae rasi que esaã tuchi umano mose ra. Jenii ño ngue mbae rasi raã nguiã. Jẽicuã mbutiã sacuã. Jemingo turã sacuã icúe Dios mbaerã. ²³ Nyebe jeñimbirātã jiri quia Jesús icha rui. Jeñimondocho eã mbei quiatu quia jẽ. Jẽhui eã ño Jesús cheẽ turã si jẽ. Jesús cheẽ turã ngue jeñandu tuchi quia. Mangue chooñoa jenda ja que echandu ra. Se abe asenei senei tuchi quia Dios cheẽ nguire co. Pablo chỗ se re.

Dios que seirabo ra, i Pablo

²⁴Se mbae rasi raã mose jēje, seyate aico se co. Cristo quiatu ngue mbae rasi saã tuchi nguiã nande je nyii. Se mbae rasi raã mose, Cristo abe chỗ mbae rasi saã nguiã serese. Cristo rete rã no Cristo quiato riqui

nguiã. Nyebe seyate riqui nguiã serete mbae rasi raã mose Cristo quiato je. ²⁵Dios que seirabo uquiato mbaaquiatu quiatu ja sacuã nda. Iglesia jenda ja. Dios cheẽ mbuchecua ja tuchi sacuã jẽje. ²⁶⁻²⁷Dios que seirabo judíos eã mbaaquiatu quiatu sacuã nda. Ae Dios mbuchecua eã mbei judíos je nyii nae, aico ũquĩ mbuchecua Jesús quiato ja je ã cote. Ã ndei ã: Cristo riqui jeñiangui re ã cote. Ae mii ño aba mingo arõ nguiã Dios rese co. Ũquĩ ño Dios mbuchecua ramo nguiã uquiato je co. ²⁸Cristo mii nii ño aico nguiã ñee mbia je co. Mbia ambuti mbuti chõ nguiã Cristo icha rui co. Seaquiatu je chỗ aico nguiã mbia mbaaquiatu quiatu Cristo riĩ co. Ĩ nda Jesús quiato ja riqui siqui i i tuchi erese. ²⁹Nyebe serecoteã tuchite riqui nguiã ũquĩ ndese co. Dios quia sembirãcuã mbeite nguiã co. Mbia mbuti mbuti sacuã Cristo icha rui.

¹Co secheë jeñandu rã. Andua ndua tuchite se quia nimbecoteã iendese co. Achee tuchite se quia Dios je jenii co. Laodicea jenda nii abe no. Ae mae ate quia serese Jesús quiato nae, ũqui nii abe no. Mbia mbaaquiatu icuã icuãsa riqui jembui serīte Cristo si ũquĩ. 2Jẽ ja riĩ aico ñee Dios je co. Jeingo i i sacua Dios rese jeñiangui re. Jenyesecua ja sacuã jenyiese. Jendua ja sacuã hue ri si. Jeaquiatu tuchi sacuã Cristo rii. i nda Cristo jeicua tuchi cote. 3 Cristo mii tuchi cho aba mbaaracua nguiã co. Ae mii tuchi chỗ aba mbaaquiatu nguiã Dios rese co. 4Mbia jembiiri iri ea sacua no aico nguia nee jeje co. Mbia chee tura abareate raque. Jesús cheẽ ndui eãte quia ñene. 5 Aico ndua ndua tuchi jendese co. Siqui rocoi jendese. Ae rese airandu jendese nae, sembia tuchi cho uqui nde. Jēingo turā mose jenviese. Jē Cristo icua i i tuchi mose. Nyebe seya bei tuchi riqui nguiã jendese co. 6Sã Jesucristo jeisi nyii no, ei jenye si chỗ nguia siqui bei erese. ⁷Sã ira riqui ngao mondo tuchi ibiqui rĩ no. Ñimbiracua tuchi sacua. Ei jenye si cho nguia je abe je. Jenimbiracua ño nguia Cristo rui. Cristo jēicua tuchi quiatu quia. Sechee ñiinda rui sí. Gracias jenve bei cho nguia Dios je.

Dios que jembiasu Cristo rii cote ra

⁸Mbia ra jembiirĩ irĩchĩ jembiicha nonde Cristo si jẽ. Ũquĩ ñee turã arõte raque. Ñee iru iru chỗ nguiã ũquĩ. Ñimbucha eấte equia Cristo rese ũquĩ. Mbia cheẽ achỗ ño echeẽ nde. ⁹Dios rã si tuchi rei Cristo. Mbia rete raãte raaque Cristo rete. ¹⁰ Ũquĩ jẽingo ñimbucha Cristo rese ũquĩ. Cristo rã sí tuchi rei nande cote. Cristo quiarei ererecua tuchi mbia rerecua ja si. ¹¹ Cristo que jembui jenyiosei osei icuã si cote ra. Jemingo que icúe Dios mbaerã cote ra. ¹² Ũquĩ jẽingo Dios quirãcuã icuate ũquĩ. Sã mbia Jesús raaque ati rei no. Eĩ si chỗ jẽ Jesús icua mose re. Jendaaque ati rã si chỗ jẽ Jesús icua mose re. Sã Dios Jesús mbuquera si uquirãcuã je no. Eĩ si chỗ jẽ Jesús icua mose re. Jembuquera si rã ño jẽ Jesús icua mose re. Dios chỗ Jesús icua uquia nguiã jẽje. ¹³ Isho que jẽingo rei Dios si cose ra.

Jenyiosei osei icua ndese siqui bei mose. Jẽ jẽicua nderequia bei mose. Dios que ngueco mee jẽje cote ra. Jẽ Cristo icua mose. Dios que jẽicua mbutia cote ra. ¹⁴Ae icua nandesaa saa nguia Dios je nae, Dios que ũqui mbutia nandesi ra. Ae cheẽ nandemumba mumba quia mbia nae, ũqui nee ngue Dios mbutia nandesi cote ra. Dios nandeicua mbucha raanguia Cristo rese chō nene. Cristo chi mose cruz rese. ¹⁵Cristo mano mose que aba checuaya nderecua quiracua mbutia nda. Cristo que aba checuaya mbuquiracua nea ja ra. Mbia resa rae que embuquiracua nea ja ra.

Mbia chisaã saã ndese ra jēingochi jē

16 Sã emo jendiquisã quisã eã mbei mbaeiae mo si. Jẽ mbaeiae u sereã mose, jẽu eã ño. Jẽ euse mose, jẽu chõ. Jẽ jẽingose mose mbae mo ndese sábado mose, jẽingo chỗ erese. Jẽ jẽingose mose mbae mo ndese nyasi yasu mose, jẽingo chỗ erese. Jẽingo sereã mose erese, jẽingoã erese. 17 Cristo siqui nonde íbii chỗ ngue ũquĩ ja nyii re. Mbia Cristo ru raarỗ sacuã ño ngue ũquĩ nyii re. Cristo tu mose que ũquĩ quiachã ja cote ra. 18 Mbia jembiirĩ irĩchĩ jembiicha nonde Cristo si jẽ. Ae useteã saã ñooño nguia nae. Ae "Dios chỗ ñene" i quia ángeles je nae. "Se quiatu" i chooño no nguiã eaquiatu rocoĩ. Ndua turã eã no nguiã Dios rese ũquĩ. Unduasa rese achỗ no eriqui nguiã ucuasu raã naa ũquĩ. Ũquĩ nda jembiichachĩ Cristo si jẽ. 19 Ñimbucha eã no nguiã Cristo rese ũquĩ. Ererecua raque Cristo. Sã nandeãquĩ ndiqui nanderete mingo turã ja no. Eĩ si chỗ Cristo uquiato mingo turã ja nguiã nyiese ã. Nyebe Cristo quiato riqui nguiã Cristo icua i ite ã. Dios chỗ Cristo icua uquia i i nguiã ee.

²⁰Cristo mano mose que jẽ abe jemano erese resẽ. Mbia chisaã saã ima si que jẽhui turã ndesẽ. ¿Mbaerã nda ũquĩ ñee ndui si jẽingo si cote re?
²¹Sã ũquĩ ndiqui ñee no: "Jẽocochĩ nda ã ndese. Ã nda jẽuchĩ no. Ũquĩ nda jẽisichĩ jẽo je no", sã eriqui i no. ¿Mbaerã jẽingo ũquĩ ñee mumbayãte re? ²²Mbia cheẽ achō ño ũquĩ ndesẽ. Dios cheẽ eã ño ũquĩ ndesẽ.
Nandechiurã ño mbae ja resẽ. ²³Ũquĩ ñee turã arõte raque. Eturã arõte raque mbia mbaeiae uã mose. Mbia mbaeiae uã mose, eaquiatu arõte raque. Siqui mingue arõte raque. Ũquĩ nda aba chiosei osei icuã mbutiã eã. Ũquĩ nda aba mingo eã Dios mii ndese.

Jendua chã mbae ibatenda rese

¹Dios que jendaaque mbuquera si Cristo rese resẽ. Nyebe jẽingo mbae ibatenda osei. Mbae ibi jenda osei rocoĩ. Cristo quia chĩ nguiã ngoi ibate ngu jii hue. ²Jendua quiatu quia mbae ibatenda rese. Mbae ibi jenda rese ndua rocoĩ. ³Jemano ngue Cristo rese resẽ. Dios que jembucha Cristo rese resẽ. Nyebe Dios riqui nguiã jendeco rerecoquiatu jēje co. ⁴Dios chỗ nandereco mingo nguiã Cristo rese co. Cristo tube mose ra jendete mbiasu tuchi cote. Jenininya tuchi ra erese cote.

Cose ndare rã eã no jeingo nguiã a cote

⁵Ae icuã jendeco quia jeñiangui re nae, ũquĩ icuã jequiti cho jenyiesi. Jenyiosei osei icua jequiti cho jenyiesi. Jeingochi nda jeninisia mo ndese. Jendu eã ndese ra jeingochi no. "Aque rese nda aico ra ña", jenyechi nda emo nii jē. Mbae icuã mo ndese ra jendua ndua jirichi jē. Emo mbae ra jenyosei choseichi je. Dios abarea ndese siqui raanguia cho uqui nde. 6 A icuã ja rii nda Dios mbia mbasi. Ae echee mumba mumbate quia. 7 Je abe que ã icuã jesa sa tuchi quia nyii ra. Cristo icuaya mose. 8 Å icua jejea ja cho jenyesi cote. Je paama i. Jeicua icua nyue. Jenee nyecua nyecua emo nii. Jenyuru icuã. Ã jējea ja cho jenyesi. 9Jeñee ñooñochī nda jendesenda je je. Je mbae osei osei icua niinda que jembuquiacha jenyesi resē. Jenyisaā saā ima jēsaā eāte quia ūquī cote resē. 10 Jeñimbiasu ji chỗ jẽingo nguiã ũquĩ. Nyebe Cristo riqui nguiã jembaaquiatu tuchi Dios rii ũqui. Jeingo tura sacua Dios ra si. 11 Cristo quia rei mbia mbuchiabi abiã tuchi. Judíos raque. Judíos eã ndaque. Ishonda mo ndaque. Ae eaquiatuate raque. Mbia rimba raque. Mbia rimba ea ndaque. Ũqui ja Cristo mbuchiabi abiã tuchi. Ũquĩ ja chiangui re Cristo riquise rete. Cristo siqui mose nandechiangui re, ũquĩ nguia rei eturã tuchi mbae ja si.

¹²Co Dios riqui nyesecua tuchi jendese co. Dios que jẽirabo mingo icúe umbaerã nda. Nyebe jeingo nguiã siqui turâte. Jeya eã no jeingo mbia rese. Jēseteā no jēingo mbia rese. Jēingo tochi cho nguia. Jendoseī nguiatu chō jēingo. 13 Jeñimbirācuā ño nguia jendesenda rese. Jētesarei chỗ nguia jendesenda icuã icuã mose jēje. Sã Cristo tesarei jēicuã si no. ¹⁴Jenyesecua tuchi quiatu quia mbia rese je. Dios chee tuchi cho ã nde. Jenyesecua tuchi mose mbia rese, mbae tură ja rese cho nda jeingo tuchi cote. ¹⁵ Jeñimbia bei cho nguia Dios rese. Ĩ nda jemingo turã mbei jenyue. Ũquɨ nɨɨ ño Dios jemingo nguiã ɨcúe umbaerã. Jesús rete mɨɨ na ño Dios jemingo nguiã ũquĩ. "Coche ñene" jenye bei chỗ nguia Dios je. ¹⁶Sã Cristo cheẽ ndiqui tuchɨ jeñɨangui re. Jẽaquiatu tuchɨ nda jẽɨngo chã. Jenongue jembaaquiatu quiatu chõ nguia. Jenongue jembuti mbuti quiatu quia Cristo cuti. Jeirasei rasei tuchi quiatu quia Dios je. Himnos. Salmos. Jeya cho jeingo irasei rasei Dios je. 17 Je mbae raa mose, Jesús rii no jesaa. Ae jeingo nee nae, Jesús rii no jenee. Gracias jenve bei cho nguia Dios je Jesús rii.

Ae jesaa nguia nae, jesaa no Cristo je

¹⁸Tacheẽ mbia ninisi je. Jendu cheẽ jemumbayã ño nguia. Diosbi tuchi chỗ ũquĩ nde. ¹⁹Eru, jenyesecua tuchi quiatu quia jeninisi rese. Jẽingo tochi chỗ nguia ee. ²⁰Mbia riirĩ, jendu cheẽ jemumbayã mbei chỗ nguia. Jẽsi cheẽ abe no. Diosbi tuchi chỗ ũquĩ nde. ²¹Jendiirĩ nda jembupaama ichĩ jenyue jẽ. Ĩ nda ñimondocho eã. ²²Tacheẽ erimba je cote. Jenderecua

cheẽ jemumbayã mbei quiatu quia. Emae eã mose abe quiatu echeẽ jemumba eã. Jẽseteã jẽsaã ñooñoa nguiatu quia ee. Dios je quiatu jẽingo mbae raã turã ja. Ae quia mae mbeite nguiã jendese co. ²³ Jẽ mbae raã mose, jẽsaã turã ño nguia. Mbia je eã ño jẽingo nguiã mbae raã. Dios je chỗ jẽingo nguiã eraã. ²⁴ Dios ra mbae turã mee jẽje jenyisaã turã ndibishorõ. Cristo je chỗ jẽingo nguiã mbae ao ao ũquĩ. Jenderecua tuchi chỗ ae re. ²⁵ Ae mbae icuã saã nguia nae, Dios abe ra mbae icuã mee ee echisaã icuã ndibishorõ. Dios ra emo mbasi chooño eã. Emo nda eisi turã ñooñoa no.

4 ¹Mbia rerecua je tacheẽ cote. Jenimba jembuquieɨ quieɨ chooño eã no nguia. Mbae jēsaã turã jiri quiatu quia jenimba je. Jẽ abe jenderecua riqui Dios co no.

²Jeñee ñee mbei quiatu quia Dios je. Jētesa tesa bei quiatu quia Dios rese. Gracias jenye bei quiatu quia ee. ³Jeñee ñee mbei quiatu quia Dios je ure riī. Ĭ nda Dios riqui sembucheẽ ñee mbei tuchi mbia je Cristo riī. Ae rese mbia riqui jiranuate Cristo rese nae, ũquī asenei senei sete mbia je. Nyebe setarõ ji aī nguiã a. ⁴—Paba, sã Pablo Jesucristo mbuchecua checua tuchi quia mbia je, jenye bei quiatu quia Dios je.

⁵ Jeñimbaaracua cho nguia siqui tura Jesús quiatoa je. Ae Dios bite nae, ũqui ndese cho jeingo nimbecotea. ⁶ Sa embiquesa riqui mbae mbiise no. Ei jenye si cho nguia nee tura mbia je. i nda jeaquiatute nee Jesús quiatoa nee ndibishoro.

Pablo ñee hui bei

⁷Tíquico si quia jendea aque. Ae ra mbae senei ja jẽje jembiirandu seriĩ. Ae que mbae saã turã mbeite quia serese ra. Dios rimba turã tuchi chỗ ae re. ⁸Nyebe amondo nguiã jendea aque. Jembiirandu ja sacuã serese. Jembia tuchi sacuã Cristo rese abe. ⁹Onésimo abe si quia erese aque. Hue jenda sí chỗ ae re. Jesús quiato tuchi chỗ ae abe re. Ūquĩ nyeremo nda jembiirandu tuchi a jenda ja rese.

¹⁰ Aristarco tarõ ji ñi serese a. Ae abe saludos mondo quia jēje aque. Marcos abe saludos mondo quia jēje aque. Bernabé nongue riirī ño ae re. Ae oso mose jendea, jēisi turā ño secheē nguire. Acheē ngue jēje erii nyii. ¹¹ Jesús Justo abe saludos mondo quia jēje aque no. Ūqui mii judíos que siqui tuchi quia serese Dios cheē nenei nenei nda. Ūqui ngue sembiate quia mbae raā turā mose serese ra. ¹² Epafras abe saludos mondo quia jēje aque no. Cristo rimba rei ae no. Jendesenda si cho ae no nde. Ae ñee mbeite quia Dios je jenii co. Jēingo irātā sacuā Dios rui. Ae Dios bite riqui nae, ūqui ndese jēingo tuchi sacuā. ¹³ Epafras riqui nyesecua tuchite jendese co. Aicuate se quia co. Laodicea jenda rese abe eriqui nyesecua tuchite co. Hierápolis jenda rese abe no. ¹⁴ Lucas abe saludos mondo quia jēje aque no. Aba rasi rea reasa rei ae. Médico rei ae. Jesús chesecua

tuchi cho ae re. Demas abe saludos mondo quia jēje aque no. ¹⁵ Jesús quiato Laodicea jenda je saludar jenye rã ure je. Ninfas je abe saludar jenye. Ae ñumunua nua nguia Ninfas chuchua Jesús quiato nae, ũquĩ abe je saludar jenye rã ure je. ¹⁶ Ae ambesa mbesa quia a nae, emondo nonde jēje a nae, ã je leer jenye ja rã. Aquere jemondo rã Jesús quiato Laodicea jenda je. Ũquĩ abe leer i sacuã ee. Ae carta ambesa Laodicea jenda je nae, jẽ abe leer jenye ee no. ¹⁷ Jeñee na Arquipo je. —Ae je Jesús ñee nae, "co esaã seje" i ndeje nae, ũquĩ esaã turã ja chō, jenye Arquipo je.

¹⁸Huɨ bei sacuã co ambesa mbesa quia seo ae je co. Pablo chỗ se re. Jendua serese setarỗ ji rese. Sã Dios riqui turã tuchɨ jēje. Amén.

PRIMERA CARTA DEL APOSTOL SAN PABLO A LOS TESALONICENSES

Pablo ã mbesa

1 Pablo rei se. Silas riqui serese a. Timoteo abe no. A urembesa mondo quia jēje aque, Tesalónica jenda. Ae ñumunua nua mbeite quia Jesús rii. Jesucristo icuasa chō jē nde. Dios icuasa abe chō jē no nde. Dios rei nanderu. Jesucristo rei nandererecua. Sā ūqui turā ndiqui bei jēje. Sā ūqui ndiqui jembia bei.

Jesús jēicuate quia ũquĩ

²Gracias, ure bei quia Dios je jenii ã. Jẽ ja riĩ. Ure ñee mose Dios je, jenii no ureico nguiã nee nee ee a. 3 Jesús jeicuate quia uqui. Nyebe jēingo beite nguiā mbae turā ndese ũqui. Jenyesecuate quia Jesús rese ũquĩ. Nyebe jẽingo nguiã Dios cheẽ nenei nenei mbei mbia je ũquĩ. Jesús nyebi sí mose, ũquĩ no jesaaro aro u nguiã hue. Jenimbiracua tuchi equia eraarõ arõ ũquĩ. 4Seresenda, Dios riqui nyesecua tuchi jendese co. Dios que jeirabo umbaera nda. 5 Dios chee tura ngue uresenei senei nguia jēje ra. Urecheē achō je eā. Espíritu Turā abe que jembaaquiatu quiatu ra. — Ichôiño eã tuchi chô Dios chee nde, ure que equia erenei nenei jeje ra. Ureico mose jendese que ureico turate jeje ra. Uqui ndese que jeingo mae nda. 6 Ure rã si que jeingo Dios rui ra. Nandererecua rã si que jeingo ra. Dios chee ngue jeisi tuchi ra. Nyebe que mbia icua tuchi riqui jeje ra. Mbia icuã icuã mose jeje que Espíritu Turã ndiqui tuchi jendese ra. Jembia tuchi sacuã. 7 Nyebe Jesús icuasa riqui nguiã siqui turã jendui. Jesús icuasa Macedonia jenda. Acaya jenda abe no. 8 Nandererecua cheẽ ngue jesenei senei tuchi quia Macedonia jenda je ra. Acaya jenda je abe no. Ishonda ja je. Mbia que jirandu ja quia jendese ra. —Dios icuasa rei ũquĩ, i equia jenii ũquĩ. ¿Mbaerã nda Dios cheẽ asenei ee re? Jembiirandu turã ngue eno. ⁹Ūquĩ nguia ñee turấte nguiã jenɨɨ ũquĩ. —Tesalónica jenda que Pablo isi turã nda. Pablo resenda abe isi turã. Huɨ tuchɨ que Dios raanguia sɨ ra. Siqui beɨ nonde Dios reco rese cote, ɨ equia jenɨɨ ũquĩ. ¹⁰—Tesalónica jenda chɨ Jesús raarõ arõ huee. "Tu ra nyebi ibate sɨ", ɨ u huee, ɨ equia jenɨɨ ũquĩ. Jesús rei Dios reco riirĩ. Dios que Jesús raaque mbuquera sɨ ra. Jesús ra nanderiquisã mbae rasi sɨ. Dios mbia icuã mbasi mose.

Dios chee uresenei tuchi jeje

¹Ureso chooño eã ngue equia jendea ra, Seresenda. Dios cheẽ ngue uresenei tuchi quia jẽje ra. Jẽisi turã turãte que equia ra. Ureso mose jendea. ²Ureso que Filipos nyii ra. Hue jenda que mbia icuate riqui ure je ra. Ureiruã nua ngue ra. Ũquĩ jẽicuate quia ũquĩ. Aquere que Dios chee tură uresenei senei tuchi jeje cote ra. Ureso mose jendea. Dios que urembusiquiche eã tuchi ra. Mbia icuã tuchi raque ure je. 3 Dios cheẽ ngue urechabi chabiã tuchi quia erenei nenei nda. Urendua icuã icuã eã ngue equia ñee mose jēje ra. Jembiirī irī eā. 4—Mañi nda equia reae, i que Dios quia ure je nyii ra. Maende ure rese que ureirabo cote ra. Echee tură nenei nenei sacuă. Mbia mbia sacuă ea no ureico nguia Dios chee nenei nenei jeje. Dios mbia sacua no nene. Dios riqui mae mbeite urechiangui renda rese co. ⁵Urecuasu que uresaã saã eãte quia jēje ra. Urechee noono eate que equia jeje ra. Jembiiri iri eat e que ureico quia ra. —Sã mbia mbae mo mee mee ure je, ure eate que equia jembiiri irī nda. Dios riqui maete urerese co. 6—iJenderecuarã nda ure cote je! ure eate que equia jeje ra. Ure eate que equia mbia mo abe je ra. Cristo chimondo raque ure, echeẽ nenei nenei sacuã jēje. 7 Ureico turã ngue equia jeje ra. Sa esi mo ndiqui nguiiri nderequia tura, ei ure cho ngue equia jeje ra. 8 Urechesecua tuchi que equia jendese ra. Nyebe Dios chee acho ea uremee nguia jeje. Mbae ja uremeese rete raque jeje.

⁹Urechisaã saã ndese que jẽingo mae tuchite ra, Seresenda. Ureico mose jendese. Mbae que uresaã saã mbeite quia ra. Ure ae chỗ urechiurã ureisi isi nguiã. Nyaashĩ mose achỗ eã ngue ureico mbae raa naa nda. Itondaru mose ab e que ra. Ĩ nda je mbae jemondoã ure je. Ure Dios cheễ nenei nenei mose jẽje. ¹⁰Jesús icuasa chỗ jẽ cote re. Urecuata turấte que equia jẽje ra. Jemae ngue equia urerese ra. Dios abe que mae nguia urerese ra. Ureico mose jendese. Ureico turãte que equia ra. Nyebe emo ñee icuã aroneate ureriĩ. ¹¹Jendu rã ngue ureico jẽje resẽ. Sã emo ndiqui nguirĩ mundua turã no. Sã emo ndiqui nguirĩ mbucuata turã no. Eĩ si chỗ ure re. Jemundua ndua. Jembucuata turã nonde. ¹²Urecheẽ tuchi que equia jẽje. —Dios quiato chỗ jẽ cote re. Nyebe jẽingo nguiã Dios mbia beite cote. Dios que jëirabo ra. Dios ra jenderecua tuchi cote. Dios ra uturã mee jẽje, ure beite que equia jēje ra.

13 Gracias, ure bei equia Dios je jenii a. Dios cheẽ nguiatu ngue jẽisi turāte nguiā. Ure Dios cheẽ nenei nenei mose jẽje, jẽisi turā ngue ra. Mbia cheẽ na eã ngue Dios cheẽ jẽje ra. Dios cheẽ ngue jembuturā nda. Jẽ eisi mose. Gracias ure que Dios je, jẽ echeẽ isi mose ra. 14 Sã judíos icuã icuã Jesús quiato Judea jenda je no. Eĩ si chốchĩ mbia icuã icuã jẽje no, Seresenda. Jẽ ji jenda chỗ eicuã icuã ndiqui nguiã jẽje Jesús riĩ ũquĩ. 15 Judíos sí que Jesús iquia nandererecua ra. Sã Dios cheẽ mbuchecuasa iquia nyii no, eĩ sí que Jesús iquia no nda. Ure abe mombo no. Judíos icuã tuchi que ũquĩ nda. Ã eicuãte riqui Dios je ã. Mbia abe je eicuãte riqui ã no. Mbia ja je. 16—¿Mbaerã nda jẽso Dios cheẽ nenei nenei Judíos eã je re? i que equia ure je ra. Ureriquisã quisã ndei que equia ra. Dios cheẽ ngue uresenei mbei bei chỗ judíos eã je ra. Dios erirõ sacuã eicuã si. Judíos que urecheẽ siquisã quisã no nguia ra. Judíos que huiicuã saã i i tuchi quia ra. Nyebe que Dios paama i tuchi ee cote ra. Dios ra embasi tuchi cote.

Sesose rete jendea

¹⁷Seresenda, ishote urecu jēsi a. Nyebe ureya eāte riqui nguiā jendese ā. Uremaese rete quia jendese ā. Urendua beite quia jendese ā. ¹⁸Uresose rete rei que equia jendea ra. —Taso erea, ae beite rei que se quia ra. Pablo rei se. Satanás que ureriquisā quisā ño nguia ra. ¹⁹⁻²⁰Jesucristo ra tu si nyebi nanderea. Seya tuchi aico eraarõ arõ a. Jē nguia uremombia mbia beite nguiā ūquī. Jēchī Jesús quiato. Nyebe ra ureya jendese Jesús tube mose. Ure Jesús cheē nenei nenei mose que jēisi turā nda. Nyebe ra Jesús ia tuchi urerese eru mose.

1—Tairandu tuchi rã erese, ure tuchi que equia jenii nda. Urendua ndua tuchi que equia jendese ra. Nyebe ure ae ureico nguiã Atenas. ²Nyebe que Timoteo amondo rei nguiã jendea. Jirandu sacuã jendese. Dios rimba tuchi que ae ra. Nanderesenda tuchi que ra. Cristo cheẽ turã nenei neneisa que ae ra. Ae que uremondo jendea jemundua ndua sacuã Jesús rese ra. ³Timoteo que amondo jendea ra. Ĩ nda jēhui eã Dios cheẽ si mbia icuã mose jēje. Mbia icuã tuchi que eriqui jēje ra. Nande je ja que eicuãte riqui ra. Jesús icuasate quia nande re. Nyebe mbia icuãte riqui nguiã nande je. ⁴Ureico que equia jendese nyii, aque mose que ureico rei ñee jēje resẽ. —Mbia icuã tuchi ra eriqui nande je, ure rei que equia jēje nyii resẽ. iSã ngasẽ cote jē! iSã mbia icuã icuã nande je cote jē! ⁵Nyebe seiranduse beite riqui nguiã jendese. Nyebe Timoteo amondo rei nguiã jendea. Ureirandu sacuã. —iQuiatu Jesús quiato rea jē! Siqui bei rei equia Jesús rui reae. Aba mbiirĩ irīsa embiicuã eã ndei reae. Dios cheẽ nandesenei ñooño eã ndei ee reae, ae que Timoteo mondo jendea ra.

⁶Ae que Timoteo tu jesi cote ra. Ñee turate que u jenii nda. —Hue que echi Dios icua tuchi ra. Hue que echi nyesecua tuchi Dios rese ra. Nande

abe rese que echi nduate huee ra. Eyayate eriqui rei nanderese, i que Timoteo u urembiirandu jenii nda. Ure abe ureyayate riqui jendese a. 7— Hue que echi Dios icua tuchi ra, i mose que ureya tuchi ra. Mbia icuate raque ure je. Seresenda, je urembiate quia uqui. 8Ureya tuchite jendese, jeingo bei mose nandererecua rese. 9Dios urembia tuchite quia jendese co. Nyebe ureico nguia gracias i ee co. 10Dios je que ureico nee mbei ra. Nyaashi mosecho ea. Itondaru abe. —Paba, urererao ra mbia rea, ure bei que equia Dios je jenii nda. i nda jembaaquiatu ji jeingo tuchi Dios rese.

¹¹ Dios rei nanderu. Jesucristo rei nandererecua. Ũquĩ je ureico ñee tuchi ã. Urererao sacuã jendea. ¹²Sã nandererecua jembuchesecua tuchi jenyiese. Mbia ja rese. Sã ureico nyesecua tuchi jendese no. Eĩ jenye si chỗ nguia nyesecua mbia rese jẽ abe no. ¹³ff nda Cristo uquirãcuã mee jẽje. ff nda Cristo jemingo icúe umbaerã tuchi. ff nda jemingo turã mbei Dios rese. Jesucristo tu mose chee ibate si. Mbia ra ñee icuã aroneate jenii cote. Ñee icuã aroneate ra Dios je jenii. Jesucristo tu mose ra Dios mae jẽturã ndese. Jesucristo ra tube uquiato ja rese.

Jēingo turā, i Dios mbia je

¹Seresenda, tacheẽ tuchi jẽje. Jesús cheẽ ngue uresenei senei tuchi quia jẽje ra. Ũquĩ ndui chō jẽingo turã ndei nguiã ũquĩ. Jẽingo i i tuchi quiatu erui jẽ. Ť nda Dios ia tuchi jendese. Secheẽ ae eã ño ã nde. Jesucristo cheẽ ño ñene. ²Nandererecua tuchi chō Jesús re. Ae chō urembucheẽ nguiã jẽje. Ae cheẽ si jẽingo tesarei ãte ũquĩ. ³Dios jemingo sete quia icúe umbaerã co. iEmo ninisi rese ra jẽingochĩ jẽ! iEru eã mo ndese abe ra jẽingochĩ jẽ! ⁴iJeninisi ae rese chō jẽingo! Jeninisi jendeco turã ño nguia. ⁵Dios icuasa reã ño mbia ninisi osei osei nguiã ũquĩ. iEĩ jenyechĩ nda jẽ jẽ! ⁶iJenongue ra jembɨirĩ irīchĩ eninisi rese jẽ! Ũquĩ naa naa mose ra Dios jembasi tuchi. Nyebe urecheẽ nguiã jẽje nyii. ⁷—Jẽingo turã icúe sembaerã, i que Dios nande je ra jẽ. —Jẽingo icuã icuã, iã equia nande je co. ⁸iUrecheẽ jẽisi turã ño nguia jẽ! Jẽ urecheẽ isiã mose, eĩ jenye chō nguiã Dios ucuayã. Urecheẽ achō eã ño uresenei senei nguiã jẽje. Dios cheẽ ño ñene. Dios sí que Espíritu Turã mondo nande je ra.

⁹—Jenyesecua jenyiese, aeã nda jēje cote. ¿Mbaerā nda acheē jēje re? Dios que ñee jēje no. Nyebe jēingo nguiā nyesecua jenongue rese ũquĩ cote. ¹⁰Macedonia jenda rese jēingo nyesecua ũquĩ. Jesús quiato rese. Jenyesecua i i tuchi jiri erese jē. ¹¹i Jēingo turā ño nguia jē! iJeñimbecoteā ño nguia jembae rese jē! iJēquiei quiei bei equia jē! Ũquī ngue urecheē jēje nyii resē. ¹²Ũquĩ naa mose ra Jesús icuasa reã ñee turā turā jēje. Ũquĩ naa mose ra mbae tiā eā jēje no.

Jesús ra tu nyebi íbii

¹³Mbia raaque rese taembiirandu rã. Ť nda jẽyayã eã mbia raaque rese. Jesús icuasa reã ngue eyayã tuchite riqui mbia raaque rese ra. —

Quera si na nye. Nandemae si na erese re, i eã no Jesús icuasa reã nguiã mbia raaque je ũquĩ. ¹⁴Jesús que mano ndei nguiã nyii. Quera si que ra. Nyebe ra Jesús icuasa raaque abe quera si. Sañi Jesús quera si no. Eĩ si ra Jesús icuasa raaque quera si no. Dios ra embuquera si. Jesús rese ra ecuaẽ. Ũquĩ nandeicuate quia ã. ¹⁵Nandererecua Jesús cheẽ uresenei senei nguia jēje ã. Jesús ra tube íbii. Aque mose ra mano je rane nyoi erea. Ae nandereco nandeico ã nae, ũquĩ abe ra nyoi erui cote. ¹⁶Cristo ra tu nguichi ibei si. Ererecua rã nda eru nee mbia je. Angel nderecua ibatenda ra neemombo. Corneta abe ra pu i Dios mbae. Cristo nguichi mose íbii. Aque mose tuchi ra Cristo icuasa mano je quera si. Ũquĩ nane nda quera si. ¹⁷Aquere ra nandereco rerao ũquĩ ndese cote. Ibeishĩ ni nda nandererao ja. Huee ra nandemae tuchi Cristo rese cote. Nandeico bei ra erese cote. ¹⁸Ã ndei Dios cheẽ ã. Jeñimundua ndua bei quia erese. ff nda jēya tuchi erese.

Jequiche je na Jesús ru chã

1—Aque mose ra Jesús ru, ae eã nda jēje, Seresenda. ²Isa chõ **o** mbae mbuquiachãsa riqui nguiã tu. Mbia ndua eã mose ra eru. Ei si ra Jesús u, mbia ndua eã mose erese. 3—Ureico turat e quia ã ndesẽ, i ra mbia. Ajee tuchi ra Jesús ru aque mose. Mbia mbutiã nonde cote. Sã nanimbae rasi riqui tu ajee no nae, ei si tuchi ra Jesús u ajee. Emo nda oso chee eã. 4Jẽ nguia jẽingo ãte nguiã itondaru ũquĩ, Seresenda. Jeaquiatua ea no je nde. Je nguia ra Jesús jembua ea u. Mbae mbuquiachasa ra ea nda eru jeje. 5 Nyaashi na no jeingo nguia je ja uqui. Itondaru rã eã no nandeico nguiã nande ã. 6 Nyebe nandechumumba rã mbei chỗ nandeico nguiã tesa. Mbia ataque quiarei uque bei. ⁷Ae uque quia, ũquɨ ño uque nguiã itondaru. Ae quiacua quiacua quia, ũquɨ ño quiacua nguiã itondaru. 8 Nyaashɨ jenda chỗ nande re. Nyebe nandechimbaaracua bei quiatu quia nande. Dios nandeicua tuchi quia nande. Nandechesecua tuchi quia erese nande. Dios ra nanderiro tuchi mbae icuã ja si. Ũquĩ nandeicuate quia ã. Nyebe ra mbae icuã ocoã nanderese. ⁹Nandembasi sacuã eã ngue Dios nandeirabo ra. Nanderirõ sacuã eicuã si cho ngue nandeirabo nguia. Jesucristo rii nda nanderiro eicuã si. Jesucristo rei nandererecua. ¹⁰ Ae que mano nande je ra. Nandeico sacua erese. Tu ra nandererao sigui sacua erese. Nandereco siqui mose ra nandererao. Nanderaaque chi mose ra nandererao no. Ei ja chỗ ñene. ¹¹ Ã ndei Dios cheễ ã. Jễ ño jeñimundua ndua nguiã erese ũquĩ. iŨquɨ jēsaã saã mbei quia jē!

Pablo embaaquiatu

¹²Jesús icuasa rerecua cheẽ nda jemumbachĩ, Seresenda. Jenderecuarã ño Dios emingo nguiã. Jembaaquiatu quiatuchĩ equia ũquĩ. ¹³Nyebe

jẽingo turã no nguia ee. Jenyesecua tuchi quia erese. Jembaaquiatu quiatu sacuã no uqui nde. iJēingo turã no nguia jenyue! ¹⁴Emo tomei mo siqui mose jendese, jemingo mbae mo ndese. Ae hui serī serīte quia Dios chee si nae, uquī jemingobe erese. Ae equiracua neate, uquī jembiracua. Jēingo mingue cho nguia mbia ja je. ¹⁵Mbia icua mose jēje ijēicua ea no ee jē! iJēingo turā no jenyue jē! iJēingo turā no mbia ja je no jē! ¹⁶Jēya bei jēingo. ¹⁷iJenee nee mbei quia Dios je jē! ¹⁸Gracias, jenye quia Dios je mbae ja riī. Ebi tuchi quiarei uquī. Jesucristo icuasa cho jē nde. ¹⁹Espíritu Turā nda jēsiquisāchī jē. ²⁰Dios chee mbuchecuasa chee jenandu turā no nguia jē. ²¹—Ma nee noonoa, jenye tuchi quiatu eicua jē. Nee noono ea mose, erui jēingo. ²²iMbae icua ja rese ra jēingochī jē!

²³ Aba mombiasa chõ Dios riqui nguiã co. Sã ae sɨ jemingo ɨcúe umbaerã tuchɨ. Sã ae jemingo turã mbeɨ. Jesucristo tu chee mose ibate sɨ. Mbia ra ñee ɨcuã aroneate jenɨɨ cote. ²⁴ Ũquĩ nda Dios saã ja jēje. Ae quiarei ichōɨñosa reã tuchɨ.

Pablo ñee hui bei

²⁵ Jeñee mbei quia Dios je urerii, Seresenda. ²⁶ Mbia nanderesenda jẽquiaam a ama ja ure je hue jenda. ²⁷ Ã sechimbesa jẽsenei ja rã nandenongue hue jenda je. —Jẽsenei na, i Cristo quia jẽje co. ²⁸ Jesucristo rei nandererecua. Sã ae riqui siqui turã mbei jendese. Amén.

SEGUNDA CARTA DEL APOSTOL SAN PABLO A LOS TESALONICENSES

Pablo chimbesa

1 Pablo rei se. Silas riqui serese a. Timoteo abe no. Ureico ã mbesa jēje a, Tesalónica jenda. Jē nguia jeñumunua mbeite nguiã Jesús je ũquĩ. Jesucristo icuasa chỗ jẽingo nguiã ũquĩ. Dios rei nanderu. Jesucristo rei nandererecua. ²Sã ũquĩ turã ndiqui jẽje. Sã ũquĩ ndiqui jemombia bei.

Dios ra mbia icua mbasi

³Gracias, ure beite quia Dios je jenii ã. Coche ureico nguiã ñee Dios je jenii. Jẽ nguia jẽingo nguiã Dios icua tuchite ũquĩ. Jẽ nguia jẽingo nguiã nyesecua tuchite jenyiese ũquĩ. ⁴Nyebe ureico nguiã ñee turãt e jenii ã. Ae ñumunua nua nguia Dios je, ũquĩ ja urembiirandu turã nguia jendese ã. Jẽingo minguete quia mbia icuã je ũquĩ. Jẽingo Dios icua tuchite ũquĩ. Mbia icuãte riqui raque jẽje. Mbia icuã mose jẽje, jẽ jẽturãte riqui ee ũquĩ.

⁵Sã Dios turã tuchi riqui no jẽ. Sã mbia mbuchecha turã no. Ae ra ñimbirãcuãte quia mbia icuã icuã mose Jesús riĩ ee nae, ũquĩ je ra mbae turã mondo. Mbae ra emondo mbia chisaã turã ndibishorõ. Mbia chisaã icuã abe ribishorõ no. ⁶Ae jembasi mbasi quia nae, Dios ra ũquĩ mbasi tuchi cote. ⁷Jesucristo ra tu ibate si. I ra eu quia nyecua. Angel cuabẽ ndese ra eru. Jesús ra ángel quirãcuã tuchi queru. Tata rendi rã nda Jesús ru. Eru mose ra mbia icuã icuã eã nande je cote. ⁸Jesús tu mose ra Dios icuasa reã mbasi mbasi cote. Echeẽ turã mumba mumbasa ra embasi Dios cheẽ turã Jesucristo riĩ. ⁹Jesús ra ucheẽ mumba mumbasa mbasi tuchi. Jesús ra emombo isho. Echeẽ mumba mumbasa ra siquíã mbei Dios rese cote. Dios quirãcuã ndese abe ra eriquíã no. ¹⁰Ũquĩ nda Jesús saã ucheẽ

mumba mumbasa je tu mose. Echiirabo quia ra ñee turã turã mbei erií eru mose. Eicuasa ra ñee turã turã mbei erií eru mose. Je abe ra jeingo erese. Ure Dios chee nenei mose, jeisi que ra. Nyebe ra je abe jeingo erese eru mose. ¹¹Nyebe ureico nguiã ñee ñee mbei Dios je jenii ã. Ae Dios bite nae, i nda ûqui jesaã saã mbei quia. Ûqui je que Dios "jenyu" i jeje ra. Mbae turã jesaã saãse rete quia ûqui. Sã Dios uquiracua mee jeje. Mbae turã naa naa nonde cote. Jesús icuasa cho jengu nguiã huee. ¹²Je mbae turã naa naa mose, mbia ra ñee turã turã Jesucristo rii. Je abe rii nda Jesucristo mbia mbuchee turã turã. Dios quia eturate riqui nguiã nande je. Jesucristo abe eturate nande je. Ae rei nandererecua.

Dios ucuãyãsa

→ ¹ Jesucristo rei nandererecua. Ae ra tu nandemunua mbucha ✓ uchiese. Ũquĩ ño asenei senei nguiã jēje. 2—"Co Jesús ru quia co", i que Pablo ra, ichoiño nda mbia serii jeje. Jeñanducho ño uqui mose. —Co Jesús ru quia co, ae eã se quia embesa jeje a. Mbia mo nda ñee ñooño jeje. —Jesús ra tu cote. Dios que sembiirandu ra, ichoiño nda jēje. Ūguī jeñanduchō ño. ³ iMbia ra ñee ñooñochī jembiirī irī jē! Jesús rane nda tuã nguiã. Mbia rane nda hui hui Dios si. Dios ucuãyãsa rane nda tu Jesús si. —Emo mose aque tambutiã, i que Dios aque rii nda. ⁴Aque ra Dios resenda ucuãyã tuchi. Dios abe ucuãyã tuchi rae. Dios chuchúaa ra eñi ngoi mbia mbiiri iri. —Se rei Dios, ichoiño nda hui mbia mbiiri iri. 5 Seico mose jendese que asenei ja jēje ra. ¿Jētesareiā ndei equia sechee si re? 6Dios ucuavasa ra tu emo mose. Eriquisa ji ae riqui nguiã aque. Eriquisã iriã mose ra eru. Eriquisãsa jêicua quia ũqui. ⁷Mbia Dios cheẽ mumba tuchɨ quia ã cote. Dios ucuãyãsa ra tuchõ eã. Eriquisãsa iriã mose quia ra eru cote. 8 Nyecua tuchi ra u mbia je cote. Jesús ra tu eriicharã cote. Jesús nininya tuchi ra tu. Aque mose ra Dios ucuãvãsa iquia. 9Satanás nda uquirãcuã mondo Dios ucuãvãsa je. Dios ucuãvãsa mbuquirãcuã sacuã. Mbae icuã chumumbara tuchi ra equeru. Ñee ñooño nda u mbia je. Mbia mae sayã nda esaã saã u mbia mbiiri irī sacuā. 10 Dios ucuāyāsa icuā tuchi ra Jesús quiatoā je. Jesús quiatoā mbiiri iri tuchi ra u. Jesús quiatoa nyesecua ea nguia Dios rese rese. Nyebe ra Dios ũquɨ ndiroã eɨcuã sɨ. Dios ra uquiatoã mbutiã tuchɨ. ¹¹Dios rese eriqui nyesecua eate a. Nyebe Dios aba mbiiri irisa mondo nguia ee. Nyebe eriqui nguiã "ae beite", i aba mbiirī irīsa je. 12 Nyebe ra Dios ñee tuchi Jesús icuasa reã je. Ae mbae icuã saã sete quia, ũquĩ je. —Jeso tata cuásuu, i ra Dios ee.

Dios chiirabo rei jẽ

¹³ Seresenda, Jesubite jëingo ũqui. Gracias, ure bei quia Dios je jenii a. Dios que jëirabo cose nyii ra. Jendiro sacua jëicua si. Espíritu Tura jemingo sacuã icúe. Jẽ ichōiñosa reã jẽicua sacuã. Ũquĩ je chō ngue Dios jẽirabo nguiã. ¹⁴Jesús cheẽ ngue uresenei senei nguia jẽje huee ra. Aque mose que Dios "jenyu" i jẽje ra. Jembuquirãcuã sacuã Jesucristo quirãcuã je. ¹⁵Seresenda, ijẽhui jẽhuichĩ nda esi jẽ! iUrecheẽ ndui jẽingo bei jẽ! iUrechimbesa abe rui jẽingo jẽ! ¹⁶Dios rei nanderu. Ae quia rei eturã tuchi nande je. Ae quia rei nyesecua tuchi nanderese. Ae quia rei nandemombia mbiasa. Nandeya tuchi nandeico Jesús raarõ arõ ã. Tube ra nyebi uquiato rea. ¹⁷Sa Jesucristo riqui jemombia mbia bei. Dios abe no. Sã ũquĩ ndiqui tuchi jendese. Jẽhui eã sacuã echeẽ si. Ĩ nda jeñee turã mbei quia querabe. Ĩ nda jẽingo bei mbae turã ndese querabe.

Jeñee Dios je

3 ¹Seresenda, jeñee mbei quia Dios je ure riĩ. Ĩ nda isho ishonda Dios cheẽ andu ja. Ĩ nda eandu chooño eã. Ĩ nda eisi turã jẽ na si. ²Ĩ nda Dios mbia icuã ndiquisã ure si. Mbia mii mii ño Dios icua nguiã ã. Mbia ja eã. ³Nandererecua ñee ñooño eã nguiã co. Uquirãcuã nda emee jēje ucheẽ nguire. Mbae icuã nda esiquisã jẽsi. ⁴Urecheẽ ndui si chỗ jẽingo nguiã ũquĩ. Ae uresenei senei nguia jēje, ũquĩ ndese ra Dios jemingo tuchi. Ũquĩ no aicua nguiã ã. ⁵iSã nandererecua siqui tuchi jendese jẽ! Jẽirandu sacuã Dios nyesecua rese nanderese. Jẽ abe jẽingo mingue sacuã Jesucristo rã si.

iJētomeite ra jēingochī jē!

6 Jesucristo cheẽ tuchi chỗ ã nde, Seresenda. Jesús quiato mo tomei mose, jẽhui chỗ esi. Jesús quiato siqui sereã mose mbae mo ndese, jẽhui chỗ esi no. Jesús cheẽ tuchi chỗ ã nde. 7 Ure rã si chỗ jẽingo. Uretomei ngue uresaã saã eãte quia jẽje ra. 8 Jẽ mo ngue urembuquiaru chooño eãte quia resẽ. Mbae mo ño ngue uremondo mondo quia urechiurã ndibishorỗ ndesẽ. Urequiei quiei beite que equia resẽ. Itondaru mose abe. Jẽ mbae mondochỗ eã sacuã ure je. 9—Mbae mo embu se, ureã mbei que equia jẽje resẽ. Eturãte raque ũquĩ. Urequiei quiei chỗ ngue equia urembaerã ndesẽ. Jembaaquiatu sacuã. Ure rã si jẽingo sacuã quiei quiei. 10 Ureico mose jendese que jaembiirandu rei resẽ. Ae quiei quiei sereãte quia, ũquĩ nda quiaruã. 11 Ureirandu que jendese ra. Jẽataque nda quiei quiei eã tuchi quia ra. Siqui chooñose tuchi nda equia ra. Uchuru mondo chooño ñee emo je. 12 Sã ũquĩ ae riqui quiei quiei uchiurã ao sacuã. Jesucristo cheẽ tuchi chỗ ã nde. Nandererecua tuchi chỗ a e re. 13 Seresenda, imbae turã ndese chỗ jẽingo bei jẽ! iJẽhuichĩ nda esi jẽ!

¹⁴A urecu urechee mbesa mbesa emondo sacua jeje a. Je mo urechee mumba mumba mose, ũquɨ ndese jemae tuchɨ. Jehuɨ cho ũquɨ sɨ. ff nda ɨreɨ ɨreɨ jiri urechee mumbare. ¹⁵ iŪquɨ nda jeucuaya cuayachɨ je! iJenee tura ño equia ee je! iJembaaquiatu quiatu tura ño je! Jendesenda cho ñene. Urechee mumba mumbate raque.

Hui bei

¹6Cristo rei aba mombiasa. iSã ae riqui jemombia bei jẽ! Jẽingo mose jenyuchúaa. Jengatásaa abe no. iSã eriqui bei jendese jẽ! ¹¹Pablo rei se. Se ae chỗ ã ambesa nguiã hui bei a. Sechimbesa ae chỗ ã nde. Sechimbesa jẽicuate quia ũquĩ ndesẽ. Sembae letras. Se bei que ambesa quia hui bei ra. ¹¹8Sã Jesucristo turã ndiqui bei jẽ ja je.

PRIMERA CARTA DEL APOSTOL SAN PABLO A TIMOTEO

Pablo embesa Timoteo je

1 Pablo rei se. Jesucristo chimbaaquiatu, Jesucristo chimondo. Dios abe chimondo. Dios ae nanderiro nguia nandeicua si. Jesucristo cho nandesaaro aro nguia a. Aico a mbesa ndeje a, Timoteo. Sechee nguire cho ereico nguia Jesús icua aque. Nyebe aico nguia seriiri i ndeje co. Dios rei nanderu. Jesucristo rei nanderecua. Sa uqui tura mbei riqui ndeje. Sa uqui ia ea mbei riqui nderese. Sa uqui nembia tuchi.

Emo ndiqui mbia mbaaquiatu icuã icuã ã, i Pablo

³Sã acheẽ ndeje seso mose Macedonia no. "Efeso eico" ae que ndeje, huee bei chỗ eico. Ae ñee ñooño nguia mbia mbaaquiatu icuã icuã hue nae, ũquĩ ñee embutiba. ⁴Ũquĩ siqui bei quia mbia cheẽ ima nenei nenei mbia je ũquĩ. Ũquĩ siqui bei quia amei cose ndare nenei nenei mbia je ũquĩ no. Ũquĩ ñee embutiba. Ũquĩ ñee icuã icuãte quia ũquĩ. Ũquĩ ñee ño mbia mbiicuã icuã nguiã nyue. Ũquĩ ñee nda aba mbaaquiatuã Dios riĩ. Ũquĩ mose Dios icua aroneate. ⁵Sã hue jenda turã mbei riqui Dios je jẽ. Sã hue jenda riqui ndua turã mbei jẽ. Sã hue jenda riqui Dios icua tuchi jẽ. Nyesecua tuchi nda nyiese cote chã. ⁶Mbia hue jend a mo ndiqui tesarei Dios cheẽ si ũquĩ. Dios cheẽ abi abi. Ñee ñooño mbei equia nyue ũquĩ. ⁵Moisés cheẽ ndese mbia tambaaquiatu, i raque equia ũquĩ. Moisés cheẽ icua rocoĩ. Eaquiatu rocoĩ. Echeeño ño ñene.

⁸Dios que Moisés mbucheẽ turã mbia je ra. Mbia icuã je que embucheẽ nda. Mbia mundua sacuã huiicuã ndese. ⁹Mbia turã je eã ngue Dios Moisés mbucheẽ nguiã. Mbia turã je eã ngue Dios ley mii nguiã. Dios cheẽ mumbasa je chỗ ngue emii nguiã. Mbia icuã je. Dios quiatoã je. Mbia teã teã je. Usi ucuãyãsa je. Ngu abe ucuãyãsa je. Mbia iquiasa je.

¹º Ucheë mumbasa je chö ngue Dios ley mɨi nguiã. Ae siqui quia emo ninisi rese, ũquĩ je. Ae eninisirã saã saã nguia nguesenda mo je, ũquĩ je. Mbia rirõsa je abe no. Ñeeñooñosa je abe no. Ae eicuã icuãte riqui Dios cheë turã je, ũquĩ je abe no. Ũquĩ ja je chố ngue Dios ley mɨi nguiã. ¹¹ Dios que ñee ucheë turã nɨi seje ra. —Secheë esenei senei mbia je, i que Dios seje ra.

Dios que uturã teacuquia seje ra, i Pablo

12 "Coche ñene" ae se quia Jesucristo je co. Ae que seirabo ra. Ae que sembuquiracua nda. Ae que semondo uchee nenei nenei sacua mbia je ra. ¹³Seicuã tuchi raque ee nyii. Achee icua icua ndei que se quia ee nyii ra. Equiato je abe que seicuã icuã ndiqui nyii ra. Se Jesús icuayã mose. Seaquiatua mose. Nyebe Dios ia eate riqui nguia serese. Nyebe Dios seicuã mbutiã nguiã sesi cote. 14 Uturã ngue eteacuquia seje ra. Nguiirĩ ngue embuchecua seje ra. Nyebe aico nguiã Jesucristo icua co cote. Nyebe aico nguiã nyesecua Jesucristo rese co cote. 15 Jesucristo que tu íbii ra. Mbia icuã mbitirõ sacuã. Emingo bei nonde. Ichõiñoa tuchi chõ ã nde. Sã mbia "ae beite" i ja ã je. Seicuãte raque se quiatu mbia ja si. ¹⁶Dios ia eate que eriqui serese ra. Erosei nguiatu tuchi que eriqui seje ra. Nyebe mbia riqui nguiã jirandu ja Dios roseĩ nguiatu rese. Sã Dios semingo bei se abe, i chee ra emo abe ñee ñee. Dios roseĩ nguiatu rese jirandu mose. ¹⁷Sã mbia riqui ñee turã mbei Dios je. Ae mii ño mbia rerecua tuchi re. Ae mii ño siqui bei tuchi nguiã co. Ae mii ño ererecua nandemae sayã nde. Ae mii ño mbae icua tuchi nguiã. Amén. 18 Timoteo, seriirī na tuchi cho nde re. Dios chee mbuchecuasa que sembiirandu nderese nyii ra. Nyebe aico nguiã ñee tuchi ndeje ũquĩ ñee na si. Mbae icuã esiquisã quisã mbei cho nguia Jesús quiato si je. 19 Dios eicua tuchi quia jẽ. Erendua ata atate chĩ nda jẽ. Mbae turã ndese chỗ eɨco. Emo emo ngue ndua chooño mbei quia ra. Mbae turã naa naa ndocoi. Nyebe eriqui nguiã siqui icuã icuã mbeite. Nyebe tesarei nguiã Dios chee si cote. 20 Ei ngue Himeneo nda. Alejandro abe no. Nyebe ngue amondo nguiã Satanás je. Ndua ndua sacuã. Ñee icuã icuã eã sacuã Dios rii.

Sã mbia ñee turã ja Dios je, i Pablo

¹Ã tacheẽ Jesús quiato ja je: Mbia ja rɨɨ jẽɨngo beɨ ñee Dios je. ff nda Dios uturã mee mbia je. Gracias jenye beɨ quia Dios je mbia ja rɨɨ.

²Ae ererecua nae, ũquɨ ja rɨɨ abe jẽɨngo ñee mbeɨ Dios je. Dios uturã mee sacuã ee. Ũquɨ mose ra nandeɨco turã ja cote. Ũquɨ mose ra nandeya beɨ nandeɨco cote. Ũquɨ mose ra nandeɨco tuchɨ Dios rese cote. ³ Ũquɨ mose ra Dios abe ia tuchɨ nanderese. Eicuã sɨ mbia rirõsa chõ ae re. ⁴Dios mbia rirõ ja sete quia eɨcuã sɨ co. Dios mbia mbaaquiatu quiatu sete quia co no. ⁵Dios mɨɨ ño siqui nguiã co. Mbia que ɨcha ɨcha jate esɨ ra. Jesucristo

mɨi ño siqui nguiã mbite re co. Mbia mbucha sacuã Dios rese. Mbia sí chỗ ae re. ⁶Jesucristo que mano mbia icuã ndiquicharỗ sacuã nda. Ũquĩ ndese que Dios mbia mbiirandu cote ra. ⁷Ũquĩ nii ngue Dios seirabo ra. Semondo que judíos eã je embaaquiatu quiatu sacuã nda. Ũquĩ Dios icua sacuã ngue Dios cheẽ asenei senei ee ra. Ae bei. Acheẽ ñooñoa ño nguiã co.

8Sã mbia ja riqui ñee mbei Dios je. Sã o mumbate ñee Dios je. Sã eriqui turã ja. Sã paama iã mbei nyue. 9Sã cuña abe riqui siqui mingue. Sã eriqui ndua tuchi eã jiri huiirao rese. Uachu riinda hui rese abe. Ua rese abe no. Lujo rese abe no. 1ºSã eriqui quiatu ndua Dios rese. Sã eriqui mbae turã naa naa mbia je. 1¹ Sã cuña quiriri chô nguia mbia ñumunua mose. Sã eriqui nyiisaquia turã. Sã eriqui mingue. ¹²Mbia ñumunua nua mose, cuña mbia mbaaquiatu quiatu aroneate. Sã cuña mo ererecua raã naa eã ngu je. Sã eriqui chô nguia quiriri. ¹³Adán nane nguiatu ngue Dios chao nguiã. Aquere quiatu ngue Eva ao nguiã cote. ¹⁴Adán nane eã ngue Satanás mbiirī irī nda. Eva rane nguiatu ngue re. Eva rane ngue mbae icuã saã nyii ra. ¹⁵Dios ra paama i bei eã cuña je. Nguiirī nderequia turã mose. Dios icua mose. Siqui tuchi mose Dios rese. Nyesecua mose mbia rese.

Sã Jesús quiato rerecua siqui turã

3 ¹Acheẽ ñooño eã ño se re. Jesús quiato reaquiatu sacuã ño taico se, i mose emo, eturāte ũquĩ. ²Sã Jesús quiato rerecua riqui siqui turã mbei. Mbia ñee eã sacuã ee. Sã ngũinisi mii ño nderequia. Sã eriqui ndua turã turã mbei. Sã earacua tuchi riqui. Sã eriqui mbia isi turã turã mbia mo oso mose echuchúaa. Sã eriqui mbia mbaaquiatu quiatu aracua. ³Sã eriqui quiacuayã. Sã eicuã icuã eã mbei riqui emo je. Sã eriqui oo tuchiã mbae isiquia rese. Sã eriqui ico mingue. ⁴Sã eriqui mbia uchuchua jenda rerequia turã. Sã eriqui nguiirĩ mbaaquiatu quiatu turã. Aba cheẽ mumbayã sacuã. F nda eriirĩ eĩ ñooño eã mbia je. ⁵Nguiirĩ ndea chooño mose, Dios quiato reaquiatu turã aroneate. ⁶Ae Jesús icua ramote nae, Jesús quiato rerecua aroneate ũquĩ. Úquĩ mose ucuasu raã naa arõte. Eicuã arõte cote. Sã Satanás abe ucuasu raã naa ñimbiicuã nonde no. 7Sã Jesús quiato rerecua riqui siqui turã mbei Jesús quiatoã abe je. F nda diablo embiirĩ irĩ eã embiicuã. F nda Jesús quiatoã ñee turã mbei eriĩ.

Sã diáconos siqui turã

⁸Diáconos je abe tacheẽ. Sã diáconos abe siqui turã. Sã eriqui ucheẽ mbuchebiã mbae raã nonde. Sã eriqui quiacuayã. Sã eriqui oo tuchiã mbae isiquia rese. ⁹Sã diáconos siqui eã tuchi mbae icuã mo ndese. Sã Dios mii ndese quiatu eriqui bei. Sã Dios icua tuchi. ¹⁰Ae ra diácono nae, sã mbia mae na nguiatu erese nyii. Eturã mose mbia je, sã diácono ae

cote. ¹¹Sã diácono ninisi abe riqui siqui turã mbia je. Sã mbia mbucheë ñee eã emo nɨi. Sã eriqui quiacuayã. Sã eriqui ucheẽ mbuchebiã mbae raã nonde. ¹²Sã diácono ngũinisi mɨi ño nderequia. Sã eriqui nguiirĩ nderequia turã. Uchuchua jenda ja abe no. ¹³Diáconos mbae raã turã turã mbei mose, mbia ra eicua tuchi cote. Dios abe ra embuquirãcuã tuchi Jesucristo renei nenei sacuã mbia je.

Ae Dios saã nande je, ũquĩ aba icua ja aroneate raque

¹⁴Seso jeise rete raque nderea. Seso eã moi ño aɨco nguiã co mbesa ndeje a. ¹⁵Nde Jesús quiato rerecuarã irabo aquiatu sacuã ño aɨco nguiã ã mbesa ndeje a. Iglesia jenda rerecua irabo sacuã. Dios reco mbae rei iglesia. Iglesia quia rei Dios cheẽ nderequia tuchɨ mbia ja je. ¹⁶Ae Dios saã nguia nande je nae, ũquĩ aba ɨcua ja aroneate raque:

Dios que tu mbiarã íbii ra. Jesús, i equia ee.

"Etură tuchi" i que Espíritu Tură erii nda.

Angeles abe que mae erese ra.

Ae Jesús quiato nae, ũquĩ ngue esenei senei mbia ataque je ra.

Mbia mangue chooñoa jenda ja que eicua ra.

Aquere que Dios equeraobe ibate cote ra.

Mbia ra hui hui Dios chee si

4 ¹Espíritu Turã ndiqui ñee co: Mbae ua ja nonde ra mbia hui hui tuchi Dios si. Aba mbiirī irīsa rese ra mbia riqui tuchi. Ũquī nda mbia mbaaquiatu icuã icuã aba checuayã icuã na. ²Ae uturã saã saã nguia nae, ũquī ndui rui ra mbia riqui. Ae ñee ñooño nguia nae, ũquī ndui rui ra mbia riqui no. Ũquī siqui beite mbae icuã ndese ũquī. Nyebe eriqui nguiã mbae turã icuayãte chee cote. ³Ũquī nda mbia mbaaquiatu icuã icuã. Jeninisirã nda jendecoã. Jendurã abe ra jendecoã no, i ra equia ñee mbia je. —Mbae ra jēu chooñochī jē, i ra equia mbia mbaaquiatu icuã icuã. Dios mbae chao ja raque mbia chiurã. —Sã sequiato mbae ja u, gracias ire seje, i que Dios ra. ⁴Dios chiao mbae turã ja. Mbae nandeisi teã teã eã ño nguia echiao. Mbae nandeu turã ja chō nguia. Gracias nande bei chō nguia Dios je. ⁵Dios cheĕ nguire mbae turã ja riqui nandechiurã ã. Nande "gracias" i mose Dios je, mbae turã ja chō eriqui nguiã nande je.

Jesús quiato rerecua turã

6Ã secheẽ esenei senei mbei quia Dios quiato je, Timoteo. Nde mbia mbaaquiatu turã turã mose. Dios rimba turã tuchi ra nde cote. Jesús cheẽ ndui ra ereico tuchi cote. Dios ra ereicua tuchi cote. Sã ereico beite erese co no. 7Mbia cheẽ ñooño je cheẽ ndese ra erechiisaquiachi jẽ. Echimbirãcuã tuchi quiatu quia siqui Dios rese jẽ. 8Nanderete quirãcuã

mose, eturate raque. Nandeico mose Jesús rese, ũquĩ nguiatu etura tuchi nanderete quiracua si re. Aacho ea nandeico Jesús rese. Ibate abe quiatu nandeico erese. 9Ache ñooño ea ño se re. Sa mbia "ae beite" i ja seche je. Dios che ño ñene. 10 Dios che nii ño ureico nguia quicoi coi a. Dios che nii ño ureico nguia niimbiracua mbae ja rese a. Dios reco quiatu ureicuate nguia a. Ae que mano mbia ja je ra. Ae eicuate quia nae, ũquĩ nda emingo bei.

¹¹Ã esenei senei mbei quia mbia je. Mbia Dios cheë mumbayã sacuã.
¹²Sã mbia ndecheë andu turã. Amei eã ndaque nde. Mbae turã esaã saã nguia Jesús quiato résaa. Ũquĩ siqui turã sacuã nde rã si. Echeë turã mbei quia mbia je. Eico turã mbei quia mbae turã ndese. Echesecua tuchi quia mbia rese. Dios eicua tuchi quia. Mbae icuã ndese ra eremae mae jirichĩ.
¹³Mbia embaaquiatu quiatu bei quia seso mose chee nderea. Dios cheë esenei senei mbei quia leer i ee. ¹⁴Jesús quiato rerecua o chono mose ndearõ, aque mose que Dios nembaaracua tuchi ra. —Ã esaã, i que ndeje ra. Ũquĩ si ra eretesareichĩ. ¹⁵Ũquĩ ndese eico bei. Endua ndua bei quia erese. Ũquĩ mose ra Dios ereicua i i tuchi. Mbia ra jirandu ja nderese.
¹⁶Emae ño nguia nde ae ndechiese. Echicuasẽ cuasẽ ño nguia mbae icuã si. Ae eresenei senei nguia mbia je Dios cheẽ nae, ũquĩ emumbayã ño nguia nde abe. Ũquĩ mose ra Dios nemingo turã tuchi. Ndecheẽ andusa abe ra emingo turã tuchi.

Jesús quiato sigui turã sacuã

5 ¹Erecheẽ icuã icuãchĩ nda amei je nde embaaquiatu quiatu mose jẽ. Amei embaaquiatu turã turã ño nguia jẽ. Nderu esaã ño nguia siqui turã ee. Ndenongue rã ño eico mbia yasu je no.

²Ndesi esaã ño nguia ari je jẽ. Ndenongue esaã ño nguia ubichô nyucuaaque rese jẽ. Endua icuã icuã eã ño nguia eriĩ jẽ. ³Eru cheecha mo mbae eã mose, sã Jesús quiato riqui mbae mo mee mee ee. ⁴Eriirĩ tiarõ mose, sã aque chỗ mbae mee mee mbei quia usi je. Eriirĩ nducucha mose, sã aque chỗ mbae mee mee en no. Ngu abe je. Umumbebosa je.

Ũquĩ Dios bite. ⁵Sã eru cheecha mo ae riqui no. Sã embae eate riqui no. Ae ndua ndua bei mose Dios rese, ñee mbei mose Dios je, sã Dios quiato riqui mbae mee mee mbei ee. ⁶Ae ebite nae, ũquĩ ndese achỗ eru cheecha mo siqui mose, eicuate ũquĩ. Eraaque rã ño aque riqui nguiã. Ereco siqui raque. ⁷Ã esenei senei nguia mbia Jesús quiato hue jenda je. ễ nda mbia ñee icuã eã eriĩ. ⁸Emo ndua eã mose usi rese, ngu abe rese, eicuate ũquĩ. Mbae mee mee eã mose ee, eicuate ũquĩ. Ũquĩ siqui ate quia Dios rese ũquĩ. Eicuã tuchi chỗ ũquĩ Dios quiatoã si re.

⁹Ari eru cheecha je inscribir jenye rã mámbɨi. Ae sesenta años eãte nae, ũquɨ je inscribir jenye eã. Ae eru ata nyii nae, ũquɨ je inscribir jenye eã no. Ae eru mɨɨ nyii nae, ũquɨ mɨɨ je chō inscribir jenye. ¹⁰Ae ari

tură aba chiicuate nae, ũqui acho je cho inscribir jenye. Ae ari nguiirĩ mbutiaro tura mbeite quia nae. Ae ari mbia isi turate quia uchuchúaa nae. Ae ari mbae tură saă saă mbeite quia Jesús quiato je nae. Ae ari erasi teaquiatu tură mbeite quia nae. Ae ari siqui beite quia mbae tură ndese nae. Ũquɨ ari je chō inscribir jenve. ¹¹ Eru cheecha ari eã mose, ũquĩ je inscribir jenye eã. Ũquĩ nyao arondete Cristo si. Ae ebite, ũquĩ acho ndese ndua mose. —Serura mo tateabe, i ra cote. 12 Ũqui mose ra Dios paama i ee. Uchee mbuchebi cho nguia ngu rea mose cote. 13 Eru cheecha ari eã mose, siqui eã arõte mbae mo ndese. Tuchua embuchesea sea chooño arõte. Mbia mbuchee ñee ñooño arõte emo nii. Uchuru rereguia chooño eã arõte. ¹⁴Nyebe aico nguiã ñee eru cheecha, ae ari eãte, ũquɨ je. Sã ngurã mo ndea. Sã tiirĩ. Sã eriqui mbae turã naa naa mbei uchuchúaa. Ũqui mose ra Jesús quiatoã ñee eã ee cote. 15 Emo emo ngue nyao Dios si cote ra. Satanás ndese eriqui ã cote. 16 Sã Jesús quiato riqui mbae mee mee uchari eru cheecha je. Usi abe je eru cheecha mose. Iglesia mbae mee ea sacua ee. Ae eru cheecha eriiriate nae, ũqui je quiatu iglesia mbae mee mee.

17 Jesús quiato rerecua mbae saã turã turã mbei mose, sã mbia ia tuchi riqui erese. Dios cheẽ nenei nenei turã mose, sã Jesús quiato riqui mbae mee mee mbei ee. 18 Sã embesa ji riqui ñee no: "Emo nimba ticuasu mbae usi raã mose, echuru ra jenyatichĩ mbae mo je jẽ. Sã ae ae si quia quiaru quiaru", i que embesa ji ra. "Ae quiei quiei quia emo je nae, sã echa mbae isiquia mo mee ee", i que embesa ji ra. 19—Jesús quiato rerecua que mbae icuã saã nda, i mose emo, echeẽ nda jeñanduchĩ, ae mii ñee mose. Nyeremo ñee mose, ũquĩ ñee ñooñoa arõte cote. 20 Jesús quiato rerecua mo siqui siqui bei mose mbae icuã ndese, echeẽ asi asi ee Jesús quiato ataque résaa. Ť nda ũquĩ abe siquiche mbae icuã naa naa eã. 21 Eĩ ere chõ Jesús quiato rerecua je, siqui mose mbae icuã ndese. Ndequiatote raque. Echeẽ asi ee. Aico ñee ndeje Diosa a. Jesucristo sa abe no. Angeles Dios rimba sa abe no. 22 Jesús quiato rerecuarã nda eremii jeichĩ jẽ. Emae nguiatu turã na erese nyii. Emii jei mose, eicuã arõte emo mose. —Eremii jeichĩ ngue nyii ra, i ra mbia ñee ndeje cote. Mbae turã ndese chõ eico nde abe.

 $^{23}\mbox{I}$ achõ nda erembeichĩ jẽ. Uva rique rasi ñetẽ abe embei mbei quia nderie rasi mose jẽ.

²⁴Emo emo nyisaã mbae icuã nyecuate riqui nande je ã. Emo nyisaã icuã ndese quia nandeico nguiã mae ãte namo. Dios eicuã mbasi mose, aque mose ramo nda nandemae ũquĩ nyisaã icuã ndese cote. ²⁵Eĩ si chỗ mbia chisaã turã no nde. Emo emo nyisaã mbae turã nyecuate riqui nande je ã. Emo nyisaã turã ndese quia nandeico nguiã mae ãte raque ã no. Echisaã turã nda nyecua ja chee nande je cote.

6 ¹Ae Jesús quiato ererecua rimba mo nae, sã ũquĩ ndiqui nguerecua cheẽ mumbayã tuchi. Sã eriqui turã nguerecua je. Eĩ mose ra mbia

ñee icuã eã Dios cheẽ nii cote. ²Timoteo, mbia rimba embaaquiatu quiatu quia. Ã echeẽ ee. —Jenderecua Jesús quiato mose, echeẽ jemumbayã ño nguia mbae raã turã turã ee. "Jesús rimba ja chỗ nande re" jenyechĩ nda jenderecua ucuãyã cuãyã jẽ. Jenderecua Jesús quiato mose, mbae jẽsaã turã tuchi quiatu quia ee. Jẽingo turã tuchi chỗ nguia ee, ere ererecua rimba je ñee.

Nandendua tuchia jiri quiatu quia mbae isiquia rese

³Ã ndei Jesucristo cheẽ tuchi ã. Emo siqui mose ã ndui, siqui turã nda Dios rã si. Emo mbia mbaaquiatu quiatu mose ã abi, Dios chee ndui eã no ũquĩ ndiqui nguiã. 4Ucuasu raã naa no nguiã ũquĩ. Ñee tuchi beite equia ũqui. Eaquiatu rocoi. Mbia mbiicua icuate equia ũqui. Mbia mbuchee icua icuate equia nyue uqui. Mbia mumae icua icuate equia nyiese ũquĩ. 5Ndua icuã icuã mbeite equia ñee turã ndocoĩ ũquĩ. Eicuã icuã mbeite riqui emo je ũquĩ. —Mbia ra mbae isiquia mee seje, se Dios chee nenei nenei mose ee, i beite equia ũqui. Ũqui ndese eicoa tuchi, Timoteo. 6 Nandeico mose Dios rui, ae ae ra nandembia nandembae mii ndese. 7Mbae mo ngue nanderuãte nandechaacuquia mose ra. Ei nande si ra nandemano mose mbae mo nderao eã no. 8 Nandechiurã nandereco mose, nandeirao abe nandereco mose, nandeva cho nandeico uqui ndese. 9Ae "mbaecha tuchi ra se" i bei quia ndua ndua, ũquĩ nda nimbirãcuã eã mbae icuã si. Mbae icuã tã i mose ee, mbae icuã nda esaã jei. Mbae Isiquia quiatu ebi tuchite riqui nguiã. Echiosei osei icuã nda equerao chee tata cuásuu. ¹⁰ Ae ndua beite quia mbae isiquia rese, ũquĩ mbae icuã saã ja arondete. Emo emo ndiqui ndua tuchi mbae isiquia rese ã. Nyebe eriqui nguiã hui Dios si ã. Nyebe eya eã ndasi tuchi riqui nguiã ã.

Dios eicua tuchi, i Pablo ñee Timoteo je

¹¹Eĩ erechĩ nda nde, Timoteo. Dios rimba tuchi chố nde re. Mbae turã ndese bei eico. Dios rã mbei chố eico. Dios eicua bei chố nguia. Echesecua bei chố nguia mbia rese. Eico mingue chố nguia. Ndecuasu ra eresaã saãchĩ nguia jẽ. ¹²Echimbirãcuã tuchi quiatu quia Dios cheẽ ndese jẽ. Aba mingo beisa rese quia eico tuchi jẽ. Ae quia ngue ndeirabo nguiã nyii. Sã erecheẽ turãte mbia résaa nyii no. —Dios riqui semingo beite co, ere que equia nyii. Ũquĩ ndese bei chố eico. ¹³Dios ae chố mbae mingo ja nguiã co. Erésaa tacheẽ ndeje. Jesucristo résaa abe tacheẽ ndeje. Sã Jesucristo siquicheã ñee Poncio Pilato je no. ¹⁴Ae riĩ Dios ñee ndeje nae, ũquĩ emumbayã ja chố nguia eraã turã. Jesucristo tu mose chee eico echeẽ mumbayã mbei. Ĩ nda emo ñee eã ndeje. ¹⁵Dios quia rei equirãcuã tuchi mbia mo si. Ae quia ererecua tuchi mbia mo si re. Emo mose ra Dios "Jesucristo tamondo íbii mbia rea" i. Aque mose ra Jesucristo nyecua tuchi mbia je. ¹⁶Dios mii nda manoa. Ae mii ño siqui bei nguiã nyaashĩ

na co. Mbia mo nda esiichã eã. Mbia mo mae eãte erese emo mose. Emo nda mae eã mbei erese. Sã mbia ñee turã mbei quia erii. Sã eriqui ñee turã mbei equirãcuã nii. Amén.

¹⁷ Ae mbaechate nae, ũquĩ je echeẽ. Sã ucuasu raã naa eã. Sã eya siquíã umbae mɨi ndese. Embae ra ua emo mose. Sã Dios rese quiatu eya riqui. Ae mɨi ño mbae mee nguiã nande je. ¹⁸ Echeẽ mbaecha je. —Mbae turã jẽsaã saã mbei quia jembae je jẽ. Jẽingo turã jiri quia mbaecha reã je. Abei chiāte ra jẽingochĩ jẽ, ere mbaecha mbaaquiatu quiatu. ¹⁹ Ũquĩ naa naa mose ra Dios mbae mee tuchi ee ibate. Ũquĩ naa naa mose ra siqui turã tuchi no.

Pablo ñee hui bei Timoteo je

20 Timoteo, ae rɨf Dios ñee ndeje, ũquɨ emumbayã mbei quia. Mbia ñee ñooño mose nyue, nde abe ra erecheēchɨ. Ũquɨ ñee aba mundua turã eã ño nguiã. Uaquiatu raã naasa cho ũquɨ nde. 21 Dios cheē abi cho eriqui nguiã ũquɨ naa naa ũuuuuu uuuquɨ. Dios ɨcuasa reã ño ũquɨ nde. Sã Dios turã ndiqui bei ndeje. mén.

SEGUNDA CARTA DEL APOSTOL SAN PABLO A TIMOTEO

Pablo embesa Timoteo je

1 Pablo rei se. Jesucristo chimbaaquiatu rei se. Dios que semondo mbia mbaaquiatu quiatu sacuã nda. —Jesucristo icuasa ra siqui bei, i sacuã ngue Dios semondo mbia je ra. ²Aico ã mbesa ndeje a, Timoteo. Secheẽ nguire chỗ ereico nguiã Jesús icua aque. Nyebe aico nguiã seriirī i ndeje co. Dios rei nanderu. Jesucristo rei nandererecua. Sã ũquĩ turã mbei riqui ndeje. Sã ũquĩ ia eã mbei riqui nderese. Sã ũquĩ nembia tuchi.

Pablo Dios osei uquia Timoteo je

³Gracias, ae bei se quia nderii Dios je co. Aico turate quia Dios je co. Seramei ja ra si. Senduasa tuchi Dios riqui co. Nderii aico ñee mbeite Dios je co. Nyaashi mose. Isa abe. ⁴Anduate quia nderese co. Achimbiate ra nda mae nderese cha. Erecheseote que nandechao ramo mose nandechesi ra. ⁵Ereico Dios icua tuchite aque. Ndesi ra si Eunice. Ndechari abe ra si Loida. Ūqui ngue Dios icua tuchite quia ra. Ei ere si quia Dios icua tuchite nde abe aque. ⁶Nyebe aico nguia ñee ndeje a. Seo achono nguia ndearo nae, aque mose que Dios nembaaracua tuchi ra. Ndearacua eico bei Dios chee ndese. Dios chee nenei nenei mbia je. ⁷Dios siquía nguia nandembu siquiche mbia si a. Dios nandembiracuate quia a. Dios nandembuchesecuate quia mbia rese a no. Dios nandembaaracuate quia a no.

⁸Dios quirăcuă ndese eico bei. Ûquĩ mose ra ereireî ireî eã Jesús renei nenei mbia je. Ûquĩ mose ra ereireî ireî eã setarõ ji si. A setarõ ji ñi Jesús riî a. Mbia icuã icuã mose ndeje Jesús riî, echimbirăcuã ño. Dios ra nembirăcuã. Sã sembirăcuã no. ⁹Dios quiatu ngue nanderirõ nguiã nandeicuã si. Dios que nandembuturã mingo icúe umbaerã nda.

Nandetură je eă ngue nandemingo nguiă icúe umbaeră. Nduate quiatu nguiã nanderese. Mbae ao ja nonde que nduate nanderese ra. Jesucristo rii no ngue Dios riqui nguia nyesecua nanderese. 10 Nyebe Jesucristo mondo nguiã nanderiro sacua nandeicua si. Nyebe nandeico nguia ñee: —Dios nyesecuate nanderese, i cote. Jesucristo que nandembusiquicheã u nandemano si ra. Ae riqui nandemingo bei co. Ae riqui uchee isiquia mingo bei co. Jesucristo tu mose que nandembiirandu ja ũqui ndese ra. 11 Uchee tură nenei nenei sacuă ngue Dios seirabo ra. Semondo que mbia mbaaquiatu quiatu ra. Mbia mangue chooñoa jenda ja mbaaquiatu quiatu. ¹² Ũquɨ je chō mbia riqui nguiã mbae rasi raanguquia tuchɨ seje co. Airei irei eate quia Dios si co. Dios aicuate quia co. Sereco que amee tuchi ee ra. Ae ra sereco teaquiatu bei seje. Jesucristo tube chee mose. ¹³ Arembaaquiatu turãte que se, ũquĩ ndui eico bei. Dios eicua bei quia Jesucristo rii. Mbia rese echesecua bei quia Jesucristo rii. 14 Ae rii Dios ñee ndeje nae, nembaaracua equia nae, ũquĩ ndese eico tuchi. Espíritu Turã nda nembesari eã. Eriqui tuchite nandechiangui re co.

¹⁵Ereirandu que Asia jenda serecha rese ra. Figelo. Hermógenes. Ũquĩ ngue huɨ ja sesɨ ra. ¹⁶Onesíforo quiatu que tuutu quia serea sembia ra. Ḥreĩ eãte que equia setarõ ji sɨ ra. Sã Dios turã mbeite riqui ee. Echuchua jenda ja abe je. ¹⁷Tu mose aa Rómaa que serequia tuchɨ ra. Ngasẽ nyee que seje ra. ¹⁸Efeso seɨco mose abe que eriqui tuchɨte serese ra. Serese que eriqui Dios cheẽ nenei nenei nda. Ã ereɨcuate quia aque. Sã Dios mbae turã tuchɨ mondo ee Jesús tu mose.

Mbae esaã saã tuchi quia Jesús je, i Pablo Timoteo je

¹Seriirĩ naate nde, Timoteo. Jesucristo quirăcuã ndese eico ñimbucha tuchi. ²Arembaaquiatu quiatu que se mbia résaa, ũquĩ esenei senei tuchi quia mbia je. Mbia ndua je secheẽ esenei senei. Ũquĩ nda esenei senei emo je no ña. ³Mbae rasi tu mose ndeje, echimbirăcuã ño. Soldado rã ño eico ñimbirăcuã. Jesús rimba turã no eico. ⁴Jesús rimba chỗ nde re. Echeẽ emumbayã mbei chỗ nguia. Mbae mo ndese ra erendua nduachĩ. Ndererecua mii ndese endua bei. ⁵Sã deporte no. Emo nda ganar i eã, nguerecua cheẽ mumba mose. ⁶Sã emo ndiqui quiei quiei tuchi úcoo no. Aque mbae tubiriã tuchi rae. Eĩ ere si quiatu mbae raã naa tuchi Jesús je. ⁷Ae ambesa mbesa quia ndeje ã, ã ndese endua tuchi. Dios ra embuchecua tuchi ndeje.

⁸Endua tuchi quia Jesucristo rese. Quera si que manonde ra. Mbiate raque. David rucucha raque. Quera si que manonde ra. Ũquĩ asenei senei nguia mbia je co. ⁹Ũquĩ je chỗ mbia riqui nguiã mbae rasi raanguquia tuchi seje ã. Ũquĩ nii ño setarỗ mii nguiã a. Se mbia iquiare rocoĩ nyii setarỗ tarð. Se chỗ setarỗ ndaque. Dios cheẽ nguia etarỗ aroneate re. ¹⁰Coche mbia icuã ndiqui nguiã seje. Ĩ nda Dios chiirabo Dios cheẽ isi bei

cote. \tilde{f} nda Dios emingo bei cote. \tilde{f} nda $\tilde{u}qu\tilde{i}$ siqui bei ibate Jesucristo rese cote. \tilde{f} nde \tilde{f} nono tuchi cho mbia che \tilde{f} ande:

Nandemano ngue Jesucristo rese ra.

Nyebe ra nandeico bei erese cote.

¹² Cristo rii mbae rasi nandesaã saã mose, Cristo ra nandemii ererecuarã, ererecua tuchi mose ae.

"Cristo aicuayãte" nande i mose, Cristo abe ra ñee nande je.

"Se abe jaēicuayāte" i ra nande je.

¹³ Nandecheë iru raque ra nande, Dios quia ra ñee iru eã mbei. Dios quia ra ucheë mbuchebi aroneate nande je, i que embesa ji ra.

Ndeico tuchi mose Dios rese, ereirei irei ea ndae

¹⁴ Å ndese mbia hue jenda embaaquiatu quiatu tuchi. Diósaa embaaquiatu quiatu tuchi. Ñee icuã icuã eã nda nyue chã. Ñee icuã icuã mose, emingo tură eă nyiese cho uqui nde. Mbae tură si embui cho uqui no nde. ¹⁵Equiei quiei tuchi cho nguia Dios je je. i nda Dios "coche nene" i ndeje. Să emo ndiqui quiei quiei turăte nguerecua je no. Eirei nguiăte ra nguerecua si cote. Ei ere si cho nguia Dios chee nenei nenei mbia je. Dios chee abi abia. 16 Ae uchuru mondo choonote quia nae, ũqui ndese eicoã. Ũquĩ ndiqui isho i ite Dios si ũquĩ. 17 Ũquĩ ñee mbuchei i ite echoi quia qui. Sã mbae rasi riqui oso i ite no. Ei si cho Himeneo nguiã ũqui. Fileto rese. ¹⁸ Ũquɨ ndiqui ñee Dios cheẽ abi abi tuchɨ ũquɨ. —Mbia rete raaque ra quera si eã, i chôiño mbei equia ũqui. Nyebe eriqui nguiã mbia mbui mbuite Dios si ũquĩ. 19 Sita cuasu mo na ndei Dios cheẽ. Embuquiata aronea. Aque ñi mbei cho nda echi. Ei si cho Dios chee nande je no nde. Dios chee no a nde: "Dios riqui nguimba icua jate a," i que ra. Co abe rei Dios chee co: "Ae 'Dios rimba rei se' i quia nae, sa uqui ndiqui nyao ja mbae icuã si", i que ra.

²⁰Sã mbae riru chumumbarate riqui mbaecha mo nyuchúaa no. Sã oro ao ji riqui emo no. Sã plata ao ji emo no. Sã ira ao ji emo no. Sã tuchu ao ji emo no. Emo emo ndei iti mombo sacuã no. Emo emo mbae turã ndirurã no. ²¹Sã Jesús quiato riqui mbae turã ndirurã na. Sã eriqui icúe bei Dios mbaerã. Sã nyao tuchi mbae icuã si. Ũquĩ mose ra Jesús ia tuchi erese. ²²Ae icuã acuanindu chosei chosei quia nae, ũquĩ si ehui chỗ jẽ. Eico turã no Dios icha rui jẽ. Dios eicua tuchi chỗ nguia jẽ. Echesecua tuchi chỗ nguia mbia rese jẽ. Echimbia chỗ nguia mbia rese jẽ. Eĩ no Jesús quiato nguiã siqui turã nyiese ã, echiã quishĩ ja mose. ²³Mbia uchuru mondo choono mose nee nyue, nde abechĩ nda jẽ. Mbia mbɨicuã sacuã no ũquĩ nde. ²⁴Dios rimba quia mbia mbɨicuã aroneate re. Eturã tuchite quia mbia ja je re. Mbia mbaaquiatu quiatu turãte quia nee. Siqui minguete quia mbia je re. ²⁵Ae Dios cheẽ isi teã teã, ũquĩ

nda embaaquiatu quiatu mingue quia. Ũquĩ nɨɨ nda ñee ñee Dios je. Dios emundua sɨ sacuã. Dios cheẽ isi turã sacuã. ²⁶ff nda echoɨ oso chee uchã diablo sɨ, ndua sɨ mose Dios cheẽ ndese. Diablo quia eisite nguiã co. —Ã esaã jẽ, i beite diablo quia ee co.

Mbia irei nguiate ra mbae icua naa i i

¹Jesús quiato ra mbae rasi saã tuchi Jesús tu serī mose. Ũquī eicua quiatu tuchi, Timoteo. ²Umbae ae ae rese ra mbia ndua cote. Mbae isiquia mii ndese cho nda mbia riqui ndua ndua cote. Mbia ra ucuasu saã saã tuchi. Ñee icuã icuã mbei ra equia emo nii. Mbia ra ngu cheẽ mumba mumba tuchi. Usi chee abe no. Mbia ra gracias iã tuchi nyue aque mose. Siqui sereã tuchi ra Dios rese. 3 Mbia ia eã eã nda emo ndese. Ñimbuturã sereã tuchi ra emo je. Emo nda embuqueta queta bei quia. Hui aroneãte ra mbae icuã si. Nyaba nyaba reã tuchi rae. Mbae turã nda eucuayã tuchi. 4Mbia ra embuchee nee ngongue rii. Mbia ra mbae i noono. Mbia ra uaquiatu saã ñooño. Ubi acho ndese ra eriqui. Sigui rocoi Dios bi rese. ⁵Dios quiato ra mbia saã ñooño. Dios quirãcuã icua rocoĩ. Ũquĩ mbia icuã si echao tuchi, Timoteo. 6 Ũquĩ mo ndiqui ique ique emo nyuchua ã. Cuña aquiatuã mbiiri iri. Ae ndua ndua beite quia huiicuã ndese cuña nae, ũquĩ mbiirĩ irĩ. Ũquĩ cuña ndiqui uchiosei raã naa mbei mbae icuã ũquĩ. ⁷Ūquɨ cuña ndiqui "tachɨmbaaquiatu" ɨ beɨte raque ũquɨ. Ñɨmbaaquiatu aroneate Dios chee ndese. 8Sã brujos Moisés chee mumba no. Janes, i equia ee. Jambres abe no. Ei si cho cuña mbiiri irisa nguia Dios chee mumba mumba ŭgui. Ndua aguiatua je cho ŭgui nde. Ũgui ndigui emo mingo aroneate Dios chee ndese ũquɨ. 9Mbia ra siqui eã ũquɨ ñee nduɨ cote. Mbia ra "eaquiatuã" i chee erii. Sã "eaquiatuã" i chee Moisés chee mumbasa rii brujos no.

Jesús quiato ra mbae rasi saã, i Pablo

¹⁰Ereico turăte que se rã si ra, Timoteo. Dios cheẽ ngue eresenei senei nguia se rã si ra. Ae asaã saã nguia Dios je nae, ũquĩ ngue eresaã saã nguia nde abe ra. Ae "tasaã Jesús je" ae quia co nae, nde abe eresaã saã turã nguia aque. Dios ereicua tuchite se rã si. Ereico minguete equia aque. Erechesecuate equia mbia rese aque. ¹¹Ereico turãte que equia mbia icuã icuã mose ndeje ra. Sã mbia icuãte riqui seje Antioquíaa no. Icónioo abe. Lístraa abe. Sã ñi aico mbae rasi raã tuchi huee no. Dios que sereaquiatu ũquĩ si ra. ¹²Ae siquise rete quia Jesucristo rese nae, ũquĩ nda mbae rasi saã tuchi. Mbia icuã icuã tuchi ra ee. ¹³Ae icuã icuãte riqui Dios je nae, ũquĩ nguia ra eicuã i i tuchi cote. Ae mbia mbiirĩ irĩ nguia nae, ũquĩ ngui a ra mbia mbiirĩ i i tuchi cote. Ñimbiirĩ i i tuchi ra equia no. ¹⁴Nde chỗ eico tuchi Dios cheẽ ndese. Ae rese erechimbaaquiatu nae, ũquĩ ndese eico tuchi. —Ichoiñoa tuchi que ã nda, erete equia eicua

aque. Nembaaquiatusa abe ereicuate quia aque. ¹⁵Ndeñetẽ mosenda bei chỗ ereico nguiã Dios cheẽ icua aque. Dios cheẽ nembaaracuate quia aque. Nyebe ereico Jesucristo icuate aque. Nyebe Dios nderirỗ nguiã ndeicuã si. ¹⁶Dios cheẽ turã ja chỗ ñene. Dios chimondo ja chỗ ñene. Dios cheẽ nguia rei mbia mbaaquiatu. Dios cheẽ ngui a rei mbia icuã mbuchecua ee. Dios cheẽ nguia rei "eĩ jenye" i tuchi nande je. Dios cheẽ nguia rei aba mingo Dios bi rese. ¹⁷H̃ nda Dios quiato siqui turã tuchi. H̃ nda eaquiatu mbae turã naa naa ja.

1 Aico ñee ndeje Dios nonde a, Timoteo. Jesucristo nonde abe no. Ae r a tube mae ja mbia rese. Mbia reco rese. Mbia mano je rese abe. Ae nonde aico ñee ndeje a. ²Dios cheẽ esenei senei tuchi quia mbia je, Timoteo. Mbia eanduse mose. Mbia eandu sereã mose abe no. Embaaquiatu quiatu mingue bei chỗ nguia. Embuti mbuti bei quiatu quia Dios cuti. "Ei jenye" ere bei quiatu quia mbia je. ³Namo jiri quiatu ra mbia Dios cheẽ turã andu sereã cote. Ubi achỗ ndese chỗ nda huiisa rerequia tuchi cote. Nyebe ra Dios cheẽ andu sereã. Ae mbia mbaaquiatu icuã icuãte quia Dios cheẽ ndui eã nae, ũquĩ ndui chỗ nda mbia riqui tuchi cote. ⁴Nyiisaquia tuchi chỗ nda equia mbia ñee ñooño je rese cote. Ñee ñooño eã je rese nyiisaquia rocoĩ. ⁵Cochee chỗ eico nde, Timoteo. Nderoseĩ nguiátu chỗ eico mbia icuã icuã mose ndeje. Equiei quiei tuchi chỗ nguia Dios je. Dios cheẽ esenei senei tuchi chỗ nguia mbia je.

⁶Achuruchate ucua quia co cote. Aico mano utate co cote. ⁷Mbae que asaã saã tuchi quia Dios je ra. Ae je Dios riqui ñee seje nae, ũquĩ ngue asaã jate quia ee ra. Ahui eã mbeite que se quia esi ra. ⁸Dios que sechiã mbuturã nda. Ũquinde que aico ngata turã nda. Nyebe eriqui nguiã premio nderecoquiatu seje pe. Jesucristo tu mose ra Dios mae ja mbia rese cote. Aque mose quia ra premio mee seje cote. Se mii je eã ndae. Ae Jesucristo ru choseite quia nae, ũquĩ ja je abe ra premio mee.

Echu serea, i Pablo Timoteo je

⁹Echu jei chỗ serea, Timoteo. ¹⁰Demas quiatu ngue serecha nguiã. Ibi jenda achỗ ndese chỗ eriqui nguiã ndua. Ubi mɨi ndese chỗ eriqui nguiã ndua. Nyebe esi nguiã serecha Tesalónicaa. Crescente quiatu que oso Galáciaa ra. Tito quiatu que oso Dalmáciaa no nda. ¹¹Lucas mɨi ño siqui nguiã serese co cote. Marcos abe eru bei seje. Ae nda quiei quiei jiri nguiã serese aa. ¹²Tíquico quiatu que amondo Efésoo ra. ¹³Ae asecha saco sembae nae, eru bei seje ndechu mose. Asecha que Troas ra. Carpo chuchua. Libros abe eru bei seje. Sechimbesa papeles si ra eretesareichĩ. Eru bei seje. ¹⁴Alejandro el herrero que mbae icuã saã saã tuchi quia seje ra. Dios ra mbae icuã mee ee eicuã ndibishorõ. ¹⁵Echiteaquiatu quia esi jẽ. Nande Dios cheẽ nenei nenei mose, ebiãte eriqui co. ¹⁶Mbia sererao mose ererecua je, emo ngue nyaroã tuchi serese ra. Serecha ja chỗ ngue

ra. Dios nda paama i eã ee ũquĩ nii ña. ¹⁷Jesús mii ngue serecha eã nda. Ae mii ngue sembirăcuã nda. Se echeẽ tură nenei nenei tuchi sacuã. Ae judíos eã nae, ũquĩ Jesús cheẽ tură andu tuchi sacuã. Nyebe Jesús sembui mondo nguiã mbia icuã si. ¹⁸Ae ra sereaquiatu bei quia mbae icuã si. Sererao chee mose ibate nyiese. Sã mbia riqui ñee turã mbei eriĩ. Amén.

Pablo hui mbae mbesa mbesare

¹⁹Saludar ere rã Prisca je. Aquila abe je. Onesíforo chuchua jenda ja je abe. ²⁰Erasto que siquicho Coríntoo ra. Trófimo ndasi que asecha Milétoo ra. ²¹Nyiisei tuutu nonde cho echu. Eubulo saludos mondo quia ndeje aque. Pudente abe no. Lino abe no. Claudia abe no. Jesús quiato ja a jenda abe no. ²²Sã Jesucristo riqui bei nderese. Sã Dios turã ndiqui bei jendese. Amén.

CARTA DEL APOSTOL SAN PABLO A TITO

Pablo embesa mondo Tito je

1 Pablo rei se. Dios rimba. Jesucristo chimbaaquiatu. Dios que semondo ñee ñee sacuă uchiirabo je ra. Ũquĩ Dios icua tuchi sacuă ngue semondo ra. Siqui tură sacuă Dios ră si. 2—Sechiirabo ra amingo bei, i que Dios cose ra. Ñee ñooño eă ndae. Ũquĩ ndese embiirandu sacuă ño ngue semondo nguiã. ³Dios rei nanderirõsa mbae icuă si. Ae que seirabo uchee nenei nenei sacuă mbia je ra. Eĩ ngue Dios uchee mbuchecua mbia je cote ra. ⁴Aico ã mbesa ndeje a, Tito. Ereico Jesús icuate se rã si aque. Nyebe aico nguiã "seriirĩ" i ndeje co. Nanderu chō Dios re. Sã nanderu turã ndiqui bei ndeje. Sã Jesucristo abe turã ndiqui ndeje. Sã ûquĩ ia eã tuchi riqui nderese. Sã ûquĩ ndiqui nembia turã tuchi.

Sã Jesús quiato rerecua riqui turã

⁵Ae nandesaã ja eã huee nae, ũquĩ esaã ja rã nguia nde huee. Amei mo eirabo rabo Jesús quiato rerecuarã. Mbia recua ja ja jenda. Secheende ndeje eirabo rabo ino huee. Nyebe arerecha nguiã huee Crétaa. ⁶Amei turã ño eirabo rabo Jesús quiato rerecuarã. Eninisi mii nderecua cho eirabo. Ae riirĩ Jesús icua quia nae, ũquĩ mii ño eirabo rabo. Ae eriirĩ seteãte riqui nae, ũquĩ ño eirabo rabo. Ae eriirĩ teã eâte nae, ũquĩ ño eirabo rabo. Jesús quiato rerecuarã. ⁷Jesús quiato rerecua quia Jesús quiato teaquiatu quiatu quia. Ũquĩ siqui icuã aroneate. Ucuasu abe raã naa aroneate. Eroseĩ nguíã aroneate. Quiacua aroneate. O rerequia chooñoa aroneate. Mbia mo mbae osei osei aroneate no. ⁸Mbia nyoi mose echuchúaa, isi turã ndae. Siqui turã ndae. Ndua ndua ra mbae ao nonde. Siqui eã nda mbae icuã ndese. Dios rã si chō nda eriqui. Echiichati

409 TITO 1, 2

eã ndae. Jesús quiato rerecua ra eã mbei quia. 9Sã eriqui bei Dios cheẽ ndese nandechee nguire. Ũquɨ mose ra ũquɨ abe mbia mbaaquiatu quiatu turã. Jesús osei uquia ee. Mbia icuã ñee nda embutiba Dios si. Ũquĩ ño eirabo rabo Jesús quiato rerecuarã, Tito. ¹⁰Mbia teã teã je tubiriãte riqui ã. Judíos teã teã je abe tubiriate no. Nee noono tuchite equia ã. 11 Úqui nyuru esiquisă tuchi. Mbia mbaaquia tu icuă icuăte quiatu nguiă ũqui. Eru mbiiri iri. Eninisi abe mbiiri iri. Eriiri ja abe no. —Mbia ra umbae mee mee nande je, i cho nguiã a. 12 Hue jenda mo ngue ñee nda. —Ñee ñooño je cho ure re, Creta jenda re. Ureicua mbei cho ure re. Nyacua icua na ño ure re. Uretomei ño ure re. Mbae mburireãsa cho ure no nde, i que Creta jenda mo nda. ¹³Ichõiñoa tuchi chõ ñene. Nyebe echeẽ asi tuchi ũquɨ je, Tito. f nda eriqui tuchi Jesús rese. 14f nda eriqui eã judíos icuã ñee ndese. Mbia tubiriã Dios chee isi tea teate quia uqui. — Uqui ñee nda jemumbayãchĩ jẽ, ere chỗ mbia hue jenda je. 15 Echiã mbuturã ji je chỗ mbae tură ja riqui nguiă ă. Echiā mbutură jiriă je quiatu mbae mo tură eãte re. Dios icuasa reã je mbae mo turã eãte. Ndua turã eã mbei. —Eicuã eã, i chốchĩ nguiã mbae icuã ndese siqui siqui. 16—Dios ureicuate quia ã, ichôiño equia ũquĩ. Echisaã nguia eicuãte re. Nyebe nandeico nguiã eicuate, Dios rese siquíã mose. Aba biã tuchi chỗ ũquĩ nde. Aba cheẽ mumbasa. Siqui aroneate mbae tură mo ndese.

Mbia embaaquiatu turã, i Pablo ñee Tito je

¹Nde quia mbia embaaquiatu quiatu tură jẽ. Dios cheẽ nduɨ sɨ embaaquiatu quiatu. ²Ameɨ embaaquiatu quiatu. Enyere chỗ ñee ee: —Jēquiacua quiacuachī nda jē. Jengata turā mbei chō nguia jē. Jēaracua bei cho nguia je. Dios jeicua tuchi cho nguia je. Jenyesecua tuchi quia mbia rese je. Jeingo tochi cho nguia no je, ere cho amei mbaaquiatu quiatu, Tito. ³ Ari abe embaaquiatu quiatu. Enyere chõ ñee ee: —Jengata tură mbei quia Dios resa rae. Jeñee icuă icuă techi nda mbia mo nii je. Jēguiacua guiacuachi nda jē. Mbae jēsaā turā no nguia mbia resa ráee jē, ere cho ari mbaaquiatu quiatu, Tito. 4Sã ari acuani mbaaquiatu quiatu. Ĩ nda acuani nyesecua jaaja ngu rese. i nda nyesecua jaaja nguiiri abe rese. 5 tã nda acuani aracua ja ja. tã nda ndua ndua ja mbae turã ndese. tã nda uchuchua jenda abe mbutură tură ino no. Î nda etură mbia je. Î nda ngu chee abe mumbaya no. Sa ari e acuani mbaaquiatu quiatu. Uqui mose mbia ñee icuã icuã aroneate Dios chee nii. 6 Acuanindu abe embaaquiatu quiatu quia no. \tilde{I} nda earacua racua ja. 7Nde abe ecuata turã mbei, Tito. Mbae tură esaă uguia mbia je. Ndeico mose mbia mbaaguiatu guiatu, cochee cho eico. Echimbirata tuchi cho nguia. 8Ndeico mose mbia mbaaquiatu quiatu, echee tură tură no nguia ee. Î nda mbia nee icuă ea ndechee mose. Î nda Dios chee ndesenda rea irei irei ndechee și. Î nda ñee icuã eã jēje. 9Mbia rimba abe embaaquiatu quiatu. Enyere chõ ñee

TITO 2, 3 410

ee: —Jenderecua cheẽ nda jemumba mumba techĩ nguia jẽ. Echeẽ nguire jẽingo bei chỗ mbae turã ndese jẽ. Jeñeechĩ nda echeẽ ndibishorỗ jẽ. ¹⁰Mbae mo nda jembuquia chãchĩ jẽ. Jẽseteã ño jẽingo mbae turã ndese jẽ. Eĩ jenye mose ra mbia ñee turã Dios cheẽ nii, jenye chỗ nguia mbia rimba je.

¹¹Dios que utură teacuquia mbia je cote ra. Mbia rirõ ja nonde mbae icuã si. ¹²Mbae ja rii Dios riqui nandembaaquiatu quiatu co. Ae echosei chiate quia nae, uqui nandesecha ja sacua. Ae icua nandebite riqui nae, uqui ndecha ja sacua no. Nandearacua sacua abe no. Nandeico sacua mbae tura ndese no. Nandendua bei sacua Dios rese abe no. Ei nande bei quiatu quia nande namo. ¹³Jesucristo ra tu ibii uchee nguire. Enininya tuchi ra tu. Nandeico eraaro aro a. Ae ra nandembiate u. Ae rei Dios tuchi. Nanderirosa mbae icua si. ¹⁴Ae que tu mano nande je ra. Nandeicua ndibishoro ngue mano nda. Nandechia mbuquishi ngue u umbaera nda. Nandeico tuchi sacua mbae tura ndese. ¹⁵Enyere cho mbia mbaaquiatu quiatu, Tito. Ererecua ra no eico embaaquiatu quiatu. Echee asi asi jiri quia ee. Sa emo ndiqui ndechee andu serea nea ea.

Dios utură teacuquia nande je

¹Echee mbia je, Tito. —Ererecua chee nda jemumba mumba teche nguia jē. Ererecua cheē jeñandu quiatu quiatu quia jē. Jeñimbirātā tuchi quiatu mbae tură naa naa nonde jē. ²Jeñee icuă icuăchi nda emo nii jē. Jeñee icuã icuãchi nda jenyue jē. Jeseteã ño jēingo jē. Jenguasu ra iẽsaã saãchɨ emo je jẽ, ere chỗ mbia je, Tito. ³Nandearacuayã techɨ nande abe nyii. Nandeteã teã techi equia nyii. Nandembiiri iri ji raanguiate nandeicochi nyii. Ae nandechosei chosei quia mbae icua nyii nae, ũqui acho ndesete nandeicochi nyii. Mbae icua ndese nandeico techi nguia nyii. Mbia mbae nandechosei chosei techi nguia nyii. Mbia mae icua icuã techi nguia nanderese nyii. Nande abe nandemae icuã icuã techi nguia nandechiese nyii no. 4Dios ia eãte que mbia rese aque mose ra. Uya eã ngue eteacuquia nande je ra. Uturã abe que eteacuquia nande je no nda. ⁵ Aque mose que nanderiro mbae icua si ra. Eya eate quiatu ngue eriqui nguiã nanderese. Nyebe nanderirõ nguiã mbae icuã si. Nandeturã nii eã ngue re. Nandechiã ngue eirei mbiasu ra. Espíritu Turã je que nandechiã mbiasu ra. 6 Dios que Espíritu Turã mondo tuchi nande je ra. Jesucristo rii ngue emondo nande je ra. Jesucristo rei nanderirosa tuchi nandeicuã si. ⁷Dios que Espíritu Turã mondo nande je ra. Uturã je nandembitiro sacua. Nandemingo bei tuchi sacua no. —Nandemingo bei tuchi rae, sã nandeico i ã no. 8I chôiñoa tuchi chô ã nde. Ã esenei senei tuchi quia mbia je. \tilde{f} nda mbia emumbayã. \tilde{f} nda Dios icuasa siqui ja mbae tură ndese. Ae rii aico nee jeje nae, să mbia uqui nee mumbayă ja quiatu. Aba bite ũquĩ. 9Mbia ñee asi asi je si ehui chõ. Mbia ñee mbei

411 TITO 3

mose ngāmei ndaaque rii, ūqui abe si ehui chō. Mbia ñee icuā icuā mose nyue, ūqui abe si ehui chō. Ae Dios senei senei nquia judíos je cose nae, ũqui nii mbia ñee icuā mose nyue, ũqui abe si ehui chō no. Aba biāte ũqui ñee. Aba mbaaquiatu āte ũqui. 10 Emo Jesús quiato mbuqueta queta mose embiicuā nonde uchue, ũqui abe si ehui chō. Eicuāte ũqui, ere ee. Ndecheē andu eā mose, echeembe ee. Aquere ehui chō esi. 11 Aba chiicuate ũqui icuā. Ũqui siqui turā aroneate quia ũqui. Huiicuā eicuate quia ũqui.

Pablo embesa hui bei

¹²Artemas nda amondo nderea reae. Ae oso eã mose, Tíquico ra amondo ndeje. Ũquɨ mo ngasẽ mose huee, echu serea Nicápolis cote. Huee taico bei ama mose, ae que se ra. ¹³Apolos embucuata turã mondo. Zenas ndese. Zenas ndei embesasa. Jesús quiatote ũquɨ. Mbae mo emondo ee. ff nda echoi turã. ff nda mbae tiã eã ee. ¹⁴Sã nanderesenda riqui mbae turã naa naa mbei ñimbaaquiatu. Emo mbae ua mose, sã mbae mo mee mee ee. Ũquɨ naa naa mose, siqui turã ño nguiã ũquɨ cote. ¹⁵Ae chi ja serese a nae, ũquɨ saludos mondo quia ndeje aque. Ae Jesús quiato nyesecuate quia urerese hue jenda nae, ũquɨ je saludar ere ure je. Sã Dios turã ndiqui tuchɨ jē ja rese. Amén.

LA CARTA DEL APOSTOL SAN PABLO A FILEMON

Pablo embesa Filemón je

¹Se rei Pablo. Setarõ ji aĩ a. Mbia que setarõ Jesucristo rɨĩ nda. Timoteo rese aɨco ã mbesa mbesa ndeje a, Filemón. Ureresenda tuchɨ chō nde re. Jesucristo rimba. ²Ae Jesús quiato ñumunua nua mbeɨ quia ndechuchúaa nae, ũquĩ je abe ureɨco ã mbesa mbesa a. Apia je abe ureɨco embesa mbesa a. Arquipo abe je no. Ae que siqui beɨ urerese ra. Mbia ɨcuã ɨcuã mose ure je Jesús cheẽ nɨɨ. ³Sã Dios riqui turã mbeɨ jēje. Sã jēya beɨ riqui erese. Jesucristo rese abe no.

Filemón Jesús quiato tuchi

⁴Secheẽ mose Dios je, "gracias" ae bei se quia Dios je nderiĩ co. ⁵Mbia que sembiirandu randu nderese ra. —Filemón ndiqui Jesús icua tuchi co. Co eriqui nyesecua tuchite Jesús rese co. Dios quiato ja rese abe no, i que equia sembiirandu randu nderese ra. ⁶Aico ñee mbeite Dios je nderiĩ co. Ae je ereico Jesús nenei nenei nae, ĩ nda ũquĩ abe Jesús icua tuchi nde rã si. ⁷Aque ereico nyesecua tuchi Jesús quiato ja rese aque. Nyebe seya beite riqui nguiã nderese co. Nde que Jesús erechosei uquia quia Jesús quiato je ra.

Onésimo eisi turã, i Pablo ñee

⁸Cristo chimbaaquiatu aico raque co. Sã ererecua riqui ñee ngũimba je no. Ũquĩ asaã arõte raque ndeje. Asaã eã nda se. ⁹Tacheẽ mingue chố ndeje. —Mbae esaã seje, tae turã ño ndeje. Ameite se cote. Setarõ ji aĩ Jesús riĩ a no. Se rei Pablo. ¹⁰Mbae mo esaã Onésimo je. Seico mose aa cárcel que aico Onésimo mbaaquiatu quiatu Jesús riĩ nda. Jesús quiato riqui co cote. Seriirĩ tuchi rã ño eriqui nguiã co cote. Jesús icua

413 FILEMON

mose co cote. ¹¹Nderimbachõ ño ngue eriqui nguiã nyii. Erequeteã eã jiri que equia erese nyii ra. Aqueteãte quia erese co cote. Nde abe ra erequeteãte erese cote. Siqui turãte ra nande je cote. ¹²Aque amondo quia ndeje aque. Eisi turã mámbii. Sã ereico seisi turãte no. Ûquĩ esaã si ee. ¹³Amondo sereãte raque. Siquichõ ndei nda serese aa chã. Mbae mee mee sacuã setarõ ji je ndecutiã. A setarõ ji ñi Jesús cheẽ turã nii a. ¹⁴Aisi eã nda mingo serese a, nde "eno" iã mose seje. "Eĩ ere chõ", ae eã nda ndeje. Nde ae chõ eisi turã. Nde ae chõ echeẽ turã ee. Se ae ra arembucheẽ turã eã ee.

15 Uchã ndei que ndesi nyii ra. Siqui bei ra nderese cote reae.
16 Nderimbachõ eã nda cote. Ndequiato chỗ nda cote. Nderesenda chỗ nda cote. Co aico nyesecuate erese co. Nde quiatu ra erechesecua tuchi erese cote. Cristo resenda chỗ siqui nguiã co cote. Nderese. 17 Ndequiato tuchi chỗ se re. Sã ñi ereico seisi turã turâte no. Eĩ ere si chỗ Onésimo isi turã se rã si. 18 Onésimo deber i mose ndeje, cobrar erechĩ nda ee. Seje quiatu cobrar ere. 19 Pablo chỗ se re. Seo je chỗ aico nguiã co mbesa ndeje a. Onésimo deber i mose ndeje, asibishorỗ nda mbae mee ndeje. Mbae que asaã tuchite rei quia ndeje ra. Dios cheẽ ngue asenei tuchite quia ndeje ra. Dios nemingo bei sacuã. Nyebe deber ere tuchite raque seje. 20 Nyebe Onésimo eisi turã na seje. ff nda seya tuchi jiri nderese. Dios abe ra eyate nderese.

²¹—Filemón nda secheẽ mumba eã. Secheẽ nduɨ sɨ tuchɨ ra Onésimo isi turã, ae tuchɨ se quia nderɨ̃ co. ²²Seruacuã jendecoquiatu ɨno mámbɨɨ. Dios ra sembusẽ mondo, jeñee mbeɨ mose ee reae. Ūquɨ mose ra aso jendea.

Pablo ñee hui bei

²³Epafras saludos mondo quia ndeje aque. Ae tarõ ji ñi serese a. Jesucristo cheë nii. ²⁴Marcos abe saludos mondo quia ndeje aque. Aristarco abe. Demas abe no. Lucas abe no. Ã ndiqui Dios cheë nenei nenei serese ã. ²⁵Sã Jesucristo riqui uturã ndeacuquia bei jēje. Amén.

LA CARTA A LOS HEBREOS

Jesucristo mii ño Dios chee mbuchecua nguiã

1 Dios que ucheẽ mbiasa asa tuchi quia mbia nandei ñiinda je cose ra. Hue rĩ ji eã ngue eriqui ucheẽ mbiasa asa ee ra. Dios cheẽ mbuchecua checuasa atate que aque mose ra. ²Eĩ eã ño namo nde. Jesucristo mɨi ño Dios cheẽ mbuchecua checua nguiã nande je co cote. Dios nguiirĩte mbucheẽ nande je cote. Ae mɨi ndese chỗ ngue Dios ibi ao nyii ra. Dios que emɨi mbae ja rerecuarã nda. ³Dios nininya rã sɨ tuchɨ chỗ Jesucristo nininya re. Dios rã sɨ tuchɨ chỗ ae re. Ae chỗ mbae mingo ja nguiã ucheẽ quirãcuã je co. Ae que mano nandeicuã mbutiã sacuã nda. Aquere eñɨ ngoi bei ngu rese ibate pe cote.

Jesús quia rei i tuchi ángeles si

⁴Jesucristo quia rei i tuchi ángeles si. "Seriirī tuchi" i chō Dios nguiã ee. ⁵Ã ngue Dios ñee ãte ángeles mo je ra:

Seriirī ño nde re.

Ndereco que amee ndeje ra,

i ãte que Dios ángeles mo je ra.

Nderu chô se re.

Seriirĩ ño nde re,

i ate que Dios ángeles mo je ra. 6 Dios nguiiri mbu mose íbii que nee nda: Sã ángeles riqui adorar i ja seriiri je,

i que ra. 7Ã ngue Dios ñee ángeles rii nda:

Quiririã tu asi rã tuchi chỗ ángeles re.

Serimba cho ángeles re.

Tata rendi rã tuchi,

i que Dios ñee ángeles rii nda. 8 Nguiiri je quiatu que ñee a nda:

Nde rei Dios. Ererecuarã mbei ra nde.

Ererecua turã tuchi ereico nde co.

⁹ Mbae turã eresaã sete quia co.

Mbae icuã nguia erechosei chiâte nguiã.

Nyebe Dios riqui nguiã nembia tuchi nderesenda mo si.

¹⁰ Nde que mbae erechao ja tuchi ibi jenda nyii ra.

Ndeo je que ibei erechao no nda.

¹¹ Ũquɨ nda ua ja chee.

Nde quia ra ereico bei.

Tiru ima na ja chee ra ũqui.

12 Sã mbia riqui tiru ima mombo no.

Eyasu rerequia erendaque re.

Eĩ si ra ibi cote. Ibei abe no.

Nde quia ra ei mbei ereico.

Eremanoa mbei ra nde quiatu,

i que Dios ñee Jesucristo je ra. ¹³ Ã ngue Dios ñee ãte ángeles mo je ra: Ecoi sejii. Nde abe ra ererecua serese.

Ae ndeucuãyate quia nae, ũquĩ je ra ndequiracua ateacuquia tuchi. Ndequiracua tuchi chee ra ũquĩ si,

i ãte que Dios ángeles mo je ra. Jesús mii je que ñee ũquĩ nda. ¹⁴Dios riirĩ eã ño ángeles re. Dios rimba chỗ ñene. Ae ra Dios mingo bei, ũquĩ ndaarỗ sacuã ño ngue Dios ángeles mii nguiã.

Nandeichayã sacuã Dios icha si

2 ¹Ae nandechandu quia Dios chee nae, ũquĩ ndese nandeico ndua tuchi. Ť nda nandeichayã mbei Dios icha si. ²Ae riĩ ángeles riqui ñee mbia je cose nae, ñee ñooñoa tuchi cho ñene. Ae ũquĩ ñee mumba nae, mbae rasi que esaã cote ra. ³Jesucristo sí que ñee nda. --Mbia tamingo bei, i que ra. Mbia que echee senei senei mbiasa nande je cote ra. Nande echee mumba mose ra mbae rasi nandesaã tuchi nande quiatu cote. ⁴--Jesucristo ñee ñooñoa ño nguia re, i sacuã mbia que Dios mbia mae sayã naa naa nda. Milagros tubiriã. --Jesucristo ñee ñooñoa ño nguia re, i sacuã mbia que Dios Espíritu Turã mondo mbia je no nda. Ae je Dios Espíritu Turã mondo mondo sete nae, ũquĩ je cho ngue Espíritu Turã mondo ra.

Mbia rã ngue Jesucristo ru nyii ra

⁵Ae ra nandeso emo mose nae, hue jenda rerecua eã nda ángeles. ⁶Sã embesa ji ñi ñee ã no:

¿Mbaerã ereico nduate mbia rese re, Dios?

¿Mbaerã ereico eraarõ tuchi re?

7 Angeles que eremingo turã tuchi rei mbia si aque mose ra. Ũquinde ereico bei mbia mingo turã tuchi ángeles si co cote. Mbia que eremii mbae abe ja rerecuarã cote no nda. Ndechiao rerecuarã tuchi cote.

8 Mbae que eremii ja mbia mbaerã nda,

i embesa ji huĩ ñee a. --Mbae rerecuarã ja ra mbia, i mose Dios, mbae ja riĩ ño ñee nguiã. Mbae mbia cheẽ mumbate raque quia ã. ⁹Jesús mii ndese chỗ nandeico nguiã mae ã. Ae je Dios mbae rasi saanguquia tuchi nae. Ae que ererecua eã tuchi ángeles si aque mose ra. Dios que mbia mingo bei sete ra. Nyebe "emano mbia riĩ" i nguiã Jesús je. Emanonde que Dios emii mbia rerecuarã tuchi cote ra. ¹⁰Dios que mbae chao ja tuchi umbaerã nda. Nyebe mbae rasi raanguquia tuchi nguiã Jesús je cote. Mbia tubiriã mingo bei sacuã ño ũquĩ nde. Jesús mbae rasi raã mose, ererecua turã tuchi sacuã ño ũquĩ nde. ¹¹Jesús que nandembitirõ uturã na sí ra. Nyebe eru riqui nguiã nanderu ja co cote. Nyebe Jesús riqui nguiã "senongue" i ireĩ ngũíã nande je. ¹²Sã Jesús cheẽ ñi embesa ji rese a no:

Paba ibatenda tasenei senongue je.

Senongue rese tairasei rasei ee,

i que Jesús chee mbesa ji hui nda.

¹³ Dios taicua tuchi,

i abe que Jesús chee hui nda.

A aico seriirí Dios chimondo rese a,

i abe que Jesús cheẽ huĩ nda. ¹⁴Mbiate quiatu ngue nande re. Nyebe Jesús abe mbiarã no nde. Mano sacuã nande je. Mano mose nande je que diablo quiracuã mbutiã cote ra. Diablo quiarei equiracuã tuchi aba iquia sacuã. ¹⁵Ae siquiche beite quia umano si nae, mbae icuã nimba raanguia cho ũquĩ nde. Ûquĩ siquiche eã sacuã no ngue Jesús mano nguiã. ¹⁶Angel sacuã eã ngue Jesús ru ra. Mbiarã no ngue eru nguiã. Judiorã no ngue eru nguiã. Mbia mbitiro sacuã. ¹⁷Nyebe Jesús ru nguiã mbiarã nande rã. Ñee turã sacuã Dios je nande riĩ. Dios nandembasi eã sacuã nandeicuã nii. Jesús siqui mose mbiarã ngue mano mbia icuã nii nda. Mbia icuã mbutiã sacuã esi. ¹ឱMbae icuã ngue tã i tuchi rei Jesús je ra. Nyebe ra eriqui tuchi nanderese uquirãcuã mee nande je, mbae icuã tã i mose nande je.

Jesús quia rei i tuchi Moisés si

3 ¹Seresenda, Dios que jemii icúe umbaerã tuchi ra. Nyebe aico nguiã ñee tuchi Jesucristo rii jēje co. Secheë ndese jenyiisaquia tuchi quiatu quia. Jesucristo rei nandererecua tuchi cote. Sacerdote rerecua rã tuchi nande je cote. ²Jesucristo que Dios cheë mumbayã tuchi quia mbae raã ja echeë nguire ra. Sã Moisés abe mbae raã ja Dios cheë nguire no. ³Jesús quia rei i tuchi Moisés si. Ae que Moisés chao ra. Sã emo ndiqui tuchua ao no. Tuchua aosa quia rei i tuchi tuchua uchiao si. ⁴Mbia mo tuchua chao arondete raque. Dios mii nguia rei mbae ao ja tuchi. ⁵Moisés

que Dios cheẽ mumba eãte rei quia ra. Erimbachõ ño ngue ae ra. --Ã nda Dios saã je mbia je, i chỗ ngue Moisés quia ra. 6Cristo quia rei i tuchi Moisés si. Ae quia rei Dios riirĩ tuchi. Dios chuchua rerecua tuchi chỗ ae re. Nande rei Dios chuchua. Ae quia siqui nguiã nandechiangui re co. Nandeico bei mose ndua erese. Nandeya bei nandeico mose abe erese.

Dios quiato ra uquenea ucua nyoi Dios récuaa

7 Jesús quia i tuchi re. Nyebe Espíritu Turã ndiqui nguiã ñee nande je ã: Dios cheë jeñandu rã namo.

8 Jeñia ãtãte ra jēingochī jē.

Sã cose ndare chiã ata mbeite riqui Dios chee andu serea turúquiaa eico mose no.

Ũquĩ icuãte que eriqui Dios je ra.

Dios que ñimbiracua note quia ee ra.

⁹ Dios que siqui minguete quia ũquĩ mbia je ra.

Cuarenta años chee que ra.

Mbia mae sayã ngue esaã saã mbei quia ee ra.

"Ma Dios siqui minguete nande je", i rei que mbia jenamei nguia cose ra.

¹⁰ Nyebe Dios paama i nguiã ñee ee.

"Siqui icua mbeite equia uchiangui re a. Siqui sereate equia seicha rui a.

¹¹ Aico paama ite ee co.

Uquenea nda eucua eã mbei nyoi serécuaa", i tuchi que Dios erii nda, i que Espíritu Turã ñee embesa ji hui nda. ¹²Cochee chō jēingo, Seresenda. Jēicha eã sacuã Dios reco si jeñiangui re. Dios jēicua bei sacuã jeñiangui re no. ¹³--Nandeico i i tuchi quiatu quia Dios rese, jenye jenye bei quiatu quia jenyue. Jendeco mose íbii. I nda mbae icuã jembiiri iri eã. I nda jēteã teã eã Dios cheẽ je no. ¹⁴Sã nande Cristo nandeicua raque nyii no, eĩ nande bei chō nguia eicua i i. Ūqui mose ra Cristo resenda tuchi nande cote. ¹⁵Sã embesa ji riqui ñee ã no:

Dios cheẽ jeñandu rã namo.

Jeñia atate ra jeingochi je.

Sã cose ndare chiã ata mbeite riqui Dios chee andu serea turúquiaa eico mose no,

i que embesa ji ra. ¹⁶¿Aba chō Dios cheẽ ñandu sereã eandure cose chã? Ae Moisés querao Egipto si nae, ũquĩ ño ngue resẽ. ¹⁷¿Aba je chō Dios paama i cuarenta años cose chã? Ae mbae icuã saã saã nae, ũquĩ ño ngue resẽ. Nyebe mano mano nguiã turúquiaa. ¹⁸¿Aba je chō Dios ñee tuchi chã? --Jenguenea nda jẽucuayã mbei oso serécuaa, i chã. Ae echeẽ mumba quia nae, ũquĩ je chō ngue re. ¹⁹Nyebe ngasẽ eã nguiã Dios récuaa. Dios icua eãte quiatu ngue re.

1—Ae seicua quia nae, ũquĩ nda nyoi serécuaa, i chôte Dios quia nande je co. Nyebe nandeico cochee. Cochee jẽingo eã mose, jemo jengasẽ eã arõte Dios récuaa. ²Nande abe je chô Dios riqui nguiã ñee co. —Ae seicua quia nae, ũquĩ nda nyoi serécuaa, i. Moisés reco mosenda achô je eã ño ngue ñee nguiã. Ũquĩ ngue Dios chandu iru chooño nda. Dios icua rocoĩ. ³Ae Dios icua quia nae, ũquĩ achô ño nda nyoi ngasẽ Dios récuaa. Uquenea ucua sacuã huee. Dios que ñee tuchi ucheẽ andu sereãsa je cose ra:

Aico paama ite ee co.

Uqueneã nda eucua eã mbei nyoi serécuaa,

i que ra. —Ma siqui serese, i bei rei que equia eraarõ arõ nda. Ibi ao mosenda bei. ⁴Ã mbesa ji que chĩ nda:

Dios mbae ao jare que uqueneã ucua séptimo día ra, i que embesa ji ra. ${}^5 ilde{A}$ abe que ch \tilde{i} embesa ji rese ra:

Uquenea nda eucua eã mbei nyoi serécuaa, i que embesa ji hui no nda. 6Emo emo abe ra Dios icua. Siqui sacua erécuaa. Ae Dios chee nandu nyii nae, uqui ngue Dios icua eate ra. Nyebe ngase eate nguia Dios récuaa. Dios chee nguiatu ngue emumbate nguia. 7Nyebe Dios riqui nguia nee nande je quiatu co. Nandeico sacua erese namo. Uqui echee mumbare nyii. Sa David Dios chee mbesa no:

Dios cheẽ jeñandu rã namo.

Jeñia ãtãte ra jēingochī, i que Dios ra,

i que David embesa ra. ⁸ Josué que mbia isrealitas mii aroneate Dios récuaa ra. Uqueneã ucua sacuã. Ť nda Dios ñee ãte rei. —Taemingo serécuaa jenguenea ucua sacuã, i ãte rei. ⁹Nyebe ra Dios quiato nyoi ngasẽ Dios récuaa. Huee ra uqueneã ucua tuchi huee cote. ¹⁰Ae ra ngasẽ Dios récuaa nae, ũquĩ nda uqueneã ucua tuchi. Sã Dios uqueneã ucua tuchi mbae ao jare no.

¹¹Nandechimbirăcuã tuchi oso nonde Dios récuaa. Nandequenea ucua sacuã. Ae Dios icuayăte quia cose nae, ũquĩ na nda nandeicochĩ nande mo namo jẽ. ¹²Dios cheẽ nguia rei ereco tuchi. Equirăcuã tuchi. Ique tuchi aba chiangui re. Sã tiquise rimbe riqui ique chôte oso no. Eĩ si chô Dios cheẽ nde. Ique tuchi aba ndua nduasa rĩ. Aba ndua nduasa mbuchecua tuchi aba je. Aba chiosei osei abe mbuchecua tuchi aba je no. ¹³Mbae mo ndese Dios riqui jirandu eã eãte co. Mbae mo nandesaã nyecuayã cuayã aroneate quia esi ã.

Jesús ñee tură mbei Dios je nande rii

¹⁴ Jesús rei Dios riirĩ tuchi. Sacerdote rerecua tuchi cho eriqui nguiã nande je co. Oso que ibate Dios rea ñee ñee sacuã nanderii nda. Eriqui ñee ñee mbei Dios je nanderii co. Nyebe nandeico tuchi quiatu quia

erese. ¹⁵Diablo tã i mose nande je, Jesús riqui ico tochi tuchi nande je co. Ae rane je quiatu ngue diablo tã i tuchi nguiã nyii. "Ma Jesús mbae icuã naa" i nguiã. Mbae icuã ngue Jesús saã eã mbei chỗ nda. ¹⁶Nyebe nandesiquicheã nguiatu quia Dios riichã. Nyesecuate quiatu nguiã nanderese co. Nandesiquicheã nguiatu quia ñee ñee ee. Eya eã sacuã nanderese. Uquirãcuã mee sacuã nande je, diablo tã i mose nande je.

¹Sacerdote rerecua judío mbae rei mbia chõ. Ae chỗ ñee turã mbei nguiã mbia riĩ Dios je. Ae chỗ mbae quishĩ ji mondo mondo nguiã Dios je. Dios mbia chisaã saã icuã mbutiã sacuã esi. ²Sã sacerdote rerecua abe riqui mbia nande rã si no. Nyebe eriqui nguiã siqui tochite mbia quirãcuã nea je. Mbia aquiatuã je abe. Mbia icha icha je abe no. ³Sã sacerdote abe riqui Dios cheẽ mumba no. Sã eriqui mbae quishĩ ji mondo mondo Dios je no. Dios eicuã mbutiã sacuã esi. Mbia chisaã icuã abe mbutiã sacuã esi no. ⁴"Sacerdote rerecua se" i aroneate emo, Dios eirabo eã mose. Dios ae que sacerdote mii mii nda. Sã Aarón mii cose no. ⁵Eĩ si que Cristo ra. "Sacerdote rerecua se" iã ngue ae ae ra. Dios quiatu ngue emii nguiã. Sã Dios cheẽ mbesa ji riqui ñee no:

Seriirī ño nde re.

Ndere co que amee ndeje ra,

sã Dios i ñe e ee no. 6Sã embesa j i mo ndiqui ñee no:

Sacerdote bei rei nde.

Melquisedec na tuchi ereico nde co,

sã embesa ji riqui i no. ⁷Jesús siqui mose a íbii, eya eã tuchi que emo mose ra. Ñee tuchi que Dios je aque mose ra. Nyeseo tuchi que equia Dios je ra. Dios emano ndiquisã sacuã esi. Dios que echee ñandu ra. Jesús quiatu que Dios chee mumba serea mbeite quia ra. ⁸Dios riirîte raque Cristo. Mbae rasi que esaã tuchi ra. Ñimbaaquiatu cho ngue equia ũquĩ ndese Dios chee mumbayã nda. ⁹Jesús que Dios chee mumbayã tuchi mbae rasi raã tuchi ra. Aquere Jesús riqui mbia mingo bei co. Ae echee mumbayã nguia nae, ũquĩ emingo bei quia co. ¹⁰Dios quiatu ngue emii nguiã sacerdote rerecuarã. Melquisedec na si no.

Jeñimbaaquiatua mbei chochi equia Cristo rese a

11—Mbae tasenei tuchi Jesucristo rii jēje, ae rei que se ra. Jē nguia secheē jeñandu sereāte nguiā. Nyebe aico nguiā embiasa asa aroneate jēje co. 12 Cosete que jēingo rei Jesús icua resē. ¿Mbaerā jēingo ñimbaaquiatuā mbeite re? i nguia nda jēingo nguiā emo mbaaquiatu quiatu chā. Jēaquiatuā mbei chōchi. Dios cheē aba chiicua jēicuayā mbei chōchi. Aquē na ño jēingochi ā. Sā āquē ndiqui usi quiandi achō mbei no. Soo quiatu eu aroneate nguiā. 13 Aquē na jēingo bei mose, jēaquiatuāte siqui mbae turā ndese. 14 Ae ñimbaaquiatu quiatu tuchi quia Cristo rii nae, ūqui nguia rei mbae turā icua tuchi, mbae icuā icua rocoī. Mbia cuasu rā ño ūqui nde.

1-2 Ae rese jeñimbaaquiatu nyii nae, aba chiicuate ũquĩ. Ũquĩ miite rese jeingochi nguia. Mbae aba chiicuaya mo abe jeicua jiri Jesús rii ae. Ã aba chiicua que asenei ja jēje nyii ra: —Jenyisaā mbae icuā si jěhui, ae que jěje nyii ra. —Dios jěicua, ae que jěje nyii no nda. Bautismo abe que asenei jeje nyii ra. —Jeo jeñono Jesús quiato aro, ae que jeje nyii no nda. —Mbia raque ra quera si, ae que jeje nvii ra. —Mbia Dios quiatoa nda mbae rasi saã tuchi tata cuásuu, ae que jeje nyii no nda. ³ Ũqui aba chiicuate riqui a ndese. Aba chiicuava tasenei jeje cote, Dios "eno" i mose. ⁴Emo emo ngue siqui rei Dios quiatora nyii ra. Dios chimee icua raque nyii. Espíritu Turã abe icua raque nyii no. ⁵Dios chee turã abe icua raque nyii. Dios quiracua abe icua raque nyii no. 6 Uqui hui mose Dios si, uba si aroneate erese cote. Jesús mbucha si chỗ nguiã ira rese ũquĩ. Iquia iquia cho nguiã Jesús je mbia résaa ũqui. 7Sã Dios riqui ama mbuchaaqui ibi ja rese no. Ei si cho ndaque equia uchee mbuchecua raque mbia ja je co no. Sã mbia riqui mbae tiquia ibi ia mose no. Suri turã mose, echa iate ra cote. ⁸Nui acho suri mose huee, eicuate ũqui. Ei si cho mbia Dios chee andu choonosa no nde. Eicuate ũquĩ. Ũquĩ nda Dios mombo cho tata cuásuu.

Dios ra uchee mbuchebia mbei

⁹ Jenii aico nguiã ñee eã, Seresenda. Dios cheẽ jeñandu chooño eã nguia jẽ ndeae. Jesús jẽicuate quia ũquĩ. Nyebe jẽingo tuchi quia erese ũquĩ ndeae. ¹⁰ Dios turãte eriqui co. Tesareiã nda jenyisaã turã si. Jendua ndua mose Dios quiato ataque rese. Mbae jemondo mondo mose ee. Mbae jemondo mondo bei quia ee ũquĩ. ¹¹ Eĩ jenye bei quiatu equia nyesecua bei emo ndese. Ĩ nda Dios mbae mee tuchi je jẽje. ¹² Jeñimbirãtã mbei chỗ nguia mbae raã jẽ. Sã Dios quiato cose ndare no. Sã eriqui Dios icua tuchi no. Sã siqui mingue tuchi ee no. Nyebe Dios ucheẽ mbuchebi jiri jiriã tuchi nguiã ee. Eriqui beite mbae mee mee ee co.

13-14 Sã Dios ñee Abraham je cose no: —Taico turã mbei ndeje. Nderiirī nducucha tubiriā ndae, sã i Dios Abraham je no. Ũquĩ mose que Dios jurar i umbae nombre riĩ nda. 15—Dios ra seriirina mee seje ucheẽ nguire, i que Abraham nguia eraarõ arõ mingue ra. Dios que eriirī mondo chee ee ucheẽ nguire cote ra. 16 Mbia jurar i mose, Dios riĩ ño eriqui nguiã jurar i. — Ũquĩ nda asaã eã, i aroneate cote, jurar ire nyii. 17—Nderiirī nducucha tubiriã nda ambu, i mose Dios Abraham je, jurar i que ee aque mose ra. ¿Mbaerã ño jurar i chã? —Dios ra ucheẽ mbuchebiã, i sacuã mbia chỗ ñene. —Dios ra ucheẽ nyabi i eã, nande i sacuã ño ñene. 18 Dios "mbae tasaã jēje" i mose, ñee ñooñoa ño ñene. Dios jurar i mose, jurar i chooñoa ño eno nde. Nyebe eriqui nguiã nanderaarõ turãte nandeso mose eriichã. —Taemingo bei, i mose Dios nande je, ucheẽ nda embuchebiã. 19—Dios ra semingo bei ibate ucheẽ nguire, nande equia

ã. Nande ũquĩ icua mose, nandequirãcuấte ra cote. Dios ra nandemingo tuchi uchiese cote. Sã sacerdote si quia Lugar Santísimo Dios riichã sacuã no. Eĩ nande chỗ nguia nande abe Dios riichã, nande eicua mose. ²⁰ Jesús rane ngue oso ibate ñeenda mombe nande je ra. Pe eriqui ñee turã mbei Dios je nanderiĩ pe. Sã sacerdote riqui ñee turã mbei Dios je mbia riĩ no. Sacerdote rerecua tuchi chỗ Jesús nande je re. Melquisedec na si tuchi Jesús riqui co.

Jesús i tuchi sacerdotes ataque si

Melquisedec ndei Salem jenda rerecua. Dios mbae sacerdote abe que ae ra. Abraham tu mose mbia rerecua iquia iquiare, Melquisedec que esobeishi oso ra. Melquisedec que bendecir i ee ra. ²Abraham ngue el décimo mee Melquisedec je ra. "Ererecua Turã" i cho nguiã "Melquisedec" i mose. "Mbia mingo turãsa nyiese" i abe cho nguiã "Melquisedec" i mose no. "Mbia siqui turã nyiese" i cho nguiã "Salem" i mose no. ³Melquisedec si eate que ra. Eru ea abe no. Eramei mo ea abe no. Mano ea mbei que ra. Nyebe eriqui nguiã Jesucristo rã mbei co. Sã Jesucristo riqui beite sacerdoterã co no.

⁴Melquisedec quia rei i tuchi Abraham si. Abraham quiatu ngue el décimo mee nguiã ee. Ae emee ee décimo sacuã nda. 5 Abraham ndesenda eã ndaque Melquisedec. Aquere que Dios ñee judíos je ra. —El décimo jemee mee ño nguia sacerdote jendesenda je, i que Dios judíos je ra. Judíos que emee mee sacerdotes je ra. Leví riirī ndaque sacerdotes. Judíos sí raque sacerdotes. Abraham ndiirí ja raque judíos no. 6 Melquisedec que el décimo isi Abraham si ra. Leví riirí eã ndaque Melquisedec. —Judíos i tuchi ra nde, i raque Dios Abraham je. Nyebe que Melquisedec bendecir i Abraham je ra. ⁷ Ae bendecir i nae, aque quia rei i tuchi bendecir i ji si. 8 Ae mbia décimo isi isi quia uataque si ã nae, mbiacho ño ũqui nde. Ũqui mano arondete. Melquisedec quiatu que mano eã mbei ra. 9 Abraham décimo mee mose Melquisedec je, erucucha riirī décimo mee naanguia cho ngue ee re. Leví décimo mee naanguia cho ngue ee re. Sacerdotes Leví riirī décimo mee naanguia cho ngue ee re. Ũquɨ décimo isi isi raque nguesenda si. 10 Abraham ngue ũquĩ i ja ra. Eriiriã ndaque nyii, décimo mee mose Melquisedec je.

¹¹Sacerdotes riqui mose que Dios uchee mondo rei judíos je ra. Sacerdotes mbia mingo tura aroneate Dios rese. Ha nda Jesús tu ate rei. Ae quia nei tu nguia sacerdote bei nonde cote. Melquisedec na sí. Aarón na ea. La—Sacerdotes ra nyuuru uru ea ngongue rendaque re cote, i que Dios aque mose cote ra. —Jesús mii nda siqui sacerdotera mbei cote, i que Dios cote ra. La-14 Leví riiri nducucha ea ndaque Jesús. Judá riiri nducucha raque quia nene. Judá riiri nducucha mo siquía ndaque sacerdotera cose. —Üqui mo sacerdotera aroneate, i rei que Moisés nyii ra.

¹⁵Sacerdotes cose ndare rã eã ño Dios Jesús mɨi nguiã sacerdoterã cote. Jesús quia ra siqui bei sacerdoterã. Melquisedec na sɨ ra eriqui bei. ¹⁶Moisés chimbesa rui sɨ eã ño Jesús riqui nguiã sacerdoterã co. Leví riirĩ nducucha eã ño ae re. Ae quiatu siqui beite nguiã co. Nyebe eriqui nguiã sacerdote beite co. ¹⁷Sã Dios ñee ee embesa ji rese no:

Nde quiatu ereico bei nguiã sacerdoterã mbei co.

Melquisedec na si,

sã Dios i ñee ee no. ¹⁸—Sacerdotes ra nyuuru uru eã ngõngue rendaque re cote, i que Dios aque mose cote ra. Ũquĩ nguiatu ngue mbia mingo aroneate nguiã Dios rese. ¹⁹Moisés chimbesa quia mbia mingo aroneate nguiã Dios rese. Ae rese nandeico quia namo co cote, aque quia aba mingo arondete nguiã Dios rese co cote. ²⁰⁻²¹—Sacerdoterã nde, i mose emo je nyii, emo ngue jurar i ãte quia ra. Dios Jesús mii mose sacerdoterã, jurar i que aque mose cote ra. Sã embesa ji riqui no:

Dios que jurar i ra. Uchee nda embuchebia mbei.

"Nde quiatu ereico bei nguiã sacerdoterã mbei co.

Melquisedec na si",

i que Dios chee hui embesa ji rese ra. ²²Ae contrato Dios saa mbia je nyii nae, ūqui contrato que mbia mingo ea Dios rese ra. Ae contrato Dios saa Jesús rii namo nae, ūqui nguia rei etura tuchi nande je namo cote.

²³Sacerdote ñiinda atate que eriqui nyii ra. Nyuuru uru que equia ngõngue mano mose ra. ²⁴Jesús quia siqui nguiã sacerdoterã mbei co cote. Emo nda chĩ eã mbei euru erendaque re emo mose cote. ²⁵Ae ra Dios siichã Jesús riĩ nae, ũquĩ nda Jesús mingo bei tuchi. Jesús quia siqui beite nguiã co, ñee turã sacuã Dios je ũquĩ nii.

²⁶ Ae chỗ sacerdote turã tuchi riqui nguiã nande je co cote. Dios rã tuchite quia ae re. Eicuã jiri jiriãte quia ñene. Mbae turã achỗ ndese chỗ eriqui nguiã. Mbae icuã ngue embiicuã aronea tuchi quia ra. Ae quia ibatenda rerecua tuchi riqui nguiã namo co. ²⁷ Jesús quia rei sacerdote rerecua ataque rã eã tuchi. Ũquĩ nguiatu ticuasu quishĩ quishĩ mbeite nguiã sacrificio raã naa. Dios eicuã mbutiã sacuã esi. Mbia abe icuã mbutiã sacuã esi. Jesús quiatu ngue ticuasu mo quishĩ eãte nguiã sacrificio raã emo mose. Ae sí chỗ ngue mano nguiã sacrificio raã sacuã. Mbia icuã mbutiã ja sacuã ño ngue mano nguiã aque mose. ²⁸ Mbiachỗ no ngue sacerdote rerecua ja ñiinda ra. Ũquĩ ngue mbae turã saã mbei aroneate quia ra. Dios quiatu que Jesús mii sacerdoterã mbei cote ra. Ae quia mbae icuã saã jiri jiriã tuchi nguiã.

Dios contrato yasu saã Jesús rii

Ababi tuchi quia rei Jesús siqui mose sacerdoterã. Sacerdote turã tuchi quia rei ae nande je. Hue eñi ngoi Dios Ibatenda ribisho quiti nande je huee. ²Hue eriqui mbae raã naa Dio s chuchua ibaténdaa huee.

Dios ae chisaã tuchi chō hue tuchua re. Mbia mo nyisaã eã ño ñene. Nyebe Dios chuchua tuchi chō hue re. ³Sacerdote rerecua ja chō sacrificio raã naa sacuã nde. Nyebe Cristo abe sacrificio saã nguiã umano mose. ⁴Ae sacrificio Cristo saã nae, ũquĩ nguia eturã tuchi sacerdote chisaã si re. Cristo siqui mose íbii, eĩ nda sacerdote eãte rei ae. Moisés chimbesa cheẽ ndui achō ño sacerdotes ibi jenda riqui nguiã sacrificio raã naa ã. ⁵Ae sacerdotes ibi jenda saã saã nguia mbae nae, ibei jenda rese aba mundua sacuã ño ñene. Sã Dios ñee Moisés je Dios chuchua ao nonde no. —Ndeico mose ibi ibátee que sechuchua ibei jenda ateacuquia ndeje, ũquĩ na si chō sechuchuarã ibi jenda esaã, i que Dios ñee Moisés je ra. ⁶Ae contrato Dios saã mbia je nyii nae, mbaranquiatuãte que ũquĩ nda. Ae contrato Dios saã nande je namo Jesús riĩ nae, eturã tuchi chō ũquĩ cote re. —Ã tasaã jēje. Ã abe tasaã jēje no, i tuchi Dios quia contrato namonda riĩ nande je co. ⁷Contrato ñiinda mbia mingo bei mose Dios rese, ĩ nda contrato yasu raã eãte rei nande je. ⁸Dios ia eãte que eriqui mbia aque mosenda rese ra. Sã embesa ji riqui no:

à ño ngue Dios ñee nguiã: Contrato yasu ra asaã je Israel jenda je. Judá jenda je abe no.

9 Contrato asaã nguia ũquɨ nameɨ je nyii nae, ũquɨ contrato rã eã nda eyasu asaã cote.

Mbia arao quia Egipto si nae, ũquĩ mosenda rã eã nda contrato asaã je mbia namondo je.

Mbia cose ndare cho ngue contrato saa iru seje rese.

Contrato raande que sechee mumba mumba cho nda.

Nyebe ũquĩ asecha chố nguiã, i que Dios ra.

¹⁰ Ae contrato ra asaã je Israel jenda je, ã ndei e ã:

Sechee nda amii tuchi eaqui ndese. Sechee nda amondo tuchi echiangui re.

Sective fida affiolido tuchi echiangu

Se ra ererecua turã tuchi ee.

Serimba tuchi ra ũquĩ.

¹¹ Seicua ja tuchi rae. Mbia cuasu ja.

Eñete abe ja chee.

Seicua ja mose, ũquĩ mose emo uataque mbaaquiatu quiatu aroneate serii cote.

Seicua ja tuchi quiatu ra aque mose.

12 Ũquɨ icuã nda ambutiã ja esi.

Atesarei bei ra eicuã si,

i que Dios chee hui embesa ji rese ra. ¹³—Contrato yasu tasaa, i que Dios cote ra. Contrato niinda imate quiatu ngue ee re. Mbae ima nda ua ja cote.

Cristo rei sacerdote tuchi cote; sacerdotes ñiinda rã eã

9 1—Eĩ jenye jenye bei chỗ nguia mbae raã naa mose sechuchuaa, i que Dios sacerdote je ra. Contrato ñiinda raã mose. Uchuchua ibi

HEBREOS 9 424

jenda rii no eriqui nguia nee, "sechuchua" i mose. ²Dios chuchua que cuartos nyeremo ni nda. Eiquesa jii que cuarto nongue ni nda. Lugar Santo, i que hue cuarto je ra. Candelero oro ao ji que chi huee ra. Mesa abe que chi huee ra. Mbichae Dios chuchua jenda abe que chi huee no nda. ³Cortina mbucheseco ji que siqui tuchua ite ri nda. Aque quitera quiti que cuarto nongue ni nda. Lugar Santísimo, i que hue cuarto je ra. ⁴Huee que altar mo ni oro ao ji ra. Mbae shimbu tura ndei sacua. Ira ao ji mbae riru mo abe que chi huee ra. Oro quiti ji resebe que ra. Contrato Dios chee mbesa ji que chi aque mbae riru imi ye ra. Oro ao ji nio abe que chi mbae riru imi ye ra. Mbichae resebe que eni nda. Mana i equia ee. Aarón chitochoquia ruri abe que chi mbae riru imi ye no nda. ⁵Angeles raanguia ao ji que chi ibate mbae riru aro nda. Querubines, i que uqui je ra. Ujeo que embiitee u mbae riru aro nda. Sacrificio renda rei mbae riru. Uqui cuartos nyeremo jenda asenei ja aroneate jeje namo.

6 Aque mose que sacerdotes riqui ique ique bei cuarto eiquesa ji ra. Mbae raã naa sacuã Dios je. 7 Cuarto cortina quitera quitinda quiarei mbia mo ique aronea tuchi. Sacerdote rerecua mii ño ngue i que quia huee ra. Ique chiibe ibeã ngue equia huee ra. Una vez al año ño ngue eriqui ique huee ra. Mbae ruqui que esii sii quia huiique mose huee ra. Dios eicuã mbutiã sacuã. Mbia icuã abe mbutiã sacuã. 8 Aque mose bei que mbia mo ndiqui ique aroneate Lugar Santísimo nda. Dios riichã tuchi sacuã. Úquí ndese Espíritu Turã ndiqui urembiirandute ã. 9 Sacerdotes que ticuasu iquia iquia tuchi rei quia aque mose ra. Úquí ngue mbia chiã mbitiro eã mbei cho nda. Mbia mundua ndua sacuã Cristo ruqui rese cho ngue ûquí nda. Úquí nandeicuate quia ã cote. 10 Contrato ñiinda que mbia mingo turã aroneate quia ra. Mbae rií acho ño ngue eriqui nguiã ñee. Mbaeiae rií. Mbia chiu rií. Mbia chimbei rií. Mbia choita rií. Úquí nii ja. Úquí ñee ndui sí cho ngue mbia riqui rei nguiã nyii. Cristo tu nonde.

¹¹Cristo tu mose que contrato ñiinda mbutiã ja cote ra. Contrato yasu que esaã nande je cote ra. Ae mɨɨ ño sacerdote namo cote re. Dios chuchua ibi jenda jie eriqui eã ndaque aa. Ibatenda ye chỗ eriqui nguiã mbae raã naa nande je pe. ¹²Cristo quiatu ngue ticuasu ruqui sii sii eã u nguiã nande je. Chivo ruqui abe. Nguqui ae je chỗ ngue nandeɨcuã mbutiã nguiã. Mano mɨɨ ngue mbia ja je ra. Mbia mingo beɨ sacuã cote. ¹³Ticuasu ruqui que mbia mbitirỗ tirỗ ndei quia sacerdote je ra. Chivo ruqui abe. Ticuasu riirĩ ndaaque rei ji cusubu abe no. ¹⁴Cristo ruqui quia rei equirãcuã tuchɨ ũquɨ mbae ruqui sɨ. Cristo ruqui mɨɨ nguia rei nandendua nduasa mbitirỗ tuchɨ. Ae ruqui mɨɨ nguia rei nandemingo turã Dios reco rese. —Se ae tamano mbia ɨcuã mbitirỗ sacuã. Mbia mbae turã naa naa sacuã Dios je cote, ɨ que Cristo mano nda. Mbae ɨcuã mo ngue esaã jiri jiriã tuchɨ ra. Espíritu Turã ngue siqui tuchɨ erese emano mose ra.

15 Cristo que contrato yasu saã nande je cote ra. Dios chiirabo eriichã tuchi sacuã cote. Dios chiirabo siqui tuchi sacuã erese Dios chee nguire. Sã Dios ñee ee nyii no. —Jēingo bei ra serese, i ee no. Ae je Dios contrato saã ndei quia nyii nae, ũquĩ icuã nii ngue Cristo mano nda. 16 Ae contrato Cristo saã nande je nae, testamento chỗ ũquɨ nde. Sã emo testamento mbesa no. Testamento raãsa mano mose, aque ramo mose cho testamento valer i nguiã cote. 17 Testamento raãsa manoa mose, testamento chõoño ño aque mose re. 18 Dios contrato ñiinda raã namo mose que ticuasu iquia uquia mbia je ra. 19 Moisés contrato ñiinda raã mose, Dios cheẽ ngue embuchecua ja mbia je ra. Aquere que ticuasu ruqui isi chivo ruqui rese ra. I je que emombara ra. Eruqui je que Dios chee mbesa ji rii rii cote ra. Mbia ja abe rii rii que ra. Mbae ribichu mbia ji je cho ngue erii rii nguiã. Ovejara irei je. Ira raquia nete je abe no. 20 Aquere que Moisés nee mbia je ra. —Ã mbae ruqui ã ndesẽ. Ticuasu que mano nda. Mbae ruqui rei Dios mbae testamento valer i sacuă jeje, i que Moisés nee mbia je erii rii cote ra. ²¹ Aquere que Dios chuchua abe rii rii cote ra. Dios chuchua teiqui renda abe que esii sii no nda. ²²Contrato ñiinda mose, mbae ruqui achõ je chỗ ngue Dios riqui nguiã mbia icuã mbutiã esi. Dios que mbia icuã mbutiã chooño eã nda. Mbae quishi mose bei quiatu ngue eriqui nguiã mbia icua mbutia mbei esi.

Cristo mii aba icua mbutia

²³Dios chuchua ibi jenda quia rei echuchua ibatenda raanguia. Ibatenda quia rei etură tuchi ibi jenda și. Ibi jenda que Moisés șii șii mbae ruqui je embitirõ sacuã nda. Ibatenda quiatu que embitirõ eã mbae ruqui je ra. Cristo ruqui mii je quiatu que ra. ²⁴Dios chuchua ibi jenda que Cristo iqueã oso quera si mose ra. Dios chuchua ibatenda quiatu ngue esi nguiã ique cote. Hue eriqui ñee turã mbei Dios je nanderii huee. ²⁵Sacerdote ique ique beite quia Lugar Santísimo co. Una vez al año ño eriqui nguiã ique ique bei huee. Mbae rii rii sacuã mbae ruqui je. Nguqui j e eã no nene. Cristo quiatu que mano mii nda. Nguqui que eichuse tuchi nande je ra. ²⁶Cristo que tu mii ibi ra. Mano mii sacuã nande je. Nandeicuã mbutiã sacuã. Mbae ua serí mose que eru mano aa ra. Mano nyiibei ibei ea equia co. 27 Sa mbia riqui mano mii no. Sa Dios riqui ecuata mee aquere no. ²⁸E_i si que Cristo mano aque mii no nda. Mbia icuã ja mbutiã sacuã esi. Cristo ra tu si íbii emo mose. Aque mose ra manoa mbia icua ndiquicharo cote. Uquiato mingo bei sacua nguiatu ra eru. Ae esaarõ arõ nguiã nae, ũquĩ mingo bei sacuã.

10 ¹Moisés chimbesa que mbia mingo turã eã ndaque ra. Mbia mundua ndua sacuã Dios riirĩ mano ndese chỗ ngue re. Ticuasu mbia quishĩ nyiibei ibei rei quia nae, ũquĩ nduqui que mbia mingo turã eã no nda. ²Ũquĩ mbia chiã mbitirỗ mbei mose, eĩ nda sacerdotes equishĩ

nyɨibei ɨbeɨ ãte rei. Eɨ nda ticuasu mɨi quishɨ ndei mbia mbitirõ ja sacuã. Eɨ nda mbia tesarei rei huɨicuã sɨ. ³Mbia ticuasu quishɨ nyɨibei ɨbeɨ mose, ũquɨ ngue embutesareiāte huɨicuã sɨ ra. Munduate quiatu que huɨicuã ndese ra. ⁴Ticuasu ruqui ra mbia ɨcuã mbutiã eã mbeɨ. Chivo ruqui abe no.

⁵Cristo ruqui mii nguiatu mbia icuã mbutiã nguiã esi co. Sã Cristo ñee Dios je siqui mose íbii no:

Ticuasu ruqui mbia mbitirõ eã mbeite quia ndeje co.

Nyebe que serete eremee seje ra.

Se mano sacuã mbia icuã nii.

⁶ Mbae raaque rei ji abe ndebiãte.

Ticuasu mbia quishi quishi nguia huiicua nii nae, uqui abe ndebiate no.

7 Nyebe ngue achee nguiã ndeje: "Ae ndebite nae, ũquɨ ndese seico sacuã no ngue achu nguiã.

Sã embesa ji riqui ñee serɨɨ no, ũquɨ ñee nguire que achu ra", ae que ndeje ra,

i que Cristo ngu je ra. 8 Nyebe Dios biãte riqui nguiã sacrificios. Mbia ticuasu quishi quishi mose huiicua nii. Mbae raaque rei ji abe ebiate no. — Ũquĩ jẽsaã saã, i raque Moisés chimbesa huĩ. 9—Ae ndebite nae, ũquĩ ndese seico sacuã ño ngue achu nguiã, sã Cristo i Dios je no. Mbia mbui sacuă sacrificios raă naa si cho ngue eru nguiă. Sacrificio mii tuchi que esaã u mano mbia icuã nii nda. Cristo ruqui mii ño mbia icuã mbitirõ mbei nguiã co cote. Sacrificio raã i i rocoi. 10 Ae Dios bite nae, ũqui ngue Jesucristo saã tuchi u ra. Mano mose mbia ja icuã nii. Mano mii tuchi que u ra. Nanderirõ mbei que nandeicuã si cote ra. 11 Sacerdotes riqui beite raque Dios chuchua ã. Ticuasu equishi nyiibei ibeite raque quia mbia icua mbutia sacuã ã. Ũquɨ nda mbia icuã mbutiã eã mbei. 12 Jesucristo quiatu que mano mii aque mose bei ra. Mbia icua ndiquicharo sacua no ngue re. Aquere eni ngoi bei Dios ribisho quiti nande je hue. ¹³Pe eñi ngoi beite Dios jii pee. Ererecua tuchi ra Dios rese cote. Uquiracua nda eteacuquia tuchi chee uquiatoã je cote. ¹⁴Sacrificio mii ngue esaã nda. Aque mii sacrificio je que uquiato chiã mbitiro ja bei ra. 15 Sã Espíritu Turã abe riqui ñee ũquĩ no:

¹⁶ Ae contrato ra asaã je judíos je nae, ã ndei e ã:

Sechee nda amii tuchi echiangui re.

Sechee nda amii tuchi eaqui ndese no.

¹⁷ Atesarei bei ra eicuã si,

i que Espíritu Turã nda. ¹⁸Dios nandeicuã mbutiã mose, mbae mo nandequishī aroneate quia nandeicuã ndiquicharõ ã cote.

Dios nandesiichã na

¹⁹Nande abe quiatu Dios nandesiichã tuchi quia cote, Seresenda. Sã sacerdote ique Lugar Santísimo no. Eĩ nande si quiatu quia siquicheã ique

Diósaa. Jesucristo ruqui rii nandeique Diósaa. 20 Cristo rete rei cortina mbucheseco ji rã. Cristo rete mano mose, cortina abe que embui ra. Nyebe nandeico ique arõte Dios rea Lugar Santísimo ã cote. Cose ndare rã eã tuchi chỗ cote re. ²¹ Jesucristo mii ndei sacerdote tuchi nande je cote. Dios quiato ja je cote. ²²Diósaa ra nandesiquicheã ique oso cote. Nandechiã turã no nandeico oso Dios riichã. —Dios ra nandeisi turã, nande cho nguia nandechiangui re. Cristo quiatu ngue nanderii rii nguiã nguqui je nyii. Nandeicuã mbutiã sacuã nande si. I turã je que nandeirei ra. ²³—Taemingo bei, i que Dios nande je ra. Ñeende ũquĩ nda ucheẽ mbuchebiã. Nyebe nandeico quiatu quia ñee: —Dios ra nandemingo bei uchee nguire, i. 24Sã Cristo mbae raã ja tuchi nande je no. Ei nande sí cho nguia siqui tura nyue. Nandenongue nandembuchesecua tura nguiatu quia nyiese. Mbae tură nandesaă uquia bei quiatu quia nandenongue je. ²⁵Cristo quiato ñumunua nua mose, nandetesareiã mbei quiatu quia ñumunua nua. Sã emo emo ndiqui ñumunua nua eãte no. Cristo nandechosei uguia uguia bei guia nanderesenda je. Achite guiatu Cristo ñi nguiã tu a.

26—Mbae icuã tasaã, nande i i mose Jesucristo icuare, emo nda manoa nandeicuã ndiquicharõ cote. ²⁷ Ũquĩ mose, mbae icuã nda nandesaã tuchi. Ũquĩ mose, nandeso chee ra tata cuásuu no. Huee ra Dios ucuãyãsa nyoi ja. ²⁸ Sã mbia Moisés cheẽ mumbasa iquia iquia cose no. —Uremae ngue echeẽ mumbasa rese ra, i mose mbia nyeremo, echeẽ mumbasa que mbia iquia cote ra. Mbia que etiisu isu eã tuchi eiquia ra. ²⁹ Dios riirĩ ucuãyãsa quia ra mbae rasi saã tuchi ũquĩ si. Cristo ruqui ucuãyãsa abe no. Ae Espíritu Turã isiteã teãte quia nae, ũquĩ abe no. Cristo ruqui je quiatu ngue Dios ũquĩ mii ndei nguiã icúe. ³⁰ Sã Dios ñee no: —Se ra mbia icuã asibishorõ mbae rasi je, sã i no. —Dios sí ra mbae rasi saanguquia ngũimba je, erimba icuã mose ee, i abe que embesa ji huĩ nda. ³¹ Ae ra Dios mbasi eicuã nii nae, mbasi tochi eã ndae. Aba mbusiquiche tuchi chỗ ũquĩ nde.

³² Jē Jesucristo icua ramo mose que mbia mbae rasi saanguquia tuchi rei jēje ra. Jēingo turā mbei chō ngue equia Dios rese ra. Jeñimbirācuā mingue que equia aque mose ra. Ūquī ndese jendua jiri ae. ³³ Mbia que ñee icuā icuā tuchite quia jemo je ra. Mbia que mbae rasi saanguquia tuchi quia jemo je no nda. Mbia tubiriā ndésaa. Jēataque abe ia eā ndasi tuchi que eriqui erese ra. Jēingo tochi tuchi que equia aque mose ra. ³⁴ Jēya eāte que eriqui mbia tarō ji rese ra. Mbia jembae rirō ndirō mose abe chee que jēyate riqui Dios rese ra. Jēirandute quiatu que equia jembae turā ibatenda rese ra. Jembae ibatenda quiatu ra ua eā mbei. ³⁵ Dios jēicua bei quiatu quia aque mosenda rā mbei. Ūquī mose ra Dios mbae turā tuchi mee jēje. ³⁶ Ae Dios bite nae, ūquī ndese bei chō jēingo. Ae mbae turā nda Dios mee jēje nae, ūquī jēsaarō arō mingue chō nguia

cote. ³⁷Achite Jesucristo ñi tu a. ³⁸Ae chiã Dios mbitirõ nae, Dios icuate quiatu que equia ra. Nyebe ra siqui bei Dios rese. Ae ra hui Dios si nae, Dios ia eã tuchi ra erese. ³⁹Nande quia ra nandehui eã mbei esi. Ae ra hui esi nae, ũquĩ nda Dios mbutiã. Nande quiatu Dios nandeicua tuchite nguiã ã. Nyebe ra nandemingo bei.

Ae Dios icua

11 ¹Emo Dios icua mose, ¿mbae chỗ ũquĩ ña? Ae Dios icua nae, ũquĩ nda ñee. —Ucheẽ nguire ra Dios mbae mondo seje, i rae. —Ae asaarõ arõ nguia nae, ũquĩ nda emondo seje ucheẽ nguire no, i ra eno. Mae eã ndaque erese. ²Dios quiato cose ndare que Dios icua tuchi quia ra. Nyebe mbia riqui nguiã jirandu jate erese. ³Dios que mbae chao ja cose mbae eã mose ra. Mbae mo je eã ngue mbae ao ra. Ucheẽ achỗ je chỗ ngue mbae ao ra. Nande Dios icua mose, ã abe nandeicuate quia ã. Nandemae ãte raque erese.

⁴Abel que Dios icua ra. Nyebe que Dios eisi turã nda. Ofrenda turã ngue emondo Dios je ra. Embae ofrenda que eturã tuchi Caín mbae si ra. Nyebe Dios embae ofrenda isi turã nguiã. —Co eturãte riqui seje co, nyebe Dios i nguiã Abel nii. Nyebe mbia riqui nguiã jirandu jate Abel rese. ⁵Enoc que Dios icua ra. Nyebe Dios ererao nguiã ibate emano mose rocoĩ. Mbia mbuate que eoreã cote ra. Dios equerao quiatu quia ibate reaẽ. —Co eturãte riqui seje co, i quia Dios quia Enoc nii nyii reaẽ. ⁶Emo Dios icua eã mose, ũquĩ nda Dios isi turã eã mbei. —Co Dios reco riqui co, sã i quiatu nyii. —Emo Dios riichã mose, Dios turãte ra ee, sã i quiatu no. Aquere quiatu ra Dios eisi turã cote. ⁷Noé que Dios icua ra. —Ama nda uchi, mbae ati ja chee, i mose Dios, "eno" i que Noé Dios cheẽ mose ra. Mae eã ndaque erese aque mose. Arca que esaã Dios cheẽ nguire ra. Nguiirĩ mingue sacuã eye. Mbia ataque que Dios icua eãte quia ra. Noé mii ño ngue eicua quia ra. Nyebe Dios Noé isi turã nguiã.

⁸Abraham ngue Dios icua ra. Nyebe Dios cheẽ mumbayã nguiã. Dios que ñee ee ra. —Eso rã a sɨ. Ibi mo tamee ndeje mámbɨɨ, i que Dios ee ra. Abraham ngue Dios cheẽ mumbayã oso ra. Ae quiti esi nae, jiranuate raque erese nyii. ⁹—Ibi mo tamondo ndeje, i Dios quia Abraham je nae, huee que eriqui huee cote ra. Ibimo tuchi que ee hue ra. Tei ñetẽ quire chỗ ngue eriqui riqui bei huee ra. Nguiirĩ ndese. Isaac. Jacob abe no. Ũquĩ je abe que Dios ñee nda. —A ibi tamondo jẽ abe je, i. ¹⁰Abraham quiatu que Dios icua tuchi quia ra. Nyebe ñee nguiã. —Aico chee ra sucha tubiriã túraã. Hue ra ua eã mbei, i que Abraham ndua ndua Dios recua rese ra. ¹¹Abraham ninisi abe que Dios icua ra. Sara, i equia ee. Nyebe que nguiirĩ ndea Dios cheẽ nguire ra. Ari tuchite rei que ae ra. —Dios ra seriirina mee seje ucheẽ nguire, i quiatu que equia Dios icua ra. ¹²Amei tuchi raque Abraham, Dios eriirina mee mose ee. Mbia tubiriã i

tuchi cho ae cote re. Contar i ja aronea tuchi cho erucucha je cote re. Sa nyasitata tubiriate riqui no. Sa ibi quiishi tubiriate riqui no.

¹³ Ũquĩ ngue mano ja Dios mbae mondo ja eã mose ee ra. Ae je "co tamondo jẽje" i Dios ee nae, ũquĩ ndurubi quíã ño ngue mano nda. —Dios ra emondo ure je uremanonde, i que eyate quia ndua ndua ũquĩ ndese ra. Ũquĩ nguiatu que Dios icuate quia ra. —Nandeico mbirĩ ndaque equia íbii ã. Ibatenda chỗ nande re, ite que equia eicua ra. ¹⁴Emo ñee mose ũquĩ, siqui sete quiatu nguiã Dios récuaa. ¹⁵ Ũquĩ ndua ndua mose nguecua rese nda nyoi si nyebi re chã ae. ¹⁶—Nanderecua turã nguiatu nandetea, ite que equia ra. Dios recua je chỗ ngue eriqui nguiã ñee. Nyebe Dios ireĩ ireĩ eã nguiã esi. Dios bite "Paba" i mose ee. Dios ũquĩ ndecua turana quereco co.

17—Ma Abraham secheẽ mumbayã, i que Dios Abraham nii nda.
—Nderiirĩ eiquia rã sacrificiorã, i que Dios ee ra. Abraham ngue Dios icua tuchi ra. Nyebe ngue "Isaac taiquia" i rei nguiã nguiirĩ mii nii. 18—Isaac nda tiirĩ tuchi ndeje, i rei que Dios ee nyii ra. 19 Abraham ngue Dios icua tuchite quia ra. —Dios seriirĩ mbuquera arondete se eiquia mose nyii, i que ndua ndua uchiangui re ra. Abraham nguiirĩ iquia serĩ mose que Dios eo isi ra. Abraham Dios cheẽ mumbayã mose, nguiirĩ iquia raanguia chõ ngue re. Dios embuquera si raanguia chõ ngue eno nde. 20 Isaac que Dios icua ra. Nyebe ñee nguiã nguiirĩ je. —Dios ra mbae turã saã jēje, i que Jacob je ra. Esaú abe je. 21 Jacob que Dios icua ra. Nyebe ñee nguiã José riirĩ ja je umano serĩ mose. —Dios ra mbae turã saã jēje, i que ee ra. Uchitochoquia rese que nyeco rei nyibi ñee turã Dios je ra. 22 José que Dios icua ra. Nyebe ñee nguiã israelitas je umano serĩ mose. —Dios ra jenderao a Egipto si. Sequiangue abe jendao a si, i que israelitas je ra.

²³ Moisés ru que Dios icua ra. Esi abe. Moisés ñetẽ mose que esi embuchemi tres meses ra. Ererecua eiquia eã sacuã. Moisés itâquiei turate quia ee re. Nyebe eru riqui nguia siquicheate ererecua si. Esi abe. ²⁴Moisé s abe que Dios icua quia aquere cote ra. Nyebe "Egipto jenda rerecua riirī nducucha eā se" i nguiā. 25 "Dios quiato rese taico se. Mbia icuã icuã ndaque ra seje. Dios quiatoã ndese ra aicoã", i que Moisés ucuasu mose cote ra. Mbae icuã ndese aba oote raque. Aba mbia mbiri ño ñene. ²⁶—Taico cho Dios rimba rese. Mbia ra sembasi mbasi raque Cristo rii, i que Moisés ra. Nyebe eriquía nguia Egipto jenda rerecua rese. Mbaecha tuchi raque ae. —Dios ra mbae turã mee seje, ite quiatu que Moisés ra. ²⁷Moisés que Dios icua ra. Nyebe esi nguiã Egipto si. Siquiche ate ererecua paama i si. Ñimbiracua tura mbeite que equia ra. Dios rese mae naanguia. Emo mae aroneate raque Dios rese. ²⁸Moisés que Dios icua quia ra. Nyebe pascua raã nguiã. Aque ramo ngue pascua ra. —Oveja ruqui je jeiquesa ja jesii sii. I nda ángel jendiirī i iquia ea, i que Moisés ñee mbia je ra. Angel que israelita riirī mo iquia eã tuchi cote ra.

²⁹Israelitas que Dios icuate quia ra. Nyebe echoi nguiã Ama Ndisha Ireã ndasa. Ama iru raanguia que etasa nyoi sobei ra. —Nande abe nandeso iasa emombita, i rei que Egipto jenda abe ra. I que tuchõ eati eiquia ja ra. ³⁰Israelitas que Dios icua quia Josué reco mose ra. Nyebe echoi nguiã sucha cuasu Jericó mama mama siete días. Nyebe Dios etaronda mbucoi nguiã ee. Muros i equia ee. ³¹Rahab abe que Dios icua ra. Ae ngu saã saã jate quia mbia je nyii nae, aque. Dios icua tuchi que cote ra. Nyebe manoa nguiã mbia uataque rese. Ae Dios cheẽ mumba mumba quia nae, ũquĩ ndese. Rahab que Dios quiato isi turã nda. Mbuchemi ngue ererecua icuã si ra.

32 ¿Aba rɨi abe ra aba ñee jēje re? Dios quiato tubɨrɨäte quiatu ñene. Ũguɨ asenei ja aroneate jēje. Gedeón. Barac. Sansón. Jefté. David. Samuel. Dios chee mbuchecuasa ja rɨi. 33 Ũqui ngue Dios icuate quia ra. Nyebe eriqui nguiã Dios chee nguire mbia mbuti tuchi guerra mose. Siqui tură ngue equia Dios chee nguire ra. Dios que siqui eres e uchee nguire ra. Dios que eteaquiatu quiatu bei quia nyacua mbaba mose abe ee ra. ³⁴ Ũquĩ ngue Dios icuate quia ra. Nyebe tata rendi erei eã nguiã. Tata sendi cao caote raque. Mbia tiquise rerequia requia mose erese, Dios que eteaquiatu quia ũquɨ mose no nda. Dios que uquiracua mee equiracua nea je ra. Dios que embuquiracua mbei guerra mose abe ra. Ganar i sacua. ³⁵Cuña abe que Dios icuate quia ra. Nyebe Dios eriirí ndaaque mbuquera sí nguiã ee. Emo emo abe que mbae rasi saãte quia Jesús rii nda. Hui sereate quiatu que equia esi ra. —Sã seiquia rei. Dios ra sembuquera si nguiã. Serete mbuchiicuabo turã ndae, i que equia ra. 36 Emo emo ngue ñɨmbirācuā nguia mbia ɨquia ɨquia chooño mose ee ra. Mbia eiruã nua mose abe no. O cuaacua mose abe no. Utarõ tarõ mose abe no. Hui eã mbei cho ngue Dios si ra. 37 Emo emo ngue mbia iquia iquia rei sita je no nda. Tiquise je abe que eriqui rei eiquia iquia ra. Emo emo ngue echisiamo tuchi ra. Mbae rasi je que eriqui ñimbiracuã tuchi ra. Eirao eã ndei que ra. Mbae ire acho no ngue eirao riqui ra. Hue jecho ngue eriqui aronea tuchi ra. Mbaecha reã ndei que ra. Mbia que mbae rasi saanguquia tuchi rei quia ee ra. Hui eã mbei que equia Dios si ra. 38 Ũqui ngue etură tuchi mbia ataque si ra. Hue jecho ngue eriqui aronea tuchi ra. Mbaecua re que eriqui uque uque ra. Emo emo mose que eriqui sita ibate no nda. Emo emo mose que eriqui turuquia ri no nda.

³⁹ Ũquĩ ngue Dios icua tuchite rei quia ra. —Mbae turã tamondo jēje,
i rei Dios quia ee nyii nae, mee jei eã ngue ee ra. Mee je quia ra ee cote.
⁴⁰ Ũquĩ mii je eã nda Dios mbae turã mee. Nanderese abe chô eriqui nguiã ndua ndua. Mbae turã nda emondo nande ja je cote, ũquĩ ndese.

Jesús mii ndese nandendua ndua

12 ¹Sã Dios icuasa tubiriãte cose no. Ũquĩ na ño nandeico nande abe Dios icua tuchi. Ae nandembuti mbuti quia Dios

si nae, ũquĩ si nandehui. Ae mbae icuã aba mbuchiishĩ arõte quia nae, ũquĩ si nandechiicuasẽ ño. Jesús mii ndui chỗ nandeico ngata. Nandechimbiracuã ño nguia siqui erese. ²Jesús mii ndese nandendua ndua. Ae riqui Dios icua uquia nande je co. Ae ra mbae saã ja nande je ucheẽ nguire. Mbae rasi que esaã tuchi ira rese ra. Emo mbucha mose i quia ira rese, aba ireĩte raque uquĩ. —Mbae rasi raande ra seyate cote, i que Jesús quia ra. Mbae rasi raande eñi ngoi bei Dios jii pe cote.

³ Jeñimondochote chĩ nda siqui mose Dios rese jẽ. Sã Jesús no. Mbia icuã icuã mose ee, ñimbirãcuã mbei que equia ra. Ñimondocho eã ngue ra. ⁴ Jesús mii ngue mano mbae icuã ndiquisã quisã sacuã mbia si ra. Jẽingo mose mbae icuã ndiquisã quisã, aba mo ngue jẽiquia eãte jẽ nguiatu ra. ⁵ ¿Embesa ji si jẽtesarei chỗ nde? —Seriirīte quia jẽ nde, ite Dios quia jēje co. Sã embesa ji riqui ñee ã no:

Seriirĩ, Dios mbae rasi saanguquia mose ndeicuã nii, ereisiteã teãchĩ nda jẽ.

Dios ñee mose ndeje ndeicuã nii, echee eisi tura ño.

⁶ Ae rese Dios nyesecua nae, mbae rasi ra esaanguquia ee eicuã mose. Ae Dios isi nguiirina nae, ũquĩ je ra ñee eicuã nii,

i que embesa ji huĩ ñee nda. 7Dios "seriirī" i tuchi quia jēje co. Nyebe eriqui nguiā mbae rasi raanguquia jēje jēicuā mose co. Sā mbia ja riqui nguiirī iruā eicuā mose no. 8Dios mbae rasi raanguquia eā mose jēje, eriiriā nguiatu rei jē. 9Sā nanderu ibi jenda riqui nandeiruā nua nandeñetē mose no. Nandembaaquiatu sacuā. Sā nandeico echeē mumbayā cote no. Eī nande sí chō Paba ibatenda je. Ae cheē nguiatu nandemumbayā tuchi. Ūquī mose ra nandereco siqui turā tuchi. ¹0Sā nanderu ibi jenda riqui nandembaaquiatu jua raque no. Nandeico turā sacuā aa íbii. Dios quiatu nandembaaquiatu turā tuchi nguiā nanderu ibi jenda si co. Nandechiā mbitirō sacuā ae rā si. ¹¹Dios mbae rasi saanguquia mose nande je, nandechosei chiāte raque. Erasite quia ñene. Aquere quiatu ra nandechimbitirō cote. Aque mose quiatu ra nandeya cote.

Dios chee nda jeisitea teachi je

¹² Jēo tomei jembirātā jiri ae. Jētima abe jembirātā jiri siqui sacuā Dios rese no ae. Jeñimondochoā jiri quia siqui Dios rese ae. ¹³ Jēingo tuchi quiatu quia erese. Ae ndua ata atate quia nae, i nda ūqui abe siqui tuchi chee erese chā. ¹⁴ Jēingo turā mbia ja rese. Dios rā si chō jēingo. Dios rā si nandeicoā mose, nandemae eā mbei ra erese. ¹⁵ Jenyiteaquiatu turā no nguia. i nda jemo Dios turā isiteā eā. Emo mbae icuā naa mose jēje, jētesarei chō esi. Jendua icuā icuāchī nda jenongue rii jē. Ūqui mose ra jenimbiicuā jate. ¹⁶ Jeninisi ae rese chō jēingo. Jemo nda siquichī emo ninisi rese jē. Dios mbae ra jēisiteā teāchī jē. Sā Esaú no. Aque que umbae

herencia mondo ja chỗ soo ñetẽ ndɨbɨshorỗ nda. ¹⁷ Aquere que "sembae herencia taisibe" ɨ rei nyeseo tuchɨ ra. "Bendecir ere rã seje", ɨ rei que ngu je ra. Eru que teã teã ño ee echeẽ mose ra. Nyebe Esaú nyeseo tuchɨ nguiã cote.

¹⁸Dios turã tuchi riqui jeje namo co. Mbia Moisés mosenda je si. Aque mose que mbia riqui titi titi i tuchi siquiche Dios si ra. Aque mose abe que sita ibate sendi sendi ee ra. Itondarute que eriqui ee ra. Ama ngue piriră piriră i tuchi quia ee aque mose ra. 19 Trompeta que nyuihuii ee no nda. Dios que ñee ee cote ra. Mbia que Dios chee ñandu sereate ra. ²⁰Dios quiatu ngue ñee nguiã nyii: —Emo oco mose sita ibate rese, ũquĩ jēiguia. Mbae guiaa riinda abe oco mose erese, ũguĩ abe jēiguia no. Sita je jēiquia. Jeñio no ae, i quiatu que Dios ee nyii ra. 21 Aba mbusiquiche tuchi que mae mose ũquĩ ndese ra. —Aico titi titi i tuchi esi co, i chee que Moisés abe ra. ²²E_i jenye eã ño jẽ nde. Dios jembusiquiche ãte quia jẽ co. Dios recua jẽsɨɨchã tuchɨ quia jẽ ã. Dios reco chuchua. Jerusalén naanguia ibatenda jesiicha tuchi quia je a. Angeles tubiria abe jesiicha tuchi quia ã no. ²³Dios icuasa ñiinda abe jesiicha nguia ã no. Úqui mbae nombres mbesa ji chi ibate pe. Dios abe jesiicha nguia a no. Ae ra Jesús quiatoã icuã tea tea ja emo mose. Mbasi ja rae. Jesús quiato mano je abe chỗ jẽsɨɨchã ɨchã nguia ã no. Ũquɨ ngue Dios mbuturã tuchɨ cote ra. Eɨcuã jiri jiriã tuchi chỗ cote re. ²⁴ Jesús abe chee jesiichate quia a no. Ae ruqui rii ngue Dios contrato yasu raã nande je ra. Ae ruqui rii rii ji jesiichã nguia ã. Ae ruqui quia rei eturã tuchi Abel ruqui si.

²⁵Dios riqui ñee jēje co. Echeẽ nda jēisiteã teāchĩ jē. Dios que mbae rasi saanguquia mbia je cose ra. Echeẽ nenei neneisa andu sereã mose a íbii. Ibatenda riqui ñee nande je co. Ae cheẽ nandechandu sereã mose, mbae rasi ra esaanguquia tuchi nande je cote. ²⁶Dios cheẽ mose que ibi nyere nyere aque mose coose ra. —Namo nda ibi ambuchere si no. Ibi mii ño eã nda ambuchere. Ibei abe ra ambuchere no. Aque mii nda ambuchere cote, i Dios quia co. ²⁷—Aque mii nda mbae ambuchere ja, i Dios quia co. Aque mose ra mbae ua ja Dios chiao. Ae ra siqui bei, ũquĩ achõ nda ua eã. Mbae ataque ra ua ja aque mose. ²⁸Dios rimba rei nande. Nyebe ra nande nandetiã aroneate. Gracias nande tuchi quiatu quia Dios je. Nandeico mingue chỗ nguia ee. Ũquĩ mose ra eya tuchi nanderese. ²⁹Mbia Dios cheẽ mumb a mose, Dios ra paama i tuchi ee. Tata rã tuchi chỗ Dios re.

Jenyesecua jenyiese

13 ¹Jenyesecua quia jenyiese jẽ. Nyiesenda chỗ jẽ nde. ²Mbia ngaẽ mose jenyuchúaa, jẽisi turã no nguia. Emo ngue ángeles mo isi turã uchuchúaa ra. Iranua ndaque erese. Mbia mo eriqui reĩ nguiã ee. ³Etarỗ ji rese jẽingo ndua. Mbae turã jẽsaã saã no nguia ee. Jẽtarỗ ji raanguia chỗ jẽ abe erese re. Ae je mbia icuã icuã ndiqui nae, ũquĩ je

jẽingo turã ño. Sã jẽ abe jendete riqui no. Sã jẽ abe jẽiruã nua arõte no. ⁴Emo siqui mose ngũinisi rese, ũquĩ Dios bite. Sã emo ngũinisi resechõ ño siqui. Sã eriquíã emo ndese. Emo siqui mose emo ninisi rese, Dios ra paama i tuchi ũquĩ je. Ae ninisi ãte riqui nae, siqui mose emo ndese, Dios ra paam a i tuchi ee no. ⁵Mbae isiquia rese ra jendua nduachĩ jẽ. Jembae mii ndese chỗ jẽya. —Jaendechayã mbei ra se, i quiatu Dios nguiã co. ⁶Ae bei jẽ. Dios ra nanderechayã mbei. Nyebe nandeico nguiã ñee:

Dios riqui beite serese co.

Mbia mo si ra asiquicheã, nyebe nandeico nguiã i ã.

⁷Jenderecua rese jeingo ndua. Ũqui no ngue Dios chee senei senei jẽje ra. Ũquĩ ndiqui Dios icuate ũquĩ. Eĩ jenye Dios icua jẽ abe ũquĩ na si. Ũqui nguia siqui turate nguia Dios rese ũqui. 8Ei mbei cho Jesucristo re. Cose mosenda bei. Namo abe chee. Ei mbei ra ae quia. 9Mbia jembaaquiatu ata ata mose, echee si jehui cho. Mbia jembaaquiatu chooño mose, echee si jehui cho no. Ae je mbia riqui mbaeiae i nande je nae, ũquɨ sɨ nandehuɨ mose, ũquɨ abe ra nandechɨä mbuquirācuā eã no. Nandechiu abe ra nandechia mbuquiracua ea no. Dios tura ae cho nandechiã mbuquirãcuã nguiã. 10 Jesús mii ngue mano nande je ra. Sacrificio rei ae mii nande je. Cose ndare rã eã namo cote re. Ticuasu ra mano eã nandeicuã mbutiã sacuã cote. Jesús ruqui mii ño nandeicuã mbutiã nguiã co cote. ¹¹ Sacerdote rerecua riqui ticuasu ruqui rerao rao Lugar Santísimo aque. Dios mbia icua mbutia sacua esi. Isho jiri sucha cuasu si echoi quia ticuasu roo rei rei aque. 12 Jesús abe que mbae rasi saã isho jiri sucha cuasu si ra. Mano tuchi que mbia mbitirõ sacuã nguqui je ra. ¹³Jesús que aba ireinguia saã tuchi ra. Nande abe nandesiquicheã nguiatu quia aba ireinguia raã erese. ¹⁴Nanderecua ibi jenda ra ua chõ. Dios ra nanderecuară mee nande je ibate. Ûqui nguia ra ua ea mbei. ¹⁵ Jesús que mano nande je ra. Nyebe nandecheẽ turã mbei quia Dios je. Sã nandechuru riqui ñee turã mbei erii. 16 Jēingo turã ño nguia mbia je. Jembae jemee mee nguia emo je. Ũquɨ Dios bite.

¹⁷ Jēingo turā jenderecua je. Echeē jemumbayā. Jenderecua riqui jendeaquiatu quiatu Dios je ūquī. —¿Jeteaquiatu turāte equia re? i chee ra Dios ee. Jenderecua cheē jemumbayā mose, eyate ra ūquī mose. Echeē jemumba mose, eya eāte ra jendese. Jē abe ra jēya eāte no.

¹⁸ Jeñee mbei quia Dios je urerii. Ureico tură sete equia mbia ja je ă. Ureico ndua icuă icuă eâte emo nii ă no. ¹⁹ Jeñee tuchi quiatu quia serii Dios je. i nda Dios semondo jei jendea.

Echee hui bei

²⁰Dios ae aba mombia nguiã. Dios ae que Jesús raaque mbuquera sɨ ra. Jesús ruqui rɨɨ ngue Dios ucheẽ yasu mee nande je ra. Jesús ruqui rɨɨ

ngue Dios embuquera no nda. Jesús rei oveja raarõsa rã. Nanderaarõ arõ mbei equia co. ²¹ Sã Dios riqui jembuquirãcuã tuchi. Ť nda jẽingo bei ae Dios bite ũquĩ ndese. Sã ae riqui tuchi nandechiangui re. Nandemingo tuchi sacuã ae ebite ũquĩ ndese. Jesucristo quiatote quiatu nande re. Sã mbia ñee turã mbei quiatu quia eriĩ. Amén.

²²Seresenda, aico co mbesa juate jembiirandu sacuã a. Secheẽ jemɨi tuchɨ rã jẽaquĩ ndese. ²³Aɨco jembiirandu Timoteo rese a. Etarõ iriã ndiqui namo co cote. Tu jeɨ mose serea, ae abe ra arao seso mose jendea. ²⁴Saludos amondo quia jenderequiasa je aque. Jesús quiato ja je saludos amondo quia aque. A Italia jenda saludos mondo quia jẽje aque. ²⁵Sã Dios siqui turã jẽ ja je. Amén.

LA CARTA DE SANTIAGO

Mbia icúe cúe jenda je Santiago uchee mbesa mondo

1 Santiago chõ se re. Dios rimba chõ se re. Jesucristo rimba abe chõ se re. Judíos Jesús quiato je chỗ aico nguiã ã mbesa mbesa. Judíos isúe cúe jenda je. Saludar ae chỗ nguiã ã mbesa jēje.

Dios mii ño aba mbaaquiatu nguiã

²Mbae icuã tã i mose jēje, jēya bei chỗ nguia, Seresenda. ³—Ma Dios icua tuchite, i mose mbae mo tã i jēje, jēingo tuchi chỗ nguia Dios rese ũquĩ mose. Jeñimbirācuã aquiatu sacuã. ⁴Jeñimbirācuã mbei chỗ nguia Dios icua. Ť nda Dios riqui jembitirõ tirỗ mbei jembuchiicuabo mingo. Ũquĩ mose ra jēturā tuchi cote.

⁵Jēingo turā aquiatuā mose, jeñee ño Dios je. Jeñimbirācuā aquiatuā mose, jeñee ño Dios je no. Ae ra jembaaquiatu. Ae ñee nguia Dios je nae, ũquĩ ja je ra mbae mondo tuchi. Ñee asi asi eā nda ee no. ⁶Jē ache i mose Dios je, "Dios quia ñene", jenye tuchi quiatu quia. —Dios ra emee ãte rei seje, i mose jemo, eicuāte ũquĩ. Ama ndebera rã ño ũquĩ nde. Sã quiririã ndiqui ama ndebera rerao turã eã no. Sã eriqui embuchebi chebite no. ⁷Ama ndebera rã emo siqui mose, Dios ra mbae mee eã ũquĩ je. ⁸Emo ndua ata ata mose, mbae mii mo ndese eriqui aroneate.

⁹Jesús quiato mo embae eã mose, sã eya tuchi chỗ siqui. Sequiatote ite quia Dios nguiã ee aque. ¹⁰Sã Jesús quiato mbaecha ia bei chỗ siqui, mbae icuã tã i mose ee. Sã eya riquíã umbae tubiriã ndese. Sã Dios rese quiatu eya riqui. Embae ua mose, sã eya riqui ũquĩ mose abe no. Mbaecha mbae ra siqui bei eã. Sã quiata uti riqui soỗ jeite no. ¹¹Tenda rasi mose ee, quiata ra ñimama. Euti abe ra uqui. Eturã eã mbei ra cote. Eĩ si ra mbaecha. Umbae tubiriã nyabe chỗ nda mano.

Mbae icuã tã i mose nande je

¹²—Ã esaã icuã, i mose emo jēje, ijēsaãchī nda jē! Jēingo mingue chō nguia ñimbirācuā. Jeñimbirācuā mose ra Dios mbae turā mee jēje.

Jemingo bei rae. —Ae nyesecua quia serese nae, ũquĩ nda amingo bei, i que Dios cose ra. ¹³—Ã esaã icuã, i mose emo jēje, Dios eã ño ñee nguiã jēje ũquĩ. —Dios que "ã esaã icuã" i seje ra, jenyechĩ nda jẽ. —Ã esaã icuã, i eã nda Dios emo je. Dios abe ra mbae icuã saã eã emo ñee mose ee. ¹⁴Aba chiangui renda icuã nguiarei mbae icuã osei uquia aba je. Dios eã ñene. ¹⁵Emo mbae icuã osei mose, mbae icuã naa arondete cote. Mbae icuã naa naa mbei mose ra Dios embasi cote.

16—Mbae icuã esaã, i mose emo jēje, Dios ñee eã nguiã jēje. —Dios chô ñee nguiã, jenyechĩ nda jē. 17 Ae mbae turã tuutu beite quia nande je nae, Dios chimondo chô ũquĩ nde. Dios quiarei eturã mbei tuchi. Eicuã jiri jiriã emo mose. Sã Dios tenda ao no. Nyasi abe no. Ũquĩ nguia nyiabi abi jiri nguiã. Dios quiarei nyiabiã mbei emo mose. Eturã mbei tuchi eriqui co. 18 Sã Dios riqui seriirĩ i nande je no. Nande echeë icua mose nandechiangui re. —Jē nane je aico seriirĩ i co, i que Dios nane je ra. Dios riirĩ tubiriã tuchi ra ngaẽ nanderui cote.

Dios chee jemumbaya no nguia eandu mose

¹⁹Dios quiarei etură tuchi. Nyebe echeĕ jeñanduse tuchi quiatu quia jē. Jendua quiatu quia ñee nonde. Paama jenye jei jei techɨ nguiã emo je. ²⁰Ae Dios bite riqui mbae nae, ũquɨ nandesaã aroneate nande paama i mose. ²¹Ae Dios ucheĕ mondo quia jeñiangui re nae, ũquɨ jĕisi tuchi quiatu quia. Jĕingo mingue chō nguia Dios cheĕ je jē. Aba mingo beisa chō Dios cheĕ nde. Ae mbae icuã ndese mbia riqui nae, ũquɨ icuã tubiriãte eriqui raque. Ũquɨ si jĕhui tuchi. Mbae icuã ja si jĕhui tuchi.

²²Dios cheẽ nda jeñandu chooñochĩ jẽ. Echeẽ jemumbayã tuchɨ quiatu jẽ. Emo Dios cheẽ andu chooño mose, ae sí chỗ ñimbɨirĩ irĩ nguiã aque. ²³⁻²⁴Sã emo ndiqui mae ñooño nguba rese espejo je no. Sã eriqui tesareɨ jeɨ chỗ nguba si no. Eĩ sɨ chỗ Dios cheẽ andu chooñosa re. Tesareɨ jeɨ chỗ nguiã Dios cheẽ sɨ. Echeẽ mumbayã ndocoĩ. ²⁵Dios cheẽ nguiarei aba mbuɨ tuchɨ mbae ɨcuã sɨ. Ae siqui tuchɨte quia Dios cheẽ ndese nae, ũquĩ ndese ra Dios riqui tuchɨ echeẽ mumbayã mose. Ũquĩ Dios cheẽ ñandu chooñoate quiatu nguiã. Echeẽ emumbayãte quiatu nguiã.

26—Dios quiato chõ se re, i raque emo. Uchuru rerequia chooñoa mose, Dios quiato raã ñooño ño ũquĩ nde. Ae sí chỗ ñimbiirĩ irĩ nguiã ũquĩ.
27 Ae Dios quiato chooñoa tuchi nae, ũquĩ ndiqui mbae turã naa naa ũquĩ. Ũquĩ ndiqui esi cheecha reaquiatute ũquĩ. Ũquĩ ndiqui eru cheecha reaquiatute ũquĩ no. Mbae eã mose eru cheecha mbae. Ũquĩ ndiqui ñimbiicuã icuã eãte mbae icuã mo je ũquĩ.

Mbia nandeisi tură ja cho nguia nyiabiă

¹ Jesucristo quiato chõ jẽ nde. Jenderecua tuchi chõ ae re. Nyebe mbia jẽisi turã ja chỗ nguia nyiabiã. ²Sã mbaecha mo ndiqui ngasẽ

jeñimunua mose jēje no. Huiirao turā ndesebe. Eo cuasa turā ndesebe oro. Sā mbaecha reā mo abe riqui ngasē jeñimunua mose no. ³Sā jēingo mbaecha isi turā no. Sā jēingo embucoi erenda turā tose no. Sā jēingo mbaecha reā mbucoi turā eā no. ⁴Eī jenye mose, jēisi turā ja eā ño nguiā ūquī. Jembuchiabi chō nguiā ūquī. Hue rī ja eā no jēingo nguiā mbia cuata mee ūquī. Jendua turā eā nochī nguiā ūquī. ⁵Secheē jenandu rā, Seresenda. Mbia mbaecha reā ngue Dios irabo ra. Dios icua tuchi sacuā. Ūquī ndese quiarei Dios o tuchi mbaecha mo si. —Ūquī nda siqui tuchi serese se ererecua tuchi mose, i que Dios nee nyii ra. ⁶Jē ngue mbia mbaecha reā jenguirirō tuchi ra. Eicuā eāte ūquī ndiqui raque jēje. Mbaecha quiatu eicuāte riqui nguiā jēje. Jembiirī irī no nguiā. Jenderao rao chō nguiā ererecua je, jē mbae mo mee mee sacuā ee. ⁿMbaecha chō nee icuā icuā nguiā Cristo riī. Nandererecua chō Cristo resē.

8—Sã ereico nyesecua ndechiese no. Eĩ ere si chỗ nyesecua emo ndese, i que Dios mbia je cose ra. Dios cheễ i tuchi chỗ ũquĩ nde. Nande ũquĩ ñee mumbayã mose, nandeico turã ndae. 9Nande mbia mo isi turã mose, emo isi icuã mose, eicuãte ũquĩ. Nande mbia isi chiabi abi mose, Dios cheẽ nandemumba chỗ nguiã ũquĩ. 10Dios cheẽ tubiriãte raque nande je echeẽ mumbayã sacuã. Nande echeẽ mii mo mumba mose, echeẽ ja mumba raanguia chỗ ũquĩ nde. Echeẽ ataque mumbayã ndaque. 11Dios cheẽ tubiriãte. —Jẽingochĩ nda emo ninisi rese, i que ra. —Mbia mo nda jẽiquiachĩ, i que ae si ñee nda. Nande emo iquia mose, echeẽ nandemumba chỗ nguiã ũquĩ. Nandeicoã ndaque emo ninisi rese. 12Dios cheẽ ngue nandembui mbae icuã si cote ra. Nandechesecua sacuã mbia rese. Nyebe nandeico turã mbei chỗ nguia mbia je. Dios quiatu ra nandecuata mee tuchi emo mose cote. 13 Ae eya eã eãte riqui emo ndese nae, ũquĩ ndese ra Dios ia eã eã nandecuata mee mose. Nandeya eã mose emo ndese, ũquĩ mose ra Dios nandembasiã.

Nande Dios îcua mose, mbae tură abe nandesaă ño nguia

¹⁴Sã emo ndiqui ñee no. —Dios aɨcuate quia co, ɨ. Ûquɨ mbae turã naa eã mose, ũquɨ nda Dios sirõ eã mbae ɨcuã sɨ. Dios ɨcua chooño ño ñene. ¹⁵Sã Jesús quiato mbaecha reã mo ndiqui ngasẽ jēje no. Sã eɨrao eã ndiqui no. Sã echɨurã mo eã ndiqui no. ¹⁶Sã jemo ndiqui ñeeño ee no. —Nde ae chö ndechɨurã etea. Nde ae chö ndeɨraorã etea. Eso turã ño, ɨ jemo ee. Mbae mo mee ndocoɨ ee. Jeñee ɨru chooño ño nguiã ee ũquɨ. ¹⁷ Jēɨngo turã eã mose emo je, Dios jēɨcua chooño ño nguiã ūquɨ. Jē Dios jēɨcua mose, mbae turã jēsaã jiri ae.

18 Sã emo ndiqui ñee no. —Dios aicuate quia co, i. Sã emo ndiqui ñee no. —Mbae turã asaã saã nguia co. Dios aicua chooño eã nguia co, sã emo ndiqui i no. Jẽ Dios icua mose cmañi ae ra jēicua mbae turã naa naa eã mose re? Se quiatu mbae turã asaã saã nguiã co. Nyebe ra mbia "eriqui

Jesús icuate co", i serii. 19—Dios mii ño siqui nguiã co, jenye chỗ nguiã ũqui. Eturate raque ũqui. Aba checuayã abe riqui ñee ndaque Dios mii nii co no. Siquichete esi ñee ndaque erii. 20 ¿Mbaera jearacuaya tuchi riqui re? Emo mbae tura naa naa ea mose, Dios icua chooño ño nguiã ũqui. 21 Sã nandei Abraham no. —Nderiirî emee seje, i mose Dios, Abraham ngue echee mumba ea nda. Nyebe Dios Abraham isi tura mbei nguiã. 22 Abraham ngue Dios icua chooño ea nda. Mbae tura ngue esaa saa mbei quia Dios icua mose ra. Dios chee ngue emumba ea nda. Nyebe nandeico nguiã ñee. "Abraham Dios icuate", i. 23 Sã embesa ji riqui ñee no:

Abraham ngue Dios icua ra.

Nyebe que Dios eisi turã mbei ra,

i que embesa ji ra. Ũquĩ ngue ique tuchi cote ra. Nyebe "Dios Quiato" i nguiã Abraham je. ²⁴Emo Dios icua chooño mose, Dios ra eisi turã eã. Emo Dios icua tuchi mose, sã mbae turã abe raã naa. —Dios icuasa, i nda mbia ee cote chã. ²⁵Sã Rahab cose no. Cuña icuã. Siqui ata ata bei mbia rese. Aque que Josué chimondo isi turã nda. Mbuchimi turã ngue mondo mbia icuã si ra. Nyebe Dios Rahab isi turã nguiã. ²⁶Sã nanderete no. Umi umi eã mose, "eraaque" i chỗ mbia nguiã ũquĩ je. Ũquĩ na ño mbia mo ndiqui nguiã ã. Mbae turã naa eã. Nyebe nandeico nguiã "Dios icuayãte" i ee ã.

Cochee cho nandechuru nandereco

3 1—Mbia mbaaquiatu quiatu sacuã se, ijenye jaaja techĩ nda equia jẽ! Emo emo mɨi ño. Mbia ra mae tuchɨ urerese. Urecuata ra emee tuchɨ. Mbia mbaaquiatu quiatusate quia ure re. ²Dios cheẽ nandechabi chabi chō nguiã nande ja ã. Emo uchuru rerequia turã mose, nguete ja abe rerequia turã ño nguiã ũquĩ. ³Sã nandeico freno mɨi ticuasu churu rese no. Nandecheẽ mumbayã sacuã ño ũquĩ nde. Sã freno ñetẽ je chō nandeico ticuasu rete rurucuata nandenduasa quiti no. Ticuasu rete cuasute raque. ⁴Sã lancha cuasute raque no. Sã quiririã quirãcuãte riqui raque ee no. Ira ñetẽ je chō echa riqui nguiã embucuata turã unduasa quiti. ⁵Eĩ ño nandechuru nguiã. Nandechuru mbae saã ata ata chō nguiã. Eñetēte raque. Sã tata ñetēte raque no. Mbae ra esei ja tuchɨ oso quia.

⁶Tata rã ño nandechuru re. Nandechuru quiarei mbae icuã ñumumbara raã uquia tuchi nande je. Nandechuru icuã na eãte nanderete resenda mo. Nandechuru chỗ nanderete mbiicuã ja nguiã. Nandechuru chỗ nandereco rerequia icuã mbei nguiã. Aba checuayã ño nandechuru rerequia icuã nguiã no. ⁷Sã nandeico quiaa riinda mo mbuseteã arỗte raque no. Ae mbebe quia nae, ũquĩ abe nande mbuseteã arỗte raque. Mbei abe nandembuseteã arỗte raque. Ae siqui ama ñi nae, ũquĩ abe nandembuseteã arỗte raque no. Ũquĩ ja que mbia mbuseteã emo mose ra. ⁸Nandechuru quiatu nandembuseteã aroneate nguiã. Nandechuru icuã nguiatu nandembuquiriri aroneate nguiã.

Mbei tasi je rã tuchi chỗ nandechuru riqui nguiã nande je ã. ⁹Nandechuru je nandeico ñee turã ndaque nanderu Dios je. Nandechuru sí je chỗ nandeico nguiã ñee icuã mbia Dios chiao je cote. Ae rã sí raque Dios mbia ao. ¹⁰Nandechuru sí je nandeico ñee turã ndaque. Ñee icuã abe no. Ũquĩ Dios biãte, Seresenda. ¹¹Sã icua riqui no. I turã mose, eturã ja bei chỗ ñene. I reẽ mose, ereẽ ja bei chỗ eno nde. I chumumbara chĩ aroneate icua mii ye. ¹²Sã isio riqui ia eã ira a mo no. Isio a bei chỗ nda ia nguiã. Ira mo nda ia eã enongue a no. Ea sí chỗ nda ia nguiã no. Sã nandeico i turã ndea eã i reẽ mbirỗ no. Hue icua mii ye ra eñi ja eã. Eĩ si chỗ nandechuru no nde. Nandecheẽ ñumumbara mose, eicuãte ũquĩ.

Ae je Dios uaquiatu mee nae

¹³ Jemo aquiatu mose, sã eriqui mbae turã naa naa mbei. Sã eriqui tochi bei no. ¹⁴—Paama jenye checuayã mose jenyue, jëaquiatu jësaã ñooño ño nguiã ũquĩ no. Jeñee ñooño ño nguiã ũquĩ. Dios cheë ndui eã tuchi cho ũquĩ nde. ¹⁵ Eĩ jenye eã nda cote, Dios uaquiatu mee mose jēje. Paama jenye checuayã mose jenyue, Dios rã eã ño jẽ nde. Dios quiatoã nyisaã na ño ũquĩ nde. Aba checuayã nyisaã na ño ũquĩ no nde. ¹⁶ Mbia ndua eã mose emo ndese, eicuãte ũquĩ. Mbia paama i checuayã mose nyue, eicuâte ũquĩ no. Ũquĩ mose ra mbia siqui turãyã nyue. Mbae icuã icuã mbei ra ee. ¹⁷ Dios uaquiatu mee mose nande je, nandechiã turãte ra cote. Nandechiã nda ngoite cote. Cocheete ra nandeico cote. Emo ñee nda nandemumba eãte cote. Nandeya eã nda mbia rese cote. Mbae ra nandesaã turã mbei quia cote. Nandendua ata ata eã nda cote. Nandecheë nyecuate ra eriqui mbia je cote. ¹⁸ Nande mbia nandemingo turã mose nyiese, nandechiã turã nda nandeico cote.

Ae mbae icua quiatote nae, Dios quiatoa no uqui nde

4 ¹¿Mbaerã ño jẽingo nyao nyiese chã? ¿Mbaerã ño jẽingo ico icuã icuãte nyue chã? Jeñiangui renda icuã nii ño ñene. "Se chỗ jẽ", jenye jaaja quiatu nguiã mbae icuã osei osei. ²Jembae eã jenyosei choseichĩ nguiã ã. Jẽ ererequiayã mbei mose, mbia jẽiquia arỗ ñochĩ nguiã ã. Mbae jenyosei chosei chốchĩ nguiã ã. Nyebe jẽicuã icuã mbeite riqui nguiã jenyue ã. "Embu seje", jenye âte quiatu nguiã Dios je. Nyebe jẽingo nguiã eisiã. ³"Embu seje", jenye mose Dios je, "embu seje" jenye icuã icuã ño nguiã ee ã. Mbae mumba chooño sacuã ño jẽingo nguiã "embu seje" i Dios je ã. Nyebe Dios riqui nguiã emee eã jẽje. ⁴Sã cuña mo ndiqui hui ngu si no. Eĩ jenye si chốchĩ nguiã hui hui Dios si ã. Ae Dios biãte nae, jẽ ũquĩ osei osei mose, Dios quiato aronea ño jẽ cote re. ¿Mañi jenye quia ũquĩ icuayãte re? ⁵Sã embesa ji riqui ñee ñooño ãte no:

Espíritu Turã Dios mee nguia nandechiangui re nae, aque riqui ngueteãte nanderese co.

Nandeico sacuã Dios mii ndese,

i que embesa ji ra. 6 Dios tură i ite riqui nande je co. Să embesa ji riqui ñee no: Ae ucuasu saă saă nguia nae, Dios riqui ũquĩ ndiquisăte co. Ae siqui tochite quia nae, ũquĩ je quiatu Dios tură i ite riqui nguiă co, i que embesa ji ra. 7 Jẽingo tochi chö nguia Dios je. Aba checuayă jẽsiquisă ño nguia jenyesi. Ũquĩ mose ra uchă jẽsi cote. 8 Dios jẽsiichă tuchi quiatu quia. Ũquĩ mose ra Dios abe jendiichă tuchi. Jẽingo mose mbae icuă ndese, jẽhui chŏ esi. Jendua ata ata mose, jeñia jembitirŏ ño. 9 ¿Mbaeră jẽingo iquia iquia mbae icuă naa mose re? ¿Mbaeră jẽyate riqui mbae icuă naa mose re no? Jenyeseo quiatu quia jẽicuă nii. Jẽya eã nguiatu quia jẽicuă ndese no ae. 10 Jẽingo tochi chŏ nguia Cristo je. Aquere quia ra ae jẽturã mbuchecua mbia je cote.

Nandechee icua ea emo nii

¹¹ Jeñee icuãchĩ nda emo nii, Seresenda. Dios cheẽ mumba chỗ ũquĩ nde. —Jenyesecua chỗ nguia jenyiese, i que Dios ra. Jẽ Dios cheẽ mumba mose, "Dios cheẽ icuã" i raanguia chỗ ũquĩ nde. "Dios cheẽ icuã" jenyechĩ nda echeẽ mumbayã ndocoĩ jẽ. ¹² Dios ae chỗ mbia cuata mee nguiã co. Dios mii ño ucheẽ mondo nguiã nande je. Nande echeẽ mumbayã sacuã. Dios ae chỗ aba rirõ nguiã aba icuã si. Dios ae chỗ nda aba mondo tata cuásuu no. Nande quiarei emo cuata nandemee aroneate.

Mbae mo tasaã isamami, nande aroneate

13 Sã nandemo ndiqui ñee no. —Taso mbae mo naa naa pee. Taico are tuchi pee. Mbae mo isi sacuã icua. Tenda nongue mose ra achube, i no. Ndua rane eã Dios rese. 14 Ũquĩ Dios biãte. Nandeiranuate mbae mo ndese. Mbae mo tu arondete tã i nande je. Isamami nandemano arondete. Shimbo rã ño nande re. Sã shimbo riqui quiachã jeite no. 15—Mbae mo tasaã, nandechĩ nda nande ae ndua mose rocoĩ Dios rese jẽ. —Dios eno i mose seje, ũquĩ mose quiatu mbae tasaã, nande quiatu quia. 16 ¿Mbaerã jẽingo tesarei Dios si re? ¿Mbaerã jẽingo "se ae mbae tasaã" i re? Jenguasu jẽsaã saã ño nguiã ũquĩ. Eicuãte ũquĩ. 17 Ae mbae turã icuate quia nae, sã ũquĩ ndiqui mbae turã naa mbei. Mbae turã naa eã mose, eicuãte ũquĩ cote. Dios biãte ũquĩ cote.

Santiago ñee asi mbaecha je

¹Tacheẽ mbaecha je cote. Jẽya eã ndasi ra jẽsaã tuchi cote, mbaecha. Jenyeseo tuchi quiatu quia. ²Jembae ra ua ja tuchi cote. Chicuaquiarĩ nda jẽirao ua tuchi. ³Jembae mbae isiquia ra quiachã ja cote. Jembae mbae isiquia rã nda jẽ abe jẽquiachã tuchi cote. Mbae isiquia rese chỗ jẽingo nguiã ndua. Dios rese ndua rocoĩ. Mbae isiquia jemunua nua tuchi chỗ nguiã Dios jembasi sacuã ã cote. ⁴Mbia que

quiei quiei rei quia jēje resē. Mbae que jemondo turā turāyā nguia jembae ishao shaosa je resē. Ūquī Dios mbiirandu raanguia chō nguiā jenii. Nyebe ra Dios jembasi uquirācuā je. 5Sā ticuasu riqui quiaru bei ñimbuquira no. Eiquia nonde. Eī ño jē nde, mbaecha. Jembi rese chō ngue jēingo bei quia ra. Jēquiaru chooño mbei que equia ra. Siqui rocoī Dios rese. Nyebe ra Dios jembasi cote. 6Jē ngue mbia turā jembasi mbasi quia ra. Jē ngue mbia turā jēiquia iquia quia no nda. Mbae icuā mo esaā eāte raque jēje. Nyebe ra Dios paama i tuchi jēje, mbaecha.

Jesucristo jesaaro aro mingue cho nguia

7 Jesucristo ra tube íbii, Seresenda. Jēsaarō arō mingue chō nguia. Sā mbia riqui ama nyaaqui raarō arō mingue no. Mbae tiquia nonde no. Aquere ra eriqui minguebe umbae raarō arō no. Eucua ucua nonde. ⁸ Eɨ jenye chō nguia Jesucristo raarō arō mingue jē abe. Jeñimbirācuā ño nguia Jesucristo raarō arō. Achite eñi tu a cote. ⁹ Jeñee icuā icuāchɨ nda jenyue, Seresenda. Ūquɨ mose ra Dios jembasi. Namo jiri ra Dios mbia icuā mbasi. ¹⁰ Jeñimbirācuā mingue chō nguia. Sā Dios cheē mbuchecuasa mbia cose ndare no. Sā ñimbirācuā mingue mbia icuā mose ee no. ¹¹ Ae ñimbirācuā mingue quia nae, ūquɨ je chō Dios turā ndiqui nguiā. Sā Job cose no. Ñimbirācuā mingue tuchɨ que equia ra. Aquere que Dios turā tuchɨ riqui ee cote ra. Ūquɨ jēicuate quia ã. Eɨ sɨ chō Dios turā tuchɨ nguiā mbia je co.

¹²Ã abe jeñandu tuchi. Jeñee ñooñochĩ nda jẽ. Jurar jenyechĩ nda emo mose jẽ. Ibatenda riĩ. Ibi jenda mo nii abe no. Mbae ja mo nii nda jurar jenye jirichĩ jẽ. Eno jenye mose, ũquĩ mii mbei chố jeñee. Tei jenye mose, ũquĩ mii mbei chố jeñee no. Eĩ jenye mose ra Dios ñee asiã jēje.

13 Jemo ia eã mose, sã ñee Dios je. Jemo ia mose, sã irasei rasei Dios je no. 14 Jemo ndasi mose, sã "jenyu" i Jesús quiato rerecua je. Sã ũquĩ ñee Dios je erasi riĩ cote. Sã mbae quira mo quiti erasi ãquĩ ndese Jesús riĩ. 15—Jesús ra embucherõ, i mose uchiangui re ñee mose Jesús je, mbucherõ ndae. Erasi mbae icuã naa mose nyii, ũquĩ nda embutiã esi no. 16—Mbae icuã ngue asaã eã nda, jenyechĩ nda jē. —Mbae icuã ngue asaã nda, jenye quiatu quia jenyue. Jeñee quiatu quia Dios je jenongue riĩ. Ũquĩ mose ra Dios jembucherõ. Emo turã mo ñee tuchi mose Dios je, Dios ra mbae turã saã tuchi ee. 17 Sã Elías no. Nande rã si chỗ ndaque Elías. Sã ñee tuchi Dios je ama mbuchaaqui eã nonde no. Nyaaqui eã mbei que cote ra. Tres años y medio chee que ra. 18 Aquere que Elías ñee Dios je cote ra. Ama mbuchaaqui sacuã cote. Aque mose que nyaaqui cote ra. Mbae que suri ja cote ra. Mbae ia ja chee no.

¹⁹Emo icha mose Dios si, sã enongue embuchebibe mingo Dios rui sí.
²⁰Nde mbia mo mbui mose huiicuã si, eresiquisã quisã ño nguiã eso eã sacuã tata cuásuu ũqui. Dios ra eicuã mbutiã esi cote.

PRIMERA CARTA DEL APOSTOL SAN PEDRO

Pedro uchee mbesa mondo Jesús quiato ishonda jaaja je

1 Pedro cho se re. Jesucristo chimbaaquiatu cho se re. Aico a mbesa jeje a. Isho isho jendeco mose jendecua si. Ponto jenda je. Galacia jenda je. Capadocia jenda je. Asia jenda je. Bitinia jenda je. Je ja je aico a mbesa a. Dios que jeirabo umbaera nyii jea mose ra. Espíritu Tura ngue jemii icúe Dios mbaera cote ra. Je echee mumbaya sacua. Jesucristo ruqui jembitiro sacua abe jeicua si no. Sa Dios riqui tura i i tuchi jendese. Sa eriqui jembia i i tuchi no.

Dios ra mbae turã mee ja nande je

³Nandechee tură mbei quia Dios rii. Jesu cristo rute quia ae re. Ae que eya eãte riqui nanderese ra. Nyebe nandeisi nguiã mbiasu nguiirina cote. Dios Jesucristo raaque mbuquera mose, aque mose que nandembiasu nande abe ra. Nyebe nandeico nguiã ñee ã. "Dios chee nda io tură ja nande je", i ã. 4Dios ra nandemingo bei. Eriirīte quia nande re. Nyebe ra mbae mee ja nande je nandeico mose ibate. Mbae icuã ndese ra nandemae eã tuchi aque mose cote. ⁵Jēingo Dios icuate ũquĩ. Nyebe ae riqui nguiã jendeaquiatu tuchi uquiracua je co. Dios que mbae mbuquiche ja nande je ra. Nandererao sacuã ibate. Mbae ua ja mose ra nandererao ja ibate cote. Co eriqui raã nguiã nandereaquiatu co. 6 Nyebe jeyate riqui nguiã ũquĩ. Mbae rasi tu mbirĩ arõte raque jēje. ⁷Sã mbia riqui oro mbuchi no. Equía riro sacua esi. Ei no Dios nguia jeje co no. Je Dios icua tuchi sacua ño mbae rasi riqui re. Nyebe Dios jeicua. Mbae rasi raa naa ndaque. Etura tuchi chỗ ũquĩ oro si re. Oro quia ra ua emo mose. Jẽ nguia ra jẽhua eã mbei Dios icua mose. Jesucristo tu mose nda Dios ñee tură tuchi jenii ña. 8 Jēingo nyesecuate Jesucristo rese ũqui. Jemae eate raque quia erese ũquĩ. Jẽingo eicuate jeñiangui re ũquĩ. Jẽya tuchite riqui erese ũquĩ. ⁹Jēingo Jesucristo icuate ũquĩ. Nyebe ra Dios jẽaĩ mingo turã mbei cote.

443 1 PEDRO 1

10 Sã Dios cheẽ mbuchecuasa ñee cose no. —Mbia ra mae jee Dios turã ndese, i que ñee nda. Nanderiĩ ño ngue eriqui nguiã ñee. —Mañi nda Dios quia reae. Uturã je ra mbia mingo bei reae, i que Dios cheẽ mbuchecuasa ndua ndua cose ra. 11 Espíritu Turã ngue siqui quia Dios cheẽ mbuchecuasa chiangui re ra. Mbiirandu randu que equia Cristo riĩ nda. —Cristo ra mbae rasi saã tuchi. Aquere ra equirãcuã tuchi mbia rerecua mose ae cote, i que Espíritu Turã Dios cheẽ mbuchecuasa mbiirandu nyii ra. —Manosete ra ũquĩ ndeae. Aba riĩ eriqui "Cristo" i remi, i tuchi que Dios cheẽ mbuchecuasa quia ndua ndua ra.

Dios que jemii icúe umbaerã nda

¹²Dios que embiirandu ra. —Jẽ jẽtiamba quiatu ra Cristo mbae rasi saã mbia mingo bei sacuã. Jetiamba quiatu ra Cristo mbae rasi saã mbia namonda je. Mbia emo mosenda je, i que Dios ra. Nanderii ño ngue eriqui nguiã "namonda" i. Nyebe mbia riqui nguiã ũquĩ ja renei nenei jēje Cristo rii cote. Espíritu Tura abe riqui erenei nenei jeje co cote. Angeles abe ũquĩ icua sete raque quia Cristo riĩ ũquĩ. 13 Jendua tuchi rã nguia mbae raã nonde. Jētesa bei quiatu quia. Jesucristo tu mose, eturã tuchi ra ae jēje aque mose. Ũquĩ ndese quia jēingo bei tesa eraarõ. 14 Ae jenyosei chosei quia nyii nae, Dios icuayã mose nyii nae, ũquĩ ndese jẽingo ndua eã cote. Dios cheẽ jemumba eã ño nguia cote. 15 Dios quiarei jemingo icúe umbaerã tuchi. Nyebe jeingo turã tuchi ae rã si. 16 Sã Dios chee mbesa ji riqui no: —Jēturā no jēingo se rā si, i ni embesa ji re. 17 Ūqui jēingo "Paba" i Dios je ũquĩ. Nyebe jẽingo ireĩ ireĩ jiri esi jẽingo mose íbii. Dios ra mae nandechiao ja ja rese. Emo chiao rese ra mae eã eã. ¹⁸Nandei ñiinda que siqui chooño nguia cose ra. Dios rese siqui rocoi. Ei nande que equia nande abe nyii no nda. Dios que nanderiro uqui si cote ra. Dios que mbae isiquia mondo eã nanderiro sacua nandeicua si ra. Oro que emondo eã no nda. Plata abe no. 19 Cristo ruqui quiatu ngue nanderirõ nguiã nandeicuã si. Aba queteamba tuchi chỗ Cristo ruqui re. Cristo mano mose nande je que eruqui uchẽ tuchi ra. Sã sacerdote oveja turã ño iquia no. 20—Cristo ra mano mbia icua ndiquicharo, i que Dios nyii mbae ao nonde ra. Namo ño ũquĩ io nguiã jēje cote. Namo ño Cristo mano nguiã jēje cote. ²¹ Cristo chō Dios icua uquia nguiā jēje ūquī. Dios chō ngue Cristo raaque mbuquera nguiã. Dios cho uquiracua mee nguia Cristo je. Nyebe jeingo nguiã Dios icua uqui cote. Nyebe jeingo nguiã nee. "Dios ra nandemingo bei ibate" i ũquĩ.

²²Dios cheë jëisi turä mingo ũquɨ cote. Nyebe jeñia mbitirö nguiã mbushĩ cote. Nyebe jëingo nguiã nyesecua aröte mbia rese cote. Jenyesecua tuchi quiatu quia jenyiese jẽ. Nandechiangui re chö nandeico nyesecua tuchi mbia rese jẽ. ²³Nyaacuquia si je raanguia chö jẽ cote re. Nandechaacuquia que equia nyii nae, mbia chö ngue nanderu nyii

ra. Nandechaacuquia sire, Dios que nanderu tuchi cote ra. Dios chee ño nandembuchaacuquia si nguiã. Echee nda ua ea bei. Siqui bei rae. ²⁴Sã embesa ji riqui ñee no:

Quiata rã tuchi chỗ mbia ja riqui nguiã ã.

Sã quiata riqui mano jeite no.

Quiata uti rã ño mbia riqui nguiã ã no.

Etură mbiri no chi ndaque nyii.

Aquere cho nimama cote. Mano cote.

²⁵ Dios cheẽ nguia ra ua eã mbei,

i que embesa ji ra. Dios chee sí cho ngue jeñandu nguiã Jesucristo rii. Jemingo bei sacuã.

Jeo tuchi cho nguia Dios chee ndese

¹Nyebe jëhui mbae icuã ja si. Jẽ nda mbia jembiirĩ irĩchĩ nguia jẽ. Jenguasu ra jẽsaã saãchĩ. Emo mbae ra jenyosei choseichĩ nguia jẽ. Jeñee icuã icuãchĩ nda equia emo nii jẽ. ²Sã ãquẽ itãqueĩ ndiqui uchiu achã asite no. Eĩ jenye bei chỗ nguia oo Dios cheẽ ndese. Eĩ nda jẽquirãcuã tuchi riqui Dios rese. Sã ãquẽ quirãcuã ndiqui quiambure no. ³Dios turã ngue jẽsaã ndei resẽ.

Sita turã na ño Cristo re

⁴Jesucristo ra siqui bei. Jesucristo rei sita tură na. Să mbia riqui sita mo ndiriro no. Ei si cho mbia nguiă Jesucristo ririro ndei ă. Dios queteamba tuchi quiatu Jesucristo re. Dios chiirabo tuchi cho ae re. Jesucristo jesiichă i i tuchi quiatu quia je. ⁵Sita tură na no jeingo nguiă je abe uqui. Să Dios chuchua ao ji sita tură je no. Dios chuchua ao ji ră no je no nde. Jenee tură mbei quiatu quia Dios je. Je si cho jendete jemondo quia ee. Jeingo bei quiatu quia icúe embaeră. Uqui mose ra Dios jeisi tură mbei Jesucristo rii cote. ⁶Nyebe Dios chee mbesa ji riqui nguiă nee:

Jesucristo ra amii Zión.

Tuchua i turã na tuchi chỗ Jesucristo re.

Sechiirabo tuchi cho ae re.

Aba queteamba tuchi cho ae re.

Ae Jesucristo icuate quia nae, ũquĩ mo nda ñee eã.

"Jesucristo rui aico jirichi co", ia nda emo,

i que embesa ji ra. ⁷Sã mbia mo tuchua ao sita turã je no. Ũquĩ sita turã na ño Jesucristo riqui nguiã co. Ũquĩ jẽingo Jesucristo icuate ũquĩ. Nyebe jengueteamba tuchi ae riqui nguiã co. Ae Jesucristo icua eãte quia nae, ũquĩ je ra embesa ji cheẽ io tuchi cote. Ã ndei embesa ji cheẽ ã:

Ae tuchua aosa quirirõ sita nae, aque quia ra tuchua i turã tuchi cote.

i que embesa ji ra. 8Sã embesa ji riqui ñee no:

445 1 PEDRO 2

Sã sita riqui pãtã i emo cúi je no jẽ. Embucoi no jẽ,

i que embesa ji ra. Ei si cho nda mbia pata i raanguia Jesucristo chee je. Jesucristo chee mumbaya sereate quia nene. "Echee mumbasa ra pata i raanguia", i que Dios niinda mosenda bei ra.

Dios mbaerã tuchi chỗ jẽ nde

⁹Dios que jẽirabo umbaerã tuchi ra. Sacerdotes rã ño jẽingo nguiã Dios je ũquĩ. Dios que jemingo icúe umbaerã nda. Jẽ mbia mbiirandu randu bei sacuã Dios chiao turã nii. Ae quiatu que jendirõ itondaru si ra. Jẽingo sacuã nyaashĩ Dios rese cote. ¹⁰Mbia chimbutereãte que jẽ nyii ra. Dios quiato tuchi chỗ namo jẽ cote re. Emo ngue ndua eãte quia jendese nyii ra. Dios quia ndua tuchi nguiã jendese co cote.

Dios rimba cho je nde; nyebe jeingo tura

¹¹ Achesecua tuchite quia jendese co. Isho ishote jeingo jendecua si ũquĩ. Ae mbia chosei chosei quia mbae icuã nae, ũquĩ ndese ra jemae maechĩ. Eicuate riqui nandeaĩ je ũquĩ. ¹² Ae Dios icua eate quia nae, ũquĩ ndésaa jeingo turã no nguia. Ũquĩ ndiqui nee icua icuate raque jenii ũquĩ. Jeicua mose rocoĩ. Ũquĩ nda mae jee jetura ndese. Nee tura jee ra Dios riĩ, Jesús tu mose.

¹³Mbia rerecua ja cheẽ jemumbayã ño nguia Dios je. Ae ererecua tuchi ererecua ja si nae, aque cheẽ abe jemumbayã ño nguia no. ¹⁴Sã ererecua tuchi riqui mbia rerecuarã mii jaaja no. Mbia icuã mbasi mbasi sacuã. Mbia turã ndeaquiatu sacuã abe no. Ūquĩ ñee abe jemumbayã ño nguia no. ¹⁵Jēingo turã ño nguia jē. Jēingo turã mose ra mbia aquiatuã ñee icuã aroneate jēje. Dios bite ũquĩ. ¹⁶Jesucristo que jembui mbae ja si cote ra. Jenderecua eãte raque mbae mo cote. —Mbae icuã tasaã. Sererecua eãte rei ñene, jenyechĩ ndae. Dios rimba chō jẽingo. ¹⁷Jēingo turã ño nguia mbia ja je. Jenyesecua chō nguia jendesenda Jesús quiato rese. Jēireĩ ireĩ jiri Dios si. Mbia rerecua cheẽ nda jemumba mumbachĩ jẽ.

Cristo rã si chố jẽingo ñimbirãcuã turã mbae rasi je

¹⁸Mbia rimba je tacheẽ cote. Jenderecua cheẽ jemumbayã no nguia jẽ. Jẽireĩ ireĩ jiri quia esi jẽ. Jenderecua icuã mose abe chô echeẽ jemumbayã nguia. "Jenderecua turã mose achô no echeẽ jemumbayã", ae eã nguiã jẽje co. ¹⁹Mbia icuã icuã noono mose nande je, nanderoseĩ nguiátu chô nandeico. Dios bite ũquĩ. Dios riĩ nanderoseĩ nguiátu mose, ebite ũquĩ. ²⁰Mbae turã jẽsaã saã mbei chô nguia. Mbia jẽiruã nua mose jẽturã nii, jendoseĩ nguiátu chô jẽingo. Ũquĩ mose ra Dios ia tuchi jendese. Mbae icuã mo nda jẽsaãchĩ. Jẽ mbae icuã naa mose, Dios biấte ũquĩ. Mbia jẽirua nua mose jẽicuã nii, jendoseĩ nguiátu raque rae, Dios

biãte ũquĩ. Jẽicuã nii ño ñene. ²¹Nyebe Dios "jẽingo serui", i nguiã nande je. Sã Cristo roseĩ nguiátu tuchi mbae rasi raã mose nande je no. Nande abe nanderoseĩ nguiátu sacuã eraã si. ²²Cristo que mbae icuã mo saã eã tuchi ra. Mbia mo ngue embiirĩ iriã tuchi quia ra. ²³Mbia ñee icuã mose Cristo je, ae que ñee icuã eã mbei mbia cheẽ ndibishorõ nda. Mbia Cristo mbaasi asi mose, "tasaã se", iã tuchi que equia ra. "Dios quiarei", i chỗ ngue equia ra. ²⁴Jesús mano mose ira mbuchicuandasa ji rese, nandeicuã ndiquicharõ ño ngue mano nguiã. Eraaque rã nandeico sacuã mbae icuã je chỗ ngue re. Nandeico sacuã mbae turã ndese chỗ ngue re. Cristo mbae rasi raã mose, jembitirõ sacuã ño ũquĩ nde. ²⁵Ovejas quiachã je rã ño ngue jẽingo nguiã nyii. Jenyebi que oso ngasẽ Cristo rea cote ra. Ovejas raarõsa rã ño ae riqui nguiã jēje co cote. Ae chỗ jendeaquiatu nguiã co.

Jendu cheẽ jemumbayã ño nguia, i cuña je

1 Mbia ninisi je tacheẽ cote. Jendu cheẽ nda jemumbachĩ jẽ. Jesús quiatoã ndaque jendu. Echeẽ jemumbayã no. Jendu nda Jesús icua chee cote chã. Jẽingo turã mose ee. Jẽ Jesús cheẽ nenei neneinde rocoĩ ee. Jesús nda eicua cote chã. ²Jẽingo turã ndese ra jendu mae nyee. Echeẽ jemumbayã mose. ³—Mbae je nda serete ambarõ na nã, jenyechĩ nda ndua ndua jẽ. Jẽo resenda rese. Jẽhui rese abe no. Tiru turã ndese abe no. Jẽa uma ji turã ndese abe no. Úquĩ mii ndese chỗ nda jẽingochĩ ndua beite jẽ. ⁴Jeñiangui re quiatu jẽingo turã. Jẽingo tochi chỗ nguia. ff nda jẽturã ua eã mbei jẽsi. Úquĩ nguiatu Dios bite re. ⁵Sã cuña mo no. Dios quiato cose no. Úquĩ nguiatu que eturãte riqui uchiangui re quiatu ra. Ngu cheẽ abe mumbayã no. Ndua rocoĩ nguete resenda umbarõsa rese. ⁶Sã Sara Abraham ñee mumbayã no. Sererecua i ee. Jẽingo turã mose, Sara rã nda jẽ cote. Mbae mo si ra jẽsiquichechĩ cote jẽ.

Jēingo turā no nguia jeninisi je

⁷Tacheẽ eninisi rerecua je cote. Jẽaquiatu chỗ jẽingo turã jeninisi je. Jeninisi jemingo turã. Jẽingo tochi chỗ nguia ee. Jẽ nguia jeãtã jiri esi re. Dios quia eturãte jẽ ja je re. Jeninisi rese. Dios que jendeco mingo nyiese ra. Jeninisi rese. Nyebe jẽingo nguiã siqui turã jeninisi je. Ūquĩ mose ra Dios jeñee andu bei, jeñee mose ee.

Mbia icuã icuã mose jēje jēturā mose, jēya chō jēingo

⁸ Jēingo turā ja chō nguia jenyue no. Jēya eā jiri jēingo jenyiese no. Hue rī ja chō jēingo ndua ja. Jenyesecua ja chō nguia nyiese. Jēseteā no jēingo nyue. ⁹ Mbia icuā mose jēje, jēicuāchī nda jē abe ee. Mbia nee icuā mose jēje, jenee icuāchī nda jē abe ee. Jenee turā nguiatu quia ee jē. Jēingo serui, i chō ngue Dios jēje re. Dios nee turā mbei sacuā jenii no ngue re. ¹⁰ Sā embesa ji riqui nee no:

Jëingo turãse mose, jeñee icuã eã emo nii. Jëingo chooño sereã mose, jeñee ñooño eã emo je no.

¹¹ Jenyicuasẽ ño nguia mbae icuã si. Mbae turã ño jēsaã nguia.

Jetura no nguia mbia ja je je.

¹² Ae siqui turã nguia nae, ũquĩ Dios teaquiatu bei quia co. Ũquĩ ñee Dios chandu turã mbei quia co.

Ae siqui quia mbae icua ndese nae, Dios bia tuchi cho uqui nde, i que embesa ji ra.

¹³Jēingo turā mose ¿mañi nda emo mbae icuā naa jēje re? ¹⁴Mbia icuā icuã mose jēje mbae turā naa mose, jēya tuchi chõ ūquī mose re. —Mbae icuã nda asaã ndeje je, i mose jeje, jesiquicheã no esi. 15 Jesucristo jemingo tuchi cho nguia jeñiangui re jenderecuara. Emo ñee mose jeje, jeñee aquiatu cho ee. —¿Mbaera ereico Jesucristo rese re? i mose emo jēje, jeñee aquiatu cho ee. Jēingo mingue cho ee. 16 Jēingo turā mbei. Diosbi rese jẽingo bei. Ĩ nda jẽya bei riqui. Ĩ nda "mbae turã asaã eã ñochi", jenye ea. Ae ñee icua icua nguia jenii nae, uqui nda irei ireite quia uchee icua si cote. Irei irei nda jeingo tura mose Cristo rese. 17 Mbae rasi jesaa mose jetura nii, uqui nguiarei Diosbi tuchi. Mbae rasi jesaa mose jeicua nii, uqui nguiarei Dios bia tuchi. Mbae icua niite quia nene. ¹⁸Cristo abe que mbae rasi saã nande je ra. Mbae icuã naande rocoi. Ae raque eturã. Mbae rasi que esaã nandeicuã ndiquicharõ nda. Nandemingo sacuã Dios rese. Cristo rete que mano nda. Espíritu Turã ngue embuquera si ra. ¹⁹ Aque mose que Cristo si Dios chee nenei nenei mbia aı taro ji je ra. ²⁰ Ũquɨ ngue Dios cheẽ mumba mumba quia nyii ra. Noé Dios cheẽ nenei nenei mose ee. Dios rosei nguiátu tuchi que eriqui mbia riisu isu aque mose ra. Noé siqui bei mose arca raã naa. Aquere que mbia miite ique arca ye ra. Ocho que mbia ra. Siqui bei sacuã ama ndicuasu mose. ²¹ Sã ama Noé mumbebi mingo no. Et si chõ bautismo co no. Nandei mbuchasu mose, aque quia ra nandemingo eã Dios rese. Nandechiã mbitiro ji mose, aque mose quia ra Dios nandemingo bei cote. Bautismo tuchi chỗ ũquĩ nde. ²² Jesucristo quera sire que esi ibate ra. Hue eriqui beite Dios jii hue cote. Mbae ja rerecua tuchi cho ae cote re. Angeles rerecua. Ibatenda rerecua ja.

Mbae jēsaā turā ja

4 ¹Sã Cristo mbae rasi saã tuchi siqui mose íbii no. Eĩ jenye si chỗ nguia ñimbirãcuã nguiátu mbae rasi raã mose. Ae mbae rasi saã tuchi quia nae, ũquĩ nda mbae icuã saã eã mbei cote. ²Ae Dios bite nae, ũquĩ ndese ra eriqui bei cote. Ae echoseite quia nae, ũquĩ naa ndocoĩ. ³Mbia ataque rã tuchi que nandeico nyii ra. Nandeicuã tuchite que eriqui nyii ra. Ae nandechosei quia nae, ũquĩ ndese achỗ no ngue nandeico nyii

1 PEDRO 4 448

ra. Nandequiacua quiacua que equia nyii ra. Nandechimbusarei chooño mbei que equia nyii ra. Dios abareã ndese que nandeico ndua tuchi nyii ra. Huee chō cote. Nandehui que ũquĩ ja si cote ra. 4—¿Mbaerā jēingo bei eã mbae icuã naa naa urerese re? i nanderesenda ñiinda quia nande je ã. Nyebe eriqui nguiã ñee icuã icuãte nande je ã. 5—¿Mbaerã ũquĩ jēsaã nde? i chee ra Dios ũquĩ je cote. Dios mae mose mbia chisaã saã ja rese. Aque mose ra Dios mbia mano je abe chisaã ndea ja. Mbia reco abe chisaã ndea ja. 6Ae mano mbia nyii nae, ũquĩ je que Jesucristo Dios cheẽ nenei nenei nda. Eaĩ siqui turã sacuã Dios rã si. Erete mano ndaque huiicuã je.

⁷ Achite mbae ñi ua ja a cote. Nyebe jẽingo mbae turã naa naa ja bei. Nyebe jẽingo ñee ñee mbei Dios je. ⁸ Jenyesecua tuchi quiatu quia jenyiese. Ūquĩ mose ra jẽtesarei jenongue icuã si. ⁹ Jenongue jẽisi turã ño nguia nyoi mose jenyuchua. Jẽya chỗ jẽingo eisi mose. ¹⁰ Dios que nandechisaã saana mee nande ae ae je ra. Ūquĩ jẽsaã turã turã ño nguia jẽataque je. Dios uaquiatu mee mose jẽje mbae mo naa sacuã, ũquĩ jẽsaã turã turã ño nguia jẽataque je. ¹¹ Emo Dios cheẽ nenei nenei mose, sã Dios cheẽ tuchi chỗ esenei senei nguia. Jemo mbae turã naa naa mose uataque je, sã eriqui eraã turã Dios quirãcuã nii. Ae jẽsaã saã nguia mbae nae, Dios je chỗ jẽsaã. Ť nda mbia ñee turã mbei Dios riĩ. Jesucristo riĩ abe no. Sã mbia ñee turã mbei Dios riĩ. Amén.

Mbae icuã tuutu mose jēje, jēya cho jēingo

12Mbae icuã tuutu mose jeje, "¿mbaerã eriqui seje re?" jenyechi nda nyuruirate, Seresenda. Ei mbei cho mbae icua nguia tuutu Jesús quiato je. ¹³Mbae icuã tuutu mose jeje, jeya cho jeingo. "Cristo rã si cho nandeico nguiã mbae rasi raã", jenye chỗ nguia ñimbia. Cristo nininya tu mose, aque mose abe nda jeya tuchi cha. 14 Mbia ñee icua icua mose jeje Cristo rii, coche nene. Jeya cho jeingo. Espíritu Tura no jeichu ichu nguia uqui. ¹⁵Mbia jembaasi asi chooño mose Cristo rii, jeva cho jeingo. Jeicua nii mbia jembaasi asi mose, ũquĩ nguiatu aba ireĩte re. Jẽ mbia mo iquia mose. Jẽ mbae mo mbuquiachã mose. Jẽ mbia mo mbupaama i mose. Jẽ ũquĩ icuã mo naa mose, aba ireite ũqui. 16 Mbia jembaasi asi mose Cristo rii, jeirei ireichi nda ũquɨ mose. Cristo resendate quia jẽ nde. Nyebe jẽya chỗ jẽɨngo. 17 Dios ra mae ja chee mbia chisaã ja rese. Achite Dios ñi mae uquiato chisaã ndese a. Nandechisaã ndese chee ra Dios mae. Uquiato chisaã ndese chee. Mañi nda uquiatoa nyisaa je remi. Ũqui nguiatu ra embasi tuchi nandesi quiatu. Dios chee tură nguiatu ngue eisiachi nguia. 18 Dios quiato riqui nimbiracuaya arõ arõte mbae icuã tuutu bei mose ee ã. Dios quiatote raque. Dios quiatoã nguiatu ra ñimbirãcuãyã tuchi mbae icuã si. Dios ra emondo chee tata cuasu. 19"Mbae rasi jesaa", i mose Dios nande je, nandesaa tura no nguia ee. Mbae tură nandesaă i i cho nguia ee. Nandereco nandemee tuchi nandeaosa Dios je. Ae ra uchee mbuchebia mbei nande je.

449 1 PEDRO 5

Jesús quiato jeteaquiatu tura no nguia

5 ¹Jeñimunua je rerecua ja je tacheẽ cote. Cristo quiato rerecua chỗ se no nde. Cristo mbae rasi raã ndese que amae se ra. Cristo nininya nyecua mose, se abe ra aico bei erese cote. ²Ae Jesús quiato siqui quia jendese nae, ũquĩ jẽteaquiatu turã nguia. Sã ovejas raarõsa riqui ovejas raarõ turã no. Eĩ jenye chỗ nguia Jesús quiato raarõ. Jẽteã teã eã no nguia mbia mbaaquiatu quiatu. Jendua ndua eã no nguia mbae isiquia rese. ³Jẽingo tochi chỗ nguia Jesús quiato chimunua nua je. Mbiacha ra jẽsaã saã techĩ ee jẽ. Jẽingo turã no nguia eresa rae. Ĩ nda jẽ na sí eriqui. ⁴Jesucristo quiarei mbia reaquiatusa tuchi nande si. Ae tu mose, mbae turã tuchi mo nda emee jẽje premio. Ūquĩ nda ua eã mbei. ⁵Acuanindu je tacheẽ cote. Amei nee jemumbayã no nguia jẽ. Jẽ ja jẽataque cheẽ jemumbayã no nguia jẽ. Jẽingo tochi ja chỗ nguia jenyue jẽ. Sã embesa ji riqui nee no:

Ae ucuasu saã saã nguia nae, Dios biã tuchi chỗ ũquĩ nde.

Ae siqui tochi quia nae, ũquĩ je quiatu ra Dios turã mbei riqui, i que embesa ji ra.

⁶Jēingo tochi chō nguia Dios je jē. Equirācuā tuchi chō ae re. Ae ra mbia mumae turā nyee jendese emo mose cote. ⁷Jendua ndua ia eā si jēhui chō. Jemee ño Dios je. Ae riqui ndua beite jendese co. Jendeaquiatu beite quia co. ⁸Jeñimbaaracua chō nguia jē. Jētesa bei chō nguia jē. Aba checuayā nderecua riqui ngata beite co jē. "Mbia tambiicuā icuā", i beite equia co. Sā nyacua no. Sā nyacua risha riqui ureī mbocheite "mbae tau" i no. ⁹Aba checuayā nderecua jēsiquisā ño nguia jenyesi. Dios jēicua tuchi chō nguia jeñiangui re. Sā jendesenda ishonda ja riqui mbae rasi raā tuchi no. Jē na si no. ¹⁰Sā Dios turāte riqui nande je no. Mbae rasi ra jēsaā ndaque nyii. Aquere ra Dios jembitirō cote. Jembirācuā tuchi cote. Dios sí chō ngue ñee nguiā nande je. "Taemingo bei serese ibate Jesucristo riī", i nguiā nande je. ¹¹Dios quiarei equirācuā mbei. Eturā mbei. Amén.

Pedro ñee hui bei sacuã cote

¹²Co ambesa quia jēje co. Jemingo i i sacuã Dios rese. Jembaaquiatu sacuã Dios turã nii. Jēingo bei chô nguia erese. Co ambesa mondo quia jēje aque. Silvano ndese aque. Jesús quiato turã tuchi chô Silvano nde. Nanderesenda re. ¹³Jesús quiato Babilonia jenda saludos mondo quia jēje aque. Dios chiirabo chô ã nde. Jē na si. Marcos abe saludos mondo quia jēje aque no. Seriirī na ño aico nguiã ee co. ¹⁴Saludar jenye turã turã ño jenyue mambi. Jenongue ritii abe jēsiite ite chô nguia mambi. Jesucristo quiato jate quia jē nde. Sã jēya beite riqui. Amén.

SEGUNDA CARTA DEL APOSTOL SAN PEDRO

Pedro uchee mbesa mondo Jesús quiato je

1 Simón Pedro chỗ se re. Jesucristo rimba chỗ se re. Jesucristo chɨmbaaquiatu chỗ se re. Aico co mbesa mbesa jẽje co. Ure rã si chỗ jẽingo nguiã Jesucristo icua ũquĩ. Nandebi tuchi Jesucristo icua mose. Dios turã tuchi nandemingo mose Jesucristo rese. 2Sã Dios turã ndiqui tuchi jendese. Sã Dios jembia tuchi mingo. Jesucristo jẽicua i i tuchi bei oso quia.

Jeñimbaaquiatu i i tuchi Dios rii

³Jesucristo nandeicuate quia ã. Nyebe Dios riqui nguiã mbae raã ja tuchi nande je co. Nandemingo bei sacuã. Nandeico sacuã erã sí. Uquirãcuã je eriqui mbae raã ja tuchi nande je co. Uturã ngue emee nande je ra. 4Dios que uchee tură mee nande je ra: —Co tasaă jeje. A tasaă jeje. Co abe, i tuchi que equia nande je ra. Uqui ngue esaa ja nande je cote ra. Jesucristo rã si que nanderaã nda. Ae mbae icuã mbia chosei chosei quia nae, ũquĩ si eriqui nanderiquisă quisă co. 5 Jēingo Dios icuate ũqui. Jeingo tură ño nguia je. Jenimbaaquiatu i i tuchi quiatu quia Dios rii je. 6 Jendeco jeingo tură no nguia i co je. Jeingo mingue cho nguia je. Dios ra si cho jeingo je. ⁷Jēingo turā no nguia jenyue. Jenyesecua cho nguia jenyiese no. ⁸Ei jenye mose, eturate uqui. Ei jenye i i tuchi cho nguia je. Uqui mose ra Jesucristo jēicua chooño eã. Mbae ra jēsaã saã tuchi quia ee. 9Ei jenye eã mose, mbia resayã na no jeingo nguiã uqui. Ei jenye ea mose, jetesarei cho ndei equia jeñia irei ji si ũquĩ. Jesús jeicuã cose ndare mbutiã mose. ¹⁰Uquĩ jesaã saã tuchi cho nguia je. Je uqui naa mose, je si cho nda jenyiicua quia. "Dios chiirabo cho nande re", jenye tuchi ra equia. Jehui ea mbei ra equia Dios si cote. ¹¹Dios ra jẽisi tuchi mingo Jesús récuaa cote. Huee ra jẽingo bei erese.

¹²Nyebe ra aico bei jemundua ndua ũquĩ ndese. Jẽicuate raque. Jẽingo turãte raque Dios cheẽ ndese. ¹³Coche aico rei jemundua ndua ũquĩ ndese

a. Sereco siqui mose a ra aico jemundua ndua bei ũquĩ ndese. ¹⁴Jesucristo que ñee seje ra: —Ereico arete eã nda íbii, i que sembiirandu ra. ¹⁵Taemundua ndua bei erese. Ĭ nda jẽtesareiã mbei esi semanonde abe.

Se sí amae Jesucristo rese, i Pedro

16 Jesucristo quirăcuă ngue uresenei senei tuchi quia jěje ra.

—Jesucristo ra tube íbii, ure tuchi que equia jěje ra. Ichoiñosa reã ñeetuchi chô ũquĩ nde. Mbia ñee ñooño je eã tuchi chô ũquĩ nde. Se sí chô ngue amae Jesucristo nininya rese ra. 17-18 Dios que unininya mee ee sita ibátee ereco mose ra. Se abe reco mose huee que ra. Serésaa que Dios unininya mee Jesucristo je ra. —Seriirĩ ño co re. Sechesecua chô co re. Seyate erese, i que Ibatenda ñee aque mose ra. Echeã ngue achandu se abe ra. 19 Eĩ sí tuchi que Dios cheã mbuchecuasa chimbesa nyii ra. Echeã mbesa ji chooño eã ño ũquĩ nde. Jãingo tuchi quia echeã mbesa ji rese. Mbae resaesa tuchi chỗ echeã mbesa ji re. Sã tata rendi riqui itondaru resaete nyaashĩ nyee no. Jãingo tuchi mose echeã mbesa ji rese, Cristo ra jendique tesae tuchi quia jēje. Sã nyasitata riqui nanderesae no. 20-21 Dios cheã mbuchecuasa mo ngue ñee ñooño eate quia emo mose ra. Ucheã ae que embesa mbesa eate quia ra. Espíritu Turã ño ngue embucheã nguia ra. Espíritu Turã ño ngue Dios cheã mbesa uquia quia ee ra.

Ae mbia mbiiri iri nguia embaaquiatu quiatu mose

2 ¹Mbia mo ngue Dios cheẽ mbuchecuasa saã ñooñote quia cose ra. Espíritu Turã ae que embucheẽ eã nda. Eĩ sí ra emo jembiirĩ irĩ ñooño name. Ñee ñooño nda equia Dios riĩ jẽje. Hui huite chỗ nda equia Jesucristo si. Ae mano nguia eriĩ. Nyebe ra Dios ũquĩ mbutiã asi. ²Mbia ra siqui tuchi mbae icuã ndese ũquĩ ñee nguire. Mbia ra siqui chooño ño cuña mo ndese ũquĩ ñee nguire. Nyebe ra mbia ñee icuã icuã Jesús cheẽ turã nii. ³Ũquĩ nda mbae isiquia choosei osei tuchi chỗ nguia jembae. Nyebe ra jembaaquiatu icuã icuã. Dios que ñee ũquĩ nii coose ra. —Ũquĩ nda ambasi tuchi je, i que ra. Achite ũquĩ ñi a cote.

⁴Angeles mbae icuã naa mose, ũquĩ nyee que Dios tiisu isu ãte quia ra. Ecua ji que emombo tata cuásuu ra. Itondáruu que emombo ra. Siqui bei sacuã huee, Jesús tu chee mae eicuã ndese. ⁵Mbia cose ndare abe que Dios tiisu isu ãte quia ra. Noé mosenda. Ũquĩ ngue eicuãte riqui ee ra. Nyebe que Dios ama mbuchaaqui tuchi ee ra. Ama mbicuasu mbia iquia ja sacuã. Noé mii ngue Dios iquia eã nda. Mbia siete rese. Dios chee nenei neneisate quiatu ngue Noé nde. ⁶Sodoma jenda abe que Dios tiisu isu ãte quia ra. Gomorra jenda abe no. Mbia icuã tuchite quiatu ngue re. Nyebe Dios ũquĩ ndei ja nguiã tata je. Echuchua ja resebe. —Eĩchĩ nda nande abe je re, nandeico eã mose erese, i sacuã mbia icuã. ⁷Lot mii ngue Dios iquia eã nda. Eturãte quiatu ngue eriqui nguiã Dios je.

Eva eate que eriqui mbia hue jenda mbae icua naa naa mose ra. 8 Mbia mbae icuã naa naa mbei mose que Lot ia eã mbeite riqui ra. Ae mii ño ngue echiã turã Dios je ra. Nyebe Dios ae mii iquia eã nguiã. 9Ae siqui beite quia Dios rese nae, Dios riqui ũquĩ ndeaquiatu beite co. Mbae icuã jea je esi tã i mose ee. Ae mbae icuã saã nguia nae, ũquĩ nda Dios mbasi tuchi. Jesucristo ra tu chee mae eicuã ndese. ¹⁰ Ae sigui guia mbae icuã ndese ubi nae, ũquĩ nda Dios mbasi tuchi. Ae aba cheẽ mumba quia, ũquĩ abe ra Dios mbasi no. Ae eĩ ñooñote quia mbia je nae, ũquĩ. Ae ñee ñooñote quia mbae ibatenda je nae, ũquĩ abe no. 11 Mbae ibatenda rii ngue ángeles ñee icua eate quia Dios je ra. Angeles quiracuate raque mbia și. 12 Ã mbia quiarei mbae quiaa riinda rã tuchi. Ndua turã eã mbae rese. Sigui chooño. Ñee icua ñooño mbae icua rocoi. Mbae quiaa riinda rã ño nda ã mano cote. Dios ra eiquia tuchi. 13 Ã nda mbae rasi saã tuchi quia cote. Ubi icuã mii ndese cho eriqui nguiã ndua ã. Jembiiri iri ño nguiã ã. Quiaru chooño ño nguiã jendese ã. Jesús quiato raã ñooño jēje. Aba ireinguia tuchi cho ũquĩ nde. 14 Maeño aronea cuña mo ndese. Hui aroneate equia mbae icuã si ã. Ubicho aroneate equia cuña iquia iquia chooño je rese ã. Mbae osei osei jate equia ã. Dios ra embasi tuchi cote. ¹⁵ Ishote eriqui Dios si ã. Nyiicuasẽ equia Dios si ã. Sã Balaam ndiqui nviicuasete esi no. Beor riiri. Sa mbae icua naa mbae isiquia isi nonde no jē. 16 Sā burra ñee asite ee no. "Mbae icuā tasaā", i mose ndua ndua. Sā mbae icuã naa eã burra ñeende ee cote no.

452

¹⁷Icua iru rã ño ã mbia re. Sã quiririã ndiqui ibeishĩ mbucuatate no. Eĩ si chỗ ã mbia re. Hue bei eã chĩ. Nyebe ra Dios emombo bei itondáruu. 18 Uchisaã mbae icuã nii ñee ñee ja mbia je. Ucuasu raã naate equia ã. Mbia mbiiri iri mbeite equia mbae icua je a. Ae hui ramo ndei mbae icuã si nae, ũquĩ abe mbiirĩ irîte equia mbae icuã je ã. 19—Jêingo mose urerese, jëingo tură ndae, i bei rei equia mbia je ã. Mbae icuã nimba sí chỗ nee nee nguiã ee ũquĩ. Ae rui nandeico quia nae, ũquĩ nimba quiatu nande re. ²⁰Sã emo Jesucristo icua raque nyii no. Sã mbae icuã naa eã ndaque ee aque mose no. Mbae icuã embiiri iri mose üquinde, eicuã tuchi ra cote. Mbae icuã nimba tuchi ra ae cote. Ñiinda si. ²¹Dios quia nda ũquĩ icuayã mbei nyii re chã. Dios icuare quiatu ngue hui nguiã echeẽ si. ²² Siqui mbɨirɨ ndaque Jesús rese. Huɨ esɨ aquere cote. Sã ñooñoo ndiqui ñemo ndaque no. Sã oso raque ucúẽ ndecha no. Nyebi jei chỗ u ucúẽ u cote. Sã teasu socoi mo ndiqui raque nyasu no. Aquere ñimoo moo ño utuchu je cote. Ež no mbia re, ae siqui juate quia Jesús rese. Aquere siqui jei chõ mbae icuã ndese.

Jesucristo ra tube

3 ¹A aico segunda carta mbesa jēje a. Jemundua turā sacuā ño ũquī nde. Ae acheē jēje nyii nae, ũquī ndese jemundua sacuā ño

aico nguiã a mbesa jēje a. ²Ae Dios quiato senei senei mbia je nyii nae, ũquĩ ndese jendua. Ae Jesús chimbaaquiatu ñee mbia je nae, ũquĩ ñee jemumbayã ño. ³Ā ndese jendua: Jesucristo tu nonde ra mbia riqui iquia chooño Dios je. Ñee icuã icuã nda equia Dios je. Ae ebite mbae icuã nae, ũquĩ achō ndese chō nda eriqui. ⁴Ũquĩ nda ñee jēje: —Sã Jesús tu ãte no jē. Sã ucheẽ mbuchebi chō jē. Sã eĩ mbei chō Dios chisaã ima jē, i ra ũquĩ ñee icuã icuã jēje. ⁵Cose ndare rese nduayã. Dios que ibei chao ucheẽ je chō cose ra. Ibi abe que echao i ite re ra. ⁶Aquere que Dios ama mbicuasu ra. Mbae iquia ja nonde cote. ⁷Dios riqui ibei rerecoquiatu co. Ibi abe no. Ã nandeico irō erese ã nae, Dios ra emendi cote. Aque mose ra mbia Jesús quiatoã oquei ja.

8Co abe rese jendua, Seresenda: Nyaashī mii na ño mil años Dios je re. Mil años na ño nyaashī mii Dios je no nde. 9—Jesús ra tu ate rei no. Uchee embuchebi rei quia mambi, i raque emo emo nguia Jesús riñ a. Ico minguete equia mbia je pe. —Emo nda quiachaya Dios si cha. Siqui ja nda erese cha, i equia eriisu isu pe no. Nyebe eriqui nguia tu jei eate. 10 Mbia mbuate ra Jesús ru. Sa mbae mbuquiachasa riqui tu itondiite mose no. Ei si ra Jesús u mbia mbua. Úqui mose ra ibei ua cote. Mbae rieu ra aba mundi tuchi. Nyasitata ra membe. Ibi abe ra oquiei tuchi. Mbae ja ra oquiei ibi jenda.

¹¹Nyebe Dios nandesiichă tuchi quiatu quia. Dios ră si quiatu nandeico mbae tură ndese. ¹²Jesucristo ru jenyosei quiatu quia. Ae Dios bite nae, ũquĩ ndese quiatu jẽingo. ff nda Jesucristo ru jei. Ûquĩ mose ra ibei oquiei ja. Nyasitata abe ra membe tata je. ¹³Aquere ra Dios ibei mbiasu cote. Ibi abe ra embiasu ucheẽ nguire no. Ũquĩ ño nandesaarõ arõ nguiã ã. Ũquĩ mose ra mbae turã achō cote.

14 Nyebe jēingo turā ño Dios rese. Mbae icuā je ra jeñimbiicuāchī jē. Jeñimbiicuā eā mose ra Dios iate jendese eru mose chā. 15 Dios siqui minguete quia mbia je co. Mbia rirõ sacuā eicuā si chõ ūquī nde. Eī si chõ ngue Pablo abe embesa nguiā jēje no. Ae Dios ñee Pablo je nae, ũquī sí que Pablo mbesa jēje ra. Nanderesenda tuchi chõ Pablo re. Nandechesecua chõ nguiā erese ā. 16 Pablo carta mbesa mbesa bei mose, mbia mundua ndua sacuā ā ndese chõ ñene. Aba chiicuayāte raque Pablo chimbesa emo emo. Ae eaquiatuāte Dios rese nae, ũquī Pablo cheẽ nyabi chabi chõ nguiā. Sã embesa ji ataque abi abi no. Nyebe ũquī sí chõ ñimbiicuā icuā nguiā ũquī. 17 Sechesecua, a aico jembiirandu jei a. Mbia icuā jembui eā sacuā Dios si. Mbia icuā nda jembiirī irīchī jē. Jēingoquiatu tuchi quiatu jē. Huee jēingo turāte Dios rese namo hue.
18 Jesucristo rei nandererecua tuchi. Jēicua i i tuchi quiatu jē. Jenyesecua i i tuchi quiatu erese jē. Ae que nanderirõ mbae icuā si ra. Eturā mbeite que eriqui nande je ra. Sā mbia ñee turā mbei quia eriī. Amén.

PRIMERA CARTA DEL APOSTOL SAN JUAN

Mbia mingosa

1 Ae siqui quia mbae tiã mose nyii nae, aque tasenei jẽje. Ae riqui beite namo co no. Ae cheẽ ngue urechandu chandu bei quia ra. Uremae mae mbei que equia erese ra. Ureoco oco que equia erese no nda. Jesucristo, i equia ee. Dios cheẽ, i abe equia ee. Mbia mingosa, i abe equia ee no. 2 Mbia mingosa que siqui ngu rese nyii ra. Tu que nyecua ure je íbii cote ra. Uremae ngue equia erese ra. Uresenei senei equia jēje ã. 3 Ae rese uremae nae, aque uresenei senei nguia jēje ã. Ae urechandu nae, ũquĩ abe uresenei senei nguia jēje ã. Jẽ abe nda jẽingo urerese chã. Sã ureico Dios rese ure no. Jesucristo abe rese. 4 Jēya tuchi sacuã ño ureico nguiã ã mbesa jēje ã.

Dios rei nyaashi na

⁵ Jesucristo que urembiirandu Dios rese nyii ra. Ũquĩ si chỗ uresaã saã nguiã jembiirandu sacuã ã: Dios rei nyaashĩ na. Itondaru rã jiri jiriã tuchi chỗ ae re. ⁶"Dios resenda rei se" nandechĩ nda nandeico eã mose erui jẽ. Nande i mose, nandecheẽ ñooño ño nguiã ũquĩ. Nande i mose, mbia mbiirĩ irĩsa chỗ nande re. ⁷ Dios rã nandeico mose nyaashĩ, nandeico turã ño nguiã nandechiese ũquĩ. Dios rã nandeico mose nyaashĩ, Jesús ruqui nandeicuã mbutiã ja quia nandesi ã no. ⁸"Mbae icuã asaã eãte rese" nande i mose, nandechimbiirĩ irĩ ño nguiã ũquĩ. Nande i mose, ñee ñooñosa tuchi chỗ nande re. ⁹ Nandeicuã nandesenei mose Dios je, ae ra eturã nande je. Nandeicuã nda embutiã ja nandesi ucheẽ nguire. ¹⁰"Mbae icuã asaã eãte resẽ" nande i mose, "Dios ñee ñooñosa" nandesaã ño nguiã ee. Nande i mose, Dios cheẽ iqueã ño nguiã nandechiangui re ũquĩ.

Jesús ñee turã Dios je nanderii

1 Mbae icuã jẽsaã eã sacuã ño aico nguiã co mbesa jẽje co, seriirĩ. Jemo mbae icuã naa mose, Jesucristo ra ñee turã Dios je aque riĩ.

455 1 JUAN 2

Eicuã mbutiã sacuã esi. Jesucristo quia rei eturã mbei. ² Jesucristo rii ño Dios nandeicuã mbutiã nguiã nandesi. Ae rei nandeicuã ndibishoronda. Nande mii icuã ndibishoronda eã ño ñene. Mbia ja icuã ndibishoronda chỗ ñene. ³ Nande Dios cheẽ mumba eã mose, "Dios aicuate quia co" nande ra nandechiangui re cote. ⁴ "Dios aicuate quia co" i mose emo, Dios cheẽ mumba mose, ñee ñooño je chỗ ũquĩ nde. ⁵ Ae Dios cheẽ mumba eãte nae, ũquĩ nguiatu nyesecuate nguiã Dios rese ũquĩ. ⁶ Ae "aico tuchi Dios rese co" i quia nae, sã ũquĩ siqui tuchi quiatu quia Jesús rã.

Dios chee yasu

7Dios cheẽ yasu eã ño ambesa nguiã jēje co, Sechesecua. Dios cheẽ ñiinda sí chô ambesa mbesa nguiã jēje a. Jẽ echeẽ mumbayã sacuã. Ae jeñandu nyii nae, ũquĩ. ⁸Jẽingo Jesucristo icuate ã cote. Nyebe eyasu raãte eriqui nguiã jēje. Jesucristo que nyesecua mbia rese ra. Jẽ abe jẽingo nyesecua jenyiese ã cote. Itondaru eãte riqui jēje ã cote. Nyaashĩ ja chỗ jēje cote re. ⁹Nyaashĩ aico co, i mose emo, nguesenda ucuãyã cuãyã mose, itondaru bei chỗ siqui nguiã ũquĩ je aque. ¹⁰Ae nyesecuate quia nguesenda rese nae, ũquĩ ndiqui nyaashĩ mbei ũquĩ. Ũquĩ nda siqui icuã eã. ¹¹Ae nguesenda ucuãyãte quia nae, ũquĩ ndiqui itondaru bei ũquĩ. Itondaru eresa chati chỗ nguiã ũquĩ. Nyebe eriqui nguiã ngueco icuayãte ũquĩ.

¹²Jesucristo rɨf ngue Dios jēicuā mbutiā jēsi ra, Seriirī. Nyebe aico nguiã co mbesa mbesa jēje a. ¹³Ae siqui beite quia nyii nae, aque jēicuate quia ũquĩ, Mbiaru. Nyebe aico nguiã co mbesa jēje a. Jēingo mbia mbiirī irīsa riquisā quisā ũquĩ, Acuanindu. Nyebe aico nguiã co mbesa jēje a. Nanderu jēicuate quia ũquĩ, Echo. Nyebe aico nguiã co mbesa jēje a. ¹⁴Ae siqui beite quia nyii nae, aque jēicuate quia ũquĩ, Mbiaru. Nyebe aico nguiã co mbesa jēje a. Jēirātāte jēingo jeñiangui re ũquĩ, Acuanindu. Dios cheē ngue jēisi turāte jeñiangui re ra. Jēingo mbia mbiirī irīsa riquisã quisāte ũquĩ. Nyebe aico nguiã co mbesa jēje a.

¹⁵ Jenyesecuate chĩ nda mbae ibi jenda ja rese jẽ. Mbae ibi jenda ja rese jenyesecua mose, jenyesecua eãte ra Dios rese. ¹⁶ Ibi jenda icuã ja chố ñene. Nanderesa mbae icuã osei osei mose, eicuãte ũquĩ. Nanderete abe mbae icuã osei osei mose, eicuãte ũquĩ no. Nandecuasu abe nandesaã saã mose, eicuãte ũquĩ no. Ibi jendachỗ ño ũquĩ nde. ¹⁷ Mbae icuã nda ua ja ibi jenda. Ae mbia chosei chosei quia ibi jenda nae, ũquĩ abe ra ua no. Ae Dios cheẽ mumba eãte quia nae, ũquĩ nguia ra siqui bei.

Cristo ucuãyãsa

¹⁸Achite mbae ñi ua ja a, Seriirī. Cristo ucuāyāsa ra tu mbia mbiirī irī, i que jeñandu nyii, ngaē ngaēte que cote ra. Nyebe ureico nguiā ñee, "mbae ra ua ja cote" i. ¹⁹Cristo ucuāyāsa tubiriāte riqui ā. Nanderesenda

rei que nyii ra. Nanderesenda chooño ño ngue ra. Nanderesenda tuchi mose, eĩ nda hui ãte rei nandesi. Hui chỗ ngue echoi uresi ra. "Eresenda eã ño eriqui re" i sacuã mbia. ²⁰ Jēje quiatu que Cristo Espíritu Turã mondo nguiã. Nyebe jẽingo nguiã mbae icua jate ũquĩ. ²¹ Ae bei, jenye eã ño nguiã ichỗiñosa je ũquĩ. Dios quia ichỗiñosa reã tuchi re. Dios cheẽ jẽicuate quia ũquĩ. Nyebe aico nguiã ã mbesa mbesa jẽaquiatu je a. Eaquiatuã je eã aico nguiã ã mbesa mbesa a. ²² ¿Aba chỗ ichỗiñosa chã? "Dios chimondo eã ndei Jesús" ae i quia nae, ũquĩ ño ñene. Ae siqui sereãte quia Paba rui nae, Jesús abe rui nae, Cristo ucuãyãsa chỗ ũquĩ nde. ²³ Ae siqui sereãte quia Dios riirĩ ndui nae, Dios abe rui eriqui ãte ũquĩ. Ae Jesús isi turã nguia nae, eru abe eisi turã ño nguiã no. ²⁴ Ae rese jẽingo jirandu beite nyii nae, ũquĩ ndese jẽingo bei. Ũquĩ ique tuchi mose jeñiangui re, jẽingo bei ra Dios riirĩ ndese. Eru rese abe no. ²⁵ Taemingo bei, i que nande je ra.

²⁶Ae jembiirī irī serīte quia nae, ũquĩ nii ño aico nguiã a mbesa mbesa jēje. Jembiirandu sacuā. ²⁷"¿Aba quiatu ra nandembaaquiatu quiatu re?" jenye aroneate quia ũquĩ. Espíritu Turã ndiqui tuchi jeñiangui re jembaaquiatu quiatu ũquĩ. Jesucristo que emondo jēje ra. Ae chô jembaaquiatu quiatu nguiã mbae ja riĩ ũquĩ. Ñee ñooñoa tuchi chô ñene. Cristo rese jeĩ ngo bei, Espíritu Turã ñee nguire.

²⁸Seriirĩ, jẽingo bei equia erese jẽ. Nandesiquicheã nda esi eru mose chã. Nandeireĩ ngũíã nda eru mose no ña. ²⁹Jesucristo quia rei eturã tuchi. Mbae raã turã ja bei. Ae mbae saã turã mbei quia nae, eriirĩ ño ũquĩ nde.

Seriiri, i Dios nande je

3 ¹Dios que nyesecua tuchite nanderese ra. Seriirĩ i tuchi que nande je ra. Nyebe mbia Dios quiatoã ndiqui nandeicua eãte ã. Dios abe icua eãte equia ã. ²Dios riirĩ ndei nande, Sechesecua. Dios ra nandembuturã tuchi core. Ũquĩ nandeicua eãte raque quia ã. Jesucristo tu mose, nandemae tuchi ra erese cote. Erã si ra nandeico tuchi cote. ³"Jesucristo ra tu sembuturã" ae i icuate quia uchiangui re nae, ũquĩ ndiqui siqui turã tuchi ũquĩ. Jesucristo rã sí.

⁴Mbae icuã naa naasa rei Dios cheẽ mumbasa. Eicuãte Dios cheẽ mumba. ⁵Jesucristo que tu mano nandeicuã mbutiã nandesi ra. Mbae icuã ngue esaã jiri jiriã tuchi quia ra. Ûquĩ jẽicuate quia ã. ⁶Ae siqui quia Jesucristo rese nae, ũquĩ nda mbae icuã mo saã eã. Ae siqui quia mbae icuã ndese, ũquĩ nguia eicua eãte nguiã. ⁷Seriirĩ, emo nda jembiirĩ irĩchĩ ñee ñooño jẽje jẽ. Ae mbae turã saã saã nguia, eturã ño ũquĩ nde. Jesucristo rã sí chỗ ũquĩ nde. ⁸Ae mbae icuã saã saã nguia, diablo rimba chỗ ũquĩ nde. Diablo riqui mbae icuã naa naa mbei co. Cose ndare bei. Diablo chiao mbuquiachã sacuã ño ngue Dios riirĩ ndu ra. ⁹Nande Dios

riirī mose, mbae icuā nandesaā aroneate. Dios quiatu ngue ngueco mee nguiā nande je. Nyebe nandeico nguiā mbae icuā naa aroneate ā. Eriirīte quia nande re. ¹⁰Ae Dios riirī nae, ae Dios riirīā no nae, ūquī abe aba chiicuate. Emo nyesecua eā mose ngõngue rese, diablo riirī ño ūquī nde. Emo mbae turā naa naa eā mose, diablo riirī ño ūquī no nde.

Nandechesecua cho nguia nandechiese

¹¹Cose ndare bei que jeingo a andu ra: nandechesecua bei cho nguia nandechiese. 12 Caín na nda jeingochi je. Diablo resenda cho ae re. Nyebe ngõngue iquia nguiã. ¿Mbaerã ño ngõngue iquia chã? Echisaã saã icuãte quiatu ngue eriqui nguuiã. Enongue chisaã nguiatu ngue eturate riqui nguiã. ¹³ Jesús quiatoã jeucuãyã mose, jenyuruirate chi nda mae erese je. ¹⁴Nanderaaque rã eã ño nandeico nguiã ã cote. Dios nandereco mingo tuchi quia co cote. Nandenongue rese nandeico nyesecua ã cote. Nyebe nandeico nguiã "nanderaaque rã eã ño nandeico nguiã ã cote," i. Ae nyesecua eãte quia ngõngue rese, eraaque rã mbei tuchi chỗ ũquĩ ndiqui nguiã ũquĩ. 15 Emo ngõngue ucuãyã mose, mbia iquiasa rã tuchi chỗ ũquĩ nde. Dios ra aba iquiasa mingo bei eã. 16 Jesús que mano nande je ra. Nyebe nandeico nguiã "Jesús riqui nyesecuate nanderese co" i. Ei nande quiatu quia nyesecua nandenongue rese. Nandeteã teã eã ño mano sacuã nandenongue rii. 17 Nandequetea tuchi aroneate nandembae rese mbaecha reã mo je. Emo ia eã eã mose mbaecha reã mo ndese, ¿mañi ño nda equia nyesecua Dios rese uchiangui re? 18 "Aico nyesecuate mbia rese co" nande chooñochi nda equia je. Mbae tură quiatu nandesaă saă tuchi quia ee.

Nandeirei irei eate equia nee Dios je a

¹⁹Nandechesecua mose mbia rese, Dios resendate quia nande re. Nandechiã ngoi turãte. ²⁰Nandechiangui renda nandemundua ndua mose nandeicuã ndese, Dios quia rei equirãcuã tuchi ũquĩ si. Ae quia mbae icua jate nguiã. ²¹Nandechiangui renda nandemundua eã mose nandeicuã mo ndese, nandeireĩ ireĩ eãte quia ñee Dios je ã. ²² "Mbae mo embu seje" nande mose Dios je, mondo ra nande je. Echeã nguia nandemumbayãte nguiã ã. Nyebe ra emondo nande je. ²³Ã ndei Dios cheã ã, nande emumbayã sacuã ã: "Serucucha jẽicua Jesucristo jẽ. Jenyesecua chỗ jenyiese Jesucristo cheã nguire jẽ", i Dios quia nande je co. ²⁴Nande echeã mumbayã mose, nandeico beite quia erese ã. Ae abe riqui beite nanderese co. Espíritu Turã Dios mondo quia nande je nae, aque chỗ nandembiirandu nguiã ũquĩ ndese. —Dios riqui beite jeñiangui re co, i Espíritu Turã nguia nande je co.

Eĩ nande ra Dios quiato icuã; Dios quiatoã abe icua

4 —Aico Dios cheë nenei nenei co, i ja jate raque mbia quia ã. Ñee ñooñote quiatu nguiã ã. Ũquĩ ñee nda jëisi chooñochĩ nguia jẽ.

1 JUAN 4 458

—¿Ma Dios cheẽ nenei neneisa tuchi ma nde? jenye tuchi rã eicua nyii. 2"Jesucristo que tu ibate si mbiarã nda" i mose ũquĩ, Espíritu Turã ndiqui erese ũquĩ cote. Eĩ jenye ra eicua. 3"Jesucristo que tu mbiarã nda" i eã mose, Espíritu Turã siqui eã tuchi chỗ nguiã erese. Cristo ucuãyãsa chỗ ũquĩ nde. Se rei Cristo, ichỗiño ño nguiã ã. Cristo ucuayãsa ra tu, i jeñandu quia nyii nae, aque riqui a cote. 4Dios resenda rei jẽ, Seriirĩ. Ae siqui jeñiangui re co nae, ae quia rei equirãcuã tuchi ibi jenda si. Ae Dios cheẽ senei ñooño nguia nae, jẽ quiatu que jẽquirācuã tuchi ũquĩ si ra. 5Dios quiatoã no ũquĩ nde. Ibi jendachỗ no ũquĩ nde. Ibi jendachỗ nii ño eriqui nguiã ñee mbia je. Mbia ibi jenda achỗ no echeễ ñandu nguiã. 6Nande quiatu Dios resenda tuchi re. Ae Dios icua quia nae, ũquĩ ndiqui nandecheễ andu ũquĩ. Ae Dios icua eate quia nae, ũquĩ nguiatu nandecheễ andu sereate nguiã ũquĩ. Eĩ nande ra Dios quiato icua. Dios quiatoã abe icua.

Dios nyesecua tuchi mbia rese

7Sechesecua, nandechesecua ja chō nandechiese jē. Dios chō nandembuchesecua nguiā nandechiese. Nandechesecua mose nandechiese, Dios riirī ño nande re. Ūquī mose chō nandeico nguiā Dios icua ã. 8Nandechesecua eā mose nandechiese, ā nguia nandeico nguiā Dios icua eāte ā. Dios quia siqui nguiā nyesecuate nanderese co. 9Dios que nguiirī mii mbu íbii ra. Nandemingo bei tuchi sacuā eriī. Nyebe nandeico nguiā "Dios riqui nyesecuate nanderese co" i. ¹ºDios ae nyesecua aquiatute. Nande rane nguia nandechesecua eāte nguiā erese. Ae rane nguiatu ngue nyesecua nguiā nanderese. Nyebe nguiirī mondo nguiā nandeicuā ndiquicharō sacuā. ¹¹ Sechesecua, Dios nyesecua tuchite quia nanderese co resē. Nyebe nande abe quiatu nandechesecua nandechiese. ¹² Nandechesecua mose nandechiese, Dios riqui tuchi nandechiangui re co. Dios riqui nandembuchesecua tuchi nandechiese co. Aba mo mae eā ndaque erese.

¹³Ã nandeico tuchi Dios rese ã. Ae abe siqui tuchi quia nandechiangui re co. Espíritu Turã ngue Dios mondo nande je, ae chỗ nandembiirandu nguiã ũquĩ ndese co. ¹⁴Dios que nguiirĩ mondo mbia rirõ ja sacuã huiicuã si ra. Uremae ngue erese ra. Ã ureico erenei nenei ja mbia je ã. ¹⁵"Jesús rei Dio s riirĩ" nande i mose, Dios riqui tuchi nandechiangui re co. Ũquĩ mose nande abe nandeico tuchi erese ã. ¹⁶Dios riqui nyesecua tuchite nanderese co. Ũquĩ nandeicua tuchi quia ã cote. Nandechesecua bei mose Dios rese, ã nandeico tuchi erese ã. Ae abe riqui tuchi nandechiangui re co. ¹⁷Nandeico mose Dios rese, ae riqui nandembuchesecua uchiese co. Nandechesecua tuchi mose erese, nandeico siquicheãte esi ã.
Nandesiquiche ãte ra esi mbia icuã mbasi mose. Nandembasi ãte ra mbia chabe. Jesucristo raãte quiatu nandeico nguiã nande ã. ¹⁸Nandesiquiche

mose Dios si, nandechesecua tuchi ãte quiatu nguiã erese nandechiangui re ã. Nandechesecua tuchi mose erese, nandesiquicheã nda esi. Nandesiquiche mose Dios si, nandesiquiche chỗ nda nandembasi. ¹⁹Dios rane ngue nyesecua nanderese nyii ra. Nyebe nande abe nandeico nguiã nyesecua erese ã cote. ²⁰ "Achesecua quia Dios rese co" i mose emo, ngõngue ucuãyã mose, ñee ñooño je chỗ ũquĩ nde. Nandechesecua eã mose nandenongue rese, Dios abe rese chỗ nandeico nguiã nyesecua eã no. Dios rese quia nandeico nguiã mae aroneate. ²¹ Ã i que ñee nande je ra: Ae nyesecua quia Dios rese nae, sã nyesecua ngõngue abe rese.

Jesús quiato "qui je" i mbae icua je

1"Dios chimondo rei Jesús" nande i mose, Dios riirī no nande re. Emo ndese nandechesecua mose, eriirī abe rese ra nandechesecua. Nandechesecua mose Dios rese, echee nandemumba ea mose, Dios riirī ja rese abe cho nandeico nguiā nyesecua a. 3Dios rese nandechesecua mose, echee nandemumbayāte quia a. Echee mbaranguiatua eate riqui nande je co. 4Dios riirī mose nande, ibi jenda icua nandesiquisa quisa no nguia nandechesi a. Nandeico Jesucristo icuate a. Nyebe nandeico nguia "qui jē" i mbae icua ibi jenda je. 5Jesús icuasa acho nda "qui jē" i mbae icua ibi jenda je. —Dios chimondo rei Jesús, i je ra "qui jē" i ibi jenda icua je no.

Dios siqui ñee mbei Jesús quiato chiangui re

6 Jesucristo que tu íbii ra. I je que Juan bautizar i ee ra. Eruqui que uche emano mose ra. Ũquĩ Espíritu Tura senei senei nguia nande je a. Ae ñee ñooño eate quia co. 7-8 Tres riqui nandembiirandu randu Jesús riĩ a. Espíritu Tura nane. I abe no. Jesús ruqui abe no. Ũquĩ ja riqui nandembiirandu randu Jesús riĩ a. Hue rĩ ja cho ũquĩ tres riqui nguia ñee. 9 Eĩ sí que Dios ñee Jesús riĩ nande je ra. "Ae bei", nande cho nguia ee. Sã nandeico mbia chee mo isi tura no. Dios chee nguiatu nandeisi tura tuchi. 10 Ae Dios riirī icua quia nae, ũquĩ je quia Dios riqui nguia ñee mbei echiangui re Jesús riĩ. Ae "eno" i ate quia Dios chee je nae, "ichoiñosa cho Dios chee nde", isa cho ũquĩ nde. "Eno" i ate quiatu nguia Dios ñee mose Jesús riĩ. 11 Dios nandemingo bei quia co. Nguiirī nii ño eriqui nguia nandemingo bei co. Ũquĩ nii ño Dios riqui nguia ñee nande je. 12 Ae chiangui re Dios riirī ndiqui nae, ũquĩ nda Dios mingo bei. Ae chiangui re eriqui eate nae, ũquĩ nguiatu ra emingo bei eã.

Juan embesa hui bei

¹³A aico ã mbesa jēje a. Dios riirī icuasa je a. "Dios ra semingo bei" jenye sacuã eicua jeñiangui re. ¹⁴Nandesiquicheã nguia ñee Dios je ã. "Mbae mo embu seje", i mose ee, mondo ra nande je. Nandendua mose

1 JUAN 5 460

ae rã sí, mondo ra nande je. ¹⁵Nande ache i mose ee ra nandeandu. "Aque embu seje", i mose ra emondo nande je. Nandeico ũquĩ icuate ã. ¹⁶Nandemae mose nandenongue rese mbae icuã naa naa mose, nandecheẽ Dios je eriĩ. Dios ra emingo turã cote. Aque mii mbae icuã ndiqui mbia mbuquiachã icuã mbei co. Emo aque icuã naa mose, "jeñee Dios je eriĩ", ae ãte quia jēje co. Ũquĩ nda quiachã mbei chõ. ¹⁷Mbae icuã naa naa mose rei eicuã tuchi. Aque mii mbae icuã nguiarei mbia mbuquiachã mbei mondo tata cuásuu.

¹⁸ Dios riirĩ mose nande, nandeico ãte quia mbae icuã ndese ã. Jesús riqui nanderaarõ mbeite mbae icuã si co. Satanás nandembiicuã eã sacuã. ¹⁹ Nande rei Dios resenda. Ũquĩ nandeicuate quia ã. Mbia ataque quiarei Satanás ndesenda tuchi. Eicuã ndesenda tuchi. ²⁰ Dios riirĩ ngue tu nandembaaquiatu sacuã Dios rii nda. Dios ichõiñosa reã nii. Ichõiñosa reã no eriirĩ abe no nde. Ae rese nandeico tuchit e quia ã. Aba mingo beisa chõ ae re.

²¹ Seriirĩ, Dios aba reã ndese ra jẽɨngochɨ. Amén.

SEGUNDA CARTA DEL APOSTOL SAN JUAN

Achesecuate jendese, i Juan

¹ Juan ndei se. Ameite se. A aico ã mbesa mbesa ndeje a, Ari. Dios chiirabo tuchi chỗ nde re. Nderiirĩ je abe aico ã mbesa mbesa a. Co aico nyesecua tuchi jendese co. Dios rese quia jẽingo tuchite nguiã ũquĩ. Nyebe Dios quiato riqui nguiã nyesecua jate jendese ũquĩ. ² Achesecua tuchite quia jendese co. Dios cheẽ nguiatu siqui beite quia nandechiangui re co.

³Dios rei nanderu. Jesucristo rei eriirī. Sã ũquĩ ndiqui turã jendese. Sã ũquĩ ia eã tuchi riqui jendese. Sã ũquĩ ndiqui jembia bei tuchi. Ũquĩ ndiqui nyesecua tuchi jendese ũquĩ. Ũquĩ ñee ñooño eã tuchi quia ũquĩ.

⁴Nderiirĩ mo ngue chi tuchi Dios cheẽ ndese seje ra. Seya tuchi que ũquĩ mose ra. ⁵Nandechesecua ja chố nguia nandechiese. Dios cheẽ yasu eã ño ã nde. Dios cheẽ ñiinda bei chỗ ñene. ⁶Nandechesecua mose nandechiese, nandeico Dios cheẽ ndui sí ã. —Jenyesecua chỗ jenyiese, i quiatu ngue Dios nande je re. Cose ndare bei chỗ jẽingo nguiã ũquĩ andu ã.

Aba mbiiri irisa

7Mbia tubiriã ndiqui aba mbiirî irîte ã cote. Jesucristo que tu ibate si mbiarã nda, i sereã nea. Cristo ucuayãsa, i chỗ ũquĩ je re. Aba mbiirī irīsa, i abe que ũquĩ je ra. 8Cochee chỗ jẽingo. Mbae jẽsaã iru iru eã sacuã Dios je. Ũquĩ mose ra Dios jenyisaã sibishoro turã tuchi jẽje. 9Emo icha mose Cristo cheẽ si, Dios resenda eã no ũquĩ nde. Emo siqui bei mose Cristo cheẽ ndese, Dios resenda tuchi chỗ ũquĩ nde. Cristo resenda abe no. 10Emo mbia mbaaquiatu quiatu mose Cristo cheẽ ndui si eã, ũquĩ jẽisi turã eã no nguia jenyuchúaa. Jeñee turã turã aroneate ee. 11Ae nee turã nguia ee ũquĩ nii nae, ae abe chỗ eicuã ndiqui nguiã erã sí.

2 JUAN 462

Juan embesa hui bei

¹²Mbae tasenei ja tuchi jēje, ae rei que se ra. Ambesa oco sereāte mondo jēje. Tambuchecua tuchi chō oso ñee jēje, ae que se ra. Nandeya tuchi sacuā nandechiese.

 $^{13}\mathrm{Dios}$ chi
irabo tuchi chỗ ndenongue re. Eriirĩ ja saludos mondo quia ndeje aque. Amén.

TERCERA CARTA DEL APOSTOL SAN JUAN

Gayo turăte que eriqui Dios je ra

¹ Juan ndei se. Ameite se. A aico ã mbesa mbesa ndeje a, Gayo. Aico nyesecua tuchite nderese co. ²Sechesecua, acheẽ mbeite quia Dios je nderiĩ co. Dios nemingo turã sacuã. Nderete abe mingo turã sacuã no. Sã ereico siqui tuchite Dios rese no. ³Seya tuchi que jirandu mose nderese ra. Nanderesenda mo ngue ngaẽ sembiirandu nderese ra. —Gayo riqui tuchi Dios rese aque, i que sembiirandu ra. ⁴—Nderiirĩ nyi tuchi Dios rese pee, i mose seje, sembia beite equia co. Ūquĩ nguiatu sembia tuchi nguiã mbae mo si co.

⁵Sechesecua, ereico tură tuchi nanderesenda je huee. Ishonda je abe no. Mbae tură eresaă saă mbeite quia ee huee. ⁶Urechumunua mose que Dios quiato mo urembiirandu ndetură ndese ra. —Nyesecua tuchi que urerese ra, i que ecuae ñee ure je ra. Mbae tură emondo mondo bei ee, embucuata tură sacuă. Ei mose ra Dios ia tuchi nderese. ⁷Jesús rii nguiatu ũqui ndiqui nguiă ngata mbia mbaaquiatu quiatu. Mbae mo nda eisi chooño eă Jesús icuasa reă mo si. ⁸Nyebe nande chō mbae nandemee mee ee. Dios cheĕ nenei neneisate quia ũqui nde.

Diótrefes ucuasu raã ñooño

⁹Papel jua que ambesa rei mondo jeñumunua ji je ra. Diótrefes quiatu seosei chiãte nguiã. —Se mii ño ererecuarã, ite. ¹⁰Huee seso mose ra Diótrefes icuã asenei jẽ ja je. Ae icuã esaã ure je nae, ũquĩ. Nanderesenda abe isi teã teã nyee. Emo eisi turã sete mose, ñee asi asi chỗ nguiã aque abe je no. Mombo chỗ nguiã hue si no. ¹¹Sechesecua, ereicochĩ nda eicuã mo ndui. Eturã ndui chỗ eico. Eturã nduinda quiarei Dios resenda. Ae siqui quia eicuã ndui, ũquĩ ndei Dios resenda eã.

Eturã tuchi, i Demetrio je

¹²Demetrio quiarei etură tuchi. Co eriqui tuchi Dios rese co. Mbia ja abe ñee turăte quia erii ũqui. Se abe achee turăte quia erii co. Achee ñoono âte que se quia jeje rese. 3 JUAN 464

Juan embesa hui bei

¹³Mbae tasenei ja tuchi ndeje, ae rei que se ra. Ambesa oco sereãte mondo ndeje. ¹⁴Namo jiri ra amae nderese reae. Aque mose ra nandecheẽ tuchi nandechue. ¹⁵Sã Dios nembia turã mbei mingo. Nandequiato a jenda ja saludos mondo quia ndeje aque. Saludar ere sequiato hue jenda ja je.

LA CARTA DEL APOSTOL SAN JUDAS

Judas embesa Dios chiirabo je

¹ Judas rei se. Jesucristo rimba. Jacobo nongue rei se. Ã ambesa quia jēje a. Dios chiirabo je. Dios que jēirabo ino icúe umbaerã nda. Dios riqui nyesecua tuchi jendese co. Dios riqui jenderecoquiatu bei Jesucristo mbaerã co. ²Sã Dios riqui ndua bei jendese. Sã eriqui jembia bei. Sã eriqui nyesecua bei jendese.

Ae Jesús quiato saã ñooño nguia

³Jesucristo nandemingo beisa rii ngue ambesa seese rei nguiã jejē. Ae mbia mbaa tambesa jēje. Jēingo eã nonde erese. Ũqui nee icuã icuã mose Dios cheẽ nii, echeẽ jēsibishorõ. —Dios cheẽ tuchi chõ nene, jenye tuchi quiatu quia Dios cheẽ ndiquisã quisã mbia icuã si. Dios quiatu ngue ucheẽ mondo ja nguiã nguesenda ja je. ⁴Dios quiato raã naasa mo ndiqui mbia mbaaquiatu icuã icuãte ũqui. Ũqui siquíã tuchi chõ nguiã Dios rese ũqui. —Sã Dios riqui aba icuã mbutiã uturã je c o no jē. Nyebe mbae icuã nandesaã i i chỗ jē, i chỗchĩ nguiã ũqui. Jesucristo cheẽ ndui eã tuchi chỗ ũqui nde. Nandererecua cheẽ ndui eã. Cosete que Dios ũqui mbiicúe embasi sacuã nda. Mbasi mbasi bei ra equia cote.

⁵Mbae tasenei na jēje. Jēicuate raque. Taemunduabe erese. Dios ngue judíos sirõ ja rei nguiã Egipto si cose. Mbia hue jenda icuã icuã mose ee. Ũquinde que siqui sereã Dios rese cote ra. Nyebe Dios eiquia nguiã. ⁶Sã ángeles mo je Dios ñee ndei no jẽ. "Aa jẽingo aa", sã i rei ee no jẽ. Sã Dios cheẽ mumba chỗ no jẽ. Sã Dios riqui etarỗi nderequia itondaruqui re co no. Embasi mbasi bei sacuã cote. ⁷Sã Sodoma jenda no. Sã Gomorra jenda no. Sã ũquĩ ndurubinda ja no. Siqui chooño eã. Mbae icuã naamba amba. Siqui siqui emo ninisi rese. Eruã mo ndese abe no. Nyebe que Dios ũquĩ mombo tata cuásuu ra. Mbae rasi ra esaã mbei u huee cote. Mbia mundua ndua sacuã ño ũquĩ nde.

JUDAS 466

8 Ae Dios quiato saã saã nguia nae, ũquĩ ndiqui ndua icuã icuã mbei ũquĩ. Nyebe eriqui nguiã nguete mbiicuã ũquĩ. Aba cheẽ mumba. Ñee icuã ángeles ibatenda abe rii no. 9Sã Miguel ángel rerecua no. Sã ñee asi asi nyue diablo rese no. Moisés rete rii. —Mbae icua tasaa ndeje, i eã ngue diablo je ra. —Dios quiatu ra mbae rasi saanguquia ndeje, i chõ ngue ñee diablo je ra. ¹⁰ Ae Dios quiato saã saã nguia nae, ũquĩ ndiqui ñee ñooño mbae uchiicuayã nii ã. Ae eicuate quia mbae nae, ũqui ndese siqui tură eã. Siqui chooño eã ũquĩ ndese. Nyebe ra Dios embasi tuchi cote. Quiaa riinda quia mbae icua jiri nguiã ũquĩ si. 11 Aba mbia eã tuchi chỗ ũquĩ nde. Caín na tuchi chỗ eriqui nguiã mbae icuã naa naa ũquĩ. Balaam abe rã si cho eriqui nguiã icha icha Dios si ũqui. Mbae isiquia acho ndese sigui sacuã. Aba cheẽ mumba mumba bei chỗ nguiã Coré rã ũquĩ. Nyebe ra Dios mbae rasi saanguquia ee Coré rã si. 12 Ae Jesús quiato saã saã nguia nae, aba ireinguia tuchi chỗ ũquĩ nde. Jeñumunua nua mose quiaru sacuã nyiese, ũqui ndiqui quiaru chooño ño ũqui. Mbae abe mbei chooño. Ico chooñoa abe mbia mo je. Mbia reaquiatusa mo na eã. Nguete mɨɨ ño ũquɨ teaquiatu nguiã ũquɨ. Sã ibei rondei riqui raque pã i mose no. Să eriqui nyaaquíă no jẽ. Să quiriria ndiqui ibei rondei rerao no jẽ. Ũqui na ño Dios quiato raã naasa riqui nguiã ã. Mbae iabae je rã abe chỗ eriqui nguiã ã. Ira shii rã abe no. Ira riqui ji rã abe no. 13 Ama ndebera rã abe chỗ ũquɨ ndiqui nguiã ũquɨ. Mbia mbaaquiatu quiatu mose, i rɨchoɨ rã ño ũquĩ nde. Sã nyasitata riqui oso ngũenda recha no. Eĩ si chỗ ũquĩ nguiã ũquɨ. Nyebe ra mbae rasi raã tuchɨ itondaruqui re.

¹⁴Enoc abe que ñee ũquĩ icuã nii nda. Adán ndiirĩ nducucha rei ae. Eĩ ngue ñee nda: "Dios ra tu ngũimba tubiriã ndese. ¹⁵Mbia icuã mbasi ja ra eu. Ae icuã mbia saã saã nguia nae, ũquĩ ndese ra mae ja. 'Mbae icuã asaã ãte resẽ', i aroneate ra ũquĩ cote. Ae ñee icuã nguia Dios riĩ nae, Dios ra echeẽ icuã senei a e sí je cote. 'Eĩ ere que equia ñee icuã seriĩ nda', i ra Dios ee. Echisaã icuã tuchi chố ũquĩ nde", i que Enoc ñee cose ra. ¹⁶Echiichati tuchi chố ũquĩ nde. Ñee icuã mbei equia emo nii ũquĩ. Ae rese eriqui sete nae, ũquĩ mii ndese chố eriqui nguiã ndua ũquĩ. Ucuasu raã ñooño. Uchuru mondo chooño. Ñee turã abareã nea emo je. Mbiirĩ irĩ ño nguiã ñee turã abareã nea ee.

à jēsaã saã, i Judas Jesús quiato je

¹⁷ Jẽ nguia rei Jesús quiato tuchi. Jesús chimbaaquiatu cheẽ si jẽtesarei eã. Ã ndei echeẽ ã: ¹⁸ "Mbae ua ja nonde ra mbia iquia iquia Dios cheẽ je. Ae icuã ndese eriqui sete nae, ũquĩ mii ndese chõ nda eriqui nguiã ndua", i que Jesús chimbaaquiatu ñee cose ra. ¹⁹ Mbia mbuqueta quetasa tuchi chỗ ũquĩ nde. Ae ebite mbae icuã nae, ũquĩ ndese achỗ ño eriqui nguiã ndua. Espíritu Turã siqui ãte echiangui re. ²⁰ Jẽ nguia jeñimbirãcuã tuchi quia Dios rui. Dios jēicua tuchi. Jeñee mbei Dios je. Sã Espíritu Turã

467 JUDAS

ndiqui jembucheẽ mbei Dios je. ²¹ Jẽingo bei quia Dios rese. ੈ nda jeñee.
—Nyesecua tuchi chố equia nanderese re, i. Jesucristo ia eã tuchi que nanderese ra. Nyebe ra nandemingo bei tu mose. Ũquǐ jĕsaarõ mbei quia. ²² Ae Dios tiisu isu quia nae, ũquǐ jembuti mbuti quiatu quia Dios cuti. ²³ Mbia icuã mo abe jemingo Dios rese. Tata si erirõ naanguia jemingo Dios rese. Eicuã tuchi raque. Jĕingo tuchi quiatu quia Dios rese. Ũquǐ icuã uba eã sacuã jendese.

Judas ñee turã Dios riĩ

²⁴Dios mɨi ño jendeaquiatu bei nguiã jembiicha eã sacuã. Dios mɨi ño jeñiangui renda icuã mbuchicuabo nguiã jemingo sacuã uchiese. Dios mɨi ño jembia bei nguiã no. ²⁵Dios mɨi ño mbae icua ja nguiã. Dios mɨi ño nandemingo bei nguiã Jesucristo rɨi no. Ae je ra mbia ñee turã mbei quia. Ae rei eturã tuchi. Ae rei ererecua tuchi. Ae rei equirãcuã tuchi. Eɨ mbei chỗ ae re. Amén.

APOCALIPSIS

O REVELACION A SAN JUAN

Jesucristo mbae mbuchecua

1 Juan ño se re. Mbae tasenei jēje. Ae ra nyecua namo nae, ũquĩ tasenei jēje. Dios rane ngue embuchecua Jesucristo je ra. Jesucristo que ángel mbu sembiirandu sacuã erese cote ra. Se jembiirandu sacuã erese cote. 2Nyebe aico nguiã Dios cheẽ mbuchecua checua jēje co. Ae Jesucristo senei senei nguia seje nae, ũquĩ ño asenei senei nguiã jēje co. Ae rese semumae nae, ũquĩ abe chỗ asenei senei nguiã jēje co. ³Ae ra mae mae nguia sechimbesa rese nae, Dios turã tuchi ra eriqui ũquĩ je. Ae ra nyiisaquia turã sechimbesa rese nae, Dios turã tuchi ra eriqui ũquĩ je no. Achite secheẽ ñi ique a cote.

Juan uchee mbesa mondo siete iglesias je

⁴Se rei Juan. Jẽ siete iglesias Asia jenda je aico ã mbesa a. Sã Dios riqui uturã ndeacuquia cuquia jēje. Sã Dios riqui jembia bei mingo. Ae chỗ siqui bei nguiã co. Ae siqui beite quia nyii no. Ae ra tu emo mose no. Sã Espíritu Turã abe riqui uturã ndeacuquia cuquia jēje. Ae chỗ siqui nguiã mangue chooñoa ja co. Mbae raã naa Dios je. ⁵Sã Jesucristo abe uturã mee jēje. Ae que nandembiirandu turã tuchi Dios rese ra. Ae rane ngue quera si manonde ra. Ae quia rei equirãcuã tuchi mbia rerecua mo si. Ae riqui nyesecua tuchite nanderese co. Ae que nandembui nandeicuã si nguqui je ra. ⁶Ae que nandemingo bei ngu res e erimbarã nda. Nande mbae raã naa sacuã Dios je. Sã mbia riqui ñee turã turã mbei Jesucristo je. Ae ra ererecua bei. Amén. ⁷Jesucristo ra tu ibei si. Mbia ra mae ja tuchi equichi rese. Mangue jenda chooñoa tuchi ra mae ja erese. Ae Jesús iquia nyii nae, ũquĩ abe ra mae erese no. Mbia ra siquichete nyeseo mae mose erese. Ae bei. Amén.

8—Co aico beite querabe co. Mbae eã mose que aico se rane nyii ra. Mbae ua ja mose abe ra aico bei querabe no, i que Dios ra. Equirãcuã

mbeite riqui co. Ae cho siqui bei nguiã co. Ae siqui beite quia nyii. Ae ra tu sí emo mose.

Juan mae Jesús rese cuu

9Se rei Juan. Jendesenda cho se re. Nandeico ñimbiracua jate mbia icua icua mose nande je a. Jesucristo rii. Ae si cho nandembiracua nguia co. Ae si cho nandererecua ja riqui nguia co no. Ama ndisha joo ngue mbia sereru aa ra. Aa semingo isho mbia si a. Se Dios chee nenei nenei ea sacua. Mbia mbiirandu ea sacua Jesucristo rese. Patmos, i que a ejoo acua je ra. 10 Aa sereco mose que Espíritu Tura mbae reacuquia seje cuu ra. Domingo mo mose. Emo ngue ñeemombo seje sequite quiti cuu ra. Echee ngue serasate ra. 11—Se ae que aico bei mbae ea mose nyii rese. Mbae ua ja mose abe ra aico bei no, i que seje ra. —Ae ra eretea cuu nae, uqui embesa papel rese. Ndechimbesa emondo ra siete iglesias Asia jenda je. Efeso, Esmirna, Pérgamo, Tiatira, Sardis, Filadelfia, Laodicea. Uqui jenda ja je ndechimbesa emondo, i que ñee seje cuu ra.

12—¿Aba ñee nguia seje re? ae que uba mae nda. Siete candeleros oro ao ji rese que amae nda. ¹³ Ũquĩ ite re que mbia raanguia mo ñi juã nda. Dios riirĩ ño eriqui reaẽ. Huiirao oco que ecunua nda. Eichuã ati tuchi que eirao ra. Oro ao ji chỗ ngue eishia cuasa ra. ¹⁴Eashĩ tuchi que ra. Tata rendi rã tuchi que eresa ra. ¹⁵Ei nininyate que ra. Bronce rã. Ama ndieu rã ño ngue echeẽ nda. ¹⁶Nyasitata siete que equereco oo ra. Uquiatocuti que ererequia ra. Espada que equereco uchúruu ra. Erimbe tuchi que ra. Erimbe chobei que ra. Eruba nininya tuchi que ra. Sã tenda nininyate riqui nandeite re mose no.

¹⁷Semae mose erese que sesiquiche tuchi ra. Mbia raaque rã ngue aso ngoi ejii ra. Oco que serese oo uquiatocutinda je ra. Ñee ngue seje ra. — Eresiquichechĩ nguiã sesi. Ae siqui beite quia querabe nae, ae chỗ se re. ¹⁸Seraaque rei que nyii ra. Aico bei querab e co cote. Mbia mingo beisa chỗ se re. Secheẽ mose ra mbia mano. Secheẽ mose ra mbia riqui bei querabe no. ¹⁹Ae rese eremae nae, ũquĩ embesa rã. Ae ateacuquia cuquia quia ndeje namo nae, ũquĩ abe embesa no. Ae ra nyecua nyecua emo mose nae, ũquĩ nonde embesa jei rã. ²⁰Siete candeleros rese que eremae namo, siete iglesias rã no ũquĩ nde. Siete nyasitata rese que eremae séoo, siete iglesias rerecua rã no ũquĩ no nde. Jesús quiato rerecua rã no ũquĩ nde, i que nee seje ra.

Cristo uchee mondo uquiato Efeso jenda je

2 ¹Jesús que ñeembe seje ra. —Dios quiato rerecua Efeso jenda je ã embesa rã. à embesa rã mondo ee: "Cristo que ñee jēje ra. Ae siete nyasitata quereco oo nae, aque. Ae ngata quia siete candelero ite rã nae, aque sí chỗ ñee nguiã jēje aque. ²Ã ngue Cristo ñee jēje ra: 'Jenyisaã

tură aicuate quia co. Ă jĕingo quiei quiei tuchite seje ă. Jeñimbirăcuă tuchite quia mbae icuã si ã. Ã jẽingo jiri jiriãte mbia icuã ndese ã. Ae sequiato rerecua saã ñooño nguia nae, je ngue ũquɨ jeisia nda. "Ma Jesús quiatote", jenye turã tuchi que ra. "Ichôiñosa chô ñene" jenye chô ngue erii nda. 3 Jeñimbiracua turate que equia ra. Mbae rasi que jesaa nguia serii nda. Jequiei quiei tuchite que seje ra. Jehui ea mbeite equia sesi ã. Ũquɨ jēsaã turã jate rei nguiã ã. ⁴Ã nguiatu sembia eãte nguiã ã. Jenyesecua eă jirichi equia serese je nguiatu a cote. Seicua ramo mose que jeote serese nyii. Jenyesecuate que equia serese nyii. Ei jenye ea nochi equia a cote. 5 Jendua ra uqui ndese ae. Jenyesecuabe jiri serese ae. Jemba eã mose serese, jaembutiã nda u. Sequiato eã nda jẽ cote, jemba eã mose serese. ⁶Ã abe sembiate quia jendese ã. Ae siqui quia Nicolás rese nae, ũquĩ nyisaã jẽucuãyãtequia ũquĩ. Se abe aucuãyãte quia co no. Ũquɨ nyɨsaã ɨcuāte riqui ũquɨ. ⁷ Jēisa mose, Espíritu Turã ñee jeñandu rã. Ae Espíritu Turã ndiqui ñee iglesias je nae, ũquĩ jeñandu rã: Āe "qui jẽ" i beite quia Satanás quirãcuã je nae, ũquĩ nda amingo turã mbei ibate Dios rese', i que Cristo jeje ra", ere cho embesa mondo seguiato Efeso jenda je.

Cristo uchee mondo uquiato Esmirna jenda je

8Dios quiato rerecua Esmirna jenda je ã embesa rã. Ã embesa rã mondo ee: "Cristo que ñee jeje ra. Ae rane ño ngue siqui bei mbae ea mose nyii ra. Mbae ua ja mose abe ra eriqui bei no. Ae que mano ndei nyii ra. Manonde eriqui beit e co no. Aque sí chỗ nee nguiã jēje co. 9Ã ngue Cristo ne e jeje ra: 'Jenvisaa tura aicuate quia co. Mbia icua icuate riqui jēje serii ūqui. Mbaecha reāte jēingo ūqui. Dios quiatu siqui tuchite nguiã jendese co. Ae Dios chiirabo saã ñooño nguia nae, ũquĩ ndiqui ñee icuã mbeite jenii ũquĩ. Satanás chiirabochõ ño ũquĩ nde. ¹⁰ Ae ra jēsaã saã mbae rasi nae, ũquĩ mo si ra jesiquichechĩ je. Satanás nda jemo taro mii. "Ma nyao Dios sɨ", ɨ sacuã ño ũquɨ nde. Diez días ra jeɨngo mbae rasi raã naa. Ũquĩ mose, jẽingo bei Dios rese. Mbia ra jẽiquia serĩ. Ũquĩ mose nda jaemingo bei Dios rese cote chã. 11 Jẽisa mose, Espíritu Turã ñee jeñandu rã. Ae Espíritu Turã ndiqui ñee iglesias je nae, ũquɨ jeñandu rã: Ae "quɨ je" i beite quia Satanás quiracua je nae, uqui nda Dios mondo ea tata cuásuu', i que Cristo jeje ra", ere cho embesa mondo sequiato Esmirna jenda je.

Cristo uchee mondo uquiato Pérgamo jenda je

¹²Dios quiato rerecua Pérgamo jenda je ã embesa rã. Ã embesa rã mondo ee: "Cristo que ñee jēje ra. Ae espada rɨmbe chobeɨ quereco nae, aque sí chỗ ñee nguiã jēje co. ¹³Ã ngue Cristo ñee jēje ra: 'Sucha tubɨrɨä jendecua aɨcuate quia co. Mbia hue jenda siqui tuchɨte quia Satanás ndese ũquĩ. Jẽ ae chỗ jĕingo nguiã serese ũquĩ. Jēhuɨ eãte equia sesɨ ũquĩ.

Mbia icuã sequiato iquia raque huee jendécuaa. Antipas, i rei ngue aque sequiato je re. 14Ã nguiatu sembia eãte nguiã ã. Balaam na tuchi chõ jemo jemo ndiqui nguiã ũquĩ. Balaam nguiarei Balac mbaaquiatu icuã icuã nyii. Balac Israel jenda mbiicuã icuã nonde. Nyebe Israel jenda riqui nguiã siqui tuchi cuña icuã ndese. Dios abareã ndese abe no. Jemo abe chỗ mbia jembiicuã icuã nguiã ũquĩ. ¹⁵ Ae siqui quia Nicolás rese nae, ũquɨ mo siqui chốchɨ nguiã jendese ũquɨ. Ũquɨ ñee aucuãyã tuchɨ quia co. 16 Jendua si rã jêicuã ndese. Nicolás resenda jemombo chõ. Jemombo eã mose ra achu icuate ee. Co espada areco sechúruu co nae, aque ra areco reco tuchi erese. ¹⁷ Jēisa mose, Espíritu Turã ñee jeñandu rã. Ae Espíritu Tură ndiqui nee iglesias je nae, uqui jenandu ră: Ae "qui je" i beite quia Satanás quirãcuã je nae, ũquĩ nda amingo tuchi Dios chee ndese. Dios cheẽ nda ũquĩ mingo bei. Ũquĩ je ra sitashĩ ñetẽ mo amee. Sita ñetẽ ndese ra nombre yasu ambesa mii. Emee sacua ee. Emo nda sechimbesa icuayate nombre yasu. Ae je ra amee, ũquɨ acho nda eicua', i que Cristo

Cristo uchee mondo uquiato Tiatira jenda je

¹⁸Dios quiato rerecua Tiatira jenda je ã embesa rã. Ã embesa rã mondo ee: "Dios rucucha que ñee jeje ra. Ae resa tata rendi saate quia nae, aque. Ae i nininyate eriqui bronce rã nae, aque sí chỗ nee nguiã jēje co. ¹⁹ Â ngue Cristo ñee jēje ra: 'Jenyisaã turã aicuate quia co. Jenyesecuate quia mbia rese ũquĩ. Mbae jẽsaã saã turấte quia Dios je ũquĩ. Ũquĩ jẽingo Dios icua tuchite ũquĩ. Jeñimbiracua turate equia mbae icua si ũquĩ no. Jenyisaã turã tuchite riqui cose ndare si ũquĩ. ²⁰ Ã nguiatu sembia eãte nguiã ã. Jezabel naanguia siqui chôchi nguiã jendese ũqui. ¿Mbaera aque cuña jeteacho nde? Emombo rocoi jenyesi. Dios chee esenei senei noono ño nguiã aque. Sequiato mbaaquiatu icuã icuã ño nguiã aque. Sequiato mingo chooño ño nguiã cuña icuã ndese aque. Sequiato mingo chooño ño nguiã dios aba reã ndese aque no. 21 Jezabel naanguia que atiisu isu chõ nyii ra. "Sã ndua sí huiicuã ndese. Sã eriqui chooñoa mbia rese", ae rei que se nyii ra. Hui eã mbei chỗ equia ũquĩ si aque re. ²²Nyebe ra ambasi tuchi cote. Ae siqui siqui quia erese nae, ũquĩ abe ra mbae rasi saã tuchi cote, ndua si eã mose huiicuã ndese. ²³Ae siqui Jezabel icuã ndui nae, ũquĩ abe ra aiquia. Ũquĩ mose ra sequiato jirandu ja sequirãcuã ndese. "Jesús mbia chiangui renda icua ja cho nguia re. Mbia ndua ndua eicua ja cho nguia re", i ra sequiato serii cote. Jeingo bei mose mbae icua ndese, se abe ra mbae icuã amee jēje. ²⁴Ae siqui eã nguia Jezabel cheẽ ndui jemo nae, ũquĩ je chỗ tacheẽ cote. Jẽ nguiatu que jeñimee ãte Satanás je ra. Nyebe ra acheë tuchiã jeje. "Mbae mo ndese ra jeingochi je", ae eã nda jēje mbae mo nii cote. ²⁵ Ae jēicuate quia serii nae, ūquī ndese jēingo bei querabe. Achu chee nda jēje chā. 26-27 Sā seru uquirācuā me e seje

no. Ae ra secheẽ mumbayã mbeite quia nae, ae ra "qui jẽ" i beite quia Satanás quirācuã je nae, ũquĩ je ra sequirācuã amee tuchi. Ũquĩ nda mbia rerecuarã cote. Ũquĩ nda mbia icuã mbasi mbasi tuchi quia cote. Sã emo ñio iquia iquia ira je no. ²⁸Nyasitata turã na nda aico ũquĩ je. ²⁹Jẽisa mose, Espíritu Turã ñee jeñandu rã. Ae Espíritu Turã ndiqui ñee iglesias je nae, ũquĩ jeñandu rã', i que Cristo jēje ra", ere chō embesa mondo sequiato Tiatira jenda je.

Cristo uchee mondo uquiato Sardis jenda je

3 ¹Dios quiato rerecua Sardis jenda je ã embesa rã. Ã embesa rã mondo ee: "Cristo que ñee jēje ra. Ae siete nyasitata quereco oo nae, aque. Ae rese Espíritu Turã ndiqui nae, aque. Ã ngue Cristo ñee jēje ra:

'Jenyisaã aicuate quia co. Mbia raaque raãte cho jeingochi nguiã uqui. Siqui eã Dios rese. Jêingo arôte raque equia Dios rese mbia je ũquĩ. ²Sechee ndese jenviisaquia rã. Jenimbiracua no nguia siqu i Dios rese. Jěhui serī serīte chochī nguiã Dios si ũquī. Jenyisaã ndese aico mae maete co. Jenyisaã saã icuate riqui Dios je uqui. 3 Jendua jiri mbae rese ae. Ae rese jeñimbaaquiatu nae, ũquĩ ndui jẽingo tuchi jiri ae. Jẽicuã si jẽhui tuchi jiri ae. Jẽ secheẽ mumba mose, jaembuate ra ngasẽ jẽje. Jendua eã mose ra asochi jeje re. Sã mbae mbuquiachasa riqui aba mbuate no. 4Jemo mii mii mbae icua saa saa eate quia uqui. Uqui no nda siqui bei serese. Eiraoshī nda amee ũquĩ je. Mbae icuã ndese quiatu que eriqui oco oco ate ra. 5 Ae "qui je" i beite quia Satanás quiracua je nae, ũquɨ nda huɨɨraoshī quereco quia serese. Ũquɨ nda siqui beɨ serese ibate. Ũguĩ mbae nombres ra achusi eã mbei. "Ã ndei seguiato tuchi ã", ae ra Paba je. Angeles abe je. 6 Jēisa mose, Espíritu Turã ñee jeñandu rã. Ae Espíritu Turã ndiqui ñee iglesias je nae, ũquɨ jeñandu rã', i que Cristo jēje ra", ere cho embesa mondo sequiato Sardis jenda je.

Cristo uchee mondo uquiato Filadelfia jenda je

7Dios quiato rerecua Filadelfia jenda je ã embesa rã. Ã embesa rã mondo ee: "Cristo que ñee jēje ra. Ae ñee ñooño eãte quia querabe nae. Ae mbae icuã saã eã mbeite quia nae. Ae ererecua tuchi riqui David rã si nae. Cristo eiquesa mbuquiata mose, emo ematã aroneate. Cristo ematã mose, emo embuquiata aroneate no. 8Ã ngue Cristo ñee jēje ra. 'Jenyisaã aicuate quia co. Jēquirãcuã miite jēingo raque ũquĩ. Seisi teã eãte que equia ra. Ũquĩ jēingo secheẽ mumbayāte ũquĩ. Nyebe que mbae ambuquiata mii eiquesa rã jēje ra. Jēingo tuchi sacuã serese. Emo nda ematã eã. ⁹Judíos ñee ñooño je ra amumae turã nyee jendese. Ūquĩ ndiqui Dios chiirabo raã ñooñote ũquĩ. Ũquĩ eriqui tuchite Satanás rese ũquĩ. Ũquĩ nda ñee turã nyee seje jenii. "Dios nyesecua tuchi chỗ nguia â ndese re. Judíos eã ndaque", i chee ra jenii. Ngoi turã nyee ra jendese

ñee seje. ¹⁰ Jeñimbirãcuã turãte equia secheẽ nguire ũquĩ. Nyebe ra jaendeaquiatu turãte serequia. Mbia mangue chooñoa jenda mbae rasi raã ja mose ra jaendeaquiatu tuchi serequia. ¹¹ Achu jei ra se. Ae jẽicuate quia seriĩ nae, ũquĩ ndese jẽingo bei querabe. Ĩ nda emo jembui eã Cristo si. ¹² Ae "qui jẽ" i beite quia Satanás quirãcuã je nae, ũquĩ nda amingo bei Dios récuaa. Sembae marca ra amii tuchi ũquĩ ndese. "Dios quiato" i tuchi ra mbia quia ũquĩ je. "Dios recua jenda" i tuchi ra mbia quia ũquĩ je no. "Jerusalén yasu", i chỗ nguiã Dios recua je ã. Jerusalén yasu ra nguichi u ibate si. ¹³ Jẽisa mose, Espíritu Turã ñee jeñandu rã. Ae Espíritu Turã ndiqui ñee iglesias je nae, ũquĩ jeñandu rã', i que Cristo jẽje ra", ere chỗ embesa mondo sequiato Filadelfia jenda je.

Cristo uchee mondo uquiato Laodicea jenda je

¹⁴Dios quiato rerecua Laodicea jenda je ã embesa rã. Ã embesa rã mondo ee: "Cristo que ñee jeje ra. Ae ñee ñooño eate quia querabe nae. Ae rane siqui quia mbae eã mose nyii nae. Ae uchee mbuchebia mbeite quia nae. ¹⁵ Ã ngue Cristo ñee jeje ra: 'Jenyisaa aicuate quia co. Seya eate aico jendese co. Jehui tuchi ate raque equia sesi uqui. Jeingo tuchi eã nochi equia serese ũqui no. Ei jenye jenyete chôchi equia ũqui. I ribebe rã no jeingochi ũqui. 16 Sã emo ndiqui i ribebe mbei aroneate no. Mombo cho nda uchuru si. Ei ae ra jemombo sechuru si no. 17"Ã ureico tuchite Dios rese ã", jenye chooño ñochi equia ñimbiiri iri uqui. Aba mbia eã tuchi chỗ jẽingo nguiã ũquĩ. Mbaecha reã na no jẽingochĩ nguiã Dios je ũquĩ. Eresayã na no jẽingochĩ nguiã Dios je ũquĩ. Jẽirao eã na no jeingochi nguia Dios je uqui no. 18 Jeingo cho nguia serese ae. I nda oro tură naanguia amee jeje. Î nda mbae amee tuchi jeje. Î nda tirushî naanguia amee tuchi jēje. Ī nda jēireī nguiāte jēirao eā si. Ī nda Dios cheē ambuchecua tuchi jēje. 19 Ae rese aico nyesecuate nae, ūquī icuā icuā mose chỗ aico nguiã eiruã nua. Emundua si sacuã mbae turã ndese. Jêicuã si jēhui. Jendua si Dios rese. ²⁰ Aico jēiguesa mbuu mbuu a. Jemo seandu mose, huiiquesa mbuquiata mose seje, aique ra ee. Aico bei ra erese cote. Aquiaru quiaru ra se quia erese cote. Ũquɨ abe ra quiaru quiaru quia serese cote no. 21 Ae "qui je" i bei quia Satanás quiracua je nae, uqui nda siqui bei serese se ererecua tuchi mose. Ũqui abe ra amii mbia rerecuarã. Sã ñi aico "qui je" i beite Satanás quiracua je nyii no. Sã ñi Paba semii mbia rerecuară no. ²² Jēisa mose, Espíritu Tură ñee jeñandu rã. Ae Espíritu Tură ndiqui nee iglesias je nae, uqui jenandu ră', i que Cristo jeje ra", ere cho embesa mondo seguiato Laodicea jenda je, i que Cristo nee seje ra.

Mbia ibatenda ñee tură ja Dios rii

¹Aquere que amae ibate quiti ra. Eiquesa raanguia que nyeequia mii seje ibei ra. Ae ñeemombo sequite quiti serasate nyii nae, aque

que ñee si seje cote ra. -Echu rã ibate. Mbae tateacuquia ndeje. Ae ra jei jei mbia je nae, ūqui tateacuquia ra ndeje, i que seje ra. 2 Aque mose tuchi que Espíritu Turã mbae teacuquia seje cuu ra. Dios rese que amae cuu ra. Huee que eñi ngoi trono tose ibate ra. ³Enininya tuchi que seje ra. Sita rendi rã jaspe rã. Cornalina na abe no. Ibei asa que chi trono mama nda. Ibei asa nininya tuchite que chi nda. Esmeralda rã. 4Veinticuatro tronos que chi Dios mama nda. Veinticuatro amei ngue chi tronos tose ja ja ra. Huiiraoshī ngue ecunui ja ja ra. Coronas oro ao ji que chiichi ja eãquĩ ndese ra. 5 Ama ngue sieu tuchi Dios mbae trónoo nda. Ama ngue ñee tuchi trónoo nda. Pirirã pirirã i tuchi que equia trónoo nda. Siete tata rendi que chi Dios ruba quiti ra. Ũquĩ ndei Espíritu Turã na ũquĩ. 6Ama ndisa raanguia que chi Dios ruba quiti no nda. Eibera tuchi que ra. Mbae reco cuatro que chi Dios mama nda. Eresa ata atate que ũquĩ nda. Eruba quiti que eresa ra. Equite quiti abe que eresa no nda. 7 Nyacua rã tuchi que ũquɨ mo nda. Ticuasu riirĩ na ngue enongue no nda. Mbia ruba rã ngue enongue no nda. Nguira risha rã ngue enongue no nda. Aque que mbebe quia ra. 8 Seis ja ja que ũquĩ jeo ra. Eresa ata ata tuchi que ejeo rese ra. Ũquĩ cuatro que ñee turã mbeite quia Dios riĩ nda. Isa abe que eriqui ñee turate Dios rii nda. Ei ngue equia ñe e nda:

Ndeturate. Ndequiracuate ereico co, Dios.

Co ereico beite co.

Nyii que ereico beite no nda.

Mbae ua ja mose abe ra ereico beite no,

i que ũquĩ nguia ñee ñee Dios je ra. ⁹Ũquĩ ndeco cuatro que ñee turã mbeite quia Dios je ra. Ae siqui beite quia co, aque je. ¹⁰Amei veinticuatro abe que ngoi ngoi quia ngũíã ndese ra. Ñee turã turã Dios je. Umbae coronas que echono chono ja Dios jii ra. ¹¹Eĩ ngue equia ñee ñee Dios je ra:

Urererecua turãt e ereico co, Dios.

Nyebe ureico nguiã ñee turã mbeite ndeje ã.

Mbae que erechao jate nembaerã nda.

Erendua turãt e que mbae ao nonde nyii no nda,

i que ũquĩ nguia ñee turã turãte Dios je ra.

Emo libro equia aronea

5 ¹Dios que libro quereco quia oo cuu ra. Uquiatocuti que enunui trono tose ra. Libro mbesa ji. Equitera quiti abe que embesa ji ra. Siete sellos je que emată ji ra. ²Angel quirăcuă mo ngue ñee nda. —¿Aba ra sellos ndoso libro equia re? i que ángel ñeemombo ra. ³Mbia mo ngue sellos ndoso aroneate ra. Ibatenda. Ibi jenda. Ibiqui riinda. Ûqui mo ngue sellos ndoso aroneate cuu ra. Nyebe mbia riqui nguiã mae aroneate libro rese. ⁴Nyebe que acheseo tuchi cuu ra. Mbia ja libro equia aronea mose.

Mbia ja mae aronea mose erese. ⁵ Ũquĩ amei mo ngue ñee seje ra. — Erecheseochĩ nguiã. Jesucristo ra libro equia. Ae quia equirăcuâte re. Ae quia Dios chiirabo rerecua tuchi re. David riirĩ tuchi chỗ ae re. Ae quiatu que mbae rasi saã tuchi mbia icuã ndiquicharõ nda. Ae quia ra sellos ndoso. Ae quia ra libro equia, i que amei ñee seje cuu ra. ⁶ Jesucristo que chĩ huee cuu ra. Oveja iquia ji rã ngue eñi seje huee cuu ra. Siete que erambashĩ nda. Siete que eresa no nda. Siete eresa rei Espíritu Turã. Sã Espíritu Turã mae mbae ja rese no. Jesucristo que chĩ Dios ruba quiti ra. Mbae reco cuatro joỗ ngue eñi nda. Amei abe joỗ ngue eñi no nda. ⁷ Dios que libro mondo Jesucristo oo cote ra. Dios chĩ mose trono tose. ⁸ Jesucristo libro isi mose que ũquĩ mbae cuatro ngoi ngũíã ndese ejii ra. Amei veinticuatro rese. Arpas que amei quereco reco ja ra. Mbae riru oro ao ji abe no. Incienso resebe. Incienso, i que mbae mbushimbusa oquiei mose ra. Dios quiato ñee mose Dios je, eĩ sí chỗ incienso ee re. ⁹ Ũquĩ amei ngue irasei rasei canto yasu mo je ra. Ã ño ngue irasei rasei nguiã:

Nd e que mbia ndeiquia ra.

Nde que mbia mangue chooñoa jenda ereisi Dios mbaerã nda. Mbia cheemo ja ja eriqui nae, ũquĩ abe que ereisi ja Dios mbaerã no nda.

Mbia mbuae ja abe no.

Nyebe nde mii ño libro ereisi arõte nguiã co.

Nde mii ño sellos erendoso arõte nguiã co.

Libro rese mae sacuã.

¹⁰ Nde que uremii Dios rimbarã nda.

Ure mbae raã naa sacuã Dios je.

Mbia ibi jenda rerecuarã nda ureico cote,

i que amei irasei rasei Jesucristo je ra. ¹¹ Angeles cheẽ ngue achandu cot e ra. Angeles que chi ũquĩ mama tuchi cuu ra. Dios mama. Mbae reco cuatro abe mama. Amei veinticuatro abe mama no. Angeles tubiriã tuchi que ra. Millones y millones tuchi que ángeles ra. ¹² Ũquĩ ngue ñee nyecuate Jesucristo je re:

Oveja riirī na ño ereico nguiã nde.

Mbia que ndeiquia mbae icuã ndiquicharõ nda.

Nyebe mbia riqui nguiã ñee turãte ndeje co cote.

Nyebe mbia riqui nguiã ñee turãte nderii co cote no.

Ndequirăcuă nii. Ndeaquiatu rii abe no,

i que ángeles ñee turã Jesucristo je cuu ra. ¹³Mbae que ñee turã jate quia Jesucristo rii cuu ra. Ibatenda ñee turã ja erii. Ibi jenda abe no. Ibiqui riinda abe no. Ama ndisha riinda abe no. Ei ngue ũqui nguia ñee turã jate Jesucristo je ra. Dios abe je:

Jẽquirãcuã jẽɨngo beɨte ã.

Mbia rerecua jeingo beite a no.

Mbae jenyiao ra ñee tură mbeite quia jēje, i que Dios chiao quia ñee jate ee cuu ra. ¹⁴Ae beite, i que mbae reco cuatro ra. Amei veinticuatro abe que ngoi ja ngũíā ndese ñee tură Dios je ra. Ae ereco siqui beite quia co, aque je.

Jesucristo sellos ndoso

1 Jesucristo que chĩ oveja riirĩ na cuu ra. Ae que sello mo ndoso libro si cote ra. Ae mbae reco cuatro chi nae, ũquĩ mo ngue ñee cote ra. —Echu, i que ñeemombo ra. Ama ndieu rã ngue echeẽ nda. 2 Caballo shĩ mo ndese que amae cote ra. Ae chĩ eátoo nae, nguiraa mo ngue ecunui oo ra. Corona abe que emo mee ee ra. Oso que guerra raã naa cote ra. Equirãcuãte que eriqui mbia mo si ra.

³ Jesucristo que segundo sello ndoso cote ra. Ae mbae reco cuatro chi nae, ũquĩ mo ngue ñee endoso mose cote ra. —Echu, i que ra. ⁴Caballo nongue gue usẽ u seje cote ra. Era ireĩ tuchi que aque ra. Ae chĩ eátoo nae, aque je que emo espada cuasu mee nda. Aque que mbia mbiicuã icuã jate nyue ra. Nyebe mbia riqui nguiã nyiiquia iquia.

⁵ Jesucristo que sello nongue ndoso cote ra. Tercer sello. Ae mbae reco cuatro chi nae, ũquĩ mo ngue ñee endoso mose cote ra. —Echu, i que ra. Caballo rondei que usẽ u seje cote ra. Ae chĩ eátoo nae, aque que balanza mo cunui oo ra. Mbae mbuchechasa. ⁶Emo ngue chĩ ũquĩ mbae reco cuatro ite re ra. Aque que ñee nda: —Mbia chiu ra ua jiri. Un kilo de trigo rei una jornada. Tres kilos quiata a rei una jornada no. Mbae quira quiatu ra ua eã. Vino ndese, i que ra.

⁷Jesucristo que sello nongue ndoso cote ra. Cuarto sello. Ae mbae reco cuatro chi nae, ũquĩ mo ngue ñee nda: —Echu, i que ra. ⁸Caballo nongue que usẽ u seje cote ra. Eracho que aque ra. Ae chĩ eátoo nae, ERAAQUE i que aque je ra. Emo ngue oso erui no nda. ERAAQUE TÃSA i que aque je no nda. Ũquĩ ngue mbia ibi jenda mbutiã tuchi la cuarta parte ra. Mbia iquia iquia tuchi que equia guerra je ra. Mbae rasi je. Eriãcuã je. Quiaa riinda icuã je abe no.

⁹Jesucristo que sello nongue ndoso cote ra. Quinto sello. Mbae rese que amae altar qui re cote ra. Mbia chiiquia iquia aingue rese que amae nda. Ae mbia iquia iquia Dios chee nii nyii nae, ũquĩ aingue rese que amae nda. Ũquĩ nimbiracua tuchi cho nguia mbae rasi je Jesucristo rii nyii reae. ¹⁰ Ũquĩ ngue tase tase nee Dios je ra: —Mbae eresaa tura jate quia nde co, Dios. Mbae ja rerecua cho nde re. ¿Manosete ra urerichare erembasi re no, Dios? i que nee ja Dios je ra. ¹¹ Dios que tirushì mee mee ũquĩ ja je cote ra. Nee ngue ee cote ra: —Mbarandiri. Mbia icua nda jeataque abe iquia. Să jeiquia nyii no. Ũquĩ sacua jeingo chombe jiri, i que Dios nee e e ra.

¹²Jesucristo que sello nongue ndoso cote ra. Sexto sello. Ibi que nyere nyere tuchi aque mose cote ra. Tenda que ñimoo tuchi cote ra. Mbae

ruqui rã tuchi que nyasi no nda. ¹³Nyasitata que ngoi ngoi ngaẽ íbii cote ra. Sã ira a riqui uqui quiririã ñimbuqui no. ¹⁴Ibei abe que ua cote ra. Sã emo ndiqui papel acua acua no. Sita ibate abe que siri siri ja nyesi ra. Ama ndisha joõ abe que echoi siri siri ja ra. ¹⁵Mbia que ñimi ñimi ja ibicua ye ra. Sita imi ye abe. Mbia rerecua. Mbia rimba abe. Mbaecha abe. Soldados rerecua abe. Mbia que ñimi ñimi jate cuu ra. Esiquichete quia ñene. ¹⁶Mbia siquiche mose que ñee ñee jate sita ibate je cuu ra: — Jenyu ngoi urearõ ureiquia. Ť nda Dios mbae rasi saanguquia eã ure je. Ť nda Jesucristo mbae rasi saanguquia eã ure je no. ¹⁷Dios riqui mbae rasi raanguquia uquiato eã je co. Aba quia ra ñimbirãcuã ã je, i que mbia quia siquichete cuu ra.

Angeles Dios mbae marca mii mii mbia je

Aquere que cuatro ángeles atea cuu ra. Emo ngue chĩ juã tenda chuisa quiti ra. Enongue que tenda sosa quiti no nda. Enongue que sur quiti no nda. Enongue que norte quiti no nda. Úquĩ ngue quiririã isi tuchi quia ra. I chu eã sacuã. Mangue jenda chooñoa quitinda abe ichu eã sacuã. Ama ndisha quiti abe. Ĩ nda quiririã ira rãquiã mo ichu eã tuchi. ²Angel nongue mo ndese abe que amae no nda. Tenda chuisa quiti que eru quia ra. Dios mbae marca que equereco ra. Ñeemombo que ũquĩ ángeles cuatro je ra. ³—Mbae rasi ra jemondo jeichĩ ibi je jẽ. Ama ndisha abe je. Ira abe je. Dios rimba ruba rese Dios mbae marca uremii mii na nyii, i que ñeemombo ángeles cuatro je ra. ⁴Ciento cuarenta y cuatro mil ndese que Dios mbae marca mii nda. Judíos chumumbara ja que ra.

- ⁵ Judá riirĩ ndei doce mil. Rubén ndiirĩ ndei doce mil. Gad ndiirĩ ndei doce mil.
- 6 Aser riirĩ ndei doce mil. Neftalí riirĩ ndei doce mil. Manasés riirĩ ndei doce mil.
- ⁷ Simeón ndiirĩ ndei doce mil. Leví riirĩ ndei doce mil. Isacar ndiirĩ ndei doce mil.
- 8 Zabulón ndiirĩ ndei doce mil. José riirĩ ndei doce mil. Benjamín ndiirĩ ndei doce mil.

Ũquĩ ja rese que ángeles Dios mbae marca mii mii nda.

Mbia tubiria iraoshī

⁹Aquere que mbia cuabēte atea cuu ra. Contar i ja aroneate que ee cuu ra. Ecuabēte quiatu ngue re. Mbia chumumbarate que ra. Mangue chooñoa jenda abe tubiriāte que ra. Echeē ñumumbarate que ra. Dios

ruba quiti que ũquĩ chi jate juã nda. Cristo ruba quiti abe no. Eiraoshĩ ja que chi ra. Sindo que equeru ja oo ra. ¹⁰ Ũquĩ ngue tasẽ tasẽte u ñee Dios je ra. Cristo abe je. Ã i chỗ ngue equia ñee nda:

Nde ae ereico nguiã mbia rirõ eicuã si co.

Nde ereico trono tose mbia rerecuarã co.

Jesucristo rese cho ereico nguiã mbia riro ndiro eicua si co, i que uqui ja nee Dios je ra. ¹¹ Angeles que numbui jate u Dios mama cuu ra. Mbae reco cuatro abe mama. Ae amei veinticuatro chi nae, uqui abe mama no. Uqui ángeles que ngoi jate nguía ndese Dios ruba quiti ra. Nguía ndese que echi nee tura jate Dio s je ra:

¹² Dios tura tuchite riqui mbia je co.

Sã mbia riqui ñee turã mbei erii.

Dios aquiatu tuchite riqui co.

Sã mbia riqui "gracias" i bei ee.

Dios quirãcuã tuchite riqui co,

i jate que ñee turã Dios je ra. ¹³ Ũquĩ amei mo ngue ñee seje cote ra: —¿Aba ã nde? Ae eiraoshĩ chi a. ¿Ma si ecuaẽ a re no? i que ñee seje cuu ra. ¹⁴—Ereicuate nde resẽ, Amei, ae que ee ra. Ae que eicua seje cote ra. —Ã ngue mbae rasi saã tuchi quia resẽ. Tiru irei ji rã ño ã ñia ndiqui nguiã ã cote. Jesucristo echiã mbitirõ nguqui je resẽ. ¹⁵Nyebe eriqui beite nguiã Dios rese ã. Nyebe eriqui nguiã mbae raã naa mbei Dios je echuchúaa ã. Dios ra siqui bei erese. Teaquiatu bei ra mingo. ¹⁶ Ũquĩ nda ngũiãcuã irara eã mbei. Huiisei abe ra eirara eã no. Tenda abe ra eiro eã. Huiiriei abe ra eucuayã eã cote. ¹⁷ Jesucristo quia ra eteaquiatu bei mingo. Sã oveja raarõsa riqui oveja reaquiatute no. Sã eriqui oveja rerao rao mbiu no. Eĩ si ra Jesucristo ũquĩ ndeaquiatu mingo. Dios ra echeseo mbutiba bei cote, i que amei ñee seje ra.

Mbae rei ji shimbu tură ndetashî ngasẽ oso Dios je

Altar mo ngue chi oro ao ji ra. Aque aro ngue ángel incienso nona. Dios ruba quiti. Ae Dios quiato nee ngue ngase nguia Dios je ra. Incienso rei jí shimbu turã ndese. 4Incienso retashī ngue nyui oso quia ángel o si ra. Dios quiato chee ngue ngase Dios je ra. 5Angel que incienso riru mo mbise tata rete ije ra. Altar je ra. Incienso rei jí shimbu turã ndese. 4Incienso retashī ngue nyui oso quia ángel o si ra. Dios quiato chee mbiro ngue eriqui oso ngase Dios je ra. 5Angel que incienso riru mombise tata rete je ra. Altar jenda je. Ichuse ngue ibi quiti cuu ra. Ama ngue sieu tuchi cote ra. Pirirã pirirã i tuchi que ra. Ibi abe que nyere cuu no nda.

Angeles trompetas mbuchee

⁶Ae siete ángeles trompetas quereco nae, ũquĩ ngue icoquiatu cote ra. Trompeta mbucheẽ sacuã.

⁷Emo ngue trompeta mbucheẽ cote ra. Iquitã ngue ngoɨ ngoɨ tuchɨ íbii cote ra. Tata abe que ngoɨ ngoɨ ra. I ɨreɨ tuchɨ que cote ra. Mbae ruqui rã. Ibi tercera parte que oquieɨ tuchɨ ra. Ira tercera parte abe que oquieɨ ra. Mbae ruri abe que oquieɨ ja no nda.

8 Segundo ángel que trompeta mbuche cote no nda. Aque mose tuchi que mbae mo ndu ngoi ama ndisha ye ra. Ecuasu tuchi que ra. Sita ibate rã. Sendi que u ama ndisha ite re ra. Ama ndisha tercera parte ire tuchi que cote ra. Mbae ruqui rã. 9 Ama ndisha riinda tercera parte que mano ja ra. Ae ngata quia ama ndisha rui barcos nae, uqui tercera parte abe que ñiimi imi ja no nda.

¹⁰Tercer ángel que trompeta mbuchee cote no nda. Aque mose que nyasitata cuasu mo ndu ngoi íbii ra. Tata rendi ra ngue erendi ra. Ngoi que ama tercera parte ye ra. Eriecua tercera parte ye ja abe que ngoi no nda. I mbiicua tuchi que ra. ¹¹Etei, i que equia aque nyasitata je ra. Nyasitata que ama tercera parte mbotei tuchi ra. Itei tuchi que cot e ra. Nyeb e mbia riqui nguia mano mano tuchi iu mose cuu.

¹²Cuarto ángel que trompeta mbuchee cote no nda. Aque mose que mbae mo tenda mbuchecuayate tercera parte ra. Nyasi tercera parte abe. Nyasitata tercera parte abe no. Nyebe mbae checuaya tuchi riqui nguia mbia je nyaashi mose tercera parte. Isa mose abe nyasi mbae tesae ea tercera parte. Nyasitata abe no.

¹³Nguira risha rese que amae cuu cote ra. Mbebe que equia ibate tuchi searo nda. Ñeemombo mombo que equia ra: —Aba mbia eã tuchi mbia ibi jenda. Mbae rasi ra esaã tuchi cote. Angeles ataque nyuihuí mose. Angeles tres trompetas mbuchee mose, mbia ra mbae rasi saã tuchi cote, i que nguira risha ñee nda.

9 ¹Quinto ángel que trompeta mbucheẽ cote no nda. Aque mose que nyasitata mo ngoi u íbii seje cuu ra. Mbia raãte que aque nyasitata ra. Nyasitata que ibicua atiquia jea ra. Abismo, i que hue ibicua je ra. ²Eequia mose que tatashĩ usẽ tuchi ra. Sã tata riqui nyuuta rosot e tetashĩ no. Tatashĩ ngue tenda choote ra. Mbae mbuchecuayã jate que ra. ³Tatashĩ si que tucu mbuae ngaẽ tuchi usẽ cote ra. Tucu mbuae que ibi mboo ja tuchi nyoi mangue chooñoa nda. Mbia i i tuchi que equia ra. Quiraẽ ndasi rã tuchi que eriqui mbia je ra. ⁴Emo ngue ñee tucu mbuae je ra: —Ira mo nda jẽuchĩ jẽ. Ira ruri j a abe. Mbae ruri ja abe no. Quiata abe no. Mbia Dios quiatoã achõ ño jembasi mbasi quia. Ae Dios mbae marca quereco eã nguia nguba rese nae, ũquĩ. ⁵Ũquĩ je mbae rasi jẽsaanguquia tuchi cinco meses. Jẽiquia eã ño, i que ñee tucu mbuae je

ra. Quirae ndasi ra tuchi que tucu rasi riqui mbia je ra. 6 Aque mose ra mbia "nandemano" i tuchi rei nguia nyue. Mano aroneate rae.

7 Caballo rã tuchi que tucu mbuae ra. Sã caballo riqui icoquiatu guerra raã naa sacuã no. Corona naanguia que siqui tucu mbuae ãquĩ ndese ja ja ra. Oro ao ji ereae. Mbia ruba raãte que tucu mbuae ruba ra. 8 Cuña a raãte que ea ra. Nyacuareĩ naate que ereĩ nda. 9 Eishia ãtã tuchi que ra. Hierro rã. Mbia eiõ aronea. Guerra ndieu rã tuchi que ebebe mose ra. 10 Sã quiraẽ ndiqui mbia i ngocoi je no. Eĩ si que equia mbia i i ngocoi je ra. Mbia mbasi mbasi que equia cinco meses ra. 11 Angel icuã mo ngue tucu mbuae rerecua ra. Ae ibicua atiquia jea nae, aque que ererecua ra. Abadón, i que hebreo cheẽ nguia ee ra. Apolión, i que griego cheẽ nguia ee no nda. —Mbia iquiasa, i chỗ nguiã embae nombres je.

¹²Tucu mbuae que ua chee cote ra. Mbae rasi ñiinda chō ũquɨ nde. Mbae rasi nyeremo tasenei jēje cote.

¹³Sexto ángel que trompeta mbuchee cote no nda. Aque mose que emo ñee altar jii Dios mbae ra. Oro ao ji rei altar. 14 Ñee ngue ángel je ra. Ae trompeta mbuchee namo nae, aque je. —Cuatro ángeles embui rã mondo. Aecua jí chi Ama Eufrates nae, ũquĩ embui rã mondo, i que ee ra. ¹⁵Cuatro ángeles que embui mondo cote ra. Aque mose sacuã ngue Dios ũquĩ nderecoquiatu ra. Ũquĩ ngue mbia iquia iquia tuchi tercera parte cuu ra. 16 Soldados tubiriã tuchi que ũquĩ ángeles nimba cuu ra. Doscientos millones tuchi que ra, i que achandu ra. ¹⁷Caballo átoo que soldados chi ja ra. Eishia riquisã ja ja que mbae ãtã ñi nda. Eishia aosa mbiită jí que ra. Eirei. Erubi. Echo. Nyacua aqui na ngue caballos seje cuu ra. Tata que emombo mombo ja quia uchuru ri nda. Tatashi abe. Azufre abe no. ¹⁸ Ũquĩ tres que mbae rasi tuchi ra. Tata. Tatashĩ. Azufre. Ae caballos mombo mombo quia uchuru rɨ nae, ũquɨ. Ũquɨ ngue mbia iquia iquia tuchi quia tercera parte ra. ¹⁹Ngocoi je que eriqui mbia mbasi mbasi tuchi ra. Mbei tasi je rã tuchi que erocoi ra. Uchuru je abe que eriqui mbia mbasi mbasi tuchi ra.

20-21 Nyebe mbia riqui nguiã mano mano tuchi ũquĩ ndasi je. Mbia ataque quiatu que siqui beite quia huiicuã ndese ra. Eicuã icuã mbei nyue. Nyiiquia iquia. Brujería raã naa mbei. Siqui icuã icuã cuña mo ndese. Mbae mbuquiachã quiachã mbei. Uchisaã icuã si hui eã mbei. Siqui beite que equia aba checuayã ndese ra. Uchiao Dios abareã ndese abe no. Oro ao ji. Plata ao ji. Bronce ao ji. Sita ao ji. Ira ao ji abe no. Ũquĩ ja rese chỗ ngue eriqui ra. Ũquĩ mae aroneate raque Dios abareã. Mbae andu aroneate raque. Ngata aroneate raque no.

Angel libro mo quereco

10 ¹Angel mo ngue nguichi ibei sɨ seje cuu ra. Equirācuāte que ra. Ibeishĩ ngue equeru huɨɨraorã nda. Ibei asa que chĩ eãquĩ mama

nda. Eruba nininyate que tenda rã sí ra. Etima abe nininyate que ra. Sã tata nininyate riqui no. ²Libro ñetẽ mo ngue equereco oo ra. Eequia ji que equereco ra. Utima ndibisho que emii ama ndisha ye ra. Utima ndibisho que emii íbii no nda. ³Tase tuchi que ra. Sa nyacua riqui curu curu no. Erase mose que ama nee siete veces ra. 4—Ae rese ama ndieu sembiirandu nae, aque tambesa rã, ae rei que se cote ra. Ibatenda mo ngue ñee ño seje ra. —Ae ama ñee erechandu nae, ũquĩ nda erembesachĩ. Eresenei seneichi nda emo je. Echee emocoño ño, i que seje ra. 5 Ae ángel tima ndibisho chi ama ndisha ye nae, aque que oo uquiatocutinda mee ibate quiti ra. 6 Nee ngue cote ra: —Dios que sembu ra. Ae siqu i beite quia co nae. Ae ibei chao nae. Ae ibi chao nae. Ae ama ndisha chao nae. Ae mbae chao ja tuchite nae. Aque que sembu co renei nenei sacuã nda. Achite mbae ja ñi ua a cote. 7 Séptimo ángel nda nyuihuí cote. Trompeta mbuchee. Dios chee ique ja mose r a nyuihuí cote. Ae Dios ñee uquiato ñiinda je nae, ũquĩ nda ique ja echeẽ cote. Mbia rerecuarã tuchi ra Jesús cote, i que ángel quiracua nee seje cuu ra.

8 Ae cheẽ achandu ibatenda nyii nae, aque que ñeembe seje ra. —Eso rã libro ñetẽ isi. Ae tima chĩ ama ndisha ye nae, ae tima ndibisho chĩ íbii nae, aque si libro ñetẽ eisi rã. Eequia ji eisi, i que seje ra. 9 Ae aso nguiã ñee ángel je. —Libro ñetẽ emee na seje, ae que ee ra. Ae emee nguiã ñee seje cote. —Co libro ñetẽ jẽ. Eu ja. Irao raãte raque ra eachã namo mose. Etei tuchite quiatu ra nderíe je cote, i que seje ra. ¹¹ Angel que libro ñetẽ mee seje cote ra. Au que se ra. Eturã tuchi que sechuru je ra. Irao rã. Se eu tuchi mose quiatu que eteite seríe je cote ra. ¹¹ Emo ngue ñee seje cote ra. —Dios cheẽ nda eresenei senei sí mbia ja je. "Co ra Dios saã. Ã nda Dios saã no", ere ra mbia je. Ishonda abe je. Mangue chooñoa jenda abe je. Mbia cheẽ ñumumbara abe je. Mbia rerecua jate abe je, i que seje cuu ra.

Dios quiato nyeremo Dios chee senei senei

11 Dios que uu mo mondo séoo cuu ra. Ñee ngue seje ra. —Eso Dios chuchua mbuchecha checha. Altar abe embuchecha. Ae mbia chi huee ñee ñee Dios je nae, ũquĩ abe je contar ere rã. ¹Itaicuee ra erembuchechachĩ jẽ. Patio ra erembuchechachĩ jẽ. Ũquĩ ngue amee mbia sequiatoã je ra. Sequiatoã nda irỗ irỗ Jerusalén ndese cuarenta y dos meses chee. ³Sequiato nyeremo je ra sequirãcuã amee. Ũquĩ nda secheẽ senei senei tuchi quia mbia je 1,260 días chee. Tiru rondei ra ũquĩ quereco quia, i que seje ra.

⁴Dios quiato nyeremo ndei olivos i nyeremo na sɨ. Candeleros nyeremo na sɨ no. Sã Dios mbae reaquiatu ja no. Uquiato nyeremo abe ra eteaquiatu no. ⁵Dios ra uquirãcuã mee ũquĩ nyeremo je. Emo embasi serĩ mose, tata ra embu embu uchuru sɨ. Ucuãyãsa mbasi tuchɨ sacuã. Eĩ nda

mbia mano mano, ũquĩ Dios quiato nyeremo ucuãyã mose. 6 Ũquĩ Dios quiato nyeremo ama mbuchaaqui ea arote, Dios chee nenei nenei mbei mose mbia je. Mbae ruqui rã nda ama naa. Mbia ra embasi mbasi arõte uquiracua je. Ibi jend a mbasise mose, mbasi tuchi rae. 7 Ūqui Dios quiato nveremo Dios chee nenei nenei ja mose mbia ja je, icua nda tu icuate ee cote. Ibicua venda. Icuã nda Dios quiato nveremo iquia cote. 8-9 Emo ũqui Dios quiato raaque nyati aroneate. Erete tiquia iría nda chicho itaicuee ri. Mbia mangue chooñoa jenda abe tuchi r a mae ja eraaque rese. Tres días y medio chee rae. Jerusalén ndei ra ũquĩ. Ae mbia Jesucristo mbucha ira rese nae, huee. Hue jenda quiarei eicuã tuchi mbia. Sodoma jenda rã. Egipto jenda rã abe no. ¹⁰ Ae mbia siqui quia ibi rɨ nae, ũquɨ ia tuchɨ rae. Dios quiato nyeremo mano mose. —Ae nandechiao icua siquisa quisa nguia nae, ũquɨ ngue mano cote ra, ɨ r a eyate ñee nyue. Nyebe ra eriqui mbae mondo mondo tuchi nyue. 11 Dios quiato nyeremo ndaaque que chi tres días y medio cuu ra. Aquere que Dios embuquera sí seque re cuu ra. Júã ngue cuu ra. Mbia que siquiche ja tuchi mae erese ra. ¹²Ibatenda que ñee nyecua ũquɨ Dios quiato nyeremo je cote ra. —Jenyu aa quiatu ibate, i que Dios ñee ee ra. Nyoi que ibate ibei ye cuu ra. Eucuãyãsa que mae mbeite u echui rese ra. ¹³ Aque mose tuchi que ibi nyere icuã nda. Sucha tubiriã ndibisho que ngoi jate ra. Mbia tubiriãte que mano nda. Siete mil que mbia mano nda. Mbia ataque que siquichete ra. Ñee turã turate que equia Dios ibatenda je cote ra. 14 Segundo mbae rasi cho a nde. Tercero quia tasenei jeje cote.

Séptima trompeta mbuche cote

¹⁵Séptimo ángel que trompeta mbucheẽ cote no nda. Ũquɨ mose que mbia ñeemombo ja ja ibatenda ra. Eɨ ngue tasẽ tasẽ nda:

Mbia mo ibi jenda mo nda siquíã ererecuarã cote.

Dios ae cho nda siqui ererecuara cote. Nguiiri ndese.

Ae ae cho nda siqui ererecuara mbei cote,

i que ibatenda tase tase cuu ra.

¹⁶Ae amei veinticuatro siqui beite quia Dios jii nae, ũquĩ ngue ngoi ngũíã ndese ñee Dios je cuu ra. Eĩ ño ngue ñee nguiã:

¹⁷ Gracias ure tuchi quia ndeje co, Dios.

Ndequiracua mbae saa ja arote quia co.

Ereico beite que equia nyii ra. Namo abe no. Ereico beite ra eno.

Ereico ndequiracua naanguquiate mbia je co cote.

Ereico mbia rerecuarã tuchi co cote.

¹⁸ Mbia rerecua que paama ite ndeje ra.

Co mose ra ndequiatoã erembasi cote.

Ndequiatoã mano je abe ra erembasi cote.

Ndequiato abe ra erembuquera cote.

Mbae tură mee mee sacuă ee.

Ae ndechee senei senei mbeite quia mbia je nae.

Ae ñee turã turã nguia ndeje nae.

Ndequiato cuasu je. Ndequiato ñete je abe no.

Ndequiato ja je ra mbae turã eremee mee cote.

Ae mbia mbiicuã icuã nguia nae, ũquĩ nda erembutiã co mose cote, i que veinticuatro amei ñee turã Dios je cuu ra. 1º Dios chuchua ibatenda iquesa que quiata seje cuu ra. Caja Dios chuchua jenda que nyecua seje cuu ra. Aque rei contrato riru Dios mbae aque. Aquere que ama pirirã pirirã i ra. Ama ngue sieute ra. Ama ngue ñeete ra. Ibi que nyere ra. Iquitã abe que ngoi ngoi chee ra.

Dragón icuã icuã cuña je

12 ¹Mbia mae sayã mo ndese que amae ibate cuu ra. Cuña nguasu tuchi mo ngue ra. Tenda que eirao ra. Nyasi que chĩ ei quiti ra. Corona ngue equereco uãquĩ ndese ra. Nyasitata doce que chĩ corona ndese ra. ²Nañimbae que cuña nda. Tasẽ tasẽ tuchi que equia nguiirĩ ndasi je ra. ³Aquere que amae mbia mae sayã mo ndese ibate no nda. Dragón ireĩ mo ndese que amae nda. Siete que aque dragón ãquĩ cuu ra. Diez que erambashĩ nda. Corona ngue chĩ eãquĩ ja rese ra. ⁴Dragón ngue nyasitata tubiriã siichã tuchi imbu íbii ngocoi je ra. Cuña ji que eñi eraarõ cote ra. —Sã nyaacuquia. Eriirĩ tau, i que huĩ ejii ra. ⁵Nyaacuquia que cote ra. Erãcoẽ ngue ra. Mbia ja rerecuarã tuchi ra aque. Emo ngue eriirĩ isi ra. Querao que Dios je ibátee ra. ⁶Cuña ngue uchã oso turuquia ñi nda. Dios echuchua saã ño nguia huee reaẽ. Huee que eriqui 1,260 días ra. Huee que emo ndiqui embuquiaru quiaru ra.

⁷Amae ngue guerra rese ibate cuu ra. Dragón icuã icuãte que ángeles je ra. Miguel nimba ángeles abe que ucua ucu a dragón nimba ángeles rese no nda. Nviiquia seri jate que cuu ra. 8 Dragón ngue ganar i aroneate umbae ángeles rese ra. Nyebe eriqui aroneate nguiã ibate cote. 9Dios que dragón mombo bei ibate si cote ra. Mbei ima ndei dragón. Diablo. Satanás, i abe que ee ra. Ae cho mbia mangue chooñoa jenda mbiiri irī mbeite nguiã co. Dios que ae mombo íbii cuu ra. Ngũimba rese. ¹⁰Ibatenda ia tuchi que Dios emombo mose ra. Ibatenda mo ñee ngue achandu cuu ra: —Coche ñene. Dios riqui mbia rirõ mbei huiicuã si co cote. Namo tuchi mbia riqui mae Dios quiracua ndese co. Cristo riqui mbia rerecua tuchi co cote. Dios quiatu que diablo mombo nguiã. Ae Dios mbuqueta queta beite quia equiato rii nyii. 11 Ũqui Dios quiato que diablo siquisate quia Jesús ruqui je ra. Jesús chee je abe no. Ae ũqui senei mbeite quia mbia je Jesús chee nae, ũqui je cho eriqui nguiã eriquisã quisã. Ũquĩ Dios quiato que siquicheate quia umano si ra. "Tamano ndei Dios je", i jate que equia ra. 12 Mbia ibatenda ia tuchite cote. Mbia ibi

jenda quiatuchi eya eate. Mbia ama ndisha yenda abe no. Diablo quiatu que nguichichi u nguia jeje, ibi jenda. Paama i tuchite equia co. Achite quiatu Dios ni nguia embasi a cote, i que ibatenda mo nee cuu ra.

¹³Dios dragón mombo mose íbii, dragón icuã icuã ngue cuña je cote ra. Ae eriirí nacuẽ nyaacuquia nae, aque cuña je que dragón icuã icuã cote ra. ¹⁴Emo ngue mbae jeo nyeremo mondo cuña je ejeorã nda. Nguira risha jeo raanguia. Cuña mbebe sacuã. Eso chee sacuã turuquia ri. Ae Dios saã echuchuarã turúquiaa nyii nae, huee eso chee sacuã diablo si. Mbei si. Emo embuquiaru sacuã tres años y medio huee. ¹⁵Mbei que i mombo tuchi uchuru ri nda. Iãcuana. Cuña iquia sacuã ndaque chố ũqui iãcuã nde. ¹⁶Ibi ia eãte que cuña ndese ra. Nyebe ibi nyiequia nguiã i mocõ ja dragón nyuru jenda. ¹⁷Nyebe dragón paama i tuchi nguiã cuña je. Eicuã icuã mbeite que eriqui cuña ndiirí ataque ja je cote ra. Ae Dios cheẽ mumba eãte quia nae, ũqui je chỗ eriqui nguiã cuña ndiirí i. Ae siqui beite quia Jesús cheẽ ndui nae, ũqui je dragón icuã icuã mbeite riqui co.

Icuã nveremo

13 ¹Ama ndɨsha rimia ndese que aĩ juã cuu ra. Mbae mo ndese abe que amae huee ra. Icuã mo ngue usẽ u quia ama ndɨsha sɨ seje cuu ra. Siete que eãquĩ nda. Diez que erambashĩ nda. Corona ngue chĩ erambashĩ ndese ja ra. Eãquĩ ndese que nombre mo mbesa ji ñɨ nda. Aque nombre icuãte que Dios je ra. ²Nyacua rɨsha rã ngue icuã nda. Oso i rã tuchɨ que ei ra. Echuru que nyacua churu rã nda. Dragón ngue uquirãcuã mee tuchɨ icuã je ra. —Ererecuarã nde, i tuchɨ que dragón icuã je ra. ³Icuã ãquĩ mo sia ji tuchɨ rei ngue re. Manombi chỗ ndei ngue re. Nyerỗ ñochĩ ngue re. Nyebe mbia mangu e chooñoa jenda nyuruɨra jate nguiã mae erese cote. Mbia que siqui jate eruɨ cote ra. ⁴Mbia que ñee turã turấte quia dragón je ra. Uquirãcuã mee mose icuã je. Icuã je abe que eriqui ñee turã turãte ra: —Co icuã turã na eãte mbia mo. Ae mɨɨ ño equirãcuã ndiqui nguiã mbia sɨ co, ɨ jate que mbia quia ee ra.

⁵Icuã ngue ucuasu saã saã tuchi quia Dios je ra. —Dios tuchi chố se re, i tuchi que equia mbia je ra. Dragón ngue emii mbia rerecuarã cuarenta y dos meses ra. ⁶Aque mose bei que eriqui ñee icuã icuã Dios rii nda. Echuchua rii abe no. Dios rimba ibatenda rii abe no. ⁷Dragón ngue uquiracuã mee tuchi icuã je ra. Icuã icuã icuãte que eriqui Dios quiato je cote ra. Dios quiato iquia iquia cheete que equia ra. Icuã ngue mbia mangue chooñoa jenda rerecua tuchi cote ra. Mbia cheemo abe rerecua tuchi que cote ra. ⁸Mbia Dios quiatoã ja tuchi que siqui icuã ndese ra. Ae embae nombre mbesa iriãte riqui Jesús mbae libro rese nae, ũqui ngue siqui jate icuã ndese ra. Dios quiato mbae nombre que Jesús mbesa mbae ao ja nond e coose ra. Jesús mano nonde erii. ⁹Jēisa mose, secheĕ jeñandu rã.

¹⁰Dios mbae icua ja chỗ nguiã, mbae tã i nonde equiato je. —Co sequiato ra mbia iquia tiquise je, i mose Dios, mbia ra eiquia tiquise je. —Co sequiato ra mbia tarõ, i mose Dios, mbia ra etarõ no. Sã Jesucristo rimba ñimbirãcuã ño. Sã Jesucristo icua tuchi. Icuã icuã icuã mose ee. 11 Aquere que amae icuã mo ndese no nda. Ibi si qu e co icuã ndu ra. Erambashí nveremo ngue ra. Cordero nambashi na si que ra. Dragón ñee na si que echee no nda. ¹²Equiracua tuchi que ra. Icua niinda ra si. —Icua niinda rimbara no jẽingo, i tuchi que equia mbia mingo ja icuã ñiinda rese ra. Ae ãquĩ sia ji nyerõ nguia nae, aque. ¹³Mbia mae sayã ngue esaã saã tuchi quia ra. Tata que embucoi ibei si mbia resa rae ra. 14 Mbia mae sayã ngue esaã saã tuchi icuã ñiinda rese eico mose ra. Ei ngue equia mbia mbiiri iri tuchi ra. —Icuã ñiinda raanguia mo mbae mo jenyao jẽ, i que ñee mbia je ra. Mbia que echao ra. Ae aqui sia ji tiquise je nae, ae nyero nguia nae, aque raanguia que mbia chao ra. ¹⁵Icuã ngue ereco mee mbae ao ji je ra. Mbucuata que ra. Mbuchee ngue ra. Mbia ra ngue eriqui cote ra. Ae ngoi sereate quia ngũíã ndese mbae ao ji résaa nae, mbae ao ji que ũquĩ iquia cote ra. 16 Icuã ngue umbae marca mii jate mbia rese ra. Mbia ruba rese. Mbia o rese equiatocutinda. Mbia riirī ndese. Mbia cuasu rese. Mbaecha rese. Mbaecha reã abe rese. Mbia rimba rese. Mbia rimba eã ndese abe no. Icuã ngue marcar i ja mbia ja je cuu ra. ¹⁷Mbia mo marcar iriã mose, ũquĩ mbae mo isi aroneate. Mbae mo je vender i aroneate no. Icuã mbae marca nderequia eã mose. Icuã mbae número abe rerequia eã mose no. 18 Ae ndua tuchi eãte quia nae, ũquĩ nda ã icua eã. Ae mbae icuate quia nae, sã ũquĩ icuã mbae número icua. Mbia mo nii ño ñene. Embae número rei 666.

Mbia 144,000 irasei rasei Dios je

¹Mbae mo ndese abe que amae cuu ra. Jesucristo que chĩ juã Ibi Ibate Sión seje cuu ra. Ae je eriqui Cordero i. Mbia cuabe tuchi que chi erese ra, 144-000 que mbia chi erese ra. Ũquĩ nduba rese ja ja que Jesucristo mbae nombre mbesa ji ñi nda. Dios mbae nombre mbesa ji abe no. ²Mbae rieu que achandu bei quia ibatenda ra. Tororomba ata ata rieu raãte que ra. Ama ndieu abe raãte que ra. Sã mbia tubiriãte riqui arpas mbuchee nee no je, uqui naate que erieu riqui ra. ³ Uqui mbia cuabete que irasei rasei quia Dios résaa ra. Mbae reco cuatro résaa abe no. Amei veiticuatro résaa abe que eriqui irasei rasei no nda. Eirasei rasei yasu que ra. Mbia mo ngue ñimbaaquiatu aroneate quia eirasei rasei yasu je ra. Mbia 144,000 acho no ngue nimbaaquiatu aque irasei rasei yasu je ra. Dios ũquĩ sirõ nguiatu quia mbae icuã si reae. ⁴Ũquĩ ngue ñimbiicuã eãte quia mbae icuã je ra. Ñimbiicuã eã sigui cuña mo ndese no. Sigui turã mbei equia Jesucristo rese ũqui. Dios que esiro mbei mbia ibi jenda si ra. Ofrenda tură na tuchi cho ũquĩ Dios je re. Jesucristo abe je. 5 Ũquĩ nguiarei ñee ñooño eã tuchi ũquĩ. Ũquĩ turã tuchite eriqui Dios je ã.

Tres ángeles ñee mbia je

6Amae ngue ángel nongue rese cuu ra. Mbebe mbebe que equia ibei rī cuu ra. Dios chee tura ua ea je que equereco quia ra. Erenei nenei sacua mbia ja je. Mangue chooñoa jenda ja je. Mbia chee ñumumbara abe ja je. 7Aque ángel que nee nda: —Jēireī ireī jiri Dios si. Jenee tura tura jiri quia ee. Achite Dios ni mae ja mbia rese a. Uquiatoa mbasi nonde. Dios quiatu ngue mbae chao ja nguia. Ibei. Ibi. Ama ndisha. Ama ndiicoī. Nyebe ra mbia nee tura ee, i que ángel nee cuu ra.

⁸ Angel nongue abe que siqui seje cuu ra. Aque que ñee cote ra: —Sucha tubiriã Babilonia ngue quiachâte cote ra. Babilonia nda mbia mbiicuã eã cote. Mbia mbiicuã tuchichĩ equia nyii, i que aque ángel ñee cuu ra.

9 Angel nongue abe rese que amae no nda. Ñee asite que ra: —Icuã ndese chõ nda jẽingochĩ jẽ. Icuã naanguia mbae ao ji rese abe chỗ nda jẽingochĩ jẽ. Icuã mbae marca ra jemɨichĩ jenduba rese jẽ. Jẽo abe rese ra jemɨichĩ jẽ. ¹º Emo emɨi mose, Dios ra paama i tuchi ee. Emo emɨi mose, Dios ra embasi tuchi. Dios ra ũquĩ mbasi bei tata je. Azufre je abe no. Mbasi bei ra ángeles resa rae. Jesucristo resa rae abe no. ¹¹ Ūquĩ nda Dios mbasi bei. Mbae rasi ra eucua mbirĩ jiriã. Siqui quiatu que equia icuã ndui mbaerã nda. Icuã naanguia ao ji abe rese quiatu que eriqui ra. Icuã mbae marca abe rese quiatu que eriqui mbaerã no nda.

¹²Dios quiato tuchi ra ũquĩ saã eã. Sã eriqui beite Dios cheẽ ndui. Sã eriqui ñimbirãcuã mbeite, i que ángel ñee cuu ra.

13 Ibatenda mo ngue ñee seje cuu ra: —Ã embesa rã: "Jesús quiato mo mano mose, eyate riqui co", ere chỗ mɨ embesa. Espíritu Turã ñee abe chỗ ũquĩ nde. Jesús quiato mo mano mose, uquenea nda eucua cote. Ae mbae turã esaã saã nguia nyii nae, ũquĩ sɨ ra Dios tesareiã mbeɨ, ɨ que ibatenda ñee seje ra.

Dios uquiatoã mbasi mose, mbae a riami ami na ño nda esaã ee

¹⁴Ibeishĩ ndese que amae cuu cote ra. Emo ngue chĩ ngoi ibeishĩ tose ra. Jesucristo rã tuchɨ que ra. Corona ngue chĩ eãquĩ ndese oro ao ji ra. Tiquise raanguia rimbete que equereco oo ra. Quiata a ucua ucua sacuã. ¹⁵Angel mo ngue tu usẽ Dios chuchua sɨ ra. Ñeemombo que Jesucristo raanguia je ra. —Mbae eucua ucua tiquise raanguia je cote. Mbae a quiche jate mangue chooñoa jenda ja, ɨ que ee ra. ¹⁶Ae chĩ ibeishĩ tose nae, aque que tiquise raanguia mee ibi quiti ra. Aque mose tuchɨ chố ngue mbae a ibi jenda ɨshao ja tuchɨ cote ra.

¹⁷ Angel mo abe que use u Dios chuchua ibatenda si ra. Tiquise raanguia rimbete que equereco no nda. Uvas ucua ucua sacuã. ¹⁸ Angel mo ngue tu altar si cot e ra. Tata raarosa altar jend a rei aque ángel. Ñeemombo que tiquise raanguia rerequiasa je ra: —Uvas eucua ucua

tiquise raanguia je cote. Mangue chooñoa jenda ja eucua ucua. Equiche jate, i que ra. ¹⁹ Angel que tiquise raanguia mee ibi arõ cote ra. Aque mose tuchi chõ ngue uvas ibi jenda ishao ja tuchi ra. Uvas ishao ji que emondo ja tuchua mo nda. Eriami ami sacuã. Dios uquiatoã mbasi mose, mbae a riami ami na ño ũquĩ nde. ²⁰ Isho jiri que eriqui uvas riami ami sucha tubiriã si ra. Dios uquiatoã mbasi mose, uvas riami ami na ño ũquĩ nde. Eruqui riquiraa tuchi que ra. Caballo mbuchecha tuchi que eruqui riquiraa ra. Trescientos kilómetros tuchi que eruqui seje cuu ra.

Angeles mbae rasi siete quereco ja eriru ye

15 ¹Aba siquichesa mo ndese que amae ibei rī cuu ra. Mbia mbiirandu sacuã. Siete angeles rese que amae nda. Mbae rasi chumumbarate que ecurucuae cuae nguia íbii ra. Siete que mbae rasi ra. Mbae rasi tuchi. Ūqui siete mbae rasi ua mose, Dios ra mbae rasi mbu si ea cote.

²Ama ndisha icoi mo ndese que amae nda. Enininya tuchi que ra. Vidrio raanguia. Tata abe raanguia. Ae siquíã mbei icuã ndui Jesús quiato nae, ũquĩ ndese que amae no nda. Icuã naanguia rese abe siquíã. Icuã mbae número abe que equerecoã nda. Ũquĩ ndese que amae ama ndisha arõ nda. Arpas Dios mbae je que echi tocar i ra. ³Ae Moisés irasei rasei nyii nae, ũquĩ sí je que echi irasei rasei ra. Ae mbia irasei rasei Jesús je nae, ũquĩ sí je que echi irasei rasei ra. Ã ngue irasei rasei ra:

Ndechiao turã tuchite, Dios.

Ndequirãcuã tuchite ereico co.

Mbia erembuchiabi jiri jiriãte quia co.

Erechee iru iru eate quia co.

Mbia rerecua jate ereico co.

⁴ Mbia ra ireĩ ireĩ ja ndesi mae mose ndechiao rese.

Ñee tură ja ra nderii.

Nde mii no ererecua tuchi re.

Mbia ra ngaẽ ja tuchi nderea. Ñee turã sacuã ndeje.

Ndechiao tură ndese quiatu ngue mbia mae nguiã,

i que mbia irasei rasei ama ndisha arõ cuu ra.

⁵Aquere que mbae mo abe atea cuu ra. Dios chuchua ibatenda eiquesa que quiata seje cuu ra. ⁶Siete ángeles mbae rasi quereco quia nae, ũquĩ ngue usẽ nyoi Dios chuchua si cote ra. Eiraoshĩ tuchi que nyoi usẽ nda. Oro que equereco huiishia ati ra. ⁷Ae rese ama e mbae reco cuatro nyii nae, ũquĩ m o ngue mbae riru mee mee ja ũquĩ ángeles siete je ra. Oro ao ji rei mbae riru. Mbae rasi mbisẽte que chi eriru ja ye ra. Dios mbia mbasi tuchi sacuã. ⁸Dios nininya tuchi que seje cuu ra. Equirãcuã tuchi que ra. Nyebe que tatashĩ Dios chuchua mboo ja tuchi ra. Mbia mo ngue ique aroneate rã huee ra. Ũquĩ ángeles mbae rasi icherẽ cherẽ ja eã mose.

Angeles mbae rasi ichere chere ja

16 ¹Dios chuchua jenda mo ngue ñee asite ũquĩ ángeles je cuu ra. — Jẽso mbae rasi icherẽ cherẽ ibi jenda ja rese. Dios embasi sacuã, i que ñee siete ángeles je ra.

²Angel ñiinda que oso umbae mbae riru yenda icherê íbii ja ra. Ae siqui quia icuã ndese nae, ae ngoi coi quia ngũíã ndese icuã naanguia je nae, ũquĩ ire rasi rasi que cote ra. Mbae asi tubiriã ngue erese cote ra. Nyerõ aroneate que ra.

³Segundo ángel que umbae mbae riru yenda ichere ama ndisha ja ye ra. Mbia raaque ruqui ra ngue ama ndisha cote ra. Ama ndisha riinda que mano ja tuchi mbae cote ra.

⁴Tercer ángel que umbae mbae riru yenda icherẽ ama ñi nda. Ama ndiicoĩ ñi abe que eicherẽ no nda. Mbae ruqui rã tuchi que ama ja cote ra. ⁵Angel ama ndaarõsa que ñee Dios je cuu ra. —Coche rei mbia icuã erembasi. Dios turã tuchi chỗ nde re. Ndeturã mbeite que eriqui ra. ⁶Ūquĩ mbia icuã nguiatu ngue ndequiato iquia iquiate nguiã nyii. Ndecheẽ nenei neneisa abe iquia iquia. Coche rei mbae rasi eresaanguquia ũquĩ je cote. Coche rei mbae ruqui eresaanguquia ee, i que ángel ñee turã Dios je ra. ⁷Altar jenda mo abe que ñee Dios je cuu ra. —Ae bei. Coche mbia icuã erembasi nguiã cote. Ndeturã mbeite chỗ ereico nguiã nde, i que Dios je ra.

⁸Cuarto ángel que umbae mbae riru yenda ichere tenda rese ra. Nyebe tenda riqui nguiã mbia rei ja ngacu je cote. ⁹Tenda que mbia sei tuchi quia embasi ra. Ûqui mose abe que mbia riqui nee tura eate Dios je ra. Dios embasi raque. Mbia que uba ea mbei Dios rese ra. Ñee icua icua mbei cho ngue equia erii nda.

¹⁰ Quinto ángel que umbae mbae riru yenda icherê icuã nenda rese ra. Itondaru tuchi que icuã nimba ja je mbia cote ra. Mbia que hueecô shiu shiu tuchi quia mbae rasi mose ee ra. ¹¹ Ūquĩ mose abe que mbia uba eã Dios rese ra. Huiicuã ngue esecha eãte quia ra. Ñee icuã mbeite que equia Dios riĩ nda. Ngasi rerequia mose abe que eriqui ñee icuã mbeite Dios riĩ nda.

12 Sexto ángel que umbae mbae riru yenda icherê Río Eufrates ye ra. Ama nguasu tuchi que aque ra. Aque ama ngu e iru cot e ra. Tenda chuisa quitinda soldados iasa sacuã. 13 Aba checuayã icuã tres rese que amae nda. Emo ngue tu usê dragón nyuru si ra. Enongue que tu usê icuã nyuru si ra. Enongue que tu usê Dios cheê nenei ñooñosa churu si no nda. Nyui rã tuchi que ûqui aba checuayã icuã nda. 14 Ûqui aba checuayã icuã ngue mbia mae sayã saã saã tuchi quia milagros ra. Ñee ja que mbia rerecua ja je ra. Ñumunua ja sacuã pelear i sacuã Dios rese. 15 Sã Jesús ñee no: "Mbia ndua eã mose serese ra achu. Jētesa tesa bei equia serese

jẽ. Jẽingoquiatu bei equia jẽ. t̄ nda jẽireī ngũíã sechu mose", sã Jesús i no. ¹6 Aba checuayã icuã ngue mbia rerecua munua ja huee ra. Pelear i sacuã Dios rese. Armagedón, i que hebreo cheẽ hue je ra.

17 Séptimo ángel que umbae mbae riru yenda ichere quiririasaa ra. Aque mose que Dios ñeemombo uchuchua ibatenda si ra. —Mbae rasi ichere ji jate cote, i que Dios ñeemombo ra. 18 Ama ngue pirira pirira i tuchite cote ra. Ama ngue sieu tuchi quia no nda. Ibei que ñee tuchi quia ra. Ibi abe que nyere tuchi quia no nda. Emo mose ra ea tuchi que ra. 19 Sucha tubiria Babilonia ngue obo obo nyibite ri nda. Tres partes. Hue jenda tuchua que ngoi ja tuchi ra. Mbia chuchua que ngoi ngoi ja mangue chooñoa jenda aque mose ra. Dios quiatu ngue tesareiate nguia Babilonia jenda chisaa icua si. Nyebe eriqui nguia paama i tuchi ee cote. Embasi mbasi uquiracua je cote. 20 Islas abe que quiacha quiacha ja ama jenda ra. Ibi ibate abe que quiachamba chamba ja no nda. 21 Iquita nguasu que ngoi ngoi quia mbia iquia iquia ra. Cuarenta kilos ja ja que uqui iquita nda. Iquita ngue mbia iquia iquia tuchi quia ra. Nyebe mbia riqui nguia ñee icua icua tuchi Dios rii. Nee tura ndocoi ee.

Cuña icuã mbae rasi saã tuchi

17 ¹Ae mbae riru quereco ángeles nae, ũquĩ mo ngue tu ñee seje ra. —Nyao serese. Mbae tateacuquia ndeje. Babilonia jenda ra mbae rasi saã tuchi cote. Ae cuña siqui chooñote quia mbia ja rese nae, aque ra mbae rasi saã tuchi cote. Ama ndisha jie eñi ngoi mar hue. ²Mbia rerecua que sigui sigui jate quia erese ra. Mbia ataque abe no. Ae que mbia mbiicuã jate quia ra, i que ángel ñee seje cuu ra. 3 Angel que sererao turuquia ri cuu ra. Huee que amae cuña icua ndese ra. Icua irei átoo que eñi nda. Embesa ji tubiriate que chi icua ndese ra. Nombres mbesa ji icuã tuchi que ũquĩ Dios je ra. Icuã ãquĩ atate que ra. Siete que eaqui nda. Diez que erambashi no nda. 4Mbia rerecua irao raate que cuña icuă irao ra. Eirao irei turăte que ra. Oro tubiriate que equereco adorno nda. Perlas abe no. Sita ñete aba queteamba abe no. Mbae riru abe que equereco oo ra. Oro ao ji. Huiicuã ngue equereco ja quia aque mbae riru ye cuu ra. ⁵Embesa ji que chi eruba rese ra. Aba chiicuaya tuchi que ra. à i chỗ ngue huĩ nguiã: "Babilonia ño co re. Sucha tubiriã icuã ño co re. Cuña icuã nderecua ja chỗ co re. Mbae icuã nderecua ja chỗ co re", i chỗ ngue embesa ji hui nguiã eruba rese. 6 Quiacuate quia cuña icuã ndiqui reae. Jesús quiato uninya ruqui quia embei quia quiacua nonde reae. Achuruira tuchi que mae erese cuu ra.

7 Angel que ñee seje cote ra. —¿Mbaerã ereico nyuruirate mae erese re? Tarembiirandu cuña icuã ndese. Ae átoo eñi nae, aque rese abe tarembiirandu. Ae siete eãquĩ ndiqui nae. Ae erambashī diez riqui nae. 8 Ae rese eremae icuã cuu nae, aque ngue siqui rei nguiã cose. Emoate

namo cote. Siquibe rae. Use nda ibicua si. Aque icua quera si mose, Jesús quiatoa nda nyuruira tuchi mae erese. Ae embae nombre mbesa ji eate Jesús mbae libro rese nae, ũquĩ. Icuã nda oso mbae rasi raã tuchi tata cuasu cote. ⁹Earacua acho nda a sechee icua: Eaqui siete ra sí rei ibi ibate siete. Cuña icuã ñi ngoi ibi ibate siete tose hue. ¹⁰ Eãquĩ siete rã sí rei mbia rerecua siete no. Cinco que mano nda. Aque mii ndiqui namo co. Emo mii nda siqui emo mose cote. Aque ra siqui mbiri no mbia rerecuara. ¹¹ Ũquɨ siete mo ndei icuã ɨreɨ mo. Siqui que equia nyii ra. Emoate namo cote. Sigui i ra ũquĩ siete ua mose cote no. Mbia rerecua octavo ra ae cote. Ae ra oso bei tata cuasu aquere cote. ¹²Ae erambashi ndese eremae diez nae, mbia rerecua diez rã sí chỗ ũquĩ nde. Mbia rerecua eã ño ũquĩ namo nde. Emo mose quia ra mbia rerecua cote. Ererecua mbiri ño ndae. Icuã ndese quiatu ra ererecua. 13 Hue rī sí tuchi ra ũquĩ ererecua ndua ndua. —Ererecuară no icuă je, i ja ra uqui ererecua. Uquiracua nda emee ja icuã je. 14 Ũquĩ nda pelear i ja Cristo rese cote. Cristo quia ra i tuchi ũquɨ ja sɨ. Ae quia mbia rerecua tuchɨ re. Ae quia equiracua tuchɨ mbia mo si re. Ae siqui Cristo rese nae, Cristo chiirabo cho uqui nde. Etura tuchi cho ũquĩ Cristo je re, i que ángel seje cuu ra.

¹⁵Ñee si que seje ra. —Ae ama ndisha rese eremae mar nae, ae ji cuña icuã ñi ngoi nae, mbia chumumbara rã sí chỗ ũquĩ nde. Mangue chooñoa jenda ja rã ño ũquĩ nde. Sucha tubiriã jenda ja rã ño ũquĩ nde. ¹⁶Erambashĩ diez rese que eremae nae, mbia rerecua diez na sí chỗ ũquĩ nde. Ũquĩ nda cuña icuã ucuãyãte cote. Ũquĩ nda cuña icuã secha icuã cote. Erete checua ra esecha cote. Eroo ra eu. Erete ra esei tata je cote. ¹⁷Dios que ñee nyii ra. —Mbia rerecua icuã tuchi ra cuña icuã je, i que Dios nyii ra. Echeẽ ndui sí ra eicuã icuã cuña icuã je cote. Dios que eicua nyii ra. Hue rĩ sí ra ũquĩ ererecua diez ndua. Umbae ra emondo ja icuã je. Icuã mii nda mbia rerecuarã ja cote. Aque mose ra Dios cheẽ ique. ¹⁸Cuña icuã ndese ereico mae nae, sucha tubiriã na si chỗ aque cuña nde. Hue sucha rei ererecua tuchi sucha ataque si. Mangue chooñoa jenda rerecua ja rei hue sucha, i que ángel seje ra.

Babilonia jenda ra mbae rasi saã tuchi

18 ¹Aquere que amae ángel mo ndese ra. Nguichi que u quia ibei si ra. Equirãcuã tuchi que ra. Enininya tuchi que ra. Ibi resae tuchi que eu quia ra. ²Angel que ñeemombo mombo tuchi ra. —Sucha tubiriã Babilonia jenda que ngoi ja cote ra. Mbia tiãte que huee cote ra. Aba checuayã icuã achỗ no chi nguiã hue cote. ³Hue sucha tubiriã Babilonia jenda que mbia mbiicuã jate quia ra. Mbia mbui mbui tuchi que equia Dios si ra. Ubi icuã achỗ ndese chỗ ngue eriqui ndua tuchi ra. "Ūquĩ na nda se chã" i ja ja que equia mbae ja je ra, i que ángel ñee cuu ra. ⁴Ibatenda mo ngue ñee cuu ra. —Ae serimba jemo nae, hue si jenyao. Ĭ

nda hue jenda chisaã icuã jesaã eã je abe. Î nda mbae rasi jesaã eã je, hue jenda mbae rasi raã mose. 5Hue jenda que mbae icuã saã saã tuchite quia ra. Dios tesareiate quia hue jenda icua si co. 6 Hue jenda que mbia ataque mbasi mbasi tuchi quia ra. Ūqui si ra mbae rasi saa tuchi cote. Dios ra mbae rasi saanguquia i i tuchi quia ee cote. 7Hue jenda que ucuasu saã saã tuchi quia ra. Ubi acho ndese cho ngue eriqui ndua ra. "Co ai aico turãte co. Mbae rasi tu aroneate seje", i ja jate rei que equia ra. Nyebe ra Dios mbae rasi saanguquia tuchi ee cote. 8 Aque mose tuchi ra mbae icuã tu tuchi ũquĩ mbua cote. Mbae rasi icuã nda esaã tuchi. Eriãcuã ndasi tuchi ra cote. Echuchua ra oquiei ja. Mbia ra mano ja. Dios quiatu ra mbae icua saanguquia tuchi mbia je eicua nii cote. Dios quiarei equiracua tuchi, i que ángel ñee cuu ra. 9Ae ererecua mbae icuã saã nguia Babilonia jenda rese nae, ũquĩ ia eã tuchi ra erese cote. Nyeseo tuchi ra erese mbae rasi raã tuchi mose. Echuchua oquiei rese mae mose. 10 Isho chỗ nda echi mae mbae rasi raã ndese. Esiquichete quia ñene. Ñee nda ee mbae rasi raã mose. —Ureya eãte riqui jendese ã. Babilonia sucha tubiriã jenda rei ngue je nyii re. Sucha ea tuchite que jenyuchu a cote ra. Mbae rasi tu asi chốchĩ nguia jẽje ã, i ra maesa erese ñee ee. 11 Comerciantes mangue chooñoa jenda ja abe ra eya eãte, Babilonia jenda mbae rasi raã mose. Nyeseo tuchi ra erese. Mbia quia nda embae isi eate nguia cote. Nyebe ra eva eãte cote. ¹²Ã je nda vender i nguiã ña:

```
oro
  plata
  sita ñete aba queteamba huirã
  perlas
  tiru turã tuchi
  tiru ireĩ
  tiru seda
  ira sɨmbu turã mo
  marfil ao ji
  ira turã ao ji
  bronce ao ji
  hierro ao ji
  sitashī ao ji
13 canela
  aba mbushimbusa
  perfumes
  tuchua mbusimbusa
  vino
  mbae quira
  mbae cui
  trigo
```

ovejas caballos ira nambacua mbia nimba

Ũquĩ ja je nda vender i nguiã ee chã.

¹⁴Mbia ra ñee Babilonia jenda je cote. —Ae mbae jenyoseɨte quia nae, ũquɨ mo nda tu ãte jēje cote. Jembae tubɨriāte riqui nyii nae, ũquɨ mo nda jendecoã cote, ɨ ra mbia ee cote. ¹⁵Ae ã mondo mondo quia vender ɨ Babilonia jenda je nyii nae, ũquɨ abe ra chɨ mae isho erese no. Esiquichete ra chɨ mae mbae rasi raã ndese. Nyeseo ra erese. ¹⁶Ñee nda Babilonia jenda je. —Ureya eãte riqui jendese ã. Babilonia sucha tubɨriã jenda rei ngue jẽ nyii re. Sucha eã tuchɨte jenyuchua cote. Jēɨrao turã tubɨriāt e rei ngue nyii re. Oro ao ji tubɨriāte rei ngue adornos jembae nyii no nde.

17 Jembae ua asi chốchĩ jẽ mbae rasi raã mose, i ra ee. Ae comerciantes nyoi choi quia canoa ye nae, ae nyoi choi quia barco ye nae, ũquĩ nda chi isho mae Babilonia jenda mbae rasi raã ndese. 18 Babilonia sucha tubiriã oquiei mose ra ũquĩ nyi isho mae erese. —Sucha tubiriã tuchichĩ Babilonia. Babilonia na eãte emo, i ra nyeseo sucha tubiriã oquiei mose Babilonia jenda. 19 Ibi tuba ra emombo mombo uãquĩ ndese. Nyeseo tuchi rae. Sucha tubiriã oquiei mose Babilonia jenda. Ñeemombo mombo ra Babilonia jenda je. —Ureya eãte riqui jendese ã. Mbaechate que jẽingochĩ nyii ra. Ure abe que mbaechate ureico jenii nyii no nda. Mbae ua asi tuchi chốchĩ co mose cote, i ra ñee Babilonia jenda je. 20 Babilonia sucha tubiriã ua mose ra ibatenda iate cote. Jesús chimbaaquiatu abe ra eya cote. Ae Dios cheẽ senei senei quia nae, ũquĩ abe ra eyate cote. Dios quia ra mbae rasi mondo tuchi Babilonia jenda je uquiato riĩ.

²¹ Angel quirăcuã mo ndese que amae cuu ra. Sita cuasu mo ngue esui mombo ama ndisha ye cuu ra. Ñee ngue cote ra. —Ei nda Dios sucha tubiriã Babilonia mombo. Sã sita amombo ama ndisha ye no. Sucha tubiriã eã mbei ra Babilonia cote. ²²Nyebe ra mbia música saã eã mbei huee cote. Mbia ra irasei rasei eã mbei huee cote no. Mbia ra nyuao eã mbei mbae rese huee cote. Mbia ra mbua tocho eã mbei huee cote no. ²³Lamparina mo nda mbae tesae eã hui huee cote. Emo nda ngũinisirã isiã mbei huee cote. Mbia mbaecha hue jenda que aba chiicuate riqui nyii ra. Hue jenda que mbia ataque mbiirī i rī jate rei quia brujería je nyii no nda. ²⁴Hue jenda que Dios quiato iquia iquia bei quia ra. Dios cheë mbuchecuasa que eiquia iquia tuchi quia ra. Nyebe ra Dios mbae rasi raanguquia tuchi hue jenda je cote.

19 ¹Aquere que mbia cheẽ tubɨrɨāte achandu ibate cuu ra. Ñeemombo mombo que ñee turã Dios je ra.

Dios turã tuchite riqui mbia je co. Dios ae riqui mbia rirõ eicuã si co. Dios ae cho equiracua ndiqui nguia co.

² Ae siqui sereãte quia Dios rese nae, ũquɨ nda Dios mbasi.

Mae tuchi ra erese embasi nonde.

Sã Dios mbae rasi saanguquia cuña icuã je namo no.

Aque que siqui siqui jate quia mbia rese ra. Mbia mbiicuã icuã ja.

Ae que Dios quiato iquia iquia quia no nda. Nyebe Dios embasi nguiã cote, i que ibatenda cheẽ tubiriāte cuu ra.

³Aquere que ñee si ra. —Dios turã tuchi riqui mbia je co. Cuña icuã ndiqui oquiei beite hue, i que ñee nda. ⁴Aquere que veinticuatro amei ñee turãte Dios je cote ra. Mbae reco cuatro rese. Ngoi que ngũíã ndese Dios nonde ra. Dios chĩ mose ngoi umbae trono tose. Ñee turã ngue Dios je ra. —Amén. Dios turã tuchi riqui mbia je co, i que ñee turã Dios je ra. ⁵Emo ñee ngue achandu ibate ra. —Ae Dios quiato jẽ nae, jeñee turã ja eriĩ. Ae Dios cheẽ jemumba eãte quia jẽ nae, jeñee turã ja eriĩ no. Ae ecuasu nae, ae eñetẽ nae, jeñee turã ja chỗ nguia eriĩ, i que ibatenda mo ñee cuu ra.

Jesús quiato ra quiaru erese ibate

⁶Mbae mo ndieu que achandu cote ra. Iãcuã ndieu rã. Ama sieu rã. Mbia tubɨrɨã ñee ño ndei ngue re. Ã ño ngue mbia ñee nguiã:

Dios turã tuchi riqui mbia je co.

Equiracua tuchite riqui co.

Ae riqui mbia rerecua tuchi co cote.

⁷ Nandechimbia tuchi quia erese jẽ.

Nandecheẽ turã no nguia eriĩ jẽ.

Jesús ra uquiato isi bei cote.

Sã emo ndiqui ngũinisirã isi bei no.

Sã eninisi icoquiatu ngurã ndaarõ arõ no.

8 Sã eninisi tirushĩ turã mingue eru eisi bei nonde no.

Eĩ si ra Jesús uquiato isi cote, eru ngũinisirã isi rã,

i que ibatenda ñee cuu ra. Tirushĩ turã ndei Jesús quiato reco turã na.

9Angel que ñee seje cote ra. —Co embesa rã: "Jesús ngũinisirã isi raanguia chỗ nda esaã uquiato je ibate cote. Ae je ra ñee 'jenyu serese quiaru' i aque mose nae, Dios turã tuchi ra ũquĩ je", ere embesa mi, i que ángel seje ra. —Dios cheẽ tuchi chỗ ũquĩ nde, i que ángel seje ra. ¹¹0Senia ndese que acoi rei ángel ndésaa ra. Adorar i sacuã ee. Angel que ñee ño seje ra. —Adorar erechĩ nda seje jẽ. Dios rimba chỗ se re. Nde rã sí. Ndequiato rã sí. Ae siqui tuchi quia Jesús rui nae, ũquĩ mo na ño se re. Dios mii je chỗ adorar ere. Ae Dios cheẽ senei senei nguia mbia je nae, Jesús mbuchecua sacuã mbia je chỗ ũquĩ nde, i que ángel seje ra.

Ae siqui caballoshĩ átoo

¹¹Ibei que obo seje cuu ra. Caballoshĩ mo ndese que amae huee ra. Emo ngue chĩ eátoo ra. "Ñee ñooñosa reã" i que aque je ra. Ererecua turãte

que ae ra. Ae que guerra saã saã nguia mbae turã ndiquisã quisã nda. ¹²Tata rã tuchi que eresa ra. Corona tubiriãte que eãquĩ ndese ra. Embae nombre mbesa ji que chĩ ndei ra. Mbia mo ngue embae nombre icua eãte quia ra. ¹³Eirao mondo ji eruqui ye que equereco ra. "Dios cheẽ" i que embae nombre ra. Jesús chō eriqui reaē. ¹⁴Ejército ibatenda que nyoi jate erui ra. Eiraoshĩ turã achōte que nyoi erui ra. Caballo átoo que echoi quia erui ra. ¹⁵Ae rui ejército nyoi nae, aque que tiquise mo nguereco uchúruu ra. Ae teã teã nguia Dios je nae, ũquĩ mbasi sacuã ño tiquise rerequia nguiã uchúruu aque. Ae ra mbae rasi saanguquia tuchi Dios quiato eã je cote. Dios ra paama i tuchi mbia je aque mose. Mbia quia siqui sereãte nguiã Dios quirãcuã ndese. ¹⁶Ae chĩ caballo átoo nae, aque irao rese que embesa ji ñi nda. Eu rese abe que embesa ji ñi nda. ERERECUA TUCHI i que embesa ji huĩ nda.

¹⁷ Angel mo ngue chĩ juã tenda re cuu ra. Urubu je que eñi ñeemombo mombo ra. Ae mbebe ja quia. —Jenyu ja quiaru. Dios ra jembuquiaru ja tuchi cote. ¹⁸Mbia chumumbara roo ra jeu cote. Mbia rerecua roo. Soldados rerecua roo. Mbia quirãcuã ndoo. Caballo roo abe no. Caballo ato jenda roo abe no. Mbia cuasu roo abe no. Mbia riirī ndoo abe no. Ae ererecua riqui nae, ũquĩ ndoo abe no. Ae ererecua eã ndiqui nae, ũquĩ ndoo abe no. Ũquɨ ndoo ra jeu ja cote, i que ángel urubu je ra. 19 Icuã ndese que amae cote ra. Mbia rerecua tubiria ndese uquiato rese. Ejército tubiriate que chi erese ra. Ũqui numunu a no nguia eicua icua nonde Jesús je reae. Ae siqui caballoshi átoo, aque je. Jesús rimba soldados je abe no. ²⁰ Jesús que icuã isi tarõ nda. Dios chee nenei ñooñosa abe no. Aque chõ mbia mae sayã saã saã ño nguia icuã ndeco mose nyii reae. Aque cho mbia mbiiri iri nguia reae. Ae mbia marca quereco quia icua mbae nae, ũqui mbiiri iri no equia reae. Ae adorar i quia icua naanguia mbae ao ji je nae, ũquɨ mbɨɨrɨ ɨrɨ ño equia reae. Nyebe Jesús icua mombo nguia tata cuásuu cote. Dios chee nenei ñooñosa rese. Azufre rese eriqui sendi hue. 21 Jesús que icuã nimba iquia ja cote ra. Ae equereco quia tiquise uchúruu nae, aque je que eiquia ja cuu ra. Urubu ja que eroo u tuchi quia ra.

Dios ra Satanás taro mi mil años

Aquere que amae ángel mo ndese cuu ra. Nguichi que u quia ibate si ra. Cadena cuasu que equereco ra. Llave abe que equereco ibicua mbuquiata sacuã nda. Abismo i equia hue ibicua je. Angel que dragón isi nyucua ra. Satanás, i que equia dragón je ra. Mbei ima, i abe que equia ee ra. Diablo, i abe que equia ee no nda. Aque que ángel nyucua mil años cuu ra. Angel que dragón mombo ibicua ye ra. Tarõ ngue llave je huee ibicua ye ra. Eiquesa que ematã nda. Î nda dragón mbia mangue chooñoa jend a mbiirī irī si eã. Mil años ua mose, ángel nda embui mbirī na mondo.

⁴Jesús quiato iquia ji rese que amae nda. Ae ãquĩ mbia nyisia sia quia Jesús riĩ. Mbia rerecuarã tuchɨ que ũquĩ cuu ra. Siqui eãte quiatu ngue icuã ndese re. Icuã naanguia mbae ao ji je abe que eriqui adorar i ãte ra. Icuã mbae marca abe que equerecoãte quia nguba rese no nda. O abe rese. Ũquĩ ndaaque que quera si cuu ra. Cristo que emiɨ ererecuarã mil años nda. ⁵ Ũquĩ ndei mbia quera je rane ũquĩ. Mbia raaque ataque que quera eã aque mose ra. —Mil años ua mose ra Dios mbia ataque mbuquera cote, i que seje cuu ra. ⁶ Ae rane nda Dios mbuquera nyii nae, ũquĩ ia tuchɨ rae. Dios quiato tuchɨ chõ ũquĩ nde. Ũquĩ nda nyoɨ eã mbeɨ tata cuasu. Siqui beɨ ra Dios rese. Cristo abe rese. Ererecuarã mbeɨ ra eriqui Cristo rese mil años.

7Mil años ua mose, Dios ra Satanás mbui sí mondo ibicua si. 8Satanás nda mbia mangue chooñoa jenda mbiirî irî ja quia cote. Gog abe mbiirî irî. Magog abe mbiirî irî no. Dios quiatoã ja mbiirî irî. Etubiriã tuchite ũquĩ. Satanás nda ũquĩ munua nua ja quia. Guerra raã naa sacuã Dios je. 9Mbia tubiriã tuchi ra Satanás munua nua nguia ibi jenda ja cote. Ũquĩ nda Jesús quiato mama tuchi cote. Jerusalén ab e mama tuchi rae. (Dios nduasa tuchi chō Jerusalén nde.) Dios ra tata mbu ibei si cote. Tata ra ũquĩ sei ja cote. ¹¹Diablo quiatu nda mbia mbiirĩ irĩte nguiã. Nyebe ra Dios emombo tata cuásuu cote. Ae eriqui icuã mombo. Ae eriqui icuã naanguia mbae ao ji abe mombo. Ũquĩ nda siqui bei huee tata cuásuu. Tata sendi quia azufre mumbara. Mbae rasi ra esaã saã mbei huee. Nyaashĩ mose. Isa abe chee. Usẽ eã mbei ra hue si.

Dios mbia uquiatoã mbasi mose

11 Mbae mo ndese abe que amae cuu ra. Dios que chi ngoi trono tose ra. Trono cuasu tuchi que ra. Eshi ngue ra. Mbae que ucha ja Dios si aque mose ra. Ibi jenda. Ibei jenda abe no. —Tachimi Dios si, i rei que mbae ja ra. 12 Amae ngue mbia raaque rese ra, ae mano ndei quia nyii. Mbia cuasu rese. Mbia riiri abe rese. Chi ja que júa Dios resa rae cuu ra. Emo ngue libros ata equia ra. Libro nongue abe que eequia ra. Ae mbia ra siqui bei nae, üqui mbae nombres que chi aque libro rese ra. Ae mbia saa saa nguia mbae nyii nae, üqui mbesa mbesa ji qu e chi üqui libros rese ra. Dios que mbia chisaa mbuchecha checha cote ra. Embasi sacua. 13 Ae mbia mano ama ni nae, üqui ja que chi ra. Ae mbia mano íbii no nae, üqui abe que chi ja no nda. Ae mano mano mangu e chooñoa jenda nae, üqui abe que chi ja no nda. Dios que üqui nyisaa mbuchecha checha ja cuu ra. Embasi sacua. 14 Aquere ra mbia mano ea mbei cote. Dios quiatoa nda siqui bei tata cuásuu no. 15 Ae embae nombre mbesa iriate aque libro rese nae, üqui ngue Dios mombo ja tata cuásuu seje cuu ra.

Dios ibi mbiasu, ibei abe

21 Aquere que amae mbae yasu rese cuu ra. Ibei yasu rese. Ibi abe yasu rese. Ibei ñiinda quiachã ño nguia reae. Ibi ñiinda abe no.

Ama ndisha mo eãte que cote ra. ²Se rei Juan. Mbae que nguichi u quia ibate si seje cuu ra. Jerusalén yasu chỗ nguichi u quia seje cuu reaẽ. Dios recua. Mbae mbuturã ji jate que ra. Sã emo ninisirã quiche riqu i ngurã je no. ³Ibatenda mo ngue ñee cuu ra: —Sã jẽ. Sã Dios riqui mbia mumbara co cote jẽ. Siqui bei ra equia erese. Mbia rerecua turãte ra eriqui ee. Erimbarã tuchi ra mbia cote. ⁴Dios ra mbia mbia tuchi cote. Mbia mo nda manoã tuchi cote. Emo ndasíã nda cote. Emo nda nyeseo eã cote. Emo ia eã eã nda cote. Cose ndare rã eã nda mbae cote, i que ibatenda ñee cuu ra.

⁵Dios que ñee cote ra: —Sã jẽ. Sã aico mbae mbiasu jate co jẽ, i que ra. —Ã secheẽ embesa ja rã. Ae riĩ aico ñee nae, ũquĩ nda asaã ja, i que ñee seje ra. ⁶Ñeembe que seje ra: —Equiche que eno. Co aico beite querabe co. Mbae eã mose abe que aico se rane nyii ra. Mbae ua ja mose abe ra aico bei querabe no. Emo isei mose, i turã nda amondo ee. I mbia mingo beisa ra amondo ee. "Mbae embu i ribishorõ", ae eã nda ee. ⁷Ae "qui jẽ" i quia Satanás je nae, ũquĩ je ra mbae turã ja amondo. Ũquĩ nderecua tuchi ra se. Seriirĩ tuchi ra ũquĩ. ⁸Ã ja ra nyoi tata cuásuu: Esiquiche. Jesús icuasa reã. Mbia nyaba chaba reã. Mbia iquiasa. Ae siqui chooñote quia emo ninisi rese. Ae brujería saã saã nguia. Ae siqui quia Dios abareã ndese. Ae ñee ñooño nguia. Ũquĩ ja ra nyoi tata cuásuu. Huee ra tata rasi raã mbei. Asufre mumbara, i que ra.

Jerusalén yasu

⁹Ae siete ángeles mbae rasi quereco mbae riru ye nae, ũquĩ mo ndese que amae cuu ra. Ñee ngue seje ra: —Quiatuchu. Mbae tateacuquia ndeje. Jesucristo ninisirã tateacuquia ndeje, i que seje cuu ra. ¹⁰Aque ángel que sererao ibi ibátee mo cuu ra. Huee que mbae nguichi u quia ibate si seje cuu ra. Jerusalén yasu cho nguichi u quia seje cuu reae. Dios recua. Sucha cuasu. ¹¹Jerusalén yasu nininyate que ra. Dios nininya rã si. Sita rendi rã no ngue etura nda. Eibera tura no ngue ra. ¹²Etaronda que sucha cuasu mama ja hui nda. Muralla, i que etaronda je ra. Eicoi tuchi que ra. Ibate tuchi que ra. Doce que eiquesa ra. Angel mii ngue chi eiquesa raaro ja ja ra. Embesa mbesa ji ja que eiquesa ra. Doce tribus mbae nombre que chi jaaja eiquesa rese ra. ¹³Eiquesa tres que chi tenda chuisa quiti ra. Tenda sosa quiti tres no. Norte quiti tres no. Sur quiti tres no. ¹⁴Doce sita cuasu que chi muralla qui ni nda. Etaronda irã. Doce apóstoles mbae nombres mbesa ji que chi ũqui sita rese ra.

¹⁵ Angel que uu mo nguereco oro ao ji ra. Dios recua mbuchecha sacuã.
Eiquesa abe mbuchecha sacuã no. Etaronda abe mbuchecha sacuã no.
¹⁶ Angel que Dios recua mbuchecha uu je ra. Cuadrado tuchi que Dios recua ra. Eoco que 2,200 kilómetros ra. Eicoi que 2,200 kilómetros no nda. Ibate quitinda abe que 2,200 kilómetros no nda. ¹⁷ Angel que

muralla abe mbuchecha ra. Sesenta y cuatro metros que eicoi ra. Sã mbia riqui mbae mo mbuchecha no. Eĩ sí que ángel muralla mbuchecha no nda. ¹⁸Oro ao ji rei sucha cuasu. Eibera tuchi que ra. Muralla rei sita ao ji. Jaspe ao ji. Aba queteamba tuchi rei jaspe. ¹⁹Sita cuasu chi quia muralla irã nae, ũquĩ arõ ngue sita ñetẽ nininya chiichi ja ra. Embarõsa chō ngue ũquĩ nde. Jaspe mbitee ji rane ngue ra. Zafiro mbitee ji que chĩ jaspe arõ cote ra. Agata mbitee ji que chĩ cote ra. Esmeralda abe no. ²⁰Onice. Cornalina. Cristólito. Berilo. Topacio. Crisoprasa. Jacinto. Amatista. Ũquĩ ja sita ñetẽ nininya que chi ja ja sita cuasu arõ nda. ²¹Eiquesa riquisã jate que perla ao ji chi ra. Perla mii mii ja que chĩ eiquesa riquisã nda. Oro ao ji que calle mbite renda ra. Oro ao ji achō ngue ra.

22 Dios chuchua templo mo eãte que huee ra. Mbia quiatu que ñee mbei quia Dios je mangue chooñoa nda. Jesucristo abe je. 23 Tenda eãte abe que eriqui Dios récuaa seje cuu ra. Nyasi eãte abe que seje cuu ra. Dios nininya ae chô ngue mbae tesae ja quia ra. Jesucristo nininya abe no. 24 Dios nininya ra uquiato tesae ja ino huee. Mangue chooñoa jenda ja. Mbia rerecua ra ñee turã turã ja Dios recua rii cote. 25 Dios recua chiquesa tarô iriã mbei rae. Itondaru eã mbei ra huee. 26 Mbia mangue chooñoa jenda ja ra ñee turã turã Dios recua rii. Mbae turã ja ra chi huee. 27 Mbia icuã nda iqueã mbei huee. Mbia mbiiri irisa abe ra ique eã mbei huee no. Ae embae nombre mbesa ji Jesucristo mba e libro rese nae, ũqui achô ño nda ique Dios récuaa.

¹Angel que ama mo abe teacuquia seje cuu no nda. Mbia mingo beisa que aque ama nda. Ama ndiibera tuchi que ra. Dios mbae que aque ama nda. Jesucristo mbae abe no. Sucha tubiriã ite rĩ ngue iãcuã irãtã mo ñi nda. ²Ama nimia nguiti ja que ira ñi nda. Mbia mingo beisa que ũquĩ ira ra. Ũquĩ ngue ia beite quia doce veces en el año nda. Nyasi mbuchecha quiatu bei que eriqui ia ia bei ra. Ũquĩ iraro que mbia chumumbara mbucherõ cherõ tuchi quia ra. ³Mbia rasi eã mbei ra huee cote. Dios ra siqui tuchi huee. Jesucristo rese. Cordero, i equia ee. Erimba ra ñee turã mbei quia ee huee. ⁴Mae mae ja ra Dios ruba rese. Dios mbae nombre mbesa ji ra equereco nguba rese ja ja. ⁵Itondaru eã mbei ra huee. Tenda aroneate huee. Tata abe aroneate huee no. Dios nininya ae chỗ nda mbae tesae ja huĩ nguiã huee. Ererecua turã tuchi ra Dios quiato ja huee.

Achite Jesús ñi tu a cote

⁶ Angel que ñee seje ra: —Acheẽ ñooño eã ño nguiã co. Ae rɨɨ aɨco ñee nae, ũquɨ nda Dios saã ja. Sã Dios ucheẽ mbuchecuasa mondo mbia je cose no. Eɨ sɨ que sembu namo no nda. Ae ra nyecua namo jiri nae, ũquɨ ndeacuquia sacuã mbia je chỗ ngue sembu nguiã. 7"Se ra achu jeɨ", ɨ que Jesús ra, ɨ que ángel ñee seje ra. Ae ra ã mumba eã Dios cheẽ mbesa ji nae, ũquɨ ia tuchɨ rae.

8Se rei Juan. Ã ndese que amae nda. Ã ngue achandu no nda. Aque ángel ã teacuquia quia seje nae, aque jii que acoi rei senia ndese ra. Adorar i sacuã ee. 9Ñee ngue seje ra. —iAdorar erechĩ nda seje jẽ! Dios mii je chỗ adorar ere. Dios rimba chỗ se re. Nde rã sí. Ndequiato rã sí. Ae Dios cheẽ mbuchecua checua quia nae, ũquĩ na si. Ae ã mbesa ji mumba eate quia nae, ũquĩ na sí, i que ángel ñee seje ra.

¹⁰ Angel que ñee si seje no nda: —Ae erembesa co libro nae, ũquĩ nda erembuchecuayã cuayãchĩ mbia si jẽ. Eteaquiatu ee. Ae riĩ erembesa nae, achite eñi tu a cote. ¹¹ Sã mbia icuã mbae icuã naa naa ño na. Ae siqui quia mbae rondei rese nae, sã eriqui rã erese. Ae siqui quia mbae turã ndese nae, siqui i i tuchi ra mbae turã ndese. Ae siqui Dios rese nae, siqui i i tuchi ra erese cote, i que ángel seje ra.

¹²Jesús que ñee nda: —Achu jei ra se. Ae mbae turã saã saã nguia nae, ũquĩ je ra mbae turã aru. Echisaã na sí. ¹³Co aico beite querabe co. Mbae eã mose que aico se rane nyii ra. Mbae ua ja mose abe ra aico bei querabe no, i que Jesús ra.

14 Ae echiã irei ji Jesús ruqui je nae, ũquĩ ia bei ra eriqui. Eirao ituquia jí na ndei echiã irei jí. Ũquĩ nda ique Dios récuaa. Siqui turã mbei ra equia huee. 15 Dios quiatoã nda iqueã huee Dios récuaa. Ae brujería saã saã nguia nae. Ae siqui chooñote quia cuña mo ndese nae. Ae mbia iquia nae. Ae siqui quia dios mbuae rese nae. Idolo rese nae. Ae mbia mbiirĩ irĩ nguia nae. Ũquĩ mo nda iqueã tuchi Dios récuaa.


¹6 Jesús que ñee nda: —Angel serimba que amondo ra. Ã nenei nenei sacuã iglesias ja je. David i chõ se re. David nducucha chõ se no nde. Nyasitata nininya rã ño se re, ɨ que Jesús ra.

¹⁷Espíritu Turã ndiqui "quiatuchu" i co. Jesús ninisirã abe riqui "quiatuchu" i co no. Sã secheẽ andusa abe "quiatuchu" i. Emo isei mose, sã ecuaẽ i mbei Jesús mbae. I mbia mingo beisa ra Jesús mondo ee. Embei mose, siqui bei rae. —Mbae embu i ribishorõ seje, i eã nda Jesús ee.


¹⁸ Ae ã ñandu quia Dios cheẽ co libro resenda nae, ũquɨ je tacheẽ tuchɨ: Emo co libro resenda mbirõ mose emo ñee je, Dio s ra ũquɨ mbasi tuchɨ. Ae mbae rasi chɨ ja co libro rese a nae, ũquɨ nda esaã ja tuchɨ. ¹9"Dios cheẽ eã ño co re", ɨ mose co libro resenda je, ũquɨ abe ra Dios mbasi tuchɨ. Ũquɨ nda Dios mingo beɨ eã nguécuaa.

²⁰ Jesucristo cheẽ ño ã nde: —Achu jeɨ ra se, ɨ equia co. Amén. Echu cote, Jesucristo.


²¹ Jesucristo rei nandererecua. Sã uturã mondo tuchi jēje. Amén.




PRIMER VIAJE MISIONERO DE PABLO



SEGUNDO VIAJE MISIONERO DE PABLO




TERCER VIAJE MISIONERO DE PABLO




VIAJE DE PABLO A ROMA

El Templo en el tiempo de Jesucristo



Plano del Interior del Templo



- 1. La Mesa y los Panes de la Proposición
- 2. El Candelabro
- 3. El Altar del Incienso
- 4. El Velo
- 5. El Arca del Pacto
- 6. Los Querubines

